







# Les Memoires de

MESSIRE PHILIPPE DE  
Cōmines, Cheualier, Seigneur d'Ar-  
genton : sur les principaux faicts, &  
gestes de Louis onzième & de  
Charles huitième, son fils,  
Rois de France,

*Reueus & corrigez par Denis Sauuage de Fon-  
tenailles en Brie, sur vn Exemplaire pris à l'o-  
riginal de l'Auteur, & suyuant les bons Hi-  
storographes & Croniqueurs:*

Auec distinction de liures, selon les matieres, estans  
aussi les chapitres autrement distinguez que par cy  
deuant, &c, brief, le tout mieux ordonné: ainsi que les  
Lecteurs pourront voir par l'auertissement à eux  
adressé, apres l'Epistre au Roy.



• Auec priuilege du Roy.

*On les vend à Paris par Jean de Roigny, libraire inué  
de l'Vniuersité, demourant en la rue S. Iaques, à  
l'enseigne des quatre Elemens, pres S. Benoit.*

1 5 5 2



*4. 7. M. 13*



Priilege du Roy.

 **Enry**, par la grace de Dieu Roy de France,  
au Prenost de Paris, Baillif de Rouen, Seneschal de Lion, & à tous noz autres  
Iusticiers, Officiers, ou à leurs Lieutenans, salut. Galiot du Pré, Libraire  
iuré en nostre Vniuersité de Paris, nous a fait dire que, puis quelque temps en ca, il a, à grâds  
frais, recourré vne Copie, escripte sur l'original de feu messire Philippe de Cōmines, en son  
vivant Cheualier, Seigneur d'Argenton, contenant les Histoires que ledit Seigneur au-  
roit escriptes des faictz & gestes des feuz Roys Louis onzième, & Charles huictième, que  
Dieu absolve: lesquelles Histoires ledit du Pré auroit fait corriger & diuiser par liures &  
chapitres. ce qu'il feroit volontiers imprimer: mais il doute qu'après les frais, qu'il conuien-  
dra faire, tant pour le papier, que pour la correction & impresion desdictes Histoires, au-  
tres Libraires les voulsissent faire imprimer sus ses Copies & corrections, & par ce moyen  
le frustrer de ses labeurs & impenses, s'il ne luy estoit par nous pourueu de remede conue-  
nable, humblement requerant iceluy. Pourquoy nous, ces choses cōsiderees, inclinans à la  
requeste & supplication dudit du Pré, desirâs tous bons liures mettre en euidēce pour l'vtilité  
publique, à iceluy auons permis & octroyé, permettons & octroyons, par ces presentes, im-  
primer, faire imprimer, & vendre, durant le tēps & terme de six ans apres ensuyuâs, lesdi-  
ctes Histoires: durâs lequel tēps il les pourra faire imprimer tant de fois qu'il voudra, sans ce  
que, pendant le dict temps de six ans, aucuns Imprimeurs & Libraires, ny autres quelz con-  
ques, les puissent faire imprimer ne vendre en noz Royaume, Pais, Terres, & Seigneuries  
sans le vouloir & consentement dudit du Pré. Si vous mandons, & commandons  
par ces presentes, & à vn chascun de vous endroict soy, & sicomme à luy appartiendra, que  
de noz presens grace, permission, & octroy vous faictes, souffrez, & laissez le dict du Pré  
iour & vser plainement & paisiblement: en faisant, ou faisant faire, inhibitions & deffen-  
ses, de par nous, à tous Marchans, Imprimeurs, Libraires, & autres quelz cōques, sur gran-  
des peines à nous à appliquer, & de perdicion des liures, & de tout ce qu'ils y mettrōt, d'im-  
primer, faire imprimer, ne vendre, les Histoires susdictes, sur la Copie du dict du Pré, sans  
son vouloir & consentement. Car tel est nostre plaisir: nonobstant oppositions ou appellacions  
quelz conques lesdictes inhibitions & deffenses tenans. Donne à Paris le trezième iour  
de Iuliet, l'an de grace mil cinq cens cinquante deux, & de nostre regne le sixième.

Signé De Courlay.

20 Au Treschrestien Roy Henry,  
second de ce nom.



L y a desia pres de sept ans, Sire, que l'apperceuance que i'eu du contentement que receultes en ce que ma traductiō des Histoires de Naples fust cōmuniquēe à la veue de chascun François sous l'appuy & soustenemēt de vostre hauteſſe, fut de telle vertu que, postposant quelques autres exercices de plus grand gaing particulier, me résolū de continuer en la lecture des Historiens: à fin que, par tel moyen, ie donnasse, à l'auenir, chose qui apportast quelque plus grād plaisir & profit à tous les Seigneurs & peuples de Frâce, suyuant ma promesse, pour lors adioustee au commun deuoir de profiter à la patrie. Quoy faisant la Diuine bonté m'a tant presté de ses graces, que i'ay entierement extrait, de tous tels bons Auteurs, ce qu'ils ont escript de vostre païs des Gaules & de voz predecesseurs Roys: tellement que i'eusse maintenant esté prest à vous en presenter vne assez bonne partie, en stile parauanture non indigne de telle matiere, si la pitié, que i'ay eue de Philippes de Commynes, le plus excellent de voz Historiographes François, voire egal aux meilleurs de toutes autres langues, m'eust permis le voir si longuement tant corrompu qu'il estoit, au grand deshonneur de nous autres enuers les estrāgers: qui depuis quelque temps, l'ont mieux eu en Latin & vulgaire Italiē, qu'en son propre naturel. Si i'ay donc entrelaissé ma principale entreprinse, le voulant remettre en son entier, ie supplie tres humblement vostre debonnaireté, Sire, autoriser encores que i'aye vacqué à œuvre tant necessaire & honorable à la nation Frāçoise: à ce que tous ceux, qui par-cy-apres en sentiront les commoditez, ayent à remercier vostre maieſté (à qui Dieu vueille donner tout bon accroissement) sous l'autorité de laquelle ce bien leur est fait par l'un de voz plus-que-treshumbles & tresobeïssans subiects & seruiteurs



DENIS SAVVAGE.





**L'**Estime tant de la vniuersité de voz sains iugemens, de bons Lecteurs, que ie me tien tout assuré que ne trouuerex aucunement estrange qu'ayons chargé l'ancien tiltre de ce present volume, incontinent qu'aurez entendu, pour nos raisons, que le pere mesme en a esté le parrain (comme l'on dit communément) le nommant Memoires, ainsi que nous, en plusieurs & diuers passages, que trouuerex en lisant. Qui fait que ie passeray legerement ce point, pour vous dire que ce, qui m'a mené de le distinguer par liures, a esté que le subiect y estoit entierement disposé (comme pourrez voir par les sommaires de chascun d'eux, apposez à la fin de ceste epistre) que la dignité de l'histoire en pouuoit estre mieux gardée, & le tout mieux entendu. Vray est que iesembleray auoir fait aucunement cōtre l'entente de l'Auteur: veu qu'il ne fait qu'un liure seul de tous ses Memoires sur Louis onzième & sur Charles huietième son fils, selon qu'il se voit au chapitre cinquième du septième liure, & au treizième du dernier: mais, si on entend quel liure se peut prendre pour volume, qui contienne plusieurs liures, ie seray bien aisément excusé: comme i'espere aussi d'estre suffisamment auoué d'auoir souuentefois distingué les chapitres autrement qu'ils n'estoyent. Car, nonobstant qu'il se trouue, par le chapitre dixhuitième du cinquième liure, que l'Auteur eust fait son escript par chapitres, si estoyent ils, le plus-souuent, tant mal à propos qu'il estoit difficile de croire que telle distinction fust partie de luy, ne d'autre qui eust esprit propre à telle chose: avec ce que mon vieil Exemplaire, duquel ie vous parleray tantost plus amplement, les a, sur la marge, du tout diuers des autres, neantmoins qu'il s'accorde avec eux en ce qu'ils sont tous indignes de tel Auteur sur icelle distinction. Quant aux Exemplaires ou Copies, que i'aye peu recouurer, pour m'aider à la correction, l'un est de l'an mil cinq cens vingt & cinq, par vn maistre. I. G. qui ne se nomme autrement, & ne dit en quel lieu il l'imprima. Le second est de mil cinq cens vingt & six, imprimé à Lion, par Claude Nourri, dict le Prince. Le tiers de mil cinq cens quarante six, à Paris par Estienne Mesfriere: & le quart à Paris aussi, par Guillaume Thibout, en l'an mil cinq cens quarante neuf: mais les deux premiers de ces quatre ne sont que sur les faicts du roy Louis onzième, ayant les deux derniers pour-suiuy sur Charles huietième, apres l'impression pour Engilbert de Marnef en l'an mil cinq cens vingt & neuf, que nous auons semblablement recouree. Toutesfois (soyent premiers, soyent derniers) ie ne les puis presque compter tous ensemble que pour vn, chascun en ce qu'il traicte: voyant qu'ils ont pris les vns sur les autres, avec peu, ou nul, égard de s'entre-corriger. Le vieil Exemplaire, duquel nous auons touché vn mot par ci deuant, ne parlant que de Louis, est à la main, & copié sur le vray Original de l'Auteur, comme le personnage, auquel il estoit, escript à la premiere sueille, & ainsi que i'en ay veu de grandes preuues: mais, estant escript par quelque Praticien, peu entendu en telles matieres, ou qui ne pouuoit lire son Original, & estant d'auantage préueu, pour le mettre sur la presse (ainsi qu'il m'appert par les marques de certaines histoires ou figures, & par plusieurs autres raisons) par vn prelecteur de mesme, sans aucune punctuation, sinon quelquefois deuant les grandes lettres, que les Imprimeurs nomment Capitales & Versales, posé qu'il m'ays bien aidé, m'a donné grande peine aussi: & plus encor m'en eust donné, n'eust esté que cela que ce prelecteur rayoit quand il ne le pouuoit lire ou entendre, n'est point tant effacé qu'un homme, ayant manié les histoires, n'en puisse faire iugement. Neantmoins, la mode-

stie, de

*stie, de laquelle i'ay tousiours esté grand amy, ne m'a voulu permettre d'estre si presomptueux que de rien corriger, qui ne fust euidentement corrigeable, tant par l'accord de tous Exemplaires & d'autres bon s Historiographes que par la deduction de l'Auteur mesme: aincois, quand i'ay veu quelques sens diuers estre passables, chascun en son endroit, i'ay mis celuy de l'Exemplaire vieil en marge, pour n'entreprendre trop sur les autres: qui semblent estre plus autentiquez au moyen de leur impression. Pour lequel respect i'eusse semblablement mis en marge les raisons de mes corrections, touchant les autres lieux, si, quelque impression que ce fust, n'eust tellement esté corrompue que non seulement toute la marge, ains autant de papier, que chascune contient, ne les pourroit pas comprendre: ainsi que pourra voir chascun, qui conserera quelque peu de nostre impression avec les autres. Quoy faisant congnoistra clairement, par mesme moyen, que nous luy auons remis plusieurs clauses laissez, & quelquesfois de bien longs articles: sans que nous parlions de plusieurs telles choses, parauant transposées, & maintenant reduictes en leur vray lieu, selon le vieil Exemplaire. Au regard du nom propre des places & personnes, que ie mets quelquesfois diuersément en marge, puisque le vray sens de l'Auteur n'est aucunement empesché pour cela, ie n'y ay rien voulu mesler du mien pour les restituer en leur entier, sinon en chose tant euidente qu'il ne se puisse dire du contraire: à fin de n'attribuer aucunesfois à vne place, ou à vne famille, ce qui seroit à vne autre, en telle variété que ie l'ay trouuee de l'un à l'autre, & de chascun d'eux à soy mesme, en mes Exemplaires: de mesme sorte qu'il m'est aduenu en nosz Annalistes & Croniqueurs Francoys: desquels il se faisoit seruir, pour le plus sur le regne de Louis: pour ce que les estrangiers ne parlent principalement, en cela, que des plus insignes & remarquables. Mais, quant au temps de Charles huietième, les estrangiers ont fait beaucoup pour moy: auct pour la restitution d'icelles places & personnes que pour le vray sens de l'Auteur n'endu que le vieil Exemplaire me faillloit là dessus, & que tous les autres sont ainsi depreuex que nous auons dit, & que chascun pourra sauoir. Pour le surplus (car ie laisse l'Orthographe ainsi que ie l'ay trouuee, à peu pres, iusques à temps que i'en aye dit mon auis, respondant au Seigneur Iaques Peletier nostre amy) ie ne m'amuseray long temps à vous dire que ie n'ay voulu mettre en texte, ny en marge, certains vieux mots, & quelques pbraies, ou manieres de parler, presque autant aagees, qui se rencontrent au vieil Exemplaire, ayant, le plus-souuent, chastoï pour chastiment, Venu que fut pour Quand il fut venu, & leurs semblables: cōme pareillement ie n'ay voulu en oster quelques autres, qui se pourroyent mieux dire maintenant: pour ne faire trop de compte de l'Antiquité, & pour ne la desestimer aussi plus que de raison: mais biē ay ie mis sur la marge, l'interpretatiō de telles rencontres, qui pourroyent aucunement arrester celuy qui n'auroit beaucoup hâré la langue Francoise: & d'auantage ay interpreté les passages qui m'ont semblé les plus difficiles, ainsi que pourrez voir sur la marge. Et sur ce point s'era fin, apres vous auoir dit que, s'il differe en aucunes choses avec les autres Auteurs, comme il fait (par exemple) avec le Cronographe Carion, au dernier chapitre de nostre sixième liure (là ou y a que Mathias de Hongrie mourut en l'an mil quatre cens nonante & vn, au lieu que Carion & ce-luy, qui a iouist aux Croniques d'Eusebe apres Palmerius, mettent vn an deuant) ie luy laisse dire ce qu'il veult: par ce qu'il ne se contredit point ailleurs en cela, & le peut auoir escriit ainsi: mais, quand il se contrediroit, cōme il faisoit aux nombres du voyage de Charles huietième, ie le raconstre par quelques lieux de sa deduction mesme, & par les autres Historiens & Croniqueurs ses contemporains, ou d'enuiron son temps. Par l'aide desquels*

ſ'il ne vous ſemble encor bien remis en ſon entier, vous entendrez auſſi que tous les Cirur-  
giens du monde, ſ'ils auoyent entrepris la cure d'un corps autant cruellement nauré que ce  
liure eſtoit miſerablement corrompu, n'en pourroyent venir à cheſſans y laiſſer cicatrices à  
couſiours apparentes: combien que le plus du temps de dix annees entieres & continuelles,  
employé à l'Hiſtoire, & principalement de France & de ſes voiſins, me face preſque tât glo-  
rieux de me venter que peu de choſe ſ'y peut deſirer de noſtre part: qui ne taſche plus qu'à  
vous tenir, bien toſt, promeſſe de noſtre Hiſtoire des Gaules: & cependant prie Dieu vous  
garder en ſa grace, me recommandant au meilleur de toutes les voſtres.

✠ Sommaire du premier liure des Memoires du Seigneur d'Argenton.

LE premier liure traite de l'occafion des guerres, qui furent entre le Roy  
Louis onzième & Charles Comte de Charoloys, depuis Duc de Bourgon-  
gne: de la guerre en Frâce, nommee le Bien-public: de la iournée de Mont-  
hery: du traité de Conſlans: & comment, peu apres, le Roy reprit, ſur ſon fre-  
re, la Duché de Normandie, qu'il auoit eſté contraint luy laiſſer par le traité  
ſuſdict.

✠ Sommaire du ſecond, commençant au feuillet xx. page. ij.

Le ſecond parle des guerres, qu'eurent les Bourguignons contte les Lie-  
geois, allies du Roy, ſous la conduicte de Charles de Bourgongne: de quel-  
que peu de guerre, q le Roy fit auſſi au Duc de Bretagne, allié d'iceluy Char-  
les: de la peine en laquelle fut le Roy, eſtant arreſté au chasteau de Peronne,  
ou il eſtoit allé, par ſauſconduit, voir iceluy Charles, pour lors Duc de Bour-  
gongne, à fin d'appaifer leurs differens: du traité qu'il fut cōtraint accorder  
deuant qu'en ſortir: par lequell luy alla meſmes aider à prendre la ville de Lie-  
ge: & eſtant de retour en France, comment il contenta ſon frere, pout Brie  
& Champaigne, de la Duché de Guienne, cōtre l'attente du Bourguignon.

✠ Sommaire du troiſième, commençant au F. xxxvij. p. ij.

Le troiſième contient l'aſſemblée des trois eſtats de Frâce à Tours: l'aiour-  
nement fait au Duc de Bourgongne, par vn Huifſier de patlement: le renou-  
uellement de guerre entre le Roy & luy, à la ſuſcitation des Ducs de Guien-  
ne & de Bretagne, & du Conneſtable: la ſurpriſe d'Amiens & de Saint-  
Quentin, ſur le Duc de Bourgongne, & tréues priſes apres, entres ces deux  
grans Princes, pour vn an. Puis entremelle quelques guerres, qui furent en  
Angleterre durât ce temps, & peu deuât, & peu apres, entre le Roy Edouard,  
ſouſtenu par le Duc, & entre le Comte de Vuaruic, aidé du Roy. Apres il met  
vn autre renouvellement de guerre entre le Roy Louis & le Duc de Bour-  
gongne: la mort du Duc de Guienne, frere du Roy: le ſiege de Beauuais par  
le Duc

le Duc: l'appointement du Roy, fait avec le Duc de Bretagne: trêues nouvelles entre le Roy & le Duc de Bourgogne: la machination de ces deux à la mort de monsieur de Saint-Paul, Connestable de France: & comment il l'euita pour ce coup, & parla au Roy, y ayant vne barriere entre eux deux.

☛ Sommaire du quatrième, commençant au F. l.v. p. 1.

Le quatrième raconte comment le Duc de Bourgogne s'empara de la Duché de Gueldres, & tint long temps le siege deuant la ville de Nuz, contre le secours de l'Empereur Federic, & des Alemans: & comment ce pendant le Roy luy fuscitoit beaucoup d'autres ennemis, prenant mesmes sur luy plusieurs villes de Picardie. Puis apres il parle de la descente du Roy Edouard d'Angleterre contre le Roy Louis, à l'instigation du Duc de Bourgogne: du siege de Nuz, leué par appointement à ceste occasion: de la trêue faite pour neuf ans, entre les deux Roys, au grand desplaisir du Duc de Bourgogne, & du Connestable: de la veue & paroles qu'eurent ensemble ces deux Roys, pres Picquigny. & comment, peu apres, semblable trêue de neuf ans fut accordée entre le Roy Louis & le Duc de Bourgogne, la mort du Connestable iutée de tous poincts entre eux deux, luy liuré entre les mains du Roy par le Duc, pendant qu'il estoit en son premier siege de Nancy, & executé à mort par iustice.

☛ Sommaire du cinquième, commençant au F. lxxij. p. ij.

Le cinquième deduit les guerres du Duc de Bourgogne avec les Suisses: sa desconfiture deuant Granfon: la perte de ses alliez: sa grande & perilleuse deffaite deuant Morat: le faillissement qu'il fit de la Duchesse de Sauoye, seur du Roy: le recouurement qu'en fit le Roy: les grâdes trahisons du Comte de Campobache, contre le Duc de Bourgogne son maistre. La venue du Roy de Portugal par deuers iceluy Duc: & comment ce Duc de Bourgogne fut desconfit par le Duc de Lorraine, deuant Nancy, en vne bataille, ou il fut mesmement tué. Apres il poursuit comment le Roy se saisit de plusieurs villes du feu Duc, tant en Picardie, Artois, & Hainault qu'en autres de ses pais: comment il se maintenoit enuers ceux de Gâd, qui entreprirent le gouuernement de leur Princesse, fille dudit Duc: & comment ils firent decapiter le Chancelier de Bourgogne & le Seigneur d'Himbercourt. En fin il fait vn long discours, aucunement hors du propos principal: toutefois plein de fort bonne doctrine, & de diuers exemples pris des Histoires.

☛ Sommaire du sixième, commençant au F. xcviij. p. ij.

Le sixième recite les moyens, desquelz vsoit le Roy pour garder les Angloys de l'empescher en ses entreprises sur la maison de Bourgogne: comment le mariage de Maximilian Atcheduc d'Austrie fut fait & accompli

avec la Damoiselle de Bourgongne, fille du feu Duc: & comment le Gouverneur de la Duché de Bourgongne, pour le Roy, prit quelques villes en la Côte. Apres il entremesse certaine guerre d'entre les Florentins & le Pape, allié de quelques autres Potentats d'Italie. Puis reprend son propos, parlant de la journée de Guinegate: de la maladie du Roy: du Saint-homme de Calabre: du mariage de monseigneur le Dauphin avec Marguerite de Flandres, fille de Maximilian & de l'heritiere de Bourgongne. De la poursuit sur plusieurs choses que le Roy faisoit durant sa maladie, tant pour crainte de perdre son autorité que pour crainte de mourir, & comment, neantmoins, il mourut.

Finalement il discourt sur le soucy qu'il auoit eu toute sa vie, & sur la vie & mort de plusieurs gros Princes de son temps.

☛ *Sommaire du septième, commençant au F. cxviiij. p. 1.*

Le septième contient les raisons que pretendoyt le Roy Charles huitième, & le Duc René de Lorraine, en la Duché de Bar, Comté de Prouence, & Royaume de Naples: comment le Roy, à la suscitatio de Ludouic Sforce, surnommé le More, & de quelques autres dudit Royaume, y alla en personne, & le conquesta: & comment ce Ludouic, avec les Venitiens, le Pape Alexandre, & plusieurs autres, firent ligue, pour empêcher le Roy en ses entreprises.

☛ *Sommaire du huitième, commençant au F. cxxxix. p. 1.*

Le huitième comprend le departement du Roy Charles, hors du royaume de Naples: l'empêchement que luy donnerent les Venitiens, & ceulx de la ligue à Fornoue, ou se liura bataille: l'assiègement de Nouarre, en laquelle estoit le Duc d'Orleans: le retour du Roy en son royaume de France: la perte de celuy de Naples: la mort du Roy Charles, & le couronnement de Louis douzième du nom, parauant Duc d'Orleans.

Pour fauoir



# Pour sauoir sommairement qui estoit l'Arche- VESQVE DE VIENNE: AVQVEL LE SEIGNEVR

d'Argenton adresse ces presens Memoires. Ce que nous vous  
donnons de mot à mot, & en tel stile qu'il a esté trouué en-  
tre les papiers de quelque bon ancien personnage, stu-  
dieux, & curieux de nostre histoire.

*Sommaire de la vie messire Angelo Cattho, Archeuesque de Vienne: qui se peut  
aiouster aux Croniques messire Philippe de Commynes.*

**M**essire Philippe de Commynes, Cheualier, Seigneur d'Argenton,  
Auteur du present Liure, qui contient les Memoires de la vie du  
Roy Louis onzième, que Dieu absolue, dit, par son proesme, iceux  
auoir recolligez & compilez à la requeste d'un Archeuesque de  
Vienne: duquel il a fait souuent mention en plusieurs endroicts de sesdicts  
Memoires: sans toutefois declarer, n'autrement exprimer, ce nom dudit  
Archeuesque, ne quel personnage c'estoit. Et, pource que ce ne peut estre ad-  
uenue qu'il n'ayt esté homme grãd & venerable, digne d'estre mis en plusgrã-  
de lumiere, il sera icy recité ce qui a esté recueilly & entendu de luy, par le  
rapport de trois personnaiges de grande foy, prudence, & autorité: l'un des-  
quels (qui est decedé) estoit messire Iehan-François de Cardonne, Cheualier,  
Seigneur de la Foleyne & du Plessis de Ver en Bretaigne, Conseiller, & Mai-  
stre d'hostel des Roys Charles huietième, Louis douzième, & François pre-  
mier de ce nom, aussi souuent allegué par ledict Seigneur d'Argenton, en  
la Cronique qu'il a faicte dudit Roy Charles: le deuxième est Messire Iehan  
Briçonnet, Cheualier, Seigneur du Plessis-Rideau, Conseiller, & secôd Pre-  
sident des Compres à Paris (qui est \* encores viuant) & le tiers estoit vn Gen-  
til-homme de Naples, partisan de la maison d'Aniou, appelé messire Renal-  
do d'Albiano, aussi Cheualier: qui a longuement demeuré en ce royaume, &  
y est mort du regne du Roy François. Lesquels ont congny, veu, & frequen-  
té ledict Seigneur Archeuesque: qui, de son propre nom & surnom, s'appeloit  
messire Angelo Cattho: & estoit natif de Tarente au royaume de Naples, &  
auoit suyuy la part de la maison d'Aniou: mesmes les Ducs Iehan & Nicolas  
de Calabre, enfans & heritiers de ladicte maison: qui auoyēt grand droit au-  
dict royaume, & desquels mention est aussi faicte en plusieurs endroicts des-  
dicts Memoires: & estoit ledict Archeuesque personnage de bonne vie, grã-  
de litterature, modestie, & tressauant es Mathematiques. Et, pource que les-  
dicts Ducs Iehan & Nicolas pretendirent subsecutiuellement au mariage de la  
fille vnique du Duc Charles de Bourgongne (qui estoit lors le plus grãd ma-  
riage de la Chrestienté) ils teindrent ledict messire Angelo Cattho pres de  
la personne dudit Duc, pour eonduire, de leur part, ledict mariage: lequel  
ne fut accompli ne pour l'un ne pour l'autre. car ils vesquirent peu, & deee-  
derent tost l'un apres l'autre: &, apres leur deees, ledict Duc, congnoissant le  
grand sens & vertu dudit messire Angelo, le retint en son seruiee, & luy dô-  
na pension. Et estoit pareillemēt au seruice dudit Duc ledict Seigneur d'Ar-

\* Il se pourroit  
bien ab ser en  
ce lieu, si que  
Comynes est  
escrie de Cher-  
les II. autre d'o-  
se que ce que  
nons en auoit.

\* Les deuxièmes  
suyuant sont  
rares, & y a  
desist decedé  
puis peu de  
temps, d'une  
autre mal, mais  
il pourroit enco-  
re auoir quand  
ce y fut escript.



genton: avecques lequel il contracta grande amitié & familiarité: & pendât qu'il fut avecques lediçt Duc, il luy predist plusieurs des fortunes bonnes & mauuaises, qui luy aduindrent: mesmes des batailles de Granfon & Morat. Et, apres ladiçte bataille de Morat, congnoissant l'obstination dudiçt Duc, & (peut estre) les malheurs qui estoient à aduenir à luy & à sa maison, print congé de luy honnestement, comme il pouuoit bien faire, sans pour ce estre reproché ou calomnié. car il estoit estranger & non subgeçt dudiçt Duc. Et fut tost retiré par lediçt Roy Louis, onzième: duquel il estoit deuenu nouvellement subieçt, au moyen que le Roy René, Duc d'Aniou & Roy de Naples & de Secile, auoit institué lediçt Roy Louis, onzième, son nepueu, son heritier esdiçts royaumes & tous ses biens. Et, estant au seruice dudiçt Roy Louis (qui le fit tost Archeuesque de Vienne) suruint la tierce bataille, donnée à Nancy: en laquelle fut tué lediçt Duc, la vigile des Roys, l'an mil quatre cès soixante & seize: & à l'heure que se donnoit ladiçte bataille, & à l'instât mesme que lediçt Duc fut tué, lediçt Roy Louis oyoyt la messe en l'Eglise monsieur S. Martin à Tours, distant dudiçt lieu de Nancy de dix grandes iournees pour le mois: & à ladiçte messe le seruoit d'Aumosnier lediçt Archeuesque de Vienne: lequel, en baillant la paix audict Seigneur, luy dist ces parolles. *Sire Dieu vous donne la paix & le repos. Vous les auẽz si vous voulez. quia consummatum est. Vostre ennemy le Duc de Bourgogne est mort, & vient d'estre tué, & son armee disconfite. Laquelle heure, cortee, fut trouuee estre celle en laquelle veritablement auoit esté tué lediçt Duc.* Et, oyant lediçt Seigneur lesdiçtes parolles, l'esbahit grandement: & demanda audict Archeuesque s'il estoit vray ce qu'il disoit, & comme il le sauoit. A quoy lediçt Archeuesque respondit qu'il le sauoit comme les autres choses que Nostre-Seigneur auoit permis qu'il predist à luy & au feu Duc de Bourgogne: & sans plus de parolles, lediçt Seigneur fit vœu à Dieu & à monsieur S. Martin que, si les nouuelles qu'il disoit estoient vraies (comme de faict elles se trouuerent bien tost apres) qu'il feroit faire le treillis de la chaise mōsieur S. Martin (qui estoit de fer) tout d'argēt. Lequel vœu lediçt Seigneur accomplit depuis, & fait faire lediçt treillis valant cent mille Francs, ou peu pres. Semblablement lediçt Archeuesque, estant au seruice dudiçt Roy Louis, rencōtra, vn jour bien matin, messire Guillaume Briçonnet, pere dudiçt President cy deuant nommé (qui depuis fut Cardinal, comme sera dit cy apres) hōme \* grād & honorable & de grande prudence & vertu, & pour lors estoit General de Languedoc: lequel General estoit mādē par lediçt Roy Louis onzième, pour aller deuers luy au Plessis à Tours. Et, ayant lediçt Archeuesque esté quelque tēps sans parler, & regardé le ciel, & puis apres lediçt General, luy dist en fin ces parolles. *Monsieur le General, ie vous ay plusieurs fois dit que le passage & frequentation des eaus vous sont dangereux, & vous en aduendrois quelque iour vn grand peril, & peut estre la mort. Ie vien du Plessis, ou vous allez. Les eaus sont grandes au Pont-saincte-Anne, & est le pont rōpu, & y a vn mauuais bastiau. Si vous m'en croyez, vous n'y rez point.* Toutesfoies lediçt General n'en fit riens, & ne le creut: dont veritablement il fut au plus grand danger du monde d'estre noyé, & cheur en l'eau: & sans vn saule, qu'il empoigna, c'estoit faict de luy: & fut ramené en son logis,

\* Neus trouuā  
biẽ au Cha. 4.  
du 7. liure de  
Communes que  
cest Archeue-  
que estoit Astro-  
logue: mais ie  
m'enrouelle  
qu'il ne parle de  
c'ose tāt memo-  
rable que ceste  
c'z, & le passa-  
ge de la mort  
du Bourgoignō

\* si Communes  
en parle un peu  
autrement, est  
mex, aussi que  
celuy, qui escri-  
uait cecy, estoit  
affectionné à  
Briçonnet. car,  
apres vertu, il  
auoit mis quel-  
que chose  
qu'ait voulu  
dire lediçt  
Seigneur  
d'Argenton  
rayé par un au-  
tre

son logis, ou il fut longuemēt malade, tant de la frayeur q̄ de la grande quan-  
 tité d'eau, qui luy estoit entree par la bouche & par les nez & oreilles. Et de-  
 puis lediēt Archeuesque visita plusieurs fois lediēt General ( qui estoit son  
 amy) durant ladiēte maladie: lequel General pour lors estoit marié, & auoyt  
 sa femme viuante (qui estoit ieune) & auoit quelqs enfans ia nez: entre les-  
 quels estoit lediēt President: & luy predist de rechef qu'il seroyt quelq̄ iour  
 vn grand personnage en l'Eglise, & biē pres d'estre Pape. Chose à quoy lediēt  
 General n'auoyt oncques pensé, & n'y auoit aucune apparence. Et, oyāt cela  
 ladiēte femme (qui s'appelloyt Raoullette de Beaune, femme de grande cha-  
 steté, d'honneur, & vertu) n'en fut trop cōtente. car c'estoyt à dire qu'elle s'en  
 iroyt la premiere ( chose que les femmes n'aymēt pas voulontiers ) & vesquit  
 neantmoins ladiēte femme long tēps depuis, & feit plusieurs enfans: &, pour  
 ceste cause, elle & plusieurs autres disoyent souuent que lediēt Archeuesque  
 ne disoyt pas tousiours verité. Toutesfois en fin elle deslogea la premiere, &  
 la suruesquit lediēt General son mary: lequel se tint longuement en viduité,  
 sans parler de se faire Hōme-d'eglise: &, apres la mort dudiēt Roy Louis on-  
 zième, demeura au seruice de Charles huiētième, son fils (auquel il auoyt esté  
 spécialement recommandé par lediēt Roy Louis, son pere) & fut de son con-  
 seil priué, & bien pres de sa personne: & aida & fauorisa grandement l'entre-  
 prinse que fit lediēt Roy Charles pour la conq̄ste de Naples, tant pour le bon  
 droiēt qu'il congnoissoyt que ledit Seigneur y auoit, que pour satisfaire aux  
 req̄stes & pourluites du \* Pape Alexandre & du Duc de Mila, appelé le Sei-  
 gneur Ludouic: qui sollicitoyent fort ladiēte entreprise, plus toutesfois pour  
 la haine mortelle & capitale, qu'ils portoyent aux Roys de Naples Alphons  
 & Ferrand, que pour le bien & augmentation de l'estat dudiēt Roy Charles.  
 chose qu'ils ne declairerēt pas, du commencement de ladiēte entreprise, au-  
 diēt Seigneur, n'à ses seruiteurs: & leur sembloyt bien aduis que, quand ils se  
 seroyent aidez dudiēt Seigneur à deffaire lesdiēts Roys de Naples, qu'ils le  
 chaceroient bien aisément de l'Italie: comme ils dōnerent assez à congnoi-  
 stre par la ligue qu'ils feirent contre luy avecques les Venitiens, & la bataille  
 qu'ils luy donnerent à Fornoue, si tost qu'il eut fait ladiēte conqueste. Et au-  
 diēt voyage de Naples fut adēcques lediēt Roy Charles lediēt mēsiere Guil-  
 laume Brissonet (qui y feit de grands seruices) & fut fait, à Romme, Hom-  
 me-d'eglise & Eueq̄ de Saint-Malo, & Abbé de Saint-Germain-des-prez,  
 pres Paris: & depuis fut fait Cardinal par lediēt Pape Alexādre: & par apres  
 fut Archeuesque de Reims & de Narbonne: & eut quelque voiz à l'elēction  
 du Pape, apres la mort dudiēt Alexandre, suyuant ce que luy auoyt predict  
 lediēt Archeuesque: & depuis, estant Cardinal, durāt le regne dudiēt Char-  
 les & celuy du Roy Louis douzième, son successeur, a tenu grād lieu & grāds  
 estats en ce royaume, iusques à estre Lieutenant dudiēt Seigneur au gouuer-  
 nement de Languedoc. Lediēt mēsiere Angelo Cattho, Archeuesque des-  
 susdict, depuis toutes ces choses & plusieurs autres, qui ont par luy esté pre-  
 dictes long temps auparauant qu'elles fussent aduenues, est decédé, ayant  
 vescu sainctement & austèrement: & gist en son eglise de Vienne.


\* Il y peut biē  
 tenir la main  
 au commence-  
 ment, pour di-  
 ner crainte aux  
 Aragonnois  
 Roys de Na-  
 ples: mais il ne  
 fut guères en  
 ce propos.



# Premier liure des Memoires du

SEIGNEVR D'ARGENTON, SVR LES

principaux faicts & gestes de Louis onzieme de ce nom, Roy de France.

 Prologue de l'Auteur.

**M**Onseigneur l'Archeuesque de Viëne, pour satisfaire à la requeste qu'il vous a pleu me faire, de vo<sup>e</sup> escrire, & mettre par memoire, ce que i'ay sceu & congny des faictz du Roy Louis onzieme (à qui Dieu face pardô) nostre maistre & biëfaictëur, & Prince digne de tres-excellnete memoire, ie l'ay fait le plus pres de la verité que i'ay peu & sceu auoir souuenance. Du tēps de sa ieunesse ne scaurois parler, sinon par ce que ie luy en ay ouy parler & dire: mais depuis le tēps que ie vein à son seruice, iusques à l'heure de son trespas (ou i'estois present) ay fait plus continuelle residence avec luy, que nul autre de l'estat à quoy ie le seruoie: qui pour le moins ay tousiours esté des Chambellans, ou occupé à ses grands affaires. En luy & en tous autres Princes, que i'ay congny ou seruis, ay cōgny du bien & du mal: car ilz sont hommes comme nous. A Dieu seul appartient la perfection. Mais, quand en vn Prince la vertu & bonnes conditions precedent les vices, il est digne de grand louage: veu que tels personages sont plus enclins en toutes choses voulōtaires qu'autres hōmes, tant pour la nourriture & petit chastement qu'ilz ont eu en leurs ieunesses, que pource que venans à l'aage d'homme, la pluspart des gens taschent à leur complaire, & à leurs complexions & cōditions. Et pource que ie ne voudroye point mentir, se pourroit faire qu'en quelque endroit de cest escript, se pourroit trouuer quelque chose, qui du tout ne seroit à sa louange: mais i'ay esperance que ceulx, qui le liront, considereront les raisons dessusdictes. Et tant ose ie bien dire de luy, en sa cōmendation & louange, qu'il ne me semble pas que iamais i'aye congny nul Prince, ou il y eust moins de vice qu'en luy, à regarder le tout. Si ay ie eu autant de cōgnoissance des grands Ptinces, & autant de communication avec eulx, que nul homme qui ait esté en France de mon temps, tāt de ceulx qui ont \* regné en ce Royaume qu'en Bretagne, & en ces parties de Flandres, Alemaigne, Angleterre, Espaigne, Portugal, & Italie, tant Seigneurs spirituelz que temporelz, & de plusieurs dont ie n'ay eu la veue, mais cōgnoissance par communication de leurs Ambassades, par lettres, & par leurs instructions. \* Parquoy on peut assez auoir d'information de leurs natures & conditions. Toutes fois ie ne preten en tien, le louant en cest endroit, diminuer l'honneur & bonne renommee des autres: mais vous enuoye ce dont promptement m'est souuenue, esperāt que vous le demandez pour mettre en quelque oeuvre, que vous auez intention de faire en langue Latine, dont vous estes bien vlitë,

\* C'est adire  
veü.

\* C'est adire  
Par lesquels  
les choses.

Par laquelle oeuvre se pourra congnoistre la grandeur du Prince dont vous parleray, & aussi de vostre entendement. Et, là ou ie fauldroye, vous trouueriez Monseigneur du Bouchage, & autres, qui mieulx vous en scau royét parler, & le coucher en meilleur langage que moy. Mais par obligation d'honneur, & grandes priuetez, & biensfaits, sans iamais entre rompre, iusques à la mort, quel'un ou l'autre n'y fust, nul n'en deuroit auoir meilleure souuenance q̄ moy\* & luy: & aussi pour les pertes & douleurs que i'ay receues depuis son trespas. Qui est bien pour faire reduire à memoire les graces, que i'ay receues de luy: cōbien que c'est chose assez acoustumee que, apres le deces de si grands & puissans Princes, les mutations sont grādes: & ont les vns pertes, & les autres gaing. Car les biens, & les honneurs, ne se departent point à l'appetit de ceulx qui les demandent. Et, pour vous informer du temps, dont i'ay eu cōgnoissance dudit Seigneur, dont faiçtes demande, m'est force de commencer premieremēt auant le temps que ie vein à son seruice: & puis par ordre ie continueray mon propos, iusques à l'heure que ie deuein son seruiteur, & continueray iusques à son trespas.

\* Le uieil es-  
plaire n'a point  
ces deux mots,  
& luy: &  
quant à moy,  
l'aymeroye mi-  
eux les oster,  
entendant par  
l'un ou l'aut-  
re, d'honneur,  
primatere, ou  
biensfaits, &  
non pas de bou-  
chage ou de luy  
& en ce cas  
fauldroit lire  
mais pour o-  
bligation de  
honneur, &c.  
comme il est au  
uieil Exemple.

De l'occasion des guerres, qui furent entre Louis onzieme, & le Comte de Charoloys, depuis Duc de Bourgogne. Chapitre premier.

1464



V faillir de mon enfance, & en l'age de pouuoir mōter à cheual, ie fu amené à l'Isle, vers le Duc Charles de Bourgogne, lors appelé le Comte de Charoloys: lequel me print en son seruice: & fut l'an mil quatre cens soixante & quatre. Quelzques trois iours apres arriuerēt, audict lieu de l'Isle, les Ambassadeurs du Roy: ou estoit le Côte d'Eu, le Chancelier de Frāce, appelé Moruillier, & l'Archeuesque de Narbonne: & en la presence du Duc Philippe de Bourgogne, & dudit Comte de Charoloys, & de tout leur cōseil, à huis ouuertz, furent ouis lesdictz Ambassadeurs: & parla ledict Moruillier fort arrogamment, disant que ledict Comte de Charoloys auoit fait prendre (luy estant en Hollande) vn petit nauire de guerre, qui estoit party de Dieppe, auquel estoit vn Bastard de Rubempré, & l'auoit fait emprisonner, \* luy donnant charge qu'il estoit là venu pour le prēdre, & qu'ainsi l'auoit fait publier partout (& par especial à Bruges, ou hantent toutes nations de gens estranges) par vn Cheualier de Bourgogne, appelé mesire Oliuier de la Marche. Pour lesquelles causes le Roy, soy trouuāt chargé de ce cas, cōtre verité (comme il disoit) requeroit audict Duc Philippe que ce mesire Oliuier de la Marche luy fust enuoyé prisonnier à Paris, pour en faire la punition telle que le cas requeroit. A ce point luy respondit le Duc Philippe, que mesire Oliuier de la Marche estoit né de la Comté de Bourgogne, & son Maistre-d'hostel, & n'estoit en riens subiect à la couronne: toutesfoiz q̄, fil auoit dit, ne fait, chose qui fust contre l'honneur du Roy, & qu'ainsi le trouuast par informatiō, qu'il en feroit la punitiō telle qu'au cas appartiendroir: & qu'au regard du Bastard de Rubempré, il est vray qu'il estoit prins pour les signes & cōtenances, qu'auoit ledict Bastard & ses gens

\* Ce, fadire  
le chargeant  
ou accusant.

ses gens à l'environ de la Haye en Hollande, ou pour lors estoit sondict filz le Comte de Charoloys: & que si ledict Comte estoit soupsonneux, il ne le tenoit point de luy (car il ne fut onques) mais le tenoit de sa mere, qui auoit esté la plus soupsonneuse Dame qu'il eut iamais congneue: mais, non-obstant que luy (comme dict est) n'eust iamais esté soupsonneux, s'il se fust trouué au lieu de son filz, à l'heure q̄ ce Bastard de Rubépré \* regnoit es-  
 uirons, l'eut fait prendre comme il auoit esté: & que, si ledict Bastard ne se trouuoit point chargé d'auoir voulu prendre son filz (comme l'on disoit) qu'incontinent le feroit deliurer, & le renuoyeroit au Roy, comme ses Ambassadeurs le requeroient. Apres tecommança ledict Moruillier, en donnant grâdes & deshonestes charges au Duc de Bretagne, appelé Francoys: disant q̄ ledict Duc, & le Comte de Charoloys, là present, estant ledict Côte de Charoloys à Tours deuers le Roy (là ou il l'estoit allé veoir) auoyent baillé scellez l'un à l'autre, en se faisant freres d'armes: & s'estoyent baillé ledictz scellez par la main de messire Tanneguy du Chastel, qui depuis a esté Gouverneur de Rouissillon, & a eu auctorité en ce Royaume: & faisoit le dessusdict Moruillier ce cas si enorme, & si crimineux que nulle chose, qui se peust dire à ce propos, pour faire honte & vitupere à vn Prince, ne fut qu'il ne dist. A quoy ledict Comte de Charoloys par plusieurs fois voulut respondre, comme fort passionné de ceste iniure, qui se disoit de son amy & allié: mais ledict Moruillier luy rōpoit tousiours la parolle, disant ees motz: Mōseigneur de Charoloys, ie ne suis pas venu pour parler à vous, ains à Mōseigneur vostre pere. Ledit Comte supplia par plusieurs fois à son pere qu'il peust respondre: lequel luy dist, i'ay respondu pour toy, comme il me semble que pere doit respondre pour filz: toutesfois, si tu en as si grande enuie, penſes y aujourd'hui, & demain dy ce que tu voudras. Encores disoit ledict Moruillier qu'il ne pouuoit penſer qui pourroit auoir meu ledict Comte de prendre ceste alliance avec ledict Duc de Bretagne, sinon vne pension que le Roy luy auoit donnée, avec le Gouvernement de Normandie, qui depuis luy auoit esté osté.

Le lendemain en l'assemblée, & en la cōpaignie des dessusdictz, le Comte de Charoloys, le genouil à terre, sus vn carreau de veloux, parla à son pere premier, & commença de ce Bastard de Rubempré: disant les causes estre iustes & raisonnables de sa prinſe, & qu'il se monsteroit par le proces. Toutesfois ie croy qu'il ne s'en trouua iamais rien: mais estoient les soupçons grands: & le vey deliurer d'une prison ou il auoit esté cinq ans. Apres ce propos commença à descharger le Duc de Bretagne, & luy aussi: disant qu'il estoit vray que ledict Duc de Bretagne & luy auoyent prins alliance, & amitié ensemble, & qu'ilz s'estoyent faictz freres d'armes: mais en rien n'entendoyent ceste alliance au preiudice du Roy, ne de son Royaume, ains pour le seruir & soustenir, si besoing en auoit: & que, touchant la pension qui luy auoit esté ostée, iamais n'en auoit eu qu'un quartier, mōtāt neuf mille frâcs, & que iamais n'auoit requis ladicte pension, ne le Gouvernement de Normandie, & que, moyennāt qu'il eust la grace de son pere, il se pourroit biē passer de tous autres biens faictz. Et croy biē que, si n'eust esté la crainte de son-

\* c'est adire  
hantoit.

dict pere, qui la estoit pſent, & auquel il adreſſoit ſa parolle, qu'il euſt beaucoup plus aſprement parlé. La conſclusion dudiſt Duc Philippe fut fort humble & ſage, ſuppliant au Roy ne vouloir legerement croire contre luy ne ſon filz, & l'auoir touſiours en ſa bonne grace. Apres fut apporté le vin & les eſpices : & prindrent les Ambaſſadeurs congé du pere & du filz. Et quand ce vint que le Comte d'Eu & le Chancelier eurent prins congé du Comte de Charoloys, qui estoit aſſez loing de ſon pere, il diſt à l'Archeueſque de Narbonne qui vint le dernier: Recommandez moy tres humblemēt à la bonne grace du Roy, & luy diſtes qu'il m'a bien fait lauer icy par ſon Chancelier, mais qu'auant qu'il ſoit vn an il ſ'en repentira. Lediſt Archeueſque de Narbonne ſeit ce meſſage au Roy, quand il fut de retour: comme vous entendrez cy apres. Ces parolles engendrerent grand' hayne dudiſt Comte de Charoloys au Roy: avec ce qu'il n'y auoit gueres que le Roy auoit racheté les villes de deſſus la riuere de Somme: comme Amiens, Abbeuille, Sainct-Quentin, & autres, baillées par le Roy Charles ſeptieme au Duc Philippe de Bourgongne, par le traité qui fut fait à Arras, pour en iouir par luy & ſes hoirs malles, au rachapt de quatre cens mille eſcus. Je ne ſçay bonnement comment cela ſe mena: toutesſois, lediſt Duc eſtant en ſa vieilleſſe, furent tellement conduitz tous ſes affaires par meſſeigneurs de Croy & de \* Chinay, freres, & autres de leur maiſon, qu'il reprit ſon argēt du Roy, & reſtitua leſdiſtes terres: dont le Comte ſon filz fut fort troublé: car c'eſtoient les frontieres & limites de leurs Seigneuries: & y perdirent beaucoup de bonnes gens pour la guerre. Il dōnoit charge de ceſte matiere à ceſte maiſon de Croy: & quand ſon pere fut venu à l'extreme vieilleſſe (dont ia estoit pres) il chacea hors du païs tous leſdiſtz Seigneurs de Croy, & leur oſta toutes les places, & choſes qu'ilz tenoyent entre leurs mains.

\* Le uicil Exemplaire du Chimoy & Croux.

*Comment le Comte de Charoloys, avec pluſieurs gros Seigneurs de France, dreſſa vne armee contre le Roy Louis douzieme, ſoubz couleur du bien public. Chap. 2.*

**B**ien peu de iours apres le partemēt des Ambaſſadeurs deſſusdiſtz, vint à l'Isle le Duc de Bourbon, le han dernier mort, ſaignant venir veoir ſon oncle le Duc Philippe de Bourgongne: lequel, entre toutes les maiſons du monde, ay moit ceſte maiſon de Bourbon. Cediſt Duc de Bourbon estoit filz de la ſœur dudiſt Duc Philippe: laquelle estoit veufue, long temps auoit: & estoit là avec lediſt Duc ſon frere: & pluſieurs de ſes enfans, comme trois filles & vn filz. Toutesſois l'occafion de la venue dudiſt Duc de Bourbon estoit pour gaigner & conduire lediſt Duc de Bourgongne de conſentir mettre ſus vne armee en ſon païs. Ce que ſemblablement ſeroient tous les autres Princes de France, pour remonſtrer au Roy le mauuais ordre & iniuſtice qu'il faiſoit en ſon Royaume: & vouloyent eſtre fortz pour le contraindre, ſ'il ne ſe vouloit renger. Et fut ceſte guerre depuis appelee le Bieu-public: pource qu'elle ſ'entreprenoit ſoubz couleur de dire que c'eſtoit pour le bien public du Royaume. Lediſt Duc Philippe (qui depuis ſa mort a eſté appelé le bon Duc Philippe) cōſentit eſtre

mis



mis sus de ses gēs : mais le neu de ceste matiere ne luy fut iamais descouuert, ne il ne s'attendoit point que les choses vinssent iusques à la voye de faict. Incontinent se commencerent à mettre sus ses gens : & vint le Comte do Sainct-Paul, depuis Connestable de France, deuers le Comte de Charoloys à Cambray, ou pour lors estoit le Duc Philippe: & luy venu audict lieu, avec le Marechal de Bourgogne, qui estoit de la maison de Neuf-chastel, le Comte de Charoloys feit vne grande assemblee de gens de conseil, & autres des gens de son pere, en l'hostel de l'Euesque de Cambray: & là declara rous ceulx de la maison de Croy, ennemys mortelz de son pere, & de luy, <sup>\* l'exempl. n'est d'a. Seigneur de Croy mesme.</sup> nonobstant que le Comte de Sainct-Paul eust donné sa fille en mariage <sup>\* il dit au si mais il disoit y auoir renoncie.</sup> au filz du seigneur de Croy, long temps auoit, <sup>\* l'exempl. n'est d'a. Chanay, en ce lieu.</sup> & disoit y auoir dommage. En somme il fallut que tous s'enfussent des seigneuries du Duc de Bourgogne, & perdirent beaucoup de meubles. De tout cecy despleut bien au Duc Philippe: lequel auoit pour premier Chambellan vn, qui depuis s'est appelé monseigneur de <sup>\*</sup> Chinay, homme ieune, & tresbien conditionné, nepueu du seigneur de Croy: lequel sen alla sans dire Adieu à son maistre, pour la crainte de sa personne: autrement il eust esté tué ou prins: car ainsi luy auoit esté déclaré. L'ancien aage du Duc Philippe luy feit ceendurer patiemment: & toute ceste declaration, qui se feit contre les gens, fut à cause de la restitution de ses Seigneuries situees sur la riuere de Somme, que ledict Duc Philippe auoit rendues au Roy Louis, pour la somme de quatre cens mille escus: & chargoit le Comte de Charoloys les gens de ceste maison de Croy d'auoir fait consentir au Duc Philippe ceste restitution.

Ledit Côte de Charoloys se radouba, & rappaisa avec son pere, le miculx qu'il peut: & incontinent mit ses Gens-d'armes aux champs: & en sa compaignie le Comte de Sainct-Paul, principal conducteur de ses affaires, & le plus grand Chef de son armee: & pouuoit bien auoir trois cēs Hōmes-d'armes, & quatre mille Archiers soubz sa charge: & y auoit beaucoup de bons Cheualiers & Escuyers des pais d'Artois, de Henault, & de Flandres, soubz ledict Comte, par le commandement du Comte de Charoloys. Semblables bendes & ausi grosses auoyent monseigneur de Raustin, frere du Duc de Cleues, & mesire Antoine, bastard de Bourgogne: lesquels auoyent esté ordonnez pour les conduire. D'autres chefs y auoit, que ie ne nommeray pas, pour ceste heure, pour briuereté: & entre les autres y auoit deux Cheualiers, qui auoyent grand credit avec ledict Comte de Charoloys: l'un estoit le Seigneur de <sup>\*</sup> Hault-bourdin, ancien Cheualier, frere bastard dudit Côte de Sainct-Paul, nourry es anciēnes guerres de France & d'Angleterre, au temps que le Roy Héry, cinquieme Roy d'Angleterre de ce nom, regnoit en Frāce, & que le Duc Philippe estoit ioinct avec luy, & son allié. L'autre auoit nom le Seigneur de Contay: qui semblablement estoit du temps de l'autre. Ces deux estoient trefuillans & sages Cheualiers: & auoyent la principale charge de l'armee. Des ieunes il y en auoit assez: & entre les autres vn fort biē renommé, appelé mesire Philippe de Lalain qui estoit d'une race, dōt peu sen est trouue qui n'ayent esté vailans & courageux, & quasi tous mortz en seruant leurs Seigneurs en la guerre. L'armee pouuoit estre de quatorze



ces Hommes-d'armes, mal armez & mal à droit: car long temps auoyēt esté ces Seigneurs en paix: & depuis le traité d'Arras auoyent peu veu de guerre qui eust duré: & à mon aduis qu'ilz auoyent esté en repos plus de trente six ans: sauf quelques petites guerres, cōtre ceulx de Gand, qui n'auoyent guerres duré. Les Hommes-d'armes estoient tressfort bien mōtez & bien accompagnēz: car peu en eussiez veu, qui n'eussent cinq ou six grans cheuaulx. D'Archiers y en pouuoit bien auoir huiēt ou neuf mille: & quād la monstre fut faicte, y eut plus à faire à les enuoyer qu'à les appeler: & furēt choisis tous les meilleurs.

*Digression, d'est  
à dire des iours  
hors du propos  
principal, sur la  
prosperité &  
aduersité des  
Bourguignons.*

Pour lors estoient les subiectz de ceste maison de Bourgongne en grand' richesse, à cause de la longue paix qu'ilz auoyent eue, pour la bonté du Prince soubz qui ilz viuoyent: lequel peu tailloit ses subiectz: & me semble que pour lors, les terres se pouuoient mieulx dire terres de promesse que nulles autres Seigneuries qui fussent sur la terre. Ilz estoient comblez de richesses, & en grands repos. ce qu'ilz ne furent onques puis: & y peut bien auoir vingt & trois ans que cecy commença. Les despenses & habillemens d'hommes & de femmes grands & superflus. Les conuis & banquetz plus grands & plus prodigues qu'en nul autre lieu, dont i'aye eu congnoissance. Les bagnoiries, & autres festoyemēs avec femmes, grands & desordonnez, & à peu de honte. Je parle des femmes de basse condition. En somme ne sembloit pour lors aux subiectz de ceste maison que nul Prince fust suffisant pour eulx, au moins qu'ilz les sceust confondre: & en ce monde n'en congnois auioirdhuy vne si desolee: & doubte que les pechez, du temps de la prosperité, leur facent porter ceste aduersité: & principalement qu'ilz ne cōgnoissent pas bien que toutes ces graces leur procedoyent de Dieu, qui les depart là ou il luy plaist.

Estant ceste armee ainsi preste (qui fut tout à vn instant) de toutes les choses dont i'ay icy deuant parlé, se mit le Comte de Charoloys en chemin avec toute ceste armee: qui estoient tous à cheual, sauf ceulx qui conduysent son artillerie: qui estoit belle & grande, selon le temps de lors, avec fort grād nombre de charroy: & tant qu'ilz cloyoyent la plus part de son ost, seulement de ce qui estoit sien. Pour le commencement tira son chemin deuers Noyon: & assiegea vn petit chastel, ou il y auoit des gens de guerre, appelé Neille: lequel en peu de iours il print. Le Marechal Ioachin, Marechal de France, estoit tousiours enuiron de luy, estāt party de Peronne: mais il ne luy faisoit point de dommage: par ce qu'il auoit peu de gens: & se mit dedās Paris quand ledict Comte en approcha. Tout au long du chemin ne faisoit ledict Comte nulle guerre, ny ne prenoient riens ses gens sans payer. Aussi les villes de la riuere de Somme, & toutes autres, laissoyēt entrer les gens en petit nombre, & leur bailloyent ce qu'ilz vouloyent pour leur argēt: & sembloit biē qu'ilz escourassent qui seroit le plus fort du Roy ou des Seigneurs. Tant chemina ledict Comte, qu'il vint à sainct Denis pres Paris, ou se deuoient trouuer tous les Seigneurs du Royaume, comme ilz auoyent promis: mais ilz ne s'y trouuerent pas. Pour le Duc de Bretagne y auoit avec ledict Comte, pour Ambassadeur, le Vicechancelier de Bretagne: qui auoit

uoit des blancs signez de son maistre, & s'en aydoit \* de renouvellez & es-  
critz, comme le cas le requeroit. Il estoit Normand & trefhabille hōme: &  
besoing luy en fut, pour le murmure des gens qui sourdit contre luy. Le-  
dict Comte s'en alla monstrier deuant Paris: & y eut trefgrand' escarmou-  
che, & iusques aux portes, au desauantage de ceulx de dedans. De Genf-  
d'armes il n'y auoit que ledict Ioachin, & sa compaignie, & monseigneur  
de Nantoillet, depuis Grand-Maistre: qui ausi bien seruit le Roy en ceste  
armee \* que ieune subiect seruit Roy de France en son besoing: & à la fin  
en fut mal recompensé, par la poursuyte de ses ennemys, plus que par le des-  
faute du Roy: mais les vns, ne les autres, ne s'en sçauoyent de tous poinctz  
excuser. Il y eut du menu peuple (comme i'ay depuis sceu) fort espouen-  
té ce iour, iusques à crier: Ilz sont dedans (ainsi le m'ont compté plusieurs  
depuis) mais c'estoit \* sans propos. Toutesfois monseigneur de \* Haultbour-  
din (dont i'ay parlé cy deuant, & lequel y auoit esté nourry, lors qu'elle ne  
estoit point si forte qu'elle est à present) eust esté assez d'opinion qu'on l'eust  
assaillie. Les Genf-d'armes l'eussent bien voulu, tous mesprisans le peuple:  
car iusques à la porte estoient les escarmouches. Toutesfois il est vray sem-  
blable qu'elle n'estoit point prenable. Ledit Comte s'en retourna à Saint-  
Denis.

\* Le nœil ex-  
emplaire dit  
en nouuelles  
& escriptz.

\* L'exemplaire  
n'est de la-  
mais pourieu  
ne.

\* C'est à dire  
sans raison.

\* Chamb. es  
me deuant.

Le lendemain au matin se tint conseil, sçauoir si on iroit au deuant du  
Duc de Berry, & du Duc de Bretagne: qui estoient pres, comme disoit le  
Vicechancelier de Bretagne, qui monstroient lettres d'eulx: mais il les auoit  
faictes sur des blancs: & autre chose n'en sçauoit. La conclusion fut que  
l'on passeroit la riuere de Seine, combien que plusieurs opinerēt de retour-  
ner, puis que les autres auoyent failly à leur iour: & qu'auoir passé la riuie-  
re de Somme & de Marne, c'estoit assez, & suffisoit bien, sans passer celle  
de Seine: & y mettoient grandes doubtes aucuns: veu qu'à leur dos n'a-  
uoyent nulles places pour eulx retirer, si besoing en auoyent. Fort mur-  
muroit tout l'ost sur le Comte de Saint-Paul, & sur ce Vicechancelier: rou-  
tesfois ledict Comte de Charoloys, alla passer la riuere, & loger au Pont-  
Saint-Clou. Le lendemain, des ce qu'il fut arriué, luy vindrent nou-  
uelles d'une Dame de ce Royaume, qui luy escriuoit, de sa main, comme  
le Roy partoist de Bourbonnoys, & à grandes iournees alloit pour le trou-  
uer.

Or fault vn peu parler comment le Roy estoit allé en Bourbonnoys.  
Luy donc, congnoissant que tous les Seigneurs du Royaume se declaroyēt  
contre luy, au moins contre son gouuernement, se delibera de courre sus,  
le premier, au Duc de Bourbon: qui luy sembloit s'estre plus déclaré que  
les autres Princes: & pource que son païs estoit foible, tantost l'auroit \* as-  
solé. Si luy print plusieurs places: & eust acheué le demeurant, n'eust esté  
le secours qui vint de Bourgogne, \* que mena le Seigneur de Coulches,  
le Marquis de Rottelin, le seigneur de Montagu, & autres: & y estoit, por-  
tant le harnois, le Châcelier de France (qui est aujourd'huy hōme bien esti-  
mé) appelé messire Guillaume de Rochefort. Ceste assemblée auoyēt faicte,  
en Bourgogne, le Comte de Beauieu, & le Cardinal de Bourbon, frere du

\* Le nœil ex-  
emplaire dit as-  
solé.

\* L'exé. nœil  
ne parle point  
de ce seigneur  
de Coulches  
& me doute  
qu'il faille de  
Conches.

Duc Ichau de Bourbon:& mirent les Bourguignons dedans Molins. D'autre part vindrent à l'ayde dudit Due, le Due de Nemours, le Comte d'Armignae, & le Seigneur d'Albret, avec grand nombre de gens: ou il y auoit aucuns bons Genl-d'armes de leurs pais, qui auoyent laissé les Ordonnâces, & s'estoyent retirez à eulx. Le grand nombre estoit assez mal-empoinct: car ilz n'auoyent point de payement: & faloit qu'ilz veseussent sur le peuple. Nonobstant tout ce nōbre, le Roy leur donnoit beaucoup d'affaires. Si traicterēt aucune forme de paix: & par especial le Due de Nemours: lequel feit serment au Roy, luy promettant tenir son party: toutesfois depuis feitleeon traire: dont le Roy eoneut ceste longue hayne qu'il auoit eontre luy, comme plusieurs-fois il m'a dit. Or voyant le Roy que là ne pouuoit si tost auoir fait, & que le Comte de Charoloys s'aprochoit de Paris, doubtant que les Parisiens ne feissent ouuerture à luy, & à son frere, & au Duc de Bretagne (qui venoyent du costé de Bretagne) à cause que tous se eoulouroient sur le bien public du Royaume:& que ce, qu'eust fait la ville de Paris, doubtoit que toutes les autres villes ne feissent au semblable, se delibera à grandes iournees de se venir mettre dedans Paris, & de garder que ces deux grosses armées ne s'assemblassent: & ne venoit point en intention de eombatre, comme par plusieurs fois il m'a compté, en parlant de ces matieres.

*Comment le Comte de Charoloys vint planter son camp pres de Mont'hery: & de la bataille qui fut faicte audict lieu, entre le Roy de France & luy. Chap. 3.*



omme i'ay dit ey dessus, quand le Comte de Charoloys sceut le departement du Roy, qui s'estoit party du pais de Bourbonnoys, & qu'il venoit droict à luy (au moins il le cuydoit) se delibera ausi de marcher au deuant de luy: & dist alors le contenu de ses lettres, sans nommer\* le personnage qui les escriuit: & qu'un chascun se delibera de bien faire: car il deliberoit de tenter la fortune. Si s'en alla lo-ger à vn village pres Paris, appelé Lógiumeau:& le Comte de Saint-Paul, à tout son Auâtgarde, à Mont'hery: qui est à deux lieues outre: & enuoyerēt Espies & cheuaueurs aux champs pour scauoir la venue du Roy, & quel chemin il tenoit. En la presence du Comte de Saint-Paul fut choisi lieu & place, pour eombatre, audict Lógiumeau: & fut arresté entre eulx que ledict Comte de Saint-Paul se retireroit à Longiumeau, ou eas que le Roy vint, & y estoient le Seigneur de Haultbourdin, & le Seigneur de Contay presens.

, Or fault il entendre que monseigneur du Maine estoit avec sept ou huit cens Hommes-d'armes, au deuant des Ducs de Berry & de Bretagne: qui auoyent en leur compaignie de sages & notables Cheualiers, q le Roy Louis auoit tous desappointez, à l'heure qu'il vint à la couronne: nonobstāt qu'ilz eussent bien seruy son pere, au recouurement & pacification du Royaume: & maintesfois apres s'est repenty de les auoir ainsi traictez, en recongnissant son erreur. Entre les autres y estoit le Comte de Dunoys, fort estimé en toutes choses, le Marechal de Loheac, le Comte de Dampmartin, le Seigneur de Bueil, & plusieurs autres: & estoient partis des Ordonnances du Roy

\* C'est la Dame, par laquelle il fut aduertiz, au chap. precedent.

du Roy bien cinq cens Hommes-d'armes: qui tous s'estoyent retirez vers le Duc de Bretagne: & tous estoyent subiectz & nez de son païs, qui estoyent de ceste armee là. Le Comte du Maine, qui alloit au deuât (côme i'ay dit) ne se sentant assez fort pour les cōbatre, deslogeoit tousiours deuât eulx, en s'approchât du Roy: & cerchoyent les Ducz de Berry & Bretagne se ioin- dre aux Bourguignons. Aucuns ont voulu dire que lediēt Côte du Mai- ne auoit intelligence avec eulx: mais ie ne le sceu onques, & ne le croy pas.

Lediēt Comte de Charoloys, estant logé à Longjumeau (comme i'ay dit) & son Auantgarde à Montlhery, fut aduertty par vn prisonnier, qu'on luy amena, que le Comte du Maine s'estoit ioinēt avec le Roy, & y estoyēt tou- tes les Ordonnances du Royaume: qui pouoyent bien estre enuiron deux mille deux cens Hōmes-d'armes, & l'Arriereban du Daulphiné, à tout qua- rante ou cinquante Gentilz-hommes de Sauoye, gens de bien.

Ce pendant le Roy eut conseil avec lediēt Comte du Maine, avec le Grand-Senechal de Normandie (qui s'appelloit de Brezey) avec l'Admi- ral de France, qui estoit de la maison de Montauban, & avec d'autres: & en cōclusion (quelque chose qui luy fust diste & oppinee) delibera de ne com- battre point: mais seulement se mettre dedans Paris, sans soy approcher de là ou les Bourguignons estoyent logez. Et à mon aduis que son oppinion es- toit bonne. Il se soupçonnoit de ce Grand-Senechal de Normandie: & luy demanda, & pria qu'il luy dist s'il auoit baillé son seellé aux Princes, qui estoyent contre luy, ou non. Aquoy lediēt Grand-Senechal respondit que ouy: mais qu'il leur demourroit, & que le corps seroit sien: & le dist en gau- dissant: car ainsi estoit il acoustumé de parler. Le Roy s'en contenta: & luy bailla charge de conduire son Auantgarde, & aussi les Guydes: pource qu'il vouloit euitier ceste bataille, comme dict est. Lediēt Senechal, vñt de volenté, dist lors à quelcun de ses priuez: Je les mettray aujourd'huy si pres l'un de l'autre, qu'il sera bien habille qui les pourra demesler. Et ainsi le feit il: & le premier homme, qui y mourut, ce fut luy & ses gens: & ces parolles m'a comptees le Roy: car pour lors i'estoye avec le Comte de Charoloys.

En effect, au vingtsieptieme iour de Iuliet, l'An mil quatre cens soixante & cinq, ceste Auantgarde se vint trouuer aupres de Montlhery, ou le Com- te de Saint-Paul estoit logé. Lediēt Comte de Saint-Paul, à toute dilige- ce, signifiaceste venue au Comte de Charoloys (qui estoit à deux lieux pres, & au lieu qu'il auoit esté ordonné pour la bataille) luy requerant qu'il le vint secourir à toute diligence. Car ia s'estoyent mis à pied Hommes-d'armes & Archiers, & clos de son charroy: & que de se retirer à luy (comme il luy auoit esté ordonné) ne luy seroit possible. Car, s'il se mettoit à chemin, ce sem- bleroit estre fuyte: qui seroit grād danger pour toute la compaignie. Lediēt Comte de Charoloys enuoya ioindre avec luy le Bastard de Bourgongne (qui se nommoit Antoine) avec grand nombre de gens, qu'il auoit soubz sa charge, & à toute diligence: & se debatoit à soy mesme s'il iroit ou non: mais à la fin marcha après les autres: & y arriua enuiron sept heures de matin: & desia y auoit cinq ou six enseignes du Roy, qui estoyēt arriuees au long d'un grand fossé, qui estoit entre les deux bendes.

*L'on de la iour-  
nee de Mont-  
lhery*

1465.

# PREMIER LIVRE DES MEMOIRES

Encores estoit en l'ost du Comte de Charoloys, le Vicechancelier de Bretagne, appelé Rouuille, & vn vieil Homme-d'armes appelé \* Maderey, qui auoit baillé le Pont-sainct-Maxence : lesquelz eurent pacur, pour le murmure qui estoit contre eulx, voyans qu'on estoit à la bataille, & que les gens, dequoy ilz s'estoyent faictz fortz, n'y estoient point ioinctz. Si se mirēt les dessusdictz à la fuyte, auant qu'on combattist, par le chemin ou ilz pensoyēt trouuer les Bretos. Ledit Côte de Charoloys trouua le Côte de Sainct-Paul à pied : & tous les autres se mettoyent à la file comme ilz venoyent : & trouuastes tous les Archiers deshoulez, chascun vn pal planté deuāt eulx : & y auoit plusieurs pipes de vin deffonsees pour les faire boire : & de ce petit que i'ay veu, ne vey iamais gens qui eussent meillieur vouloit de combatre, qui me sembloit vn bien bon signe & grād reconfort. De prime-face fut aduisé que tout se mettroit à pied, sans nul excepter : & depuis muerēt propos, car presque tous les Hommes-d'armes monterent à cheual. Plusieurs bons Cheualiers & Escuyers furent ordonnez à demourer à pied : dont monseigneur \* des Cordes & son frere estoyēt du nombre. Messire Philippe Lalain estoit mis à pied (car entre les Bourguignos lors estoient les plus honorez ceulx qui descendoient avec les Archiers) & tousiours s'y en mettoit grād quantité de gens de bien, à fin que le peuple en fust plus asseuré, & combattist mieulx : & tenoyent cela des Angloys : avec lesquelz le Duc Philippe auoit fait la guerre, en France, durant sa ieunesse, qui auoit duré trentedeux ans sans treues : mais pour ce temps la le principal fays portoyēt les Angloys qui estoient riches & puissans. Ilz auoyēt aussi pour lors sage Roy, le Roy Henry, bel & tresuailant : qui auoit sages homes & vaillans, & de tresgrands Capitaines : cōme le Comte de Salbery, Talbot, & autres dont ie me tay. car ce n'est point de mon temps : cōbien que i'en aye veu des reliques. car quand Dieu fut las de leur bien faire, ce sage Roy mourut au boys de Vincenes : & son filz insensé, fut couronné Roy de France & d'Angleterre à Paris : & ainsi muerent les autres degrez d'Angleterre, & diuision se mit entre eulx : qui a duré iusques aujourd' huy, ou peu s'en fault. Alors vsurperēt ceulx de la maison \* d'Yorth ce Royaume, ou l'eurent à bon tiltre. Je ne scay lequel : car de telles choses le partage s'en fait au ciel.

En retournant à ma matiere, de ce que les Bourguignons s'estoyent mis à pied, & puis remōtez à cheual, leur porta grand' perte de temps, & dommage : & y mourut ce ieune & vaillāt Cheualier messire Philippe de Lalain, par estre mal armé. Les gens du Roy venoyent à la file, par la forest de Torfou : & n'estoyent point quatre cens Hommes-d'armes quād \* nous les veismes : & qui eust marché incōtinent, semble à beaucoup qu'il ne se fust point trouué de resistance : car ceulx de derriere n'y pouoyent venir qu'à la file, comme i'ay dit : toutesfois tousiours croissoit leur nombre. Voyant cecy, vint ce sage Cheualier, monseigneur de Contay, dire à son maistre monseigneur de Charoloys, que, si il vouloit gaingner ceste bataille, il estoit temps qu'il marchast : disant les raisons pourquoy, & que, si plustost l'eust fait, desia ses ennemis fussent desconfitz : car il les auoit trouuez en petit nombre : lequel croissoit à veue d'œil : & la verité estoit telle. Et lors se changea tout l'ordre,

& tout

\* Le vieil Ex-empl. dit Madere, cōme auoit fait la Mer des Hist. & Chroniq. de France, Ecrites que Guaguin, illec traduit presque de mot à mot, des Maderus.

\* presque tous nos Chroniqueurs & Annalistes, s'entresuyuent apres Guaguin, disent Desquerdes, & des Querdes : mais l'un d'eux eulx, le nommant ainsi, dit que naturellement il se nommoit aussi des Cordes.

\* Ancien de nos Chroniqueurs disent Yorth, plus approché d'Eboracum en vlydore Virgile.

\* l'exemplaire vieil de nous veismes.

& tout le conseil: car chascun se mettoit à en dire son aduis. Etia estoit commencee vne grosse & forte escarmouche au bout du village de Montl'hery, toute d'Archiers d'un costé & d'autre.

Ceulx de la part du Roy conduisoit Poncet de Riuere: & estoient tous Archiers d'Ordonnance, orfaueriez, & bien en poinct. Ceulx du costé des Bourguignons estoient sans ordre & sans commandement, \* comme volontaires. Si commencerent les escarmouches, ou estoit, à pied, avec eulx, monsieur Philippe de Lalain, & Iaqués \* du Mas, homme bien renommé, depuis Grand-Escuyer du Duc Charles de Bourgogne. Le nombre des Bourguignons estoit le plus grand: & gaignerent vne maison, & prindrent deux ou trois huys, & s'en seruirent de Pauoys. Si commencerent à entrer en la rue, & mirent le feu en vne maison. Le vent les seruoit, qui pouffoit le feu contre ceulx du Roy: lesquelz commencerent à desemperer, & monter à cheval, & à fuir: & sur ce bruit & cry, commença à marcher le Comte de Charoloys, laissant (comme i'ay dit) tout ordre parauant deuisé.

Il auoit esté dict que l'on marcheroit à trois fois: pource que la distâce des deux batailles estoit longue. Ceulx du Roy estoient deuers le chasteau de Montl'hery: & auoyent vne grâde haye & vn fossé au deuant d'eulx. Oultre estoient les champs plains de bledz, & de febues, & d'autres grains tressortz: car le territoire y estoit bon. Tous les Archiers dudit Comte marchoyent à pied deuant luy, & en mauuais ordre: combien que mon aduis est que la fouueraine chose du mode, es batailles, sont les Archiers: mais qu'ilz soyent à milliets (car en petit nombre ne vallent rien) & q̄ ce soyent gens mal montez, à ce qu'ilz n'ayent point de regret à perdre leurs cheuaux, ou q̄ du tout n'en ayent point: & valent mieulx pour vn iour, en cest office, ceulx qui iamais ne veirent rien, que les bien exercitez. Et aussi telle opinion tiennent les Angloys: qui sont la fleur des Archiers du mode. Il auoit esté dict que l'on se reposeroit deux fois en chemin, pour dōner alaine aux Gēs-de-pied: pource que le chemin estoit long, & les fruidtz de la terre lōgs & fortz, qui les empeschoyent d'aller: toutes fois tout le cōtraire se feit, comme si on eust voulu perdre à son essient. Et en cela monstra Dieu que les batailles sont en sa main: & dispose de la victoire à son plaisir. Et ne m'est pas aduis que le sens d'un homme sceust porter & donner ordre à vn si grand nombre de gens: ne que les choses tinsent aux champs comme elles sont ordonnees en chābre: & que celuy, qui s'estimeroit iusques là, mesprédroit enuers Dieu, s'il estoit hōme qui eust raison naturelle: combien qu'un chascun y doit faire ce qu'il peut, & ce qu'il doit: & recongnoistre que c'est vn des accomplissemens des oeures que Dieu a commencees aucunes fois par petites mouuetez & occasions, & en donnant la victoire aucunes fois à l'un, & aucunes fois à l'autre: & est cecy mystere si grand, que les Royaumes & grandes Seigneuries en prennent aucunes fois fins & desolations, & les autres accroissement, & commencement de regner.

Pour reuenir à la declaration de cest article, ledit Comte marcha tout d'une boutée, sans donner alaine à ses Archiers & Gens-de-pied. Ceulx du Roy passerent ceste haye par deux bourz, tous Hommes-d'armes: & comme

\* Le uoil ex-  
empl. du com-  
me voulon-  
tiers se com-  
mencent les  
escarmou-  
ches: estoit  
à pied. &c.

\* L'exemple  
ueil du du  
Max.

ilz furēt si près que de ietter les lances en arrest, les Hommes-d'armes Bourguignons rompirent leurs propres Archiers, & passerent par dessus, sans leur donner loysir de tirer vn coup de fiesche : qui estoit la fleur & esperance de leur armee. Car ie ne ctoy pas que de douze cens Hommes-d'armes, ou enuiron, qui y estoient, y en eust cinquante qui eussent sceu coucher vne lance en arrest. Il n'y en auoit pas quatre cens armez de cuyraces : & si n'auoyent pas vn seul seruiteur armé. Et tout cecy à cause de la lóge paix, & qu'en ceste maison de Bourgogne ne tenoyent nulles gens de soule, pour soulager le peuple des tailles : &, onques puis ce iour là, ce quartier de Bourgogne n'eut repos iusques à ceste heure : qui est pis que iamais. Ainsi rompirent eulx mesmes la fleur de leur armee & esperance : toutesfois Dieu, qui ordonne de tel mystere, voulut que le costé ou se trouua ledict Comte (qui estoit à main dextre deuers le chasteau) vainquist sans trouuer nulle defense : & me trouua ce iour tousiours avec luy, ayât moins de crainte que ie n'eu iamais en lieu ou ie me trouuasse depuis, pour la ieunesse en quoy i'estoye, & que ie n'auoye nulle cōgnoissance de peril : mais estoye esbahy comme nul s'osoit defendre contre tel Prince à qui i'estoye, estimant que ce fust le plus grand de tous les autres. Ainsi sont gens qui n'ont point d'experience : dont vient qu'ilz soubstiennent assez d'argus, mal fondez & à peu de raison. Parquoy fait bon vser de l'opinion de ccluy qui dit que l'on ne se repent iamais pour parler peu, mais bien souuent de trop parler.

À la main fenestre estoit le Seigneur de Rauastain, & messire Iaques de Saint-Paul, & plusieurs autres, à qui il sembloit qu'ilz n'auoyent pas assez d'Hommes-d'armes pour soustenir ce qu'ilz auoyent deuant eulx : mais des lors estoient si approchez, qu'il ne falloit plus parler d'ordre nouuelle. En effect ceulx là furent rompus à plate cousture, & chacez iusques au charroy : & la pluspart fuit iusq's en la forest, qui estoit pres de demye lieue. Au charroy se rallierent quelques Gens-de-pied Bourguignons. Les principaulx de ceste chace estoient les Nobles du Daulphiné & Sauoyens, & beaucoup de Gens-d'armes ausi : & s'attendoient d'auoir gainné la bataille : & de ce costé y eut vne grande fuite des Bourguignons, & de grans personnages : & fuyoyēt la pluspart pour gaingner le \* Pont-Saint-Maxence, cuydant qu'il tint encores pour eulx. En la forest en demoura beaucoup : & entre autres le Côte de Saint-Paul, qui estoit assez bien acompaigné, s'y estoit retiré. Car il estoit assez près de ladicte forest : & monstra bien depuis qu'il ne tenoit pas encores la chose pour perdue.

\* Ancien de nos Cron. & Annales disent telle fuit de Saint-Paul & telle autre de Saint-Maxence, comme s'ont mesme nos Exemp.

¶ Du danger, auquel fut le Comte de Charoloys : & comment il fut secouru. Chap. 4.

**L**E Comte de Charoloys chaça de son costé demye lieue, oultre le Mont l'hery, & à bien peu de compaignie : toutesfois nul ne se defendoit : & trouuoit gens à grande quantité : & ia cuydoit auoir la victoire. Vn vieil Gentil-homme de Luxembourg, appelé Antoine le Breton, le vint querir : & luy dist que les François s'estoyent ralliez sur le champ, & s'il chaceoit plus gueres, il se perdroit. Il ne s'arresta point pour luy,



luy, nonobstant qu'il luy dist par deux ou trois fois. Incontinent arriua mô-  
 seigneur de Contay (dont cy dessus est parlé) qui luy dist semblables paroles,  
 cômme auoit fait le vieil Gentil-homme de Luxembourg, & si audacieusement  
 qu'il estima sa parole & son sens, & retourna tout court: & croy s'il fut passé  
 oultre deux traitcz d'arc, qu'il eust esté prins, comme aucuns autres qui cha-  
 ceoyent deuant eulx: & en passant par le village, trouua vne florte de gens  
 à pied qui fuyoyent. Il les chacea, & si n'auoit pas cent cheualx en tout. Il  
 ne se retourna qu'un homme à pied, qui luy donna d'un voulge parmy l'esto-  
 mac: & au soir s'en veit l'enseigne. La pluspart des autres se sauuerent par les  
 iardins: mais celuy là fut tué. Comme il passoit rasibus du chastel, veismes  
 les Archiers de la garde du Roy, deuant la porte, qui ne bougerent. Il en fut  
 fort esbahy: car il ne cuidoit point qu'il y eust plus ame de deffense. Si tour-  
 na à costé pour gaigner le champ: ou luy vindrent courre sus quinze ou seize  
 Hommes-d'armes ou enuiron (vne partie des siens s'estoyent ia separez  
 de luy) & d'entree tuerent son Escuyer trenchant, qui s'appelloit Philip-  
 pe \* d'Orgues, & portoit vn guidon deses armes: & là ledict Comte fut en  
 tresgrand danger, & eut plusieurs coups: & entre les autres, vn en la gorge  
 d'une espee, d'oï l'enseigne luy est demeuree toute sa vie, par faute de sa bauie-  
 re qui luy estoit cheute, & auoit esté mal atachee des le matin: & luy auoye  
 veu cheoir: & luy fut mis les mains dessus, disant: Monseigneur rédez vous.  
 ie vous congnoy bien. ne vous faictes pas tuer. Tousiours se deffendoit: &  
 sur ce debat le filz d'un Medecin de Paris, nommé maistre Jehan Cadet (qui  
 estoit à luy) gros & lourd & fort, monté sur vn gros cheual de ceste propre  
 taille, donna au trauers, & les departit. Tous ceulx du Roy se retirèrent sur  
 le bort du fossé, ou ilz auoyent esté le matin: car ilz auoyent craincte d'au-  
 cuns qu'ilz voyoyent marcher, qui s'approchoyent: & luy, fort sanglant, se  
 retira à eulx comme au milieu du champ: & estoit l'enseigne du Bastard de  
 Bourgongne toute despeece: tellement qu'ellen'auoit pas vn pied de lon-  
 gueur: & à l'enseigne des Archiers du Comte n'y auoit pas quarante hommes  
 en tout: & nous y ioygnismes (qui n'estions pas trente) en tresgrande doubte.  
 Il changea incontinent de cheual: & le luy bailla vn, qui estoit lors son pã-  
 tef, nommé Symon de Quingy: qui depuis a esté bien connu. Ledict Cõ-  
 tef se mit par le champ, pour rallier ses gens: mais ie vey telle demie heure que  
 nous qui estions demourez là, n'auions l'œil qu'à fuir, s'il fust marché cent  
 hommes. Ilz venoyent à nous dix hommes, vingt hommes des nostres, tant  
 de pied que de cheual. Les Gens-de-pied blécez & lassez, tant del'oultrage  
 que leur auions fait le matin, qu'aussi des ennemis: \* & vey l'heure qu'il n'y  
 auoit pas cent hommes, mais pen à peu en venoit. Les bledz estoient grãds,  
 & la pouldre la plus terrible du môde. tout le chãp semé de mortz & de che-  
 uaulx: & ne se congnoissoit nul homme mort pour la pouldre.

Incontinent veismes faillir, du boys, le Comte de Sainct-Paul, qui auoit  
 bien quarante Hommes-d'armes avec luy, & son enseigne marchoit droit à  
 nous, & croissoit de gens: mais ilz nous sembloient bien loing. On luy en-  
 uoya trois ou quatre fois prier qu'il se hastast: mais il ne se mua point, & ne  
 venoit que son pas: & feit prendre à ses gens des lances, qui estoient à terre:

\* Le sieur ex-  
 a d'Orgues,  
 cy re'uy de  
 Lion, empr'mé  
 Dorques.

\* L'esp'rieil,  
 faisant un pelic  
 apres ennemis,  
 dit aussi. Luy  
 receut inco-  
 tinet, qui n'a  
 mena pas e'e  
 homes: mais  
 peu à peu en  
 venoit. No-  
 stre chãp e-  
 stoit ras, &  
 demie heure  
 deuit le bled  
 y estoit si  
 grand, & à  
 l'heure la  
 pouldre, &c.



## PREMIER LIVRE DES MEMOIRES

& venoient ordre (qui donna grand reconfort à noz gens) & se ioinrent ensemble avec grand nôbre, & vindrent là ou nous estions: & nous trouuâmes bien huit cens Hommes-d'armes. De Gens-de-pied peu ou nulz. Ce qui garda bien le Comte qu'il n'eust la victoire entiere: car il y auoit vn fossé, & vne grande haye, entre les deux batailles dessusdictes.

De la part du Roy s'en fuyt le Comte du Maine, & plusieurs autres, & bié huit cens Hommes-d'armes. Aucuns ont voulu dire que le Comte du Maine auoit intelligéce avec les Bourguignons: mais à la verité dire, ie croy qu'il n'en fut onques rien. Iamais plus grand fuyte ne fut des deux costez: mais par especial demourerent les deux Princes aux champs. Du costé du Roy fut vn homme d'estat, qui s'enfuyt iusques à Luzignan, sans repaistre: &, du costé du Comte, vn autre hôme de bien iusques au Quesnoy-le-Côte. Ces deux n'auoyent garde de se mordre l'un l'autre.

Estâs ainsi les deux batailles régees l'une deuant l'autre, se tirerēt plusieurs coups de canons: qui tuerent des gens d'un costé & d'autre. Nul ne desiroit plus de cōbatre: & estoit nostre ben de plus grosse q̃ celle du Roy: toutesfois sa presence estoit grand chose, & la bonne parole qu'il tenoit aux Gens-d'armes: & croy veritablement, à ce que i'ay sceu, que, si n'eust esté luy seul, tout s'en fust fuy. Aucuns de nostre costé desiroyent qu'on recommençast: & par especial monseigneur de Haultbourdin, qui disoit qu'il voyoit vne file ou flore de gēs qui s'enfuyoyent: & qui eust peu trouuer Archiers au nôbre de cent, pour tirer au trauers de ceste haye, tout fust marché de nostre costé.

Estans sur ce propos & sur ces pensees, & sans nulle escarmouche, suruint l'entree de la nuit: & se retira le Roy à Corbeil, & nous cuydions qu'il se logeast, & passast la nuit au champ. D'auanture se mit le feu en vn caque de pouldre, là ou le Roy auoit esté: & se print à aucunes charettes, & tout du lôg de la grand' haye: & cuydions les François que ce fussent leurs feuz. Le Comte de Saint-Paul, qui bien sembloit chef de guerre, & monseigneur de Haultbourdin, encores plus, commanderent qu'on amenaist le charroy au propre lieu la ou nous estions, & qu'on nous cloist: & ainsi fut fait. Côme nous estions là en bataille, & r'alliez, reuindrēt beaucoup des gens du Roy, qui auoyent chacé, cuydans que tout fust gagné pour eulx: & furent contrainctz de passer parmy nous. Aucuns eschapperent, & les plus se perdirēt. Des gens de nom de ceulx du Roy, mourut mesire Geoffroy de saint-Belin, le Grand-Senechal de Normâdie, & Floquet, Capitaine. Du party des Bourguignons mourut mesire Philippe de Lalain: &, des Gens-à-pied & menuz gens, plus que de ceulx du Roy: mais de Gens-de-cheual, en mourut plus du party du Roy. De prisonniers, les gens du Roy en eurent des meilleurs de ceulx qui fuyoyēt. Des deux parties il mourut deux mille hômes du moins: & fut la chose bien combatue: & se trouua des deux costez de gens de bien, & bien laissez. Mais ce fut grâd' chose, à mon aduis, de se r'allier sur le champ, & estre trois ou quatre heures en ceste estat, l'un deuant l'autre: & debuoyent bien estimer les deux Princes ceulx qui leur tenoyent compaignie si bōne à ce besoing: mais ilz en feirēt cōme hômes, & nō point cōme Anges. Tel pdit ses offices & estatuz pour s'en estre fuy, & furēt dōnez à d'autres, qui auoyent

\* Le sieil *Ex-  
dit parcast.*

\* & cuydions  
que ce fust  
sent. *Ex-  
emple sieil.*

\* & debié las  
ches. *Ex-  
sieil.*

auoyent fuy dix lieues plus loing. Vn de nostre costé perdit autorité, & fut priué de la présence de son maistre: mais vn moys apres eut plus d'autorité que deuant.

Quand nous fusmes elos de ce charroy, chascun se logea le mieulx qu'il peut. Nous auions grand nombre de blecez, & la pluspart fort descouragez & espouentez, craignans que ceulx de Paris, avec deux cens Hommes-d'armes qu'il y auoit avec eulx, & le Marechal Ioachim, Lieutenant du Roy en ladicté cité, sortissent, & que l'on eust affaire des deux costez. Comme la nuit fut toute close, on ordonna cinquante lances, pour voir ou le Roy estoit logé. Il y en alla par aduenture vingt. Il y pouoit auoir trois iectz d'arc, de nostre cāpusques ou nous cuydions le Roy. Ce pēdant monseigneur de Charoloys beut, & mengea vn peu: & chascū endroit soy: & luy fut adoubee sa playe qu'il auoit au col. Au lieu ou il mangea salut oster quatre ou cinq hōmes mortz, pour luy faire place: & y mit l'on deux boteaux de paille, ou il fāsist: & en remuant illec, vn de ces pources gens nudz commença à demander à boire. On luy iecta en la bouche vn peu de tyfanne, dequoy ledict Seigneur auoit beu: dont le coeurluy reuint: & fut congnu: & estoit vn Archier du corps dudit Seigneur, fort renommé, appelé \* Sauaric: qui fut

\* Sauaric.  
Exempl. n. 101.

pensé & guery. On eut en conseil qu'il estoit de faire. Le premier, qui opina, fut le Comte de Sainct-Paul: disant que l'on estoit en peril, & conseilloit tirer, à l'aube du iour, le chemin de Bourgongne: & qu'on bruslast vne partie du charroy: & qu'on sauuaist seulement l'artillerie: & que nul ne menast charroy, s'il n'auoit plus de dix Lances: & que de demorer là sans viures, entre Paris & le Roy, n'estoit possible. Apres opina monseigneur de Haultbourdin assez en ceste sentence, sans sçauoir auant que rapporteroient ceulx qui estoient dehors. Trois ou quatre autres semblablement opinerent de mesme. Le dernier qui opina, fut monseigneur de Contay: qui dist que, si tost que ce bruyt seroit en l'ost, tout se mettroit en fuyte: & qu'il seroyent prins deuant qu'ilz eussent fait vingt lieues: & dist plusieurs raisons bonnes: & que son aduis estoit, que chascun s'aisast au mieulx quil pourroit ceste nuit, & que le matin à l'aube du iour on assaillist le Roy, & qu'il failloit là viure ou mourir: & trouuoit ce chemin plus seur que de prendre la fuyte. A l'opinion dudit de Contay conclud monseigneur de Charoloys: & dist que chascun s'en alast reposer deux heures, & que l'on fust prest quand sa trompette sonneroit: & parla à plusieurs particuliers pour enuoyer reconforter ses gens.

\* Substance  
sans sçauoir.  
Sec. 122. a. 101.

Enuiron mynuit reuindrēt ceulx qui auoyent esté mis dehors: & pōtez penser qu'ilz n'estoyent point allez loing: & rapporterent que le Roy estoit logé à ces feuz qu'ilz auoyent veuz. Incontinent on y en renuoya d'autres: & vne heure apres se remettoit chascun en estat de combatre: mais la pluspart auoit mieulx enuie de fuyr. Comme vint le iour, ceulx qu'on auoit mis hors du champ, rencontrerent vn chartier, qui estoit à nous, & auoit esté prins le matin \* qui apportoit vne cruche de vin du village: & leur dist que tout s'en estoit allé. Ilz enuoyerent dire ces nouuelles en l'ost: & allerēt

\* Qu'il ap-  
portoit. 122.  
p. 101.

## PREMIER LIVRE DES MEMOIRES

iusques là. Ilz trouuerent ce qu'il disoit, & le reuindrent dire: dont la compaignie eut grand' ioye: & y auoit assez de gens, qui disoyēt lors qu'il falloit aller apres, lequelz faisoient bien maigre cherc vne heure deuāt. l'auoye vn cheual extremement las & vieil. Il beut vn seau plein de vin. Par aucun cas d'auēture il y mit le museau. Ie le laissay acheuer. Iamais ne l'auoye trouuē si bon, ne si frais.

Quand il fut grand iour, tout monta à cheual: & les batailles estoient biē esclarcies: toutes fois il reuenoit beaucoup de gens, qui auoyēt esté cachez es boys. Lediēt Seigneur de Charoloys feit venir vn Cordelier, ordonné par luy à dire qu'il venoit de l'ost des Bretons, & que ce iour ilz deuoient estre là. Ce qui recōforta assez ceulx de l'ost: mais chascun ne le creut pas. Incōtinent apres enuiron dix heures du matin, arriua le Vicechancelier de Bretagne, appelé Rouuille, & Madercy avec luy, dont ay parlay cy dessus: & amenèrent deux Archiers de la garde du Duc de Bretagne, portans ses hocquetons (ce qui reconforta tresfort la cōpaignie) & fut enquis, & louē de sa fuyte (considerant le murmure qui estoit cōtre luy) & plus encor de son retour: & leur feit chascun bonne cherc.

*Digression sur quelques perfections & imperfections du Comte de Charoloys: avec l'heur & malheur de sa maison.*

Tout ce iour demoura encores monseigneur de Charoloys sur le champ, fort ioyeux, estimant la gloire estre sienne. ce qui depuis luy a coustē bien cher: car onques puis il n'usa de conseil d'homme: mais du sien propre: & au lieu qu'il estoit tresinutile pour la guerre parauant ce iour, & n'aymoit nulle chose qui y appartint, depuis furent muees & changees ses penſees. car il y a continuē iusques à sa mort: & par là fut finie sa vie, & sa maison destruite: & si elle ne l'est du tout, si est elle bien desolee. Trois grans & sages Princes, ses predecesseurs, l'auoyēt esleuee bien hault: & y auoit peu de Roys (sauf celuy de France) plus puissans que luy: & pour belles & grosses villes, nul ne l'en passoit. L'on ne doit trop estimer de soy: par especial vn grand Prince: mais doit congnoistre que les graces, & bonnes fortunes, viennent de Dieu. Deux choses diray de luy: L'une est que ie croy que iamais homme ne print plus de trauail que luy, en tous endroitz ou il fault exercer la personne: L'autre qu'à mon aduis ie ne congny onques homme plus hardy. Ie ne luy ouy onques dire qu'il fust las, ny ne luy vey iamais faire semblant d'auoir paour: & si ay esté sept annees de reng en la guerre avec luy, l'Esté pour le moins, & en aucunes l'Yuer & l'Esté. Ses penſees & conclusions estoient grandes: mais nul homme ne les ſçauoit mettre à fin, si Dieu n'y eust adioustē de sa puissance.

*\* ne peut porter plus. 222.*

Comment le Duc de Berry, frere du Roy, & le Duc de Bretagne se vindrent ioindre avec le Comte de Charoloys, contre iceluy Roy. Chap. 5.



Le lendemain, qui estoit le tiers iour de la bataille, allasmes coucher au village de Mont'hery: dont le peuple en partie s'en estoit fuy au clocher de l'Eglise, & partie au chasteau. Il les feit reuenir, & ne perdirent pas vn denier vaillant: mais payoit chascun son escot, comme s'il eust esté en Flandres. Le chasteau tint & ne fut point assaillly. Le tiers iour passé, partit lediēt Seigneur, par le conseil du Seigneur de Contay

Contay, pour aller gagner Estampes (qui est bon & grand logis, & en bon païs & fertile) à fin d'y estre plus tost que les Bretons, qui prenoient ce chemin : à fin aussi de mettre les gens las & blecez à couuert, & les autres aux champs : & fut cause ce bon logis, & le seiour que lon y feit, de sauuer la vie à beaucoup de ses gens. Là arriuerent messire Charles de France, lors Duc de Berry, seul frere du Roy, le Duc de Bretagne, monseigneur de Dunoy, monseigneur de Dampmartin, monseigneur de Loheac, monseigneur de Bucil, m<sup>se</sup>seigneur de Chaumont, & m<sup>se</sup>sire Charles d'Amboise son filz (qui depuis a esté grand homme en ce Royaume) tous lesquelz deuant nommiez le Roy auoit desappointez, & deffaictz de leurs estatz, quād il vint à la couronne, nonobstant qu'ilz eussent bien seruy le Roy son pere & le Royaume es conquestes de Normādie, & en plusieurs autres guerres. Monseigneur de Charoloys, & tous les plus grāds de sa cōpaignie, les recueillirēt & leur allerēt au deuant, & amenerēt leurs personnes loger en la ville d'Estāpes, ou leur logis estoit faict : & les Gens-d'armes demeurèrent aux chāps. En leur cōpaignie auoit huiēt cens Hommes-d'armes, de tresbonne estoife : dont il y en auoit treslargement de Bretons, qui nouuellement auoyent laissē les Ordonnances (comme icy & ailleurs i'ay dit) qui amendoient bien leur compaignie. D'Archiers, & d'autres hommes de guerre, armez de bonnes brigādines, auoit en tresgrand nombre : & pouoyent bien estre six mille hōmes à cheual, tresbien en point. Et sembloit bien à voir la compaignie, q<sup>e</sup> le Duc de Bretagne fust vn tresgrand Seigneur : car toute ceste compaignie viuoit sur ses coffres.

Le Roy, qui s'estoit retiré à Corbeil (comme i'ay deuant dit) ne mettoit point en oubly ce qu'il auoit à faire. Il tira en Normādie, pour assembler ses gens, & de paour qu'il n'y eust quelque mutation au païs : & mit partie de ses Gens-d'armes es enuiers de Paris, là ou il voyoit qu'il estoit necessaire.

Le premier soir q<sup>e</sup> furent arriuez tous ces Seigneurs dessusdictz à Estampes, ilz compterent des nouuelles l'un à l'autre. Les Bretons auoyēt prins quelques prisonniers de ceulx qui fuyoyent du party du Roy : & quand ilz eussent esté vn peu plus auāt, ilz eussent prins ou descōfit le tiers de l'armee. Ilz auoyēt bien tenu cōseil pour enuoyer gens dehors, iugeans q<sup>e</sup> les ostz estoeyēt prests : toutes fois aucuns les destournerent : mais, nonobstant, m<sup>se</sup>sire Charles d'Amboise & quelqs autres, se mirent plus auant q<sup>e</sup> leur armee, pour voir silz rencōtreroient rien : & prindrent plusieurs prisonniers (cōme i'ay dit) & de l'artillerie : lesquelz prisonniers leur dirēt q<sup>e</sup> pour certain le Roy estoit mort, car ainsi le cuydoeyēt ilz : par ce qu'ilz s'en estoient fuis, des le cōmēcement de la bataille. Les dessusdictz rapporterent les nouuelles à l'ost des Bretons, qui en eurent tresgrand ioye, cuydans qu'ainsi fust, & esperans les biens qui leur fussent aduenus, si le diēt monseigneur Charles eust esté Roy : & tindrēt conseil (comme il m'a esté dit depuis par vn homme de bien, qui estoit present) à sçauoir comme ilz pourroyent chacer ces Bourguignons, & eulx en depešcher : & estoient quasi tous d'opinion qu'on les \* desconfist, qui pourroit. Ceste ioye ne leur dura gueres, mais par cela vous pouez voir & congnostre quelz sont les brouillis \* es Royaumes aux mutations.

\* Destrouf.  
falt. & 2<sup>e</sup> uer.

\* En ce roy-  
aume à tou-  
tes mutations  
2<sup>e</sup> emp. uer.

## PREMIER LIVRE DES MEMOIRES

Pour reuenir à mon propos de ceste armee d'Estampes, comme tous eussent souppé, & qu'il y auoit largement gens qui se pourmenoyent par les rues, monseigneur Charles de France & monseigneur de Charoloys estâs à vne fenestre, & parlans eulx deux de tresgrâd'affection, en la cōpaignie des Bretons y auoit vn homme, qui prenoit plaisir à ietter en l'air des fulees, qui courent parmy les gens, quand elles sont tombees, & rendent vn peu de flâbe: & s'appeloit maistre Jehan Boutefeu, ou maistre Jehan des Serpens, ie ne sçay lequel. Ce follastre, estant caché en quelque maison, à fin que les gens ne l'apperceussent, en ietta deux ou trois en l'air, d'un lieu hault ou il estoit, tellement qu'une vint donner cōtre la croisee de la fenestre ou ces deux Princes dessusdictz auoyent les testes, & si près l'un de l'autre qu'il n'y auoit pas vn pied entre deux. Tous deux se dresserent & furēt esbahis, & se regardoyēt chascū l'un l'autre. Si eurent suspicion que cela n'eust esté fait expressement, pour leur mal faire. Le Seigneur de Contay vint parler à monseigneur de Charoloys son maistre: & des qu'il luy eut dit vn mot en l'oreille, il descendit en bas, & alla faire armer tous les Gens-d'armes de sa maison, & les Archiers de son corps & autres. Incontinent le Seigneur de Charoloys dist au Duc de Berry que semblablement il feist armer les Archiers de son corps, & y eut incontinent deux ou trois cens Hommes-d'armes, armez, deuant la porte, à pied, & grand nombre d'Archiers: & cherchoit l'on par tout dont pouuoit venir ce\* meffaißt. Ce pource homme, qui l'auoit fait, se vint ietter à genoulx deuant eulx: & leur dist que ç'auoit esté luy: & en ietta trois ou quatre autres: & en ce faisant, il osta beaucoup de gens hors de suspicion qu'on auoit les vns sur les autres: & s'en print l'on à rire: & s'en alla chascun de se reposer & coucher.

\* Ce feu.  
x temps.

Le lendemain au matin fut tenu vn tresbeau cōseil, ou se trouuerent tous les Seigneurs & leurs principaulx seruiteurs: & fut mis en deliberatiō ce qui estoit de faire: & cōme ilz estoient de plusieurs pieces, & non pas obeissans à vn seul Seigneur (comme il est bien requis en telles assemblees) aussi eurent ilz diuers propos: & entre les autres parolles qui furent bien recueillies & notees, ce furēt celles de mōseigneur de Berry, qui estoit ieune & n'auoit iamais veu telz exploictz. Car il sembla par ses parolles q'ia en fust ennuyé: & allegua la grand' quantité des gens blecez, qu'il auoit veus de ceulx de mōseigneur de Charoloys: & mōstrât par ces paroles en auoir pitié, vloit de ces mortz: Qu'il eust mieulx aymé que les choses n'eussent iamais esté commentees, que de veoir tant de maulx venir par luy, & par sa cause. Ces choses displeurent à mōseigneur de Charoloys & à ses gens, comme ie diray cy apres. Toutesfois à ce conseil fut conclu qu'on tireroit vers Paris, pour essayer si on pourroit reduyre la ville à vouloir entendre au bien public du Royaume, pour leq'l disoyent tous estre assemblez: & leur sembloit bien, si ceulx là leur prestoyent l'oreille, que toute la reste des villes de ce Royaume feroient le semblable. Comme i'ay dit, les parolles dictes par monseigneur Charles Duc de Berry, en ce conseil, mirent en telle doubte monseigneur de Charoloys & ses gens, qu'ilz vindrent à dire: Auez vous oy parler cest homme: il se trouue esbahy pour sept ou huit cens hommes qu'il voit par la ville al-

lans

lans bleeez, qui ne luy font rien, ne qu'il ne eongnoist: il s'esbahiroit bien tost si le eas le touchoit de quelque chose: & seroit homme pour appointer bien legerement, & nous laisser en la fange: & pour les aneienes guerres qui ont esté le temps passé entre le Roy Charles son pere, & le Duc de Bourgongne mon pere, aïssent toutes ees deux parties se conuertiroient eontre nous. parquoy est necessaire de se pourueoir d'amys. Et sur ceste seule imagination, fut enuoyé Guillaume de Cluny, Prothonotaire (qui est mort depuis Euesque de Poictiers) deuers le Roy Edouard d'Angleterre, qui pour lors regnoit, auquel mōseigneur de Charoloys auoit tousiours eu inimitié: & portoit la maison de Lanelastre eontre luy, dont il estoit yssu par sa mere. Et, pour l'instruction dudit Cluny, luy estoit ordonné d'entrer en pratique du mariage à la sœur du Roy d'Angleterre, appelee Margarite, mais non pas de conelure le marché: ains seulement de l'entretenir. Car, eongnoissant que le Roy d'Angleterre l'auoit fort désiré, luy sembloit bié que, pour le moins, il ne feroit riens eontre luy: & que, s'il en auoit affaire, qu'il le gaigneroit des siens. Et eombien qu'il n'eust vn seul vouloir de conelure ce marché, & que la chose du monde q̄ plus il haïssoit en son coeur, c'estoit la maison d'Yorth, si fut toutesfois tāt demenee ceste matiere qu'apres plusieurs annees elle fut conelue: & print d'auantage l'ordre de la lartiere, & la porta toute sa vie.

Or mainte oeuvre se fait en ce mode, par imagination, telle que celle que j'ay dessus declaree: & par espeeial entre les grās Prinees: qui sont beaucoup plus suspicionneux qu'autres gens, pour les doubtes & aduertissemēs qu'on leur fait, & tressouuent par flaterie, sans nul besoing qu'il en soit.

*Comment le Comte de Charoloys & ses allies, avec leur armee, passerent la riuere de Seine, sur vn pont portatif: & comment le Duc Iehan de Calabre se ioignu avec eulx: puis se logerent tous à l'entour de Paris. Chap. 6.*



Insicomme il auoit esté conelu tous ees Seigneus se partirēt d'Estampes, apres y auoir seiourné quelque peu de iours, & tirerēt à Saint-Maturin de Larehant, & à Moret en Gastinoys. Monseigneur Charles & les Bretons demurerent en ees deux petites villes: & le Comte de Charoloys s'en alla loger en vne grand' prayrie, sur le bord de la riuere de Seine: & auoit fait erier que chascun portast erochetz pour attacher ses cheuaulx. Il faisoit mener sept ou huiēt petis basteaux sur charroys, & plusieurs pippes par pieces en intention de faire vn pont sur la riuere de Seine, pource que ces Seigneurs n'y auoyent point de passage. Monseigneur de Dunoys l'accompagna, luy estant en vne litiere (car, pour la goutte qu'il auoit, ne pouuoit monter à cheual) & portoit l'on son enseigne apres luy. Desee qu'ilz vindrent à la riuere, ilz y feirent mettre des basteaux qu'ilz auoyent apportez: & gaignerent vne petite isle, qui estoit comme au milieu: & descendirēt des Archiers, qui s'eslearmoucherēt avec quelques Gens-de-cheual, qui deffendoient le passage de l'autre part: & estoient illee le Marechal Ioachin & Sallezard. Le lieu estoit mal auantageux pour eulx: par ce qu'ilz estoient forthault, & en pais de vignoble: & du costé des Bourguignons, y auoit largement artillerie, conduite par vn

## PREMIER LIVRE DES MEMOIRES

Canónier fort renommé, qui auoit nom maistre Girauld, & auoit esté prins en ceste bataille de Montlhery, estant lors du party du Roy. Fin de compte, il falut que les dessusdictz abandonnassent le passage: & se retirèrent à Paris. Cefoir fut fait vn pont iusques en ceste ille: & incontinent feit le Comte de Charoloys tendre vn pavillon, & coucha la nuit dedans, & cinquante Hommes-d'armes de sa maison. A l'aube du iour furent mis grand nombre de tonneliers en besoigne, à faire pippes du mesfrain, qui auoit esté apporté: & auant qu'il fust midy, le pont fut dressé iusques à l'autre part de la riuere: & incontinent passa ledict Seigneur de Charoloys de l'autre costé: & y feittendre ses pavillons: dont il auoit grand nombre: & fait passer tout son ost, & toute son artillerie par dessus ledict pont: & se logea en vn coustaupendant deuers ladicte riuere: & y faisoit tresbeau veoir son ost, pour ceulx qui estoient encores derriere.

Tout ce iour ne peurent passer que ses gés. Le lendemain, à l'aube du iour passerent les Ducz de Berry & de Bretagne, & tout leur ost: qui trouuerent ce pont tresbeau, & fait en grand diligence. Si passerent vn peu oultre, & se logerent sus le hault pareillement. Incontinent que la nuit fut venue commença à appercevoir grand nombre de feux, bien loing de nous, autât que la veue pouuoit porter. Aucuns cuydoient q ce fust le Roy: toutesfois, auant qu'il fust minuit, on fut aduertie que c'estoit le Duc Iehâ de Calabre, seul filz du Roy René de\* Cecille, & avec luy bien neuf cens Hômes-d'armes de la Duché & Comté de Bourgogne. Bien fut acôpagné de Gens-de-cheual: mais de Gens-de-pied peu.

Pour ce petit de gens, qu'auoit ledict Duc, ie ne vey iamais si belle compaignie, ne qui semblaissent mieulx hommes exercez au fait de la guerre. Il pouuoit bié auoir quelques six vingtz Hômes-d'armes bardez, tous Italiens, ou autres nourris en ces guerres d'Italie: entre lesqz estoit Jacques Galeot, le Côte de\* Câpobache, le Seigneur de Baudricourt, pour le present Gouverneur de Bourgogne, & autres. & estoient les Hômes-d'armes bié fort adroits: & pour dire verité, quasi la fleur de nostre ost, au moinstant pourtant. Il auoit quatre cens\* Cranequiniens, que luy auoit presté le Comte Palatin, gens fort bien montez, & qui sembloient bien Gens-de-guerre: & auoit cinq cés\* Suysses à pied: qui furent les premiers qu'on veit en ce Royaume: & ont esté ceulx qui ont donné le bruyt à ceulx qui sont venus depuis. car ilz se gouvernerent tresvaillamment en tous les lieux ou ilz se trouuerent. Ceste compaignie, que vous dy, s'approcha le marin, & passa ce iour par dessus nostre pont. Et ainsi se peut dire que toute la puissance du Royaume de France l'estoit veue passer par dessus ce pont, sauf ceulx qui estoient avec le Roy: & vous assure que c'estoit vne tresgrande & belle compaignie, & grand nombre de gens de bien, & bien en point: & deburoit on vouloir que les amys & bien-vueillans du Royaume l'eussent veue, à fin qu'ilz en eussent estimation telle qu'il appartient: & semblablement les ennemis: car iamais il n'eust esté heurre qu'ilz n'en eussent plus crainct le Roy & le Royaume. Le chef des Bourguignons estoit monseigneur de Neuf-chastel, Marechal de Bourgogne, ioinct avecques luy son frere le seigneur de Montagu, le Marquis

\* Il faisoit à  
nos aneefres de  
proncer deux  
sillabes de mes  
me en Sicile.

\* Câpobasso  
est le propre.

\* Cranequin est  
un pied de br-  
che: daquel on  
bende une arba-  
leste, & s'ap-  
peler Cranequi-  
niers ceulx qui  
usoyent d'arba-  
lestes à tels ba-  
dages.

\* premiere ne-  
me des suysses  
au serue des  
vignes de par  
deca.



quis de Rotelin, & grãd nombre de Cheualiers & Escuyers: dont les aucuns auoyent esté en Bourbonnois, comme i'ay dit au commencement de ce propos. Le tout ensemble s'estoit ioinct pour venir plus asseurement avec mōdict seigneur de Calabre, comme i'ay dit: lequel sembloit aussi bien Prince & grand chef de guerre cōme nul autre que veisse en la compagnie: & s'engendroir grand' amitié entre luy & le Comte de Charoloys.

Quand toute ceste cōpaignie fut passée, que l'on estimoit cent mille cheualx, tant bons que mauuais (ce que ie croy) se delibererent lesdictz Seigneurs de partir pour aller deuant Paris: & mirent toutes leurs Auangardes ensemble. Pour les Bourguignons les conduisoit le Côte de Saint-Paul. Pour les Ducz de Berry, & de Bretagne, \* Oudet de Rye, depuis Comte de Comminges, & le Marechal de Loheac, cōme il me semble: & ainsi s'acheminèrent. Tous les Princes demourerent en la bataille. Ledit Comte de Charoloys, & le Duc de Calabre prenoyent grand' peine de commander à faire tenir ordre à leurs batailles, & cheuaucherent bien armez: & sembloit bien qu'ilz eussent bon vouloir de faire leurs offices. Les Ducz de Berry & de Bretagne cheuaucherent sur petites hacquenees, à leur aise, armez de petites brigadines, fort legeres, pour le plus. Encores disoyent aucuns qu'il n'y auoit que petis cloux dorez par dessus le satin, à fin de moins leur peler: toutesfois ie ne le sçay pas de vray. Ainsi cheuaucherēt toutes ces compagnies, iusques au Pont de Charenton, pres Paris, à deux petites lieues: lequel pont tost fut gaingné sur quelque peu de Francz-Archiers qu'il y auoit dedans: & passa toute l'armee par dessus ce pont de Charenton: & s'alla loger le Côte de Charoloys depuis ce pont de Charēton iusques en sa maison de Conflans, pres de là, au long de la riuere: & ferma ledict Comte vn grand pais, de son charroy, & de son artillerie, & mit tout son ost dedans: & avecq luy so logea le Duc de Calabre: & à Saint-Mor-des-fossez se logerent les Ducz de Berry & de Bretagne, avec vn nombre de leurs gens: & tout le demourant enuoyerent loger à Saint-Denis, aussi à deux lieues de Paris: & là fut toute ceste compaignie onze sepmaines: & aduindrent des choses que ie diray cy apres.

Le lendemain, au commencement, commēcerent les escarmouches iusques aux portes de Paris: ou estoient dedans monseigneur de Nantoillet, Grand-Maistre \* de France (qui bien y seruit cōme i'ay dit ailleurs) & le Marechal Ioachin. Le peuple se veit espouëté: & d'aucuns autres estatz eussent voulu les Bourguignons & les autres Seigneurs estre dedans Paris, iugeans, à leur aduis, ceste entreprinse bonne & profitable pour le Royaume. Autres y en auoit \* adherens ausdictz Bourguignons, & se messans de leurs affaires, esperant q, par leurs moyens, ilz pourroyēt paruenir à quelques offices ou estatz, qui sont plus desiréz en ceste cité là qu'en nulle autre du mode. car ceulx, qui les ont, les font valoir ce qu'ilz peuuent, & non pas ce qu'ilz doyuent: & y a offices sans gages, qui se vendēt bien huit cens escus: & d'autres ou y a gages bien petis, qui se vendent plus que les gages ne sçauroyent valoir en quinze ans. \* Parquoy aduient que souuent nul ne se desapointe: & soustient la court de Parlement c'est article. \*. C'est la raison: mais aussi il

\* l'entree de  
cuy, le nō-  
d'at  
Oudert de  
Ria, sur que ie  
ne auille com-  
brailler le  
d'at en la di-  
neqne des au-  
tres: ne mes-  
me q' e uoz  
exemplars: le  
pōnt aussi par  
apres.

\* de France  
n'est point au  
auel. Exemp.

\* de leurs Sei-  
gneuries, &  
se messans.  
Exemp. auel.

\* peu souuēt  
nul ne se des-  
apointe. Ex-  
empl. auel.

\* & est raisō,  
Exemp. auel.



## PREMIER LIVRE DES MEMOIRES

touche quasi tous. Entre les Conseillers se trouuent tousiours largement de bons & notables personages : & aussi il y en a aucuns bien mal conditionnez. Ainsi est il en tous estatz.

*Digression sur les estatz, offices, & ambitions, par l'exemple  
des Angloys. Chap. 7.*

**I**E parle de ces offices & autoritez: par ce qu'ilz sont à desirer en mutatiōs, & aussi sont cause d'icelles. Ce que l'on a veu, non pas seulement de nostre tēps, mais encores des le tēps du Roy Charles sixieme, quand les guerres, qui cōtinuerent iusques à la paix d'Arras, commencerent. Car ce pendant les Angloys se meslerent parmy ce Royaume, si auant qu'en traitât ladicte paix d'Arras (ou estoient de la part du Roy quatre ou cinq Ducz ou Comtes, cinq ou six Prelatz & dix ou douze Conseillers de Parlement : de la part du Duc Philippe grās personages à l'aduenant, & en beaucoup plus grand nombre: pour le Pape deux Cardinaulx pour mediateurs, & de grāds personages pour les Angloys) pour lors estoit Regent en France, pour les Angloys le Duc de Bethfort, frere du Roy Henry cinquieme, marié avec la sœur du dict Duc Philippe de Bourgogne: & demouroit iceluy Regent à Paris, ayant vingt mille escuts par moys, pour le moindre estat qu'il eust iamais en cest office. Ce traité dura par l'espacement de deux moys: & desiroit fort le Duc de Bourgogne s'acquiter enuers les Angloys auant que soy departir d'avec eulx, pour les alliances & promesses qu'ilz auoyent faictes ensemble : & pour ces raisons fut offert au Roy d'Angleterre, pour luy & les Seigneurs, les Duchez de Normandie & de Guyenne, pourueu qu'il en fist hommage au Roy, comme auoyent fait ses predecesseurs, & qu'il rendist ce qu'il tenoit au Royaume, hors lesdictes Duchez. Ce qu'ilz refuserent, pourtant qu'ilz ne voulurent faire ledict hommage, & malleur en print apres: Car abandonnez furent de ceste maison de Bourgogne: & ayans perdu leur temps, & les intelligēces du Royaume, se prirent à perdre & diminuer. Ilz perdirent Paris, & puis petit à petit le demourāt du Royaume. Apres qu'ilz furent retournez en Angleterre, nul ne vouloit diminuer son estat: mais les biens n'estoyēt au Royaume pour satisfaire à tous. Ainsi guerre s'esmeut entre eulx, pour leurs autoritez, qui a duré par longues annees: & fut mis le Roy Henry sixieme (qui auoit esté couronné Roy de France & d'Angleterre à Paris) en prison, au chasteau de Londres, & déclaré traystre & crimineux de lese maisté: & là dedans a vīe la pluspart de sa vie: & à la fin a esté tué. Le Duc d'Yorth, pere du Roy Edouard dernier mort, s'intitula Roy. En peu de iours apres fut desceōfit en bataille, & mort: & tous morts eurent les testes trāchees, luy & le Comte de Vuaruyc dernier mort, qui tant a eu de credit en Angleterre. Cestuy là emmena le Comte de la Marche (depuis appelé Roy Edouard) par la mer à Calais, avec quelq̃ peu de gens, fuyans de la bataille. Ledit Comte de Vuaruyc soustenoit la maison d'Yorth: & le Duc de Sombresset la maison de Lancastre. Tant ont duré ces guerres, que tous ceulx de la maison de Vuaruyc & de Sombresset y ont eu les testes trenchees, ou morts en bataille.

Le Roy

Le Roy Edouard feit mourir son frere le Duc de Clarence en vne pippe de maluoysie: pource qu'il se vouloit faire Roy comme on disoit. Apres que Edouard fut mort, son frere, second, Duc de Glocestre, feit mourir les deux filz dudit Edouard: & declara ses filles bastardes: & se feit couronner Roy.

Incōtinent apres passa en Angleterre le Comte de Richemont, à present Roy (qui par longues annes auoit esté prisonnier en Bretagne) & desconfit, & tua en bataille, ce cruel Roy Richard, qui peu auant auoit fait mourir ses nepueux. Et ainsi de ma souuenāce, sont morts, en ces diuisiōs d'Angleterre, bien quatre vingtz hōmes de la lignee Royale d'Angleterre: dont vne partie i'ay cōgneus: des autres m'a esté cōpté par les Angloys demourās avec le Duc de Bourgongne, tādīs que i'y estoie. Ainssi ce n'est pas à Paris n'en France seulement qu'on s'entrebāt pour les biens & hōneurs de ce monde: & doyuēt bien craindre les Princes, ou ceulx qui regnent aux grādes Seigneuries, de laisser engendrer vne partialité en leur maison. Car de là ce feu court par la Prouince: mais mon aduis est que cela ne se fait pas que par disposition diuine: car quād les Princes, ou Royaumes, ont esté en grand' prosperité ou richesses, & ilz ont mescongnoissance dont procede telle grace, Dieu leur dresse vn ennemy ou ennemye, dont nul ne se doubteroit: comme vous pourrez voir par les Roys nommez en la Bible, & par ce que, puis peu de temps, en ce pais d'Angleterre, & en ceste maison de Bourgongne, & autres lieux, auez veu, & voyez tous les iours.

*Comment le Roy Louis entra de dans Paris: pendant que les Seigneurs de France y dressoient leurs pratiques.*

*Chap. 8.*

**L'**Ay esté long en ce propos: & est temps que ie retourne au mien. Des ce que ces Seigneurs furent arriuez deuant Paris, ilz cōmencerent tous à pratiquer leans, & promettre offices & biens, & ce qui pouuoit seruir à leur matiere. Au bout de trois iours on feit grand' assemblée, en l'hostel de la ville de Paris, & apres grandes & longues paroles, & ouyes les requestes & sommatiōs que les Seigneurs leur faisoient en public, & pour le grand bien du Royaume (comme ilz disoyent) fut conclu enuoyer deuers eulx, & entendre à pacification. Ilz vindrent en grā l nombre de gens de bien vers les Princes dessusdictz, au lieu de Saint-Mor: & porta la parole maistre Guillaume Chartier, lors Eueſque de Paris, renommé tresgrand homme: & de la part des Seigneurs, parloit le Comte de Dunoys. Le Duc de Berry, frere du Roy, presidoit, assis en chaire, & tous les autres Seigneurs debout. De l'un des costez estoient les Ducs de Bretagne & de Calabre, & de l'autre le Côte de Charoloy: qui estoit armé de toutes pieces, sauf la teste, & les gardebras, & vne manteline fort riche sur sa cuirace. car il venoit de Cōſtā, & le boys-de-Vicē estoit pour le Roy: & y auoit beaucoup de gēs, parquoy luy estoit besoing d'estre venu acōpagné. Les requestes & fins des Seigneurs estoient d'entrer dedans Paris, pour auoir conuerſation & amytiē avec eulx, sur le ſaiēt de la reformatiō du

*« Tous les Rois  
imprimez que  
nous ayons eus,  
auoyent l'écrite-  
ſſure & l'écrite-  
ſſure: mais le  
ueul à la main  
du Glocestre, cō-  
me nous auſſi  
vol. verſuſes  
pour bons ſi-  
gnographes.*

Royaume: leq̃l ilz disoyent estre mal cōduict, en donnant plusieurs grâdes charges au Roy. Les respōses estoient fort doulces: toutesfois ilz prindrent quelque delay auant q̃ respon dre: & neantmoins le Roy ne fut depuis content dudit Euesque, ne de ceulx qui estoient avec luy. Ainsi s'en retournerent, demourant en grand' pratique: car chascun parla à eulx en particulier, & croy bien qu'en secret fut accordé par aucuns, q̃ les Seigneurs en leur simple estat y entroyent: & leurs gens y pourroyent passer oultre (si bon leur sembloit) en petit nombre à la foys. Ceste conuersation n'eust point esté seulement ville gaignee, mais toute l'entreprinse: car aisement le peuple se fust tourné de leur part (pour plusieurs raisons) & par cōséquent toutes celles du Royaume, à l'exemple de ceste là. Dieu donna sage conseil au Roy: & il l'executa bien, estantia aduerty de toutes ces choses.

Auant que ceulx, qui estoient venus vers ces Seigneurs, eussent fait leur rapport, le Roy arriua en la ville de Paris, en l'estat qu'on doit venir pour recōforter vn peuple: car il y vint en tresgrand' cōpaigñie: & mit bien deux mille Hommes-d'armes en la ville: tous les Nobles de Normandie: grand' force de Francs-Archiers: les gens de sa maison, pensionnaires, & autres gés de bien qui se trouuent avec tel Roy en semblables affaires. Et ainsi fut ceste pratique rompue, & tout ce peuple bien mué des siens: ny ne se fust trouué hōme de ceulx, qui parauant auoyēt esté deuers nous, qui plus eust osé parler de la marchādise: & aux aucuns en print mal. Toutesfois le Roy n'ul'a de nulle cruauté en ceste matiere: mais aucuns perdirent leurs offices, les autres enuoya demourer ailleurs. ce que ie luy repute à louange, n'ayant vŕe d'auue vengeance. Car si cela, qui auoit esté commencé, fust venu à effect, le meilleur, qui luy pouuoit venir, c'estoit fuir hors du Royaume. Aussi plusieurs fois m'a il dit que, s'il n'eust peu entrer dedans Paris, & qu'il eust trouué la ville muée, il se fust retiré vers les Suisses, ou deuers le Duc de Milan, Francisque: qu'il reputoit son grand amy: & bien luy monstra ledict Francisque, par le secours qu'il luy enuoya: qui estoit de cinq cens Hommes-d'armes, & trois mille Hommes-de-pied, soubz la conduicte de son filz aîné, appelé Galeas, depuis Duc: & vindrēt iusques en Forestz: & feirēt guerre à monseigneur de Bourbon: & à cause de la mort dudit Duc Francisque, ilz s'en retournerent: & aussi par le conseil qu'il luy donna, en traitant la paix, appelee le traité de Conflans: ou il luy manda qu'il ne refusast nulle chose qu'on luy demandast, pour separer ceste cōpaigñie: mais que seulement ses gens luy demourassent.

A mon aduis, nous n'auions point esté plus de trois iours deuant Paris, quand le Roy y entra. Tantost nous commença la guerre tresforte, & par especial sur noz fourrageurs: car l'on estoit cōtrainct d'aller loing en fourrage, & faloit beaucoup de gens à les garder. Et fault biē dire qu'en ceste ille de France est bien assise ceste ville de Paris, de pouoir fournir deux si puissans ostz: car iamais nous n'eusmes faulte de viures: & dedans Paris à grand' peine s'apperceuoient ilz qu'il y eust iamais bien enchery que le pain, seulement d'un denier sur le pain. car nous n'occupions point les riuieres d'au-dessus, qui sont trois, c'est assauoit Marne, Yonne, & Seine, & plusieurs pe-

tites riuieres qui entrent en celles là. A tout prendre c'est la Cité que iamais ie veisse enuironnee de meilleur païs & plantureux: & est chose quasi incredible que des biens qui y arriuent. I'ay esté depuis ce temps avec le Roy Louis, demy an sans en bouger, logés Tournelles, mangeant & couchant avec luy ordinairement: & depuis son trespas, vingt moys (maulgré moy) ay esté tenu prisonnier en son palais, ou ie voyoye de mes fenestres arriuer ce qui montoit contre mont la riuere de Seine du costé de Normandie. Du dessus en vient aussi sans comparaison plus que n'eusse iamais creu, si ie ne l'eusse veu.

Ainsi donc tous les iours faillloit de Paris force gens: & y estoient les escarmouches grosses. Nostre guet estoit de cinquante Lances: qui se renoyent vers la Grange-aux-merciers: & auoyent des Cheuaucheurs le plus pres de Paris qu'ilz pouuoient, qui tresouuent estoient r'amenez iusques à eulx: & bien souuent faloit qu'ilz reuinssent sur queue iusques à nostre chariot, en se retirant le pas, & aucunesfois le trot: & puis on leur r'enuoyoit des gens, qui aussi r'enuoyent les autres iusques bien pres les portes de Paris. Et cecy estoit à toutes heures: car en la ville y auoit plus de deux mille cinq cens Hommes-d'armes de bonne estoffe, & bien logez: grand force de Nobles de Normandie, & de Francz-Archiers: & puis ilz voyoyent les Dames tous les iours: qui leurs donnoient enuye de se monstrier. De nostre costé y auoit vn tresgrand nombre de gens: mais nō point tant de Gens-de-cheual: car il n'y auoit que les Bourguignons (qui estoient enuiron quelques deux mille Lances, que bons que mauuais) qui n'estoyent point si bien acoustrez que ceulx de dedās Paris, pour la longue paix qu'ilz auoyent eue, comme i'ay dit autrefois. Encores de ce nombre en y auoit à Laigny bien deux cens Hommes-d'armes: & y estoit le Duc de Calabre. De Gens-a-pied nous auions grand nombre & de bons. L'armee des Bretons estoit à Saint-Denis, qui faisoient la guerre là ou ilz pouuoient: & les autres Seigneurs espars pour les viures. Sur la fin y vindrent le Duc de Nemours, le Côte d'Armignac, & le Seigneur d'Albret. Leurs gens demourerent loing, pource qu'ilz n'auoyent point de payement, & qu'ilz eussent affamé nostre Ost, s'ilz eussent prins sans payer: & scay bien que le Comte de Charoloys leur donna de l'argent, iusques à cinq ou six mille francz: & fut aduisé que leurs gens ne viendroyent point plus auant. Ilz estoient bien six mille hommes de cheual, qui faisoient merueilleusement de maulx.

*Comment l'artillerie du Comte de Charoloys & celle du Roy tirerent l'une contre l'autre pres Charenton: & comment le Comte de Charoloys feut faire de rechef vn pont sur basseaux en la riuere de Seine.* Chap. 9.

**E**N retournant au faict de Paris, il ne fault doubter que nul iour sans perte & gaigne se passast, tant d'un costé que d'autre: mais de choses grosses n'y auoit il rien. Car le Roy ne vouloit point souffrir que ses gens faillissent en grandes bendes: ny ne vouloit rien

mettre en hazard de bataille : & de s'iroit paix, & sagement departir ceste assemblée. Toutesfois vn iour bien matin, vindrēt loger droit vis à vis de l'hostel de Conflans, au long de la riuiera, & sur le fin bord, quatre mille Francz-Archiers. Les Nobles de Normandie, & quelque peu de Gens-d'armes, d'ordonnance, demourerent à vn quart de lieue de là, en vn village : & depuis leurs Gens-de-pied iusques là, n'y auoit qu'une belle plaine. La riuiera de Seine estoit entre nous & eulx : & commencerent ceulx du Roy vne trenchee à l'endroit de Charenton, ou ilz feirent vn Bouleuert de boys, & de terre, iusques au bout de nostre Ost : & passoit lediēt fossé par deuant Conflans, la riuiera entre deux, comme diēt est : & affusterent grand nombre d'artillerie : qui d'entree chaça tous les gens du Duc de Calabre, hors du village de Charenton : & faloit qu'à grand' haste ilz veinssent loger auec nous : & y eut des gens & des cheuaulx tuez. Et logea le Duc Iehan en vn petit corps d'hostel, tout droit au deuant de celuy de monseigneur de Charoloys, à l'opposite de la riuiera.

Ceste artillerie commença premierement à tirer par nostre Ost, & espouenta fort la compaignie : car elle tua des gens d'entree : & tira deux coups par la chambre, ou le Seigneur de Charoloys estoit logé, comme il disnoit : & vint tuer vn Trompette, en apportant vn plat de viande, sur le degré.

Après le disner lediēt Comte de Charoloys descendit en l'estage bas, & se delibera n'en bouger : & le matin vindrent les Seigneurs tenir conseil : & ne se tenoit point le conseil ailleurs que chez le Comte de Charoloys : & tousiours après le conseil disnoient ensemble : & se mettoit le Duc de Berry & de Bretagne au bane, le Comte de Charoloys & le Duc de Calabre au deuant : & portoit lediēt Comte honneur à tous, \* comme à l'assiete. Aussi le denoit bien faire à aucuns, & à tous, puis que c'estoit chez luy. Il fut aduisé que toute l'artillerie de l'ost seroit assortie encōtre celle du Roy. Lediēt Seigneur de Charoloys en auoit largemēt, & le Duc de Calabre : & aussi auoit le Duc de Bretagne. L'on feit de grans trous es murailles, qui sont au long de la riuiera derriere lediēt hostel de Conflans : & y assortit on toutes les meilleures pieces, exceptees les Bombardes & autres grosses pieces, qui ne tirerent point : & le demourant, ou elles pouuoient seruir. Ainsi en eut du costé des Seigneurs beaucoup plus que du costé du Roy.

La tranchee, que les gens du Roy auoyent faicte, estoit fort longue, tirant vers Paris, & tousiours la tiroient auant, & iettoient la terre de nostre costé, pour soy taudir de l'artillerie : car tous estoient dedans le fossé, ne nul n'eust osé monstrier la teste. Ilz estoient en lieu plain comme la main, & en belle prairie. Le n'ay iamais tant veu tirer pour peu de iours : car de nostre costé on s'attendoit de les chacer de là à force d'artillerie. Aux autres en venoit de Paris tous les iours, qui faisoient bonne diligence de leur costé, & n'espargnoient point la pouldre. Grand quantité de ceulx de nostre Ost feirent des fossez en terre à l'endroit de leurs logis. Encores d'auantage y en auoit beaucoup : pource que c'est lieu ou lon a tiré de la pierre. Ainsi se taudissoit chascun : & se passa trois ou quatre iours. La

crainte

\* Le uel Ro<sup>l</sup>.  
dit à tous hō  
mes, les con  
uiant à l'as  
siete.

crainte fut plus grande que la perte des deux costez : car il ne se perdit nul homme de nom.

Quand ces Seigneurs veirent que ceulx du Roy ne s'esmouuoient point, il leur sembla honte & peril, & que ce seroit donner cœur à ceulx de Paris. Car par quelque iour de trefues, il vint tant de peuple qu'il sembloit que rié ne fust demouré en la ville. Il fut conclu, en vn conseil, que l'on feroit vn fort grand pont sus grans basteaux: & couperoit on l'estroit du basteau : & ne s'asseroit le boys que sur le large: & au dernier couplet y auroit de grandes ancras pour ietter en terre. Avec cela furent amenez plusieurs grans basteaux de Seine: qui eussent peu passer la riuere, & assaillir les gens du Roy.

A maistre Giraud, Canonnier, fut donnee la charge de cest ouurage : & luy sembloit que pour les Bourguignons estoit grand auantage de ce que les autres auoyent ietté les terres de nostre costé : pour ce que, quand ilz seroyent oultre la riuere, ceulx du Roy trouueroyent leur trêchee beaucoup au desfoubz des assaillans : & qu'ilz n'oseroient saillir dudiect fossé, pour crainte de l'artillerie. Ces raisons donnerent grand coeur aux nostres de passer: & fut le pont acheué & dressé, fauf le dernier couplet, qui tournoit de costé, prest à dresser, & tous les basteaux arriuez. Incontinent qu'il fut dressé, vint vn Officier d'armes du Roy, dire que c'estoit contre la trefue: car, pour ce que ce iour, & le iour precedent, y auoit eu trefue, on venoit pour voir que c'estoit. A l'auenture il trouua monsieur de \* Bonillet, & plusieurs autres à qui il parla. Ce soir passoit la trefue. Il pouuoit bien passer trois Hommes-d'armes, la lance sur la cuisse, de front: & y pouuoit bien auoir six grands basteaux, que chascun eust bien passé mille hommes à la fois: & plusieurs petitz \* à couler l'artillerie, pour les seruir à ce passage. Si furent faites les bendes, & les rooles de ceulx qui deuoient passer: & en estoient Chefz le Comte de Saint-Paul, & le Seigneur de Haultbourdin. Apres que minuyct fut passé, comencerent à s'armer ceulx qui en estoient: & auant iour furent armez: & ouyrent les aucuns messe en attendant le iour: & faisoient ce que bons Chrestiens font en tel cas. Ceste nuyct ie me trouuay en vne grand' tente, qui estoit au milieu de l'Ost, ou l'on faisoit le guet: & estoys du guet ceste nuyct (car nul n'en estoit excusé) & estoit chef de ce guet monseigneur de Chastel-Guyon, qui mourut à \* Granfon depuis: & s'attendoit l'heure de voir cest esbat. Soudainement nous ouysmes ceulx qui estoient en ces trenchées: qui commencerent à crier à haulte-voix. Adieu voyzins, Adieu: & incontinent mirent le feu en leurs logis: & retirerent leur artillerie. Le iour commença à venir. Les ordonnez à ceste entreprise estoient ia sur la riuere, au moins partie: & veirent les autres ia bien loing: lesquelz se retiroient à Paris. Ainsi donques chascun s'en alla desarmer, trefioyeux de ce departement. Et à la verité ce que le Roy y auoit mys de gens, n'estoit que pour battre nostre Ost d'artillerie, & non pas en intention de combatre: car il ne vouloit rien mettre en hazard, comme i'ay dit ailleurs: nonobstant que sa puissance fust tresgrande pour tous tant qu'il y auoit de Princes ensemble. Mais son intention (comme bien le monstra) estoit de traicter paix, & departir la compagnie, sans mettro

\* Buell en l'artillerie.

\* : & fut acoustree en l'artillerie.

\* Morat l'artillerie.

son estat (quiest si grand & si bon, que d'estre Roy de ce grand & obeissant Royaume de France) en peril de chole si incertaine qu'une bataille.

Chascun iour se menoit de petis marchez, pour soustraire gens l'un à l'autre : & y eut plusieurs iours de tresues & assemblees d'une part & d'autre, pour traicter paix : & se faisoit ladicte assemblee à la Grange-aux-merciers, assez pres de nostre ost. De la part du Roy y venoit le Comte du Maine, & plusieurs autres. De la part des Seigneurs le Comte de Saint-Paul, & plusieurs autres aussi. Assez de tous les Seigneurs furent assemblez par beaucoup de fois sans rien faire. & ce pendant duroit la tresue : & s'entreuoyoyent beaucoup de gens des deux armées, vn grand fossé entredeux, qui est comme my-chemin, les vns d'un costé les autres de l'autre : ne par la tresue nul ne pouuoit passer. Il n'estoit iour qu'à cause de ces veues ne se vinst rendre dix ou douze hommes du costé des Seigneurs, & aucunesfois plus. vn autre iour s'en alloyent autant des nostres. Et pour ceste cause s'appela ce lieu depuis le Marché : pource que telles marchandises s'y faisoient. Et, pour dire la verité, telles assemblees & communications sont bien dangereuses en telles façons : & par especial pour celuy qui est en grand'apparence de cheoir. Naturellement la plus part des gens ont l'œil ou à s'acroistre, ou à se sauuer : ce qui aisément les fait tirer des plus fortz. Autres en y a si bons & si fermes qu'ilz n'ont nulz de ces regards : mais peu s'en trouue de telz. Et par especial est ce danger quand ilz ont Prince qui cerche gaigner gens. qui est vne grâd' grace que Dieu fait au Prince qui le sçait faire : & est signe qu'il n'est point entaché de ce fort vice & peché d'orgueil : qui procure haine enuers toutes personnes. Parquoy, comme i'ay dit, quand on vient à telz marchez de traicter paix, il se doit faire par les gés & feables seruiteurs que les Princes ont, & gens d'aage moyen : à fin que leur foiblesse ne les conduise à faire quelque marché deshonnesté, n'a espouenter leur maistre à leur retour plus que de besoing : & plus tost y doibuent estre empeschez ceulx qui ont receu quelque grace ou bien faict de luy, que nulz autres : mais sur tous sages gens : car d'un fol ne fait iamais homme son profit : & se doibuent plus tost cōduire ces traictez loing que pres. Et, quand les Ambassadeurs retournēt, les fault ouir seulz, ou à peu de compaignie : à fin que, si leurs paroles sont pour espoueter les gens, qu'ilz leur dient les langages dont ilz deuront vser à ceulx qui les enquerrent : car chascun desire de sçauoir nouuelles d'iceulx quand ilz viennent de telz traictez : & plusieurs dient : Tel ne me celera rien. Si feront, s'ilz sont telz comme ie dy : & qu'ilz congnoissent qu'ilz ayent maistres sages.

¶ Digression sur quelques vices, & vertus du Roy Louis onzieme.

Chap. 10.

**E** me suis mis en ce propos, par ce q' i'ay veu beaucoup de trôperies en ce mode, & de beaucoup de seruiteurs éuers leurs maistres, & pl<sup>s</sup> souuēt trôper les Princes & seigneurs orgueilleux, qui peu veulent ouir parler les gés, q' les hūbles qui vont tiers escoutēt. Et, entre to<sup>s</sup> ceulx q' i'ay iamais cōgnus, le plus sage pour soy tirer d'un mauuais pas, en tēps d'aduersité, c'estoit le Roy Louis onzieme nostre maistre : le plus humble



humble en paroles & en habitz: & qui plus trauailloit à gagner vn homme qui le pouuoit seruir, ou qui luy pouuoit nuire. Et ne s'ennuyoyt poit d'estre refusé vne-fois d'un homme qu'il pretendoit gagner: mais z continuoit, en luy promettant largement, & donnant par effect argent & estatz qu'il congnoussoit luy plaire. Et, quant à ceulx qu'il auoit chacez & deboutez en tēps de paix & de prosperité, il les rachetoit biē cher, quād il en auoit besoing, & s'en seruoit: & ne les auoit en nulle haine pour les choses passees. Il estoit naturellement amy des gens de moyen estat: & ennemy de tous grans qui se pouuoient passer de luy. Nul homme ne presta iamais tant l'oreille aux gēs, ny ne s'enquist de tant de choses, comme il faisoit, ne qui voulust iamais cōgnoistre tant de gens. car ausi veritablemēt il cōgnoissoit toutes gens d'autorité, & de valeur, qui estoient en Angleterre, en Espagne, en Portugal, en Italie, & es seigneuries du Duc de Bourgongne, & en Bretagne, ainsi cōme il faisoit ses subiectz. Et ces termes & façons qu'il tenoit, dont i'ay parlé cy dessus, luy ont sauué la couronne, veu les ennemys qu'il l'estoit luy mēme acquis à son aduenement au Royaume. Mais sur tout luy à seruy s'agīād largesse: car ainsi comme sagement il conduisoit l'aduersité, à l'opposite des ce qu'il cuidoit estre à seur, ou seulement en vne trefue, se mettoit à mēconterter ses gens, par petis moyens qui peu luy seruoyēt: & à grand' peine pouuoit endurer paix. Il estoit leger à parler des gens, & ausi tost en leur presence qu'en leur absēce: sauf de ceulx qu'il craignoit. Qui estoit beaucoup: car il estoit assez craintif de sa propre nature. Et, quand pour parler il auoit receu quelque dommage, ou en auoit suspicion, & le vouloit reparer, il vsoit de ceste parole au personnage propre: Je sçay bien que mal langue m'a porté grand dommage, ausi m'a elle fait quelquesfois du plaisir beaucoup: toutesiois c'est raison que ie repare l'amende. Et n'usoit point de ses priuees paroles, qu'il ne feist quelque bien au personnage à qui il parloit: & n'en faisoit nulz petis. Encores fait Dieu grand' grace à vn Prince, quand il sçait biē & mal, & par especial quand le bien precede, comme au Roy nostre maistre dessusdict. Mais à mon aduis que le trauail qu'il eut en sa ieunesse, quand il fut fugitif de son pere, & fuit soubz le Duc Philippe de Bourgongne, ou il fut six ans, luy valut beaucoup. car il fut contrainct de complaire à ceulx dont il auoit besoing: & ce biē (qui n'est pas petit) luy aprint aduersité. Cōme il se trouua grand & Roy couronné, d'entree ne pensa qu'aux vengences. mais tost luy en vint le dommage & quand & quand la repētece: & repara ceste folie, & cesterreur, en regagnant ceulx ausquelz il tenoit tort, comme vous entendrez cy apres. Et s'il n'eust eu la nourriture autre que les Seigneurs que i'ay veu nourrir en ce Royaume, ie ne croy pas que iamais se fust ressoirs. car ilz ne les nourrisent seulement qu'à faire les folz en habilemens & en paroles. De nulles lettres ilz n'ont congnoissance. Vn seul sage homme on n'entremet à l'entour. Ilz ont des Gouverneurs à qui on parle de leurs affaires, & à eulx riens: & ceulx là disposent de leurs idictz affaires: & telz Seigneurs y a qui n'ont que treize liures de rente, qui se glorifient de dire: Parlez à mes gens: cuydans par ceste parole contrefaire les tresgrāds Seigneurs. Ausi ay-je bien veu souuent leurs seruiteurs faire leur profit d'eulx,

en leur donnant bien à congnoistre qu'ilz estoient bestes. Et si d'auenture quelqu'un s'en reuient, & veult congnoistre ce q' luy appartient, c'est si tard qu'il ne sert plus de gueres. car il fault noter que tous les hômes, qui iamais ont esté grans & fait grandes choses, ont commencé fort ieunes. Et cela gist à la nourriture, ou vient de la grace de Dieu.

*Comment les Bourguignons, estans pres Paris, attendans la bataille, cuyderent de chardons, qu'ilz veirent, que ce fussent lances de bout.* Chap. 11.

**Q**R ay ie long tēps tenu ce propos: mais il est tel que ie n'en fors pas bien quand ie veulx. Or pour reuenir à la guerre, vous auez ouy comme ceulx que le Roy auoit logez en ceste trenchee, au long de ceste riuiere de Seine, se deslogerent à l'heure que l'on les deuoit assaillir. La trefue ne duroit iamais gueres qu'un iour ou deux. Aux autres iours se faisoit la guerre tant aspre qu'il estoit possible: & cōtinuerent les escarmouches depuis le matin iusques au soir. Grosses bēdes ne failloyēt point de Paris: toutesfois souuent nous remettoyent nostre guet: & puis on le renforçoit. Je ne vey iamais vne seule iournee qu'il n'y eust escarmouche, quelque petite que ce feust: & croy bien que le Roy eust voulu qu'elles y eussent esté plus grosses: mais il estoit en grand soupçon, & de beaucoup, qui estoit sans cause. Il m'a autresfois dit qu'il trouua vne nuit la Bastille saint Antoinne ouuerte, par la porte des champs, de nuit. Ce qui luy donna grād' suspicion de mesire Charles de Melun: pource que son pere tenoit la place. Je ne dy autre chose dudit mesire Charles que ce que i'en ay dit: mais meil leur seruiteur n'eut point le Roy pour ceste annee là.

Vn iour fut entrepris à Paris de nous venir combattre: & croy que le Roy n'en delibera riēs, mais les capitaines: & de nous assaillir de trios costez. Les vns deuers Paris: qui deuoit estre la grand' cōpaignie. Vne autre bēde deuers le Pōt-de-Charētōn: & ceulx là n'eussent gueres sceu nuire: & deux cēs Hōmes-d'armes, qui deuoient venir par deuers le Boys-de-Vincennes. De ceste conclusion fut aduertie l'ost, enuiron la minuit, par vn Page, qui vint crier de l'autre-part de la riuiere. car aucuns bons amys des Seigneurs les aduertissoyent de l'entreprinse (qui estoit telle qu'auetz ouy) & en nomma aucuns, & puis incontinent s'en alla. Sur la fine poincte du iour vint mesire Poncet de Riuiere, deuant ledict Pont-de-Charētōn: & monseigneur du Lau d'autrepart, deuers le Boys-de-Vincennes, iusques à nostre artillerie: & tuerent vn Canonnier. L'alarme fut fort grand, cuydant que ce fust ce dont le Page auoit aduertie la nuit. Tost fut armé mōseigneur de Charoloys: mais encores plus tost Iehan Duc de Calabre: car à tous alarmes c'estoit le premier hōme armé, & de toutes pieces, & son cheual tousiours bardé. Il portoit vn habillement, q' ces conducteurs portēt en Italie: & sembloit bien Prince & chef de guerre: & tiroit tousiours droit aux barrières de nostre ost, pour garder les gēs de saillir: & y auoit d'obeissance autant q' mōseigneur de Charoloys: & luy obeissoit tout l'ost de meilleur cōeur: & à la verité, il estoit digne d'estre honoré. En vn momēt tout l'ost fut en armes, & à pied, au lōg des charrettes p' le dedās, sauf quelques deux cēs cheuaux, qui estoēt dehors au guet:

& (excepté ce iour) ie ne cōgnu iamais q' l'on eust esperāce de cōbatre: mais à ceste fois chascū s'y artēdoit. Et sur ce \* poit arriuerēt les Ducz de Berry & de Bretagne: lesq'z iamais ne vey armez q' ce iour. Le Duc de Berry estoit armé de toutes pieces. Ilz auoyēt peu de gens ainſi. Ilz passerent par le champ: & se mirent vn peu au dehors pour trouuer messeigneurs de Charoloys & de Calabre: & là parloyent ensemble. Les Cheuaucheurs, qui estoient enforcez allerēt plus pres de Paris: & veirēt plusieurs Cheuaucheurs, qui venoyēt pour ſçauoir ce bruit en l'oſt. Noſtre artillerie auoit fort tiré, quād ceulx de mōſeigneur du Lau s'en estoient approchez ſi pres. Le Roy auoit bonne artillerie ſur la muraille de Paris: laquelle tira plusieurs coups iusques à noſtre oſt. Qui eſt grād' choſe (car il y a deux lieues) mais ie croy q' l'on auoit leuē le nez biē hault aux baſtons. Ce bruit d'artillerie faiſoit croire de tous les deux coſtez quelque grand' entreprinſe. Le temps estoit fort obscur & trouble: & noz Cheuaucheurs, qui s'estoyent approchez de Paris voyoyent plusieurs Cheuaucheurs, & bien loing oultre voyoyent grāde quantité de lances de bout, ce leur sembloit: & iugeoyent que c'estoyent toutes les batailles du Roy, qui estoient aux champs, & tout le peuple de Paris: & ceste imagination leur donna l'obſcurité du temps. Ilz se reculerent droit vers ces Seigneurs, qui estoient hors de noſtre champ: & leur ſignifierent ces nouuelles: & les aſſeurerent de la bataille. Les Cheuaucheurs faillis de Paris, s'approchoyent tousiours: pource qu'ilz voyoyent reculer les noſtres. qui encores les faiſoit mieulx croire. Lors vint le Duc de Calabre là ou estoit l'estēdard du Comte de Charoloys, & la pluspart des gens de bien de ſa maiſon pour l'accompaigner, & la baniere preſte à deſployer, & le guidon de ſes armes: qui estoit l'uſance de ceste maiſon: & là nous dit à tous lediēt Duc Iehan: Or ça nous ſommes à ce que nous auons tousiours deſiré. Voylà le Roy & tout ce peuple ſailly de la ville, & marchēt, comme dient noz Cheuaucheurs: & pource que chascun ait bon coeur. Tout ainſi qu'ilz ſaillent de Paris nous aulnerōs à l'aulne de la ville: qui eſt à la grand' aulne. Ainſi alla reconfortant la compaignie. Noz Cheuaucheurs auoyēt vn petit reprins de coeur, voyans q' les autres Cheuaucheurs estoient ſoibles. Si ſe ſ'approcherēt de la ville, & trouuerent encores ces batailles ou ilz les auoyent laiſſees. qui leur dōna nouueau penſement. Ilz s'en approcherent le plus qu'ilz peurent: mais eſtant le iour vn peu haulté & eſclarcy, ilz trouuerent que c'estoyent grans chardons. Ilz furent iusques aupres des portes, & ne trouuerent riens dehors: & incontinent le manderent à ces Seigneurs: qui s'en allerent ouir meſſe, & diſner: & en furent honteux ceulx qui auoyēt dit ces nouuelles: mais le temps les excuſa, avec ce que le Page auoit dit la nuit de deuant.

Comment le Roy & le Comte de Charoloys parlerent ensemble,  
pour cuyder moyenner la paix. Chap. 12.



A pratique de paix continuoit tousiours, plus eſtroit entre le Roy & le Comte de Charoloys qu'ailleurs: pource que la force giſoit en eulx. Les demandes des Seigneurs estoient grandes: par eſpecial pource que le Duc de Berry demaſdoit Normandie pour ſon

partage. ce que le Roy ne vouloit accorder. Le Comte de Charoloys vouloit auoir les villes assises sur la riuere de Somme, comme Amyens, Abbeuille, Sainct-Quentin, Peronne, & autres: lesq̃lles le Roy auoit rachetees de quatre cēs mille escus du Duc Philippe, n'y auoit pas trois moys: & les auoit eues ledict Duc, par la paix d'Arras, du Roy Charles septieme. Ledit Comte de Charoloys disoit que de son viuant le Roy ne les deuoit racheter: luy ramenteuant combien il estoit tenu à sa maison. car durant qu'il estoit fugitif de son pere, le Roy Charles, il y fut receu & nourry six ans, ayans deniers de luy pour son viure: & puis fut amené par eulx iusques à Reims & à Paris à son Sacre. Ainsy auoit prins le Côte de Charoloys en tresgrand despit se rachapt des terres dessusdictes. Tant fut demenee ceste pratique de paix, q̃ le Roy vint, vn matin, par eaue, iusques vis à vis de nostre ost, ayant largement de cheuau sur le bord de la riuier. mais en son basteau n'estoyent que quatre ou cinq personnes, hors mis ceulx qui le tiroyēt: & y auoit mōseigneur du Lau, monseigneur de Montauban, Admiral de France pour lors, mōseigneur de Nantouillet & autres. Les Comtes de Charoloys & de Sainct-Paul estoyēt sur le bord de la riuiere de leur costé, attendant ledict Seigneur. Le Roy demanda à mōseigneur de Charoloys ces mortz: Mon frere, m'asseurez vous: car autresfois ledict Comte auoit espousé sa sœur. Ledit Comte luy respon dit: \* Ouy, comme frere. Le Roy descendit à terre, avec les dessusdictz, qui estoyent venus avec luy. Les Comtes dessusdictz luy feirent grād honneur, comme raison estoit: & luy, qui n'en estoit chiche, commença la parole, disant: Mon frere, ie congnoy que vous estes Gētil-homme, & de la maison de France. Ledit Comte luy demāda: Pourquoi, \* monseigneur? Pource (dist il) que, quand i'enuoyay mes Ambassadeurs à l'Isle, n'āgueres, deuers mon oncle vostre pere & vous, & que ce fol Moruillier parla si biē à vous, vous me mandastes par l'Archeuesque de Narbonne (qui est Gentil-homme, & il le monstra bien. car chascun se contenta de luy) que ie me repentiroye des paroles q̃ vo\* auoit dit ledict de Moruillier, auāt qu'il fust le bout de l'an. Vous m'auiez tenu promesse: & encores beaucoup plus ost que le bout de l'an. Et dist le Roy ces paroles en bon visage, & riāt, cōgnoissant la nature de celuy, à qui il parloit, estre telle qu'il prédroit plaisir ausdictes paroles: & seuremēt elles luy pleurent. Puis poursuyuit ainsy: Avec telz gēs veulx i'auoir à besonner, qui tiennent ce qu'ilz promettent. Et desaduoua ledict Moruillier, disant ne luy auoir point donné de charge d'aucunes paroles qu'il auoit dictes. En effect long temps se pourmena le Roy au milieu de ces deux Comtes. \*  
Du costé dudit Comte de Charoloys auoit largement gens armez, qui les regardoyent assez de pres. La fut demādē la Duchē de Normandie, & la riuere de Sōme, & plusieurs autres demādes pour chascū, & aucunes ouuer tures, ia pieça faictes pour le biē du Royaume: mais c'estoit là le mois de la q̃stion. car le bien public estoit cōuert en bien particulier. De Normandie, le Roy n'y vouloit entēdre pour nulles choses: mais accorda audit Comte de Charoloys sa demāde: & offrit audit Côte de Sainct-Paul l'office de Cōnestable, en faueur dudit Côte de Charoloys: & fut leur Adieu tresgracieux: & se remit le Roy en son basteau: & retourna à Paris, & les autres à Conflā.

Ainsy

\* Teuill. lxxf.  
dit Monsieur  
ouy. Iel ouy  
si feirēt assez  
d'autres. Le  
Roy, &c.

\* Monsieur.  
Exemp. auell.

\* y ayant lar  
gement gēs  
armez. lxxm.  
auell.

Ainsi se passerēt les iours: les vns en trefues, les autres en guerre: mais toutes paroles d'appoinctement s'estoyent rompues (l'enten au lieu ou les deputez d'un costé & d'autre s'estoyēt acoustumēz assembler: qui estoit à la Grāge-aux-mereiers) mais la pratique dessusdictē l'ontretenoit entre le Roy & ledict Seigneur de Charoloys: & alloient enuoyans gens de l'un à l'autre, nonobstant qu'il fust guerre: & y alloit vn nommé Guillaume de Bishe, & vn autre, appelé Guillot \* Diuise, estans au Comte de Charoloys tous deux: toutesfoiſ auoyent autresfoiſ receu bien du Roy: car le Due Philippe les auoit bannis, & le Roy les auoit recueillis, à la requeste dudiſt Seigneur de Charoloys. Ces allees ne plaisoyent à tous: & commençoient ia ces Seigneurs à se deſſier l'un de l'autre, & à se \* laisser: & n'eust esté ce qui suruint peu de iours apres, ilz s'en fussent tous allez honteusement. Le les ay veuz tenir trois conseilz en vne chambre, ou ilz estoient tous assemblez: & vey vn iour qu'il en despleut bien au Côte de Charoloys: car il s'estoit ia fait deux fois en sa presence: & il luy sembloit bien que la plus grand \* chose, & toute, c'estoit que de parler en sa presēce, & que, sans l'appeler, ne se deuoit point faire. Et en parla au Seigneur de Contay, bien fort sage homme (comme i'ay dit ailleurs) qui luy dist qu'il le portast patiemēt: car, s'il les courrouçoit, ilz trouueroyent mieulx leur appoinctement que luy: & que, comme il estoit le plus fort, qu'il faloit qu'il fust le plus sage, & qu'il les gardast de se diuiser, & mist peine à les entretenir ioinctz de tout son pouuoir, & qu'il dissimulast toutes ces choses: mais qu'à la verité l'ó s'esbahissoit assez, & mesmemēt chez luy, de quoy si petis personnages, cōme les deux dessusdictz s'empeſehoyēt de si grand \* matiere: & que c'estoit chose dangereuse, encores ayant affaire à Roy si liberal comme est cestuy cy. Lediſt de Cōtay haïſſoit ledict Guillaume de Bishe: toutesfoiſ il disoit ce que plusieurs autres disoyent comme luy: & croy q son affection ne l'en faisoit point parler, mais seulement la necessité de la matiere. Audiſt Seigneur de Charoloys pleut ce conseil, & se mit à faire plus de feste & de ioye avec ees Seigneurs, que parauant, & avec meilleure chere: & eut plus de communications avec eulx, & leurs gēs, qu'il n'auoit acoustumé: Et à mon aduis qu'il en estoit grand besoing, & danger qu'ilz ne se fussent separez.

Vn sage homme sert bien en vne telle compaignie, mais qu'on le vueille croire: & ne se pourroit trop acheter. Mais iamais ie ne congny Prince, qui ait seeu cōgnoistre la differēce entre les hōmes, iusques à ce qu'il se soit trouuē en neceſſité, & en affaire: & s'ilz le congnoissent, si ne leur en chault il: & departent leur autorité à ceulx, qui plus leur sont agreables, & pour l'aage qui leur est plus sortable, & pour estre \* eompris en leurs opinions: ou aucunesfoiſ sont \* menez par ceulx qui sçauent & conduisent leurs petis plaisirs. Mais ceulx qui ont enredēment s'en reuiennent tost, quād il en est besoing. Tel ay ie veu le Roy, ledict Côte de Charoloys, pour le tēps de lors, & le Roy Edouard d'Angleterre, & autres plusieurs: & à telle heure i'ay veu ees trois qu'il leur en estoit bon besoing, & qu'ilz auoyent faulte de ceulx qu'ilz auoyēt mesprizez. Mais, depuis que ledict Comte de Charoloys eut esté Duc de Bourgongne, & que la fortune l'eut mis plus hault que ne fut iamais hō-

\* L'ex. de l'ou  
dit Guillot  
Dieuie. &  
le n. est exempl.  
Guyot Diu-  
sie.

\* laisser. & x.  
uuel.

\* force de  
cest Oit e-  
ſtoit liē: &  
parler en sa  
chambre, sans  
l'y appeler,  
ne se deuoit  
point faire.  
exempl. uuel.

\* conformes  
à leurs. & c.  
exempl. uuel.

\* maniez.  
exempl. uuel.

## PREMIER LIVRE DES MEMOIRES

me de sa maison, & si grand qu'il ne craignoit nul Prince pareil de luy, Dieu le souffrit cheoir en ceste gloire: & tant luy diminua du sens, qu'il mespris soit tout autre conseil du mode, sauf le sien seul: & aussi tost finit sa vie douloureusement avec grand nombre de gens, & de ses subiectz: & delola la maison, comme vous voyez.

*Comment la ville de Rouen fut mise entre les mains du Duc de Bourbon, pour le Duc de Berry, par quelques menées: Et comment le traité de Cōflans fut de tous pointz conclu.*

Chap. 13.



Source qu'icy dessus j'ay beaucoup parlé des dangers qui sont en ces traictéz, & que les Princes y doyuent estre bien sages, & bien congnoistre quelles gens les meinent, & par especial celuy qui n'a pas le plus apparent du ieu, maintenant l'entendra qui m'a meue de tenir si long compte de ceste matiere. Ce pendant q'ces traictéz se menoyēt par voyes d'assemblees, & que l'on pouuoit communiquer les vns avec les autres, en lieu de traicter paix se traicta par aucuns, que la Duché de Normãdie se mettroit entre les mains du Duc de Berry seul frere du Roy: & que là il prendroit son partage, & laisseroit Berry au Roy: & tellement fut conduycte ceste marchandise que madame la Grand'-Seneschale de Normandie, & aucuns à son adueu, comme seruiteurs & parens, mirent le Duc Iehan de Bourbon au chasteau de Rouen, & par là entra en la ville: laquelle ville tost se consentit à ceste mutation, comme trop desirant d'auoir Prince qui demourast au pais de Normandie: & le semblable feirent toutes les villes & places de Normãdie, ou peu s'en falut. Et à tousiours bien semblé aux Normans, & fait encores, que si grand' Duché, comme la leur, requiert bien vn Duc: Et, à la verité dire, elle est de grand' estime: & sy leue de grans deniers. l'en ay veu leuer neufcens cinquante mille francz. Aucuns dient plus.

Après que la ville fut tournée, tous les habitans feirent le serment audict Duc de Bourbon, pour ledict Duc de Berry, sauf le Baillif\* (qui auoit esté nourry du Roy, pour valet de chambre, luy estant en Flandres, & bien priué de luy) & vn appelé maistre Guillaume\* Piquart, puis General de Normandie: & aussi le Grãd-Seneschal de Normãdie (qui est auourd'huy) ne voulut faire le serment: mais retourna vers le Roy, contre le vouloir de sa mere: laquelle auoit conduict ceste reduction, comme dict est.

Quand ceste mutation fut venue à la congnoissance du Roy, il se delibera d'auoir paix, voyant ne pouuoir donner remede à ce qui ia estoit aduenu. Incontinent donc fait sçauoir à mondict Seigneur de Charoloys, qui estoit à son Ost, qu'il vouloit parler à luy: & luy nōma l'heure qu'il se rendroit aux champs, aupres duedict Ost, estant pres Cōflans: & faillit à l'heure dicte, avec enuiron cent cheuaux, dōt la pluspart estoit des Escossois de sa garde. d'autres gens peu. Ledict Comte de Charoloys ne menagueres de gens: & y alla sans nulle cerimonie: toutesfois il en suruint beaucoup, & tant qu'il en auoit beaucoup plus qu'il n'en estoit failly avec le Roy. Si les feit demourer vn petit loing, & se pourmenèrent eulx deux vne espace de tēps: & luy dist le Roy que la paix estoit faicte: & luy compta ce cas, qui estoit aduenu à Rouē

(dont

\* nōmé O-naste. Exemp-niel.

\* Picard. Exemp-niel.

(dont ledict Côte ne ſçauoit encores rié) diſant le Roy qu'en ce coſentemēt n'eust iamais baillé tel partage à ſon frere: mais puis q̄ d'eulx meſmes les Normans en auoyēt fait ceste nouuelleté, il en eſtoit cōtent: & paſſeroit le traicté en toutes telles formes, cōme il auoit eſté aduiſé par pluſieurs iournees precedentes: & peu d'autres choſes auoyent à acorder. Ledit Seigneur de Charoloys en fut fort ioyeux: car ſon Oſt eſtoit en trefgrand' neceſſité de viures, & principalemēt d'argēt: & quand cecy ne fuſt aduenu, tout autāt qu'il y auoit là de Seigneurs ſ'en fuſſent tous allez hôteuſemēt. Toutesſois audiēt Comte arriua ce iour, ou bien peu de iours apres, vn renfort que ſon pere le Duc Philippe de Bourgōgne luy enuoyoit, qu'amenoit monſieur de Sauueſſes: ou il y auoit ſix vingtz Hommes-d'armes, & quinze cens Archiers, & ſix vingtz mille eſcus cōtés ſur dix ſommiers, & grand' quārité d'arcz & traictz: & cecy pourueut aſſez bien l'Oſt des Bourguignōs, eſtans en deſſiance que le demeurant ne ſ'accordast ſans eulx.

Ces paroles d'appoinctement plaiſoyēt tant au Roy, & audiēt Comte de Charoloys, que ie luy ay ouy compter depuis q̄ ſi affectueuſement parloyēt d'acheuer le demeurāt, qu'ilz ne regardoyent point ou ilz alloiyēt: & tirerēt droit deuers Paris: & tant allerent qu'ilz entrerent dedans vn grand Bouleuērt de terre & de boys, q̄ le Roy auoit fait faire allez loing hors de la ville, au bout d'une trenchee, \* & au long de ladicte trenchee on entroit dedans la ville. Auec ledict Comte eſtoyēt quatre ou cinq pſonnes ſeulement: & quād ilz furent dedans, ilz ſe trouuerent trefſebahls: toutesſois ledict Comte tint la meilleure cōtenāce qu'il peut. Il eſt à croire q̄ nul de ces deux Seigneurs \* ne furent errans de foy depuis ce temps là, veu qu'à l'un ny à l'autre ne print mal. Comme les nouuelles vindrēt à l'oſt que ledict Seigneur de Charoloys eſtoit entré dedans ledict Bouleuērt, il y eut trefgrand' murmure: & ſe mirēt enſemble le Côte de Saint-Paul, le Mareſchal de Bourgongne, le Seigneur de Contay, le Seigneur de Haultbourdin, & pluſieurs autres, donnant grād' charge audiēt Seigneur de Charoloys de ceste folie, & aux autres qui eſtoyent de ſa compaignie: & alleguoyent l'inconuenient aduenu à ſon grād' pere, à Montereau-fault-Yonne, preſent le Roy Charles ſeptieme. Incontinēt feirent retirer dedans l'oſt ce qui eſtoit dehors pourmenāt aux chāps: & vſa le Mareſchal de Bourgongne (appelé Neuf-châſtel par ſon ſurnom) de ceste parole: Si ce ieune Prince, fol & enragé, ſ'eſt allé perdre, ne perdons pas ſi maiſon, ny le fait de ſon pere, ny le noſtre: & pource ie ſuis d'aduis q̄ chaſcun ſe retire en ſon logis, & ſe tienne preſt, ſans foy eſbahir de fortune qui aduienne: car nous ſommes ſuffiſāns, nous tenans enſemble, de nous retirer iuſques es marches de Henault, ou de Picardie, ou en Bourgongne.

Après ces paroles monta à cheual auec le Comte de Saint-Paul, ſe pourmenant hors de l'Oſt, & regardant ſ'il venoit rien deuers Paris. Apres y auoir eſté vne eſpace de temps, veirent venir quarante ou cinquante cheualx: & y eſtoit le Comte de Charoloys, & autres des gens du Roy, qui le ramenoyent, tant Archiers qu'autres. Et quand il les veit approcher, il ſeit retourner ceulx qui l'accōpaignoyēt: & adreſſa ſa parole audiēt Mareſchal, qu'il craignoit. car il vſoit de trefapres paroles: & eſtoit bō & loyal cheualier

\* & entroit l'on dedās la ville par icel le. *xxx. uel.*

\* Le uel. *xxx.* dit ne ſōt accreus de foy. &c. ne armours il roye toute ce ſte clauſe là, de puis Il eſt à croire, iuſques à Comme les nouuelles.



## PREMIER LIVRE DES MEMOIRES

\* Au uieil Ex.  
Plus luy dist  
ledict Mare-  
schal en la  
presence quil  
n'auoit fait  
en son absen-  
ce.

pour son party:& luy oſoit bien dire:le ne ſuis à vous que par emprunt, tant que voſtre pere viura. Les paroles dudiſt Comte furent telles: Ne me tenſez point:car ie cōgnoy bien ma grand' folie: mais ie m'en ſuis apperceu ſi tard que i'eſtoye pres du Boulleuert. \* Puis luy diſt le Mareſchal qu'il auoit fait cela en ſon abſence. Lediſt Seigneur baiſſa la teſte, ſans rien reſpōdre: & ſ'en reuint dedās ſon Oſt:ou tous eſtoyent ioyeux de le reuoir: & loua chaſcū la foy du Roy:toutesfois ne retourna onques puis lediſt Côte en ſa puiſſance.

\* Du traité de paix conclu entre le Roy & le Comte de Charoloys  
& ſes alliez. Chap. 14.



Enalement toutes choſes furent accordees: & le lendemain feit le Comte de Charoloys vne grande monſtre, pour ſçauoir quel-les gens il auoit, & ce qu'il pouuoit auoir perdu: & ſans dire gare, y reuint le Roy, avec trente ou quarāte cheuaux: & alla voir toutes les compaignies, l'une apres l'autre, ſauf celle de ce Mareſchal de Bourgōgne: lequel ne l'aymoit pas, à cauſe que des pieça en Lorraine lediſt Seigneur luy auoit donné Pinal, & depuis oſté, pour la donner au duc Jehan de Calabre:dont grand dōmage en auoit eu lediſt Mareſchal. Peu à peu reconcilioit le Roy avec luy les bons & notables Cheualiers, qui auoyēt ſeruy le Roy ſon pere:leſquelz il auoit deſappoinctez à ſon aduenement à la couronne, & pour ceſte cauſe ſ'eſtoyēt trouuez en ceſte aſſemblee: & cōgnoiſſoit lediſt Seigneur ſon erreur. Il fut diſt q̄ le lendemain ſe trouueroit le Roy au chaſteau de Vincēnes, & tous les Seigneurs qui auoyent à luy faire hommage:& pour ſeureté de tous, bailleroit le Roy lediſt chaſteau de Vincennes au Comte de Charoloys.

\* Là fut le  
lieu ou ſe  
feitle traité  
&c. En p. auil

Le lendemain ſe trouua le Roy & tous les Princes, ſans en faillir vn: & eſtoit le portail & la porte bien garnie des gens dudiſt Comte de Charoloys en armes. \* Là fut leu le traité de la paix. Monſeigneur Charles feit hōmage de la Duché de Normandie au Roy:& le Comte de Charoloys des terres de Picardie, dont il a eſté parlé:& autres qui en auoyent à faire. Le Comte de Saint-Paul feit le ſerment de ſon office de Cōneſtable. Il n'y eut iamais de ſi bōnes nopces qu'il n'y en euſt de mal diſneez. Les vns feirent ce qu'ilz vouloyent: & les autres n'eurent rien. De moyens & bons perſonnages retira le Roy:toutesfois la plus grand' part demeurerēt avec le Duc de Bretagne & le Duc nouveau de Normandie:leſquelz allerent à Rouen prēdre leur poſſeſſion. Au partir du chaſteau du Boys-de-Vincēnes, prindrent tous congé l'un de l'autre:& ſe retira chaſcun en ſon logis: & furēt faiſtes toutes lettres, pardons, & toutes autres choſes neceſſaires, ſeruans au faiſt de la paix. Tous en vn iour partirent le Duc de Normādie, & le Duc de Bretagne, pour eulx retirer premierement audict païs de Normādie, & le Duc de Bretagne puis apres en ſon païs: & le Comte de Charoloys pour ſe retirer en Flandres: & comme lediſt Comte fut en train, le Roy vint à luy, & le conduiſit iuſques à Villiers-le-bel(qui eſt vn village à quatre lieues de Paris)monſtrant par eſfect auoir vn grand deſir de l'amitié dudiſt Comte: & tous deux y logerent ce ſoir. Le Roy auoit peu de gens: mais il auoit fait venir deux cens Hom-  
mes.

mes-d'armes pour le recôduire: dont fut aduertty le Comte de Charoloys en se couchant: & entra en vne tresgrand' suspition: & feit armer largement de gens. Ainsi pouez voir qu'il est quasi impossible que deux grâs Seigneurs le pussent aceorder, pour les rapportz & suspitiôs qu'ilz ont à chascune heur: & deux grâs Princes, qui se vouldroyent bien entr'aymer, ne se deuroyēt iamais voir: mais enuoyer bonnes gens & sages l'un vers l'autre, & ceulx les entretien droient ou amenderoyent les fautes.

Lendemain au matin, les deux Seigneurs dessusdictz prindrent congé l'un de l'autre, avec bonnes & sages paroles: & retourna le Roy à Paris, en la cōpaigrie de ceulx qui l'estoyent allé querir: & cela osta la suspition qu'on pouuoit auoir eue de luy, & de leur venue. Et ledict Comte de Charoloys print le chemin de Compiengne & de Noyon: & part tout luy fut faicte ouuerture, par le commandement du Roy. De là tira vers Amyens: ou il receut leur hommage, & de ceulx de la riuere de Somme, & des terres de Picardie, qui luy estoyēt restituees par ceste paix: desquelles le Roy auoit payé quatre cens mille Escus d'or, n'y auoit pas neuf moys, comme i'ay dit ailleurs cy dessus. Et incontinent passa oultre: & tira au païs du Liege: pource qu'ilz auoyent desia fait la guerre par l'espace de cinq ou six moys à son pere (luy estant dehors) es païs de Namur & Brabant: & auoyent desia ledict Liegeois \* fait vne destrouffe cōtre eulx. Toutesfois à cause de l'yuer \* ilz ne peurent pas faire grand' chose. Nonobstant y eut grand' quantite de villages bruslez, & de petites destrouffes furent faictes sur les Liegeois: & feirent vne paix: & l'obligerent ledict Liegeois de la tenir, sur peine de grand' somme de deniers: & s'en retourna ledict Comte en Brabant.

\* Liegeois  
vne destrouff  
se entre eulx  
Exemplé.

\* il n'y peut  
pas Exemplé.

*Comment, par la diuision des Ducz de Bretagne & de Normandie, le Roy reprist en ses mains ce qu'il auoit baillé à son frere. Chap. 15.*

**L**N retournant aux Duez de Normâdie & de Bretagne, qui estoyēt allez prendre la possession de la Duché de Normâdie, incontinent que leur entree fut faicte à Rouen, ilz commencerent à auoir diuision ensemble, quand ce fut à departir le butin. car encores estoyēt avec eulx ces Cheualiers, que i'ay deuant nommez: lesquelz auoyent acoustumé d'auoir de grans honneurs, & de grans estatz du Roy Charles: & leur sembloit bien qu'ilz estoyent à la fin de leur entreprinse, & qu'au Roy ne se pouuoient fier: & vouloit chascun en auoir du meilleur endroit \* soy.

\* Le uiel Ex.  
n'a point soy.

D'autre part le Due de Bretagne en vouloit disposer en partie: car c'estoit celui qui auoit porté la plus grand' mise, & les plus grans frais en toutes choses. Tellement se porta leur discord qu'il falut que le Due de Bretagne, pour crainte de sa personne, se retirast au Mont sainte Katherine, pres Rouen: & fut leur question iusques là q̄ les gens dudit Due de Normâdie, avec ceulx de la ville de Rouen, furēt prestz à aller assaillir ledict Due de Bretagne iusques au lieu dessusdict: & en effect il falut qu'il s'en retirast le droit chemin vers Bretagne. Et, sur ceste diuision, marcha le Roy pres du païs: & pouuez penser \* qu'il pensoit biē à se cōduire à cest affaire: car il estoit maistre en ceste sciēce. Vne partie de ceulx, qui tenoyent les bōnes places, cōmencerent à

\* qu'il l'enē  
doit bien, &  
qu'il aydoit  
à la cōduire:  
car il &c.  
Exemplé.

## PREMIER LIVRE DES MEMOIRES

les luy bailler, & en faire leur appointment avec luy. Je ne ſçay de ces choſes que ce qu'il m'en a dit & cōpté : car ie n'eſtoye point ſur les lieux. Il print vn parlement avec le Duc de Breſtagne, qui tenoit vne partie des places de la baſſe Normandie, eſperant de luy faire habandonner ſon frere de ſon pointz. Ilz furent quelque peu de iours enſemble à Caen: & feirent vn traité, par lequel la ville de Caen & autres demeurèrent es mains de monſieur de \* Lefcut, avec quelque nôbre de gens payez : mais ce traité eſtoit ſi troublé que ie croy que l'un ne l'autre ne l'entendit iamais bien. Ainſi ſ'en alla le Duc de Breſtagne en ſon païs : & le Roy ſ'en retourna tirant le chemin vers ſon frere.

\* Lefcut Ex.  
uied. cōme font  
auſſi preſque  
tous nos Cron.  
& Annaliſtes.

Voyant lediſt Duc de Normandie qu'il ne pouuoit reſiſter, & que le Roy auoit prins le Pont-de-L'arche, & autres places ſur luy, ſe delibera prendre la fuyte, & de tirer en Flādres. Le Côte de Charoloys eſtoit encores à \* Sainct-Oen, en vne petite ville, au païs du Liege: lequel eſtoit aſſez empeſché : & fut ſon armee toute rompue & deſſaiſte, & en temps d'yuer, partie empeſchce contre les Liegeois : & luy douloit bien de ceſte diuiſion. car la choſe du môde qu'il deſiroit le plus, c'eſtoit à voir vn Duc en Normandie : car par ce moyen il luy ſembloit le Roy eſtre affoibly de la tierce partie. Il faiſoit amaffer gens ſur la Picardie, pour mettre dedans Dieppe: mais auāt qu'ilz fuſſent preſtz, celui, qui tenoit ladiſte ville, en feit ſon appointment avec le Roy. Ainſi retourna au Roy toute la Duché de Normandie, ſauf les places qui demeurerēt à monſieur de \* Lefcut, par l'appointemēt faiſt à Caen.

\* Sainctron  
Ex. pl. uied.

\* Lefcut por  
tent. Ex. uied.

*Comment le nouueau Duc de Normandie ſe retira en Breſtagne, ſon pouure & deſolé de ce qu'il eſtoit fruſtré de ſon intention.*

Chap. 16.

**E**diſt Duc de Normandie (comme i'ay diſt) ſ'eſtoit deliberé vn coup de fuir en Flandres, mais ſur l'heure ſe recōcilierent le Duc de Breſtagne & luy, congnoiſſant tous deux leurs erreurs, & que par diuiſion ſe perdent toutes les bonnes choſes du monde: & ſi eſt quaſi impoſſible que beaucoup de grans Seigneurs enſemble, & de ſemblable eſtat ſe puiſſent longuement entretenir, ſinon qu'il y ait chef par deſſus tous: & ſi ſeroit beſoyn que celui là fuſt ſage, & bien eſtimé, pour auoir l'obeiſſance de tous. I'ay veu beaucoup d'exēples de ceſte matiere à l'oeil: & ne parle pas par ouyr dire: & ſommes biē ſubieſtz à nous diuiſer ainſi à noſtre dōmage, ſans auoir grād regard à la cōſequence qui en aduient : & preſque ainſi en ay veu aduenir par tout le monde, \* ou l'ay ouy dire. Et me ſemble qu'un ſage \* perſonnage, qui aura pouuoir de dix mille hommes, & façō de les entretenir, eſt plus à craindre & eſtimer que ne ſeroyēt dix, qui en anroyēt chaſcū \* ſix mille tous alliez & cōfederez enſemble: pour autant qu'ilz ont tant de choſes à demeller & accorder entr'eulx, que la moiſtié du tēps ſe pert auant qu'il y ait rien conclu, n'accordé.

\* Le uied. Ex.  
raye ces quatre  
mots.

\* Prince ayāt  
pouuoir, &c.  
Ex. emp. uied.

\* dix Ex. uied.

Or ainſi ſe retira le Duc de Normādie en Breſtagne, pouure & deſſait, & ha bādōné de tous ces cheualiers qui auoyēt eſté au Roy Charles ſon pere: & auoyēt fait leur appointemēt avec le Roy, & mieulx appoitez de luy q'iamais n'auoyent

n'auoyēt esté de son pere. Ces deux Ducz dessusdictz estoient sages apres le coup (comme l'on dit des Bretons) & se tenoyent en Bretagne, & ledict Seigneur de Lescut, principal de tous leurs seruiteurs. Et y auoit maintes Ambassades allans & venans au Roy de par eulx, & de par luy à eulx : & de par eulx au Comte de Charoloys, & de luy à eulx : du Roy audict Duc de Bourgongne, & de luy au Roy : les vns pour sçauoir des nouuelles, les autres pour soustraire gēs, & pour toutes mauuaises marchandises, soubz ombre de bonne foy.

Aucuns y allerent par bonne intention, pour cuyder pacifier les choses : mais c'estoit grand folie à ceulx qui s'estimoient si bons & si sages, que de penser que leur presēce peult pacifier si grans Princes, & si subtilz comme estoient ceulx cy, & tant entendus à leurs fins : & veu spécialement que de l'un des costez, ne de l'autre, ne s'offroit nulle raison. Mais il y a de bonnes gens qui ont ceste gloire qu'il leur semble qu'ilz \* vuidront des choses là ou ilz n'entendent rien : car aucunesfois leurs maistres ne leur descouurent point leus plus secretes pensees. A la compaignie de telz, que ie dy, aduient que le plus souuent ne vont que pour parer la feste : & souuent à leurs despens : & va tousiours quelque humblet, qui a tousiours quelque marché à part. Ainsi au moins l'ay ie veu par toutes ces saisons, dont ie parle, & de tous les costez. Et ausi bien comme i'ay dit que les Princes doyuent estre sages à regarder à quelz gens ilz baillent leurs besongnes entre mains, ausi bien deuroient penser ceulx, qui vont dehors pour eulx, de s'entremette de telles matieres : & qui s'en pourroit excuser, & ne s'en empescher point, sinon qu'on veist qu'eulx mesmes y entendissent bien, & eussent affection à la matiere, seroit bien sage. car i'ay cōgnu beaucoup de gens de bien s'y trouuer bien empeschez & troublez. I'ay veu Princes de deux natures : les vns si subtilz & suspicionneux, que l'on ne sçauoit comment viure avec eulx, & leur sembloit tousiours qu'on les trompoit. les autres se foyent en leurs seruiteurs assez : mais ilz estoient si lourds, & si mal entendans à leurs besongnes, qu'ilz ne sçauoyent congnoistre qui leur faisoit bien ou mal : & ceulx là sont incōcōinēt muez d'amour en hayne, & de hayne en amour. Er combien q̄ de toutes les deux sortes s'en treuue bien peu de bons, ne là ou il y ait ne grand fermeté ne grand seureté, toutesfois i'aymerois tousiours mieulx viure soubz les sages que soubz les folz : car il y a plus de moyen de s'en pouoir eschaper, & d'acquérir leur grace : mais avec les ignorans ne sçair on trouuer nul expedient : pource qu'avec eulx ne fait l'on rien : ains avec leurs seruiteurs fault auoir affaire : \* lesquelz plusieurs eschappent souuent. Toutefois il fault que chascun les serue & obeisse, aux contrees là ou ilz se treuuent : car on y est tenu, & ausi cōtraint. Mais tout bien regardé, nostre seule esperance doit estre en Dieu : car en cestuy là gist tout nostre fermeté, & toute bonté en nulle chose du monde ne se pourroit trouuer : mais chascun de nous la congnoist tard, & apres ce que nous en auon se u besoing. toutesfois vault encores mieulx tard que iamais.

\* cōduiront  
xxm. auet.

\* Le uict. lxx.  
raye ces quatre  
mots, autre ciz,  
aussi escriptes,  
lesquels fait  
plusieurs es-  
chappent  
sonnant, mais  
possible seroit  
bon aussi : les-  
quelz serui-  
teurs plu-  
sieurs Prin-  
ces eschan-  
gent souuent.

## 20 Second liure des Memoires du

SEIGNEVR D'ARGENTON, SVR LES PRINCIPALX FAICTZ & gestes de Louis, onzieme de ce nô, Roy de Frâce.

Des guerres qui furent entre les Bourguignons & les Liegeois: & comme la ville de Dinand fut prise, pillée, & rasée. Chap. 1.



1466.

Depuis le temps que dessus se passerent aucunes annees, durant lesquelles le Duc de Bourgogne auoit chascun an guerre avec les Liegeois: & lors, quand le Roy le voyoit empesché, il essayoit faire quelq nouuelleté cōtre les Bretons: en faisant quelque peu de confort aux Liegeois: & aussi tost, le Duc de Bourgogne se tournoit cōtte luy pour secourir ses alliez: ou eulx mesmes faisoient quelque traicté, ou quelq trefue. En l'an mil quatre cens soixāte & six fut pris Dinād, assise au pais du Liege, ville tresforte de sa grādeur, & trefriche, à cause d'une marchandise qu'ilz faisoient de ces ouurages de cuyure, qu'on appelle Dinādrie: qui sont en effect portz & poisses, & choses semblables. Le Duc de Bourgogne, Philippe (lequel trespassa au mois de Iuin, l'an mil quatre cens soixante & sept) l'y feit mener en sa grande vieillesse en vne litiere: tant auoit de hayne contre eulx, pour les grādes cruaultez, dont ilz vsoient contre ses subiectz, en la Comté de Namur, & par especial en vne petite ville, nommee Bouuynes, assise à vn quart de lieue pres dudiēt lieu de Dinand: & n'y auoit que la riuiera de Meuse entre deux: & n'y auoit gueres que lesdictz de Dinand y auoyent tenu le siege, la riuiera entre deux, l'espace de huit mois, & fait plusieurs cruaultez es enuirs: & tiroient de deux Bombardes, & d'autres pieces de grosse artillerie, cōtinuellement durant ce tēps, au trauers des mailons de ladiēte ville de Bouuynes: & contraignoient les pauures gens d'eulx cacher en leurs caues, & y demourer. Il n'est quasi croyable la hayne qu'auoyent ces deux villes l'une contre l'autre: & si ne faisoient gueres de mariages de leurs enfans, sinon les vns avec les autres: car ilz estoient loing de toutes autres bonnes villes.

L'an precedant de la destruction dudiēt Dinand (qui fut la saison que le Côte de Charoloys estoit venu deuant Paris, ou auoit esté avec les Seigneurs de France, comme auez ouy) ilz auoyent fait vn appointment & paix avec lediēt Seigneur: & luy donnerent certaine somme de deniers: & l'estoyent separez de la citē du Liege, & fait leur faict à part. qui est le vray signe de la destruction d'un pais, quand ceulx, qui se doyent tenir ensemble, se separent & s'abandonnent. Je le dy aussi bien pour les Princes & Seigneurs alliez ensemble, comme ie fay pour les villes & communautēz. Mais pource qu'il me semble que chascun peut auoir veu & leu beaucoup de ces exemples, ie m'en tay, disant seulement que le Roy Louis nostre maistre, a mieulx sceu entendre cest art de separer les gens, que nul autre Prince que i'aye iamais congnu: & n'espargnoit l'argent, ne les biens, ne sa peine: & non point seulement

seulement enuers les maistres, mais ausibien enuers les seruiteurs. Ainsy ceulx de Dinand se commencerent tost à repentir de cest appointemēt desusdict: & feirent cruellemēt mourir quatre de leurs Bourgeois principaulx, qui auoyēt fait ledict traitté: & recommēcerent la guerre en ceste Comté de Namur, tant que pour ces raisons, & pour la sollicitatiō que faisoient ceulx de Bouuynes, le siege y fut mis par le Duc Philippe: mais la conduicte de l'armee estoit à son filz: & y vint le Comte de Saint-Paul, Connestable de France, à leur \* secours, partant de sa maison, & non pas par l'auctorité du Roy, ny avec ses Gens-d'armes: mais amena de ceulx qu'il auoit amassez es marches de Picardie. Orgueilleusemēt feirent vne faillie ceulx de dedās, à leur grand dōmage \* le huiſtieme iour d'apres qu'ilz auoyent esté fort battus: & n'auoyent leurs amys loysir de penser s'ilz leur ayderoyent. Ladicte ville fut prinſe & rafée: & les prisonniers, iusques à huiſt cens, noyez deuant Bouuynes. Je ne ſçay si Dieu l'auoit ainsy permis, pour leur grand' mauuaitie: mais la vengeance fut cruelle sur eulx.

\* *à uenir  
au ſecours des  
Bourguignons.*

\* *Le niel Enſ.  
met auſſi dom  
mage. Le  
huiſtieme  
iour d'apres  
furent prins  
d'aſſaut a-  
pres auoir e-  
ſté fort ba-  
tus &c. par,  
au lieu de vil-  
le prinſe, met  
brulée.*

Lendemain que la ville fut prinſe, arriuerent les Liegeois en grād' compaignie, pour les ſecourir, contre leur promeſſe: car ilz ſ'eſtoient ſeparez d'eulx par appointement, comme ceulx de Dinand ſ'eſtoient ſeparez de la cité du Liege.

Le Duc Philippe ſe retira, pour ſon ancien aage: & ſon filz, & toute ſon armee, ſe tira au deuant des Liegeois: & les rencontraſmes plus toſt que ne penſions: car, par cas d'auenture, noſtre Auantgarde ſ'eſgara, par faulte de ſes guides: & les rencontraſmes avec la bataille, ou eſtoient les principaulx Chefs de l'armee. Il eſtoit ia ſur le tard: toutesfois on ſ'apreſtoit de les aſſaillir. Sur celle heure vindrent gens deputez de par eulx au Comte de Charoloys: qui requirent qu'en l'honneur de la vierge Marie (dont il eſtoit la veille) il vouliſt auoir pitié de ce peuple, en excuſant leur faulte au mieulx qu'ilz peurent. Leſdictz Liegeois tenoyent contenance de gens qui deſiroient la bataille \* & n'auoyent point la parole de leurs Ambaſſadeurs. Toutesfois, apres qu'ilz furent allez & retournez deux ou trois fois, fut accordé par eulx entretenir la paix de l'an precedent, & bailler certaine ſomme d'argent: & pour ſeureté, pour tenir cecy mieulx que ce qui eſtoit paſſé, ilz promirent bailler trois cens oſtages, nommez en vn roolle par l'Eueſque du Liege, & par autres ſes ſeruiteurs, eſtans en l'armee, & les bailler dedans lendemain huiſt heures. Ceste nuit eſtoit l'Oſt des Bourguignons en grand trouble & doubte: car il n'eſtoit en rien clos ny fort: & eſtoient ſeparez, & en lieu propice pour les Liegeois: qui tous eſtoient Gens-de-pied, & congnoiſſoyent le pais mieulx que nous. Aucuns d'eulx eurent deſir de nous aſſaillir: & mon aduis eſt qu'ilz en euſſent eu le meilleur. Ceulx qui auoyent traitté l'accord, rompirent ceste entreprinſe.

\* *& toute op  
poſite de la  
parole &c.  
Exemp. uict.*

Incōtinēt q̄ le iour apparut, tout noſtre Oſt ſ'aſſembla: & les batailles furēt biē ordōnees, & le nōbre grand, cōe de trois mille Hōmes-d'armes, q̄ bons q̄ mauuais, & douze ou, \* quatorze mille Archers, & d'autres Gēs-de-pied beau coup du pais voiſi. On tira droit à eulx, pour recevoir les oſtages, ou pour les

\* *treze Exep.  
uict.*

## SECOND LIVRE DES MEMOIRES

combatre, s'il y auoit faulte. Nous les trouuâmes separez: & ia se departoyēt par bendes, & en desordre, cōme peuple mal cōduyt. Il estoit ia pres d'heure de midy, & n'auoyent point baillē les ostages. Le Comte de Charoloys demāda au Marēchal de Bourgōgne, qui estoit là, s'il leur deuoit courre sus ou non. Lediēt Marechal respondit qu'ouy: & qu'ilz les pouuoient deffaite sans peril. à quoy ne deuoit dissimuler, veu que la faulte venoit d'eulx. Apres on en demanda au Seigneur de Contay (que plusieurs fois ay nommé) qui fut de ceste opinion, disant que iamais n'auoit si beau party: & les luy monstra ia separez par bendes comme ilz s'en alloyent: & loua fort de ne tarder plus. Apres on en demanda au Connestable, Comte de Saint-Paul: qui fut d'opinion contraire, disant qu'il feroit contre son hōneur & promesse d'ainsi le faire: & que tant de gens ne peuuent estre si tost accordez en telle matiere, comme est de bailler ostages, & en si grand nōbre: & louoit de r'enuoyer deuers eux sçauoir leur intētion. L'argu de ces trois nōmez, avec lediēt Cōte, fut grand & long sur ce different. De l'un costē il voyoit ses grans & anciens ennemys deffaictz, & les voyoit sans nulle resistance. D'autre costē on l'argueroit de sa promesse. La fin fut qu'on enuoya vn Trompette vers eulx: lequel récontra les ostages qu'on luy amenoit. Ainsi passa la chose, & s'en retourna chascun en son lieu: mais aux Gēf-d'armes despleut fort le conseil qu'auoit donné lediēt Connestable: car ilz voyoyent le beau butin deuant leurs yeulx. On enuoya incontinent vne Ambassade au Lyege pour confermer ceste paix. Le peuple (qui est incōstāt) leur disoit à toute heure qu'on ne les auoit osē combattre: & leur tirerent couleurines à la teste, & leur firent plusieurs rudesses. Le Comte de Charoloys s'en retourna en Flādes. En ceste saison mourut son pere: auquel il feit tresgrand & solennel obsequē à Bruges: & signifia la mort dudiēt Seigneur au Roy.

*Comment les Liegeois rompirent la paix au Duc de Bourgogne, par auant Comte de Charoloys: & comment illes deffist en bataille.* Chap. 2.

*La mort du Duc  
Philippe de  
Bourgogne.*

\* trouuoyēt  
l'emp. uen.



E pendant & tousiours depuis se \* traictoyent choses secrettēs & nouuelles entre ces Princes. Le Roy estoit si irē contre le Duc de Bretaine & le Duc de Burgongne que merueilles: & auoyent lesdiētz Ducz grand' peine pour auoir nouuelles les vns des autres. car souuent leurs messagers auoyent empeschement: & en tēps de guerre falloit qu'ilz vinssent par mer: & pour le moins, falloit q̄ de Bretaine passassent en Angleterre, & puis par terre iusques à Douures, & passer à Calais: & ou ilz venoyent par terre le droiēt chemin, ilz venoyent en grand peril.

En toutes ces années de differens, & en autres subsequentes qui ont durē iusques à vingte, ou plus, les vnes en guerre, les autres en trefues & dissimulations, & que chascun des Princes comprenoit par la trefue ses alliez, Dieu fit ce bien au Royaume de France que les guerres & diuisions au païs d'Angleterre estoient encores en nature, & si pouuoient estre cōmencees quinze ans par auant, en grandes & cruelles batailles, ou maint hōme de bien fut occis. Et tous disoyent qu'ilz estoient traistres: à cause qu'il y auoit deux maisons qui pretēdoient à la couronne d'Angleterre: c'estasçauoir la maison de Lancastrē



Lâclastre & la maison d'Yorth. Et ne fault pas doubter, si les Angloys eussent esté en l'estat qu'ilz auoyent esté autresfois, que ce Royaume de Frâce n'eust eu beaucoup d'affaires. Tousiours taschoit le Roy venir à fin de Bretaigne: car il luy sembloit que c'estoit chose plus aysee à conquerir, & de moindre deffence q̃ n'estoit ceste maison de Bourgongne: & aussi q̃ c'estoyent ceulx qui recueilloient tous ses malueillâs, comme son frere & autres, qui auoyent intelligence dedans le Royaume. Et, pour ceste cause, pratiquoit fort le Duc de Bourgogne, pour luy faire cōsentir, par plusieurs offres, & par plusieurs marchez, qu'il les voulüst abandonner & par ce moyen aussi luy abandonneroit les Liegeois, & autres ses malueillans. ce qui ne se peut accorder: mais alla lediēt Duc de Bourgogne de nouveau sur les Liegeois, qui luy auoyent rompu la paix, & prins vne ville, appelee\* Lyny, & chacé ces gens dehors, & pillé ladiēte ville, nonobstāt les ostages, qu'ilz auoyent bailliez l'an precedēt, en peine capitale, au cas qu'ilz rōpissent le traicté, & aussi sur peine de grād\* somme d'argent. Il assembla son armee enuiron Louuain, qui est au pais de Brabant, & sur les marches\* du Liege. Là arriua deuers luy le Comte de Saint-Paul, Cōnestable de France (qui pour lors s'estoit de tous poinctz reduit au Roy, & se tenoit avec luy) & le\* Cardinal Balue & autres: lesq̃lz signifient au Duc de Bourgogne comme les Liegeois estoient alliez du Roy, & compris en sa trefue, l'aduertissant qu'il les secourroit: en cas que lediēt Duc de Bourgogne les assaillist. Toutesfois ilz offrirent, s'il vouloit consentir q̃ le Roy peust faire la guerre en Bretaigne, que lediēt Seigneur le laisseroit faire avec les Liegeois. Leur audience fut courte, & en public: & ne demeurerēt qu'un iour. Lediēt Duc de Bourgogne disoit, pour excuse, que lesdiētz Liegeois l'auoyent assailliy, & que la rompure de la trefue venoit de eulx, & non pas de luy: & que, pour telles raisons, ne deuoit abandonner ses alliez. Les dessusdictz Ambassadeurs furēt despeschez, comme il vouloit monter à cheual (qui estoit le lēdemain de leur venue) leur disant tout hault qu'il supplioit au Roy ne vouloir rien entreprendre sur le pais de Bretaigne.

Lediēt Cōnestable le pressa, en luy disant: Mon seigneur, vous ne choisissiez poit: car vo\* prenez tout, & voulez faire la guerre à vostre paisir à noz amys, & nous tenir en repos sans oser courre sus à noz ennemys, cōme vous faictes aux vostres. il ne se peut faire, ne le Roy ne le souffriroit point. Lediēt Duc print congé d'eulx, en leur disant: Les Liegeois sont assemblez, & m'attē d'auoir la bataille auant qu'il soit trois iours. si ie la perds, ie croy biē que vous en ferez à vostre guise: mais aussi, si ie la gaigne, vous laisserez en paix les Bretons. Et apres monta à cheual: & lesdiētz Ambassadeurs allerent en leur logis s'apprester pour eulx en aller. Et luy, party dudiēt lieu de Louuain en armes & trefgrosse compaignie, alla mettre le siege deuāt vne ville, appelee\* Saincton. Son armee estoit trefgrosse: car tout ce qui estoit peu venir de Bourgongne, s'estoit venu ioindre avec luy: & ne luy vey iamais tant de gens ensemble, à beaucoup pres.

Vn peu auant son parlement auoit mys en deliberation s'il seroit mourir ses ostages, ou qu'il en feroit. Aucūn opinèrent qu'il les feist mourir tous: & par especial le Seigneur de Contay (dont plusieurs fois i'ay parlé) tint ceste

\* Huy, pour Lyny exēpl. aucl. c. me sent ble vouloir Guag. & se. iuyment, si Huyū en luy, & Linium en p. l. mil. sur les Liegeois, ne font d'ux.

\* du Liege, la riuere de uers luy. Le Comte &c. exēpl. aucl.

\* avec le Cardinal Balue, & autres enuoyez, signifiā au Duc, &c. exēpl. aucl.

\* Le niell ex. dit Saincton & s'ide, tref. l'ar. en Latin Centrones: mais se n'est asseuer que ce soit Saincton, qui est par auant.

## SECOND LIVRE DES MEMOIRES

opinion: & iamais ne l'ouy parler si mal, ne si cruellement que ceste fois. Et pource est bien necessaire à vn Prince d'auoir plusieurs gens à son conseil: car les plus sages errent aucunes fois, & tressouuēt, ou pour estre päsionnez aux matieres dequoy l'on parle, ou par amour ou par hayne, ou pour vouloir dire l'opposite d'un autre, & aucunes fois \* par l'indispositiō des personnes: car on ne doit point renir pour conseil ce qui se fait apres dīner. Aucū pourroyent dire que gens, faizans aucunes de ces faultes ne deuoyent estre au conseil d'un Prince. A quoy fault respondre que nous sommes tous hommes: & qui les voudroit chercher telz que iamais ne faillissent à parler sagement, ne que iamais ne s'esmeussent plus vne fois que l'aure, il les faudroit chercher au ciel: car on ne les trouueroit pas entre les hommes: mais, en recompense aussi, il y aura tel au conseil, qui parlera tressagement & \* trop mieulx qu'il n'aura acoustumē d'ainsi faire souuent: & aussi les vns r'adresler les autres.

\* Par la disposition  
Exsp. auel.

\* tres bien,  
qui n'aura acoustumē de  
ainsi le faire  
souuent. Exf.  
auel

Retournons à noz opinions. Deux ou trois furent de cest aduis, estimans la grādeur ou le sens dudiēt de Conray: car en tel cōseil se trouue beaucoup de gens, & en y a assez qui ne parlent qu'apres les autres, sans gueres entēdre aux marieres, & desirēt à complaire à quelcun qui aura parlé, qui sera homme \* estimē en auctorité. Apres en fur demādē à mōseigneur d'Hymbercourt narif d'aupres d'Amiens, vn des plus sages Cheualiers, & des plus enrēdus, q'ie congno iamais: leq̃l dist q' son opinion estoit, pour mettre Dieu de sa part de tous poinctz, & pour donner à congnoistre à tout le monde qu'il n'estoit cruel ne vīdicatif, qu'il deliurast tous les trois cēs ostages: veu encores qu'ilz s'y estoient mis en bonne inrētion, & esperās que la paix se rīnt: mais qu'on leur dist, au departir, la grace q' lediēt Duc leur faisoit, leur priant qu'ilz tachsassent à reduire ce peuple en bonne paix: & au cas qu'il n'y voulust enrēdre, qu'au moins eulx recongnoissans la bontē qu'on leur faisoit, ne se trouueroyent en guerre cōtre luy, ne contre leur Euelsque, qui estoit en sa cōpaignie. Ceste opinion fut renue: & feirent les pmisses dessusdictes lefdiēt ostages, en les deliurant. Aussi leur fut diēt que si nul d'eulx se declaroit en guerre, \* fussent prins, qu'il leur cousteroit la teste: & ainsi s'en allerent.

\* étant pour  
estimē Exsp.  
auel.

Il me semble bon de dire qu'apres que lediēt Seigneur de Cōray eut donné ceste cruelle sentence conre ces pauures ostages (comme auez ouy) dont vne partie d'eulx s'estoyent mis par vraye bonré, vn, estant en ce conseil, me dist en l'oreille: Voyez vous bien cest homme? combien qu'il soit bien vieil, si est il de sa personne bien sain: mais i'oseroye bien mettre grand' chose, qu'il ne sera point vif d'huy en vn an: & le dy pour ceste terrible opinion qu'il a dicte. Et ainsi en aduint: car il ne vesquit gueres: mais auāt qu'il mourust il seruit bien son maistre pour vn iour en vne bataille, dont ie parleray cy apres.

En rerournant donc à nostre propos, vous auez ouy comme au partir de Louvain lediēt Duc mir le siege deuant Saincton, & là affusta son artillerie. Dedans la ville estoient quelques trois mille Liegeois, & vn tres bon Cheualier qui les conduisoit: & estoit celuy qui auoit traiscté la paix, quād nous les trouuāsmes au deuant de nous, en bataille, l'an precedant. Le troisieme iour

iour apres que le siege y fut mis, les Liegeois en tresgrand nombre, cōme de trente mille personnes & plus, tant de bons que mauuais, Gens-de-pied (sauf enuiron cinq cens cheuaulx) & grand nombre d'artillerie, vindrent pour leuer nostre siege, sur l'heure de dix heures du matin: & se trouuerēt en vn village fort, & cloz de marays vne partie: leq̃l s'appelloit \* Breton, à demie lieue de nous: & en leur compaignie estoit François \* Royet, Baillif de Lyon, lors Ambassadeur pour le Roy vers lesdictz Liegeois. L'alarme vint tātost en nostre Ost: & fault dire vray qu'il auoit esté donné mauuais ordre de n'auoir mis les bons cheuaucheurs aux chāps: car l'on n'en fut aduert y par les fourrageurs qui fuyoyent. Je ne me trouuay onques en lieu, avec ledict Duc de Bourgongne, ou ie veisse donner bon ordre de soy, excepté ce iour. Incōtinent feit tirer toutes les batailles aux chāps, sauf aucuns qu'il ordonna pour demourer au siege: & entre les autres il y laissa cinq ou six cens Angloys. Il mit sur les deux costez du village, bien douze cens Hommes-d'armes: & quāt à luy, il demoura vis à vis, plus loing d'iceluy village que les autres, avec bien huit cens Hommes-d'armes: & y auoit grād nombre de gens de bien à pied avec les Archiers, & grand nombre d'Hommes-d'armes. Et marcha monseigneur de Rauastain, avec l'Avantgarde d'iceluy Duc, tous gens à pied, tant Hommes-d'armes qu'Archiers, & certaines pieces d'artillerie, iusques sur le bord de leurs fossez: qui estoient grans & profonds, & pleins d'eau: & à coups de flesches & de canons furent reculez, & leurs fossez gaignez, & leur artillerie aussi. Quād letraict fut failly aux nostres, le coeur reuint ausdictz Liegeois, qui auoyēt leurs piques longues (qui sont bastons auātageux) & chargerent sur noz Archiers & sur ceulx qui les conduisoient: & en vne troupe tuerent quatre ou cinq cens hommes en vn moment: & branloyent toutes noz enseignes, cōme gens quasi desconfitz. Et sur ce pas feit le Duc marcher les Archiers de la bataille, que conduisoit messire Philippe de Creuecoeur, Seigneur des Cordes, hōme sage, & plusieurs autres gens de bien: qui, d'un ardent & grād courage, assaillirent lesdictz Liegeois: lesquelz en vn momēt furent desconfitz. Les Gens-de-cheual (dont j'ay parlé) qui estoient sur les deux costez du village, ne pouoyent mal faire au Liegeois, n'aussi le Duc de Bourgongne de là ou il estoit, à cause des marays: mais seulement y estoient à l'auenture, à fin que si lesdictz Liegeois eussent rompu ceste Avantgarde, & passé les fossez iusques au pais plain, les peust renecontrer. Ces Liegeois se mirēt à la fuite tout au long de ces marays: & n'estoyent chacez que de Gens-à-pied. Des Gens-de-cheual, qui estoient avec le Duc de Bourgongne, y en enuoya vne partie pour dōner la chace: mais il falloit qu'ilz prissent bien deux lieues de torse pour trouuer passage: & la nuict les surprint, qui saulua la vie à beaucoup de Liegeois. Autres l'enuoya deuant ladicte ville, pource qu'il y ouyt grand bruyt, & doubtoit leur saillie. A la verité ilz saillirent trois fois: mais tousiours furent reboutez: & s'y gouvernerent bien les Liegeois qui y estoient demourez. Lesdictz Liegeois, apres qu'ilz furēt rōpus, se rallierēt vn petit à l'etour de leur charroy, & y tindrēt bien peu. Bien mourut quelque \* neuf mille hommes, qui semble beaucoup à toutes gens qui ne veulent point mentir: mais depuis que ie suis né j'ay veu en beau-

\* Breton  
xxi. uel.

\* Royet  
xxi. uel.

\* Angloys  
xxi. uel.

\* six  
xxi. uel.

## SECOND LIVRE DES MEMOIRES

coup de lieux ou l'on disoit pour vn hōme qu'on en auoit tué cēt, pour cuyder complaire:& avec telles menfonges s'abusent bien aucunesfois les Maistres. si ce n'eust esté la nuit, il en fust mort plus de quinze mille. Ceste besogne acheuee, & q̄ ia il estoit fort tard, le Duc de Bourgongne se retira en son Ost, & toute l'armee, sauf mille ou douze cens cheuaux qui estoient allez passer à deux lieues de là pour chasser les fuyans : car autrement ne les eussent peu ioindre, à cause d'une petite riuere. Ilz ne feirēt pas grād exploit pour la nuit: toutesfois aucuns en tuerent, & prindrent le demeurant : & la plus grand' compaignie se sauua en la cité. Ce iour ayda bien à donner l'ordre le Seigneur de Cōtay: lequel peu de iours apres mourut en la ville \* de Huz: & eut assez bonne fin: & auoit esté vaillant & sage: mais il dura peu, apres ceste cruelle opinion qu'il auoit donnee cōtre les Liegeoys ostagers, dōt auez ouy parler cy dessus. Tantoist apres q̄ le Duc fut defarmé, il appela vn sien Secretaire, & escriuit vne lettre au Connestable & autres, qui estoient partis d'avec luy, & n'y auoit q̄ quatre iours, à Louuain ou ilz estoient venus Ambassadeurs, comme dict est: & leur signifia ceste victoire, priant qu'aux Bretons ne fust rien demandé.

\* d'Eu. v. xij.  
meil.

*Digression sur  
le sujet de luy  
sur ou non luy  
rer bataille.*

Deux iours apres ceste bataille changea bien cest orgueil de ce fol peuple, & pour peu de perte: mais, à qui que soit, est bien à craindre de mettre son estat en hazard d'une bataille, qui s'en peut passer. Car, pour vn petit nombre de gens que l'on y perd, se muent & changent les courages des gens de celuy qui perd, plus qu'il n'est à croire, tāt en espouëtémēt de leurs ennemis qu'en mespris de leur Maistre, & de ses prieuz seruiteurs : & entrent en murmures & machinations, demandans plus hardimēt qu'ilz ne souloyent, & se courroucent quand on les refuse. Vn escu luy seruoit plus parauant que ne feroyēt trois: & si celuy, qui a perdu, estoit sage, il ne mettroit de ceste saison rien en hazard avec ceulx qui ont fuy: mais seulement se tiendrait sur ses gardes, & essayeroit de trouuer quelque chose de leger à vaincre, ou ilz peussent estre les maistres, pour leur faire reuenir le cœur & oster la crainte. En toutes façons vne bataille perdue a tousiours grand' queue, & mauuaise pour le perdant. Vray est que les cōquerans les doyent chercher, pour abreger leur oeuvre, & ceulx qui ont les bonnes Gens-de-pied, & meilleurs q̄ leurs voyfins: comme nous pourrions aujourd'huy dire Angloys, ou Suiſſes. Je ne le dy pas pour despriser les autres nations: mais ceulx là ont eu de grandes victoires: & leurs gens ne font point pour longuement tenir les champs, sans estre exploictēz, comme seroyent François ou Italiens, qui sont plus sages, ou plus aisez à conduire. Au cōtraire, celuy, qui gaigne, deuient en reputation & estime de ses gens plus grande que deuant. Son obeissance accroist entre tous ses subiectz. On luy accorde en ceste estime ce qu'il demande. Ses gens en sont plus couragēx & plus hardis. Aussi lesdits Princes s'en mettent aucunesfois en si grand' gloire, & en si grand orgueil, qu'il leur en meschet par apres: \* & de cecy ie parle de veue: & vient telle grace de Dieu seulement.

\* l'exempl. meil.  
roye tous ces  
in, qu' à Voy  
ans: & met  
auſi par dessus  
Toutes tel  
les dispositi  
ons viennent  
de Dieu, qui  
donne muta  
tiō aux cho  
ses, selon le  
merite ou  
demerite des  
gens.

Voyant ceulx, qui estoient dedās Saincton, la bataille perdue pour eulx, & qu'ilz estoient enfermez tout à l'environ, cuydans la descōſiture estre trop  
plus

plus grande qu'elle n'auoit esté, rendirent la ville, laisserét les armes, & baillerent dix hommes à volonté, telz que le Duc de Bourgogne voudroit eslire, lesquelz il feit descapiter: & y en auoit six, de ce nombre, des ostages que peu de iours auant auoit deliurez, avec les conditions qu'auiez entédues cy dessus. Il leua son Ost & tira à Tongres: qui attendirent le siege. Toutefois la ville ne valoit gueres: & aussi, sans se laisser battre feirét, semblable cōposition: & baillèrent dix hommes: entre lesquelz se trouua encores cinq ou six desdictz ostages. Tous dix moururent comme les autres.

*Comment apres qu'aucuns des Liegeois eurent composé de rendre leur ville, & les autres refusé de ce faire, le Seigneur d'Hymbercourt trouua moyen d'y entrer pour le Duc de Bourgogne.* Chap. 3.

**L**E là tira ledict Duc deuant la cité de Liege: en laquelle ilz estoient en grand murmure. Les vns vouloyent tenir & deffendre la cité, disans qu'ilz estoient assez peuple: & pareſpecial estoit de cest aduis vn Cheualier, appelé meſſire Raz de \* Laitre. D'autres au contraire, qui voyoyét brulſer & deſtruire tout le païs, voulurét paix à quelque dommage que ce fuſt. Ainſi ſ'approchât ledict Duc de la cité, quelque peu d'ouuerture de paix y auoit par menues gens, comme priſonniers: & fut cōduict ceste matiere par aucuns des deſſusdictz ostages: qui faiſoyent au contraire des premiers, dont i'ay parlé: & recongnurét la grace qu'on leur auoit faiſte. Ilz y menerent trois cens hommes des plus gras de la ville en chemiſe, les iambes nues, & la teſte: lesquelz apporterét au Duc les clefz de la cité: & ſe rendirent à luy & à ſon plaſiſir, ſans rien reſeruer, ſauf le feu & le pillage. Et ce iour ſ'y trouua preſent pour Ambaſſadeur moſeigneur de Mouy, & vn Secretaire du Roy, appelé maiſtre Iehan Preuoſt: qui venoyent pour faire ſemblables requeſtes & demandes qu'auoit fair le Cōneſtable peu de iours au parauant. Cedit iour q̄ la cōpoſition fut faiſte, cuydant ledict Duc entrer en la cité, y enuoya monſeigneur d'Hymbercourt, pour entrer le premier: pource qu'il auoit congnoiſſance en la cité, à cauſe qu'il y auoit eu administration par les annees qu'ilz auoyét esté en paix. Toutes fois l'entree luy fut reſuſeée pour ce iour: & ſe logea en vne Abbaye, qui eſt aupres d'une des portes: & auoit avec luy enuiroin cinquāte Hommes-d'armes. En tout pouoit auoir quelque deux cens combatans: & i'y estoie. Le Duc de Bourgogne luy feit ſçauoir qu'il ne partiſt point de là, ſ'il ſe ſentoit eſtre ſeulement: mais auſſi, ſi ce lieu n'eſtoit fort, qu'il ſe retirast deuers luy: car le chemin eſtoit trop mal aiſé pour le ſecourir, pource qu'en ce quartier là ſont to<sup>r</sup> rochers. Ledit d'Hymbercourt ſe delibera de n'en partiſ point: car le lieu eſtoit tresfort: & retint avec ſoy cinq ou ſix hommes de bien de la ville, de ceulx qui estoient venus rendre les clefz de la cité, pour ſ'en ayder comme vous entendrez. Quand vindrent les neuf heures au ſoir, nous ouyſmes ſonner la cloche: au ſon de laquelle ilz ſ'aſſemblerent: & doubta ledict d'Hymbercourt que ce fuſt pour nous venir aſſaillir: car il eſtoit bien informé que meſſire Raz de \* Laitre, & pluſieurs autres ne vouloyent cōſentir ceste paix: & ſa ſuſpition eſtoit bonne & vraye: car en ce propos estoient ilz, & preſtz à ſaillir.

\* de Luitre  
Ex: auet, et les  
plus nioelx im-  
primez, auſſi.

\* Luitre, com  
me touſſant,  
Ex: uel, auſſi  
que le, emble  
uoloir auſſi  
n'euſſen peu a-  
priſ, diſant Lu-  
trius.

## SECOND LIVRE DES MEMOIRES

à faillir. Ledit Seigneur d'Hymbercourt disoit: Si nous les pouuôs amuser iusques à minuiçt, nous sommes eschappez: car ilz seront las, & leur prédrà enuie de dormir: & ceulx qui sont mauuais contre nous, prendront des lors la fuyte, voyans qu'ilz auront failly à leur entreprinse. Et pour paruenir à cest expedient, il depecha deux de ses Bourgeois, qu'il auoit retenus, comme ie vous ay dit: & leur bailla certains articles assez amiables par escript. Il le faisoit seulement pour leur donner occasion de parler ensemble, & de gagner temps: car ilz auoyent de coustume, & ont encores, d'aller tout le peuple ensemble au Palais de l'Euesque, quand il suruenoit matieres nouuelles: & y sont appelez au son d'une cloche qui est leans. Ainsi noz deux Bourgeois, qui auoyent esté des ostagers, & des bons, vindrēt à la porte (car le chemin n'estoit pas long de deux iectz d'arc) & trouuerent largement peuple armé. Les vns vouloyent qu'on assaillist: les autres non. \* Ilz disoyent au Maire de la cité tout hault, qu'ilz apportoyent aucunes choses bonnes par escript, de par le Seigneur d'Hymbercourt, Lieutenant du Duc de Bourgongne en celle marche: & qu'il seroit bon de les aller voir au Palais. Et ainsi le feirēt: & incontinent ouysmes sonner la cloche dudit Palais: à quoy nous congnumes bien qu'ilz estoient embesoignez. Noz deux Bourgeois ne vindrent point: mais, au bout d'une heure, ouysmes plus grand bruyt à la porte q parauant: & y vint beaucoup plus largement gens: & crioient par dessus les murailles: & nous disoyent vilenies. Lors congnut ledit Seigneur d'Hymbercourt que le peril estoit plus grand pour nous que deuant: & depecha arriere ces quatre autres ostagers qu'il auoit, portans par escript comme luy estât Gouverneur de la cité, pour le Duc de Bourgongne, les auoit amiablement traictez: & q pour rien ne vouldroit cōsentir à leur perdition. car il n'y auoit guerres encores qu'il auoit esté \* de leur mestier (qui estoit des mareschaulx & des \* orfeures) & en auoit porté robbe de liuree: pquoy mieulx pouuoiet adiouster foy à ce qu'il leur disoit. En somme s'ilz vouloyēt paruenir au biē de paix, & de sauuer leur païs, il falloit qu'ilz feissent, apres auoir baillé l'ouuerture de la ville, comme ilz auoyent promis, des choses contenues en certain memoire. Et instruisit bien ces quatre hōmes: qui allerēt à la porte comme auoyent fait les autres, & la trouuerēt toute ouuerte. Les vns les recueilloient avec grosses parolles & grosses menaces: les autres furent contens de ouyr leur charge, & retournerent arriere au Palais: & tout incōtinent ouysmes sonner la cloche dudit Palais: dont nous eusmes trefgrand' ioye: & c'estaignit le bruit que nous auions ouy à la porte: & en effect furēt long temps en ce Palais, & iusq̃s à bien deux heures apres minuiçt, & là cōclurent qu'ilz tiendroyent l'appointement qu'ilz auoyent fait: & que le matin bailleroiet vne des portes audit Seigneur d'Hymbercourt: & tout incōtinent s'en fuit de la ville ledit mesire Raz de Laitre, & toute sa sequelle.

Le n'eusse pas si long tēps parlé de ce propos (veu que la matiere n'est guerres grande) si ce n'eust esté pour monstrier qu'aucunesfois avec telz expedies & habilitiez, qui procedent de grand sens, on euit de grans perilz, dommages & pertes. Le lendemain, au point du iour, vindrēt plusieurs des ostages dire audit Seigneur d'Hymbercourt qu'ilz luy prioiet qu'il vouldist ven-

nir

\* Ilz dirēt au  
Maire, &c.  
Icz. au. el.

\* de l'un de  
leurs me-  
stiers ex. uiel

\* seures som-  
plément. Excm.  
uuel.

nir au Palais, ou tout le peuple estoit assemblé: & q̄ là il voulsist iurer les deux pointz, dont le peuple estoit en doute: qui estoit le feu & le pillage: & qu'après ilz luy bailleroiēt vn portail. Il le mada au Duc de Bourgogne: & alla vers eulx: & le fermēt fait, retourna à la porte, d'ou ilz feirēt descēdre ceulx qui estoient dessus, & y mit douze Hōmes-d'armes, & des Archiers, & vne banniere du Duc de Bourgogne sur ladicte porte. Et puis alla à vne autre porte qui estoit muree: & la bailla entre les mains du Bastard de Bourgogne, qui estoit logé en ces quartiers: & vne autre au Marechal de Bourgogne: & vne autre à des Gētilz-hōmes, qui estoient encores avec luy. Ain si furent quatre portaux bien garnis des gens du Duc de Bourgogne, & les bannieres dessus.

Or fault il entendre qu'en ce temps là le Liege estoit vne des plus puissantes villes de la contree (apres quatre ou cinq) & des plus peuplées: & y auoit grād peuple retiré du pais d'enuiron: parquoy n'y apparoiſſoit en riē de la perte de la bataille. Ilz n'auoyēt aucune nécessité de nulz biens: & si estoit en fin cōr d'yuer: & les plus grandes pluyes qu'il est possible de dire: & le pais de foy tāt fangeux & mol qu'à metueilles, & si estions en grand' necessitē de viures & d'argent: & l'armee cōme toute rompue: & si n'auoit lediēt Seigneur Duc de Bourgogne nulle voluntē de les assieger: & aussi n'eust il ſceu: & quand ilz euſſent attendu deux iours à eulx rendte, par ceste voye il l'en fust retourné. Et pource ie veulx conclure que c'est grand' gloire & honneur à l'audiēt Hymbercourt qu'il receut en ce voyage: & luy proceda de la grace de Dieu seulement contre toute raison humaine: & ne luy eust osé demander le bien qui luy aduint. Et, au iugemēt des hōmes, receut to<sup>s</sup> les hōneurs & biēs, pour la grace & bontē dōril auoit vſē enuers les ostages, dont vous avez ouy parler cy dessus. Et le dy volōtiers pource q̄ les Princes & autres se plaignent aucunes fois cōme par descōfort, quād ilz ont fait bien ou plaisir à quelcun, disans q̄ cela leur procede de malheur, & que pour le tēps aduenir ne serōt si legers à pardonner ou à faire quelq̄ liberalitē ou autre chose de grace: qui toutes sont choses appartenātes à leurs offices. A mō aduis c'est mal plē: & pced de de lasche cōr à ceulx qui aīſi le fōt. car vn Prince ou vn autre hōc qui ne fut iamais trōpé, ne ſcauroit estre qu'une beste, ny auoir cōgnoiſſance du biē & du mal, ne quelle differēce il y a. Et d'auātage les gēs ne sont pas tous d'une cōplexion: pquoy, p la mauuaistiē d'un ou de deux, ne se doit laisser à faire plaisir à plusieurs, quād on en a le tēps & opportunitē. Bien seroye ie d'aduīs qu'on eust bon iugemēt à voir q̄lles sont les persōnes. car tous ne sont pas dignes de semblables merites. Et à moy est presque estrāge de croire qu'une persōne sage ſceust estre ingrate d'un grand benefice, quand il l'a receu de quelcun: & là ſ'esgareroiēt bien les Princes: car l'accointāce d'un fol iamais ne profita à la longue. Et me semble que l'un des plus grans ſens que puisse monſtrer vn Seigneur, c'est de ſ'accointer, & approcher de luy gēs vertueux & hōnestes. car il ſera iugé, à l'opinion des gēs, d'estre de la cōditiō & nature de ceulx qu'il tiēdra les plus pchains de luy. Et, pour cōclure cest article, me semble q̄ l'on ne se doit iamais lasser de bien faire. Car vn ſeul & le moindre de tous ceulx, auquelz l'on peut auoir fait quelque biē, ſera, à l'auenture, vn tel ſeruiſe, & aura telle recōgnoiſſance, qu'il recōpēſera toutes les laschetēz

*Digression sur ce qu'un bien fait n'est que- res sans recom- pence.*

*\* Le miel. 226. est les deux mots suivants.*



## SECOND LIVRE DES MEMOIRES

& meschancetez qu'auoyent fait tous les autres en cest endroit : Et ainsi auez vous veu de ces ostages cōme il y en eut aucuns bons & recongnoissāns, & les autres, & la pluspart, mauuais & ingratz : car cinq ou six seulement conduy-  
foient cest oeuvre aux fins & intentions du Duc de Bourgongne.

*Comment le Duc de Bourgongne feit son entree en la ville du Liege: & comment ceulx  
de Gād, qui parauāt l'auoyent assez mal receu, s'humilierēt enuers luy. Chap. 4.*

**L**E lendemain q̄ les portes eurent esté baillees, entra le Duc en la  
cité du Liege, en grād triūphe: & luy fut abbatu vingtblasées de  
mur, & vny le fossé du lōg de la grād \* bresche. Al'enuirō de luy  
entrerēt, à pied, bien deux mille Hōmes-d'armes, armez de toutes  
pieces, & deux mille Archiers: & si demoura largemēt gēs en l'ost. Luy estāt à  
cheual, entra avec les gēs de sa maisō, & les pl' grās de l'ost, les mieulx parez &  
mieulx acoustrez q̄ pourroyēt estre, & ainsi alla descēdre à la grand' eglise. Et,  
pour le vo' faire court, il seiourna aucūs iours en la cité: & y feit mouir cīq ou  
six hōmes de ceulx qui auoyēt esté ses ostages: & entre les autres, le messāger  
de la ville, leq̄l il auoit en grād haine. Il leur ordonna aucunes loix & coustu-  
mes nouuelles. Il imposa grās deniers sur eulx: leq̄lz il disoit luy estre deuz, à  
cause de paix & appointemens rompus les ans precedens. Il emporta toute  
leur artillerie & armures: & feit raser toutes les tours & murailles de la cité.

Après qu'il eut fait tout cela, il s'en retourna en son païs: ou il fut recueilly  
à grād gloire & grād obeissance: & p'especial, de ceulx de Gād: qui, parauāt  
qu'il entraist au païs du Liege, estoiet cōme en rebellioū, avec aucunes des au-  
tres villes: mais à ceste heure le recueillirēt cōte vainqueur: & furēt apportees  
toutes les bānieres, p' les plus notables de la ville, au deuant de luy, iusq's à Bru-  
celles: & ceulx, qui les apportoyēt, vīdrēt à pied. Ce qu'ilz feirēt à cause qu'à  
l'heure du trespas de sō pere, lors qu'il feit son entree à Gād, p'mier qu'en nul-  
le autre ville de son païs, ayāt ceste opinion q'c'estoit la ville de son païs, ou il  
estoit le pl' aymé, & qu'à l'exēple de ceste là se régeroyēt les autres (cōme il di-  
soit vray en ce cas dernier) le lendemain qu'il y eut fait sō entree, ilz se mirēt en  
armes sur le Marché: & y porterēt vn Sainct, qu'ilz nōment Sainct-Lieuin: &  
heurerēt de la chasse dudiēt Sainct cōtre vne petite maisō, appelee la maisō de  
la Cueillette, ou l'on leuoit aucunes gabelles sur le bled, pour payer aucunes  
debtes de la ville, qu'ilz auoyēt faictes pour payer le duc Philippe de Bourgō-  
gne, quād ilz feirēt \* paix de la guerre avec luy (car ilz auoyent esté en guerre  
deux ans cōtre lediēt Duc) & en effect ilz dirēt q̄ lediēt Sainct vouloit passer p'  
la maisō, sās se tordre: & en vn momēt l'abbatirēt. Quoy voyāt lediēt Duc alla  
sur le Marché, & mōta eu vne maisō pour pler à eulx: & lors grād p'tie des nō-  
tables hōmes, to' armez, l'attēdirēt: & en passant, luy offrirēt d'aller avec luy.  
Il les feit demourer deuant l'hostel de la ville, & qu'ilz l'attēdisent: mais, peu à  
peu, le menu peuple \* le cōtraignit d'aller sur le Marché. Le Duc estāt illec, il  
leur cōmanda qu'ilz leuassent ceste chasse: & qu'ilz la rapportassent en l'egli-  
se. Aucūs la leuoyēt, pour luy obeir: & d'autres la remettoyēt. Ilz luy feirent  
des demandes cōtre aucuns particuliers de la ville, touchāt aucūs deniers. Il  
leur promist faire iustice. Et, quand il veit qu'il ne les pouuoit departir, il s'en  
retournā

\* rue Exemp-  
niel.

\* la paix de  
Gād avec  
luy xx.ueil.

\* les Ex.ueil.

retourna en son logis, & eulx demeurerēt sur le Marché, par l'espace de huit iours. Lendemain luy apporterēt articles: par lesquelz ilz luy demādoyēt tout ce que le Duc Philippe leur auoit osté par ceste \* guerre: &, entre autres choses, que chascun mestier peust auoir sa bāniere, cōme ilz auoyent acoustumé: qui sont septāte & deux. Pour la doubte en quoy il se veit, il fut cōtraint de leur accorder toutes leurs demandes: & telz priuileges qu'ilz vouloyent: & incontinent qu'il eut dit le mot, apres plusieurs alleees & veües, ilz plāterent sur le Marché, toutes les banieres, qui ia estoyēt faiçtes. Parquoy ilz monstrerent bien qu'ilz les eussent prinſes oultre son vouloir, quād il ne les eust accordees. Il auoit bonne opinion de dire q̄ les autres villes prēdroyēt exemple à son entree, quād il la feit premier à Gand: car plusieurs feirent rebellion à son exēple, cōme de tuer officiers & autres excès. Et s'il eust eue le le prouerbe de son \* peuple (lequel disoit que ceulx de Gand aymoyent bien le filz de leur Prince, mais le Prince nō iamais) il n'eust point esté deceu. Et à la verité dire, apres le peuple du Liege, il n'en est nul plus incōstāt que ceulx de Gand. Vne chose ont ilz assez hōneſte, selon leur mauuaitie: car à la personne de leur Prince ne toucherent iamais: & les Bourgeoys, & les notables hommes, sont tresbonnes gens, & tresdesplaisans de la folie du peuple.

Il auoit esté de neceſſité que lediçt Duc eust diſſimulé toutes ces desobeiſſances, à fin de nō auoir guerre à ses ſubieçtz, & aux Liegeoys ensemble: mais il faisoit bien son cōpte que, s'il luy prenoit bien au voyage qu'il faisoit, il les r'ameneroit biē à la raison: & ainſi en aduint. Car, cōme i'ay desia dit, ilz apporterent au deuāt luy toutes les bānieres à pied, iusques à Brucelles: & tous les priuileges, & les lettres qu'ilz luy auoyent fait ſigner au partir qu'il feit de Gand. Et en vne grand' assemblee qu'il feit en la grand' ſalle de Brucelles (ou il y auoit beaucoup d'Ambassadeurs) luy p̄ſenterēt lesdiçtes bānieres, & ſemblablement tous leurs priuileges, pour en faire à son plaisir: & lors ses officiers d'armes, par son cōmandement, oſterēt lesdiçtes bānieres des lāces en quoy elles estoient attachees, & furent toutes enuoyees à Boulongne sur la met, à \* huit lieues de Calais: & encores là estoient celles qui leur furent ostees durant le tēps de son pere le Duc Philippe, apres les guerres qu'il auoit eues avec eulx, ou il les auoit vaincuz & ſubiuguez: & le Chancelier dudiçt Duc print to<sup>s</sup> leurs priuileges, & en cassa vn qu'ilz auoyēt, qui estoit touchāt leur Loy. Car en toutes les autres villes de Flādres, le Prince renouuelle to<sup>s</sup> ceulx de la Loy, chascū an, & fait ouir leurs cōptes: mais à Gand, par ce priuilege, il ne pouoit creer que quatre hōmes: & ceulx là faisoyēt le demourāt qui sont vingt & deux: car en tout ſōt vingt & ſix Eſcheuins de la ville. Quād ceulx q̄ ſōt de la Loy des villes sont bōs pour le Côte de Flādres, il est ceste ānee là en paix, & luy acorderēt volōtiers ses req̄ſtes: et, au cōtraire, quād lesdiçtz de la loy ne luy sont bōs, il y ſuruiēt volōtiers des nouuellerez. Oultre ilz payerēt trēte mille florins au Duc, & ſix mille à ceulx q̄ estoyēt à l'ētour de luy: & bānirēt aucū de leur ville. Tous leuts autres priuileges furēt rédus. Toutes les autres villes se pacifierēt pour argēt: car ilz n'auoyēt en riēs entrepris cōtre luy. Et à toutes ces choses on peut biē voir le biē q̄ aduiēt d'estre vainqueur, & auſſi le dōmage d'estre vaincu. Parquoy on doit biē craindre de se mettre en ha-

\* Paix de  
Gand. 1370.  
mss.

pere & mss.  
Et mss. à  
mon adu.

\* dix exempl.  
mss.

## SECOND LIVRE DES MEMOIRES

zard d'une bataille, qui n'y est cōtraint : & si force est qu'on y vienne, fault mettre auant le coup toutes les doubtes dont on se peut aduifer. Car volontiers ceulx, qui sont les choses en crainte, y donnent les bonnes provisions : & plus souuent gagnent que ceulx, qui y procedēt avec grand orgueil : cōbien que, quand Dieu y veult mettre la main, riens n'y vaulr.

Or estoient les Liegeois, desquelz auons parlé cy dessus, excommuniés cinq ans auoit, pour le different de leur Euesque : dont ne faisoient nulle cēstime, mais continuoyent en leur folie & mauuaise opinion, sans ce qu'ilz eussent sceu dire qui les mouuoit, fors trop de bien & grand orgueil. Et à ce propos vsoit le Roy Louis d'un mot à mon gré bien sage, ou il disoit q̄, quād orgueil cheuauche deuant, honte & dommage le suyuent de bien pres. & de ce peché n'estoit il point entaché.

*Comment le Roy, voyant ce qui estoit aduenu aux Liegeois, feit quelque peu de guerre en Bretagne, contre les alliez du Duc de Bourgogne : Et comment ilz se virent Et parlerent ensemble eulx deux à Peronne. Chap. 5.*

**E**s choses ainsi faictes, se retira ledict Duc à Gand : ou il luy fut faicte vne bien venue de grand' despence : & y entra en armes : & luy fut faicte, par ceulx de la ville, vne faillie aux champs, pour mettre hors de la ville, ou dedans, gens à son plaisir. Plusieurs Ambassadeurs du Roy y vindrent, & de luy au Roy. Semblablement luy en venoit de Bretagne, & aussi y enuoyoit. Ainsi se passa cest yuer : & taschoit tousiours fort le Roy de faire consentir ledict Duc qu'il peust faire à son plaisir de ce qui estoit en Bretagne, & faire audict Duc aucuns partis en recompense. Cela ne pouuoit accorder : dont desplaisoit au Roy : veu encores ce qui estoit aduenu aux Liegeois ses alliez. Et finalement si roist que l'esté fut venu, ne peut le Roy auoir plus de patience : & entra le Roy en Bretagne, ou ses gens pour luy : & print deux petis chasteaux : l'un appelé Chantosse, & l'autre Anceny. Incontinent vindrent ces nouuelles au Duc de Bourgogne : qui fut fort pressé & sollicité des Ducs de Normandie & de Bretagne : tant qu'à toute diligence feit son armee, & escriuit au Roy, luy suppliāt qu'il se voulsist deporter de ceste entreprinse, veu qu'ilz estoient cōprins en la trefue, & ses alliez : & voyāt qu'il n'auoit responce à son plaisir, se mit aux champs pres la ville de Peronne, avec grād nombre de gens. Le Roy estoit à Compiègne, & son armee tousiours en Bretagne. Comme le Duc eut seiourné là trois ou quatre iours, vint de par le Roy le Cardinal Balue Ambassadeur, qui peu y atresta : & feit aucunes ouuertures, disant audict Duc que ceulx qui estoient en Bretagne, pourroyēt bien accorder sans luy. Tousiours estoient les fins du Roy de les separer. Tost fut depeesché ledict Cardinal : & luy fut fait honneur & bōne chere : & s'en retourna avec telles paroles : c'est que ledict Duc ne s'estoit point mis aux champs pour greuer le Roy : ny faire guerre, mais seulement pour secourir ses alliez : & n'y auoit que douces paroles d'un costé & d'autre.

Incontinent apres le partemēt dudit Cardinal arriua deuers ledict Duc vn Herault, appelé Bretagne : & luy apporta lettres des Ducs de Normandie & de

\* Ansenis  
Exempl. mēil.  
Les Ann. de Bre  
tai. parlēt quel  
ques fois d'un An  
ceny, que se pe  
se estre ceste pla  
ce.

& de Bretagne, contenans cōme ilz auoyēt fait paix avec le Roy: & renoncé à toutes alliances, & nommément à la sienne: & q̄, pour tous partages, lediēt Duc de Normādie deuoit auoir soixāte mille liures de rente, & renōcer au p-tage de Normādie, qui nagueres luy auoit esté baillé. De cecy n'estoit point trop cōtent lediēt mōseigneur Charles de Frāce: mais il estoit force qu'il dissimulast. Bien fort esbahy fut le Duc de Bourgongne de ces nouuelles: veu qu'il ne s'estoit mis aux chāps q̄ pour secourir lesdiēts Ducz: & fut en trefgrād dāger le Heraulte: & cuyda lediēt Duc, pource qu'il estoit passē p le Roy, qu'il eust contrefait ses lettres: toutesfois il eut semblables lettres par ailleurs. Il sembla biē lors au Roy qu'il estoit à la fin de son intētiō, & qu'aïsemēt il gaigneroit lediēt Duc à semb'ablemēt abandoner les Ducz dessus nōmez: & cōmencerent à aller messagers secretz de l'un à l'autre: & finalement donna le Roy audiēt Duc de Bourgōgne six vingtz mille escus d'or: dont il en paya la moitié cōtent, auāt se leuer du Chāp, pour les despēs qu'il auoit faictz à mettre sus l'armee. Lediēt Duc enuoya audiēt Seigneur vn sien Valet de-chābre, appelé Ichā Vobrisset, hōme fort priué de luy. Le Roy y print grād fiāce: & eut vouloir de parler audiēt Duc, esperāt de le gaigner de tous poinctz à sa volōté, veu les mauuais tours q̄ les deux Ducz dessusdiētz luy auoyēt faictz, & veu ausi ceste grand' somme d'argēt qu'il luy auoit dōnee: & en mandoit quelq̄ chose audiēt Duc par lediēt \* Vobrisset: & enuoya avec luy de rechef le Cardinal Baluc, & mē sire Tāneguy du Chastel, Gouverneur de Roussillon, mōstrans p leur paroles q̄ le Roy auoit trefgrād desir q̄ ceste veue se feist.

\* Bostife  
Exempl. uicil.

Ilz trouuerēt lediēt Duc à Perōne: leq̄l n'en auoit point trop d'ēuie: pource qu'ēcores les Liegeoyz faisoiyēt signe de foy vouloir rebeller: à cause de deux Ambassadeurs q̄ le Roy leur auoit ēuoyez (pour les solliciter de ce faire) auāt ceste trefue: qui estoit prinse, pour peu de iours, entre le Roy & le Duc & to<sup>o</sup> autres leurs alliez. A quoy respondit lediēt Baluc, & autres de sa cōpagnie, q̄ lesdiētz Liegeoyz ne l'oseroiēt faire: veu q̄ lediēt Duc de Bourgōgne les auoit destruiētz l'an passé, & abbatu leurs murailles: & quād ilz verroyēt cest apointemēt, si leur en passeroit le vouloir, faucū en auoyēt eu. Ainsi fut cōclū q̄ le Roy viendroīt à Peronne (car tel estoit son plaisir) & luy escriuiūt lediēt Duc vne lettre de sa main, portant seureté d'aller & retourner, bien ample. Ainsi partirēt lesdiētz Ambassadeurs, & allerēt deuers le Roy, qui estoit à Noyon.

\* L'Exempl. uicil  
en ce lieu Da-  
bostife.

Lediēt Duc cuydoit dōner ordre au faict du Liege, & y enuoya l'Euēque pour leq̄l estoit ce debat audiēt pais: & se retira avec luy le Seigneur d'Humbercourt, Lieutenāt dudiēt Duc, audiēt pais, & plusieurs autres cōpagnies.

Vo<sup>o</sup> auez entēdu p q̄lle maniere auoit esté cōclū q̄ le Roy viēdroīt à Perōne. Ainsi le feit: & n'amena nulle garde: mais voulut venir de to<sup>o</sup> poitz à la garde & seureté dudiēt Duc: & voulut q̄ mōseigneur des Cordes luy vint au deūāt avec les Archers dudiēt Duc (à q̄ il estoit pour lors) pour le cōduire. Ainsi fut fait. Peu de gēs vīdrēt avec luy: toutesfois il y vt de grās psonages, cōc le duc de Bourbō, sō frere le Cardinal, le Côte de Saēt-Paul, Cōnestable de Frāce, q̄ en riēs ne s'estoit mēlé de ceste veue, mais luy en desplaisoit. car pour lors le cōcœur luy estoit creu: & ne se trouuoit point hūble enuers lediēt Duc cōc autres fois: & pour ceste cause n'y auoit nulle amour entre les deux. Ausi y vint le Cardinal Baluc, le Gouverneur de Roussillō, & plusieurs autres. Cō mel<sup>o</sup>

## SECOND LIVRE DES MEMOIRES

Roy approcha de la ville de Peronne, ledict Duc luy alla au deuât, fort bien accompagné: & le mena en la ville: & le logea chez le Recepueur (qui auoit belle maison & pres du chasteau) car le logis du chasteau ne valoit riens: & y auoit petit logis.

La guerre entre deux grans Princes est bien aisee à commencer, mais tresmauuaise à appaifer, pour les choses qui y aduiennent, & qui en descendent. Car maintes diligēces se font de chascun costé pour greuer son ennemy, qui en si soubdain momēt ne se peuuent r'appeler: comme il se veit par ces deux Princes, qui auoyent entrepris ceste veue si soubdainement, sans aduertir leurs gens qui estoient loing: lesquelz de tous les deux costez acōplissoyent les charges que leurs maistres leur auoyent baillées. Le Duc de Bourgongne auoit mandé l'armee de Bourgongne, ou pour ce temps là auoit grand' Noblessē: & avec eulx venoyēt monseigneur de Bresse, l'Euesque de Genesue, le Comte de Romont, tous freres & enfans de la maison de Sauoye (car Sauoyssiés & Bourguignons de tous tēps s'entr'aymoyēt tresfort) & aussi aucuns Alemans (qui confinent tant en Sauoye qu'en la Comte de Bourgongne) estoient en ceste bende. Et fault entendre que le Roy auoit autresfois tenu le Seigneur de Bresse en prison, à cause de deux Cheualiers qu'il auoit fait tuer en Sauoye: parquoy n'y auoit pas grand amour entre eulx deux.

En ceste cōpaignie estoit encores monseigneur du Lau (que le Roy semblablement auoit long temps tenu prisonnier, apres auoir esté tresprochain de sa personne: & puis s'estoit eschapé de la prison, & retiré en Bourgongne) & messire Pôcet de Riuiere, & le Seigneur d'Vrfé, depuis Grand-Elcuyer de France. Et toute ceste bende, dont i'ay parlé, arriua aupres de Peronne, comme le Roy entroit: & entra ledict de Bresse, & les trois dont i'ay parlé, en la ville de Peronne, portās la Croix Saint-André: & cuydoient venir à temps pour accompagner ledict Duc de Bourgongne, quand il iroit au deuât du Roy: mais ilz vindrent vn peu trop tard. Ilz vindrēt tout droit en la chambre du Duc luy faire reuerence: & porta monseigneur de Bresse la parole, suppliant au Duc que les trois dessus nōmez vinsent là en sa seureté, nonobstāt la venue du Roy, ainsi comme il leur auoit esté accordé en Bourgongne, & promis à l'heure qu'ilz y arriuerent: & aussi qu'ilz estoient prestz à le seruir enuers tous & contre tous. Laquelle requeste ledict Duc leur octroya de bouche, & les remercia. Le demourant de ceste armee qu'auoit conduicte le Marechal de Bourgongne, se logea aux champs, comme il fut ordonné. Ledit Marechal ne vouloit point moins de mal au Roy, que les autres dōc i'ay parlé: à cause de la ville de Pinal, assise en Lorraine, qu'il auoit autresfois donnée audiēt Marechal, & puis la luy osta, pour la donner au Duc Iehan de Calabre: duquel assez de fois a esté parlé en ces presens memoires. Tost fut le Roy aduertey de l'arriuee de tous ces gens dessus nōmez, & des habillemens en quoy estoient arriuez: si entra en grand paour: & enuoya prier au Duc de Bourgongne qu'il peust loger au Chasteau: & que tous ceulx là, qui estoient venus, estoeyēt ses malucillans. Ledit Duc en fut tresioyeux: & luy feit faire son logis: & l'assēura fort de n'auoir nulle doubte.

Digression,

*Digression, sur l'auantage que les lettres, & principalement en Histoires, sont aux Princes & grans Seigneurs. Chap. 6.*



Est grād' folie à vn Prince de soy soubzmettre à la puissance d'un autre, p'especial quand ilz sont en guerre, \* ou ilz ont esté en tous endroits: & est grād auantage aux Princes d'auoir veu des hystoires en leur ieunesse: esquelles se voyent largement de telles astu-

\* Le sieur de  
roye cela m/que  
à, & est  
grand.

blees & de grandes fraudes, tromperies, & pariuremens, qu'aucuns des anciens ont fait les vns vers les autres: & prins & tuez ceulx qui en telles seuretez s'estoyent fiez. Il n'est pas dict que tous en ayent vŕe: mais l'exemple d'un est assez pour en faire sages plusieurs, & leur donner vouloit de se garder: & est, ce me semble (à ce que i'ay veu plusieurs fois par experience de ce monde, ou i'ay esté autour des Princes l'espace de dixhuiēt ans ou plus, ayāt claire congnoissance des plus grandes & secrettes matieres qui se soyent traittees en ce Royaume de France & Seigneuries voyŕines) l'un des grans moyens de rendre vn homme sage, d'auoir leu les hystoires anciennes, & apprendre à se conduire & garder, & entreprendre sagement par icelles & par les exemples de noz predecesseurs. Car nostre vie est si briefue qu'elle ne suffist à auoir de tant de choses experience. Ioinēt aussi que nous sommes diminuez d'age, & que la vie des hommes n'est si longue comme elle souloit, ny les corps si puissans. Semblablement que nous sommes affoiblis de toute foy & loyauté les vns enuers les autres: & ne ŕcauroye dire par quel lieu on se puisse assurer les vns des autres: & par especial des grans, qui sont assez enclins à leur volontés sans regarder autre raison: & qui pis vault, sont le plus souuent enuironnez de gens qui n'ont l'œil à autre chose qu'à complaire à leurs maistres, & à leur louer toutes leurs oeures, soyent bonnes ou mauuaises: & si quelcun se trouue qui vueille mieulx faire, tout se trouuera brouillé.

Encores ne me puis ie tenir de blasmer les Seigneurs ignorās. Enuiron tous Seigneurs se trouuēt volontiers quelques Clercs & gens de robbes longues (comme raison est) & y sont bien ŕeans, quand ilz sont bons, & bien dange-reux, quand ilz sont mauuais. A tous propos ont vne Loy au bec, ou vne Hystoire: & la meilleure, qui se puisse trouuer, se tourneroit biē à mauuais ŕens: mais les sages & qui auoyent leu, n'en seroyent iamais abusez: ny ne seroyēt les gens si hardis, de leur faire entendre mensonges. Et croyez que Dieu n'a point estably l'office de Roy ne d'autre Prince, pour estre execé par les bestes, ne par ceulx qui par gloire dient: ie ne suis pas Clerc. ie laisse faire à mon cōseil. ie me ŕie en culx. Et puis, sans assigner autre raison, s'en vont en leurs esbatz. S'ilz auoyent esté bien nourris en la ieunesse, leurs raisons seroyent autres: & auoyent enuie qu'on estimast leurs personnes & leurs vertus. Ie ne veulx point dire que tous les Princes se ŕeuient de gens mal conditionnez: mais bien la pluspart de ceulx que i'ay congus n'en ont pas tousiours esté desgarnis. En tēps de necessité ay ie bien veu que les aucuns sages se sont biē ŕceu ŕeuir des plus apparens, & les chercher sans y rien plaindre: & entre tous les Princes, dōt i'ay eu la congnoissance, le Roy nostre maistre l'a le mieulx ŕceu faire, & plus honorer & estimer les gens de bien & de valeur. il estoit asŕez lettré. Il aymoit à demander, & à entendre de toutes choses: & auoit le

## SECOND LIVRE DES MEMOIRES

sens naturel parfaictement bon: lequel precede toutes autres sciences, qu'on scauroit apprendre en ce monde: & tous les liures qui sont faictz ne seruiroyent de rien, si n'estoit pour ramener en memoire les choses passees: & qu'aussi plus on voit de choses en vn seul liure en trois moys que n'en scauroyent voir à l'œil & entendre par experience, vingt hommes de reng, viuans l'un apres l'autre. Ainsi, pour conclurre cest article, me semble que Dieu ne peut enuoyer plus grand playe en vn païs, que d'un Prince peu entendu: car de là procedent tous autres maulx. Premierement en vient diuision & guerre: car il met tousiours en main d'autrui son autorité, qu'il deuroit plus vouloir garder que nulle autre chose: & de ceste diuision procede la famine & mortalité, & les autres maulx qui deppendent de la guerre. Or regardez d'ocques, si les subiectz d'un Prince ne se doyent point bien douloir, quand ilz voyent ses enfans mal nourris, & entre mains de gens mal conditionnez

*Comment, & pourquoy, le Roy Louis fut arresté, & enfermé dedans le Chasteau de Peronne, par le Duc de Bourgogne. Chap. 7.*



R auez vous ouy de l'arriuee de ceste armee de Bourgogne: laquelle fut à Peronne presque aussi tost que le Roy: car ledict Duc ne les eust sceu contremander à temps: car ia bien auant estoient en campagne, quand la venue du Roy se traictoit: & troublerent assez la feste, avec les suspitions qui aduindrent apres. Toutesfois ces deux Princes commirent de leurs gens à estre ensemble & traicter de leurs affaires le plus amyablement que faire se pourroit: & comme ilz estoient bien auant en besongne, & ia y auoyent esté par trois ou quatre iours, suruindrét de tresgrandes nouuelles du Liege: lesquelles ie vous diray. Le Roy, en venant à Peronne, ne l'estoit point aduisé qu'il auoit enuoyé deux Ambassadeurs au Liege, pour les solliciter contre ledict Duc: & neantmoins lesdictz Ambassadeurs auoyent si bien diligenté qu'ilz auoyent ia fait vn grand amas: & vindrent d'emblee les Liegeois prendre la ville de Tongres, ou estoit l'Euesque du Liege, & le seigneur d'Hymbercourt bien accompagné, iusques à deux mille hommes & plus: & prindrent ledict Euesque, & ledict d'Hymbercourt: mais peu de gens y furēt tuez: & n'en prindrent nulz que ces deux, & aucuns particuliers de l'Euesque. Les autres s'en fuirent & laisserēt tout ce qu'ilz auoyent, comme gens desconfitz. Apres cela lesdictz Liegeois se mitēt en chemin vers la cite de Liege assise assez pres de ladicte ville de Tongres. En chemin composa ledict seigneur d'Hymbercourt avec vn Cheualier, appelé messire Guillaume de ville, autrement dict, entre les François, le Sauvage. Cedit Cheualier sauua ledict d'Hymbercourt, craignant q ce fol peuple ne le tuast: & retit sa foy, qu'il ne garda gueres: car, peu apres, il fut tué luy mesme. Ce peuple estoit fort ioyeux de la prise de leur seigneur Euesque du Liege. Ilz auoyēt en hayne plusieurs Chanoines, qu'ilz auoyent prins ce iour: & à la pmiere repue, en tuerēt cinq ou six. Entre les autres en y auoit vn, appelé maistre Robert, fort priué dudit Euesque, que plusieurs fois i'auoyeu armé de toutes pieces apres son maistre. car telle est l'usance des Prelatz d'Alemaigne.



d'Alemaigne. Ilz tuerent lediēt maistre Robert, present lediēt Euesque, & en feirent plusieurs pieces, qu'ilz se iettoient à la teste l'un de l'autre, par grand' derision. Auāt qu'ilz eussent fait sept ou huiēt lieues, qu'ilz auoyēt à faire, ilz tuerent iusques à seize personnes Chanoines, ou autres gens de bien, quasi tous seruireurs dudiēt Euesque. Faisans ces oeures lascherēt aucuns Bourguignons: car ia sentoyent le traicté de paix encommencé: & eussent esté contrainctz de dire que ce n'estoit que contre leur Euesque: lequel ilz menerent prisonnier en leur cité. De ceulx qui fuyoyēt, dont i'ay parlé, s'effraya tout le quartier par ou ilz passoyent: & vindrent tost ces nouuelles au Duc. Les vns disoyent que tout estoit mort: les autres le contraire. De telles matieres ne vient point volontiers vn messager seul: mais en vindrent aucuns, qui auoyent ainsi veu habiller ces Chanoines, qui cuydoient que lediēt Euesque fust de ce nombre, & lediēt Seigneur d'Ambercourt, & que tout le demourant fust mort: & certifiroyēt auoir veu les Ambassadeurs du Roy en ceste compaignie, & les nommoiyēt. Et fut compté tout cecy audict Duc: qui soudainement y adiousta foy: & entra en vne grand' colere, disant que le Roy estoit venu là pour le tromper: & soudainement enuoya fermer les portes de la ville, & du chasteau: & fait semer vne assez mauuaise raison: c'estoit qu'on le faisoit pour vne boeste, qui estoit pdue, ou il y auoit de bones bagues & de l'argent. Le Roy qui se veit enfermé en ce Chasteau (quel est petit) & force Archiers à la porte, n'estoit point sans doubte: & se voyoit logé rasibus d'une grosse tour, ou vn Comte de Vermandois fait mourir vn sien precesseur Roy de France. Pour lors estoie encores avec lediēt Duc, & le seruoie de Châbellan, & touchoye en sa chambre quand ie vouldoye: car tel estoit l'usage de ceste maison. Lediēt Duc, quand il veit les portes fermées, fait saillir les gens de sa chambre, & dist à aucuns que nous estions, que le Roy estoit venu là pour le trahir, & qu'il auoit dissimulée ladicte venue de toute sa puissance, & qu'elle s'estoit faicte contre son vouloir: & va compter ses nouuelles du Liege, & comme le Roy l'auoit fait conduire par ses Ambassadeurs: & comme tous les gens auoyent esté tuez: & estoit terriblement esmeu contre le Roy, & le menassoit fort: & croy veritablement q, si à ceste heure là il eust trouué ceulx, à qui il s'adressoit, prestz à le conforter ou conseiller de faire au Roy vne mauuaise compaignie, il eust esté ainsi faict: & pour le moins, eust esté mis en ceste grosse tour. Avec moy n'y auoit à ces paroles que deux Valetz-de-chambre: l'un appelé Charles\* de Visin, natif de Dyion, homme honeste, & qui auoit credit avec son maistre. Nous n'aigrismes rien, mais adoulcismes à nostre pouuoir. Tost après tint aucunes de ces paroles à plusieurs: & coururent par toute la ville, & iusques en la chambre ou estoit le Roy: lequel fut fort effrayé: & si estoit generalement chascū, voyant grand' apparence de mal, & regardant quantes choses y a à considerer, pour pacifier vn different, quand il est commencé entre si grans Princes, & les erreurs qu'ilz feirent tous deux de n'aduerfir leurs seruiteurs, qui estoient loing d'eulx, empeschez en leurs affaires, & ce qui soudainement en cuyda aduenir.

\* contents  
exemp. aut.

\* entroye  
exemp. aut.

\* de Bisun  
exemp. aut.

## SECOND LIVRE DES MEMOIRES

*Digression sur ce q. quand deux grans Princes s'entreuoyent pour cuyder appaiser differens, telle veue est plus dommageable que proffitabile* Chap. 8.



Grand folie est à deux grans Princes, qui s'ot cōme esgaulx en puissāce, de s'entreuoir, sinon qu'ilz fussent en grād ieunesse: qui est le tēps qu'ilz n'ot autres pēces qu'à leurs plaisirs: mais, depuis le tēps que l'euie leur est venue d'accroistre les vns sur les autres, encores qu'il n'y eust nulz perilz de personnes (ce qui est quasi impossible) si accroist leur malueillance, & leur enuie. Parquoy vouldroit mieulx qu'ilz pacifiassent leurs differēts par sages & bons seruiteurs, comme i'ay dit ailleurs plus au long en ces memoires: mais encor en vueil ie dire quelques experiences q' i'ay veues & sceues de mon temps. Peu d'annees apres que nostre Roy fut couronné, & auant le Bien-public, se feit vne veue du Roy de France & du Roy de Castille: qui sont les plus alliez Princes qui soyent en la Chrestieté. car ilz sont alliez de Roy à Roy, & de royaume à royaume & d'homme à homme, & obligez sur grandes maledictions de les bien garder. A ceste venue vint le Roy Henry de Castille bien acompagné, iusques à Fontarabie: & le Roy estoit à Saint-Iehan de Luz: qui est à quatre lieues. chascun estoit au confins de son royaume. le n'y estoie pas: mais le Roy m'en a cōpté, & monseigneur du Lau. Aussi m'en a esté dict en Castille par aucuns Seigneurs qui y estoient, avec le Roy de Castille: & y estoit le Grand-Maistre de Saint-Iaques, & l'Archeuesque de Tolledo, les plus grans de Castille pour lors. Aussi y estoit le Côte de Lodese, son mignon, en grand triumphe: & toute sa garde, qui estoient quelques trois cens cheuaux, de Maures de Grenade, dont y en auoit plusieurs Negrins. Vray est que le Roy Héry valoit peu de sa personne, & donnoit tout son heritage, ou se le laissoit oster à qui le vouloit, ou pouuoit, prendre. Nostre Roy estoit aussi fort acompagné, comme auez veu qu'il en auoit biē de coustume: & p'especial sa garde estoit belle. A ceste veue se trouua la Roine d'Arragon, pour quelque different qu'elle auoit avec le Roy de Castille, pour Estelle, & quelques autres places afsises en Nauarre. De ce differēt fut le Roy iuge. Pour cōtinuer ce propos que la veue des grans Princes n'est point necessaire, ces deux icy n'auoyt iamais eu differēt, ne rien à departir: & se veirent vne fois ou deux seulemēt, sur le bord dela riuierre, qui depart les deux royaumes, à l'endroit d'un petit Chasteau, appelé Heurtebise: & passa le Roy de Castille du costé de deça. Ilz n'arrestērent gueres, sinon autant qu'il plaisoit à ce Grand-Maistre de Saint-Iaques, & à cest Archeuesque de Tolledo. Parquoy le Roy chercha leur acointance: & vindrent deuers luy à Saint-Iehan de Luz: & print grand' intelligence & amytié avec eulx, & peu estima leur Roy. La pluspart des gens des deux Roys estoient logez à Bayōne, qui d'entree se barirent tresbien, quelque alliance qu'il y eust. Aussi sont ce langues differētes. Le Comte de Lodese passa la riuierre en vn bateau, dont la voile estoit de drap d'or: & auoit vns brodequins fort chargez de pierres: & vint vers le Roy. Il auoit largement biens: & depuis ie le vey Duc d'Albourg, & tenir grand' terre en Castille. Aussi se dresseoyent moqueries entre ces deux nations si allies. Le Roy de Castille estoit laid, & ses habillemens desplaisāns aux François, qui s'en

\* Ilz ne se goustērent pas fort mais per especial congnoiū nostre Roy que le Roy de Castille ne pouoit gueres, sinon &c.  
Exemp. aued.

s'en moquerēt. Nostre Roy s'habilloit fort court, & si mal q̄ pis ne pouuoit: & assez mauuais drap portoit aucunesfois: & portoit vn mauuais chapeau, different des autres, & vne image de plomb dessus. Les Castillans s'en moquoient: & disoient que c'estoit par chicheté. En effect ainsi se departit ceste assemblée pleine de moquerie & de pique: & onques-puis ces deux Roys ne s'entr'aymerent: & se dressa de grā Brouillis entre les seruiteurs du Roy de Castille, qui ont duré iusques à sa mort, & long temps apres: & l'ay veu le plus pauvre Roy, abandonné de ses seruiteurs, que ie vey iamais. La Roynie d'Arragon se doulut de la sentence, que le Roy donna au profit du Roy de Castille. Elle en eut le Roy en grand hayne, & le Roy d'Arragon aussi: combien qu'un peu s'ayderent de luy contre ceulx de Barcelonne en leur necessité: mais peu dura ceste amitié, & y eut dure guerre entre le Roy & le Roy d'Arragon plus de seize ans: & encores dure ce different.

Il fault parler d'autres. Le Duc de Bourgongne Charles s'est depuis veu, à sa grand' requeste, avec l'Empeteur Federic, qui encores est viuant: & y feit merueilleule despence, pour monstret son triumphe, & traicterent de plusieurs choses à Treues, ou ceste veue se feit: & entre autres choses du mariage de leurs enfans, qui puis est aduenü. Comme ilz eurent esté plusieurs iours ensemble, l'Empeteur s'en alla sans dire Adieu, à la grā honre & folie dudit Duc. Onques-puis ne s'entr'aymerent, ne eulx ne leurs gens. Les Alemans mesprisoyent la pompe & parole dudit Duc, l'attribuant à orgueil. Les Bourguignons mesprisoyent la petite compagnie de l'Empeteur, & les pauvres habillemēs. Tā se demena la question, que la guerre qui fut à Nuz en aduint. Ie vey aussi ledit Duc de Bourgongne, qui se veit à Saint-Paul en Artois avec le Roy Edouard d'Angleterre, dont il auoit espousé la sœur: & estoient freres d'ordre. Ilz furent deux iours ensemble. Les seruiteurs du Roy estoient fort bendez. Les deux parties se plaignoyent audit Duc. Il presta l'oreille aux vns plus qu'aux autres: dōt leur hayne s'accroit. Toutefois il ayda audit Roy, à recouurer son royaume: & luy bailla gens, argent, & nauires. Car il en estoit chacé par le Comte de Vuaruich. Et nonobstāt ce seruice (dont il recoura ledit Royaume) iamais depuis ilz ne s'aymerēt, ne dirent bien l'un de l'autre. Ie vey venir vers ledit Duc le Comte Palatin du Rin, pour le voir. Il fut plusieurs iours à Brucelles fort festoyé, recueilly, honoré, & logé en chambre richement tendue. Les gens dudit Duc disoyēt que ces Alemans estoient ordz, & qu'ilz iettoyēt leurs houeaux sur ces liētz si richement parez, & qu'ilz n'estoyent point honnestes comme nous, & l'estimerent moins qu'auant le congnoistre: & les Alemans, comme enuieux, parloyent & mesdisoyent de ceste grande Pompe. En effect onques-puis ne s'aymerēt, ny ne feirent seruice l'un à l'autre. Ie vey aussi venir vers ledit Duc, le Duc Sigismond d'Austriche, qui luy vendit la Comté de Ferrette, assise pres la Comté de Bourgongne, cent mille florins d'or, pource qu'il ne la pouuoit deffendre des Suisses. Ces deux Seigneurs ne pleurent gueres l'un à l'autre: & depuis se pacifia ce Duc Sigismond avec les Suisses: & osta audit Duc ladicte Comté de Ferrette, & retint son argent: Et en aduint des maulx infinis audit Duc de Bourgongne. En ce temps propre y vint le Cōte

## SECOND LIVRE DES MEMOIRES

de Vuaruich: qui onques-puis semblablement ne fut amy du Duc de Bourgogne, ne ledict Duc le sien.

Le me trouuay present à l'assemblée qui se feit au lieu de Picquiny (pres la ville d'Amyès) entre nostre Roy & le Roy Edouard d'Angleterre: & en parleray plus au long ou il seruira. Il se tint bien peu de choses entre eulx qui y furent promises. Ilz besongnerent en dissimulation. Vray est qu'ilz n'eurent plus de guerre (aussi la mer estoit entre deux) mais parfaite amytié n'y eut iamais. Et, pour \* conclusion, me semble que les grans Princes ne se doiuent iamais voir, s'ilz veulent demourer amys, comme ie l'ay dit: & voycy les occasions qui sont les troubles. Les seruiteurs ne se peuēt tenir de parler des choses passées. Les vns ou les autres le prennent en despit. Il ne peut estre que les gens & le train de l'un ne soit mieulx acoustumé que celui de l'autre: dont s'engendrent moqueries: qui sont choses qui desplaisent merueilleusement à ceulx qui sont mocquez. Et quand ce sont deux nations differentes, leurs langages & habillemens sont differens: & ce, qui plaist à l'un, ne plaist pas à l'autre. Des deux Princes, il adient souuent que l'un a le personnage plus honneste & plus agreable aux gens que l'autre: dont il à gloire, & préd plaisir qu'on le loue: & ne se fait point cela sans blâmer l'autre. Les premiers iours qu'ilz se sont departis, tous ces bōs comptes se dient en l'oreille & bas: & apres par \* inaduertence s'en parle en \* disant, en frappant, & puis est rapporté des deux costez. Car peu de choses y a secretes en ce mode: par especial de celles qui sont dites. Icy sont parties de mes raisons, que i'ay veues & sceues, touchant ce propos de dessus.

*Comment le Roy renoncea à l'alliance des Liegeois, pour sortir hors du Chasteau de Peronne.*

Chap. 9.



Ay beaucoup mis, auant que retourner à mon propos de l'arrest, en quoy estimoit le Roy estre à Peronne, dont i'ay parlé cy deuāt: & en suis failly, pour dire aux Princes mon aduis de telles assembles. Ces portes ainsi fermées, & gardées par ceulx qui y estoient commis, furent ainsi deux ou trois iours: & ce pendant ledict Duc de Bourgogne ne veit point le Roy, ny n'entroit des gēs du Roy, au Chasteau, que peu: & par le guichet de la porte. Nulz des gens dudit Seigneur ne furent ostez d'aupres luy: mais peu, ou nulz, de ceulx du Duc alloient parler à luy, n'en sa chabre, au moins de ceulx qui auoyēt autorité avec luy. Le p̄mier iour, ce fut tout effroy & murmure par la ville. Le second iour ledict Duc fut vn peu refroidy. Il tint conseil la plus part du iour, & partie de la nuyt. Le Roy faisoit parler à tous ceulx qu'il pouuoit penser qui luy pourroyēt ayder: & ne failloit pas à promettre: & ordonna distribuer quinze mille escus: mais celui qui eut la charge, en retint vne partie, & s'en acquita mal, cōme le Roy sceut depuis. Le Roy craignoit fort ceulx qui autresfois l'auoyent seruy: lesquelz estoient venus avec ceste armee de Bourgogne, dont i'ay parlé: qui ia se disoyent au Duc de Normandie son frere. À ce conseil, dont i'ay parlé, y eut plusieurs opinions. la plus part louerent & furent d'aduis que la seureté qu'auoit le Roy luy fust gardée: veu qu'il accordoit assez la paix en la forme

\* deux cōclussions exemplaires.

\* acoustumés ce exemplaire.

\* en disant & en souppant aux compaignes.

la forme qu'elle auoit esté couchée par escript. Autres vouloyēt sa prinse rudement, sans cerimonie. Aucūs autres disoyent qu'à diligence on feist venir monseigneur de Normãdie son frere, & qu'on feist vne paix bien auārageuse pour tous les Princes de Frace. Et sembloit biē à ceulx, qui faisoýēt ceste ouuerture, q̄, si elle s'accordoit, le Roy seroit restrainct, & qu'on luy bailleroit gardes: & qu'un si grãd Seigneur prins ne se deliure iamais ou à peine\*, quād on luy a fait si grand' offence. Et en vey les choses si \* aspres que ie vey vn hōme housē & prest à partir, qui ia auoit plusieurs lettres adressantes à monseigneur de Normandie estant en Bretaigne: & n'attendoit que les lettres du Duc. toutesfois cecy fut rompu. Le Roy feit faire des ouuertures, & offrir de bailler en ostage le Duc de Bourbon, & le Cardinal son frere, le Cōestable, & plusieurs autres: & qu'apres la paix conclue il peust retourner iusques à Cōpiengne: & qu'incontinent il seroit que les Liegeois repareroyēt tout, ou se declareroit contre eulx. Ceulx q̄ le Roy nōmoit pour estre ostages, s'offrirēt fort, au moins en public. Ie ne sçay s'ilz disoyēt ainsi à part. Ie me doubte que non. Et à la verité ie croy, \* qui les y eust laissez, ilz ne fussent pas reuenus.

\* il faulx, possible, quand il a fait: enuider d'auoir iusquē les Liegeois.

\* pres d'emp. nuel.

\* qu'il les y eust laissez, & ne fust pas reuenu d'exp. nuel.

Ceste nuit, qui fut la tierce, ledit Duc ne se despouilla onc. Seulemēt se coucha p deux ou trois fois sur son liēt, & puis se pourmenoit. car telle estoit sa façon, quand il estoit troublē. Ie couchay ceste nuit en sa chambre, & me pourmenay avec luy plusieurs fois. Sur le matin se trouua en plus grand' colere que iamais, vñant de menaces, & prest à executer grãd' chose: toutesfois il se reduisit en sorte que, si le Roy iuroit la paix, & vouloit aller avec luy au Liege, pour luy ayder à se veger, & monseigneur du Liege, qui estoit son parent, il le contenteroit: & soudainemēt partit, pour aller en la chābre du Roy & luy porter ces paroles. Le Roy eut quelque amy qui l'en aduertit, l'asseurant de n'auoir nul mal, s'il accorderoit ces deux poinctz: mais, s'il faisoit le contraire, il se mettroit en si grãd peril, q̄ nul plus grãd ne luy pourroit aduehir.

Cōme le Duc arriua en sa presence, la voix luy trēbloit, tāt il estoit esmeu, & prest de se courtoier. Il feist hūble contenance de corps: mais sa geste & parole estoit aspre, demādant au Roy s'il vouloit tenir le traitté de paix; qui auoit esté escript & acordé, & si ainsi le vouloit iurer: & le Roy luy respondit q̄ ouy. A la verité il n'y auoit rien esté renouelē de ce qui auoit esté fait deuant Paris, touchāt le Duc de Bourgōgne, ou peu, ou moins: & touchāt le Duc de Normãdie\*, luy estoit beaucoup amēdē. car il estoit dict qu'il renonceroit à la Duchē de Normãdie, & auroit Chāpaigne & Brye, & autres places voylines, pour son partage. Apres luy demāda ledit Duc s'il ne vouloit point venir avec luy au Liege, pour ayder à reuācher la trahison que les Liegeois luy auoyēt faicte, à cause de luy & sa venue: & aussi il luy diēt la prochaineté du lignage, qui estoit entre le Roy & l'Euesque du Liege: car il estoit de la maison de Bourbō. A ceste parole le Roy respōdit qu'apres que la paix seroit iuree (ce qu'il desiroit) il estoit cōtent d'aller avec luy au Liege, & de mener des gēs, si petit ou si grand nōbre que bon luy sembleroit. Ces paroles esiouirent fort le Duc: & incōtinent fut apportē le traitté de paix: & fut tiree des coffres du Roy la vraye croix, q̄ Saint-Charlemaigne portoit, qui s'appelle la croix de Victoire: & iurerēt la paix, & tantost furēt sonnees les cloches par la ville:

\* entendez au Roy.

## SECOND LIVRE DES MEMOIRES

& tout le monde fut fort esiouy. Autresfois à pleu au Roy me faire cest honneur de dire que i'auoye bien seruy à ceste pacification. Incontinent escriuiut ledi& Duc en Bretagne ces nouuelles : & enuoya le double du traité, par lequel ne se desioignoit, ne se deslioit d'eulx : & si auoit ledi& monseigneur Charles partage bon : veu le traité qu'ilz auoyent fait en Bretagne, par lequel ne luy demouroit qu'une pension, comme auez ouy.

*Comment le Roy accompagna le Duc de Bourgogne, faisant la guerre aux Liegeois, parauant ses allies.* Chap. 10.



Incontinent que ceste paix fut ainsi faicte & conclue, lendemain partirent le Roy & le Duc, & tirerent vers Cambray, & de là au pais du Liege: & estoit à l'entree d'yuer, & le temps estoit tresmau uais. Le Roy auoit avec luy les Escossoys de sa garde, & Gés-d'armes peu, mais il feit venir iusques à trois cens Hommes-d'armes. L'armec dudi& Duc estoit en deux parties. L'une menoit monseigneur le Marechal de Bourgogne (dont vous auez ouy parler cy dessus) & y estoient tous les Bourguignons, & ces Seigneurs de Sauoye, desquelz vous auez ouy parler, & avec eulx grand nombre de gens du pais de Haynault, de Luxembourg, de Namur, & de Lambourg. L'autre partie estoit avec ledi& Duc. Et quand ilz approcherent de la cité du Liege, on tint cōseil present le Duc, ou aucuns aduiserēt qu'il seroit bon de renuoyer partie de l'armec: veu que ceste cité auoit les portes & murailles rasees, des l'an precedent, & q̄ de nul cōsté n'auoyent esperance de secours: & aussi que le Roy estoit là en personne cōtre eulx: lequel ouuroit aucū partiz pour eulx, quasi telz qu'on les demādoit. Ceste opinion ne pleut pas au Duc, dont bien luy en print: car iamais homme ne fut si prest de perdre le tout. Et la suspitiō, qu'il auoit du Roy, luy feit choisir ce sage party: & estoit tresmal aduisé à ceulx, qui en parloyent, de penser estre trop fortz. C'estoit vne grande espeece d'orgueil ou de folie: & maintesfois i'ay ouy de telles opinions: & le font aucunesfois les Capitaines pour estre estimez de hardiesse, ou pour n'auoir assez cōgnoissance de ce que ilz ont à faire: mais, quand les Princes sont sages, ilz ne s'y arrestent point.

Cest article entendoit bien le Roy nostre maistr̄ (à qui Dieu face pardon) car il estoit tardif & craintif à entreprendre: mais à ce qu'il entreprenoit, il y pouruoyoit si bien qu'à grand peine eust il leu faillir à estre le plus fort, & que la maistrise ne luy en fust demouree.

Ainsi fut ordōné q̄ ledi& Marechal de Bourgōgne, & tous ceulx (dōt i'ay plé) q̄ estoient en sa cōpaignie, iroit loger en la cité: &, si on la leur refusoit, ilz y entreroient p force, l'ilz pouuoient: car ia y auoit gés de la cité allās & venās pour appoiter: & vindrēt les dessusdictz à Namur: & le lendemain le Roy & le Duc y arriuerēt, & les autres en ptirēt. Approchās de la cité, ce fol peuple sail lit au deuant d'eulx: & aisēmēt fut descōnt, au mois vn bō nōbre. le demourāt se retira: & eschapa leur Euesq̄, leq̄l vint deuers no<sup>s</sup>. Il y auoit vn Legat du Pape enuoyé pour pacifier, & pour cōgnoistre du differēt de l'Euesq̄ & du peuple: car tousiours estoit en fêrce d'excoimēt, pour les offēces & raisōs deuādictes. Cedit Legat, excedāt sa puissance, & sur esperāce de soy faire Euesque de la

de la cité, fauoriſoit ce peuple, & leur comanda prendre les armes, & ſe deſfendre, & d'autres folies aſſez. Lediect Legat voyant le peril ou eſtoit ceſte cité, ſaillit pour fuir. Il fut prins, & tous ſes gens, qui eſtoyent bien vingt-cinq, bien môtez. Si toſt que le Duc le ſceut, il ſeit dire à ceulx, qui l'auoyent, qui le trāſportāſſent ſāns luy en rien dire, & qu'ilz en ſeiſſent leur proffit comme d'un marchand. car, ſi publicquement il venoit \* en ſa compaignie, il ne leur pourroit retenir, mais le ſeroit rendre pour l'honneur du ſiege Apoſtolique. Ilz ne le ſceurent faire, mais en eurent debat : & publicquement, à l'heure du diſner, luy en vindrent parler ceulx qui y diſoyent auoir part : & incontīnēt. l'enuoya mettre en ſa main, & leur oſta, & luy ſeit rendre toutes choſes, & l'honora. Ce grand nombre de gens, qui eſtoyent en ceſte Auantgarde conduictz par le Mareſchal de Bourgogne, & le Seigneur d'Hymbercourt, tirent droit en la cité, eſtimans y entrer, & meuz de grand' avarice, aymoyent mieulx la piller, qu'accepter appoitemēt qui leur fuſt offert : & leur ſembloit n'eſtre ia beſoing d'attēdre le Roy & le Duc de Bourgogne : qui eſtoyēt ſept ou huit lieux derriere eulx : & ſ'auācerent tant qu'ilz arriuerent dedāns vn faulx-bourg à l'entree de la nuit : & entrerēt à l'endroit de la porte qu'ilz auoyent quelque peu reparee. Eu quelque parlemēt, ilz ne ſ'acorderēt point. La nuit bien obſcure les ſurprint. Ilz n'auoyent point fait de logis : & auſſi n'auoyēt point de lieu ſuffiſant : & eſtoyēt en grād deſordre. Les vns ſe pourmenoyent, les autres appeloſyēt leurs maiſtres, leurs cōpaignons, & les noms de leurs Capitaines. Meſſite Iehan de \* Villette, & autres des Capitaines de ces Liegeois, voyans ceſte folie, & ce mauuais ordre, prindrent cœur, & leur ſeruit bien leur incōuenient : c'eſt à ſçauoir la ruine de leurs murailles : car ilz ſailloyēt par ou ilz vouloyēt : & ſaillirent par les breſches de leurs murailles, & vindrent de front aux premiers : mais, par les vignes & petites mōtaignes, couroyēt ſus aux pages & valetz, qui eſtoyēt au bout des faulx-bourgs, p ou ilz eſtoyent entrez, ou ilz pourmenoyēt grand nōbre de cheuaux : & en tuerent treſlargemēt : & grand nōbre de gens ſe mirent en fuyte (car la nuit n'a point de honte) & tāt exploiterent qu'ilz tuerent plus de huit cēſ hōmes, dont y en eut cent Hommes-d'armes. Les hōmes de bien & vertueux de ceſte Auantgarde ſe tindrēt enſemble : & eſtoyent quaſi tous Hōmes-d'armes, & gens de bonne maiſon : & tirerēt, avec leurs enſeignes, droit à la porte, de paour qu'ilz ne ſaillīſſent par là. Les boues y eſtoyent grandes, pour la continuelle pluye qu'il faiſoit : & y eſtoyēt les Hōmes-d'armes iuſques p deſſus les cheuilles des pieds & tous à pied. Vn coup tout le demeurāt du peuple cuyda ſaillir p la porte, avec grās fallotz & grandes clartez. Les noſtres, qui en eſtoyent fort pres, auoyēt quatre bōnes pieces d'artillerie, qu'ilz tirerēt deux ou trois beaux coups, du long de la grād' rue, & tuerēt beaucoup de gēs. Ce-la les ſeit retirer de ce faulx-bourg, & fermer leurs portes. Toutesſois durāt le debat du lōg de ce faulx-bourg gaignerēt ceulx, qui eſtoyent ſailliz, aucuns chariotz, & ſ'en taudirēt : (car ilz eſtoyēt pres de la ville) là ou ilz repoſerēt aſſez mallemēt : car ilz demourerent hors la ville depuis deux heures apres minuit iuſq̄s à ſix heures du matī. Toutesſois, quād le iour fut cler, & qu'on ſe veit l'un l'autre, ilz furēt reboutez : & y fut bleſſé ce meſſire Iehā de \* Villette, & moutut deux iours apres en la ville, & vn ou deux autres de leurs chefs.

\* à ſa con-  
gnoiſſance  
Examp. uict.

\* Vuillide  
Ex. uict.

\* Vuillide  
encor Ex. uict.



## SECOND LIVRE DES MEMOIRES

*Comment le Roy arriva en personne deuant la cité du Liege, avec ledict Duc de Bourgogne.* Chap. 11.



Ombien qu'aucunesfois les faillies soyent bien necessaires, si sont elles bien d'agereuses pour ceulx de dedās vne place. car ce leur est plus perte de dix hōmes qu'à ceulx de dehors de cēt. car leur nobre n'est point pareil, & si n'en peuent point recouurer quād ilz veulent: & si peuent perdre vn Chef ou vn conducteur, qui est cause bien souuent que le demourant des compaignons & gens de guerre ne demandent qu'à habandonner les places. Ce tresgrand effroy courut iusques au Duc, qui estoit logé iusq̃s à quatre ou cinq lieues de la ville: & de prime-face luy fut dict que tout estoit desconfit. Toutesfois il monta à cheual, & toute l'armee, & commanda qu'au Roy n'en fust rien dict. En approchant de la cité, par vn autre endroit, luy vindrent nouuelles que tout se portoit bien, & qu'il n'y auoit point tant de morts qu'on auoit pensé, & n'y estoit mort nul hōme de nom qu'un Cheualier de Flādrès, appelé mōseigneur de \* Sergine: mais que les gēs de bien, qui y estoÿēt, s'y trouuoient en grand' necessité & trauail. car toute la nuyt passée auoyent esté debout en la fange, rasibus de la porte de leurs ennemys: & avec ce aucuns des fuyans qui estoient retournez (ie parle des Gens-de-pied) estoient si descouragez qu'ilz sembloient mal prestz à faire grandes armes: & que pour Dieu ilz se hastassent de marcher, à fin qu'une partie de ceulx de la ville, fussent contrainctz d'eulx retirer à leurs deffences, chascun en son endroit: & ausi qu'il luy pleust leur enuoyer des viures: car ilz n'en auoyent point vn seul morceau. Le Duc à diligence feit partir deux ou trois cens hōmes, tant q̃ cheualx les pouuoÿēt porter, pour les reconforter & donner coeur, & leur feit mener ce petit de viures qu'il peut finer. Il y auoit presq̃ deux iours & vne nuyt qu'ilz n'auoyēt mágé ne beu, sinō ceulx qui auoyēt porté quelq̃ bouteille: & si auoyēt le plus mauuais tēps du monde: & de ce costé là ne leur estoit possible d'entrer, si le Duc n'empeschoit les ennemys par ailleurs. Ilz auoyent largement gens blecez: entre les autres le Prince d'Orége (que i'auoye oublié à nommer) qui se mōstra homme de vertu: car onques ne se voulut bouger. Monseigneur du Lau & d'Vrfé s'y gouuernerēt bien tous deux. Il s'en estoit fuy ceste nuyt precedente plus de \* deux mille hommes.

La estoit assez pres de la nuyt, quād ledict Duc eut ceste nouuelle: & apres auoir despesché les choses dessusdictes, il alla là ou estoit son enseigne cōpter le tout au Roy: leq̃l en fut tresioyeux: car le cōtraire luy eust peu porter dommage. Incōtinēt on s'approcha du faulx-bourg: & descēdit largemēt de gēs de bien, & Hommes-d'armes avec les Archiers, pour aller gagner le faulx-bourg: \* & prindrēt les logis le Bastard de Bourgogne (leq̃l auoit fort grand' charge soubz ledict Duc) le Seigneur de Rausstin, le Côte de Roucy, filz du Cōnestable, & plusieurs autres gēs de biē. Aisēmēt fut fait le logisen ce faulx-bourg, iusq̃s rasibus de la porte: laq̃lle ilz auoyēt \* rōpue cōme l'autre: & se logea ledict Duc au milieu du faulx-bourg: & le Roy demoura ceste nuyt en vne grād' cēse ou metayrie fort grāde & biē maifōnee, à vn quart de lieue de la ville, & gens largemēt logez à l'enuiron de luy, tāt des siens q̃ des nostres.

La situation de la cité sont mōtaignes & valleses, pais fort fertile, & y passe la riuere

\* Sengmeur  
Exempl. aiel.

\* dix Ex. aiel.

\* & prendre  
le logis. Le  
Bastard de  
Bourgogne  
auoit &c.  
Ex. aiel.

\* reparee Ex.  
niel.

la riuere de Meuze au trauers : & peut bien estre de la grandeur de Rouen : & pour lors estoit vne cité merueilleusemēt peuplee. De la porte ou nous estions logez, iusq̃s à celle ou estoit nostre Auangarde, y auoit peu de chemin par dedans la ville : mais par dehors y auoit bien trois lieues, tant y a de Barycanes & de mauuais chemins. aussi c'estoit au fin cœur d'yuer. Leurs murs estoient tous rafez : & pouuoient faillir par où ilz vouloyent : & y auoit seulement vn peu de douue : ne iamais n'y eut fossez. car le fond est de roc tres-apre & trespdur. Ce p̃mier soir q̃ le Duc de Bourgogne fut logé en leur faulxbourg, furēt fort soulagez ceulx qui estoient de nostre Auangarde, car la puissance qui estoit dedās, estoit alors ia departie en deux. Il nous vint enuiron minuiēt vne alarme bien aspre. Incōtinent saillit le Duc de Bourgogne en la rue : & peu apres y arriua le Roy & le Cōestable : qui feirent vne grand' diligence à venir de si loing. Les vns crioient : ilz saillent par vne telle porte. D'autres disoyent autres paroles effrayees : & le tēps estoit si obscur & mauuais qu'il aydoit biē à espouēter les gēs. Le Duc de Bourgogne n'auoit point faulte de hardiesse : mais bien aucunes fois faulte d'ordre : & à la verité, il ne tint point, à l'heure q̃ i'ay parlé, si bonne cōtenance q̃ beaucoup de gens eussent biē voulu, pource q̃ le Roy y estoit present : & print le Roy paroles & autorité de cōmander : & dist à monseigneur le Connestable : Tirez avec ce que vous auez de gēs en tel endroit : car, ilz doiuent venir, c'est leur chemin : & à ouir sa parole & voir sa cōtenance, sembloit bien Roy de grand' vertu, & de grand sens, & qu'autres fois se fust trouué en tel affaire. Toutesfois ce ne fut riens : & retourna le Roy en son logis, & le Duc de Bourgogne au sien.

Lēdemain au matin le Roy vit loger dedās les faulx-bourgs, en vne petite maisonnette, rasibus de celle ou estoit logé le Duc de Bourgogne : & auoit avec luy garde de cēt Escossoys, & des Gēs-d'armes logez assez pres de luy en quelque village. Le Duc de Bourgogne estoit en grand' sūspicion, ou que le Roy n'entraist dedans la cité, ou qu'il ne s'en fust auant qu'il eust prinse la cité, ou qu'à luy mesmes ne feist quelque oultrage, estāt si pres : toutes fois entre les deux maisons y auoit vne grand' grange, en laquelle il serra trois cens Hommes-d'armes : & y estoit toute la fleur de sa maison : & rompirent les parois de ladicte grange pour plus seuremēt faillir : & ceulx là auoyēt l'oeil sur la maison du Roy, qui estoit rasibus. Ceste feste dura huiēt iours : car au huiētieme iour la ville fut prinse, q̃ nul ne se desarma, ne lediēt Duc, ny autre. Le soir auant la prinse auoit esté deliberé les assaillir le lendemain au matin (qui estoit à vn iour de Dimenche, trentième d'Octobre l'an mille quatre cens soixāte & huiēt) & prins & baillé enseigne avec ceulx de nostre Auangarde que, quand ilz orroyent tirer vn coup de Bombarde, & deux grosses Serpentes, incontinet apres, sans autres coups, ilz assaillissent hardiment : car lediēt Duc assauldroit de son costé, & deuoit estre sur les huiēt heures du matin. La veille, comme cecy auoit esté cōclu, le Duc de Bourgogne se desarma (ce qu'encores n'auoit fait) & feit desarmer tous ses gens, pour ceulx rafraeschir, & par especial tous ceulx qui estoient en ceste grange.

Bien tost apres, comme si ceulx de la ville en eussent esté aduertis, ilz delibèrent faire vne saillie de ce costé aussi bien qu'ilz auoyent fait de l'autre :

*Comment les Liegeois firent vne merueilleuse saillie sur les gens du Duc de Bourgogne, là ou luy & le Roy furent en grand danger.* Chap. 12.



Rnotez comme vn bien grand Prince & puissant peut tressoudainement tomber en inconuenient, & par bien peu d'ennemys: parquoy toutes entreprinſes ſe doiuent bié peſer & bien debatre, auât que les mettre en eſſect. En toute celle citée n'y auoit vn ſeul homme de guerre ſinon de leur territoire. Ilz n'auoyent plus ne Cheualiers ne Gentilz-hommes avec eulx: car, ſi petit qu'ilz en auoyent, au parauât, deux ou trois iours auoyent eſté tuez ou bleceez. Ilz n'auoyent porte ne murailles ne foſſez, ny vne ſeule piece d'artillerie, qui rien vaulſiſt: & n'y auoit rien que le peuple de la ville, & ſept ou huiſt cés hommes-de-pied: qui ſont d'une petite montaigne au derriere du Liege, appelee le païs de Franchemont: &, à la \* verité, ont touſiours eſté treſrenommez ceulx de ce quartier. Or ſe voyâs deſeſperer de ſecours (veu que le Roy eſtoit là en perſonne cōtre eulx) ſe delibereſent de faire vne groſſe, ſaillie, & de mettre toutes choſes en aduēture. car auſſi bien ilz ſçauoyent bien qu'ilz eſtoyent perdus. Leur cōcluſion fut que par les trous de leurs murailles, qui eſtoyēt ſur le derriere du logis du Duc de Bourgogne, ilz ſauldroyēt tous les meilleurs qu'ilz euſſent, qui eſtoyent ſix cens hommes du païs de Franchemont: & auoyent pour guyde l'hoſte de la maiſon ou eſtoit logé le Roy, & auſſi l'hoſte de la maiſon ou eſtoit logé le Duc de Bourgogne: & pouoyent venir, par vn creux d'un rocher, aſſez pres de la maiſon des deux Princes, auant qu'on les apperceuſt, moyennant qu'ilz ne feiſſent point de bruit. Et cōbien qu'il y euſt quelques eſcoutes au chemin, ſi leur ſembloit il bien qu'ilz les tueroyent, ou qu'ilz ſeroient auſſi toſt au logis comme eulx: & faiſoyent leur compte que ces deux hoſtes les meneroyēt tout droit en leurs maiſons, ou ces deux Princes eſtoyēt logez, & qu'ilz ne ſ'amuſeroient point ailleurs: pquoy les ſurprēdroient de ſi pres qu'ilz les tueroyent, ou prendroyent, auant que leurs gens fuſſent aſſemblez: & qu'ilz n'auoyēt point loing à ſe retirer, & qu'au fort ſ'il faloit que ilz mouruſſent pout executer vne telle entreprinſe, qu'ilz prēdroyēt la mort bien en gré: car auſſi bien ilz ſe voyoyēt de tous pointz deſtruits, cōme diſt eſt. Ilz ot dōnerent oultre que tout le peuple de la ville ſauldroit par la porte, laq̃lle reſpond du long de la grand' rue de noſtre faulx-bourg, avec vn grād hu, eſperant deſconſire tout ce qui eſtoit logé en cediſt faulx-bourg: & n'eſtoyent point hors d'eſperance d'auoir vne bien grand' victoire, ou à tout le moins, & au pis aller, vne bien glorieuſe fin. Quand ilz euſſent eu mille Hommes-d'armes, avec eulx, de bon eſtoſſe, ſi eſtoit leut entreprinſe bien grāde: routesſois il ſ'en ſalut bien peu qu'ilz n'en vinſſent à leur intētion. Et, comme ilz auoyent conclu, ſaillirent ces ſix cens hommes de Franchemont, par les breſches de leurs murailles: & croy qu'il n'eſtoit point encores dix heures du ſoir: & attraperēt la pluſpart des eſcoutes, & les tuerēt: & entres les autres y moururent trois Gentilz-hōmes de la maiſon du Duc de Bourgogne: &, ſ'ilz euſſent tiré tout droit, ſans eulx faire ouir, iuſques à ce qu'ilz euſſent eſté là ou ilz vouloyent aller, ſans nulle difficulté, ilz euſſent tué ces deux Princes, couchez ſur leurs liētz. Derriere l'hoſtel du Duc de Bourgogne y auoit

vn pa-

\* ville Exem.  
niel.

vn pavillon, ou estoit logé le Duc d'Alençon; qui est aujourdhuy, & monseigneur de Cran avec luy. Ilz s'y arreslerent vn peu, & donnerent des coups de piques au trauers, & y tuerent quelque valet. Il en sortit bruit en l'armée: qui fut occasion que quelque peu de gens s'armerent, au moins se mirét debout. Ilz laisserent ces pavillons, & vindrent tout droit aux deux maisons du Roy & du Duc de Bourgogne. La grange (dont i'ay parlé) ou ledict Duc auoit mis trois cēs Hommes-d'armes, estoit rasibus desdictes deux maisons, ou ilz s'amuserent, & à grands coups de piques donnerēt par ces trous qui auoyent esté faictz pour saillir. Tous ces Gentilz-hommes s'estoyent desarmez, n'auoit pas deux heures (cōme i'ay dit) pour eulx rafraeschir pour l'assault du lendemain: & ainsi les trouuerent tous, ou peu s'en faloit, desarmez: toutesfois aucūs auoyent ietté leurs cuyraces sur eulx, pour le bruit qu'ilz auoyēt ouy au pavillon de mōseigneur d'Alençon: & cōbaroyent iceulx à cestroux, & à l'huis: qui fut totalemēt la sauueté de ces deux grans Princes. Car ce delay donna espace à plusieurs gens de soy armer, & de saillir en la rue. l'estoye couché en la chambre du Duc de Bourgogne (qui estoit bien petite) & deux Gentilz-hommes qui estoient de sa chambre, & au dessus y auoit douze Archiers seulemēt, qui faisoient le guet, & estoient en habillemens & iouoyēt aux dez. Son grand guet estoit loing de luy, & vers la porte de la ville. En effect l'hoste de sa maison attira vne bende de ces Liegeois, & vint assaillir sa maison, ou ledict Duc estoit dedās. Et fut tout cecy tant soubdain qu'à grād peine peusmes nous mettre audict Duc sa cuyrasse sur luy, & vne sallade en la teste: & incontinent descendismes le degré pour cuyder saillir en la rue. Nous trouuasmes noz Archiers empeschez à deffendre l'huy, & les fenestres contre les Liegeois: & y auoit vn merueilleux cry en la rue. Les vns, Viue le Roy: les autres, Viue Bourgogne: & les autres Viue le Roy & tuez: & fusmes l'espace de plus de deux patenostres auant q̄ ces Archiers peussent saillir de la maison, & nous avec eulx. Nous ne scauions en quel estat estoit le Roy, ne desquelz il estoit: qui nous estoit grand doubte. Et incontinent que nous fusmes hors de la maison, avec deux ou trois torches, en trouuasmes aucunes autres, & veismes gens qui se combatoyent tout à l'enuiron de nous; mais peu dura. car il faillloit gens de tous costez venans au logis du Duc. Le premier hōme des leur, qui fut tué, fut l'hoste du Duc: lequel ne mourut pas si tost: & l'ouy parler. Ilz furent tous mortz ou bien peu s'en salut.

Aussi bien assaillirent la maison du Roy: & entra son hoste dedans: & y fut tué par les Escossoys, qui se monstrerent bien bonnes gens. Ilz ne bougerent du pied de leur maistre, & tirerent largement fleches, desquelles ilz blecerēt plus de Bourguignons que de Liegeois. Ceulx, qui estoient ordonnez à saillir par la porte, saillirent: mais ilz trouuerent largement gens au guet, qui iā estoient assemblez, qui tost les rebouterent: & ne se monstrerent pas si \* ex-  
pers que les autres. Incontinent que ces gens furent ainsi reboutēz, le Roy & ledict Duc parlerent ensemble: & pource qu'on voyoit beaucoup de gens mortz, ilz eurēt doubte que ce ne fussent des leur: toutesfois peu s'y en trouua, mais de blecez beaucoup. Et ne fault point doubter que, s'ilz ne se feussent amusez en ces deux lieux (dont i'ay parlé) & par especial à la grange, ou

\* apres l'ouy.  
meil.

## SECOND LIVRE DES MEMOIRES

guydes, ilz eussent tué le Roy & le Duc de Bourgogne: & croy qu'ilz eussent aussi desconfit le demourant de l'ost. Chascun de ces deux Seigneurs se tira en son logis, trefesbahy de ceste hardie entreprinse: & tost se mirent en conseil à sçauoir qu'il seroit à faire lendemain, touchât cest assault qui estoit deliberé, & entra le Roy en grand doubte: & en estoit la cause qu'il auoit paour que, si ledict Duc faillloit à prendre ceste cité d'assault, le mal en tomberoit sur luy, & qu'il seroit en dâger d'estre arresté, ou prins de tous pointz. car ledict Duc auroit paour, s'il partoist, qu'il ne luy feist la guerre d'autre costé. Icy pouuez voir la miserable condition de ces deux Princes: qui par nulle voye ne se sceurent asseurer l'un de l'autre. Ces deux icy auoyent fait paix finale, n'y auoit pas quinze iours, & iuré si solennellement de loyaumét l'entretenir: toutesfois la fiance ne s'y pouuoit tourner par nulle voye.

*Comment la cité du Liege fut assaillie, prinse, & pillée, & les eglises aussi. Chap. 13.*



LE Roy, pour s'oster de ces doubtes, vne heure apres qu'il se fut retiré en son logis, & apres ceste saillie, dont ay parlé, mada aucuns des prochains seruiteurs dudiect Duc, & qui'estoyent ia trouuez au conseil, & leur demanda de la conclusion. Ilz luy dirent qu'il estoit arresté des le lendemain assaillir la ville, en la forme & maniere qu'il auoit esté conclu. Le Roy leur feit de grandes doubtes & tressaiges, & qui furent trefagreables aux gens dudiect Duc: car chacun craignoit tresfort cest assault, pour le grand nombre de peuple qui estoit dedans la ville, & aussi pour la grand' hardiesse qu'ilz leur auoyent veu faire n'y auoit pas deux heures. Et eussent esté trefcôtens attendre encores aucuns iours, ou les receuoir à quelque composition: & vindrent deuers le Duc luy faire ce rapport, & y estoie present: & luy dirent toutes les doubtes que le Roy faisoit, & les leurs: mais tout disoyent venir au Roy, craignans qu'il ne l'eust prins mal d'eulx. Aquoy respondit ledict Duc que le Roy le faisoit pour les sauuer: & le print en mauuais sens: & que la chose n'iroit pas ainsi, veu qu'on n'y pouuoit faire nulle baterie & qu'il n'y auoit point de muraille, & q'ce, qu'ilz auoyent remparé aux portes, estoit ia abbatu, & qu'il ne faloit ia plus attêdre, & qu'il ne delaisseroit point l'assault du matin, côme il auoit esté cōclu: mais que, s'il plaisoit au Roy aller à Namur, iusques à ce q' la ville fust prinse, qu'il en estoit bien content: mais qu'il ne partiroit point de là iusques à ce qu'on veist l'ysue de ceste matinee, & ce qu'il en pourroit aduenir. Ceste responce ne pleut à nul qui fust present. car chascun auoit eu paour de ceste saillie. Au Roy fut faicte la respōce, non point si griefue, mais la plus honneste que l'on peut. Il l'entendit sagemét: & dist qu'il ne vouloit point aller à Namur: mais q' le lendemain se trouueroit avec les autres. Mon aduis est que, s'il eust voulu s'en aller ceste nuict, il l'eust bien faict: car il auoit cent Archiers de sa garde, & aucuns Gentilz-hommes de sa maison, & pres de là trois cens Hommes-d'armes: mais, sans nulle doubte, là ou il y alloit de l'honneur, il n'eust point voulu estre reprints de couardise.

Chascun se repōsa quelque peu, en attendant le iour, tous armez, & disposerent

\* n'estoit pas  
doubteuse  
veu que l'on  
ne pouuoit  
faire nulle ba  
terie de la  
part de ceulx  
de dedans, &  
qu'il n'y a  
uoit &c. a. x.  
uieil.

ferent les aucuns de leurs cōsciences: car l'entreprinse estoit bien dangereuse. Quand le iour fut cler, & que l'heure approcha, qui estoit de huiēt heures du matin, cōme i'ay dit, que l'on deuoit assaillir, feit lediēt Duc tirer la Bombarde & les deux coups de Serpentine, pour aduertir ceulx de l'Auantgarde, qui estoient à l'autre part bien loing de nous (cōme i'ay dit) par dehoirs: mais par dedans la ville, il n'y auoit point grand chemin. Ilz entendirent l'enseigne: & incontinent se disposerent à l'assault. Les trompettes du Duc commencerent à sonner: & les enseignes d'approcher la muraille, accompagnez de ceulx qui les deuoyent suyure. Le Roy estoit emmy la rue bien accompagné: car tous ces trois cens Hommes-d'armes y estoient, & sa garde, & aucuns Seigneurs & Gentilz-hōmes de sa maison. Comme l'on vint pour cuyder ioindre au poinct, on ne trouua vne seule deffence: & n'y auoit que deux ou trois hōmes à leur guet: car tous estoient allez disner: & estimoyēt, pource qu'il estoit Dimenche, qu'on ne les assauldroit point: & en chascune maison trouuastmes la nappe mise. C'est peu de chose que du peuple, si l'n'est cōduit par quelque chef qu'ilz ayent en reuerēce & en crainte, sauf qu'il est des heures & des temps, qu'en leur fureur sont bien à craindre.

La estoient parauant l'assault ces Liegeoys fort matz, tant pour leurs gens qu'ilz auoyent perdus à ces deux saillies, ou estoient mortz tous leurs Chefs; qu'aussi pour le grand travail qu'ilz auoyent porté par huiēt iournees. Car il falloit que tout fust au guet: pource que de tous costez ilz estoient deffermez, cōme auez ouy: & à mon aduis qu'ilz cuydoient auoir ce iour de repos pour la feste du Dimenche: mais le contraire leur aduint: & comme i'ay dit, ne se trouua nul à deffendre la ville de nostre costé, & moins encores du costé des Bourguignons, qui estoient nostre Auantgarde, avec les autres que i'ay nomméz: & y entrerent ceulx là premiers que nous. Ilz tuerent peu de gens: car toute le peuple s'enfuyt oultre le pont de Meuze, tirant aux Ardenes, & de là aux lieux ou ilz pensoient estre à seurerē. Je ne vey par là ou nous estions que trois hōmes mortz, & vne femme: & croy qu'il n'y mourut point deux cens personnes en tout, que tout le reste ne fust, ou se cachast aux eglises, ou aux maisons. Le Roy marchoit à loysir: car il voyoit bien qu'il n'y auoit nul qui resistast, & que toute l'armee entra dedans par deux boutz: & croy qu'il y auoit quarāte mille hommes. Lediēt Duc, estant plus auant en la cité, tourna tout court au deuant du Roy, & le conduisit iusques au Palais: & incontinent retourna lediēt Duc à la grand' eglise de Sainct \* Lambert, ou ses gens vouloyent entrer par force, pour prendre des prisonniers, & des biens: & cōbien que iail eust commis des gens de sa maison pour garder ladicte eglise, si n'en pouuoit il auoir la maistrise: & assailloyēt les deux portes. Je sçay qu'à son arriuee il tua vn homme de sa \* maison, & le vey. Tout se departir, & ne fut point ladicte eglise pillée: mais bien en la fin furent prins les hommes qui estoient dedans, & tous leurs biens. Des autres eglises qui estoient en grand nombre (car i'ay ouy dire à monseigneur d'Hymberecourt, qui congnoissoit bien la cité, qu'il s'y disoit autāt de messes par iour, cōme il faisoit à Romme) la pluspart furent pillées soubz ombre & couleur de prendre des prisonniers. Je n'entray en nulle eglise qu'en la grande: mais ainsi me fut il dict: & en vey

\* Laurens  
Exemp. muel.

\* main Exemp.  
muel.



## SECOND LIVRE DES MEMOIRES

les enseignes: & aussi long temps apres le Pape prononça grandes censures contre tous ceulx qui auoyent aucunes choses appartenantes aux eglises de la cité, s'ilz ne la rendoyent: & ledict Duc deputa commissaires pour aller par tout son païs, pour faire executer le commandement du Pape. Ainsi, la cité prinse & pillée enuiron le midy, retourna le Duc au Palais. Le Roy auoit ia disné: lequel monstroist signe de grand' ioye de ceste prinse, & louoit fort le grand courage & hardiesse dudit Duc: & entendoit bien qu'il luy seroit rapporté: & n'auoit en son cœur autre desir que s'en retourner en son royaume. Apres dîner ledict Duc & luy se veirēt en grād' chere: & si le Roy auoit loué ses oeures en derriere, encores le loua il mieulx en sa presence: & y prenoit ledict Duc plaisir.

Le retourne vn peu à parler de ce pauvre peuple qui fuyoit de la cité, pour confermer quelques paroles que i'ay dictes au commencement de ces Memoires, ou i'ay parlé des malheurs que i'ay veu suyure les gens, apres vne bataille perdue par vn Roy ou Duc, ou autre personne beaucoup moindre.

Ces miserables gens fuyoyent par le païs d'Ardenne, avec femmes & enfans. Vn Cheualier, demourant au païs, qui auoit tenu leur party iusques à celle heure, en destroussa vne bien grād' bende: &, pour acquerir la grace du vainqueur, l'escriuit au Duc de Bourgongne, faisant encores le nombre des mortz, & prins, plus grand qu'il n'estoit: toutesfois en y auoit largement: & par là fait son appointment. Autres fuyoyent à Mezieres sur Meuze: qui est au royaume. Deux ou trois de leurs Chefz de bandes y furēt prins: dont l'un auoit nom Madoulet: & furent amenez audit Duc: lesquelz il feit mourir. Aucuns de ce peuple moururent de faim, & de froit, & de sommeil.

*Comment le Roy Louis s'en retourna en France, du consentement du Duc de Bourgongne: & comment ce Duc acheta de traicter les Liegeois, & ceulx de Franchement. Chap. 14.*



Quatre ou cinq iours apres ceste prinse commença le Roy à embesongner ceulx qu'il tenoit pour ses amys, enuers ledict Duc, pour s'en pouoir aller: & aussi en parla au Duc en sage sorte, disant que, s'il auoit plus affaire de luy, qu'il ne l'espargnast point: mais, s'il n'y a plus riē à faire, qu'il desiroit aller à Paris, faire publier leurs appointemens en la court de Parlement (pource que c'est la coustume de France d'y publier tous accords, ou autrement ne seroyent de nulle valeur. toutefois les Roys y peuuent tousiours beaucoup) & d'auantaige prioit audit Duc qu'à l'Esté prochain ilz se peussent entreuoir en Bourgongne, & estre vn moys ensemble, faisant bonne chere. Finalement ledict Duc s'y accorda, tousiours vn petit murmurant: & voulut que le traicté de paix fust releu deuant le Roy, sçauoir s'il y auoit rien dont il se repentist, offrant le mettre à son choix, de faire, ou de laisser, & feit quelque peu d'excuse au Roy de l'auoir amené là. Oultre requist au Roy consentir qu'audit traicté se mist vn article, en faueur de monseigneur du Lau, d'Urfé, & Poncet de Riuiere: & qu'il fust dict que leurs terres & estatz leur seroyent renduz, comme ilz auoyent auant la guerre. Ceste requeste despleut au Roy: car ilz n'estoyent point de son



son party, parquoy deussent estre comprins en ceste paix : & aussi seruoient ilz monseigneur Charles son frere, & non point luy : & à ceste requeste respondit le Roy estre content, pourueu qu'il luy en accordast autant pour monseigneur de Neuers & de Croy. Ainsi ledict Duc se teut : & sembla ceste response bien sage : car ledict Duc auoit tant de haine aux autres, & \* les tenoit tant à cœur, que iamais ne s'y fust consentu. A tous les autres poinctz respondit le Roy ne vouloir rien y \* diminuer, mais conformer tout ce qui auoit esté iuré à Peronne. Et ainsi fut accordé ce partement : & print congé le Roy dudit Duc : lequel le conduisit enuiron demie lieue : & au departement d'ensemble, luy feit le Roy ceste demande. Si d'auenture mon frere, qui est en Bretagne, ne se contentoit du partage que ie luy baille pour l'amour de vous, que voudriez vous que ie feisse ? Ledit Duc luy respondit soubdainement, sans y penser : S'il ne le veult prendre, mais que vous faciez qu'il soit content, ie m'en rapporte à vous deux. De ceste demande & response sortit depuis grand' chole, comme vous orrez cy apres.

Ainsi s'en alla le Roy à son plaisir, & le conduisit monseigneur des Cordes & \* des Murs, Grand-Bailif de Henault, iusques hors des terres dudit Duc. Ledit Duc demoura en la cité. Il est vray qu'en tous endroits elle fut cruellement traittee. Aussi elle auoit cruellement vŕe de tous excès, contre les subiectz dudit Duc : & des le temps de son grand pere, sans rien tenir stable de promesse qu'ilz feissent, ne de nul appointement qui fust fait entre eulx : & estoit ia la ciquieme annee que le Duc y estoit venu en sa personne, & tousiours faict paix, & rompue par eulx l'an apres : & ia auoyent esté excómuniez par longues annees, pour les choses cruelles qu'ilz auoyent cômises contre leur Eueŕque : à tous lesquels cômandemens de l'Eglise, touchant lesdictz differens, n'eurent iamais reuerce, n'obeissance. Incontinent que le Roy fut party, ledict Duc, avec peu de gés, se delibera d'aller à Franchemont, qui est vn peu oultre le Liege, pais de montaignes tresâpres, pleines de boys : & de là venoyent les meilleurs combatans qu'ilz eussent : & en estoient partis ceulx qui auoyent fait les faillies dont i'ay parlé cy deuant. Auant qu'il partist de ladicte cité furēt noyez en grand nombre les pauures gens prisonniers qui auoyent esté trouuez cachez es maisons, à l'heure que ceste cité fut prinŕe. Oultre, fut deliberé de faire brusler ladicte cité : laquelle en tout temps a esté fort peuplee : & fut dict qu'on la brusleroit à trois fois : & furent ordonnez trois ou quatre mille hommes-de-pied, du pais de \* Luxembourg, (qui estoient leurs voyŕins, & assez d'un habit, & d'un langage) pour faire ceste desolation, & pour deffendre les eglises. Premierement fut abbatu vn grand pont, qui estoit au trauers de la riuere de Meuze : & puis fut ordonné grand nombre de gens, pour deffendre les maisons des Chanoines : & à l'enuiron de la grand' eglise, à fin qu'il peust donner logis pour faire le diuin seruice. Semblablement en fut ordonné, pour deffendre les autres eglises. Et, cela faict, partit le Duc, pour aller audict pais de Franchemont, dont i'ay parlé : & incontinent qu'il fut dehors la cité, il veit le feu en grand nombre de maisons \* du costé de la riuere. Il alla loger à quatre lieues : mais nous oyons le bruit comme si nous eussions esté sur le lieu.

\* tenoit tant  
du leur que  
iamais Ex<sup>pl</sup>.  
niel.

\* mouer Ex<sup>pl</sup>.  
niel.

\* de Meriens  
Exempl. niel.

\* Luxembourg  
Exempl. niel.

\* au costé  
de la Ex<sup>pl</sup>.  
niel.

## SECOND LIVRE DES MEMOIRES

Je ne sçay ou si le vent y seruoit, ou si c'estoit à cause que nous estions logez sur la riuiere. Le lendemain le Duc partit, & ceulx qui estoÿent demourez en la ville, continuent la desolation, comme il leur auoit esté commadé: mais toutes les eglises furent sauuees, ou peu l'en salut, & plus de trois cés maisons pour loger les gens d'eglise: & cela a esté cause que si tost a esté repopulee. car grand peuple reuint demourer avec ces prebstres.

\* Pollure  
n'est, auail.

A cause des grandes geles & froidures fut force que la pluspart des gens dudi& Duc allassent à pied audi& pais de Frâchemont: qui ne sont que villages, & n'y a point de villes fermées: & logea ciiuq ou six iours en vne petite vallee, en vn village qui s'appelloit \* Pollenee. Son armee estoit en deux bandes, pour plus tost destruire le pais: & fait brusler toutes maisons, & rompre tous les moulins à fer, qui estoient au pais: qui est la plus grand' façon de viure qu'ilz ayent: & chercherent le peuple parmy les grandes forestz, ou ilz estoient cachez avec leurs biens: & y en eut beaucoup de mortz & de prins: & y gaignerēt les Gens d'armes de l'argēt. Y y vey choses incroyables du froid. Il y eut vn Gentilhomme qui perdit vn pied, dont onques-puis ne l'ayda: & y eut vn page à qui il tomba deux doigtz de la main. Je vey vne femme morte, & son enfant, dont elle estoit acouchee de nouueau. Par trois iours fut departy le vin, qu'on donnoit chez le Duc pour les gens de bien, qui en demandoient, à coups de coignée: car il estoit gelé dedans les pippes, & faloit rompre le glaçon qui estoit entier, & en faire des pieces, q̄ les gens mettoient en vn chapeau ou en vn panier, ainsi qu'ilz vouloyent. l'en diroye assez d'estranges choses longues à escrire: mais la faim nous fait fuir à grand haste, apres y auoir seiourné huit iours: & tira ledi& Duc à Namur, & de là en Brabant, ou il fut bien receu.

*Comment le Roy feist tant par subtilz moyens que monsieur Charles son frere, se contenta de la Duché de Guyenne, pour Brye & Champaigne, contre l'entente du Duc de Bourgongne.*  
Chap. 15.



LE Roy, apres estre departy d'avec ledi& Duc, à grand' ioye l'en retira en son Royaume: & en rien ne se meut cōtre ledi& Duc, à cause des termes qui luy auoyēt esté tenus à Peronne & au Liege, & sembloit que patiemēt le portast: mais depuis suruint grand' guerre entre eulx: toutesfois non pas si tost: & n'en fut point la cause ce dont i'ay patlé cy deuant, combien qu'il y peust bien ayder. car la paix eust esté quasi telle qu'elle estoit, quand le Roy l'eust faicte estant à Paris: mais ledi& Duc par conseil de ses officiers voulut eslargir ses limites: & puis quelques habilitiez furent faictes, pout y remettre la noyse, dont ie parleray quand il sera tēps. Monseigneur Charles de France, seul frere du Roy, & nagueres Duc de Normâdie (lequel estoit informé de ce traité fait à Peronne, & du partage que par celuy deuoit auoir) enuoya incōtinent deuers le Roy, luy supplier qu'il luy pleust accomplir ledi& traité, & luy bailler ce qu'il auoit promis. Le Roy enuoya deuers luy sur ces matieres: & y eut plusieurs allees & venues. Aussi ledi& Duc de Bourgongne enuoya ses Ambassadeurs vers ledi& monseigneur Charles, luy prier ne vouloir accepter autre

aut re partage que celuy de Champaigne & Brye: lequel luy estoit accordé par son moyen: luy remonstrant l'amour qu'il luy auoit monstré, là ou il l'auoit habandonné: & le Duc encores n'auoit voulu faire le semblable, comme il auoit veu: & si auoit mis lediè Duc de Bretagne en ladiète paix comme son allié. Oultre luy faisoit dire comme l'assiete de Champaigne & Brye leur estoit propice à tous deux: & que, si le Roy d'auantage le vouloit fouler, du iour au lendemain il pouuoit auoir le secours de Bourgogne: car les deux païs ioignent ensemble: & si auoit son partage en assez bonne valeur. car il y prenoit tailles & aydes: & n'y auoit le Roy rien, que son homniage & ressort.

Cestuy monseigneur Charles estoit homme qui peu ou rien faisoit de luy: mais en toutes choses estoit manié & cōduiè par autrui, combien qu'il fust aagé de .vingt ans ou plus. Ainsi se passa l'yuer, qui ia estoit au ancé quād le Roy partit de nous. Il y eut incessamment gens allans & venans sur ce partage: car le Roy pour rien ne deliberoit bailler celuy qu'il auoit promis à son frere: car il ne vouloit point son diè frere & le Duc estre si pres voyfins: & traicètoit le Roy avec son diè frere de luy faire prendre Guyenne, avec la Rochelle (qui estoit quasi toute Aquitaine) \* plus tost que celuy de Brye & de Champaigne. Lediè monseigneur Charles craignoit desplaire audiè Duc de Bourgogne: & auoit paour aussi que, s'il s'accordoit, & le Roy ne luy tinst verité, qu'il auoit perdu son amy & son partage, & demourroit en mauuais party. Le Roy, qui estoit plus sage à conduire telz traicètz, que nulz autres Princes qui ayent esté de son temps, voyant qu'il perdoit temps, s'il ne gaignoit ceulx qui auoyè le credit avec son frere, l'adressa à Oudet de Rye, seigneur de Lescut, & depuis Comte de Comminges (lequel estoit né, & marié audiè païs de Guyenne) luy priant qu'il tint la main que son maistre acceptast ce party (lequel estoit trop plus grand que celuy qu'il demandoit) & qu'ilz fussent bons amys, & vesquissent comme freres, & que luy & ses seruiteurs y auoyent profit, & specialement luy: & les assureoit bien le Roy qu'il n'y auoit point de faulte qu'il ne baillast la possession dudiè païs. Et en ceste façon monseigneur Charles y fut gaigné: & print lediè partage de Guyenne, au grand desplaisir du Duc de Bourgogne & de ses Ambassadeurs qui estoient sur le lieu. Et la cause pourquoy le Cardinal Balue, Euefque d'Angers, & l'Euefque de Verdun furent prins, fut pource que le Cardinal escriuoit à monseigneur de Guyenne l'enhortemè de ne prendre nul autre partage, que celuy que lediè Duc de Bourgogne luy auoit procuré par la paix faicte: à Peronne: laquelle auoit esté pmise & iuree entre les mains: & luy faisoit remonstrances touchant ce cas, qui luy sembloient necessaires: lesquelles estoient contre le vouloir & intention du Roy. Ainsi lediè monseigneur Charles deuint Duc de Guyène, l'an mil quatre cens soixante & neuf: 1469. & eut bonne possession du païs, avec le Gouvernement de la Rochelle: & se veirent le Roy & luy ensemble: & y furent longuement.

\* vingt & cinq ans s'af. uel.

\* & valoit trop mieulx ce partage que celuy Escomp. uel.

## Troisième liure des Memoires du

SEIGNEVR D'ARGENTON, SVR LES PRINCIPALX FAICTZ & GESTES DE LOUIS, ONZIÈME DE CE NÔ, ROY DE FRANCE.

*Comment le Roy print nouvelle occasion de faire guerre au Duc de Bourgogne: & comment il l'envoya adiourner iusques dedans Gand, par vn Huysfier de Parlement.* Chap. 1.

1470



AN mil quatre cens septante print vouloir au Roy de se venger du Duc de Bourgogne: & luy sembla qu'il en estoit heure: & secrettement traictoir, & souffroit traicter, que les villes, seans sur la riuere de Sôme, cōme Amiens, Saint-Quenrin, & Abbeuille, se tournassent contre ledict Duc, & qu'ilz appellassent ses Genfd'armes, & les missent dedans. Car tousiours les grans seigneurs, & au moins les sages, veulent cercher quelque bonne couleur, & vn peu apparente. Et à fin qu'on congnoisse les habilitiez dequoy on vse en France, veulx compter comme cecy fut guydé: car le Roy & ledict Duc y furent deceuz, tous deux: & en recommença la guerre: qui dura bien treize ou quatorze ans, & qui depuis fut bié dure & aspre. Il est vray que le Roy desiroit fort que ces villes feissent renouvelleté: & print ses couleurs disant que le Duc de Bourgogne estoit ses limites plus auant que le traicté ne portoit: & sur ceste occasion, alloyent & venoyent Ambassadeurs de l'un à l'autre, & passoyent & repassoyent par ces villes, pratiquans ces marchez: esquelles n'y auoit nulles garnisons, mais y auoir paix par tout le royaume, tant du costé du Duc comme du Duc de Bretagne: & estoit monseigneur de Guyenne en bonne amitié avec le Roy, comme il sembloit. Toutesfois le Roy n'eust pas voulu recommencer la guerre, pour prendre vne ou deux de ses villes la seulement: mais taschoit de pouuoir mettre vne grād' rebellion par rout le país du Duc de Bourgogne: & esperoit de tous pointz en venir au dessus par ce moyen. Beaucoup de gens pour luy complaire se mesloyent de ces marchez, & luy rapportoyent les choses, beaucoup plus auant qu'ilz ne trouuoient: & se vantoyent l'un d'une ville, & les autres disoyent qu'ilz luy subtrairoient l'autre: & de rout estoit vne partie. Mais, quand le Roy n'eust pensé que ce qui aduint, il n'eust pas rompu la paix, ne recommencé la guerre (combien qu'il eust cause de se douloir des termes qui luy auoyent esté tenuz à Peronne) car il auoit fait publier la paix à Paris, trois moys apres qu'il fut de retour en son royaume: & recommençoit ceste noyse vn peu à crainte: mais l'affection qu'il y auoit le feir tirer outre: & voicy les habilitiez qui y furent tenues. Le Comre de Saint-Paul, Connestable de Frâce, homme tressaige, & autres seruiteurs du Duc de Guyenne, & aucuns autres desiroient plus tost la guerre entre ces deux grans Princes que paix, pour deux regardz. Le premier, craignoyent que ces tresgrans estatz, qu'ilz auoyent, ne fussent diminuez, si la paix continuoit: car ledict Connestable auoit quatre cens Hommes-d'armes, ou quatre

quatre cens Lances, payez à la monstre, & n'auoit point de Contrerolleur, & plus de trente mille francs tous les ans oultre ses gaiges de son office, & les profitz de plusieurs belles places qu'il tenoit. L'autre, ilz vouloyent mettre sus au Roy, & disoyēt entre eulx sa condition estre telle que, s'il n'auoit debat par le dehors, & contre les grans, qu'il faisoit qu'il l'eust avecques ses seruiteurs domestiques & officiers: & que son esprit ne pouuoit estre en repos: & par ces raisons alleguees, taichoient fort de remettre le Roy en ceste guerre. Et offrit ledict Conestable prendre Saint-Quentin tous les iours qu'on voudroit: car les terres estoient à l'environ, & disoit encores auoir tresgrand' intelligence en Flandres, & en Brabant, & qu'il feroit rebeller plusieurs villes contre le Duc.

Le Duc de Guyenne, qui estoit sur le lieu, & tous ses principaulx Gouverneurs, offroyent fort seruir le Roy en ceste querelle; & d'amener quatre ou cinq cens Hommes-d'armes que ledict Duc tenoit d'Ordonnance: mais leur fin n'estoit pas telle que le Roy entendoit, mais tout à l'opposite comme verrez.

Le Roy vouloit tousiours proceder en grand solennité. parquoy feit tenir les trois Estatz à Tours, es moys de Mars & d'April, mil quatre cens septante. ce que iamais n'auoit fait, ne ne feit depuis: mais il n'y appela que gens nommez, & qu'il pensoit qui ne contrediroient point à son vouloir. Et là feit remonstrer plusieurs choses & entreprinſes, q̄ ledict Duc de Bourgogne faisoit cōtre la courōne: & y feit venir plaineſt monſeigneur le Cōre d'Eu: lequel disoit que ledict Duc luy empeſchoit Saint-Vallery, & autres terres qu'il tenoit de luy à cause d'Abbeuille, & de la Comté de Ponthieu, & n'en vouloit faire nulle raison audiect Côte d'Eu. Et le faisoit ledict Duc, pource qu'un petit nauire de guerre, de la ville d'Eu, auoir prins vn autre nauire marchand, du pais de Flādres, dont ledict Comte d'Eu offroit faire la reparation. Oultre vouloit ledict Duc contraindre ledict Comte d'Eu de luy faire hommage enuers tous & cōtre tous. ce que pour riens ne voudroit faire: car ce seroit contre l'autorité du Roy. A ceste assemblee y auoit plusieurs gens de Iustice, tant de Parlement que d'aillours: & fut conclu, selon l'intention du Roy, q̄ ledict Duc seroit adiourné à comparoir en Parlement à Paris. Bien ſçauoit le Roy qu'il respōdroit orgueilleusement, ou seroit quelq̄ autre chose contre l'autorité de la Court: parquoy son occasion de luy faire guerre en seroit tousiours plus grāde. Le Duc fut adiourné p̄ vn Huyſſier de Parlement en la ville de Gād, cōme il alloit ouir messe. Il en fut fort esbahy & mal cōtent. Incontinēt feit prēdre ledict Huyſſier, & fut plusieurs iours gardé. à la fin on le laissa courre. Or vous voyez les choses qui se dressoyēt pour courre sus audiect Duc de Bourgogne: lequel en fut aduertuy: & mit sus vn grand nombre de gēſ, payez à gages meſnagers. Ainsi l'appeloit on. C'estoit quelq̄ peu de chose qu'ilz auoyent pour se tenir preſt en leurs maisons: toutes fois ilz faisoeyēt monſtre tous les moys, sur les lieux, & receuoient argent.

Ceey dura trois ou quatre moys: & s'ennuya de ceste mise: & rompit ceste assemblee: & s'osta de toute crainte. Car souuent le Roy enuoyoit deuers luy. Si s'en alla le Duc en Hollande. Il n'auoit nulles gens d'Ordonnance,

### TROISIEME LIVRE DES MEMOIRES

qui fussent tousiours prestz, ne garnison en ses villes de frontieres: dont mal luy en print: pource qu'on pratiquoit Amyens, Abbeuille, & Sainct-Quentin, pour les remettre en la main du Roy. Luy estant en Hollande fut aduertty, par le feu Duc Iehan de Bourbon, que de brief la guerre luy seroit cōmencee, tant en Bourgongne, qu'en la Picardie, & que le Roy y auoit de grandes intelligences, & aussi en sa maison. Lediēt Duc qui se trouuoit despourueu de gens(car il auoit departy ceste assemblee, dont i'ay parlé n'a-gueres, & renuoyez tous chez eulx) fut bien esbahy de ces nouuelles. par quoy incontinent passa la mer, & tira en Artois, & tout droit à Hesdin. Là entra en aucune suspension, tant \* des Seigneurs q̄ des traictez qu'on menoit en ces villes dont i'ay parlé: & fut vn peu long à s'apprester, ne croyant point tout ce qu'on luy disoit: & enuoya querir à Amyens deux des principaulx de la ville: lesquelz ilz soupçonnoit de ces traictez. Ilz s'exculerent si tresbien qu'il les laissa aller. Incontinent partirent de sa maison aucuns de ses seruiteurs, qui se tournerent au seruice du Roy: comme le Bastard Bauldouin & autres: qui luy feirent paour, qu'il n'y eust plus grand' queue. Il feit crier que chascun se mist sus:& peu s'apprestoyent: car c'estoit au commencement de l'yuer, & y auoit encores peu de iours qu'il estoit arriué de Hollande.

\* de ses serui-  
teurs &c. uel

*Comment la ville de Sainct-Quentin, & celle d'Amyens, fut rendue entre les mains du Roy: & pour quelles causes le Connestable, & autres, entretenoyent la guerre entre le Roy & le Duc de Bourgongne. Chap. 2.*

**D**Eux iours apres la fuite de ses seruiteurs, qui s'en estoient allez, qui estoit au moys de Decembre, l'an mil quatre cens septante, entra monseigneur le Connestable dedans Sainct-Quentin, & leur feit faire le serment pour le Roy. Lors congneut lediēt Duc que ses besongnes alloient mal: car il n'auoit \* ame avec luy, mais auoit enuoyé ses seruiteurs pour mettre sus les gens de son païs. Toutesfois, avec si petit de gens qu'il peut amasser, il tira à Dourlans, avec quatre ou cinq cens cheualx seulement, en intention de garder Amyens de rourner: & là fut cinq ou six iours que ceulx d'Amyens marchandoyent: car l'armee du Roy estoit aupres, qui se presenta deuant la ville, & vn coup la refuserēt. car vne partie de la ville tenoit pour lediēt Duc: lequel y enuoya \* faire son logis: & si l'eust eu gēs pour y oser entrer en personne, il ne l'eust iamais perdue: mais il n'y osoit entrer mal accōpaigné, combien qu'il en fust requis de plusieurs de la ville. Quand ceulx, qui estoient cōtre luy, veirēt sa dissimulation, & qu'il n'estoit assez fort, ilz executerent leurs entreprinſes, & mirent ceulx du Roy dedās. Ceulx d'Abbeuille cuyderent faire le semblable: mais mōseigneur des Cordes y entra pour le Duc, & y pourueut. D'Amiēs à Dourlans n'ya q̄ cinq petites lieues: pquoy fur force audiēt Duc de se retirer, des ce qu'il fut aduertty q̄ les gēs du Roy estoient entrez à Amyēs:& alla à Arras en grād' diligence & grād' paour, craignāt q̄ beaucoup de choses semblables se fissent: car il se voyoit enuironné des parēs & amys du Cōneſtable. D'autrepart à cause du Bastard Baudouin, q̄ s'en estoit allé, il soupçonnoit le grād Bastard de Bourgongne

\* armee Ex-  
emp. uel.

\* son Mareſ-  
chal des lo-  
gis Exem. uel.

Bourgongne son frere: toutes fois gens luy vindrent peu à peu. Or sembloit il bien au Roy estre au dessus de ses affaires, & se fioit en ce que le Connestable, & autres, luy disoyent de ces intelligences qu'ilz auoyent: &, quand n'eust esté ceste esperance, il eust voulu auoir à commencer.

Or est il temps que l'acheue à declarer qui mouuoit ledict Connestable, le Duc de Guyenne, & de ses principaulx seruiteurs (veu les bons tours, secours, & grandes honnestez que ledict Duc de Guyenne auoit receuz dudit Duc de Bourgongne) & quel gaing ilz pouoyent auoir à mettre ces deux grans Princes en guerre: qui estoient en repos\* en leurs seigneuries. La en ay dit quelque chose, & que c'estoit pour maintenir plus seurement leurs estatx, & à fin que le Roy ne se brouillast parmy eulx, s'il estoit en repos: mais cela n'estoit point encores la principale occasion: mais estoit que le Duc de Guyenne & eulx auoyent fort desiré le mariage dudit Duc de Guyenne avec la seule fille & heritiere du Duc de Bourgongne. car il n'auoit point de filz: & plusieurs fois auoit esté requis ledict Duc de Bourgongne de ce mariage: & tousiours l'y estoit accordé: mais iamais ne voulut conclure, & en tenoit encores paroles à d'autres. Or regardez quel tour ces gens prenoient, pour cuyder paruenir à leur intention, & contraindre ledict Duc de bailler sa fille: car incontinent que ces deux villes furent prinſes, & le Duc de Bourgongne retourné à Arras, ou il amassoit gens tant qu'il pouoit, le Duc de Guyenne luy enuoya vn homme secret: lequel luy apporta trois lignes de sa main en vn loppin\* de papier & ployé bien menu, cōtenant ces morz: mettez peine de contenter voz subiectz, & ne vous souciez: car vous trouuerez des amys.

\* & leurs Seigneurs  
Exempl.  
mud.

\* de cire &  
ployees bien  
&c. Exempl.  
mud.

Le Duc de Bourgongne, qui estoit en crainte tresgrande du commencement, enuoya vn homme deuers le Connestable, luy prier ne luy vouloir faire le pis qu'il pourroit bien: & ne presser point asprement ceste guerre, qui luy estoit encommencee, sans l'auoir desſié ny ſemons de riens. Ledit Connestable fut fort aise de ces paroles, & luy sembla bien qu'il tenoit ledict Duc en la sorte qu'il demandoit: c'est à ſçauoir en grand doute. Si luy māda pour toute responce qu'il voyoit son ſaiet en bien grand peril, & qu'il ne cōgnoissoit remede qu'un, pour en eschaper: c'estoit qu'il donnast sa fille en mariage au Duc de Guyenne, & qu'en ce faisant il seroit ſecouru de grād nombre de gens: & se declareroit ledict Duc de Guyenne pour luy, & plusieurs autres Seigneurs: & que lors luy rendroit Sainct-Quentin, & qu'il se mettroit des leurs: mais q̄, sans ce mariage, & voir ceste declaratiō, il ne ſ'y oseroit mettre: car le Roy estoit trop puissant, & auoit son ſaiet biē acouſtré, & grādes intelligēces es ces païs dudit Duc, & toutes paroles semblables, de grans espouuementens. Le ne congnu onc bonne yſſue d'homme qui ait voulu espouuenter son maistre, & le tenir en\* ſuſpicion, ou vn grand Prince de qui on a affaire, comme vous entendrez de ce Connestable. Car, combien que le Roy fust lors son maistre, si auoit il la pluspart de son vaillant, & ses enfans, ſoubz ledict Duc de Bourgongne: mais tousiours a vſé de ces termes de les vouloir tenir en crainte tous deux, & l'un par l'autre: dont nial luy en est prins. Et, combiē que toute perſonne cherche à se mettre hors de ſubiection & crainte, & que chaſcun haye ceulx qui l'y tiennent, si n'y en a il nul qui en cest ar-

\* ſubiection  
Exempl.  
mud.



ticle approche les Princes: car ie n'en congny onques nulz qui de mortelle hayne ne haïssent ceulx qui les y ont voulu tenir.

Après que le Duc de Bourgongne eut ouy la response du Conneſtable, il congnyut bien qu'en luy ne trouueroit nulle amytie, & qu'il estoit principal conducteur de ceste guerre, & conceut vne tresmerueilleuse hayne contre luy, qui iamais depuis ne luy partit du coeur: & principalement que pour telles doubtes le vouloit contraindre à marier sa fille. La luy estoit reueu vn petit le coeur, & auoit recueilly beaucoup de gens. Vous entendez bien maintenant par ce que manda le Duc de Guyenne, & puis le Conneſtable, que ceste chose estoit deliberee entre eulx. car toutes semblables paroles, ou plus espouuentables encores manda le Duc de Bretagne apres: & laissa amener à monſeigneur de Lescut cent Hommes-d'armes Bretons au serueice du Roy. Ainsy cōcluez que toute ceste guerre se faisoit pour contraindre ledict Duc à se consentir à ce mariage: & que l'on abusoit le Roy, quand on luy cōseilloit d'entreprendre ceste guerre: & que de ses intelligences, qu'on luy disoit auoir au païs dudit Duc, n'estoit point vray, mais toute mensonge, ou peu s'en faloit. Toutesfoist tout ce voyage fut seruy le Roy dudit Conneſtable tresbien, & en grand' hayne contre ledict Duc, congnoissant que telle hayne auoit il conceue contre luy. Semblablement seruir le Duc de Guyenne en ceste guerre fort bien accompagné: & furent les choses fort perilleuses pour le Duc de Bourgongne: mais, quand, des le commencement que ce differend commença (dont i'ay parlé) il eust voulu asseurer dudit mariage le Duc de Guyenne, luy & le Cōneſtable & plusieurs autres, & leurs ſequelles se fuſſent tournez des siens cōtre le Roy, & essayez à faire le Roy bien foible, s'il leur eust esté possible: mais, quelque chose que ſçauoir delibérer les hommes en telles matieres, Dieu en conclud à son plaisir.

*Comment le Duc de Bourgongne gaigna Piquigny, & apres trouua moyen d'auoir trefue au Roy pour vn an, au grand regret du Conneſtable. Chap. 3.*



Vous deuez auoir entendu au long dont mouuoit ceste guerre, & que les deux Princes au commencement y furent aucuglez: & se faisoient la guerre sans en entēdre le motif ne l'un ne l'autre. Qui estoit vne merueilleuse habileté à ceulx qui cōduyſoyēt l'oeuvre: & leur pouuoit on bien dire que l'une partie du monde ne ſçait point comme l'autre vit & se gouuerne. Or toutes ces choses, dōt i'ay parlé en tous ces articles pcedens, aduindrent en bien peu de temps. Car, apres la prinſe d'Armys, en moins de quinze iours, ledict Duc se mit aux champs aupres d'Arras (car il ne se retira point plus loing) & puis tira vers la riuere de Somme, & droir à Piquigny. En chemin luy vint vn meſſager du Duc de Bretagne, qui n'estoit qu'un homme à pied: & dist audit Duc, de par son maistre, comme le Roy luy auoit fait ſçauoir plusieurs choses, & entre autres les intelligēces qu'il auoit en plusieurs grosses villes, dont, entre les autres, nōmoir Anuers, Bruges, & Brucelles. Ausſi l'aduertissoit ledict Duc comme le Roy estoit delibéré de l'asieger en quelque ville qu'il le trouuaſt, & fust il dedās Gand: & croy que ledict Duc de Bretagne mandoit tout cecy en faueur du Duc de Guyenne,

Guyenne, & pour mieulx le faire joindre à ce mariage: mais le Duc de Bourgogne print ttesmal en gré ces aduertissemés que le Duc de Bretagne luy faisoit: & respon dit au messager incontinent, & sur l'heure, que son maistre estoit mal aduerty, & que c'estoyent aucuns mauuais seruiteurs qu'il auoit qui luy vouloyent donner ce courroux & ces craintes, à fin qu'il ne feist son deuoir de le secourir, comme il y estoit obligé par ses alliances: & qu'il estoit mal informé quelles villes estoient Gād, ne les villes, ou il disoit que le Roy l'asiegetoit, & qu'elles estoient trop grandes pour asieger: mais qu'il dist à son maistre la cōpaigñie en quoy il le trouuoit: & que les choses estoient au tremēt: Car, de luy, il deliberoit de passer la riuere de Somme, & de cōbatre le Roy, s'il le trouuoit en son chemin pour l'en garder: & qu'il vouloit prier, audict Duc son maistre de par luy, qu'il se voulsist declarer en sa faueur contre le Roy, & luy estre tel comme le Duc de Bourgonne auoit esté en faisant le traité de Peronne.

Le lendemain s'approcha le Duc de Bourgogne d'un lieu sur la riuere de Sōme, qui s'appelle Piquigny, vne asiete tresforte: & là aupres deliberoit de faire vn pont dessus la riuere, pour passer Somme. mais par cas d'aduenture y auoit dedās la ville de Piquigny logé quatre ou cinq cēs Francs-Archiers, & vn peu de Nobles. Ceulx là, quand ilz veirent passer le Duc de Bourgogne, faillirent à l'escarmouche, du long d'vne chaussee, qui estoit longue: & se mirent si auant hors de leur place qu'ilz donnerent occasion aux gens du Duc de les chacer: & les suyurent de si pres qu'ilz en tuerent vne partie deuant qu'ilz sceussent gagner la ville: & gaignerent le faulx-bourg de ceste chaussee: & puis on amena quatre ou cinq pieces d'artillerie, combien q par ce costé la ville fust iprenable, par ce qu'il y auoit riuere entre deux. toutefois ces Francz-Archiers eurent paout (pource qu'on faisoit vn pont) qu'on ne les asiegeast de l'autre costé. Ainsi il desemparerent la place, & s'enfuyrent. Le chasteau tint deux ou trois iours, & puis s'en allerent tous en pourpoint. Ce petit exploit donna quelque courage au Duc de Bourgogne, & se logea es enuiron d'Amyens, & y feit deux ou trois logis, disant qu'il tenoit les champs pour voir si le Roy le vouloit venir cōbatre: & à la fin, s'approcha fort pres de la ville, & si pres que son artillerie tiroit à coup perdu par dessus & dedans la ville: & là se tint bien six sepmaines. En la ville y auoit bien quatorze cens Hommes-d'armes de par le Roy, & quatre mille Frācz-Archiers: & y estoient monseigneur le Connestable, & tous les grans Chefz de ce Royaume, comme Grand-maistre, Admiral, Marechal, Seneschaulx, & largement gens de bien. Le Roy fut ce pendant à Beauuais ou il feit vne bien grand' assemblee: & estoit avec luy le Duc de Guyenne, son frere, & le Duc Nicolas de Calabre, filz aîné du Duc Iehan de Calabre & de Lorraine, & seul heritier de la maison d'Aniou. Avec le Roy estoient les Nobles du Royaume assemblez, par maniere d'Arriereban: & ne fault point doubter, à ce que depuis i'ay entendu, que ceulx, qui estoient avec le Roy, n'eussent grande & bonne volonté de congnoistre desia la malice de ceste entreprinse: & voyoyent bien qu'il n'auoit point encores fait, mais estoit en guerre plus q iamais. Ceulx, qui estoient en la ville d'Amyens, feirent vne en-

treprinse pour assailir le Due de Bourgongne & son ost, pourueu que le Roy voulüst enuoyer ioindre avec eulx l'armee qu'il auoit avec luy à Beauuais.

Le Roy, aduertuy de ceste entreprinse, la leur enuoya deffendre, & de tous pointz la rompre: car, combien qu'elle semblast adantageuse pour le Roy, toutesfoiſ y auoit du hazard, pour ceulx qui failloyét de la ville, par especial. car tous failloyent par deux portes: dont l'une estoit pres de l'ost dudit Duc de Bourgongne: & silz eussent esté contrainctz d'eulx retourner, veu que leur faille eust esté à pied, ilz eussent esté en danger de se perdre, & de perdre la ville. En ces entrefaictes enuoya le Due de Bourgongne vn page, nommé Simon de Quincy, qui depuis a esté Baillif de Troye. & escriuir au Roy six lignes de sa main, s'humiliât enuers luy: & se douloit de quoy il luy auoit ainsi couru sus à l'appetit d'autrui: & qu'il croyoit que, s'il eust esté bien informé de toutes choses, qu'il ne l'eust pas fait.

\* failly à la desconfire d'entree, & qu'ils eussent esté à pied  
*Exemp. auil.*

\* l'Exem. auil. a Quincy, en ce lieu.

\* il en a un peu parlé en l'aduerissement que le Duc de Bourgogne enuoya au Duc de Bourgogne.

Or l'armee, que le Roy auoit enuoyee en Bourgongne, auoit desconfit toute la puissance de Bourgongne, qui estoit faillie aux champs, & print plusieurs prisonniers. Le nombre de mortz n'estoit pas grand: mais la desconfiture y estoit: & si auoyent desia assiegé des places & prins: qui esbahissoit vn peu ledit Due: touresfoiſ il faisoit semer en son ost tout le contraire, & que les siens auoyent eu du meilleur. Quand le Roy eut veu ces lettres que le Duc de Bourgogne luy auoit eserites, il en fut tresioyeux, pour la raison que auez ouye cy dessus, & aussi que les choses longues luy ennuyoyent: & luy feist response: & enuoya pouuoir à aucuns, qui estoient à Amyens, pour entrer en vne trefue: & si en feist deux ou troys de quatre ou de cinq iours: & à la fin finale s'y en feist vne d'un an, comme il me semble: dont le Connestable, Côte de Saint-Paul, monstroist signe de desplaisir. Car sans nulle doubte (quelque chose que les gens ayent pensé, ou sceussent penser au contraire) ledit Comte de Saint-Paul estoit lors ennemy capital du Duc de Bourgogne: & eurent plusieurs paroles: & onques puis n'y eut amytié de l'un à l'autre, comme auez veu par l'issue: mais bien ont enuoyé les vns vers les autres, pour se pratiquer, & chascun pour l'ayder de son compaignon: & ce que le Due en faisoit, c'estoit tousiours pour cuyderr'auoir Saint-Quentin. Semblablement, quand le Connestable auoit paour ou crainte du Roy, il la luy promettoit rendre: & y eut des entreprinſes, ou les gens du Due de Bourgogne, par le vouloir dudit Connestable, en approcherent, & les faisoit venir deux ou trois lieux pres, pour les mettre dedans: & quand ce venoit à ioindre ledit Connestable se repentoit, & les eütremandoit, dont en la fin mal luy en print. Car il euydoit, pour la situation ou il estoit, & le grād nombre de gens que le Roy luy payoit, les tenir tous deux en crainte, par le moyē du discord ou ilz estoient, auquel il les entretenoit: mais son entreprinſe estoit tresdangereuse: car ilz estoient trop grans, trop fortz, & trop habiles tous deux.

\* & pour plusieurs paroles: l'Exem. auil, mais il est rayé,

Après ces armes departies, le Roy s'en alla en Touraine, & le Due en Guyenne en son pais, & le Due de Bourgogne au fin: & demourerent vne piece les choses en cest estat: & tint le Due de Bourgogne grād' assemblée d'Estatz en son pais, pour leur remonſtrer le dommage qu'il auoit eu, de n'auoir des Gens-d'armes prestz comme le Roy: & que, s'il eust eu le nombre de cinq cēs hommes

hommes prestz, pour garder les frontieres, q̄ iamais le Roy n'eust entrepris ceste guerre, & fussent demeurez en paix: & leur mettoit au deuant les dommages qui estoient prestz de leur en aduenir, & les pressoit fort qu'ilz luy voulsissent donner le payement de huit cens Lances. Finalement ilz luy donnerent six vingtz mille escus, oultre & par dessus ce qu'ilz luy donnoyent: & en cecy n'estoit pas comprinse Bourgogne: mais grand doubte faisoient ses subiectz, & pour plusieurs raisons, de ce mettre en ceste subiection, ou ilz voyoyent le Royaume de France, à cause de ses Gens-d'armes. Et, à la verité, leur grand doubte n'estoit pas sans cause: car, quand il se trouua cinq ou six cēs Hommes-d'armes, la volonté luy vint d'en auoir plus, & de plus hardiement entreprendre cōtre tous ses voisins. Et, de six vingtz mille escus, les feit monter iulques à cinq cens mille: & creut de Gens-d'armes en tresgrand quantité: & en ont ses subiectz bien eu à souffrir. Et croy bien que les Gens-d'armes de soule sont bien employez, soubz l'autorité d'un sage Roy ou Prince: mais, quand il est autre, ou qu'il laisse enfans petis, l'usage, à quoy les employent leur Gouverneurs, n'est pas tousiours profitable, ne pour le Roy, ne pour ses subiectz.

La haine ne diminueoit point entre le Roy & le Duc de Bourgogne: mais tousiours continua. Et le Duc de Guyenne, estant retourné en son païs, renuoyoit souuēt vers ledict Duc de Bourgogne, pour le mariage de sa fille, & continuoit ceste poursuite: & ledict Duc l'entretenoit. aussi faisoit il tout homme qui la demandoit: & croy qu'il n'eust point voulu voir de filz, ne que iamais il n'eust marié sa fille tant qu'il eust vescu: mais tousiours l'eust gardée, pour entretenir gens pour s'en seruir & aider: car il taschoit à tant de choses grandes qu'il n'auoit point le temps à viure pour les mettre à fin: & estoient choses quasi impossibles. car la moytié d'Europe ne l'eust sceu contenter. Il auoit assez hardement, pour entreprendre toutes choses. Sa personne pouuoit assez porter le trauail, qui luy estoit necessaire. Il estoit assez puissant de gens & d'argent: mais il n'auoit point assez de sens & malice pour conduire ses entreprises. Car avec les autres choses propices à faire cōquestes, si le tresgrand sens n'y est, tout le demeurant n'est rien: & croy qu'il fault que cela vienne de la grace de Dieu. Qui eust peu prendre partie des conditions du Roy nostre maistre, & partie des siennes, on en eust bien fait vn Prince parfait: car sans nulle doubte le Roy en sens le passoit de trop: & la fin la monstrent par ses oeures.

*Des guerres qui furent entre les Princes d'Angleterre pendant les differens du Roy Louis & de Charles de Bourgogne.*

*Chap. 4.*



Me suis oublié, parlant de ces matieres precedētes, de parler du Roy Edouard d'Angleterre. car ces trois Seigneurs ont vescu d'ū temps grans: c'est à sçauoir nostre Roy, le Roy d'Angleterre, & le Duc de Bourgogne. Je ne vous garderay point l'ordre d'escrire que sont les Histoires, ny nommeray les annees, ny proprement le temps que les choses sont aduenues, ny ne vous allegueray rien des Histoires passees pour exemple (car vous en sçaez assez, & seroit parler latin deuant les Cordeliers)

Cordeliers) mais seulement vous diray grossièrement ce que j'ay veu & sceu, & ouy dire aux Princes que ie vous nomme. Vous estes du tēps que routes ces choses sont aduenues : parquoy n'est ia besoing de si tresuistement vous dire les heures ny les saisons, comme il me peut sembler.

Ailleurs ay parlé de l'occasion qui meut le Duc de Bourgogne d'espouser la sœur du Roy Edouard, qui principalemēt estoit pour se fortifier contre le Roy: car autrement ne l'eust iamais fait, pour la grand'amour qu'il portoit à la maison de Lanclastre, dont il estoit prochain parēt, à cause de sa mere : laquelle estoit fille de Portugal: mais la mere d'elle estoit fille du Duc de Lanclastre : & autant qu'il aymoit parfaictement ceste dictē maison de Lanclastre, il haïssoit celle d'Yorth. Or, à l'heure de ce mariage, celle de Lanclastre estoit du tout destruite: & de celle d'Yorth ne se ploit plus: car le Roy Edouard estoit Roy & Duc d'Yorth, & estoit tout pacifique : & durant les guerres de ces deux maisons, y auoit eu en Anglererre sept ou huit grosses batailles, & mortz cruellemēt soixante ou quatre vingtz Princes ou Seigneurs de maison Royale comme j'ay cy deuant dit en ces Memoires: & ce, qui n'estoit mort, estoit fugitif en la maison dudit Duc de Bourgogne: tous Seigneurs ieunes: car leurs peres estoient mortz en Angleterre: & les auoit recueillis le Duc de Bourgogne en sa maison, comme ses parens de Lanclastre, auant le mariage. Lesquelz j'ay veuz en si grand' pauverē, auant que ledict Duc eust congnoissance d'eulx, que ceulx, qui demandent l'aumosne, ne sont pas si pauvres: Car j'ay veu vn \* Duc estre allē à pied, sans chausses, apres le train dudit Duc, pourchaçant sa vie de maison en maison, sans se nōmer. C'estoit le plus prochain de la lignee de Lāclastre: & auoir espousē la sœur du Roy Edouard. Apres fut cōgnu: & eut vne petite pension pour s'entretenir. Ceulx de Sombresset, & autres, y estoient. Tous sont mortz depuis en ces batailles. Leurs peres, & leurs parens, auoyēt pillē & destruit le Royaume de Frāce, & possedē la pluspart par maintes annes. Tous s'entretuerent. Ceulx qui estoient en vie en Angleterre, & leurs enfans, sont finiz, comme vous voyez. Et puis on dit: Dieu ne punit plus les gens, comme il souloit du temps des enfans d'Israel: & endure les mauuais Princes & mauuais gens. Le croy bien qu'il ne parle plus aux gens, comme il souloit: car il a laissé assez d'exemples en ce monde, pour estre creu: mais vous pouvez voir, en lisant ces choses, avecques ce que vous en sçaez d'auanrage, que de ces mauuais Princes, & autres ayans aurorirē en ce monde, & qui en vsent cruellement & tyranniquement, nul ou peu en demeurent impunis: mais ce n'est pas tousiours à iour nōmé, n'à l'heure que ceulx, qui souffrent, le desirēt.

En reuenant à ce Roy Edouard d'Angleterre, le principal homme d'Angleterre qui eust soustenu la maison d'Yorth, estoit le Comte de Vuaruy, & le Duc de Sombresset, au contraire, celle de Lanclastre: & se pouuoit ledict Côte de Vuaruy quasi dire pere du Roy Edouard, quant à seruices & nourritures: & aussi s'estoit fait fort grād. car, oultre ce qu'il estoit grād Seigneur de foy, il tenoit grādes Seigneuries par don du Roy, tāt de la couronne q̄ de cōfiscation: & puis estoit Capitaine de Calais, & tenoit autres grosses offices:

\* Duc de Cestre aller à pied xx. aiel.

& ay ouy estimer quatre vingtz mille escus l'an ce qu'il tenoit en ces choses alleguees, sans son patrimoine. Ce Comte d'Vuaruyc entra en different avec son maistre, par aduventure vn an auant que le Duc de Bourgongne vint deuant Amyès: & yaida bien le Duc: car il luy desplaisoit de ceste grand' autorité q̃ le Côte d'Vuaruyc auoit en Angleterre: & ne l'accordoyent point bien: car lediēt Seigneur d'Vuaruyc s'entendoit tousiours avec le Roy nostre maistre. En effect i'ay veu en ce temps, ou peu auant, le Comte d'Vuaruyc si fort, qu'il mit le Roy, sō maistre, entre ses maïs: & feit mourir le Seigneur de Scalles, pere de la Royne, & deux de ses enfans, & le tiers en grād danger (lesquelz personnages le Roy Edouard ay moit fort) & feit mourir encores aucuns Cheualiers d'Angleterre: & garda le Roy son maistre vne espace de temps hōnestement, & luy mit nouueaux seruiteurs à l'entour, pour luy faire oublier les autres: & luy sembloit que son maistre estoit vn peu simple. Le Duc de Bourgongne eut grand doubte de ceste aduventure: & pratiquoit secrettement que le Roy Edouard peust eschaper, & qu'il eust moyen & facon de parler à luy: & tant allerent les choses que lediēt Roy Edouard eschapa; & assambla gens, & destroussa quelques bendes de ceulx dudiēt Côte d'Vuaruyc. Il a esté Roy biē fortuné en ses batailles: car neuf grosses batailles pour le moins a gaignees, & tout à pied. Lediēt Comte d'Vuaruyc, se trouuant le plus foible, aduertist bien ses amys secretz de ce qu'ilz auoyent à faire, & se mit en la mer à son beau loisir, avec le Duc de Clarence, qui auoit espousé sa fille, & tenoit son party, nonobstāt qu'il fust frere du Roy Edouard: & menerent femmes & enfans, & grand nombre de gens, & se vint trouuer dedās Calais: & dedans estoit son Lieutenant en ladiēte ville de Calais, appelé monseigneur de \* Vaucler, & plusieurs de ses seruiteurs domestiques: qui, en lieu de le recueillir, luy tirerent de grans coups de Canon: &, estant à l'ancre là deuant, acoucha la Duchesse de Clarence, fille dudiēt Comte d'Vuaruyc, d'un filz. A grand' peine voulurent ilz cōsentir, ne le Seigneur de \* Vaucler, qu'on luy portast deux flascons de vin. C'estoit grand rigueur d'un seruiteur enuers son maistre: car il est à penser qu'il pensoit bien auoir pouruē en ceste place: qui est le plus grand tresor d'Angleterre, & la plus belle Capitainerie du mōde, à mōn aduis, au moins de la Chrestienté. Ce que ie sçay: par ce que i'y fu plusieurs fois, durant ces differens: & pour certain me fut dict par le Maire de \* Lestaple, que de la Capitainerie de Calais feroit dōner, au Roy d'Angleterre, quinze mille escus de ferme. Car le Capitaine prend tout le profit de ce qu'ilz ont deçà la mer, & des Sauf-conduictz, & met la plus part de la garnison à sa poste.

Le Roy d'Angleterre fut fort cōtent dudiēt Seigneur de \* Vaucler de ce refus qu'il auoit fait à son Capitaine, & luy enuoya lettres pour tenir l'office en Chef: car il estoit sage Cheualier & ainciē: & portoit l'ordre de la Lartiere. Mōseigneur de Bourgogne fut fort cōtent de luy ausi, qui pour lors estoit à Saint-Omer: & m'enuoya deuers lediēt Seigneur de \* Vaucler, & luy dōna mille escus de pē sion, luy priant de vouloir cōtinuer en l'amour qu'il auoit monstree au Roy d'Angleterre. Je le trouuay tresdeliberé de ce faire: & feit serment en l'hostel de \* Lescalle à Calais, entre mes mains, audiēt Roy d'An-

\* L'exem. auil  
du Descalles  
par un seul mot  
cōme fint au li  
les Annales de  
Brete.

\* Vaucler  
Exemp. auil.  
royant au des-  
sous Vaucler-  
loer.

\* Vaucler  
Exemp. auil.  
en ce lieu.

\* Lestaple  
Exemp. auil.

\* Vaucler  
Ex. auil. raynt  
au dessous Bā  
cler & Vau-  
cler.

\* Depuis ce lieu  
il y a Vaucler  
par tout au  
muel Exemp.

\* Lestaple  
Exemp. auil.

gleterre enuers & contre tous : & semblablement tous ceulx de la garnison & de la ville : & fut l'espace de deux moys, allant & venât vers luy, pour l'entretenir, & presque me tein ce tēps avec luy : & le Duc de Bourgongne ne bougeoit de Boulongne, & feit vne grosse armee par mer contre le Comte d'Uuaruyc : qui print plusieurs nauires des subiectz dudit Duc de Bourgongne au partir qu'il feit de deuât Calais : & aida bien ceste prise à nous remettre en guerre : car ses gens en vendirent le butin en Normâdie : à l'occasion dequoy le Duc de Bourgongne print tous les marchans François venus à la foire de Anuers.

Pource qu'il est besoing d'estre informé aussi biē des tromperies & mauuaitiez de ce monde comme du bien (non pour en vser, mais pour s'en garder) ie veulx declairer vne tromperie, ou habilité (ainsi qu'on la voudra nōmer) car elle fut sagement conduicte. Et aussi veulx qu'on entende des tromperies de noz voylins comme les nostres, & que partout il y a du bien & du mal. Quand ce Comte d'Uuaruyc vint deuân Calais, esperant y entter, comme en son principal refuge, mōseigneur de Vaucler, qui estoit tressage, luy manda que s'il y entroit, il seroit perdu : car il auoit toute Angleterre contre luy, & le Duc de Bourgongne : & que le peuple de la ville de Calais seroit contre luy, & plusieurs de la garnison : comme mōseigneur de Duras, qui estoit Marechal pour le Roy d'Angleterre, & plusieurs autres, qui to' auoyēt gens en la ville : & que le meilleur pour luy estoit qu'il se retirast en France : & que de la place de Calais il ne s'en souciast, & qu'il luy en redroit compte, quand il seroit tēps. Il seruit trespben son Capitaine, luy donnant ce conseil, mais trespmal son Roy, quāt à ce poinct dudit Seigneur d'Uuaruyc. Iamais homme ne tint plus grand' desloyauté que ce Vaucler : veu que le Roy d'Angleterre l'auoit fait Capitaine en Chef, avec ce que le Duc de Bourgongne luy donnoit.

*Comment le Roy Louis ayda si bien le Comte d'Uuaruyc qu'il chaces le Roy Edouard hors d'Angleterre, au grand desplaisir du Duc de Bourgongne, qui le receut en ses pais.*

*Chap. 5.*



Ce conseil se tint le Comte d'Uuaruyc, & alla descendre en Normandie, ou il fut fort bien recueilly du Roy : & le fournist d'argēt tressagement, pour la despence de ses gens : & ordonna le Bastard de Bourbon, Admiral de France, bien accompagné, pour aider à garder ces Anglois & leurs nauires contre l'armee de mer, qu'auoit le Duc de Bourgongne : qui estoit tresp grosse, & telle que nul ne se fust osé trouuer en ceste mer au deuât d'elle : & faisoit la guerre aux subiectz du Roy, par mer & par terre, & se menassoient. Tour cecy aduint la saison auant que le Roy print Sainct-Quētin & Amyens, comme i'ay dit : & fur ladicte prinse de ces deux places l'an mil quatre cens septante. L'armee du Duc de Bourgogne estoit plus forte par mer que celle du Roy, & dudit Comte ensemble. Car il auoit prins au port de l'Escluse largement grosses nauires d'Espaigne & de Portugal \* des nauires de Gennes, & plusieurs Hurques d'Alemaigne. Le Roy Edouard n'estoit point homme de grād ordre, mais fort beau, plus que nul

\* deux Exem.  
uies.



nul Prince que i'aye iamais veu en ce temps là, & tresuaillant. Il ne se soucioit point tant de la descente dudit Comte de Vuaruy, comme faisoit le Duc de Bourgongne : lequel sentoît des mouuemens par Angleterre en faueur dudit Comte de Vuaruy, & en 'aduertissoit souuent le Roy : mais il n'auoit nulle crainte (qui me semble vne folie de ne craindre son ennemy, & ne vouloir craindre riens) veu l'appareil qu'il \* auoit : car le Roy arma tout ce qu'il auoit & peut finer de natures, & mit largement gens dedans : \* & feit faire parement aux Angloys. Il auoit fait le mariage du Prince de Galles, avec la seconde fille dudit Comte de Vuaruy. Ledit Prince estoit seul filz du Roy Henry d'Angleterre (lequel estoit encores viif, & prisonnier en la Tour de Londres) & tout ce meſnage estoit prest à descendre en Angleterre. C'estoit estrange mariage d'auoir defaict & destruit le pere dudit Prince, & luy faire espouser sa fille : & puis vouloir entretenir le Duc de Clarence, frere du Roy opposite : qui bien deuoit craindre que ceste lignee de Lanclastre ne reuint sur ses piedz. Aussi les ourages ne se ſcauoient paſſer ſans diſſimulation.

\* voyoit  
compaſſer.

\* Ceeuy eſt rayé  
en uiel lxxm.  
iſques à lla-  
uoit.

Or i'estoye à Calais, pour entretenir monſieur de Vacler, à l'heure de ceſt appareil, & iuſques lors n'entendy ſa diſſimulation, qui auoit ia duré trois mois : car ie luy requis (veu ces nouuelles qu'il oyoit) qu'il vouliſt mettre hors de la ville vingt ou trente des ſeruiteurs domeſtiques dudit Comte de Vuaruy, & que i'estoye aſſeuré que l'armée dudit Roy & dudit Comte estoit preſte à partir de Normandie ou ia elle estoit : & que, ſi ſubdainement il prenoit terre en Angleterre, par aduerture viendroit mutation à Calais, à cauſe des ſeruiteurs dudit Comte de Vuaruy, & qu'il n'en ſeroit, à l'adventure, point le maiſtre : & luy priay fort que des ceſte heure il les miſt dehors. Touſiours le m'auoit accordé iuſques à celle heure, dont ie parle, qu'il me tira à part : & me diſt qu'il demoureroit bien le maiſtre en la ville, mais qu'il me vouloit dire autre choſe, pour aduertir monſieur de Bourgongne. C'estoit qu'il luy conſeilloit, ſ'il vouloit eſtre amy d'Angleterre, qu'il miſt peine de mettre la paix, non point la guerre : & le diſoit pour ceſte armee, qui estoit contre monſieur de Vuaruy. Me diſt d'auantage qu'il ſeroit aiſé à appointer : car ce iour estoit paſſé vne Damoiſelle par Calais, qui alloit en France vers madame de Clarence, qui portoit ouuerture de paix de par le Roy Edouard. Il diſoit vray : mais, comme il abuſoit les autres, il fut deceu de ceſte Damoiſelle : car elle alloit pour conduire vn grand marché, & le mit à fin, au preiudice dudit Comte de Vuaruy, & de toute ſa ſequelle. De ces ſecretes habiletez ou tromperies, qui ſe ſont faiſtes en noz contrees de deçà, n'entendrez vous plus veritablement de nulle autre pſonne, ou moins de celles qui ſont aduenues depuis vingt ans.

Le ſecret, que portoit ceſte femme, estoit remonſtrer à monſieur de Clarence qu'il ne vouliſt point eſtre cauſe de détruire ſa lignee, pour aider à remettre en autorité celle de Lanclastre, & qu'il conſideraſt leurs anciennes haines & offences : & qu'il pouuoit bien penſer, puis que ledit Comte auoit fait espouser ſa fille au Prince de Galles, qu'il taſcheroit de le faire Roy d'Angleterre : & ia luy auoit fait hommage.

## TROISIEME LIVRE DES MEMOIRES

Si bien exploïta ceste femme qu'elle gaigna le Seigneur de Clarée, qui promit se tourner de la part du Roy son frere, mais qu'il fust en Angleterre.

Ceste femme n'estoit pas folle ne legiere de parler. Elle eut loisir d'aller vers sa maïtresse: &, pour ceste cause, elle y alla pluſtoſt qu'un homme: &, quelque habile hôme que fust monſeigneur de Vauclet, ceste femme le trôpa: & conduisit ce mystere, dont fut deſſaict à mort le Comte de Vuaruy, & toute sa ſeſſle. Et pour telles raisons n'est pas honte d'estre ſuſpitionneux, & auoir l'oeil ſur ceulx qui vont & viennent: mais c'est grand' honte d'estre trompé, & de perdre par ſa faulte: toutesſois les ſuſpitions ſe doiuent prèdre par moyen: car l'estre trop n'est pas bon.

\* à Hancie  
Exemp. auel.

Le vous ay dit deuant comment ceste armee de monſeigneur de Vuaruy, & ce que le Roy auoit apreſté pour le conduire, eſtoit preſt à monter, & celle de monſeigneur de Bourgongne preſte à combattre, qui eſtoit\* au haure au deuant d'eulx. Dieu voulut ainſi diſpoſer des choſes que ceste nuit ſourdit vne grande tourmente, & telle qu'il ſalut q̃ l'armee dudit Duc de Bourgongne fuiſt: & courrût les vns de nauires en Eſcoſſe: les autres en Hollande: &, à peu d'heure apres, ſe trouua le vent bon pour le Comte: lequel paſſa ſans peril en Angleterre. Ledit Duc de Bourgongne auoit bien aduertiy le Roy Edouard du port, ou ledit Comte deuoit deſcendre: & tenoit gens expres avec luy pour le ſoliciter de ſon profit: mais il ne luy en chaloit: & ne faiſoit que chacer: & n'auoit nulles gens, ſi prochains de luy que l'Archeueſque d'Yorth & le Marquis de Montagu, freres dudit Comte de Vuaruy, qui luy auoyent fait vn grand & ſolennel ſerment de le ſeruir cõtre leur frere & tous autres: & il ſ'y fioit.

de la terre  
\* Exem. auel.

Après que le Comte de Vuaruy fut deſcendu, grand nombre de gens ſe ioignirent à luy, & ſe trouua le Roy Edouard fort eſbahy. Incontinent qu'il le ſeut il cõmença lors à penſer à ſes beſongnes (qui eſtoit bien tard) & mādā au Duc de Bourgongne qu'il luy prioit qu'il euſt tousiours ſon nauire preſt en la mer, à fin que le Cõte ne peuſt retourner en France, &\* d'Angleterre il en cheuiroit bien. Ces paroles ne pleurent gueres là ou elles furent dites: car il ſembloit qu'il euſt mieulx valu ne luy laiſſer prendre terre en Angleterre, que d'estre cõtrainct de venir en vne bataille. Cinq ou ſix iours apres la deſcente dudit Comte de Vuaruy, il ſe trouua trespuiffant, logé à trois lieues du Roy Edouard: lequel auoit encor plus largement gens, mais qu'ilz euſſent eſté tous bons: & ſ'attendoit à combattre ledit Comte. Il eſtoit bien logé, en vn village fortiſié, au moins en vn logis ou on ne pouoit entrer que par pont (comme luy meſmes propre m'a compté) dont bien luy print. Le demourant de ſes gens eſtoient logez en d'autres villages prochains. Comme il diſnoit on luy vint dire ſoudainement que le Marquis de Montagu, frere dudit Comte, & quelques autres eſtoyēt montez à cheual, & auoyent fait crier: Viue le Roy Henry, à tous leurs gēs. De prime-face ne le creut pas: mais incontinent y enuoya pluſieurs meſſagers, & ſ'arma: & mit des gens aux barrieres de ſon logis, pour le deſſendre. Il auoit là avec luy vn ſage Cheualier, appelé monſeigneur de Haſtinges, grād Chambellan d'Angleterre, le plus grād en autorité d'avec luy.

Il auoit

Il auoit pour femme la sœur dudiēt Côte de Vuaruyc: toutesfois il estoit bon pour son maistre. Il auoit en ceste armee trois mille hommes à cheual, comme luy mesmes m'a compté. Vn autre y auoit, appelé monseigneur\* de Scalles, frere de la femme dudiēt Roy Edouard, & plusieurs bons Cheualiers & Escuyers, qui tous congurent que la besongne n'alloit pas bien: car les mesfagers rapportent que ce, qui auoit esté rapporté & diēt au Roy, estoit veritable: & l'assembloyent pour luy venir courrir ius.

\* Descalles  
comme parant  
l'empereur.

Dieu voulut tāt de bien à ce Roy Edouard qu'il estoit logé pres de la mer: & y auoit quelque nauire, qui le suyuoit, menant viures, & deux Hurques de Hollāde, nauires marchans. Il n'eut autre loisir que de s'en aller fourrer dedans. Son Chambellan demoura vn peu apres, qui dist au Chef de ses gens, & à plusieurs particuliers de cest Ost qu'ilz allaissent deuers les autres: mais qu'il leur prioit que leur volonté fust de demourer bonne & loyale enuers le Roy & luy: & puis s'en alla mettre dedās la nauire avec les autres, qui estoient prestz à partir. Leur coustume d'Angleterre est que, quand ilz sont au dessus de la bataille, ilz ne tuent riens, & par especial du peuple (car ilz congnoissent que chascū quiert leur complaire par ce qu'ilz sont les plus fortz) & ne mettent nulz à finance. Parquoy tous les gens n'eurent nul mal desque le Roy fut party. Mais encores m'a cōpté le Roy Edouard qu'en toutes les batailles qu'il auoit gaignees, que, des ce qu'il venoit au dessus, il montoit à cheual, & crioit qu'on sauast le peuple, & qu'on tuast les Seigneurs: car de ceulx n'eschapoit nul, ou bien peu.

Ainsi fuit ce Roy Edouard l'an mil quatre cens soixante & dix, avec ses deux Hurques, & vn petit nauire sien, & quelque sept ou huit cens personnes avec luy, qui n'auoyent autres habillemens q̄ leurs habillemens de guerre: & sin'auoyent ne croix ne pille, ny ne sçauoyent à grand' peine ou ilz alloient. Bien estoit estrāge à ce pauvre Roy (car ainsi se pouuoit il bien appeler) d'ainsi s'en fuir, & estre perlecuté de ses propres seruiteurs. Il auoit ia acoustumé ses aises & ses plaisirs douze ou treize ans, plus que Prince qui ait vescu de son temps: car nulle autre chose n'auoit en pensee qu'aux Dames, & trop plus que de raison, & aux chaces, & à bien traicter sa personne. Quand il alloit à la saison à ces chaces, il faisoit mener plusieurs pauillons pour les Dames: &, en effect, il y auoit fait grand' chere: & aussi il auoit le plōnnage aussi propice à ce faire qu'homme que iamais ie veisse. car il estoit ieune & beau, autāt que nul homme qui ait vescu en son temps. ie dy à l'heure de ceste aduersité: car depuis s'est fait fort gras. Or voyez cy comment il entre maintenant aux aduersitez de ce mode. Il fuit le droit chemin vers Hollāde. Pour ce tēps les Ostrelins estoient ennemys des Angloys, & aussi des François: & auoyēt plusieurs nauires de guerre sur la mer: & estoient fort crains des Angloys, & nō sans cause (car ilz sont fort bōs cōbatāz) & leur auoyēt porté grād dōmage en ceste armee là, & prīs plusieurs nauires. Lesdiēt Ostrelins apperceurēt de loīg ces nauires, ou estoit ce Roy fuyāt: & comēcerēt à luy dōner la chace sept ou huit nauires qu'ilz estoient. Il estoit loīg de uāt eulx, & gaigna la coste de Hollāde, ou encores pl<sup>us</sup> bas: car il arriua en Frize, pres d'une petite ville, appelee Alquemare: & ancrerēt son nauire, pource q̄ la mer s'en estoit

Digestion sur  
la vie qu'auoit  
menée le Roy  
Edouard, en sa  
prospérité.

147

reticee, & ilz ne pouuoient entret au haute, & se mirēt au plus pres de la ville qu'ilz peurent. Les Ostrelins vindrent semblablement ancrer assez pres de luy, en intention de le ioindre à la maree prochaine.

*Autre petite  
Digressiō sur la  
fortune de ce  
Roy, avec une  
belle remission  
ce à tout Prin-  
ces.*

Vn mal & vn peril ne vient iamais seul. La fortune de ce Roy estoit bien chāgée, & ses pensées. Il n'y auoit q̄ quinze iours qu'il eust esté bien esbahy, qui luy eust dict: Le Comte de Vuaruyc vous chacera d'Angleterre, & en onze iours en aura la domination: car non plus ne mit il à en auoir l'obeissance. Et, avec ce, il se moquoit du Duc de Bourgogne, qui despendoit son argent à vouloit deffendre la mer, disant que ia le voudroit en Angleterre. Et quelle excuse eust il sceu trouuer d'auoir fait ceste grand' perte, & par sa faulte? sinon dire: Je ne pensoye q̄ telle chose aduint. Bien deuroit \* songet vn Prince, s'il auoit aage, de faire telle excuse: car elle n'a point de lieu. Bel exēple est en cestuicy pour les Princes, qui iamais n'ot doute ne crainte de leurs ennemys, & le tiendroyent à honte: & la plupart de leurs seruiteurs soustiennent leurs opinions, pour leur complaire: & leur semble qu'ilz en soyent prisēz & estimez, & qu'on dira qu'ilz auront courageusement parlé. Je ne sçay que l'on dira deuant eulx: mais les sages tiendront telles paroles à grand' folie: & est honneur de ctaindre ce que l'on doit, & d'y bien pouueoir. C'est grand' richesse à vn Prince d'auoir vn sage homme en sa compaignie, & bien feut pour luy, & le croire, & que cestuy là ait loy de dire verité.

*\* trougie Ex-  
mēl.*

*\* Grutuse  
Exem-mēl par  
tout ce passage.*

D'auentūre monseigneur de la \* Grutire Gouverneur, pour lors, du Duc de Bourgogne, en Hollande, estoit lors au lieu ou le Roy Edouard voulut descēdre, lequel incontinent en fut auerty (car ilz mirent gens à terre) & aussi du peril en quoy il estoit pour les Ostrelins: lequel enuoya incontinent deffendre aux Ostrelins de ne luy touchet. Et alla en la nef, ou ledict Roy estoit, & le recueillit, & descendit en terre, & bien quinze cens hommes avec luy: & y estoit le Duc de Clocestre, son frere, qui depuis s'est fait appeler le Roy Richard. Ledit Roy n'auoit ne croix ne pille: & donna vne robe fourree de belles martes au maistre de la nauire, promettant luy mieulx faire le tēps aduenir. Si pauvre compaignie ne fut iamais: mais ledict Seigneur de la Grutire feir honorablement: car il donna plusieurs robes, & deffraya tout iusques à la Haye en Hollande, ou il le mena: & puis aduertit monseigneur de Bourgogne de ceste aduenture, lequel fut merueilleusement estroyé de ces nouuelles: & eut beaucoup mieulx aymé sa mort: car il estoit en grand soucy du Comte de Vuaruyc, qui estoit son ennemy, & auoit la maistrise en Angleterre. Lequel tost apres sa descēte trouua nombre de gēs infiny pour luy: car c'est Ost, qu'auoit laissé le Roy Edouard, par amour & par ctainte se mit tout des siens: & chascun iour luy en venoit. Ainsi s'en alla à Londres. Grand nombre de bons Cheualiers & Escuyers s'en alletent, & se mirent es franchises qui sont à Londres, qui depuis seruirent bien le Roy Edouard: & aussi feir la Royne sa femme, qui acoucha d'un filz en grande pauueteé.

Comment le Comte de Vuaruyc tira hors de prison le Roy Henry  
d'Angleterre. Chap. 6.



Vand lediēt Comte de Vuaruyc fut artiuē en la ville de Lōdres, il alla en la Tour (qui est le Chasteau) & en tira le Roy Henry, que autresfois (il y auoit bien long temps) auoit mis luy mēsmes là dedans, criāt deuāt luy qu'il estoit traistre & crimineux de lese maistē: & à ceste heure l'appelloit le Roy: & le mena en son Palais à Vuestmōtier: & le mit en son estat Royal, en la presence du Duc de Clatence, à qui ce cas ne plaisoit pas. Et incontinent enuoya à Calais trois ou quatre cens hommes, qui coururēt tōt le país de Boullenoy: lesquelz furent biē receuz par le Seigneur de Vaucler, dont i'ay tant parlé: & se peult lors cōgnoistre le bon vouloir, qu'il auoit tousiours enuets son maistre le Comte de Vuaruyc. Le iour que le Duc de Bourgōgne eut les nouuelles que le Roy Edouard estoit arriuē en Hollande, i'estoye arriuē deuets luy de Calais, & le trouuay à Boulōgne, & ne sçauoye encores tiē de cecy, ne de la fuite du Roy Edouard. Le Duc de Bourgōgne eut le p̄mier nouuelles qu'il estoit mort. De cela ne luy chaloit gueres: car il ay moit mieulx ceste lignee de Lāclastre q̄ celle d'Yorth & puis il auoit en sa maison les Ducz de \* Cloestre & de Sombresset, & plusieurs autres du patty dudiēt Roy Hēry: pourquoy luy sembloit bien qu'ilz l'appointeroyēt biē avec ceste lignee: mais il craignoit fort le Côte de Vuaruyc: & s'en sçauoit cōment il pourtoit \* traicter celuy, qui s'estoit retiré chez luy, à sçauoit le Roy Edouard, dōt il auoit espousē sa sœur, & s'estoyēt faictz freres d'ordē. car il portoit la toison, & lediēt Duc portoit la lattiere.

Lediēt Duc me s'enuoya incōtinent à Calais, & vn Gentilhōme ou deux avec moy, qui estoient de ceste partialité nouuelle de Henry: & me cōmandace qu'il vouloit q̄ ie feisse avec ce monde neuf: & encotes me pria biē fort d'y aller, disāt qu'il auoit besoing d'estre seruy en ceste matiere. le m'en allay iusques à Tournchan (qui est Chasteau pres de Guynes) & n'osay passer oultre: pource q̄ ie trouuay le peuple fuyant pour les Anglois, qui estoeyēt sur les chāps, & couroyent le país. l'enuoyay incōtinent à Calais demāder vn faufconduit à monseigneur de Vaucler: car i'estoye ia accoustumē d'y allet sans cōgé, & y estoie honorablēmēt receu: car les Anglois sont fort honorables. Tout cecy m'estoit bien nouueau: car iamais ie n'auoye si auāt veu des mutations de ce monde. l'auoye encores ceste nuit aduertie le Duc de la crainte que i'auoye de passer, sans luy mandet que i'eusse enuoyē querir seurtē: car ie me doubroye bien de la respōce que i'eu. Il m'enuoya vne vetge qu'il portoit au doigt pour enseigne, & me manda que ie passasse oultre, & me deussent ilz prendre: car il me racheteroit. Il ne craignoit point fort à mettre en petil vn siē seruiteur, pour s'en ayder, quād il en auoit besoing: mais i'ay auoye bien pourueu par le moyen de ceste seurtē, que i'eu, avec ttesgracieuses lettres de monseigneur de Vaucler, disāt que ie pouoye aller comme i'auoye acoustumē. le passay à Guynes, & trouuay le Capitaine hors du Chasteau qui me p̄senta à boire, sās m'offrir le Chasteau, cōc il auoit acoustumē, & feit tresgrād hōneur & bonne chete à ces Gentilz-hōmes qui estoeyēt avec moy des partiss du Roy Hēry. l'allay à Calais. Nul ne vint au deuāt de moy,

\* Mal en tout: mais d'est mal: assisté de l'amen-derrice le uel. Exa parant de Cestre, & en ce lieu cy Desestre, & d'Exestre par apres: ne peut on iuger de y ol. Ver. que ce soit Cestria, ou Excestria, ou Exstria, ou Lecostris. si n'est auant que qu'en mal parler.

\* contenter Exemptuel.

comme il auoit accoustumé. Tout homme portoit la liuree de monseigneur de Vuaruy. A la porte de mon logis, & de ma chambre, me firent plus de cent croix blanches, & des rymes, contenant que le Roy de France, & le Côte de Vuaruy estoient tout vn. Ie trouuay tout cecy bien estrange. L'enuoyé d'auenture à \* Grauelignes (qui est à cinq lieues de Calais) & manday qu'on arrestast tous marchans & marchandises d'Angleterre, à cause de ce qu'ilz auoyent ainsi couru. Lediect de Vauler me manda à disner, qui estoit bien accompagné: & auoit le Rauestre d'or sur le bonnet, qui estoit la liuree dudiect Comte, qui estoit vn baston noir, & tous les autres semblablemēt: & qui ne le pouuoit auoir d'or, l'auoit de drap. Et me fut dit à ce disner qu'incontinent que le \* messager fut arriué d'Angleterre, qui leur auoit porté ceste nouuelle, qu'en moins d'un quart d'heure chascū portoit ladiect liuree, tant fut ceste mutatiō hastiue & soudaine. Ce fut la premiere fois que i'eū iamais congnoissance q̄ les choses de ce monde sont peu stables. Lediect de Vauler ne me dist que paroles honnestes, & quelque peu d'excuses en la faueur du Comte son Capitaine, & les biens qu'il luy auoit faictz. & quant aux autres, qui estoient avec luy, iamais ne furent si desbordéz: car ceulx, que ie pēsoye des meilleurs pour le Roy, estoient ceulx qui plus le menassoient: & croy bien qu'aucuns le faisoient pour crainte, & d'autres le faisoient à bon esciēr. Ceulx, que i'auoye voulu mettre hors de la ville le temps passé (qui estoient seruiteurs domestiques dudiect Comte) auoyent à ceste heure là bon credit: toutesfoiz ilz n'auoyent iamais rien sceu que i'eusse parlé d'eulx audiect Vauler. Ie leur respondoye à tous propos q̄ le Roy Edouard estoit mort, & q̄ i'en estoie biē asséuré, nonobstant que ie sçauoye bien le cōtraire: & disoye aussi que quand il ne le seroit, si estoient les alliances q̄ mōseigneur de Bourgogne auoit avec le Roy & le Royaume d'Angleterre telles qu'elles ne se pouoyent \* estaindre pource qui estoit aduenū: & que celuy qu'ilz prendroyēt pour Roy, & nous aussi: & q̄, pour les mutatiōs passees, y auoyēt esté mis ces motz AVEC LE ROY ET LE ROYAVME: & nous estoient pleges les quatre principales villes d'Angleterre pour l'entretenemēt de ces alliances. Les marchans voulurent fort que ie fusse arresté, pource qu'on auoit prins plusieurs de leurs biens à Grauelignes, & par mon commandement, comme ilz disoyent. Tellement fut appointé entre eulx & moy qu'ilz payeroyent tout le bestail qu'ilz auoyent prins, ou qu'ilz le redissent: car ilz auoyent appointement avec la maison de Bourgogne, de pouoir courir certains pasturages qui estoient, & prendre bestail pour la prouision de la ville, en payant certain pris: lequel ilz payerent: & n'auoyēt prins nulz prisonniers. Parquoy fut accordé entre nous que les alliances demoureroyent entieres, que nous auiois faictes avec le Royaume d'Angleterre, sauf que nous nommions Henry au lieu d'Edouard.

Cest appointement fut bien agreable au Duc de Bourgogne: car le Côte de Vuaruy enuoyoit quatre mille Angloys à Calais, pour luy faire la guerre à bon esciēr, & ne pouuoit l'on trouuer façon de l'adoucir. Toutesfoiz les gros marchāds de Lōdres, dōt plusieurs en y auoit à Calais, l'en destourerēt, pource que c'est l'estappe de leurs laines: & est chose presque icyroyable pour  
combien

\* Grauelignes par tout  
Exemp. uel.  
les autres Grauelignes  
Grauelignes

\* passager  
Exemp. uel.

\* estaindre  
Exemp. uel.

combien d'argent il y en vient deux fois l'an : & sont là attendans que les marchans viennent : & leur principale descharge est en Flandrés, & en Hollande. Et ainsi ces marchans aiderent bien à conduire cest appointement, & à faire demourer ces gens que monsieur de Vuaruyc auoit. Cecy vint bié à propos au Duc de Bourgongne, pource que c'estoit proprement à l'heure que le Roy auoit prins Amyens & Saint-Quentin : & si ledict Duc eust eu guerre avec les deux royaumes à vnefois, il estoit destruié. Il traualloir d'adoucir monseigneur de Vuaruyc, tant qu'il pouuoit, disant qu'il ne vouloit rien faire contre le Roy Henry, & qu'il estoit de ceste lignee de Lanclastre, & toutes telles paroles seruantes à sa matiere.

Or pour retourner au Roy Edouard, il vint deuers ledict Duc de Bourgogne à Saint-Paul, & le pressa fort de son aide, pour s'en pouuoir retourner, l'assurant d'auoir grandes intelligences dedans le royaume d'Angleterre : & que pour Dieu il ne le voulsist abandoner, veu qu'il auoit espouse sa sœur, & qu'ilz estoient freres d'ordre. Le Duc de Sombresset & de \* Cloestre presoyent tout le contraire, & pour le party du Roy Henry. Ledit Duc ne scauoit auquelz complaire : & enuers les deux parties craignoit à mesprendre, & si auoit la guerre commencee bien asprement à son vilage. Finalement il creut pour lors ledict Duc de Sombresset, & les autres desluseditz, prenant certaines promesses d'eulx contre le Côte de Vuaruyc, dont ilz estoient anciens ennemis. Voyant cecy le Roy Edouard, qui estoit sur le lieu, n'estoit pas à son aise : toutesfois on luy donoit les meilleures raisons qu'on pouuoit, disant qu'on faisoit ces dissimulations pour n'auoir point la guerre aux deux royaumes à vn coup. car, si ledict Duc estoit destruié, il ne luy pourroit pas bien aider apres, si bien à son aise. Toutesfois ledict Duc, voyant qu'il ne pouuoit plus retenir le Roy Edouard, qu'il ne s'en allast en Angleterre, & pour plusieurs raisons, ne l'oit de tous poinctz courroucer. Il faignit en public de ne luy bailler nul secours : & feit crier q nul n'allast à son aide : mais soubz main, & secrettement, il luy feit bailler cinquante mille Florins à la croix Saint-André : & luy feit faire finace de trois ou quatre grosses nefz, qu'il luy feit accoustrer au port de la Vere en Hollande, qui est vn porrou chascun est receu : & luy souldoya secrettement quatorze nauires d'Ostrelins, bié armez : qui prometoyent le seruir iusques à ce qu'il fust passé en Angleterre, & quinze iours apres. Ce secours fut tresgrand selon le temps.

*Comment le Roy Edouard retourna en Angleterre, ou il deffit en bataille le Comte de Vuaruyc, & le Prince de Galles apres. Chap. 7.*

**L**E Roy Edouard partit l'an mil quatre cens septante & vn, ainsi 1471. comme le Duc de Bourgongne alloit contre le Roy à Amyens : & sembloit bié audict Duc que le faict d'Angleterre ne pourroit aller mal pour luy, & qu'il auoit amys aux deux costez. Incontinent que le Roy Edouard fut à terre, il tira droit à Londres : car il y auoit plus de deux mille hommes tenans son party dedas les franchises ; dont il y auoit trois ou quatre cens Cheualiers & Escuyers. qui luy fut grand faueur : car il ne descendoit pas à grans gens. Tantost apres que le Comte de Vuaruyc,

\* En ce lieu cy le uieil rex. dit d'Exceltre : Or ne se peuuent sauuer les autres. sinon par ce qu'ils pourroyent dire que ce fust un qui se portast pour eulx, monestant que adouard eust baillé la Croix à son frere Richard : mais poly. verg. li ne porte aucunement de ce iour là.



### TROISIEME LIVRE DES MEMOIRES

\* *Jeudy* *Extr.*  
*seul.*

lequel estoit au North avec grand puissance, sentit ces nouuelles, il se hâta de tourner vers Lódres, esperant y arriuer le premier: toutesfois luy sembloit il bien que la ville tiendroît pour luy: mais autrement en aduint. Car le Roy Edouard y fut receu le .x. Lundy saint, à grand' ioye de toute la ville. qui estoit contre l'opinion de la pluspart des gens: car chascun le tenoit pour tout perdu: &, filz luy eussent fermé les portes, en son fait n'y auoit nul remede: veu que le Côte de Vuaruyc n'estoit qu'à vne iournee de luy. A ce qui m'a esté compté, trois choses furent cause que la ville se tourna des siens. La premiere, les gens qu'il auoit esfrâchises, & la Roïne sa femme qui auoit fait vn filz. La secóde, les grandes debtes, qu'il deuoit en la ville, pourquoy les marchans, à qui il deuoit, tindrent pour luy. La tierce, plusieurs femmes d'estat & riches Bourgeoises de la ville, dont autresfois il auoit eu grand' priuauté, & grand' accointance, luy gaagnerent leurs maris, & leurs parens. Il ne séjourna que deux iours dedans la ville: car il partit la vigile de Pasques, avec ce qu'il peut amasser de gens, & tira au deuant du Comte de Vuaruyc: lequel il rencontra le lendemain au matin, qui fut le iour de Pasques: & comme ilz se trouuerent l'un deuant l'autre, se tourna le Duc de Clarence, frere dudit Edouard avec luy, avec bien douze mille hommes, qui fut grand esbahissement au Comte de Vuaruyc, & grand reconfort audit Roy, lequel auoit peu de gens.

Vous auez bien entendu, parcy deuant, côme ceste marchandise du Duc de Clarence auoit esté menee: & nonobstant tout ce, si fut la bataille tresaspre & tresforte. Tout estoit à pied, d'un costé & d'autre. L' Auangarde du Roy fut fort endommagée: & ioignit la Bataille du Comte de Vuaruyc iusques à la sienne, & de si pres q̃ le Roy d' Angleterre combatit en sa personne, autant ou plus que nul homme qui fust des deux costez. Ledit Comte de Vuaruyc n'estoit iamais acoustumé de descendre à pied: mais auoit de coustume, quand il auoit mis ses gens en besongne, de monter à cheual: &, si la besongne alloit bien pour luy, il se trouuoit à la meslee: &, si elle alloit mal, il se deslogoit de bonne heure. A ceste fois il fut cōtraint par son frere le Marquis de Montagu, lequel estoit tresvaillant Cheualier, de descendre à pied, & d'enuoyer les cheualx. Tellement se porta ceste iournee que ledit Côte mourut, & son frere le Marquis de Montagu, & grand nombre de gens de bien: & fut la desconfiture tresgrande: car la deliberation du Roy Edouard estoit, quand il partit de Flandres, qu'il n'useroit plus de ceste façon de crier qu'on sauuaît le peuple, & qu'on tuaît les gens de bien: comme il auoit autresfois fait en ces batailles precedentes: car il auoit conceu vne tresgrande haine contre le peuple d' Angleterre, pour la faueur qu'il voyoit qu'il portoit au Comte de Vuaruyc, & aussi pour autres raisons, pourquoy à ceste fois ilz ne furent point espargnez. Du costé du Roy Edouard mourut quinze cens hommes: & fut ceste bataille fort combatue.

Au iour de ladicte bataille estoit le Duc de Bourgongne deuant Amyés: & eut lettres, de la Duchesse sa femme, que le Roy Edouard n'estoit pas content de luy, & que l'ayde qui luy auoit esté faite, auoit esté faite en mauuaise sorte, & à grand regret, & qu'à peu tint qu'il ne l'eust abandonné. Et, pour  
dire

dire la verité, l'amytie ne fut iamais grande depuis : toutesfois il en feit son profit : & feit fort publier ceste nouuelle. I'ay oublié à dire commét le Roy Henry fut mené en ceste bataille. \* Le Roy Edouard le trouua à Londres. Ledié Roy Henry estoit homme fort ignorant, & quasi insensé : & si en ay ouy mentir, incôtiné apres cestebataille le Duc de Clocestre, frere dudié Roy Edouard, lequel depuis a esté Roy Richard, tua de sa main, ou feit tuer en sa presence, quelque lieu à part, ce bon homme le Roy Henry.

\* Car le Roy  
Exemp. uel.

Le Prince de Galles, dont i'ay parlé, à l'heure de ceste bataille estoit ia descendu en Angleterre : & estoient ioinctz avec luy les Ducz de \* Clocestre & de Sombreslet, & plusieurs de sa lignee, & des anciens partisans : & y estoient plus de quarante mille personnes, comme m'ont dit ceulx qui y estoient : & quand le Comte de Vuaruy l'eust voulu attendre, il ya grande apparence qu'ilz fussent demourez les seigneurs & maistres : mais la crainte qu'il auoit dudié de Sôbresset, dont il auoit fait mourir pere & frere, & aussi de la Roynie Marguerite, mere dudié Prince, qu'il craignoit, fut cause de le faire combattre tout à parfoi, sans les attendre. Regardez donques combié durât ces anciennes partialitez, & combien elles sont à craindre, & les grans dommages qui en aduiennét. Incontinent que le Roy Edouard eut gaigné ceste bataille, il tira au deuant dudié Prince de Galles : & là y eut vne tresgrosse bataille : car ledié Prince de Galles auoit plus de gés que le Roy : toutesfois ledié Roy Edouard en eut la victoire, & fut le Prince de Galles tué sur le champ, & plusieurs autres grans seigneurs, & tresgrand nombre de peuple : & le Duc de Sombreslet prins, lequel eut lendemain la teste tranchée. En onze iours gaigna le Comte de Vuaruy tout le royaume d'Angleterre, au moins le mit en son obeissance. Le Roy Edouard le tegaigna en \* vingt iours : mais il y eut deux grosses batailles & aspres. Ainsi voyez quelles sont les mutations d'Angleterre. Ledié Roy Edouard feit mourir beaucoup de peuple en plusieurs lieux, par especial de ceulx qui auoyét fait les assemblees contre luy. De tous les peuples du monde celuy d'Angleterre est le plus enclin en ses batailles. Apres ceste iournee est demouré le Roy Edouard pacifique en Angleterre, iusques à sa mort : mais non pas sans grand trauail d'esprit & grandes pensees. Je me veulx cesser de plus vous aduertir de ces faictz d'Angleterre, iusques à ce qu'ilz seruét à propos en quelque autre lieu.

\* Le uiril Ex.  
a eor en ce  
lieu d'Exce-  
stre : & à la  
morté i'ay me-  
roye mesulx li-  
re par tous cy  
seigneurs d'Ex-  
cestre.

\* vingt & vn  
Ex. uel.

*Comment guerre se renouuela entre le Roy Louis, & le Duc Charles de  
Bourgogne, à la sollicitation des Ducz de Guyenne & de  
Bretaigne. Chap. 8.*

**D**E dernier endroit ou ie me suis teu de noz affaires de pardeça, a esté au partement que feit le Duc de Bourgogne de deuant Amiens, & aussi du Roy, qui de son costé se retira en Touraine, & le Duc de Guyenne son frere en Guyenne : lequel ne cessoit de continuer la poursuite du mariage, ou il pretendoit, avec la fille du Duc de Bourgogne, côme i'ay dit. Ledié Duc de Bourgogne môstroist tousiours y vouloir entendre : mais iamais n'en eut le vouloir, mais en vouloit entretenir chascū, comme i'ay dit : & puis luy souuenoit des termes qu'on luy auoit

### TROISIEME LIVRE DES MEMOIRES

tenus pour le contraindre à faire ce mariage : & vouloit tousiours le Comte de Saint-Paul, Connestable de France, estre moyennneur de ce mariage. D'autre costé le Duc de Bretagne vouloit q̄ ce fust par le sien. Le Roy estoit d'autrepart, pour le rompre, tresembesongné : mais il n'en estoit point de besoing, pour deux raisons que i'ay dictes ailleurs : n'aussi le Duc de Bourgogne n'eust point voulu de si grand gendre : car il vouloit marchander de ce mariage par tout, comme i'ay dit : & ain si le Roy se mettoit en peine pour neant : mais il ne pouuoit sçauoir les pées d'autrui : & n'estoit point de merueilles si le Roy en auoit crainte : car son frere eust esté bien grand, si ce mariage eust esté fait : car le Duc de Bretagne ioinct avec luy, l'estat du Roy, & de ses enfans, eust esté en peril. Et sur ces proptes entrefaictes alloient & venoyent maintz Ambassadeurs des vns aux autres, tant secretez que publiques.

*Digression sur  
la matiere d'en  
uoyer & re  
cevoir Ambas  
sadeurs.*

Ce n'est pas chose trop seure de tant d'allees ne de venues d'Ambassades : car bien souuent s'y traittent de mauuaises choses : touresfois il est necessaire d'en enuoyer & d'en recevoir. Et pourroyent demander ceulx qui liront cest article, les remedes que ie voudroye qu'on y donnast, & que c'est chose impossible d'y pouruoir. Je sçay bien qu'assez en ya, qui mieulx en sçauoyent parler que moy : mais voicy que ie feroye. Ceulx qui viennent des vrais amis, & ou il n'y a point de matiere de suspicion, ie feroye d'aduis qu'on leur feist bonne chere, & eussent permission de voir le Prince assez souuent, selon la qualité dont seroit la personne dudit Prince, i'entends qu'il soit sage & honeste : car, quand il est au contraire, le moins le monstrier est le meilleur. Et, quand il le fault voir, qu'il soit bien vestu & bien informé ce qu'il doit dire, & l'en retirer tost : car l'amytié, qui est entre les Princes, ne dure point tousiours. Si les Ambassadeurs, secretez ou publiques, vñent de par Prince, ou la haine soit telle que l'ay veue cōtinuelle entre rous ces Seigneurs dont i'ay parlé icy deuant (lesquelz i'ay congnyus & hantez en mon temps) il n'y a pas grand' seureté selon mon aduis. On les doit bien traicter & honorablemēt recueillir : comme enuoyer au deuant d'eulx, & les faire bien loger, & ordonner gens seurs & sages pour les accompagner. qui est chose seure & honeste : car par là on sçait ceulx qui vont vers eulx, & garde on les gens legers, & mal contens, de leur porter nouuelles : car en nulle maison tout n'est cōtent. D'auātage ie les voudroye tost ouir & despescher : car ce me semble tresmauuaise chose que tenir ses ennemis chez soy : & de les faire festoyer, deffrayer, faire presens, cela n'est qu'honeste. Encorés me semble que, quand la guerre seroit ia commencee, si ne doit l'on rompre nulle pratique ny ouuerture qu'on face de paix (car on ne sçait l'heure qu'on a affaire) mais les entretenir toures, & ouir tous messagers, faisans les choses dessusdictes, & faire faire bon guet quelz gens iroyent parler à eulx, & qui leur seroyent enuoyez tant de iour que de nuict : mais le plus secrettement que l'on peut. Et, pour vn message ou Ambassadeur, qu'ilz m'euoyeroient, ie leur en enuoyeroye deux : &, encorés qu'ilz s'en ennuyassent, disans qu'on n'y réuoyast plus, si voudroye y renuoyer quād i'en auroye opportunité & le moyen. Car vous ne sçauriez enuoyer espie si bone ne si seure, ne qui eust si bien loy de voir & d'entēdre :

&, si

&, si voz gens sont deux ou trois, il n'est possible qu'on se sceust si bien donner garde, que l'un ou l'autre n'air quelques paroles \* ou sentement de quelcun. l'entends tenans termes hōnestes, cōme on tienr à Ambassadeurs. Et est de croire qu'un sage Prince met tousiours peine d'auoir quelque amy ou amys auecques partie aduerse, & s'en garde cōme il peut: car en telles choses, on ne fait point cōme l'on veult. On pourra dire que vostre ennemy en sera plus orgueilleux. Il ne m'en chault: car aussi ie scauray plus de ses nouuelles: & à la fin du compte \* i'en auray le profit & honneur. Et combien que les autres pourroyent faire le semblable chez moy, si ne laisseroye point à enuoyer. Et à ceste fin entretiendroye toutes pratiques, sans en rompre nulles, pour tousiours trouuer matieres. Et puis les vns ne sont point tousiours si habiles que les autres, ne si entendus, ne n'ont tant veu d'experience de ces matieres, ny aussi n'ont tant de besoing. Et, en ces cas icy, les plus sages le gagnent tousiours. Je vous en veulx monstrier exemple manifeste. Iamais ne se mena traicté entre les François & Angloys, que le sens des François & leur habilité ne se monstroit par dessus celle des Angloys: & ont les Angloys vn mot commun, qu'autrès fois m'ont dit, traictant auec eulx: c'est qu'aux batailles, qu'ilz ont eues auec les François, tousiours, ou le plus souuent, ilz ont eu le gaing: mais, en tous traictés qu'ilz ont eu à conduire auecques eulx, ilz y ont eu perte & dommage. Et seurement, à ce qu'il m'a tousiours semblé, i'ay congny gens en ce royaume aussi dignes de conduire vn grand accord, que nulz autres que i'aye congnyus en ce monde, & par especial de la nourriture de nostre Roy. Car en telles choses fault gēs complaisans, & qui passent toutes choses & toutes paroles, pour venir à la fin de leur maistre: & telz les vouloit il, cōme i'ay dit. I'ay esté vn peu long à parler de ces Ambassadeurs, & cōme on y doit auoir l'œil: mais ce n'a point esté sans cause: car i'ay veu & sceu faire tāt de tromperies & mauuaisez, soubz telles couleurs, que ie ne m'en suis peu taire ne passer à moins.

Tant fūt demené le mariage (dont i'ay parlé cy dessus) du Duc de Guyenne & de la fille du Duc de Bourgongne qu'il s'en feit quelque promesse de bouche, & encores quelques mortz de lettres: mais autant en ay ie veu fait auec le Duc Nicolas de Calabre, & de Lorraine, filz du Duc Iehan de Calabre, dont a esté parlé cy deuant. Semblablement s'en feit auec le Duc de Saouye, Philibert, dernier mort, & puis auec le Duc Maximilian d'Austrie, Roy des Rommains auourd'huy, & seul filz de l'Empereur Federic. Cestuy là eut lettres, escriptes de la main de la fille par le commandement du pere, & vn dyament. Toutes ces promesses se feirent en moins de trois ans de distāce. Et suis bien seur qu'auecques luy nul ne l'eust accomply tant qu'il eust vescu, au moins de son cōsentement: mais le Duc Maximilian, puis Roy des Rommains, s'estaydé de ceste promesse, cōme ie diray cy apres. Et ne compte pas ces choses pour dōner charge à celuy ou à ceulx dont i'ay parlé, mais seulement pour dire les choses cōme ie les ay veues aduenir: & aussi ie fay mon compte que bestes ne simples gens ne s'amuseront point à lire ces Memoires: mais Princes, ou autres gens de Court, y trouuerōt de bons aduertissemens, à mon aduis. Tousiours en parlant de ce mariage, se parloit d'en-

\* ou secretemēt ou autrement à quelcun *l'œil*.

\* qui en aura le profit, en aura l'honneur *ex. affect.*

## TROISIEME LIVRE DES MEMOIRES

treprinſes nouuelles contre le Roy:& eſtoient avec le Duc de Bourgongne le ſeigneur d'Vrfé, Poncet de Riuiere, & pluſieurs autres petis perſonnages, leſquelz alloient & venoient pour le Duc de Guyenne:& eſtoit\* Abbé de Begard, puis Eueſque de Lyô, pour le Duc de Bretagne:& remôſtroit audi& Duc de Bourgongne q̃ le Roy pratiquoit les ſeruiteurs dudi& Duc de Guyenne, & en vouloit retirer lesvns par amour, les autres par force:& qu'il auoit ia fait abbatre vne place, qui eſtoit à môſeigneur\* d'Eſtiſſac, ſeruiteur du Duc de Guyenne:& pluſieurs autres voyes de fai& eſtoient ia commen cees:& auoit le Roy ſouſſtrait aucuns ſeruiteurs de ſa maiſon. parquoy concluoyent qu'il vouloit recouurer Guyéne, comme il auoit fait Normandie autresfois, apres qu'il l'eut baillee en partage, comme auez ouy. Le Duc de Bourgongne enuoyoit ſouuét deuers le Roy, pour ces matieres. Le Roy reſpondoit q̃ c'eſtoit le Duc de Guyenne, ſon frere, qui vouloit eſlargir ſes limites, & qui côménçoit toutes ces brigues:& qu'au partage de ſon frere ne vouloit point toucher. Or voyez vn peu comme les affaires & Brouillis de ce royaume ſont grans, ainſi qu'ilz ſe peuuent bien\* apparoir, par aucun temps, quand il eſt en diſcord, & comme ilz ſont peſans & mal aiſez à conduire, & loing de ſin, quand ilz ſont commencez. car, encores qu'ilz ne ſoyent au commencement que deux ou trois Prin&es, ou moindres perſonnages, auant que ceſte feſte ait duré deux ans, tous les voiſins y ſont conuiez. Toutesfois, quand les choſes commencent, chaſcun en penſe voir la ſin en peu de temps:mais elles ſont bien à craindre pour les raiſons que verrez en continuant ce propos.

A l'heure, dont ie parle, le Duc de Guyenne, ou ſes gens, & le Duc de Bretagne prioyent au Duc de Bongongne qu'en rien il ne ſe vouliſt ayder des Angloys, qui eſtoient ennemis du Royaume: car tout ce qu'ilz faiſoient eſtoit pour le bien & ſoulagem&nt du Royaume:& que, quand luy ſeroit preſt, ilz eſtoient ainſi fortz, & qu'ilz auoyent de tresgrandes intelligences avecques pluſieurs Capitaines & autres. Vn coup me trouuay preſent que le ſeigneur d'Vrfé diſoit ces paroles audi& Duc, luy priant faire diligence & mettre ſus ſon armee:& ledi& Duc m'appella à vne fenestre, & me diſt: Voyla le ſeigneur d'Vrfé, qui me preſſe faire mon armee la plus groſſe que ie puis, & me dit que nous ferons le grand bien du Royaume. vous ſemble il que, ſi i'y entre avecques la compagnie que i'y meneray, que i'y face guerres de bien? Le luy reſpondy, en riant, qu'il me ſembloit que non:& il me diſt ces motz:l'ayme mieulx le bien du royaume de France que monſeigneur d'Vrfé ne penſe: car, pour vn Roy, qu'il ya, i'y en voudroye ſix.

En ceſte ſaiſon, dont nous parlons, le Roy Edouard d'Angleterre, qui cuidoit veritablement que ce mariage, dont i'ay parlé, ſe deult trai&ter, & en eſtoit deceu comme le Roy, trauailloit fort avecques ledi& Duc de Bourgongne pour le rompre, alleguant que le Roy n'auoit point de filz, & que, ſ'il mourroit, ledi& Duc de Guyenne ſ'attendoit à la couronne:& par ainſi, ſi ce mariage ſe faiſoit, tout Angleterre ſeroit en grand peril d'eſtre deſtrui&te, veu tant de Seigneuries ioin&tes à la couronne:& prenoit merueilleuſement ceſte matiere à c&eur, ſans beſoing qu'il en fuſt, & ſi faiſoit tout le conſeil d'Angleterre: ne pour excuſe qu'en ſceuſt faire le Duc de Bourgongne, les

\* Abbé de Begar, puis Eueſque de Leô Ex. uieil. Les autres imprimez ont de Bergard, &c.

\* de Stiſſac Ex. uieil. avec les imprimez, & Annot. d'Agues.

\* appeler Ex. uieil.

gne, les Angloys ne l'en vouloyent croire. Le Duc de Bourgongne vouloit, nonobstant les requestes que faisoient les gens des Ducz de Guyenne & de Bretagne, qu'il n'appelaist nulz estrangers, que neantmoins le Roy d'Angleterre feist la guerre par quelque bout: & il eust fait volontiers semblant de n'en sçauoir rien, & de ne s'en empescher point. Iamais les Angloys ne l'eussent fait. Plus tost eussent aidé au Roy, pour ceste heure là, tant craignoyent que ceste maison de Bourgongne ne se ioignist à la couronne de Frâce par ce mariage. Vous voyez (selon mon propos) tous ces Seigneurs icy bien empeschez: & auoyent de tous costez tant de sages gens, & qui voyent de si loing, que leur vie n'estoit point suffisante à voir la moitié des choses qu'ilz preuoyoyent: & bien y parut: car tous sont finis en ce trauail & misere, en bien peu d'espace de temps, les vns apres les autres. Chascun a eu grand' ioye de la mort de son compaignon, quand le cas est aduenü, comme chose tresdesirée: & puis leurs maistres sont allez tost apres; & ont laissé leurs successeurs bien empeschez, sauf nostre Roy, qui regne de present: lequel a trouué son Royaume en paix avec tous les voisins & subiectz: & luy auoit le Roy, son pere, fait mieulx q' iamais n'auoit voulu ou sceu faire pour luy. car de mon temps ne le vey iamais sans guerre, sauf bien peu de temps auant son trespas.

En ce temps (dont ie parle) estoit le Duc de Guyenne vn peu malade. Les vns le disoyent en grand danger de mort: les autres disoyent que ce n'estoit riens. Ses gens pressoyent le Duc de Bourgongne de se mettre aux chäps: car la saison y estoit propre. Ilz disoyent que le Roy auoit armee aux chäps, & estoient les gens deuant Sainct-Iehan d'Angely, ou à Xainctes, ou es environs. Tant feirent que le Duc de Bourgongne tira à Arras: & là l'amassoit l'armee: & puis passoit oultre, vers Peronne, Roye, & Mondidier: & estoit l'armee trespuissante, & plus belle qu'il eust iamais eue. car il y auoit douze cens Lances d'Ordonnance, qui auoyent trois Archiers pour Homme-d'armes, & le tout bien en poinct, & bien montez. Car il y auoit en chascune compaignie dix Hommes-d'armes \* d'auantage, sans le Lieutenant, & ceulx qui portoyent les enseignes. Les Nobles de ses pais tresbien en poinct: car ilz estoient bien payez & conduictz par notables Cheualiers & Escuyers: & estoient ces pais fort riches en ce temps.

\* auantageux  
exemp. auent.

*Comment la paix finale, qui se traittoit entre le Roy & le Duc de Bourgongne fut rompue, au moyen de la mort du Duc de Guyenne: & comment ces deux grans Princes taschoyent à se tromper l'un l'autre. Chap. 9.*

**E**N faisant ceste armee (dont ie parle) vindrent deux ou trois fois deuers luy le Seigneur de \* Cran, & le Chancelier de France, appelé melsire Pierre Doriol: & secrettement se traicta entre eulx paix finale, qui iamais ne s'estoit peu trouuer: pource que ledict Duc vouloit s'auoir Amyens & Sainct-Quetin, dessus nommees, & le Roy ne les vouloit pas rendre. Or maintenant s'y accorda, voyant cest ap-

\* Cran ex.  
uicil. par tout,  
& la mer des  
Holl. aussi.

pareil, & esperant venir aux fins que vous entendrez. Les cōditions de ceste paix estoient que le Roy rendroit audict Duc Amyens & Sainct-Quentin avec ce dont estoit question, & luy abandoneroit les Comtes de Neuers & de Sainct-Paul, Connestable de France, & toutes leurs terres pour en faire à son plaisir, & les prendre comme siennes, s'il pouuoit : & ledict Duc luy abandonnoit semblablement les Ducz de Guyenne & de Bretagne, & leurs Seigneuries pour faire ce qu'il pourroit. Ceste paix iura le Duc de Bourgongne, & y estoie present : & aussi la iurerent le Seigneur de Cran & le Chancelier de France pour le Roy : lesquelz partirēt d'avecques ledict Duc, & si luy conseillèrent de ne rompre point son armee, mais l'auancer, à fin que le Roy, leur maistre, fust plus enclin de bailler promptement la possession des deux places dessus nommees : & emmenerent avecques eulx Simon de Quinchy pour voir iurer le Roy, & confermer ce qu'auoyent fait ses Ambassadeurs. Le Roy delaya ceste confirmation par aucuns iours : & ce pendant suruint la mort de son frere le Duc de Guyenne. Sur ces entrefaictes, & comme ledict Duc estoit prest à partir d'Arras, luy suruint deux nouvelles. L'une fut que le Duc Nicolas de Calabre & de Lorraine, heritier de la maison d'Aniou, filz du Duc lehan de Calabre, vint là deuers luy, touchant le mariage de ceste fille : & le recueillit ledict Duc tresbien, & luy dōna bonne esperance de la conclusion. Lendemain, qui fut le quinziesme iour de May, mil quatre cens septante deux, comme il me semble, vindrent lettres dudit Simon de Quinchy (lequel estoit deuers le Roy Ambassadeur pour iceluy Duc de Bourgongne) contenant que le Duc de Guyenne estoit trespassé, & que ia le Roy auoit prins vne grand' partie de ses places.

Incontinent en vindrent aussi messagers de diuers lieux : & parloyent de ceste mort differemment. Peu de temps apres s'en retourna mesme ledict Simon, r'enuoyé par Roy, avecques tresmaigres paroles, sans rien vouloir iurer : dont ledict Duc se tint fort moqué, & mesprisé, & en eut tresgrand despit. Semblablement ses gens, en faisant la guerre, tant pour ceste cause que pour autres que pouuez auoir assez entendues, disoyēt paroles vilaines & incroyables du Roy : & ceulx du Roy ne s'y faignoient de guerres.

Ledit Duc, estant fort desespéré de ceste mort, & luy enhorté par aucuns, dolés pour icelle, escriuiut lettres à plusieurs villes à la charge du Roy. à quoy profita peu : car riens ne s'en meut : mais croy bien q, si ledict Duc de Guyenne ne fust point mort, q le Roy eust eu beaucoup d'affaires. Car les Bretons estoient prestz, & auoyent beaucoup d'intelligences dedans le Royaume, & plus q iamais n'auoyent eu : lesquelles failloyēt toutes à cause de ceste mort.

Sur ce courroux se mit aux champs ledict Duc, & print son chemin vers Nefle en Vermadoys : & cōmença exploir de guerre ord & mauuais, & dont il n'auoit iamais vŕe : c'estoit de faire mettre le feu par tout ou il arriuoit.

Son Auantgarde alla mettre le siege deuant ledict Nefle, qui guerres ne valoit : & y auoit vn nombre de Francz-Archiers. Ledit Duc demoura logé à trois lieues pres de là. Ceulx de dedans tuerent vn Herault, en les allant

\* Quinchy en ce lieu, & par tout apres, &c. auail.

La mort du Duc de Guyenne.



allant fommer. Leur Capitaine faillit dehors à ſcureté, pour cuider compofer. il ne peut accorder : & comme il s'entra dedans la place, ilz eſtoient en trefue à cauſe de la ſaillie, & eſtoient ceulx de dedans tous deſcouuers ſur la muraille, ſans ce qu'on leur tiraſt : toutesfois ilz tuerēt encores deux hōmes. Pour ceſte cauſe fut deſdictē la trefue : & manda à madame de Neſle, qui eſtoit dedans, qu'elle faillit & ſes ſeruiteurs domeſtiques, avec ſes biens. Ainſi le feit : & incontinent fut la place aſſaillie, & prinſe, & la plus part tuez. Ceulx, qui furent prins viſz, furent penduz, ſauf aucuns que les Genſ-d'armes laiſſerent courre par pitié. Vn nombre aſſez grand eurent les poings coupez. Il me deſplaiſt à dire ceſte cruauté : mais i'eſtoye ſur le lieu : & en fault dire quelque choſe. Il fault dire que le Duc eſtoit paſſionné de faire ſi cruel acte, ou que grand' cauſe le mouuoit. Il en alleguoit deux : l'une, il parloit apres autrui eſtrangement de ceſte mort du Duc de Guyenne. Oultre auoit vn autre deſplaiſir, que vous auez peu entēdre : c'eſt qu'il auoit vn merueilleux deſpit d'auoir perdu Amyens & Sainct-Quentin, dont auez ouy parler.

Il pourra ſembler au temps aduenir à ceulx, qui verront cecy, qu'en ces deux Princes n'y eut pas grand' foy, ou que ie parle mal d'eulx. De l'un ne de l'autre ne voudroye mal parler : & à noſtre Roy ſuis tenu, comme chaſcun ſçait : mais pour continuer ce, que vous, monſieur l'Archeueſque de Vienne, m'auiez requis, eſt force que ie die partie de ce q'ie ſçay, en quelque ſorte qu'il ſoit adueni. Mais, quand on penſera aux autres Princes, on trouuera ceulx cy grā & nobles & notables, & le noſtre treſſage : leq'l a laiſſé ſon Royaume accru, & en paix avec tous ſes ennemis. Or voyons donc lequel de ces deux Seigneurs vouloit tromper ſon cōpaignon, à fin que, ſi pour le tēps aduenir cecy tomboit entre les mains de quelque ieune Prince, qui euſt à conduire ſemblables affaires, il euſt mieulx congnoiſſance, pour l'auoir veu, & ſe garder d'eſtre trompe. Car, combien que les ennemis, ne les Princes, ne ſoyent point touſiours ſemblables, encores que les matieres le fuſſent, ſi fait il bon d'eſtre informé des choſes paſſées. Pour en declarer mon aduiſ, ie cuide eſtre certain que ces deux Princes icy y alloient tous deux en intention de tromper ſon compaignon : & que leurs fins eſtoyēt aſſez ſemblables, comme vous orrez. Tous deux auoyent leur armées preſtes, & aux champs. Le Roy auoit ia prins pluſieurs places : & en traitant ceſte paix, preſſoit fort ſon frere. Ia eſtoyēt venus vers le Roy le Scigneur de \* Contay, \* Paruz, Foucart, & pluſieurs autres : & auoyēt laiſſé le Duc de Guyenne. L'armée du Roy eſtoit enuiron la Rochelle, & auoit grande intelligence dedans, & marchādoient fort ceulx de la ville, tant pour ce bruit de paix que pour la maladie qu'auoit ce Duc. Et cuide l'intention du Roy telle que ſ'il euſt acheué ſon entreprinſe \* aupres de là, & que ſon frere vinſt à inquirir, qu'il ne iureroit point ceſte paix : mais auſſi q', ſ'il trouuoit forte partie, il la iureroit, & exccuterait ſes promeſſes pour ſ'oſter de peril. Et cōpaſſa fort biē ſon tēps, & faiſoit vne merueilleuſe diligēce : & auez bien entendu cōme il diſſimula à Simon de Quinchy biē l'eſpace de huit iours, & que ce pendāt aduint ceſte mort.

\* Curton

\* Patris *Exe.*  
*uicil. Les deux*  
*imprimez Cō*  
*ty, &c.*\* ou pres de  
ll, ou que ſō  
&c. *Exe. uicil.*

### TROISIEME LIVRE DES MEMOIRES

Or ſçauoit il bien que ledi<sup>t</sup> Duc de Bourgogne deſiroit tant la poſſeſſion de ces deux villes qu'il ne loſeroit courroucer, & qu'il luy feroit couler doucement quinze ou vingt iours (comme il feit) & q<sup>e</sup> pendant il verroit quel il y feroit.

Puis que nous auons parlé du Roy, & des moyens qu'il auoit en penſee pour trôper le Duc, fault dire quelle eſtoit la péeſe du Duc enuers le Roy, & ce qu'il luy gardoit, ſi la mort deſſuſdi<sup>c</sup>te ne fuſt ſuruenue. Simon de Quinchy auoit commiſſion de luy, & à la requeſte du Roy, d'aller en Bretagne, apres qu'il auroit veu iurer la paix, & receu les lettres de confirmation de ce que les Ambaſſadeurs du Roy auroient fait, & ſignifier audi<sup>t</sup> Duc de Bretagne le contenu de la paix, & auſſi aux Ambaſſadeurs du Duc de Guyène, qui eſtoient là, pour en aduertir leur maiſtre, lequel eſtoit à Bordeaux. Et le vouloit ainſi le Roy, pour faire plus grand eſpouement aux Bretons, de ſe voir ainſi abandonnez de celuy ou eſtoit leur principale eſperance. En la cōpaignie dudi<sup>t</sup> Simō de Quinchy, y auoit vn Cheuaucheur d'Eſcurie dudi<sup>t</sup> Duc, qui auoit nom Henry, natif de Paris, vn ſage compaignon, & bien entend<sup>u</sup>: lequel auoit vne lettre de creance, adreſſante audi<sup>t</sup> Simon, eſcrite de la main dudi<sup>t</sup> Duc: mais il auoit cōmiſſion de ne la bailler point audi<sup>t</sup> Simon, iuſques à ce qu'il fuſt party d'avec le Roy, & arriué à Nâtes deuers le Duc: & à l'heure luy deuoit bailler ladi<sup>c</sup>te lettre, & dire ſa creance: qui eſtoit qu'il deuſt dire au Duc de Bretagne qu'il n'eũt nulle doubte ne crainte que ſon maiſtre abandonnaſt le Duc de Guyenne, ne luy, mais les ſecourroit du corps & des biens: & q<sup>e</sup> ce, qu'il auoit fait, eſtoit pour euit<sup>r</sup> la guerre, & pour recouurer ces deux villes, Amyens & Sainct-Quentin, que le Roy luy auoit oſtees en tēps de paix, & contre ſa promeſſe. Et luy deuoit dire auſſi cōme ledi<sup>t</sup> Duc ſō maiſtre enuoyeroit de notables Ambaſſadeurs deuers le Roy, incontinēt qu'il ſeroit faiſy de ce qu'il demādoit. ce qu'il euſt fait ſans difficulté, pour luy demāder & ſupplier ſe vouloit deporter de la guerre & entrepriſe qu'il auoit cōtre ces deux Ducz, & ne ſe vouloit arreſter aux ſermēs qu'il auoit fai<sup>c</sup>tz: car il n'eſtoit deliberé de les tenir, non plus qu'il luy auoit tenu le traicté qui auoit eſté fai<sup>c</sup>t deuant Paris, qu'on appelle le traicté de Cōflans, ne celuy qu'il iura à Peronne, & que long temps apres il auoit confermé: & qu'il ſçauoit bien qu'il auoit prins ces deux villes contre ſa foy, & en tēps de paix: p<sup>q</sup>uoy deuoit auoir patiēce qu'en ſemblable façon il leſeuſt recouurees. Et, en tant q<sup>e</sup> touchoit les Comtes de Sainct-Paul, Conneſtable de France, & de Neuers, que le Roy luy auoit abandonnez. il declaroit que nonobſtant qu'il les haiſt, & euſt biē cauſe, ſi vouloit il remettre ces iniures, & les laiſſer en leur entier, ſuppliant au Roy qu'il vouliſt faire le ſemblable de ces deux Ducz, q<sup>e</sup> le Duc de Bourgogne luy auoit abādonez: & qu'il luy pleuſt q<sup>e</sup> chascun veſquiſt en paix & en ſeureté, & en la maniere qu'il auoit eſté iuré & pmis à Cōflans, ou tous eſtoient aſſemblez, en luy declarāt qu'au cas qu'il ne vouliſt aĩſi le faire il ſecourroit ſes alliez, & deuroit deſia eſtre logé en chāp, à l'heure qu'il manderoit ſes paroles. Or autrement en aduint. Ainſi l'hōme propoſe & Dieu diſpoſe: car la mort qui depart toutes choſes, & chāge toutes concluſions,

clusions, en fait venir autre ouurage, comme auez entendu & entendrez. car le Roy ne bailla point ces deux villes: & si eut la Duché de Guyenne, par la mort de son frere, comme raison estoit.

*Comment le Duc de Bourgogne voyant qu'il ne pouuoit se saisir de Beauuais, deuant laquelle il auoit planté son Camp, s'en alla deuant Rouen.*

Chap. 10.

**P**Our retourner à la guerre, dont cy deuant ay parlé, & comme furent traittez vn tas de pauures Francz-Archiers, qui auoyent esté prins dedans Nesle, au partir de là, alla loger le Duc deuant Roye, ou il y auoit quinze cés Francz-Archiers, & vn nombre d'Hommes-d'armes d'Arriereban. Si belle armee n'eut iamais le Duc de Bourgogne que lors. Le lendemain qu'il fut arriué commencerent à auoir paour ces Francz-Archiers, & se ietterent par les murailles, & se vindrent rendre à luy. Le lendemain ceulx, qui estoient encores dedans, composerent, & laisserent cheuaux & harnois, sauf que les Hommes-d'armes en emmenerent chascun vn courtault. Le Duc laissa gens en la ville, & voulut faire desemparer Môdidier: mais, pour l'affection qu'il veit que le peuple de ces Chastellenies luy portoit, il la fait reparer, & y laissa gens. Partant de là fait son compte de tirer en Normandie: mais, passant pres de Beauuais, alla courre monseigneur des Cordes deuant: lequel menoit son Auantgarde. D'entree ilz prindrēt ce faulx-bourg, qui est deuant l'Euesché: & le print vn Bourguignon tresauaricieux, appelé mesire Jaques de Montmartin, qui auoit cent Lances, & trois cens Archiers de l'Ordonnance dudit Duc. Monseigneur des Cordes assaillit d'un autre costé: mais ses eschelles estoient courtes, & n'en auoit gueres. Il auoit deux canons qui tirerent, au trauers de la porte, deux coups seulement, & y firent vn grand trou: & s'il eust eu \* pieces pour cōtinuer, il y fut entré sans doubte: mais il n'estoit poit venu fourny pour tel exploit: parquoy estoit mal pourueu. Dedans n'y auoit que ceulx de la ville au commencement, sauf Loyset de \* Baillygny, qui auoit quelque peu de gens d'Arriereban: lequel estoit Capitaine de la ville: mais cela ne pouuoit sauuer la ville: mais Dieu voulut qu'elle ne se perdist pas ainsi, & en monstra grâdes enseignes. Car ceulx de monseigneur des Cordes cobatoyēt main à main p le trou, qui auoit esté fait en la porte: &, sur cela, mada au Duc de Bourgogne, par plusieurs messagers, qu'il vist, & qu'il pouuoit estre seur que la ville estoit sienne. Ce pendant que ledit Duc mist à venir, quelcun de ceulx de dedans s'aduifa, & apporta des fagotz allumez pour ietter au visage de ceulx qui s'efforçoient à rompre la porte. Tant y en mirēt que le feu se print au portail, & qu'il falut que les assaillans se retirassent, iusques à ce que le feu fust estainct.

Ledit Duc arriua, qui semblablement tenoit la ville prinse, pourueu que ce feu fust estainct, qui estoit tresgrand: car tout le portail estoit en feu. Et, quand ledit Duc eust voulu loger vne partie de l'armee du costé de Paris, la ville n'eust peu eschapper de ses mains: car nul n'y eust peu entrer: mais Dieu voulut qu'il feist doubte là ou il n'y en auoit point. car pour vn petit ruisseau, qui estoit à passer, il fait ceste difficulté. Et depuis qu'il

\* pierres ex-miel.

\* Les fruyans de Cug. Bal-lagny.

y eut largement Gens-d'armes, il le voulut faire. qui eust esté mettre tout son Ost en peril, & à grâd' peine l'en peut on desmouuoir. & fut le vingthuietieme iour de Iuin, l'an mil quatre cens septante deux. Ce feu, dont i'ay parlé, dura tout le iour : & y entrèrent deuers le soir dix Lances d'Ordonnance seulement, comme m'a esté cōpté (car i'estoye encores avec le Duc de Bourgongne) mais ilz ne furent point veuz, pource que chascun estoit empeesché à le loger, & aussi n'y auoit nul de ce costé. A l'aube du iour commença à approcher l'artillerie dudit Duc : & tost apres veismes entrer gés largemēt, au moins enuiron deux cens Hommes-d'armes : & croy que, s'ilz ne fussent venuz, que la ville eust mis peu à foy composer. Mais en la colere ou estoit le Duc de Bourgongne (cōme auez peu entendre cy dessus) il desiroit à la prédre d'assault : & sans doubte, il l'eust bruslee, si ainsi fust aduenu. qui eust esté tresgrand dommage : & me semble qu'elle fut preseruee par vray miracle, & non autrement. Depuis que ces gens y furent entrez, l'artillerie dudit Duc tira cōtinuellement, l'espace de quinze iours ou enuiron : & fut la place aussi bien batue que iamais place fut, & iusques en l'estat d'assaillir. Toutesfois aux fosses y auoit de l'eau : & falut faire vn pont de l'un des deux costez de la porte bruslee : & de l'autre costé de ladicte porte on pouuoit ioindre iusques aux murs, sans danger : sauf d'une seule canonniere, qu'on ne sceut battre, pource qu'elle estoit fort basse.

C'est bien grand peril, & grande folie d'assaillir si grandes gens : & encores, par dessus tout, y estoit le Connestable (comme ie croy) ou logé pres de la ville (ie ne sçay lequel) le Marechal Ioachin, le Marechal de Loheac, monseigneur de Crussol, Guillaume de \* Vallee, Mery de \* Croy, Sallezard, Theuenot de Vignoles, tous anciens, cent Lances pour le moins Hommes-d'armes de l'Ordonnance, & largement Gens-de-pied, & beaucoup de gés de bien, qui se trouuerent avec ces Capitaines. Toutesfois delibera le Duc donner l'assault : mais ce fut tout seul : car ne se trouua de ceste opinion que luy : & le soir, quand il se coucha sur son liēt de camp, vestu comme il auoit acoustumé, ou peu s'en faloit, il demâda à aucuns s'il leur sembloit bien que ceulx de dedans attendissent l'assault. Il luy fut respondu que ouy : veu le grand nôbre de gens qui y estoient, & qu'ilz estoient encores suffisans pour la deffendre \* cōme haye. Il le print en mocquerie, & dist : Vous n'y trouuerez demain personne. A l'aube du iour fut l'assault tresbien assaillly, & treshardiment : & encores mieulx deffendu. Grand nombre de gens passerent par dessus ce pont : & y fut estouffé monseigneur Despiris, vn vieil Cheualier de Bourgongne : qui fut le plus homme de bien qui y mourut. De l'autre costé y en eut qui monterent iusques dessus le mur, mais tous ne reuindrent pas. Ilz combattirent main à main longuement : & fut l'assault assez long. Autres bēdes estoient ordōnees pour assaillir apres les premiers : mais, voyant qu'ilz perdoient leur temps, ledit Duc les feit retirer. Ceulx de dedans ne faillirent point. aussi ilz pouoyent voir largemēt gens prestz à les \* recueillir, s'ilz fussent sailliz. A cest assault mourut enuiron six vingtz hômes. Le plus grâd fut môseigneur Despiris. Aucuns en cuydoyēt beaucoup plus. Il y eut bien mille hommes blecez. La nuit d'apres feirent ceulx de dedans

\* Vallee xx. uel. comme les suuans de Guig.

\* Croy Exauel

\* Ces deux motz s'entendent au uel Exauel.

\* reculer xx. uel.

dedans vne faillie: mais ilz estoient peu de gens: & la pluspart estoient à cheual, qui se mirent par le cordail des pauillons. Ilz ne feirent rien de leur profit: & perdirēt deux ou trois Gentilz-hommes. Ilz blecerent vn fort homme de bien, nommé mesire laques d'Orson, maistre de l'artillerie dudit Duc: qui peu de iours apres mourut de ladicte bleceure.

Sept ou huiēt iours apres cest assault, voulut lediēt Duc aller loger à la porte vers Paris: & departit son Ost en deux. Il ne trouua nul de cest opiniō: veu les gens qui estoient dedans. C'estoit au commencement qu'il le deuoit faire: car à ceste heure n'en estoit pas temps. Voyant qu'il n'y auoit autre remede, il se leua, & en bel ordre. Il l'attendoit bie que ceulx de dedans faillissent asprement, & par ce moyen leur porter quelque dommage: toutesfois ilz ne faillirent point. Il print de là son chemin en Normandie: pource qu'il auoit promis au Duc de Bretaigne aller iusques deuant Rouen: lequel auoit promis de s'y trouuer: mais il changea propos, voyant que le Duc de Guyenne estoit mort: & ne bougea de son païs. Lediēt Duc de Bourgongne vint deuant Eu: qui luy fut rendue, & Saint-Vallery: & feit mettre le feu par tout ce cartier iusques aux portes de Dieppe. Il print le Neuf-chastel, & le feit brulser, & tout le païs de Caux, ou la pluspart, iusques aux portes de Rouen: & tira en personne iusques deuant ladicte ville de Rouen. Il perdoit souuent de ses Fourrageurs: & endura son Ost tresgrand faim. puis se retira pour l'yuer, qui estoit venu. Des ce qu'il eut le dos tourné, ceulx du Roy reprindrent Eu & Saint-Vallery: & eurent pour prisonniers sept ou huiēt de ceulx qui estoient dedans, par les compositions.

*Comment le Roy feit appointemens avec le Duc de Bretaigne, & trefues avec le Duc de Bourgongne: & comment le Comte de Saint-Paul eschapa pour lors vne machination faicte contre luy par ces deux grans Princes. Chap. II.*

**E**Nuiron ce tēps ie vins au seruice du Roy (& fut l'an mil quatre cens septante & deux) lequel auoit recueilly des seruiteurs de son frere le Duc de Guyenne la plus grande part: & estoit au pont de See, là où il s'estoit tiré contre le Duc de Bretaigne, & luy faisoit guerre, & là vindrent deuers luy aucuns Ambassadeurs de Bretaigne: & ausi y en alloit des siens. Entre les autres y vint Philippe des Essars seruiteur du Duc, & Guil laume de Soubs-plenuille, seruiteur de monseigneur de Lescut: lequel seigneur de Lescut s'estoit retiré en Bretaigne, quand il veit son maistre le Duc de Guyenne pres de la mort: & partit de Bordeaux, & se mit sur la mer, craignant de tomber entre les mains du Roy. Parquoy partit de honne heure: & emmena quand & luy le cōfesseur du Duc de Guyenne, & vn Escuyer d'Escuyrie, aux-quels on imputoit la mort du Duc de Guyēne: lesquelz ont esté prisonniers en Bretaigne par longues annees. Vn peu durerent ces allees & venues de Bretaigne: & à la fin se delibera le Roy d'auoir paix de ce costé, & de tant donner audiēt seigneur de Lescut qu'il le retireroit son seruiteur, & luy osteroit l'enuie de luy pourchacer mal, pour autant qu'il n'y auoit ne sens ne vertu en Bretaigne que ce qui procedoit de luy: mais vn si puissant Duc

*En quel temps l'auteur vint au seruice du Roy.*

manié par vn tel homme estoit à craindre: &, mais qu'il eust fait avec luy, les Bretons tascheroient à viure en paix. Et, à la verité, la generalité du pais ne quier iamais autre chose: car tousiours y en a en ce Royaume de bié traité & honorez: & ilz y ont bié seruy le temps passé. Aussi ie trouue ce traité, que nostre Roy feit, tressage, combien qu'aucuns le blasmoient, qui ne consideroyent point si auant que luy. Il eut bon iugement de la personne du Seigneur de Lescut, disant qu'il ne viendrait nul peril de luy mettre entre ses mains ce qu'il y mit: & l'estimoit homme d'honneur, & que iamais, durant ces diuisions passées, il n'auoit voulu auoir intelligence avec les Anglois, ne consentir que les places de Normandie leur fussent baillees. qui fut cause de tout le bien qu'il eut: car cela ne tint qu'à luy seul. Pour toutes ces raisons il dist audié de Soubz-plenuille qu'il mist par escript tout ce q' ledi& Seigneur de Lescut, son maistre, demandoit, tant pour le Duc que pour luy. ce qu'il feit: & tout luy accorda nostre Roy. Et furent ses demandes quatre vingtz mille francs de pension pour le Duc. Pour son maistre six mille francs de pension, \* La moytié de Guyéne, les deux Seneschauces de \* Vânes & de Bordeloy, la Capitainerie de l'un des Chasteaux de Bordeaux, la Capitainerie de Blaye, des deux Chasteaux de Bayonne, de Dax & de Saint-Seuer, & vingt & quatre mille escus d'or content, & l'ordre du Roy, & la Comté de Cōminges. Tout fut accordé & accomply, sauf que de la pension du Duc, ne se payoit que la moytié: & dura deux ans. D'auantage dōna le Roy audié de Soubz-plenuille six mille escus. l'entends cest argēt content, tant de luy que de son maistre, payé en quatre annees. Et ledi& de Soubz-plenuille eut douze cens francs de pension, Maire de Bayonne, Baillif de Montargis, & d'autres petis estatz en Guyenne. Le tout dura à son maistre & à luy iusques au trespas du Roy. Philippe des Essars fut Baillif de Meaulx, Maistre des eaues & des forestz de la France, douze cens francs de pension, & quatre mille escus. Depuis ce temps, iusques au trespas du Roy nostre maistre, leur ont duré ces estatz: & aussi monseigneur de Comminges luy est tousiours demouré bon & loyal seruiteur.

\* Le Gouver  
nement de  
niel exempl.  
Or mientz à  
mon aduis.

\* Le uicel xxi.  
dit Launes  
ou Lannes,  
qui est une des  
trois seurschau  
cles de Guyen  
ne et Anual.  
d'Aquit.

\* bout L'arm.  
niel.

Tantost apres que le Roy eut appaisé ce \* Duc de Bretagne, il se tira vers la Picardie. Tousiours auoyēt de coustume le Roy & le Duc de Bourgōgne, incontinent que l'uy venoit, de faire trefues pour six mois, ou pour vn an, ou plus. Ainſi, en ensuyuant leur coustume, en firent vne: & la vint faire le Châclier de Bourgongne, & autres en sa compaignie. Là fut môstré la paix finale que le Roy auoit avec le Duc de Bretagne: par laquelle ledi& Duc renonçoit à l'alliance qu'il auoit faicte avec les Anglois, & Duc de Bourgongne: & pource vouloit le Roy que les Ambassadeurs du Duc de Bourgōgne ne le nômassent point au nombre de leurs alliez. A quoy ne voulurent entendre: & disoyēt qu'il seroit à son chois de se declarer de la partie du Roy ou de la leur, dedans le temps acoustumé: & disoyent qu'autresfois les auoit ledi& Duc de Bretagne abandonnez par lettres: mais que partant ne s'estoit point departy de leur amitié. Ilz tenoyent le Duc de Bretagne pour Prince manié par autre sens que par le sien: mais qu'il se reuenoit tousiours à la fin à ce qui luy estoit plus necessaire. Et fut l'an septante & trois.

En menant ce traicté on murmuroit des deux costez contre le Comte de Saint-Paul, Conneſtable de France: & l'auoit le Roy prins à grand' haine, & les plus prochains de luy ſemblablement. Le Duc de Bourgongne le haïſſoit encores plus: & en auoit meilleure cauſe (car ie ſuis informé à la verité des raiſons des deux costez) & n'auoit point oublié lediſt Duc que le Conneſtable auoit eſté occaſion de la prinſe d'Amyens & de Saint-Quentin: & luy ſembloit qu'il eſtoit cauſe & vraye nourrice de ceſte guerre, qui eſtoit entre le Roy & luy. car, en temps de trefues, luy tenoit les meilleures paroles du monde: mais, des ce que le debat commençoit, il luy eſtoit ennemy capital: & le Comte l'auoit voulu cōtraindre à marier ſa fille, cōme auez veu cy deuant. Encores y auoit vne autre pique: car, durât que lediſt Duc eſtoit deuât Amyens, lediſt Conneſtable ſeit vne courſe en Haynault: & entre les autres exploiēt qz'il ſeit, il brulſa vn chasteau, nommé Seure, qui eſtoit à vn Cheualier, nommé meſire Baudouyn de Launay. Pour le temps de lors on n'auoit poit acouſtumé de mettre feu, ne d'un coſté ne d'autre: & prit le Duc ſon occaſiō ſur cela des feuz qu'il mettoit, & qu'il auoit en ceſte ſaiſon mis. Ainſi ſe commença à pratiquer la maniere de deffaire lediſt Conneſtable: & du coſté du Roy en furent ouuertes quelques paroles, par gens qui ſ'adreſſoyent à ceulx, qui eſtoient ennemis dudiſt Conneſtable, eſtans au ſeruice dudiſt Duc: & n'auoyent point moins de ſuſpicion ſur lediſt Cōneſtable que lediſt Duc: & chaſcun le diſoit occaſion de la guerre: & ſe commencerēt à deſcouurir toutes paroles & tous traictēz, menez par luy, tant d'un coſté que d'autre: & mettoient auant ſa deſtruction.

Quelcun pourra demander cy apres ſi le Roy ne l'eust ſceu faire ſeul. Aquoy ie reſponds que non: car il eſtoit aſſis iuſtement entre le Roy & le Duc. Il tenoit Saint-Quentin en Vermandois, groſſe ville & forte. Il auoit Han & Bohain, & autres trefortes places ſiēnes, toutes pres dudiſt Saint-Quentin: & y pouuoit mettre gens à toute heure, & de tel païs qu'il luy plaiſoit. Il auoit du Roy quatre cens Hommes-d'armes, bien payez: dont luy meſmes eſtoit cōmiſſaire, & en faiſoit la monſtre. Sur quoy il pouuoit pratiquer grand argēt: car il ne tenoit point le nombre. Oultre il auoit d'eſtat ordinaire quarante cinq mille \* Florins: & ſi prenoit vn eſcu pour pipe de vin qui paſſoit parmy ſes limites, pour aller en Flandres ou en Haynault: & ſi auoit de trefgrandes Seigneuries ſiēnes, & grandes intelligēces au royaume de France: & auſſi au païs dudiſt Duc, ou il eſtoit fort apparenté.

Toute ceſte année que dura ceſte trefue, ſ'entretenoit ceſte marchandie: & ſ'adreſſoyent ceulx du Roy à vn Cheualier dudiſt Duc, appelé monſieur d'Hymberecourt (dont aillicurs auez ouy parler en ce liure) lequel de long temps haïſſoit trefort lediſt Conneſtable: & la haine eſtoit renouvellee n'y auoit gueres. car en vne aſſemblee, qui ſ'eſtoit tenue à Roye, ou lediſt Conneſtable & autres eſtoient pour le Roy, le Chancelier de Bourgongne, le ſeigneur d'Hymberecourt, & autres, pour lediſt Duc, en parlāt de leurs matieres enſemble, le Conneſtable deſmentit vilainement lediſt ſeigneur de Hymberecourt. Aquoy ne ſeit autre reſponce \* ſinon qu'il n'attribuoit point ceſte iniure à luy, mais au Roy, à la ſeureté duquel il eſtoit venu là pour Am-

\* Frances  
Rempauel.

\* l'ex. auel dit  
ſinō que, ſ'il  
enduroit ceſte  
iniure, il  
n'attribuait  
poit ceſt hō-  
neur à luy.



basfateur : & auffi à fon maiftre, duquel il reprezentoit la perfonne : & qu'il luy en feroit rapport. Cefte feule vilenie & oultrage, bien toft diète, coufta depuis la vie audict Conneftable, & fes biens perdus, comme vous orrez cy apres. Et pource ceulx, qui font aux grandes auctoritez, & les Princes, doyuent beaucoup craindre à faire, ne dire telz oultrages, & regarder à qui ilz les dient: car, de tant qu'ilz font plus grans, portent les oultrages plus grand defplairir & dueil : car il femble aux oultragez qu'ilz en feront plus notez, pour la grandeur & auctorité du perfonnage qui les oultrage : & , s'il eft leur maiftre ou leur Seigneur, ilz en font defefperez d'auoir honneur ne bien de luy : & plus de gens feruent pour l'efperance des biens aduenir, que pour les biens qu'ilz ont ia receuz.

1474 Pour reuenir à mon ppos, on s'adreffoit tousiours audict feigneur d'Hymbercourt, & audict Châcelier, pource qu'il auoit eu quelque part à ces parolles diètes à Roye : & auffi il eftoit fort amy dudit feigneur d'Hymbercourt: & tâtoit de demena cefte matiere qu'on tint vne iournee à Bouuines, qui eft pres de Namur, fur ce propos : & y eftoyent pour le Roy le feigneur de Courton, Gouverneur de Lymofin, & maiftre Jehan Heberge, depuis Euefque d'Eureux : & pour ledict Duc de Bourgongne y eftoyent le Chancelier, dont i'ay parlé, & ledict feigneur d'Hymbercourt, & fut en l'an feptante & quatre.

Ledit Conneftable fut aduertie que l'on y marchandoit à fes despens : & fait grand diligence d'enuoyer vers ces deux Princes. A chascun donnoit à congnoiftre qu'il entendoit le tout : & fait tant, pour cefte fois, qu'il mit en fufpition au Roy que ledict Duc le vouloit tromper, & tirer ledict Cónestable des fiens. Et pource, à grand diligence, enuoya le Roy deuers fes Ambafadeurs, eftans à Bouuines, leur mandant ne conclure rien contre ledict Cónestable, pour les raifons qu'il leur diroit, mais qu'ilz allongeaffent la trefue, felon leur inftruction, qui fut d'un an ou fix mois. ie ne fçay lequel. Comme le meffager arriua, il trouua que tout eftoit ia cõclu, & les feellez baillez des le foir de deuant: mais les Ambafadeurs s'entr'entendoyent fi bien, & eftoyent fi bons ains qu'ilz rendirent lefdictz feellez : qui contenoient q ledict Conneftable eftoit pour les raifons, qu'ilz difoyent, declaré ennemy & crimineux vers tous les deux Princes: & promettoient, & iuroient l'un à l'autre q le premier des deux, qui luy pourroit mettre la main deffus, le feroit mourir dedãs huit iours apres, ou le bailleroit à fon compaignon pour en faire à fon plaifir : \* & à fon de trompe il feroit declaré ennemy des deux Princes & parties, & tous ceulx qui le feruiroyent & porteroient faueur ny ayde. Et d'auantage promettoit le Roy bailler audict Duc la ville de Saint-Quentin, dõt assez a esté parlé : & luy donoit tout l'argët, & autres meubles dudit Conneftable, qui fe pourroyent trouuer dedãs le Royaume, avec toutes Seigneuries tenãs dudit Duc : & , entre les autres, luy donna Han & Bohain (qui font places treffortes) & , à vn iour nommé, deuoyent le Roy & le Duc auoir leurs Gens d'armes deuant Han, & affieger ledict Conneftable. Toutesfois, pour les raifons que ie vous ay diètes, fut rompue cefte cõclufion: & fut entreprinfe vne iournee & lieu, ou ledict Cónestable fe deuoit trouuer, pour pouuoir parler au Roy en bonne feureté: car il doubtoit de fa perfonne, comme celuy qui

\* ou à fon  
Exemplaire.

ſçauoit toute la tœclufion qui auoit eſté prinſe à Bouuines. Le lieu fut à trois lieues de Noyon, tirât vers la Fere, ſur vne petite riuiera, & auoyent du coſté dudiſt Cōneſtable releué les guez. Sur vne chaulſſee, qui y eſtoit, fut fait vne forte barriere. Lediſt Cōneſtable y eſtoit le premier: & avec luy tous ſes Gēs-d'armes, ou peu ſ'en faloit. car il auoit trois cens Gentilz-hommes d'armes paſſez: & auoit ſa cuyrace ſoubz vne robbe deſceinte. Avec le Roy y auoit bien ſix cens Hommes-d'armes: & entre les autres y eſtoit monſeigneur de Dampmartin Grand-Maiſtre d'hoſtel de France: lequel eſtoit ennemy capital dudiſt Cōneſtable. Le Roy m'enuoya deuant faire excuſe audiſt Cōneſtable de quoy il l'auoit tant fait attēdre. Toſt apres il vint: & parlerent enſemble: & eſtoyent cinq ou ſix preſens de ceulx du Roy, & des ſiens auſſi. Lediſt Cōneſtable ſ'excufa de quoy il eſtoit venu en armes, diſant l'auoir fait pour crainte dudiſt Comte de Dampmartin. Il fut diſt, en eſſect, que toutes choſes paſſees ſeroyēt oubliées, & que iamais ne ſ'en parleroit: & paſſa lediſt Cōneſtable du coſté du Roy: & fut fait l'appointement du Comte de Dampmartin & de luy: & vint au giſte avec le Roy à Noyon: & puis le lendemain ſ'en retourna à Saint-Quentin, bien reconcilié, comme il diſoit. Quand le Roy eut bien penſé & ouy le murmure des gens, il luy ſembla folie d'auoir eſté parler à ſon ſeruiteur, & auoir ainſi trouué vne barriere fermee au deuant de luy, & accompagné de Gens-d'armes, tous ſes ſubiectz, & payez à ſes deſpens: & ſi la haine y auoit eſté parauant grande, elle l'eſtoit encores plus: & du coſté du Cōneſtable, le cœur ne luy eſtoit point appetiſé.

*Digreſſion, fort bien appropriée en ce lieu, ſur la ſageſſe du Roy & du Cōneſtable, avec bons aduertiffemens pour ceulx qui ſont en authorité enuers leurs Princes.* Chap. 12.



Bien prendre le faiſt du Roy, il luy procedoit de grand ſens de faire ce qu'il en feit: car ie croy que lediſt Cōneſtable euſt eſté receu dudiſt Duc de Bourgogne, en luy baillant Saint-Quentin, quelques promeſſes qu'il y euſt eu au contraire: mais, pour vn ſi ſage Seigneur, comme eſtoit ce Cōneſtable, il prenoit mal ſon faiſt, ou Dieu luy oſtoit la congnoiſſance de ce qu'il auoit à faire, de ſe trouuer en telle ſorte, ainſi deſguiſé, au deuant de ſon Roy & de ſon maiſtre, & à qui eſtoyent tous ces Gens-d'armes, dont il ſ'accompaignoit. Et auſſi il ſembloit bien à ſon viſaige qu'il en fuſt eſtonné & eſbahy: &, quād il ſe trouua en ſa perſonne, & qu'il n'y auoit qu'une petite barriere entre deux, il ne tarda gueres qu'il ne la feiſt ouurir: & paſſa du coſté du Roy. Il fut ce iour en grand danger.

Ie ſay mon compte que luy, & aucuns de ſes priuez, eſtimoyent ceſte œuure, & tenoyent à louange de quoy le Roy les craignoit, & tenoyent le Roy pour homme craintif: & eſtoit vray que par temps il l'eſtoit: mais il falloit biē qu'il y euſt cauſe. Il ſ'eſtoit deſmeſſé de grandes guerres qu'il auoit eues cōtre les Seigneurs de ſon royaume, par largemēt donner, & encores plus promettre: & congnoiſſoit lors qu'il auoit erré en beaucoup de paſſages. Il a

\* & ne vouloit rien hazarder, ſ'il pouoit trouuer autres voyes à ſemp. nire.

semblé à beaucoup de gens que paour & crainte luy faisoÿt faire ces choses : & s'en sont beaucoup trouuez trompez, ayans ceste imagination, qui s'enhardissoÿent d'entreprendre des folies contre luy, qui estoÿent foiblement appuyez : côme le Côte d'Armignac, & autres, à qui il est mal prins : car il cōgnoissoit bien s'il estoit temps de craindre ou non. Le luy ose bien porter ceste louange (& ne sçay si ie l'ay dit ailleurs : & quand ie l'auroye dit, si vault il bien estre dit deux fois) que iamais ie ne congny si sage homme en aduersité. Pour continuer mon propos de monseigneur le Connestable, qui par auenture desiroit que le Roy le craignist (au moins ie le cuide : car ie ne le voudroye pas charger, & n'en parle sinó pour aduertir ceulx, qui sont au seruice des grans Princes, qui n'entendent pas tous d'une sorte les affaires de ce monde) ie conseilloye à vn mien amy, si ie l'auoye, qu'il mist peine que son maistre l'aymast : mais non pas qu'il le craignist : car ie ne vey onques homme ayant grand' authorité avec son Seigneur, par le moyen de le tenir en crainte, à qui il n'en mescheust, & du consentement de son maistre mesmes. Il s'en est veu assez de nostre temps, ou peu deuant, en ce Royaume, comme monseigneur de la Trimouille & autres. Au païs d'Angleterre le Côte de Vuaruyc, & toute sa sequelle. l'en nommeroye en Espagne, & ailleurs, mais par auenture q̄ ceulx, qui verront cest article, le sçauent mieulx que moy. Et aduenient tressouuent que ceste audace vient d'auoir bien seruy, & qu'il semble à ceulx, qui en vsent, q̄ leurs merites sont telz q̄ l'on doit beaucoup endurer de eulx, & qu'on ne s'en peut passer. Mais les Princes, au cōtraire, sont d'opinion qu'on est tenu à les bien seruir : & le tiennent bien en leur dict : & ne desirent qu'à se despeschier de ceulx qui les rudoyēt. Encores en ce pas me fault alleguer nostre maistre en deux choses, qui vne fois me dist, parlāt de ceulx qui font grand seruice (& m'en allegua son autheur, & de qui il le tenoit) q̄ auoir trop bien seruy pert aucunes fois les gens, & que le plus souuent les grands seruices sont recompensēz par grande ingratitude : mais qu'il peut ausi bien aduenir par le deffault de ceulx qui ont fait lesdictz seruices, qui trop arrogamment veulent vser de leur bonne fortune, tant enueis leurs maistres que leurs compaignons, comme de la mescōgnoissance du Prince. Me dist d'auantage qu'à son aduis, pour auoir biens en court, c'est plus grand heur à vn homme, quād le Prince, qu'il sert, luy a fait quelque grād bien, à peu de deserte, parquoy il luy demeure fort obligé, que ce ne seroit s'il luy auoit fait si grand seruice que ledict Prince luy en fust tresfort obligé : & qu'il ayme plus naturellement ceulx, qui luy sont tenus, qu'il ne fait ceulx à qui il tenu. Ain-si en tous estatx y a bien à faire à viure en ce monde : & fait Dieu grand' grace à ceulx à qui il dōne bon sens naturel. Ceste veue du Roy & de monsieur le Connestable, fut l'an mil quatre cens septante & quatre.

\* N. de la Trimouille  
Balme ?

# Quatrieme liure des Memoires du

SEIGNEVR D'ARGENTON, SVR LES PRINCIPALX FAICTZ & gestes de Louis, onzieme de ce nom, Roy de France.

*Comment le Duc de Bourgongne, s'estant saisi de la Duché de Gueldres, eut enue d'entreprendre plus oultre sur les Alemaignes: Et comment il mit le siege deuant la ville de Nuz. Chap. 1.*



En la saison de ceste veue, côme il me semble, le Duc de Bourgongne estoit allé prendre le pais de Gueldres, fondé sur vne querelle, qui est digne d'estre racomptee, pour voir les œuures & la puissance de Dieu. Il y auoit vn ieune Duc de Gueldres, appelé Adolff: lequel auoit pour sœur vne des filles de Bourbô, leur de mōseigneur de Bourbô \* pere, qui regne auourd'huy: & l'auoit espousee en ceste maison de Bourgongne: & pour ceste cause en auoit quelques faueurs. Il auoit cōmis vn eas tref horrible: car il auoit pris son pere prisonnier, à vn soir, cōe il se vouloit aller coucher, & mené cinq lieues d'Alemaigne à pied, sans chausses, par vn tēps trefroid: & le mit au fōd d'une tour, ou il n'y auoit nulle clarté, que par vne biē petite lucarne: & là le tint six mois: dōt fut grād' guerre entre le Duc de Cleues (dōt lediēt Duc prisonnier auoit espoulé la sœur) & ce ieune Duc Adolff. Le Duc de Bourgongne plusieurs fois les vouloit appointer: mais il ne peut. Le Pape & l'Empereur, à la fin, y mirent fort la main: & sur grādes peines, fut commandé audiēt Duc de Bourgōgne de tirer lediēt Duc Arnoul hors de prison. Ainsi le feit: car le ieune Duc n'osa denier de luy bailler: pource qu'il voyoit tāt de gens de biē qui s'en empeschoyēt: & si craignoit la force dudiēt Duc. Le les vey tous deux en la chābre du Duc de Bourgōgne par plusieurs fois, & en grāde assemblee de cōseil, ou ilz playdoyoyēt leurs causes: & vey le bō hōe vieil presenter le gage de bataille à son filz. Le Duc de Bourgōgne desiroit fort les appointer: & fauorissoit le ieune: \* & luy offroit le tiltre de Gouverneur en Bourgongne. Le pais de Gueldres luy demoureroit avec tout le reuenu, sauf vne petite ville, assise aupres de Brabā (qui a nō Graue) qui deuoit demourer au pere, avec le reuenu de trois mille Florins & autāt de pēsō. Ainsi le tout luy eust valu six mille Florins, avec le tiltre de Duc, cōme raison estoit. Avec d'autres plus sages ie fu cōmis à porter ceste parole à ce ieune Duc: lequel feit respōce qu'il aymeroit mieulx auoir iectē son pere, la teste deuant, en vn puis, & de s'estre iectē apres, q d'auoir fait cest appointemēt: & qu'il y auoit quarante & quatre ans q son pere estoit Duc, & qu'il estoit bien tēps qu'il le fust: mais trefvolontiers il luy laisseroit trois mille Florins par an, par condition qu'il n'entreroit iamais dedans la Duché: & assez d'autres paroles trefmal sages. Cecy aduint iustemēt cōme le Roy print Amyens sur le Duc de Bourgōgne: lequel estoit avec ces deux (dōt ie parle) à Dourlās: ou il se trouuoit trefempeschē: & partit soubdainemēt pour le retirer à Hedī: & oublia ceste matiere. Et ce ieune Duc print vn habillement de François, & partit luy deuxieme seulement, pour se retirer en son pais. En passant vn port, aupres de Namur, il paya vn Florin

\* Pierre  
Exemp. mēl.

\* Le vieil Ex.  
& fut offert  
au ieune: que  
le tiltre de  
gouverneur,  
ou Mem-  
bourg, du  
pais luy de-  
moureroit.

pour son passage. Vn prestre le veit, qui en print suspitiõ, & en parla au passager: & regarda au visage celuy, qui auoit payé ledict Florin, & le congnoist: & là fut prins & amené à Namur: & y est demeuré prisonnier, iusques au trespas du Duc de Bourgogne q̃ les Gandois le mirét dehors: & auoyēt vouloir luy faire espouser celle, qui depuis a esté Duchesse d'Austriche, p̃ force: & le menerent avec eulx deuant Tournay: ou il fut tué meschammēt, & mal accompagnē: cōme si Dieu n'eust pas esté saoul de venger cest oultrage, qu'il auoit faict à son pere. Le pere estoit mort auāt le trespas du Duc de Bourgogne, estant encores son filz en prison: & à son trespas laissa au Duc de Bourgogne sa succession, à cause de l'ingratitude de son filz: & sur ceste querelle cōquist le Duc de Bourgogne, au tēps que ie dy, la Duché de Gueldres: ou il trouua resistēce: mais il estoit puissant, & en trefue avec le Roy: & la posseda iusques à la mort: & encores la possede auourd' huy ce qui est descendu de luy, & tāt qu'il plaira à Dieu. Et, cōme i'ay dit au cōmencement, ie n'ay cōpté cecy que pour monstrier q̃ telles cruaultez, & telz maulx ne demeurēt point impunis.

Le Duc de Bourgogne estoit retourné en son païs, & auoit le cœur trefeue pour ceste Duché, qu'il auoit ioincte à sa crosse: & trouua goust en ces choses d'Alemaigne: pource que l'Empereur estoit de trespetit cœur, & enduroit toutes choses pour ne despēdre rien: & aussi de soy, sans l'aide des autres Seigneurs d'Alemaigne, ne pouuoit il pas grand' chose. Parquoy ledict Duc r'alōgea sa trefue avec le Roy: & sembla à aucuns des seruiteurs du Roy que ledict Seigneur ne deuoit point r'alonger sa trefue, ne laisser venir audict Duc si grand bien. Bon sens leur faisoit dire cela: mais par faulte d'experience & d'auoir yeu, ilz n'entendoyēt point ceste matiere. Il y en eut quelques autres, mieulx entendans ce cas qu'eulx, & qui auoyent plus grande cōnoissance, pour auoir esté sur les lieux, qui dirent au Roy q̃ hardimēt print ceste trefue, & qu'il souffrist audict Duc l'aller heurter cōtre les Alemaignes (qui est chose si grāde & si puissante qu'il est presque incroyable) disans que, quād ledict Duc auoit prins vne place, ou niené à fin vne querelle, il en entreprendroit vne autre, & qu'il n'estoit pas hōme pour iamais se faouler d'une entreprinse (en quoy il estoit l'opposite au Roy: car plus il estoit embrouillé & plus s'embrouilloit) & q̃ mieulx ne se pourroit véger de luy q̃ de le laisser faire: & auāt luy faire vn petit d'aide, & ne luy donner nulle suspicion de luy rompre ceste trefue. Car à la grandeur d'Alemaigne, & à la puissance, qui y est, n'estoit pas possible q̃ tost ne se consummast, & ne se perdist de tous pointz. Car les Princes de l'Empire, encores que l'Empereur fust homme de peu de vertus, y doneroient ordre: & à la fin finale audict Seigneur en aduint ainsi.

À la querelle des deux pretendās à l'Euesché de Coulōgne, dōt l'un estoit frere de Lanthgraue de Hessen, & l'autre parent du Côte Palatin du Rin, ledict Duc de Bourgogne teint le party dudiēt Palati, & entreprint de le mettre par force en ceste dignité, esperāt en auoir quelques places: & mit le siege deuant Nuz, pres Coulongne, l'an mille quatre cens seprāte & quatre. Il mit tant de choses en son imagination, & si grandes, qu'il demeura soubz le fais. Car il vouloit en ceste saison propre faire passer le Roy Edouard d'Angleterre (lequel auoit grāde armee prestē, à la poursuite dudiēt Duc) & acheuer ce-

ste entre-

ste entreprinſe d'Alemaigne: qui eſtoit, ſ'il euſt prins Nuz, la garnir bien, & vne autre place ou deux, au deſſus de Coulongne: pourquoy ladiſte cité de Coulongne diroit le mot: & que par tant il môtéroit contremont le Rin iuſques à la Côte de Ferrette, qu'il tenoit lors: & ainſi tout le Rin ſeroit ſien iuſques en Hollâde, ou il fine, & ou il ya plus de fortes villes & chasteaux qu'en nul royaume de la Chreſtienté, ſi ce n'eſt en France. La trefue, qu'il auoit avec le Roy, auoit eſté alongee de ſix moys, & deſia la plus part eſtoyēt paſſiez. Le Roy ſollicitoit fort de l'alóger, & qu'il feir à ſon aise en Alemaigne. Ce q̄ lediſt Duc ne voulut faire, pour la promeſſe qu'il auoit faiſte aux Angloys.

Je me paſſaſſe biē de parler de ce faiſt de Nuz, pource q̄ ce n'eſt pas le train de ma matiere (car ie n'y eſtoye pas) mais ie ſuis forcé d'en parler pour les matieres qui en depēdēt. Dedās la ville de Nuz, laquelle eſt trefſorte, ſ'eſtoyēt mis le Lanthgraue de Heſſen, & pluſieurs de ſes parēs & amis, iuſques au nôbre de dixhuiſt cens hommes-de-cheual, comme il m'a eſté dict, & trefgens de bien (& auſſi ilz le monſtrèrent) & de Gens-de-pied ce qui leur en faiſoit beſoing. Lediſt Lanthgraue, comme nous auons dit, eſtoit frere de l'Eueſque, qui auoit eſté eſleu, & qui eſtoit la partie aduerſe de celui que ſoute-noit le Duc de Bourgongne. Et ainſi le Duc de Bourgongne mit le ſiege deuant Nuz l'an mil quatre cens ſeptante & quatre.

Il auoit la plus belle armee qu'il eut iamais, & ſpecialement pour gens-de-cheual: car, pour aucunes fins qu'il pretendoit es Italies, il auoit retiré q̄lques mille Hômes-d'armes Italiēs, que bōs que mauuais. Il auoit pour Chef d'entr'eulx vn, appelé le Côte de Campobache, du royaume de Naples, partiſan de la maiſon d'Aniou, hōe de trefmauuaie ſoy, & trefperilleux. Il auoit auſſi Iaques Galeot, Gentil-hōme de Naples trefhōme de bien, & pluſieurs autres que ie paſſe pour brieueté. Semblablement auoit bien le nôbre de trois mille Angloys, trefgens de bien, & de ſes ſubieſtz en trefgrād nôbre, bien môtēz & bien armez, & qui ia long temps auoyent exercé le faiſt de la guerre, & vne trefgrāde & puiſſante artillerie. Et tout ceey auoit il tenu preſt, pour ſe ioin-dre avec les Angloys à leur venue: leſquelz faiſoyēt toute diligence en Angleterre. Mais les choſes y ſont longues: car le Roy ne peut entreprēdre vne telle œuvre, ſans aſſembler ſon Parlemēt, qui vault autant comme les trois Eſtatz, & qui eſt choſe iuſte & ſaincte, & en ſont les Roys plus fortz & mieulx ſeruis, quand ainſi ſe ſont en ſemblables matieres: car l'yſſue volontiers n'en eſt pas brieue. Quand les Eſtatz ſont aſſemblez, il declare ſon intention, & demande aide ſur ſes ſubieſtz: car il ne ſe lieue nul aide en Angleterre, ſi ce n'eſt pour paſſer en France, ou aller en Eſcoſſe, ou en fraiz ſemblables: & trefvolontiers, & bien liberalement, ilz les ottroyēt, & ſpecialienient pour paſſer en France. Et eſt bien vne pratique q̄ ces Roys d'Angleterre ſont, quād ilz veulent amaſſer argent, que faire ſemblant d'aller en Eſcoſſe ou en France, & faire armees: & pour leuer grād argēt, ilz ſont vn payement de trois moys, & puis rōpent leur armee, & ſ'en retournent à l'hoſtel, & ilz ont receu l'argent pour vn an. Et eſtoit ce Roy Edouard tout plein de ceſte pratique, & ſouuent le feir.

Ceſte armee d'Angleterre mit bien vn an à eſtre preſte: & le feir ſçaſoir à monſieur de Bourgongne: leq̄l, au cōmencement de l'Eſté, eſtoit allé iuſques deuant Nuz: & luy ſembla qu'en peu de iours il auroit mis ſon hōme en

\* & qui le  
trouueroit si  
ses Ex. mcs.

possession, & qu'il luy pourroit demourer aucunes places, comme Nuz & autres, pour paruenir aux fins que vous ay dictes. L'estime q̄ cecy vint de Dieu qui tegarda en pitié ce Royaume: car ce Duc estoit pour y faire grand domage, ayant l'armee telle qu'il auoit, & gens tous acoustumez par plusieurs années à tenir les chāps par ce Royaume, sans ce q̄ nul luy presentait bataille, ou se trouuaist aux champs en puissance contre luy, si ce n'estoit en gardāt les villes. Mais bien est vray que cela procedoit du Roy, qui ne vouloit riens mettre en hazat: & ne le faisoit pas seulement pour la craite du Duc de Bourgogne: mais pour doubte des desobeissances, qui pourroyēt aduenir en ce Royaume, s'il aduenoit qu'il perdist vne bataille: car il estimoit n'estre pas bien de tous ses subiectz, & par especial des grās. Et, si i'osoye tout dire, il m'a maintesfois dit qu'il congnoissoit bien ses subiectz, \* & qu'il les trouueroit bien, si ses besongnes se portoyent mal. Et pource, quand le Duc de Bourgogne entroit, il ne faisoit que fort biē garnir les places, au deuant de luy: & ainsi en peu de tēps, l'armee du Duc de Bourgogne se deffaisoit d'elle mesmes, sans ce que le Roy mist son estat en peril aucū. qui me sembloit proceder par grand sens. Toutesfois ayant le Duc la puissance telle, q̄ vous ay dictē, si l'armee du Roy d'Angleterre fust venue au fin commencement de la saison, cōme elle eust fait, sans nul doubte, n'eust esté l'erreur du Duc de Bourgogne de se mettre si obstineemēt deuant Nuz, il ne fault pas doubter q̄ ce Royaume eust porté de trefgrans affaires. Car iamais Roy d'Angleterre ne passa à si puissante armee pour vn coup, q̄ fut ceste cy, dont ie parle, ne si bien disposee pour cōbatre. Tous les grans Seigneurs d'Angleterre y estoient, sans en failir vn. Ilz pouoyent bien estre quinze cens Hommes-d'armes (qui estoit grand chose pour Angloys) tous fort bien en poinct, & bien acompaignez, & quatorze mille Archiers, portans arcz & fiesches, & tous à cheual, & assez autres gēs à pied seruās à leur Ost: & en toute l'armee n'y auoit pas vn Page. En oultre deuoit le Roy d'Angleterre enuoyer trois mille homes descendre en Bretagne, pour se ioindre avec l'armee du Duc: & vey deux lettres, escriptes de la main de mōseigneur d'Vrfé, grand Escuyer de France (qui pour lors estoit seruiteur du Duc de Bretagne) l'une adressante au Roy d'Angleterre, & l'autre à mōseigneur de Hastings, Grand-Chābellan d'Angleterre, qui entre autres paroles disoyent que le Duc de Bretagne feroit plus d'exploict en vn mois, par intelligence, que l'armee des Angloys & celle du Duc de Bourgogne ne feroient en six, quelque force qu'ilz eussent: & croy qu'il disoit vray, si les choses fussēt tirees oultre: mais Dieu, qui tousiours aymē ce royaume, conduisit les choses comme ie diray cy apres. Et les lettres, dont i'ay parlé, furent acheptees d'un Secretaire d'Angleterre, soixante Marcs d'argent par le Roy, à qui Dieu pardoint.

*Comment ceulx de la ville de Nuz furent secourus par les Alemans, & par l'Empereur, contre le Duc de Bourgogne: & des autres ennemys que le Roy luy suscita.* Chap. 2.



Insi, comme ie vous ay dit, estoit le Duc de Bourgogne ia biē empeschē deuant Nuz, & trouua les choses plus dures qu'il ne pēsoit. Ceulx de Coulongne, qui estoient quatre lieues plus hault sur le



Rin, frayerent chascun moys cent mille Florins d'or, pour la crainte qu'ilz auoyent du Duc de Bourgogne: & eulx, & les autres villes au dessus d'eulx, sur le Rin, auoyent desia mis quinze ou seize mille Hommes-de-pied sur les champs: & estoient logez sur le bord de la riuere du Rin, avec grand' artillerie, du costé opposite du Duc de Bourgogne: & tacheoyent à luy rompre les viures, qui venoyent par eue du pais de Gueldres, contreniont la riuere, & à rompre les basteaux à coups de Canon. L'Empereur, & les Princes Electeurs de l'Empire, s'assemblerent sur ceste matiere, & delibererent de faire armee. Le Roy les auoit ia enuoyez solliciter par plusieurs mesfagers. Aussi r'enuoyerent vers luy vn Chanoine de Coulongne, de la maison \* de monseigneur de Bauiere, & vn autre Ambassadeur avecques luy: & apporterent au Roy par roolle l'armee que l'Empereur auoir intention de faire, au cas que le Roy de son costé se voulsist employer. Ilz ne failirent point à auoir bonne responce, & promesse de tout ce qu'ilz demandoient: & d'auantage promettoit le Roy par scelez, tant à l'Empereur qu'à plusieurs des Princes & villes, qu'incontinent que l'Empereur seroit à Coulongne, & mis aux châps, que le Roy enuoyroit ioindre avecques luy vingr mille hommes, soubz la conduicte de monsieur de Cran & de Sallezard. Et ainsi ceste armee d'Alemaigne s'appresta: qui fut merueilleusement grande, & tant qu'elle est presque incroyable. Car tous les Princes d'Alemaigne, tant spirituelz que temporelz, & les Euesques y eurent gens, & toutes les comunautéz, & en grand nombre. Il me fut dict q l'Euesque \* ministre, qui n'est point des grâs, y mena six mille Hommes-de-pied, quatorze cens Hommes-de-cheual, & douze cens Chariotz, & tous yestuz de verd. Il est vray que son Euesché est pres de Nuz. L'Empereur mit bien sept moys à faire l'armee: &, au bout du terme, se vint loger à demye lieue pres du Duc de Bourgogne: & à ce q m'ont cōté plusieurs gens dudit Duc, l'armee du Roy d'Angleterre, ne celle du Duc de Bourgogne ensemble, ne montoyé point plus du tiers q celle dont ie parle: tant en gens qu'en tentes & pauillons. Outre l'armee de l'Empereur estoit ceste armee de l'autre-part de la riuere, vis à vis du Duc de Bourgogne, qui donnoit grand trauail à son ost & à ses viures.

Incontinent que l'Empereur fut deuant Nuz, & ses Princes de l'Empire, enuoyerent deuers le Roy vn Docteur, qui estoit de grand' autorité avec eulx, qui s'appelloit le Docteur \* Hefeuare, qui depuis a esté Cardinal: lequel vint solliciter le Roy de tenir sa promesse, & d'enuoyer les vingt mille hommes, ainsi qu'il auoit promis, ou autrement que les Alemans appointeroyét.

Le Roy luy dōna tresbonne esperance, & luy feit donner quatre cēs escus: & enuoya quand & luy, deuers l'Empereur, vn appelé Iehan Tiercelin, Seigneur \* de la Brosse. Toutesfois ledict Docteur ne s'en alla pas content: & se conduisoýet de merueilleux marchez, durāt ce siege. Car le Roy trauailloit de faire paix avecques le Duc de Bourgogne: ou, quoy que soit, d'allonger la trefue, à fin que les Angloys ne vinsent point. Le Roy d'Angleterre, d'autre costé, trauailloit de toute sa puissance à faire partir le Duc de Bourgogne de deuant Nuz, & qu'il luy vint tenir promesse, & aider à faire la guerre en ce Royaume, disant que la saison se commençoit à perdre: & fut

\* Le uir<sup>l</sup>, ex<sup>l</sup>,  
roye de mon-  
seigneur.

\* de Müllre  
exemp<sup>l</sup> uer<sup>l</sup>.

\* Bescbure  
exemp<sup>l</sup> uer<sup>l</sup>.

Ambassadeur, par deux fois, de ceste matiere, le Seigneur de Scalles, neveu du Connetable, vn tresgentil Cheualier, & plusieurs autres. Le Duc de Bourgongne se trouua obstiné: & luy auoit Dieu troublé le sens & l'entendement: car toute sa vie il auoit trauaillé pour faire passer les Angloys, & à ceste heure, qu'ilz estoient prestz, & toutes choses bien disposees pour eulx, tant en Bretaigne qu'ailleurs, il demouroit obstiné à vne chose impossible de prendre. Auec l'Empereur auoit vn Legat Apostolique, qui chascun iour alloit de l'un Ost à l'autre, pour traicter paix: & semblablement y estoit le Roy de Damnemarc, logé en vne petite ville, pres des deux armées, qui trauailloit pour ladicte paix: & ainsi le Duc de Bourgongne eut bien peu prendre party honorable pour se retirer vers le Roy d'Angleterre. Il ne le sceut faire: & se excusoit enuers les Angloys sur son honneur qu'il seroit foulé, s'il se leuoit, & autres maigres excuses. Car ce n'estoyent pas les Angloys qui auoyent regné du temps de son pere, & aux anciennes guerres de France: mais estoient ceulx cy tous neufz, & ignorâs, quant aux choses de France: parquoy ledict Duc procedoit mal sagement, s'il s'en vouloit aider pour le temps aduenir. Car il eust esté besoing qu'il les eust guidez pas à pas, pour la premiere saison.

Estât le Duc de Bourgongne en ceste obstination, luy sourdit guerre par deux ou trois boutz. L'une fut que le Duc de Lorraine, qui estoit en paix auec luy, \* & encores auoit prins quelques intelligéces apres la mort du Duc Nicolas de Calabre, l'enuoya desfier deuant Nuz, par le \* more de monseigneur de Cran: lequel s'en vouloit aider pour le seruice du Roy: & ne faillit pas à luy promettre qu'on en feroit vn tresgrand homme. Et incontinent se mirent aux champs \* ensemble: & feirent grand dommage en la Duché de Luxembourg, & raserent vne place, appelee Pierre-forte, assise à deux lieues pres de Nancy, qui estoit de la Duché de Luxembourg. D'auantage fut conduit par le Roy, & aucuns de ses seruiteurs, qu'il conuint qu'une alliance fust faicte pour dix ans, entre les Suisses & les villes de dessus le Rin, comme Basle, Strasbourg, & autres, qui parauant auoyent esté en inimitié.

Encores fut faicte vne paix entre le Duc Sigismond d'Austriche & les Suisses, tendant à ceste fin que ledict Duc Sigismond voulüst reprêdre la Comté de Ferrette, laquelle il auoit engagee au Duc de Bourgogne pour la somme de cent mille florins de Rin: & ainsi fut accordé. Il demeura vn different entre luy & les Suisses, qui vouloyent auoir passage, par quatre villes de la Comté de Ferrette, fors & foibles, quand il leur plairoit. Ce poinct fut soumis sur le Roy, qui le iugea à l'intercession des Suisses. Et par ce, qui est cy dessus recité, pouuez entendre les querelles que le Roy fuscitoit secrettement audict Duc de Bourgongne.

Tout ainsi, côme cecy auoit esté cōclu, il fut executé: car en vne belle nuit fut prins messire Pierre Archabault, Gouverneur du pais de Ferrette pour le Duc de Bourgongne, auec huit cēs hommes de guerre qu'il auoit auec luy: lesquels furent tous deliurez francz & quirtes, excepté luy, qui fut mené à Basle, ou ilz luy feirent vn proces sur certains excès & violences, qu'il auoit faictz audict pais de Ferrette: & en fin de cōpte luy trancherent la teste. Or fut mist tout le pais de Ferrette en la main dudit Duc Sigismód d'Austriche:

& c om-

\* Depuis & encores iusques à l'enuoya effrayé au lieu Exemp.

\* moyen Exemp. muel.

\* Le uiril Exemp. rare ce mot ensemble.

& cōmencerent les Suisses la guerre en Bourgongne, & prindrent Blasmód, qui estoit au Marechal de Bourgogne, qui estoit de la maison de Neuf-chastel: & assiegerent le chasteau de Herycourt, qui estoit de ladiète maison de Neuf-chastel, ou les Bourguignons allerent pour le secourir: mais ilz furent desconfits deuant, vn bon nombre. Lesdictz Suisses feirent vn grand domage au pais: & puis se retirerent pour ceste boutee.

*Comment le Roy print le chasteau du Tronquoy, les villes de Montdidier, Roye, & Corbie, sur le Duc de Bourgogne: & comment il voulut induire l'Empereur Federic à se saisir des terres que ledict Duc tenoit de l'Empire.* Chap. 3.



A trefue faillit entre le Roy & le Duc de Bourgogne: parquoy le Roy eut trefgrand regret: car il eut mieulx aymé un alongemēt de trefue: Toutesfois voyāt qu'il ne la pouuoit auoir, il alla mettre le siege deuāt vn petit chasteau, appelé le Tronquoy: & estoit ia commencé l'an septante cinq: & estoit au plus beau, & au cōmencement de la saison. Il fut en peu d'heure pris d'assault. Lēdemain le Roy m'enuoya parler à ceulx qui estoient deuant Montdidier: lesquelz s'en allerent leurs bagues sauues, & laisserent la place. Lendemain allay parler à ceulx qui estoient dedans Roye, en la compaignie de mōseigneur l'Admiral, Bastard de Bourbon, & semblablement me fut rendue la place: car ilz n'esprouyēt nul secours. Ilz ne l'eussent pas rendue, si ledict Duc eust esté au pais: toutesfois, cōtre nostre pmesse, ces deux villes furēt bruslees. De là s'en alla le Roy mettre le siege deuāt Corbie: & l'attendirent: & y furēt faictes de trefbelles approches: & y tira l'artillerie du Roy trois iours. Ilz estoient dedās monseigneur de Contay, & plusieurs autres qui la rendirent, & s'en allerent leurs bagues sauues. Deux iours apres la pauvre ville fut pillée: & mit on le feu dedans, tout ain si comme aux deux autres. Lors le Roy cuida retirer son armee: & esperoit gagner le Duc de Bourgogne à ceste trefue, veue la necessité en quoy il estoit: mais vne femme, que ie congnoy bien, & ne la nōmcray point, pource qu'elle est encores viuante, escriuit vnes lettres au Roy, qu'il feist tourner ses gens deuant Arras, & es enuiron: & le Roy y adiousta foy: car elle estoit femme d'estat. Je ne louc point son œuvre: pource qu'elle n'y estoit point tenue: mais le Roy y enuoya mōseigneur l'Admiral, Bastard de Bourbon, accōpaigné de bon nōbre de gens: lesquelz bruslerent grāde quantité de leurs villes, commençans vers Abbeuille iusques à Arras. Ceulx de ladiète ville d'Arras, qui de long temps n'auoit eu nulle aduersité, & estoient plains de grand orgueil, contraignirent les gens de guerre, qui estoient en leur ville de faillir. Le nombre n'estoit pas suffisant pour les gens du Roy: en façon qu'ilz furent remis de si pres, que largement en y eut de tuez, & de prins, & mesmes tous leurs Chefz: qui furent mesire Jaques de Saint-Paul, frere du Connestable, le Seigneur de Contay, le Seigneur de Carency, & autres: dont il s'en trouua des plus prochains de la Dame, qui auoit esté cause de cest exploit: & y eut ladiète Dame grād' perte: mais le Roy, en faueur d'elle, repara le tout par temps.

\* C'estoit le successeur de celui duquel il a tant parlé au propos des Lascrois.

Pour lors auoit enuoyé le Roy, deuers l'Empereur, Iehan Tiercelin, Seigneur de la Brosse, pour trauailler qu'il ne s'appointast avec le Duc de Bourgogne, & pour faire excuse de ce qu'il n'auoit enuoyé ses Gens-d'armes, comme il auoit promis, assurant tousiours le faire, & de continuer les exploictz, & dommages, qu'il faisoit audict Duc, bien grâs, tant au pais & marches de Bourgogne, que de Picardie. Et oultre luy ouurit vn party nouveau: qui estoit qu'ilz assuraissent bien l'un l'autre de ne faire paix l'un sans l'autre: & que l'Empereur print toutes les Seigneuries, que ledict Duc tenoit de l'Empire, & qui par raison en deuoient estre tenues, & qu'il les feist declarer confiscées à luy: & que le Roy prendroit celles, qui estoient tenues de la couronne de France: comme Flandres, Artois, Bourgogne, & plusieurs autres. Combien que cest Empereur eust esté toute sa vie homme de tref-peu de vertu, si estoit il bien entendu, & pour le long temps qu'il auoit vescu, il auoit beaucoup d'experience: & puis ces partis, d'entre nous & luy, auoyent beaucoup duré: parquoy estoit las de la guerre, combien qu'elle ne luy coustast rien: car tous ces Seigneurs d'Alemaigne y estoient à leurs despens, comme il est de coustume quand il touche le faict de l'Empire. Ledit Empereur respondit aux Ambassadeurs du Roy, qu'aupres d'une ville d'Alemaigne y auoit vn grâd Ours, qui faisoit beaucoup de mal. Trois compagnons de ladicte ville, qui hantoyent les tauernes, vindrent à vn tauernier, à qui ilz deuoient, prier qu'il leur accreust encor vn escot, & qu'auant deux iours le payeroyent du tout: car ilz prendroyent cest Ours, qui faisoit tant de mal, & dôt la peau valoit beaucoup d'argêt, sans les presens qui leurs seroyent faictz des bonnes gens. Ledit hoste accomplit leur demande: & quand ilz eurent disné, ilz allerent au lieu ou hantoit cest Ours: & comme ilz approcherent de la cauerne, ilz le trouuerent plus pres d'eulx qu'ilz ne pensoient. Ilz eurent paour: si se mirent en fuite. L'un gaigna vn arbre: l'autre fuit vers la ville: le tiers l'Ours le print, & le foula fort soubz luy, en luy approchant le museau fort pres de l'oreille. Le pauure homme estoit couché tout plat contre terre, & faisoit le mort. Or ceste beste est de telle nature que ce, qu'elle tient, soit homme ou beste, quâd elle voit qu'il ne se remue plus, elle le laisse là, cuidant qu'il soit mort. Et ainsi ledict Ours laissa le pauure homme, sans luy auoir fait gueres de mal: & se retira en sa cauerne. Et quand le pauure homme se veit deliure, il se leua, tirant vers la ville. Son compagnon qui estoit sur l'arbre, ayant veu ce mystere, descend, court, & crie apres l'autre, qui estoit deuant, qu'il attendist: lequel se retourna, & l'attendit. Quand ilz furent ioinctz, celui, qui estoit dessus l'arbre, demanda à son compagnon, par serment, ce que l'Ours luy auoit dit en cōseil, qui si long temps luy auoit tenu le museau contre l'oreille. A quoy son compagnon luy respondit: Il me disoit que iamais ie ne marchandasse de la peau de l'Ours, iusques à ce q̃ la beste fust morte. Et avec ceste fable paya l'Empereur nostre Roy, sans faire autre responce à son homme, \* sinon en conseil: comme s'il vouloit dire. Venez icy, comme vous auez promis, & tenons cest homme, si nous pouuons, & puis departons ces biens.

*De ne marchander la peau de l'Ours, deuant que la beste soit priée, & morte*

\* Ces trois mots, *seruans* font reuez au uerbe *exempl.*

*Comment le Conneſtable commença à s'enſuſpion, tant du coſté du Roy  
que du Duc de Bourgogne.*

*Chap. 4.*

**M**ous auez ouy comme meſſire Iaques de Sainct-Paul, & autres, auoyét eſté prins deuant Arras: laquelle prinſe deſpleut fort au Côneſtable: car lediſt meſſire Iaques luy eſtoit bon frere. Ceste mal-  
auanture ne luy aduint pas ſeule: car tout en vn temps fut prins le  
Comte de Rouſſi, ſon filz, Gouverneur de Bourgogne pour lediſt Duc: &  
auſſi mourut la femme dudiſt Conneſtable, Dame de bien: laquelle eſtoit  
ſeur de la Roynie, qui luy eſtoit ſupport & faueur: car tous iours ſ'entretenoit  
la marchandſe encommencee contre luy (comme vous auez ouy) laquelle  
rint à peu à l'aſſemblee qui fut faiſte à Bouuines pour ceste mariere. Onques  
puis ne fut aſſeuré lediſt Conneſtable, mais en ſuſpicion de deux coſtez, &  
par ſpecial en doubte du Roy: & luy ſembloit bié que le Roy ſe repéroit d'a-  
uoir retiré ſon ſeellé à Bouuines. Le Comte de Dampmartin & autres e-  
ſtoient logez avec les Gens-d'armes, pres de Sainct-Quentin. Lediſt Côneſtable  
les craignoit, côme ſes ennemys: & ſe tenoit dedans Sainct-Quentin: ou il  
auoit mis quelque trois cens Hommes-de-pied de ſes terres: pource  
que de tous poinctz ne ſe fioit de ſes Gens-d'armes. Il viuoit en grãd rauail:  
car le Roy le ſollicitoit, par pluſieurs meſſagers, qu'il ſe miſt aux chãps, pour  
le ſeruir, du coſté de Henault: & qu'il miſt le ſiege deuant Auenes, à l'heu-  
re que monſeigneur l'Admiral, & ceste autre bande, allerent bruſler en Ar-  
tois, comme i'ay dit. Ce qu'il feit en grand' crainte: car il craignoit fort. Il  
fur deuant peu de iours, faiſant faire grand guet ſur ſa perſonne. puis ſe reti-  
ra en ſes places, & mãda au Roy (& ouy moy meſme ſon homme par le com-  
mandement du Roy) qu'il ſ'eſtoit leué, par ce qu'il eſtoit certainemēt infor-  
mé qu'il y auoit deux hommes en l'armee, qui auoyent prins charge du Roy  
de le tuer: & diſt tant d'enſeignes apparentes, qu'il ne ſ'en falloit gueres qu'il  
ne fuſt creu: & que l'un des deux ne fuſt ſuſpicionné d'auoir dit au Côneſtable  
quelque choſe, qu'il deuoit taire. Je n'en veulx nul nômer, ne plus auant  
parler de ceste matiere. Lediſt Conneſtable enuoyoit ſouuēt en l'Oſt du  
Duc de Bourgogne, Je croy bié que la fin eſtoit de le retirer de ceste folie: &  
quand ſes gens eſtoient reuenus, il mandoit quelque choſe au Roy, de quoy  
il penſoit luy complaire, & auſſi l'occafion pourquoy il y auoit enuoyé: &  
penſoit entretenir le Roy par ce moyen. Aucunes fois auſſi mãdoit audiſt  
Seigneur que les affaires dudiſt Duc de Bourgogne ſe porroyēt bien, pour  
luy donner quelque crainte: car il auoit tant de paour qu'on ne luy couruſt  
ſus, qu'il requiſt audiſt Duc qu'il luy enuoyãt ſon frere meſſire Iaques de  
Sainct-Paul, auant ſa prinſe (car il eſtoit deuant Nuz) & auſſi le Seigneur de  
Fiennes, & autres ſes parés, & qu'il les peuſt mettre dedans Sainct-Quentin,  
avecques leurs gẽs, ſans porter la Croix Sainct-André. Et promettoit audiſt  
Duc tenir Sainct-Quentin pour luy, & luy reſtituer quelque temps apres: &  
de ce faire luy bailleroit ſon ſeellé. Ce que le Duc feit: & quand lediſt meſſire  
Iaques, le Seigneur de Fiennes, & autres ſes parẽs, ſe trouuerent par deux  
fois, à vne lieue ou deux pres de la ville Sainct-Quentin, & preſtz à y entrer,  
il ſe trouua que la doubte luy eſtoit paſſee, & ſe repentoit, & les reuoyoit:

& feit cecy par trois fois, tât desiroit demourer en cest estat, nageant entre les deux : car tous deux les craignoit merueilleusement. Iay sceu ces choses par plusieurs lieux, & pareſpecial par la bouche de meſſire Iaques de Sainct-Paul, qui ainſi le compta au Roy quand il fut amené priſonnier, ou il n'y auoit que moy, & luy valut beaucoup dequoy il reſpondit franchement des choses que le Roy luy demandoit. Lediect Seigneur luy demanda combien il auoit de gens pour y entrer. Il reſpondit que la troiſieme fois il auoit trois mille hommes. Lediect Seigneur luy demanda auſſi ſ'il ſe fuſt trouué le plus fort ſ'il euſt tenu pour le Roy ou pour lediect Conneſtable. Lediect meſſire Iaques de Sainct-Paul reſpōdit que les deux premiers voyages il ne venoit que pour conforter ſon frere : mais à la troiſieme, veu que lediect Conneſtable auoit trompé ſon maistre & luy, q̄ ſ'il ſe fuſt trouué le plus fort il euſt gardé la place pour ſon maistre, ſans faire violence audiect Conneſtable, n'a riens qui euſt eſté à ſon preiudice, ſinon qu'il n'en fuſt point failly à ſon commandement. Depuis, & peu de temps apres, lediect Seigneur deliura de priſon lediect meſſire Iaques de Sainct-Paul, & luy donna des Gens-d'armes beau & grand estat, & ſ'en ſeruit iuſques à la mort. Et ſes reſponſes en furent cauſe.

Depuis que i'ay commencé à parler de Nuz, ie ſuis entré en beaucoup de matieres l'une ſur l'autre, auſſi ſuruiurent elles en ce temps : car lediect ſiege dura vn an. Deux choses preſſoyent extremement lediect Duc de Bourgogne de ſe leuer, ſ'eſtoit la guerre que le Roy luy faiſoit en Picardie, il luy auoit brulé trois belles petites villes, & vn quartier de plat païs d'Artoys & de Ponthieu. La ſeconde, eſtoit la belle & grād' armee que faiſoit le Roy d'Angleterre à ſa requeſte & poursuite, à quoy il auoit trauaillé toute ſa vie pour le faire paſſer deçà, & iamais n'en eſtoit peu venir à bout iuſques à ceste heure. Lediect Roy d'Angleterre, & tous les Seigneurs de ſon Royaume, ſe malcontenterent merueilleusement dequoy le Duc de Bourgogne le faiſoit ſi long, & oultre les prieres qu'ilz luy faiſoyent vſoyent de menaces. Conſideré leur grand' deſpence, & que la ſaiſon ſe paſſoit, Lediect Duc tenoit à grand' gloire ceste grand' armee d'Alemaigne, tant de Princes que de Prelatz, que de communaultez, qui eſtoit la plus grande qui ayt eſté depuis memoire d'hōme, ne de long temps parauant, & tous enſemble ne le ſcauoyēt leuer de là ou il eſtoit. Ceste gloire luy couſtoit bien cher, car qui à le profit de la guerre il en a l'honneur. Toutesſois ce Legat dont i'ay parlé, alloit & venoit de l'un Oſt à l'autre. & finalement feit la paix entre l'Empereur & lediect Duc de Bourgogne. Et fut miſe ceste place de Nuz entre les mains dudiect Legat, pour en faire ce que par le ſiege Apoſtolique en ſeroit ordonné. En quelle extremité ſe pouuoit trouuer lediect Duc de ſe voir ainſi preſſé par la guerre que luy faiſoit le Roy, & preſſé & menacé de ſon amy le Roy d'Angleterre. Et d'autre coſté voir la ville de Nuz en l'estat qu'en mois de quinze iours il les pouuoit auoir, la corde au col, par famine. Et l'eufteue en dix iours, comme m'a compté vn des Capitaines qui eſtoit dedans. Lequel le Roy print à ſon ſeruiſe. Ainſi pour ces raiſons ſe leua lediect Duc de Bourgogne l'an ſeptante cinq.

*Comment le Roy d'Angleterre vint par deça à toûte grosse puissance, pour secourir le Duc de Bourgogne contre le Roy.*

*Chap. 5*

**D**R fault parler du Roy d'Angleterre, lequel tiroit son armée vers Douures pour passer la mer à Calais, & estoit ceste armée la plus grande (qui passa avecques ledict Roy d'Angleterre) & tous de gés à cheual, & la mieulx en poinct, & les mieulx armez qui vindrent iamais en France, & y estoient tous les Seigneurs d'Angleterre, ou bien peu s'en faloit. Et y auoit quinze cens Hommes-d'armes bien montez, & la plupart bardez, & richement acoustrez, à la guise de deça, qui auoyent beaucoup de cheualx de suyte. Ilz estoient bien quinze mille Archiers portans arcs & fleches, & tous à cheual, & largement gés-de-pied en leur Ost, & autres, tant pour tendre leurs tentes & pavillons qu'ilz auoyent en grand quantité, qu'aussi pour seruir de leur artillerie, & clore leur camp. En toute l'armée n'y auoit vn seul Page: & si auoyent ordonné les Angloys trois mille hômes, pour enuoyer en Bretagne. I'ay cecy dit par cy deuant: mais il sert bien encorés à ce propos: c'est que si Dieu n'eust voulu troubler le sens audict Duc de Bourgogne, & preseruer ce royaume, à qui il a fait plus de grace iusques icy qu'à nul autre, est il de croire q' ledict Duc se fust allé amuser obstinément deuant ceste forte place de Nuz ainsi deffendue: veu que toute sa vie n'auoit sceu trouuer le Royaume d'Angleterre disposé à faire armée deça la mer: & encorés qu'il connoissoit cleremēt qu'ilz estoient cōme inutiles aux guerres de France: car s'il s'en eust voulu aider, il eust esté besoing que toute vne saison il ne les eust plus de veue, pour leur aider à dresser & cōduire leur armée aux choses necessaires selō noz guerres de deça. Car il n'est riē plus sot, ne plus mal à droit, quād ilz passent premieremēt: mais, en bien peu d'espace, ilz sont tresbōnes gens de guerre, sages & hardis. Il feit tout le contraire: car, entre les autres maulx, il leur feit quasi pdre la saison: & au regard de luy, il auoit son armée si rōpue, si mal en poinct, & si pauvre, qu'il ne l'osoit monstrier deuant eulx: car il auoit perdu deuant Nuz, quatre mille hômes, prenās souldes: entre lesquelz y mourut des meilleures gés qu'il eust. Et ainsi verrez que Dieu le disposa de tous poinctz à faire contre la raison de ce q' son affaire requeroit, & cōtre ce qu'il scauoit, & entendoit mieulx q' nul autre, dix ans auoit.

Le Roy Edouard estāt à Douures, pour son passage luy enuoya ledict Duc de Bourgogne biē cinq cens basteaux de Holāde & Zelande: qui sont platz, & bas de bord, & bien propices à porter cheualx: & s'appellent \* Serres: & nonobstant ce grand nombre, & tout ce q' le Roy d'Angleterre sceust faire, il mit plus de trois sepmaines à passer entre Douures & Calais, & n'y a que sept lieues. Or regardez donques à quelle difficulté vn Roy d'Angleterre peut passer en France: & quand le Roy nostre maistre eut entendu le faict de la mer, aussi biē qu'il entēdoit le faict de la terre, iamais le Roy Edouard ne fust passé: au moins en ceste saison: mais il ne l'entēdoit point: & ceulx, à qui il dōnoit autorité, sur le faict de sa guerre, y entēdoient encorés moins. Le Roy d'Angleterre mit trois sepmaines à passer. Vn seul nauire d'Eu print deux ou trois de ses petis passagers.

\* Serres en  
emp. auoit.

Auant que le Roy Edouard montast ne partist de Douures, il enuoya de-



uers le Roy vn seul Herault, appelé lartiere: lequel estoit natif de Normâdie. Il apporta au Roy vne lettre de deffiâce, de par le Roy d'Angleterre, en beau langage & en beau stile: & croy que iamais Angloys n'y'auoit mis la main.

Il requeroit au Roy qu'il luy rendist le Royaume de France, qui luy appartenoit, à fin qu'il peust remettre l'Eglise & les Nobles, & le peuple en leur liberté ancienne, & oster des grandes charges, & traux en quoy ilz estoient: & en cas de refus, il protestoit des maulx qui en ensuyuroient, en la forme & maniere qu'il est acoustumé de faire en tel cas. Le Roy leur la lettre seul: & puis se retira en vne garde robbe tout fin seul: & feit appeler ce Herault: & luy dist qu'il sçauoit bié que le Roy d'Angleterre ne venoit point à sa requeste, mais y estoit contrainct, tant par le Duc de Bourgongne, que par le commun d'Angleterre: & qu'ilz pouuoient bien voir q'ia la saison estoit presque passée: & que le Duc de Bourgongne s'en reuenoit de Nuz, comme homme desconfit, & pauvre en toutes choses: & que, au regard du Connestable, il sçauoit bien qu'il auoit prins quelques intelligences avec le Roy d'Angleterre, pource qu'il auoit espousé sa niepce: mais qu'il le tromperoit: & luy cōptra les biens qu'il auoit de luy, disant: Il ne veult sinon viure en ses dissimulations, & entretenir chascun, & faire son profit: & dist audict Herault plusieurs autres raisons, pour admonester le Roy d'Angleterre de prendre appointment avec luy. Et donna audict Herault trois cens Escus, de sa main, contant: & luy en promit mille, si l'appointment se faisoit: & en public luy feit don ner vne belle piece de veloux cramoisy, contenant trente aulnes.

Lediect Herault respondit qu'il trauailleroit à cest appointment: & qu'il croyoit que son maistre y trauailleroit volôtiers: mais qu'il n'en faloit point parler iulques à ce que le Roy d'Angleterre fust deçà la mer: & quand il y seroit qu'on enuoyast vn Herault pour demander sauconduit, pour enuoyer des Ambassadeurs deuers luy, & qu'on s'adressast à monseigneur de Hauart, ou à monseigneur de Stanley, & ausi à luy pour aider à cōduire le Herault.

Il y auoit beaucoup de gens en la salle, ce pendant que le Roy parloit audict Herault, qui attendoyent, & auoyēt grand' enuie d'ouyr ce que le Roy disoit, & quel visage il seroit, quand il sortiroit de leans. Quand il eut acheué, il m'appela, & medist que i'entretinssē tousiours le Herault, iusques à ce qu'on luy eust baillé compaignie pour le conduire, à fin que nul ne parlast à luy, & que ie luy feisse deliurer vne piece de veloux cramoisy, contenant trente aulnes. Ainsi le fey: & le Roy se mit à parler à plusieurs, & compter de ses lettres de deffiance: & en appela sept ou huiet à part, & la feit lire: & monstra bon visage, & bien assuré, sans monstrier nulle crainte. car il estoit bien ioyeux de ce qu'il auoit trouué audict Herault.

*De la peine, en laquelle estoit le Connestable: & comment il enuoya lettres de creance au Roy d'Angleterre & au Duc de Bourgongne, qui apres furent en partie cause de sa mort.*

*Chap. 6.*



Vr ce passage fault encores dire vn mot de monseigneur le Connestable: lequel estoit en grand' pensee du tour qu'il auoit fait au Duc de Bourgongne, touchant Saint-Quentin, & se tenoit desia cōme deffié

deſſié du Roy. car ſes principaulx ſeruiteurs l'auoyent laiſſé: comme monſieur de Genli, & monſieur de Mouy: leſquelz le Roy auoit deſia receuillis: combien que monſieur de Mouy alloit & venoit encores deuers luy: & le Roy preſſoit fort que lediſt Conneſtable vint deuers luy: & luy ofroit certaines recompensés qu'il demandoit pour la Comté de Guyſe, comme autresfois luy auoit promis. Lediſt Conneſtable eſtoit bien content de venir, pourueu que le Roy feiſt ſerment, ſur la croix ſainct Lou d'Angiers, de ne faire nul mal à ſa perſonne, ne conſentir qu'autre le feiſt: & alleguoit qu'auſſi bien luy pourroit il faire lediſt ſerment, comme il auoit fait autrefois au ſeigneur de Leſcut: & à cela luy reſpondit le Roy que iamais ne feroit ce ſerment à homme: mais tout autre ſerment, que lediſt Conneſtable luy voudroit demander, qu'il eſtoit cōtēt de le faire. Vous pouuez bien entendre qu'en grand trauail d'eſprit eſtoit le Roy, & auſſi lediſt Conneſtable: car il ne paſſoit vn ſeuil iour, pour vne eſpace de tēps, qu'il n'allat quelcū de l'un à l'autre, ſur le ſaiſt de ce ſerment. Et, qui bien y penſeroit, c'eſt miſerable vie que la noſtre, de tant prendre de peine & de trauail pour ſ'abreger ſa vie, en diſant & eſcriuant tant de choſes, preſque oppoſites à leurs penſées. Et, ſi ces deux, dont ie parle, eſtoient en grād trauail, le Roy d'Angleterre & le Duc de Bourgongne n'en auoyent pas moins de leur part.

Ce fut enuiron tout en vn tēps, ou peu ſ'en ſalut, que fut le paſſage du Roy d'Angleterre à Calais, & le departement du Duc de Bourgongne de deuant Nuz: le quel à grādes iournees ſ'en retira droit à Calais, deuers le Roy d'Angleterre, à biē petite compagnie: & enuoya ſon armee ainſi deſpece (cōme auez ouy) pour piller le païs de Barrois & de Lorraine, & pour les faire viure & ſeraſtreſchir. Et le ſeiſt à cauſe de ce q̄ lediſt Duc de Lorraine luy commēça la guerre, & l'auoit deſſié luy eſtant deuant Nuz: qui eſtoit bien vne grand faulte à luy, avec les autres q̄ ia auoit ſaiſtes avec les Angloys: leſquelz ſ'attendoient à le trouuer à leur deſcente avec, pour le moins, deux mille cinq cens Hommes-d'armes bien en poinct, & autre grand homme de Gens-de-cheual, & de pied (car ainſi leur auoit promis le Duc de Bourgōgne, pour les faire venir) & qu'il auroit commencē la guerre en France, trois moys auant leur deſcēte, à ſin qu'ilz trouuaſſent le Roy plus las & plus foulé: mais Dieu pourueut à tout, cōme auez ouy. Le Roy d'Angleterre partit de Calais, & lediſt Duc en ſa cōpaignie: & paſſerēt par Boulongne, & tirerēt à Peronne, ou lediſt Duc recueillit les Angloys aſſez mal: car il faiſoit garder les portes, & n'y entroyent ſinon en petit nōbre: & logerent aux chāps: & le pouuoēt biē faire: car ilz eſtoyēt bien pourueus de ce qu'il leur ſaloit pour ce meſtier.

Après qu'il furent venuz à Peronne, lediſt Conneſtable enuoya deuers lediſt Duc de Bourgongne vn de ſes gens, appelé Louis de Creuille, pour ſ'excuser enuers le Duc de Bourgōgne de quoy il ne luy auoit baillé Sainct-Quentin, diſant que, ſ'ainſi l'eust fait, il ne luy eust peu plus de rien ſeruir dedans le royaume de France: car de tous poinctz il eust perdu ſon credit, & la communication des gens: mais qu'à ceſte heure, veu qu'il voyoit le Roy d'Angleterre, cy apres feroit tout ce que lediſt Duc de Bourgongne voudroit. Et, pour en eſtre plus certain, bailla audict Duc vne lettre de créance,

adressant au Roy d'Angleterre : & mettoit ledi& Conneftable la creance sur ledi& Duc de Bourgongne. Oultre, & d'auantage, enuoya vn seellé audi& Duc, par lequel il luy promettoit de le seruir & secourir, & tous ses amys & alliez, tât le Roy d'Angleterre qu'autres, enuers tous & cõtre tous ceulx qui pourroyent viure & mourir, sans nul en excepter. Ledi& Duc de Bourgongne bailla au Roy d'Angleterre sa lettre : & dist sa creâce, & la feit vn peu plus grasse qu'elle n'estoit : car il asseuroit le Roy d'Angleterre que ledi& Conneftable le mettroit dedás Saint-Quentin, & dedans toutes ses autres places.

Le Roy le creut assez tost : car il auoit espousé la niepce dudi& Conneftable : & si luy sembloit en si grand' crainte du Roy de Frâce qu'il n'oserait fail lir à ce qu'il promettoit audi& Duc de Bourgongne, & à luy. Semblablement le croyoit ledi& Duc de Bourgogne. Mais les pensees dudi& Conneftable, ne sa paour qu'il auoit du Roy, ne le conduisoient pas encores iusques là : mais luy sembloit encores qu'il vseroit de dissimulatiõs, comme il auoit accoustumé, pour les contenter : & qu'il leur mettroit si euidentes raisons en auant, qu'ilz auroient encores patience, sans le contraindre à se declarer. Le Roy Edouard ne ses gens, n'auoyt fort pratiqué les faitz de ce royaume : & alloient plus grossemēt en besongne : parquoy ne peurent si tost entendre les dissimulations, dont on vse deçà & ailleurs : car naturellement les Angloys, qui ne sont iamais partis d'Angleterre, sont fort coleriques, cõme aussi sont

*\* Il fait ceste description, s'ay-  
uant les mers,  
Et faisant ve-  
nir leuât inf-  
ques au grand  
Océan, Et ve-  
nant par toutes  
ces mers Océi-  
dèntales Et Ger-  
maniques.*

toutes les nations du païs froid. \* La nostre (comme vous voyez) est situee entre les vns & les autres : & est enuironnee de l'Italie, & de l'Espagne, & Ca theloigne du costé de Leuant, & Angleterre, & ces parties de Flandres & de Hollande, vers le Ponant : & encores nous vient ioinde Alemaigne pâr tout vers la Champaigne. Ainsi nous tenõs de region chaulde, & aussi de la froide. Parquoy nous auõs gens de deux complexiõs. Mais mon aduis est qu'en tout le monde n'ya region mieulx situee que celle de France :

Le Roy d'Angleterre, qui auoit eu grand' ioye de ces nouuelles de mon- seigneur le Conneftable (combien que desia parauât en pouuoit bien auoir eu quelque sentement, mais non pas si ample) se partit de Peronne, & le Duc de Bourgogne en sa cõpaignie (qui n'auoit nulles gens : car tous estoýt tirez en Barrois & Lorraine, cõme ie vous ay dit) & s'approcherēt de Saint-Que- tin : & allerent courir vn grand tas d'Angloys deuant : lesquelz, comme i'ouy dire peu de iours apres, s'attēdoýent qu'on sonnast les cloches à leur venue, & qu'on portast la croix, & l'eau beniste au deuant. Cõme ilz s'approcherēt pres de la ville, l'artillerie cõmença à tirer : & faillit des escarmouches à pied & à cheual : & y eut deux ou trois Angloys tuez, & quelques vns prins. Ilz eurent vn tresmauuais iour de pluye : & en cest estat s'en retournerent en leur ost, bien fort mal cõtens, murmurans cõtre le Conneftable : & l'appelloýent trahistre. Le lendemain au matin le Duc de Bourgogne voulut prendre congé du Roy d'Angleterre (qui estoit chose bien estrãge : veu qu'il les auoit fait ainsi passer) & vouloit tirer vers son armee en Barrois, disant qu'il feroit beaucoup de choses en leur faueur. Les Angloys, qui sont suspitionneux, & qui estoýent tous neufz par deçà, & esbahis, ne se pouoyent cõtenter de son allee, ne croire qu'il eust nulles gens aux champs : & si ne sçauoit le Duc  
de Bour-

de Bourgongne adouber avec eulx le faiët du Connestable, nonobstât qu'il eust dit que tout ce qu'il en auoit fait, estoit pour toutes bonnes fins: & si les esbaillioit l'hyuer qui s'approchoit: & sembloit bien, à les ouir parler, que le cœur leur tiraist plus à la paix qu'à la guerre.

*Comment le Roy feit vestir vn simple seruiteur d'une cotte d'armes, avec vn esmail, & l'enuoya parler au Roy d'Angleterre en son Ost, ou il eut tresbône respõse. Chap. 7.*

**S**ur ces propres paroles, & cōme lediët Duc vouloit partir, fut prins des Angloys vn varlet d'un Gentil-hōme de la mailon du Roy, qui estoit des vingt Escus, appelé laques de Grasse: & fut incōtinẽt lediët varlet amené deuant le Roy d'Angleterre & le Duc de Bourgōgne, qui estoient ensemble: & puis fut mis en vne tente. Apres qu'ilz l'eurẽt interroguẽ, lediët Duc de Bourgongne print cōgé du Roy d'Angleterre, & se retira en Brabât, pour aller à \* Maisons, ou il auoit partie de ses gens. Le Roy d'Angleterre cōmanda qu'on donnast congé à ce varlet, veu que c'estoit leur premier prisonnier: & audepartir monseigneur de Hauart & monseigneur de Stanley luy donnerent vn Noble, & luy dirent: Recōmandez nous à la bōne grace du Roy vostre maistre, si vous pouuez parler à luy. Lediët varlet vīt en à grand' diligence deuers le Roy, qui estoit à Cōpiegne, & vint pour dire ces paroles. Le Roy entra en grand' suspition de luy, doubtāt que ce ne fust vne Espie, à cause q̃ Gilbert de Grasse, frere du maistre dudiët varlet, estoit pour lors en Bretagne, fort bien traitté du Duc. Lediët varlet fut enfermé, & estroitement gardé, ceste nuit: toutesfois beaucoup de gens parlerent à luy, par cōmandement du Roy: & sembloit à leur rapport qu'il parlast biẽ asseurement, & que le Roy le deuoit ouir. Le lendemain bien matin le Roy parla à luy. Apres qu'il l'eut ouy, il le feit defferrer: mais encores demoura gardé: & alla le Roy pour se mettre à table, ayant plusieurs imaginatiōs, pour sçauoir s'il enuoyroit vers les Angloys ou non: & auant que ce seoir à table, m'en dist quelques paroles. Car, comme vous sçauẽz monseigneur de Vienne, nostre Roy parloit fort priuement, & souuent, à ceulx qui estoient plus prochains de luy, comme i'estoye lors, & d'autres depuis: & aymoĩt à parler en l'oreille. Il luy vint en memoire les paroles que le Herault d'Angleterre luy auoit dictes: qui fut qu'il ne faillist point à enuoyer q̃rir vn saufcōduit pour enuoyer deuers le Roy d'Angleterre, des ce qu'il seroit passé la mer, & qu'on s'adressast aux dessusdictz Seigneurs de Hauart & de Stāley. Incōtinẽt qu'il fut assis à table, & vn peu imaginé, cōe vous sçauẽz qu'il faisoit (qui estoit biẽ estrāge à ceulx qui ne le cōgnoissoyent: car, sans le cōgnoistre l'eussent iugé mal sage, mais les œures tesmoignẽt bien le cōtraire) il me dist en l'oreille q̃ ie me leuasse, & que i'allasse manger en ma chābre, & que i'enuoyasse querir vn varlet, qui estoit à mōseigneur des \* Halles, filz de Merichō de la Rochelle, & q̃ ie parlasse à luy, sçauoir s'il oseroit entreprẽdre d'aller en l'ost du Roy d'Angleterre en habit de Herault. Je fey incōtinẽt ce q̃ m'auoit cōmādẽ: & fu tresleubahy quād ie vey lediët seruiteur: car il ne me sembloit, ny de taille, ny de façon, p̃pice à vne telle œure: toutesfois il auoit bon sens (cōe i'ay cōgnu depuis) & la parole douce & amyable: Iamais le Roy n'auoit parlé à luy

\* Maisieres  
Exempt. auet.

\* Salles Exẽ.  
auet.

qu'une seule fois. Ledit seruiteur fut tresesbahy, quād il m'ouit parler: & se ietta à deux genoulx deuāt moy, comme celuy qui cuidoit desia estre mort. Je l'asseuroye le mieulx que ie pouuoye: & luy promy vne election en l'isle de Ré, & de l'argent: &, pour plus l'asseurer, luy dy que cecy venoit des Angloys: & puis le fcy manger avec moy, ou n'estions que nous deux, & vn varlet: & petit à petit le mettoye en ce qu'il auoit à faire. Je n'yeu gueres esté que le Roy m'enuoya querir: & luy comptay de nostre homme: & luy en nōmay d'autres plus propres à mon entendement: mais il n'en voulut point d'autre: & vint luy mesme parler à luy: & l'assura plus en vne parole que ie n'auoye fait en cent. Avec ledit Seigneur n'entra en ladicte chambre que mōseigneur de Villiers, lors Grand-Escuyer, & maintenāt Baillif de Caen. Et, quand il sembla au Roy que nostre homme fut en bon propos, il enuoya, par le Grand-Escuyer, querir vne baniere de Trompette, pour luy faire vne cotte d'armes: car ledit Seigneur n'estoit point conuoiteux, ny accompagné de Herault ne de Trompette, comme sont plusieurs Princes. Et ainsi ledit Grand-Escuyer, & vn de mes gens, firent ceste cotte d'armes, le mieulx qu'ilz peurent: & alla ledit Grand-Escuyer querir vn esmail d'un petit Herault, qui estoit à monseigneur l'Admiral, appelé Plein-chemin: qui fut attaché à nostre hōme: & luy apporta l'on secrettemēt ses housseaux & son habillemēt: & luy fut amené son cheual, & mis dessus, sans ce q̄ s'onne en sceust riē: & luy mit on vne belle bougette à l'arson de sa selle, pour mettre sa cotte d'armes: &, bien instruit de ce qu'il auoit à dire, s'en alla tout droit à l'Ost des Angloys. Apres que nostre homme fut arriué à l'Ost des Angloys, avec sa cotte d'armes sur le dos, tantost fut arresté, & mené deuant la tente du Roy d'Angleterre. Il luy fut demandé qu'il y venoit faire. Il dist qu'il venoit de par le Roy, pour parler au Roy d'Angleterre, & qu'il auoit charge de sadresser à messeigneurs de Hauart & de Stanley. On le mena en vne tente pour dīner, & luy feit on tresbonne chere. Au leuer de la table du Roy d'Angleterre, qui dīnoit à l'heure que le Herault arriua, on mena ledit Herault deuers luy: & l'ouit. Sa creāce estoit fondee sur le desir q̄ le Roy auoit des long temps d'auoir bōne amytiē avec luy, & que les deux royaumes peussent viure en paix: & que iamais, depuis qu'il auoit esté Roy de France, il n'auoit fait guerre ny entreprinse contre le Roy, ne le royaume d'Angleterre, s'excusant de ce qu'autresfois auoit recueilly monseigneur de Vuaruy: & disoit que ce n'auoit esté seulement que contre le Duc de Bourgongne, & non point contre luy. Aussi luy faisoit remonstrer que ledit Duc de Bourgongne ne l'auoit point appelé, sinon pour en faire vn meilleur appointment avec le Roy, sur l'occasion de sa venue: & si autres en auoit, qui y tinssent la main, que ce n'estoit sinon pour en amender leurs \* offenses, & tascher à leurs fins particulieres: & du faict du Roy d'Angleterre ne leur chaloit, au demeurāt, comment il en allast: mais qu'ilz en feissent leurs besongnes bonnes. Aussi luy faisoit remōstrer le temps, & que ia s'approchoit l'hyuer: & qu'il sçauoit bien qu'il auoit fait grand' despenſe: & qu'il y auoit plusieurs gēs en Angleterre qui desiroyent la guerre \* par deçā, tant nobles que marchans: &, quād ce viēdroit que le Roy d'Angleterre se voudroit mettre en son deuoir d'en-

tendre

\* affaires  
Exemp-miel.

\* Toutes les co  
poes que l'aye  
neut, ont an-  
simais possible  
que, par deçā,  
ne seroit point  
manais.

tendre au traité, que ledict Roy s'y mettroit tât, de son costé, que luy & son royaume deuroient estre contens : &, à fin que mieulx fust informé de ces choses, s'il vouloit donner vn saufconduit pour le nôbre de cent cheuaulx, que le Roy enuoyroit deuers luy Ambassadeurs, bien informez de son vouldir: ou, si le Roy d'Angleterre aymeroit mieulx q ce fust en quelque village, à my chemin des deux armées, & que là gens se trouuassent des deux costez, que le Roy en seroit trescontent, & enuoyroit saufconduit de son costé.

Le Roy d'Angleterre, & vne partie de ses Princes, trouuerēt ces ouuertures tresbonnes: & fut baillé vn saufconduit à nostre hôte, tel qu'il le demandoit: & luy fut donné quatre Nobles: & vint avec luy vn Heralc, pour venir querir vn saufcôduit du Roy, pareil à celuy qu'il auoit donné: &, le lédemain, en vn village, aupres d'Amyens, se trouuerēt les Ambassadeurs ensemble. De la part du Roy estoit le Bastard de Bourbô, Admiral, mōseigneur de Saict-Pierre, l'Euesque d'Eureux, appelé Heberge. Le Roy d'Angleterre y enuoya monseigneur de Hauart, vn nômé Chalāgier, & vn Docteur appelé Morton, qui auourd'huy est Chācelier d'Angleterre, & Archeuesque de Cantorbie.

Je croy qu'à plusieurs pourroit sembler q le Roy se humilioit trop: mais les sages pourrôt bien iuger par mes paroles precedentes q ce royaume estoit en grad dāger, si Dieu n'y eust mis la main: lequel disposa les sens de nostre Roy à eslire si sage party, & troubla biē celuy du Due de Bourgongne: qui feit tāt d'erreurs (cōme auez veu) en ceste matiere, apres auoir tāt desiré ce qu'il perdit par sa faulte. Nous auions lors beaucoup de choses secretes parmy nous: dont fussent venus de grans maux en ce royaume, & prōprement, si cest appointement ne se fust trouué, & bien tost, tāt du costé de Bretaine que d'aillieurs. Et croy veritablement, aux choses que i'ay veues en mon temps, que Dieu auoit, & a, ce royaume en espediale recommandation.

*Cōment trefue de neuf ans fut traittee entre le Roy de France & le Roy d'Angleterre, nonobstāt les empeschemens du Cōestable, & du Duc de Bourgōgne. Chap. 8.*

**C**omme vous auez ouy, noz Ambassadeurs se trouuerent ensemble des le lédemain de la venue de nostre Heralc: car nous estiōs pres les vns des autres, cōme de quatre lieues ou moins. Nostre Heralc eut bōne chere, & son office en l'isle de Ré (dont estoit natif) & de l'argēt. Plusieurs ouuertures furent faictes entre noz Ambassadeurs. Les Angloys demanderēt, cōme ilz ont acoustumé, la couronne, ou, pour le moins, Normandie & Guyenne. Bien assailly, bien deffendu. Des ceste premiere iournee furent les choses bien approchees: car les deux parties en auoyent grand enuie. Les nostres reuindrent, & les autres s'en retournerent en leur Ost. Le Roy ouit leurs demandes & dernieres conclusions: c'estoit septāte & deux mille Escus tous contens, auant que partir: le mariage du Roy (qui est auourd'huy) avec la fille aînée du Roy Edouard (laquelle est auourd'huy Roine d'Angleterre) & la Duché de Guyenne, pour la nourrir, ou cinquante mille Escus tous les ans, rendus dedans le chateau de Londres, iusques au bout de neuf ans: & au bout du terme, deuoit le Roy (qui est auourd'huy) & sa femme, iouyr pacifiquement du reuenue de Guyenne:

& ausi nostre Roy deuoit demourer quitte de ce payement, enuers le Roy d'Angleterre. Plusieurs autres petis articles y auoit touchât le faict des marchans: dont ie ne fay point mention: & deuoit durer ceste paix neuf ans entre les deux royaumes: & y estoient cōprins tous les alliez d'un costé & d'autre: & nommément, de la part du Roy d'Angleterre, les Ducs de Bourgogne & de Bretagne, si cōprins y vouloyent estre. Offroit ledict Roy d'Angleterre (qui estoit chose bien estrange) de nōmer aucuns personnages, qu'il diroit estre trahistres au Roy, & à sa couronne, & de le monstrier par escript. Le Roy eut merueilleusement grand' ioye de ce que ses gens luy rapportèrent.

Il tint conseil sur ceste matiere, & y estoie present. Aucuns furent d'aduis que ce n'estoit qu'une trōperie & dissimulation de-la part des Angloys. Au Roy sembloit le contraire: & allegua la disposition du temps & la saison, & qu'ilz n'auoyēt vne seule place, qui fust à eulx, & ausi les mauuais tours, que le Duc de Bourgogne leur auoit faictz: lequel estoit ia party d'avec eulx: & se tenoit comme seur que le Cōnestable ne bailleroit nulles places: car à chascune heure le Roy enuoyoit deuers luy pour l'entretenir, & pour l'adoucir, & pour le garder de mal faire. Aussi le Roy auoit bien cōgnoissance de la personne du Roy d'Angleterre: leq̃l aymoît fort ses aises & ses plaisirs. A quoy sembloit qu'il parloit plus sagement que personne de la compagnie, & qu'il entendoit miculx ces matieres, de quoy on parloit: & conclud qu'à tresgrād' diligence ou cerchast cest argent: & feit aduiser la maniere de le trouuer: & qu'il falloit que chascun prestast quelque chose pour aider soubdainement à fournir. Et conclud le Roy qu'il n'estoit chose au monde qu'il ne feist pour ietter le Roy d'Angleterre hors de ce royaume, excepté qu'il ne cōsentiroit pour riens qu'ilz eussent terre: & auant qu'il le souffrist, mettroit toutes choses en peril & hazard.

Monseigneur le Connestable cōmença à soy apperceuoir de ces marchez, & auoir paour d'auoir offensé de tous \* poinctz: & tousiours craignoit ceste marchandise, qui auoit cuidé estre conclue contre luy & Bouuines: & à ceste cause, il enuoyoit souuēt deuers le Roy: & sur l'heure dont ie parle, vint deuers ledict Seigneur vn Gentil-hōme, appelé Louis de Creuille, seruiteur du Cōnestable, & vn siē Secretaire, appelé maistre \* Ichā Richer, qui tous deux viuēt encores: & dirent leur creance à mōseigneur du Bouchage & à moy, p̃mier qu'au Roy: car le plaisir dudit Seigneur estoit tel. Ce qu'ilz apportoyēt pleut fort au Roy, quād il en fut aduertý: pource qu'il auoit intētion de s'en seruir, cōme vous orrez. Le Seigneur de Contay, seruiteur du Duc de Bourgogne, qui auoit esté prins n'agueres deuāt Arras (comme auez ouy) alloit & venoit sur sa foy deuers ledict Duc, & luy auoit le Roy p̃mis dōner sa finance & rançon, & vne tresgrande somme d'argent, s'il pouuoit traicter la paix. D'auēture il estoit arriué deuers le Roy, ce iour qu'arriuerēt les deux dessus nōmez seruiteurs du dict Connestable. Le Roy feit mettre ledict Seigneur de Contay dedans vn grand & vieil osteuant, qui estoit dedans sa chambre, & moy avec luy, à fin qu'il entendist & peust faire rapport à son maistre des paroles, dont vsoit ledict Connestable, & ses gens, dudit Duc. Et le Roy se vint seoir sur vn escabeau, rasibus dudit osteuant, à fin que nous peussions miculx

\* costez  
Exemp. auail.

\* Le uicil Ex.  
este Ichān.



mieulx entendre les paroles que disoit Louis de Creuille & son compaignô: qui commencerent lors, disans que leur maistre les auoit enuoyez deuers le Duc de Bourgongne, & qu'il luy auoit fait plusieurs remonstrances, pour le delmouoir de l'amytié des Angloys: & qu'ilz l'auoyét trouué en telle cole-re, contre le Roy d'Angleterre, qu'à peu qu'ilz ne l'auoyent gaigné, non pas seulement à les laisser, mais à aider à les destrousser en eulx retournât. Et, en disant ces paroles, pour cuider cōplaire au Roy, ledict Louis de Creuille cōmença à contrefaire le Duc de Bourgongne, & à fraper du pied contre terre, & à iurer S. George, & qu'il appeloit le Roy d'Angleterre \* Blanchborgne, filz d'un Archier, qui portoit son nom: & toutes les moqueries qu'en ce monde estoit possible de dire d'homme. Le Roy rioit fort: & luy disoit qu'il parlast hault: & qu'il commēçoit à deuenir vn peu sourd: & qu'il le dist encores vne fois. L'autre ne se faignoît pas, & recommençoit encores de tresbon cœur.

\* Blay bor-  
gne *l'af. arch.*

Monseigneur de Contay, qui estoit avec moy, en cest osteuât, estoit le plus esbahy du monde: & n'eust iamais creu, pour chose qu'on luy eust sceu dire, les paroles qu'ilz oyoit. La cōclusion des gēs dudit Cōnestable estoit qu'ilz cōseilloient au Roy q̄, pour eüter tous ces grās perilz, qu'il voyoit appareil-ler contre luy, il print vne trefue: & que ledict Connestable se faisoit fort de le \* garder: & que, pour cōtēter ces Angloys, on leur baillast seulemēt vne peti-te ville ou deux pour les loger l'yuer, & qu'elles ne sçauroyēt estre si meschā-tes qu'ilz ne s'en cōtētaissent: & sembloit, sans rien nommer, qu'il voulüst dire Eu & Saint-Vallery. Et luy sembloit q̄, par ce moyen, les Angloys se cō-tenteroyēt de luy, & du refus qu'il leur auoit fait de ces places. Le Roy, à qui il fusthoit d'auoir ioué son personnage, & faire entēdre au Seigneur de Con-tay les paroles dont vsoit & faisoit vser ce Cōnestable p̄ les gens, ne leur feit aucune mal-gracieuse responce, mais seulement leur dist: l'enuoyray deuers mon frere, & luy feray sçauoir de mes nouuelles: & puis leur donna congé.

\* guider *ex-  
emplent.*

L'un feit le serment en la main du Roy que, s'il sçauoit riens, qui touchast le Roy, de le reueler. Il greua beaucoup au Roy de disimuler de ceste pa-rolle, ou ilz conseilloient de bailler terre aux Angloys: mais, doubât que le-dict Connestable ne feist pis, n'y voulut point respondre, en façon qu'ilz cō-gnussent qu'il l'eust mal prins: mais enuoya deuers luy. Le chemin estoit court, & ne mettoit vn homme gueres à aller & retourner. Le Seigneur de Contay & moy partismes de cest osteuant, quand les autres s'en furent allez: & rioit le Roy, en faisant bien bonne chere: mais ledict de Contay estoit comme hōme sans patience d'auoir ouy telles sortes de gens ainsi se moquer de son maistre, & veu encores les traictēz qu'il menoit avec luy: & luy tar-doit qu'il ne fust ia à cheual pour l'aller dire à sōdict maistre le Duc de Bour-gongne. Sur l'heure fut despesché ledict Seigneur de Contay, & son instru-ction escripte de sa main propre, & emporta vne lettre de creance de la main du Roy, & s'en partit.

Nostre matiere d'Angleterre estoit ia accordée, cōme auez ouy: & se me-noyent tous ces marchez en vn temps, & en vn coup. Ceulx, qui de par le Roy s'estoyent trouuez avec les Angloys, auoyent fait leur rapport, comme auez entēdu, & ceulx du Roy d'Angleterre retournēz deuers luy. Des deux

\* A part xxx.  
neil.

costez fut accordé & delibéré par ceulx, qui allerent & vindrét, que les deux Roys se verroyent: & q, apres qu'ilz se seroyent veuz, & iuté les traictez pourparlez, que le Roy d'Angleterre s'en retourneroit en son païs, apres auoir receu les septante deux mille Escus, & qu'il laisseroit en ostage monseigneur de Hauart, & son Grand-Escuyer mesire Iehan Chemé, iusques à ce qu'il fust passé la mer. \* Par apres furent promis seize mille Escus, de pension aux seruiteurs priuez du Roy d'Angleterre. A monseigneur de Hastings deux mille Escus: & à monseigneur de Hauart, au Grand-Escuyer, à Chalángier, à monseigneur de Mont-gomery, & à d'autres, le demourant: & largement argent content & vaisselle fut donnée aux seruiteurs dudict Roy Edouard.

Le Duc de Bourgogne, sentât ces nouuelles, vint de deuers Luxebourg, ou il estoit, à tresgrand haste, deuers le Roy d'Angleterre: & n'auoit que seize cheuaux, quand il arriua deuers luy. Le Roy d'Angleterre fut fort esbahy de ceste venue si soudaine: & luy demanda qui l'amenoit: & veit bien qu'il estoit courroucé. Ledit Duc luy respondit qu'il venoit parler à luy. Le Roy luy demâda s'il vouloit parler à luy à part ou en public. Lors luy demâda le Duc s'il auoit la paix. Le Roy luy respondit qu'il auoit fait vne trefue pour neuf ans: en laquelle il estoit compris, & le Duc de Bretagne: & qu'il luy prioit qu'il s'y accordast. Ledit Duc se courrouça, & parla en Angloys (car il sçauoit le langaige) & allegua plusieurs beaulx faictez des Roys d'Angleterre, qui estoient passez en France, & des peines qu'ilz y auoyent prinſes, pour y acquerir hôneur: & blasma fort ceste trefue, disant qu'il n'auoit point cherché à faire passer les Angloys pour besoing qu'il en eust, mais pour recouurer ce qui leur appartenoit: & à fin qu'ilz congnuſſent qu'il n'auoit nul besoing de leur venue, qu'il ne prendroit trefue avec nostre Roy iusques à ce que le Roy d'Angleterre eust esté trois moys de la mer: & apres ces paroles, part, & s'en va de là ou il venoit. Le Roy d'Angleterre print tresmal ces paroles, & ceulx de son conseil. Autres, qui n'estoyent point contens de ceste paix, louerent ce que le Duc auoit dit.

*Comment le Roy feit festoyer les Angloys dedans Amyens: & comment place fut assignee pour la venue des deux Roys.*

*Chap. 9.*

**L**E Roy d'Angleterre, pour conclure ceste paix, vint loger à demye lieue d'Amyens: & estoit le Roy à la porte, qui de loing les pouuoit voir atriuer. Pour ne mentir point, il sembloit bien qu'ilz fussent neuf à ce mestier de tenir les champs: & cheuauchoyent en assez mauuais ordre. Le Roy enuoya au Roy d'Angleterre trois cens chariotz de vin, des meilleurs qu'il fut possible de finer: & sembloit ce charroy quasi vn ost ausi grâd q celuy du Roy d'Angleterre. Et, pource qu'il estoit trefue, venoyent largemēt Angloys en la ville, & se môstroyent peu sages, & ayās peu de reuerēce à leur Roy. Ilz venoyēt tous armez, & en grand compaignie: & quand nostre Roy y eust voulu aller à mauuaise foy, iamais si grâde cōpaignie ne fut si aisee à descōſire: mais sa pensee n'estoit autre qu'à les bien festoyer, & se mettre en bonne paix avec eulx pour son temps. Il auoit ordonné, à l'entree de la porte de la ville, deux grandes tables, à chascun costé vne, chargees de toutes

de toutes bonnes viandes, qui font enuie de boire : & de toutes sortes : & les vins les meilleurs dont se peut aduiser : & des gens pour les sèruir. D'eau n'estoit nouuelles . A chascune de ses tables auoit fait soier cinq ou six hommes de bonne maison fort gros & gras, pour mieulx plaie à ceulx qui auoyent enuie de boire : & y estoient le Seigneur de Cran, le Seigneur de Briqueber, le Seigneur de Bresmes, le Seigneur de Villiers, & autres : & des q̄ les Angloys. s'approchoyent de la porte, ilz voyoyent ceste asiete : & y auoit gens qui les prenoyent à la bride \* & les amenoyent pres de la table : & estoient traictez pour ce passage selon l'asiete, & en tresbonne sorte, & le prenoyent bien en gré. Comme ilz estoient en la ville, quelque part qu'ilz descendissent, ilz ne payoyent riens \* & estoient fournis de ce qui leur estoit necessaire, ou ilz alloient boire & manger, & demandoient ce qu'il leur plaisoit, & ne payoyent riens : & dura cecy trois ou quatre iours.

\* Le sieul *Exf.*  
dit & disoyent  
qu'ilz leur  
courussent  
vne lance &  
les &c.

\* Le sieul *Exf.*  
dit & y auoit  
neuf ou dix  
tauernes bien  
fournies.

Vous auez ouy comme ceste trefue desplaisoit au Duc de Bourgogne : mais encores desplaisoit elle plus au Connestable, qui se voyoit mal de tous costez, & auoit faillly : & pour ce enuoya, deuers le Roy d'Angleterre son confesseur, avec vne lettre de creāce : qui estoit tel le que, pour l'amour de Dieu, il n'adioustast soy aux paroles ny aux promesses du Roy, mais que seulement il voulsist prendre Eu & Saint-Vallery : & s'y loget pour partie de l'yuer : car, auant qu'il fust deux moys, il feroit en façon qu'il seroit bien logé : sans luy bailler autre seuteté, mais tresgrande esperance . Et, à fin qu'il n'eust cause de faire vn meschant appointment, pour peu d'argent, luy offroit à prester cinquante mille Escus : & luy faisoit beaucoup d'autres belles ouuertures : & desia \* luy auoit fait bailler le Roy ces deux places, dōt il parloit, à cause que le dict Connestable luy auoit cōseillé les bailler aux Angloys : & le Roy d'Angleterre en estoit aduertty : lequel feit response au dict Cōnestable que sa trefue estoit conclue, & qu'il ne changeroit rien en ceste matiere : & , s'il luy eust tenu ce qu'il luy auoit promis, qu'il n'eust point fait cest appointment. Lors fut de tous poinz le dict Connestable desesperé.

\* Le Roy auoit fait brul  
ler ces deux  
*Exemp. uel.*

Or vous oyez comme ces Angloys se traictoyent en la ville d'Amyès. Vn soir monseigneur de Torcy vint dire au Roy qu'il y en auoit largemēt, & que c'estoit grand danger. Le Roy s'en courrouça à luy. Ain si chascun s'en teut. Le matin estoit le iour semblable \* celle annee, qu'auoit esté les Innocens : & à tel iour le Roy ne vouloit ouir parler de nulle de ces matieres : & tenoit à grand malheur quād on luy en parloit : & se courrouçoit fort à ceulx qui l'auoyent acoustumé de hanter, & congnoissoyent sa condition : toutesfois ce matin dont ie parle, comme le Roy se leuoit, & disoit ses heures, quelcun me vint dire qu'il y auoit bien neuf mille Angloys en la ville . Je me delibetay prendre l'auenture de luy dire : & rentray en son tetract, & luy dy : Sire, non obstāt qu'il soit \* le iour des Innocens, si est il necessaire q̄ ie vous die ce q̄ l'on m'a dit : & luy comptay au lōg le nombre qui y estoit, & tousiours en venoit, & tous atmez, & que nul ne leur osoit refuser la porte de paour de les mescontenter . Ledict Seigneur ne fut point obstiné, mais tost laissa ses heures : & me dist qu'il ne faisoit point tenir la cerimonie des Innocens ce iour, & que ie montasse à cheual, & que i'essayasse à parler au Chef des Angloys, pour voir

\* qu'auoyent  
esté des In-  
nocens ceste  
annee : & à tel  
*Exemp. uel.*

\* C'est à dire  
semblable au  
iour cy.

# QUATRIEME LIVRE DES MEMOIRES

si les pourrions faire retirer : & que ie disse à les Capitaines, si aucuns en ren-  
controye, qu'ilz vinsent parler à luy, & qu'il viendroit incontinent à la por-  
te apres moy. Ainsy le fey, & parlay à trois ou à quatre des Chefz des Angloys,  
que cōgnoissoye, & leur dy ce qui seruoit à ceste matiere. Pour vn qu'ilz r'en-  
uoyoyent, y en entroit vingt. Le Roy enuoya apres moy monseigneur de  
Gyë, à ceste heure Marechal de France, pour ceste matiere. Nous entraismes  
en vne tauerne, ou ia auoyent esté faictz cent & onze escortz, & n'estoit pas  
encores neuf heures du matin. La maison estoit pleine. Les vns chantoient :  
les autres dormoyent, & estoient yures. Quand ie congny cela, il me sembla  
bien qu'il n'y auoit point de peril, & le manday au Roy : lequel vint inconti-  
nent à la porte, bien acompaigné : & secretement fait armer deux ou trois cës  
Hômes-d'armes es maisons de leurs Capitaines, & aucuns en mit sur le por-  
tail par ou ilz entroyët. Le Roy feit apporter son disner en la maison des por-  
tiers : & feit disner plusieurs gens de bien des Angloys avec luy. Le Roy  
d'Angleterre fut aduertý de ce desordre, & en eut honte : & manda au Roy  
qu'il commandast qu'on ne laissast nul entrer. Le Roy feit responce que cela  
ne seroit il iamais : mais, s'il plaisoit au Roy d'Angleterre, qu'il enuoyast de  
ses Archiers de la couronne, & qu'ilz gardassent la porte, & missent dedans  
ceulx qu'ilz voudroyent : & ainssi fut faict : & beaucoup d'Angloys s'en alle-  
rent de la ville, par le commandement du Roy d'Angleterre.

Il fut lors aduisé q pour mettre fin à tout, faloit aduiser le lieu ou les deux  
Roys se verroyent, & ordonner gens à visiter la place. De la part du Roy y  
allasmes monseigneur du Bouchage & moy : & pour le Roy d'Angleterre,  
monseigneur de Hauart, & vn appelé Chalangier, & vn Herault. Et apres a-  
uoir bien allé & visité la riuiera, nous arrestasmes que le plus beau lieu, & le  
plus seur, estoit Picquigny, à trois lieues d'Amyens, vn fort chasteau, qui est  
au Vidasme d'Amyens, combien qu'il auoit esté brulé par le Duc de Bour-  
gongne. La ville est basse, & y passe la riuiera de Somme : laquelle n'est point  
gucable : & en ce lieu n'est point large. Par là ou venoit le Roy, le pais estoit  
beau & large. De l'autre costé par ou venoit le Roy d'Angleterre, le pais es-  
toit tresbeau, sauf que, quand il venoit à approcher de la riuiera, il y auoit  
vne chaussee de bié deux grans traictz d'arc de lóg, qui auoit les marais d'un  
costé & d'autre : & qui ne fust allé à la bonne foy, c'estoit vn tresdangereux  
chemin. Et sans point de doubte (côme i'ay dit ailleurs) les Angloys ne sont  
pas si subtilz en traictéz & appointemens, comme sont les François : & quel-  
que chose que l'on en die, ilz vont assez grossement en besongne : mais il fault  
auoir vn peu de patience, & ne debatre point coleriquement avec eulx.

Apres que la conclusion de nostre lieu fut prinse, il fut ordonné d'y faire  
vn pont, bien \* passant & assez large : & fournismes les Charpentiers & les es-  
toffes. Et au milieu de ce pont fut faict vn treillis de boys, comme l'on fait  
aux cages de ces Lyons : & n'estoyent point les trous entre les barreaux plus  
grans qu'à y bouter vn bras à son aise. Le dessus estoit couuert d'ais seulémēt,  
pour la pluye, si auant qu'ilz se pouoyent mettre dix ou douze personnes  
dessus de chascun costé : & cōprenoit le treillis iusques sur le bord du pont,  
à fin qu'on ne peust passer de l'un à l'autre. En la riuiera y auoit seulémēt vne  
sentine :

\* puissant  
Exemp. aut.

sentine:ou il y auoit deux hommes,pour passer ceulx, qui vouldröyent aller d'un costé à l'autre.

Le veulx dire l'occasion qui meut le Roy que cest entredeux fust faict, de telle façon que l'on ne peust aller de l'un costé à l'autre:& pourroit parauanture seruir, le temps aduenir, à quelcun, qui auroit à faire semblable cas. Du temps du Roy Charles septieme, estant en assez ieune aage, le royaume estoit fort persecuté des Angloys: & estoit le Roy Henry, cinquieme, au siege deuant Rouen, & le tenoit fort à destroit: & la pluspart de ceulx de dedäs estoient subiectz, ou partisans, du Duc Iehan de Bourgongne, qui pour lors regnoit.

*Digne lieu, ou laquelle est traitté de la mort de Iehan de Bourgongne, en une telle veue que celle du Roy de France et d'Angleterre.*

Entre ledict Duc Iehan de Bourgongne & le Duc d'Orleans y auoit ia eu grand differét, & tout ce royaume, ou la pluspart, diuisé par ces deux parties: dont le faict du Roy ne valoit pas mieulx. Partialité ne commença iamais en pais que la fin n'en fust domageuse, & mal aisee à estaindre. Pour ceste question, dont ie parle, auoit ia esté tué le Duc d'Orleans à Paris, vn an auoit. Ledict Duc Iehan auoit grand' armee, & alloit & venoit en intention de leuer le siege, qui estoit deuant Rouen:& pour mieulx y pouoir paruenir, & asseurer du Roy, auoit esté traitté que le Roy & luy se verroyent à Montereau ou fault Yonne:& là fut faict vn pôt, & vnes barrieres au milieu:mais au milieu desdictes barrieres y auoit vn petit huysser, qui fermoit des deux costez: parquoy on pouoit aller de l'un costé à l'autre: mais q̄ les deux pars le voulsissent. Ainsi se trouua le Roy de l'un costé du pont, & ledict Duc Iehan de Bourgongne de l'autre, accompagnez de grand nombre de Gens-d'armes, & specialement le Duc Iehan. Ilz se mirent à parlerment sur le pont:& à l'endroit ou ilz parloyent, n'y auoit avec ledict Duc que trois ou quatre personnes. Leur parlement encommencé, fut le Duc semons tellement, ou par enuie de soy humilier deuant le Roy, qu'il ouurit de son costé, & on luy ouurit de l'autre, & passa luy quatrieme. Incötinent fut tué, & ceulx qui estoient avec luy: dont est aduenü depuis assez de maulx, comme chascun scait. Cecy n'est pas de ma matiere: parquoy ie n'en dy plus auant: mais le Roy le me compta, ne plus ne moins que ie vous dy, en ordonnant ceste veue:& disoit que s'il n'y eust point eu d'huy à ceste veue, dont i'ay parlé, on n'eust point eu d'occasion de semondre ledict Duc de passer:& ce grand incöuenient ne fust point aduenü: dont principalement furent cause aucuns seruiteurs dudict Duc d'Orleäs, lequel auoit esté tué, comme ie vous ay dit, & estoient en auctorité avec le Roy Charles septieme.

*\* Notez toutes fois qu'il n'estoit encorres que Damipion.*

*Comment les deux Roys s'entreueirent, & iurerent la trefue par auant traittee: & comment aucuns estimèrent que le Saint-Esprit descendit sur la tente du Roy d'Angleterre, en espee de pigeon blanc.* Chap. 10.



Oz Barrieres ainsi faictes, comme vous auez ouy, vindrent le lendemain les deux Roys: & fut l'an mil quatre cens septante cinq le vingt & neuvieme iour d'Aoust. Le Roy auoit enuiron huiët cës Hommes-d'armes avec luy: & arriua le premier. Du costé, ou estoit le Roy d'Angleterre, estoit toute son armee en bataille. Et combié que nous ne pensions point voir le tout, si voyons nous vn tresgrand nombre de Gés-

*\* le dix-neufieme Exemp. uel.*

# QVATRIEME LIVRE DES MEMOIRES

de-cheual,& de pied ensemble. Ce que nous auïos de nostre costé ne paroif-  
 soit riens aupres d'eulx. Aussi la quarte partie de l'armee du Roy, n'y estoit  
 pas. Il estoit dict qu'auecques chascun des Roys y auoit douze hommes, qui  
 estoient ia ordonnez, pour estre aux barrieres, des plus grans & des plus pro-  
 chains. De nostre costé auions quatre hommes du Roy d'Angleterre, pour  
 voir ce qui se faisoit parmy nous: & autant en auoyent ilz, de leur costé,  
 des nostres. Comme ie vous ay dit, le Roy estoit arriué le premier, & estoit  
 ia aux barrieres:& estions douze aupres de luy:entre lesquelz estoient le feu  
 Duc Iehan de Bourbon,& le Cardinal son frere. Le plaisir du Roy auoit esté  
 que ie fusse vestu pareil de luy, ce iour. Il auoit acoustumé, de long temps,  
 d'en auoir quelcun qui s'habilloit pareil de luy souuent. Le Roy d'Angle-  
 terre vint du lóg de la chaussée, dont i'ay parlé, tresbien acompagné:& sem-  
 bloit bien Roy. Auecques luy estoit le Duc de Clarence son frere, le Duc de  
 Northombellande,& aucuns autres Seigneurs, son Châbellan, appelé mon-  
 seigneur de Hastings, son Chancelier & autres:& n'y en auoit que trois ou  
 quatre habillez de drap d'or, pareil du Roy. Ledict Roy auoit vne barrette  
 de velours noir sur sa teste:& y auoit vne grand' fleur de Lys de pierrerie par  
 dessus. C'estoit vn tresbeau Prince, & grand: mais il commençoit à s'en-  
 gresser:& l'auoye veu autresfois plus beau:car ie n'ay point souuenance d'a-  
 uoir iamais veu vn plus bel homme qu'il estoit, quand môseigneur de Vuar-  
 uyc le feit fuir d'Angleterre. Côme il approcha de la barriere, à cinq piedz  
 pres, il osta sa barrette, & s'agenouilla, comme à demy pied de terre. Le Roy  
 luy feit aussi grande reuerence: lequel estoit ia appuyé contre la barriere. Et,  
 à fêtr'embracer par entre les trous, feit le Roy d'Angleterre encores vne plus  
 grande reuerence. Le Roy commença la parole,& luy dist:\* Mon cousin,  
 vous sôyez le tresbien venu. Il n'y a homme au monde que ie desirasse tant à  
 voir que vous:& loué soit Dieu dequoy nous sommes cy assemblez à si bon-  
 ne intention. Le Roy d'Angleterre respondit à ce propos, en assez bon Fran-  
 çois. Lors cōmença à parler le Chancelier d'Angleterre, qui estoit vn Pre-  
 lat, appelé l'Euesque\* de Lisle:& commença par vne prophetie, dont les An-  
 gloys ne sont iamais despourueus:laquelle disoit qu'en ce lieu de Picquigny  
 le deuoit faire vne grande paix entre France & Angleterre. Et apres furent  
 desployees les lettres, que le Roy auoit fait bailler audict Roy d'Angleterre,  
 touchant le traité qui estoit fait:& demanda ledict Chancelier au Roy s'il  
 les auoit commandees telles, & s'il les auoit pas pour agreables. A quoy le  
 Roy respōdit que ouy, & aussi celles qui luy auoyent esté baillees de la part  
 du Roy d'Angleterre. Et lors fut apporté & ouuert le messel:& mirent les  
 deux Roys la main dessus, & les deux autres sur la saincte vraye croix:& iu-  
 rerent tous deux tenir ce qui auoit esté promis entre eulx. C'estasçauoir la  
 trefue de neuf ans\* accomplis, compris les alliez d'un costé & d'autre, &  
 d'accomplir le mariage de leurs enfans, ainsi qu'il estoit cōtenu audict trai-  
 cté. Apres le serment fait, nostre Roy, qui auoit bien la parole à commā-  
 dement, commença à dire au Roy d'Angleterre, en se riant, qu'il faloit qu'il  
 vint à Paris, & qu'il le festoyeroit avec les Dames:& qu'il luy bailleroit mô-  
 seigneur le Cardinal de Bourbon, pour confesseur, qui estoit celuy qui l'ab-  
 souldroit

\* Le uiril Est.  
 y adrouste Mô-  
 sieur.

\* d'Isle xix.  
 uiril, qui pour-  
 roit estre l'a-  
 uisité que vol-  
 vergil. nomme  
 Eliensis.

\* Le uiril Est.  
 sage ce mot.

souldroit tresvolontiers de ce peché, s'aucun y en auoit commis. Le Roy d'Angleterre le print à grand plaisir: & parloyent de bon vifage: car il scauoit bien que ledict Cardinal estoit bon compaignon. Comme ce propos eut vn peu duré, ou semblable, le Roy, qui se monstroit auoir autorité en ceste compaignie, nous feit retirer ceulx qui estoient avec luy: & nous dist qu'il vouloit parler au Roy d'Angleterre seul. Ceulx du Roy d'Angleterre se retirerent semblablement, sans attendre qu'on leur dist. Comme les deux Roys eurent vn peu parlé, le Roy m'appela, & demanda au Roy d'Angleterre s'il me congnoissoit. Il luy respondit que ouy, & dist les lieux ou il m'auoit veu: & que d'autresfois m'estoye empesché pour le seruir à Calais, du temps que i'estoye avec le Duc de Bourgogne. Le Roy luy demanda si le Duc de Bourgogne ne vouloit point tenir la trefue (pource que si orgueilleuement en auoit respondu) ce qu'il luy plaisoit qu'il feist. Le Roy d'Angleterre luy dist qu'il la luy \* offriroit encôres, & que s'il ne la vouloit accepter, qu'il s'en rapporteroit à eulx deux. Apres vint le Roy tomber sur le Duc de Bretagne (qui estoit ce qui luy auoit fait ouuir ceste parole) & luy en feit semblable demande. Le Roy d'Angleterre luy respondit qu'il luy prioit qu'il ne voulüst point faire la guerre audiect Duc de Bretagne, & qu'en sa necessité il n'auoit iamais trouué si bon amy. Le Roy s'en teut à tant: & avec les plus amyables & gracieuses paroles qu'il peut, en rappelant la compaignie, print congé du Roy d'Angleterre: & dist quelque bon mot à chascun de ses gens. Et ainsi, tous deux en vii coup, ou bien peu s'en salut, se retirerent de la bartiere, & monterent à cheual. Le Roy s'en alla à Amyens, & le Roy d'Angleterre à son Ost: à qui on enuoyoit de la maison du Roy tout ce qu'il luy faisoit besoing, iusques aux torches & aux chandelles. A ce parlement ne se trouua point le Duc de Glocestre frere du Roy d'Angleterre & aucuns autres, comme mal cõtens de ceste trefue: mais depuis ilz se reuindrent: & vint depuis ledict Duc de Glocestre vers le Roy iusques à Amyens: & luy feit le Roy de tresbeaux presens, comme de vaissele & de cheuaux bien accoustrez.

Quand le Roy se fut retiré de ceste veue, il parla à moy au long du chemin, sur deux poinctz. Il trouua le Roy d'Angleterre si prest de venir à Paris, que cela ne luy auoit point pleu: & disoit: C'est vn tresbeau Roy. Il aime fort les femmes. Il pourroit trouuer quelque affectee à Paris, qui luy pourroit bien dire tant de belles paroles qu'elle luy feroit enuie de reuenir: & que ses predecesseurs auoyent trop esté à Paris & en Normandie, & que la compaignie de l'autre ne valoit rien deçà la mer: mais que dela la mer il le vouloit bien pour bõ frere & amy. Encores se \* douloit le Roy de quoy il l'auoit trouué vn peu dur, quand il auoit parlé du Duc de Bretagne: & l'eust volontiers gaigné qu'il se fust contenté qu'on eust fait la guerre en Bretagne: & luy en feit encore sentir par monleigneur du Bouchage, & par monleigneur de Saint-Pierre: mais, quand le Roy d'Angleterre s'en veit pressé, il dist que, qui feroit guerre en Bretagne, il repasseroit vne autrefois pour la deffendre. Ouye laquelle responce on ne luy en parla plus. Comme le

\* offroit & ad.  
uied.

\* doubtoit  
l'empain.



Roy fut arriué à Amyens, & comme il voulut soupper, vindrent trois ou quatre de ceulx du Roy d'Angleterre soupper avec luy, qui auoyent aydé à traicter ceste paix : & monseigneur de Hauart commença à dire au Roy, en l'oreille, que, s'il vouloit, il trouueroit bien moyen de faire venir le Roy son maistre iusques à Amyens, par aduerture iusques à Paris, à faire bonne chere avec luy. Le Roy, combien que cest offre ne luy plaisoit gueres, si en feit il tres bon visage : & se print à lauer, sans trop respondre à propos : mais me dist en l'oreille que ce qu'il auoit pensé luy estoit aduenü. c'estoit cest offre. Encores en parlerent ilz apres soupper : mais, le plus sagement qu'on peut, on rompit ceste entreprinse, disant qu'il falloit que le Roy partist à grande diligence, pour aller contre le Duc de Bourgogne. Combien que ces matieres estoient tres grandes, & que des deux costez on mettoit peine à sagement les conduire, toutesfoi y aduint il des choses plaisantes, qui ne sont pas à oublier. & ne se doit personne esbahir, à voir les grans maulx que les Angloys ont fait en ce royaume, & de fresche memoire & datte, si le Roy trauailloit & despendoit à les mettre hors amyablement, à fin qu'il les peust encores tenir amys pour le temps aduenir, au moins qu'ilz ne luy feissent point de guerre.

Le lendemain de nostre veue vindrét grand' force d'Anglyos à Amyens : & nous fut compté par aucuns que le Saint-Esprit auoit fait ceste paix : car rous se fondoyent en propheties : & ce qui leur faisoit dire, estoit qu'un Pigeon blanc s'estoit trouué sur la tente du Roy d'Angleterre, le iour de la veue : & pour quelque bruit qu'il y eut en l'Ost, il ne s'estoit voulu bouger : mais, à l'opinion d'aucuns, il auoit vn peu pleu, & puis il vint vn grãd soleil, & ce Pigeon se vint mettre sur ceste tente, qui estoit la plus haulte, pour s'essuyer. Et ceste raison dessusdicte m'allegua vn Gentil-homme de Gascongne, seruiteur du Roy d'Angleterre, appelé Louis de Bretailles : lequel estoit tresmal content de ceste paix : & pource qu'il me congnoissoit de long temps, parla à moy priuement : & disoit que nous nous moquerions fort du Roy d'Angleterre. Et luy demanday quantes batailles le Roy d'Angleterre auoit gaignees. Il me dist neuf, ou il y auoit esté en personne. Je luy demanday combien il en auoit perdu. Il me respondit qu'il n'en auoit perdu qu'une, & que c'estoit celle que nous luy faisons perdre, & qu'il reputoit ceste honte plus grande de le renuoyer en cest estat qu'il ne faisoit l'honneur qu'il auoit eu à gaigner les autres neuf. Je comptay cecy au Roy, qui me dist que c'estoit vn tresmauuais paillard, & qu'il le falloit garder de parler. Il l'enuoya querir à son disner, & le feit disner avec luy, & luy offrit de tres beaux & bons partis, s'il eust voulu demourer pardeça : & quand il veit qu'il ne vouloit demourer, il luy donna mille escus content : & luy promit faire des biens à des freres qu'il auoit pardeça : & ie luy dy quelque mot en l'oreille, à fin qu'il mist peine d'entretenir l'amour qui estoit commenee entre les deux Roys.

Il n'estoit rien au monde dont le Roy eust plus grand' paour que de ce qu'il luy eschappast quelque mot, parquoy les Angloys pensassent qu'il  
se moquast

se moquast d'eulx : & d'auentute, le lendemain, apres ceste veue, comme il estoit en son rettaict, que nous n'estions que trois ou quatre, il luy eschappa quelque mot de risée, touchant les vins & les ptesens qu'il auoit enuoyez à l'Ost des Angloys : & en se tournant, il apperceut vn marchand, Gascon, qui demouroit en Angleterre : lequel luy estoit venu demander vn congé, pour tiret certaine quantité de vin de Gascongne sans tien payer du droit du Roy, & estoit chose qui pouuoit fort profiter audict marchand, s'il luy estoit accordé. Lediect Seigneur fut treselbahy, quand il le veit, & comment il pouuoit estre entré. Il luy demanda de quelle ville il estoit en Guyenne, & s'il estoit marchand & marié en Angleterre. Le marchand luy respondit que ouy, mais qu'il n'y auoit guetes vaillant. Incontinent le Roy luy bailla vn homme, auant que partir de là, qui le conduisit à Bordeaux : & parlay à luy par le commandement du Roy : & eut vne tresbonne office en la ville, dont il estoit nay, & la traicte des vins qu'il demanda, & mille francs contens pour faite venir sa femme : & enuoya vn sien frere en Angleterre sans ce qu'il y allast : & ainsi se condamna le Roy en ceste amende, congnoissant qu'il auoit trop parlé.

*Comment le Connestable taschoit de s'excuser enuers le Roy,  
apres la trefue faicte à l'Anglois : & comment fut ausi  
faicte trefue de neuf ans entre le Roy Louis  
& le Duc de Bourgongne.  
Chap. II.*



E iout dont i'ay patlé, qui fut le lendemain de nostre veue, monseigneur le Connestable enuoya vn sien seruiteur nommé Rapine, à qui le Roy feit depuis du bien : & estoit bon seruiteur de son maistre : lequel apporta lettres au Roy. Lediect Seigneur voulut que monseigneur du Lude & moy ouissions sa creance : & estoit ia venu monseigneur de Contay de la marchandise, contre monseigneur le Connestable, dont vous auez ouy parler cy dessus : & ne scauoit plus le Connestable à quel saint se vouer, & se tenoit comme pour perdu. Les patoles, que nous dist Rapine, estoient tresumbles : & que son maistre scauoit bien qu'on auoit fait beaucoup de rapportz au Roy contre luy, mais qu'il auoit bien peu congnoistre par experience, qu'il n'auoit point voulu faire de faulte. Et, pout mieulx asseuter le Roy de son vouloir, entra en quelq marché de teduire môseigneur de Bourgongne en façon qu'il aydroit à destrouffet le Roy d'Angleterre, & toute sa bēde, s'il vouloit : & sembloit bien à sa façon de parler que son maistre estoit despourueu de toute esperance. Nous luy dismes q nous auions bon accord avec les Anglois, & q nous n'y vouldtions point de debat : & l'aduētura môseigneur du Lude, qui estoit avec moy, iusques à luy demāder s'il ne scauoit point ou estoit l'argent contant de son maistre. Le m'esbahy cōme ceste parole luy eschappa, veu q cestuy là estoit tresbon seruiteur, & qu'il ne feit fuir lediect Connestable, & entendre son cas, & ce qu'on procuroit contre luy, &

*\* L'esp' aieil  
raye tous ces  
mots iusques à  
Les autres:  
Or du ançi  
ne cy n'ail-  
leurs. Les  
vns n'ont  
point d'espe-  
rance d'auoir  
recueil & seu-  
reté es pais  
voyfins. Les  
autres &c.*

encores veu le peril en quoy il auoit esté, n'auoit qu'un an : mais i'ay veu peu de gens en ma vie qui sachent fuir à temps \* n'eüiter leurs malheurs, ne cy n'ailleurs : car les vns n'ont point d'experience d'auoit veu à l'œil leurs pais voyfins. qui est grand' faulte à tout homme de bien : car, auoir veu les choses par experience, cela donne grand sens & grand hardement. Les autres ont trop d'amour à leurs biés, à leurs femmes, & à leurs enfans. Et ces raisons ont esté cause de faire perir beaucoup de gens de bien.

Quand nous eüsmes fait nostre rapport au Roy, il appela vn Secretaire : & n'y auoit avec luy que mōseigneur de Hauart, seruiteur du Roy d'Angleterre, qui ne sçauoit rien de ce qu'on gardoit audiēt Conneſtable : & y estoit le seigneur de Contay, qui reuenoit d'avec le Duc de Bourgogne, & nous deux qui auions parlé audiēt Rapine. Le Roy nomma vne lettre audiēt Conneſtable : & luy mandoit ce qui auoit esté fait le iour de deuant, & de ceste trefue : & qu'il estoit empesché en beaucoup de grans affaires, & qu'il auoit bien à besongner d'une telle teste, comme la sienne : & puis se retourna deuers les Angloys, & monseigneur de Contay, & leur dist .le n'enten point que nous eüſſions le corps : mais i'enten que nous eüſſions la teste, & que le corps fust demouré là. Ceste lettre fut baillee à Rapine, qui la trouua tresbonne : & luy sembloit parole tresamyable, que le Roy disoit, qu'il auoit bien à besongner d'une telle teste que celle de son maistre, & n'entendoit point la fin de ceste parole. Le Roy d'Angleterre enuoya au Roy les deux lettres de creance, que lediēt Conneſtable luy auoit escriptes : & manda toutes les paroles, qu'il luy auoit iamais mandees : & ainsi pouuez voir en quel estar il l'estoit mis entre ces trois grans hommes : car chascun des trois luy vouloit sa mort.

Le Roy d'Angleterre, apres auoir receu son argent, se mit à chemin, droit à Calais, à bonnes iournees : car il doubtoit la haine du Duc de Bourgogne, & de ceulx du pais : & à la verité, quand ses gens s'esgaroyent, quelcun en demouroit tousiours par les buissons : & laissa ses ostages, comme il auoit promis, monseigneur de Hauart, & mesire Iehan Chene, Grand-Escuyer d'Angleterre, iusques à ce qu'il fust passé la mer..

*retire disgres-  
sion sur quelque  
finesse du Roy  
d'Angleterre,  
emeri ses sab-  
res.*

Vous auez ouy au commencement de ceste matiere d'Angleterre, comme ce Roy n'auoit point fort ceste matiere à cœur : car, des ce qu'ilz estoient à Douures en Angleterre, & auant que monter au nauire, pour passer, il entra en pratique avec nous. Et ce, qui le faisoit passer deçà, n'estoit que pour deux fins. L'une, que tout son royaume le desiroit, cōme ilz ont accoustumé le temps passé, & la presse que leur en faisoit le Duc de Bourgogne. L'autre, raison estoit, pour reseruer vne bonne grosse somme d'argent de celuy qu'il auoit lors en Angleterre leué, pour faire ce passage : car, comme vous auez ouy, les Roys d'Angleterre ne leuent iamais riens que leur demaine, si ce n'est pour ceste guerre de France. Vne autre habilité auoit fait lediēt Roy, pour contenter les subiectz. Il auoit amené dix ou douze hommes, tant de Londres que d'autres villes d'Angleterre, gros & gras, qui estoient des principaux entre les communes d'Angleterre, & qui estoient ceulx qui auoyent fort

fort tenu la main à ce passage, & à mettre sus ceste puissante armee. Lediç Roy les faisoit loger en bonnes tentes: mais ce n'estoit point la vie qu'ilz auoyent acoustumee: & en surēt tost las: & cuidoyēt qu'au bout de trois iours ilz deussent atoir vne bataille, quād ilz seroyent deçà la mer: & le Roy d'Angleterre aidoit à leur faire des doubtes, & ausi des craïtes, & à leur faire trouuer la paix bonne, à fin qu'ilz luy aydassent, quand ilz seroyent de retour en Angleterre, à estaindre les murmures qui pourroyent estre à causē de son retour. Car onques Roy d'Angleterre, depuis le Roy Artus, n'amena tant de gens & de gros personnages pour vn coup deçà la mer: & s'en retourna trefdiligemment comme vous auez ouy: & luy demoura beaucoup d'argent de celuy qu'il auoit leuē en Angleterre, pour le payement des ses Gens-d'armes. Ainsi paruint à la pluspart de ses intentions. Il n'estoit point complexionné pour porter le travail, qui seroit necessaire à vn Roy d'Angleterre, qui voudroit faire cōqueste en France: & pour ceteins, le Roy auoit biē pourueu à la deffence, combien que par tout n'eust scēu biē pouruoir, aux ennemis qu'il auoit: car il en auoit trop. Vn autre grand desir auoit le Roy d'Angleterre: c'estoit d'accomplir le mariage du Roy Charles huitieme, qui est au regne au iourd'huy, avec sa fille: & ce mariage luy feit disimuler beaucoup de choses, qui depuis tournerent au grand profit du Roy.

Après que les Angloys furent repassez en Angleterre, sauf les ostages qui estoient avec le Roy, lediç Seigneur se retira vers Laon, en vne petite ville, qui a nom Veruins, sur les marches de Haynault: & à Auēnes en Haynault le trouua le Chancelier de Bourgongne, & autres Ambassadeurs avec le seigneur de Contay, pour le Duc de Bourgongne: & desiroit le Roy à ceste fois pacifier à tout. Ce grand nombre d'Angloys luy auoit fait paour: car en son temps il auoit veu de leurs œures en ce royaume: & ne vouloit point qu'ilz retournassent. Le Roy eut nouuelles dudiç Châcelier, qui disoyent que le Roy enuoyast de ses gens à vn pont, à my-chemin d'Auennes & Veruins, & que luy & ses compaignons s'y trouueroyent. Le Roy leur manda qu'il s'y trouueroit luy mesme, combien qu'aucuns, à qui il demanda, ne furent point de cest aduis. Toutesfois il y alla: & mena les ostages des Angloys avec luy: & furent presens quand le Roy receut les Ambassadeurs: qui vindrent tresbien accompaignez d'Archiers, & d'autres gens de guerre. Pour ceste heure ilz n'eurent autres paroles avec le Roy, & les mena bon disner.

L'un de ses Angloys se commença à repentir de cest appointment: & me dist à vne fenestre, que, s'ilz eussent veu beaucoup de telles gens avec le Duc de Bourgongne, parauenture n'eussent ilz pas fait la paix. Monseigneur de Narbonne, qui auourd'huy s'appelle monseigneur de Fouez, ouit ceste parole, & luy dist: Estiez vous si simples de penser que le Duc de Bourgongne n'eust grand nombre de telz gens: Il les auoit seulement enuoyez r'atreshir: mais vous auiez si bō vouloir de retourner, que six cens pippes de vin, & vne pension que le Roy vous donne, vous ont r'enuoyē bien tost en Angleterre.

L'Angloys se courrouça, & dist: C'est bien ce que chascun nous disoit, que vous moqueriez de nous. appelez vous l'argēt, que le Roy nous donne, pen-

sion? c'est tribut. &, par saint George, vous en pourriez bien tant dire, que nous retournerions. Le rompy la parole, & la conuert y en moquerie: mais l'Angloys n'en demoura point content: & en dist vn mot au Roy, qui merueilleusement s'en courrouça audiēt seigneur de Narbonne.

Le Roy n'eut point grandes paroles aux dessusdictz Chancelier & Ambassadeurs pour ceste fois: & fut appointé qu'ilz viendroyent à Veruins: & ainsi le firent, & vindrent avec le Roy: &, quand ilz furent arriuez à Veruins, le Roy comit mesire Tanneguy du Chastel, & mesire Pierre Doriole, Chancelier de France, à besongner avec eulx, & autres. De chascun costé entrerent en grandes remonstrances, & à soustenir chascun son party. Les dessusdictz vindrent faire au Roy leur rapport, disans que les Bourguignōs estoÿent fiers en leurs paroles, mais qu'ilz leur auoyent bien riué le clou: & disoyent les responses qu'ilz leur auoyent faictes: dont le Roy ne fut point content: & leur dist que toutes les responses auoyent esté faictes maintesfois: & qu'il n'estoit point question de paix finale, mais de trefue seulement: & qu'il ne vouloit point qu'on leur vlast plus de ces paroles: & que luy mesme vouloit parler à eulx. Si feit venir lediēt Chancelier & autres Ambassadeurs en sa chambre: & n'y demoura avec luy que feu monseigneur l'Admiral, Bastard de Bourbon, monseigneur du Bouchage, & moy: & conclud la trefue pour neuf ans marchande, reuenant chascun au sien: mais lesdictz Ambassadeurs supplierent au Roy qu'elle ne fust point encores crie, pour sauuer le serment du Duc: qui auoit iuré ne le faire, que le Roy d'Angleterre n'eust esté hors de ce royaume certain temps, à fin qu'il ne semblast point qu'il eust accepté la sienne.

Le Roy d'Angleterre, qui auoit grand despit de ce que lediēt Duc n'auoit voulu accepter la trefue, & estoit aduert y que le Roy en traictoit vne autre, avec lediēt Duc, enuoya mesire Thomas de Mont-gomery, vn Cheualier fort priué de luy, deuers le Roy à Veruins, à l'heure que le Roy traictoit ceste trefue, dōt i'ay parlé, avec ceulx du Duc de Bourgōgne. Lediēt mesire Thomas requist au Roy, de par le Roy d'Angleterre, qu'il ne voulüst point prendre d'autre trefue avec le Duc, que celle qu'il auoit faicte. Aussi luy prioit ne vouloir point bailler Saint-Quentin audiēt Duc: & offroit au Roy que, s'il vouloit continuer la guerre audiēt Duc, il seroit content de repasser la mer pour luy, & en sa faueur, la saison prochaine, poutueu que le Roy le recompensast du dommaige qu'il auroit à cause de la gabelle des laines à Calais, qui ne luy vaudroit rien (ceste gabelle peut bien monter à cinquante mille Escus) & aussi que le Roy payast la moytié de son armee, & lediēt Roy d'Angleterre payeroit l'autre moytié. Le Roy mercia fort lediēt Roy d'Angleterre: & donna de la vaisselle audiēt mesire Thomas: & s'excusa de la guerre, disant que la trefue estoit ia accordée, mais que c'estoit celle propre qu'eulx deux Roys auoyent faicte du propre terme de neuf ans: mais que lediēt Duc en vouloit lettres à part: & excusa la chose au mieulx qu'il peut, pour cōterter lediēt Ambassadeur: lequel s'en retourna, & ceulx qui estoient demourez en ostage aussi. Le Roy s'esmerueillla fort des offres que le Roy d'Angleterre luy auoit faictes: & n'y eut que moy present à les  
ouir:

ouir : & sembla bien au Roy que c'eust esté chose bien perilleuse de faire repasser le Roy d'Angleterre : & qu'il y a peu à faire à mettre debat entre les François & les Angloys, quand ilz se treuuent ensemble : & qu'aisément se fussent accordez de nouueau les Bourguignons & eulx : & luy creut l'enuie de conclure ceste trefue avec les Bourguignons.

*Comment la mort du Connestable fut de tous pointz iuree entre le Roy & le Duc de Bourgogne: & comment, s'estant retiré au pais du Duc, fut, par le commandement d'iceluy, liuré au Roy, qui le feit mourir par Iustice.*

*Chap. 12.*



A trefue conclue, se remit auant la pratique du Connestable : & pourn'en faire long proces, fut reprins ce qui fut fait à Bouuynes, dont i'ay parlé cy deuant : & furent baillez les sceillez de ceste matiere d'un costé & d'autre. Et, par ce marché, fut promis, audict Duc, Sainct-Quentin, Han, & Bohain, & tout ce que ledict Connestable tenoit soubz le pouuoir dudit Duc, & tous ses meubles, quelque part qu'ilz fussent : & fut aduisé & conclu de la forme de l'assiéger dedans Han, ou il estoit : & celuy, qui premier le pourroit prédre, en feroit la iustice dedans huit iours, ou le tédroit à son compaignon. Tantost chascun se cōmença à doubter de ceste marchandise : & les plus gens de bien, que ledict Cōnestable eust, le commencerent à laisser : comme monseigneur de Genli, & plusieurs de ses compaignons qu'il auoit. Ledit Connestable, qui sçauoit bien comment le Roy d'Angleterre auoit baillé ses lettres, & descouuert ce qu'il sçauoit de luy, & que ses ennemis auoyent esté à faire la trefue, commença à auoir tresgrād' paour : & enuoya deuers le Duc de Bourgogne, luy supplier qu'il luy pleust luy enuoyer vne seureté, pour aller parler à luy de choses, qui fort luy touchoyēt. Ledit Duc de prime-face faignit à la bailler : mais à la par fin la bailla. Mainte pensée auoit ia eu ce puissant homme, ou il prendroit chemin pour fuir : car de tout estoit informé, & auoit veu le double des sceillez qui auoyent esté baillez contre luy à Bouuynes. Vne fois s'adressa à aucuns seruiteurs qu'il auoit, qui estoient Lorrains. Avec ceulx là delibera fuir en Alemaigne, & y porter grand' somme d'argent (car le chemin estoit fort seur) & d'acheter vne place sur le Rin, & se tenir là iusques à ce qu'il fust appointé de l'un des deux costez. Vne autrefois delibera tenir son bon chasteau de Han : qui tāt luy auoit cousté & l'auoit fait pour se sauuer en vne telle necessité : & l'auoit pourueu de toutes choses, autant que chasteau qui fust en nostre congnoissance. Encores ne trouua il gens à son gré, pour demourer avec luy : car tous ses seruiteurs estoient nez des Seigneuries de l'un Prince ou de l'autre : & par aduenture que la crainte estoit si grande, qu'il ne fosa suffisammēt descouurir à eulx : car ie croy qu'il en eust trouué, qui ne l'eussent pas abandonné, à bon nombre. Et n'estoit pas tant à craindre pour luy d'estre assiégedes deux Princes, que d'un seul : car c'estoit chose impossible que les deux armées se fussent accordees. Son dernier party fut d'aller vers le Duc de Bourgogne, sur ceste seureté : & ne print que quinze ou vingt cheuaulx : & tira à Mons en Henault, ou estoit le Seigneur Desmeriez, Grand-Bailif de Henault, le plus

especial amy qu'il eust:& là y seiourna, attendant nouuelles du Duc de Bourgongne:qui auoit commencé la guerre contre le Duc de Lorraine, à cause q̄ de luy auoit esté deffié, durant ce qu'il estoit au siege de Nuz:& ausi receut grand dommagen son pais de Luxembourg.

Incontinent que le Roy sceut l'allee dudit Cónestable, il aduifa d'y donner remede,& pouruoir que ledict Connestable ne peust recouurer l'amitié du Duc de Bourgongne:& tira diligemmēt deuers Saint-Quentin:& y feit amasser sept ou huiet cens Hommes-d'armes:& avec eulx y alla, bien informé de ce qui estoit dedans. Comme il vint pres de la ville, aucuns luy vindrēt au deuant, se presenter à luy. Ledit Seigneur me commanda entrer dedans la ville,& faire departir les quartiers. Ainsi le fei:& y entrerent les Gens-d'armes:& apres entra le Roy, bien receu de ceulx de la ville. Aucuns, de ceulx du Cónestable, se retirerēt en Haynault. Tost fut aduertý, par le Roy propre, le Duc de Bourgogne dela prinse de Saint-Quentin, à fin de luy oster l'esperance de la cuider recouurer par la main du Connestable. Des ce que ledict Duc sceut ces nouuelles, il manda au seigneur \* Demeriez, son Grand-Baillif de Haynault, qu'il feist garder la ville de Mons en façon que ledict Connestable n'en peust saillir,& que à luy fust deffendu, ne partir de son hostellerie. Ledit Baillif n'osa refuser,& le feit:toutelboys la garde n'estoit pas estroicte pour vn \* tel homme, sil eust eu vouloir de fuir.

Que dirons nous icy de fortune? Cest homme estoit situé aux confins de ces deux Princes ennemys, ayant si forte place en ses mains, quatre cens Hommes-bien payez, dont il estoit conmissaire, & y mettoit qui il vouloit,& les auoit ia maniez douze ans passez. Il estoit sage & vaillant Cheualier:& qui auoit veu beaucoup. Il auoit grand argent content:& apres tout cela se trouuer en ce danger destitué de cueur & de tous remedes. Il fault biē dire que ceste tróperesse Fortune, l'auoit regardé de son mauuais visage:mais pour mieulx dire, il fault respondre que telz grans mysteres ne viennent point de Fortune,& que Fortune n'est riens fors seulement vne fiction poetique,& qu'il faloit que Dieu l'eust abandonné, à considerer toutes ces choses dessusdictes,& assez d'autres que ie n'ay point dictes. Et, sil appartenoit à homme de iuger(ce que non:& par especial à moy)ie diroye que ce, qui raisonnablement deuroit auoir esté cause de sa punition, estoit que touliours auoit trauaillé, de toute sa puissance, que la guerre durast entre le Roy & le Duc de Bourgongne:car là estoit fondee sa grand'auctorité & son grand estat:& y auoit peu à faire à les entretenir en ce different:car naturellemēt leurs complexions estoient differentes. Celuy seroit bien ignorant, qui croyroit qu'il y eust Fortune, ne cas semblable, qui eust sceu guider vn si sage hōme à estre mal de ces deux Princes, à vn coup, qui en leur vie ne s'accorderent à riens qu'en cecy:& encores plus fort du Roy d'Angleterre, q̄ auoit espousé sa niece:& qui merueilleusement aymoít tous les parens de sa femme:& par especial ceulx de ceste maison de Saint-Paul. Il est vray semblable, & chose certaine, qu'il estoit eslongné de la grace de Dieu, de soy estre mis ennemy de cestrois Princes, & n'auoir vn seul amy, qui l'eust osé loger pour vne seule nuit:& autre Fortune n'y auoit mis la main que Dieu. Et ain si en est aduenu, &

\* Les autres  
ont icy de  
Meriez. Le  
traducteur tra  
lien Desme  
riez par tout  
ce passage: sur  
lequel selon  
ne le même au  
cunement.

\* Seul hōme  
est. uel.

retire digre  
son sur le mal  
heur du Can  
nestable.



nu, & aduendra, à plusieurs autres, qui, apres les grandes & longues prosperitez, tombent en grandes aduersitez.

Après que le Conestable fut attesté en Haynault par le Duc de Bourgogne, le Roy enuoya deuers ledict Duc, pour en auoir la deliurance, ou qu'il accomplist le contenu de son seellé. Ledit Duc dist qu'ainsi le feroit : & feit mener ledict Conestable à Peronne, & estoictement gardet. Ledit Duc de Bourgogne auoit ia prins plusieurs places en Lorraine & Barrois : & estoit au siege deuant Nancy : laquelle se deffendoit tresbien. Le Roy auoit largement Gens-d'armes en Champaigne : qui donnoient crainte audict Duc : car il n'estoit point dict par la trefue qu'il deust destruire le Duc de Lorraine : lequel s'estoit retiré deuers le Roy. Monseigneur du Bouchage, & autres Ambassadeurs, pressoyent fort ledict Duc de tenir son seellé. Tousiours disoit qu'ainsi le feroit : & passa de plus d'un mois le terme de huit iours, qu'il deuoit bailler le Conestable, ou en faire iustice. Se voyant ainsi pressé, & doutant que le Roy ne l'empeschast en son entreprinse de Lorraine, qu'il desistoit fort à mener à fin, pour auoir le passage de Luxembourg en Bourgogne, & que toutes ses Seigneuries ioignissent ensemble (car luy, tenant ainsi ceste petite Duché, il venoit de Hollande iusques au pres de Lyon tousiours sur luy) pour ces raisons escriuit à son Châcelier, & au seigneur d'Hymercourt (dôt j'ay assez parlé) tous deux ennemis & mal-ueillans dudit Conestable, qu'ilz se tirassent à Peronne, & qu'à un iour, qu'il nomma, ilz baillassent ledict Conestable à ceulx que le Roy y enuoyoit (car les deux dessus nommez auoyent tout pouuoir pour luy en son absence) & manda audict seigneur Desmeriez le leur bailler.

Ce pendant batoit fort la ville de Nancy le Duc de Bourgogne. Il y auoit de bonnes gens dedans, qui la deffendoient bien. Un Capitaine dudit Duc, appelé le Comte Campobache, natif, & banny, du royaume de Naples, pour la part Angevine, auoit ia prins intelligence, au Duc de Lorraine, ptochain parent, & heritier presumpatif de la maison d'Anjou, apres la mort du Roy René, son ayeul maternel : & promettoit faire durer ce siege, & qu'il se trouueroit des deffaulx es choses necessaires pour la prinse de la ville. Il le pouuoit bien faire : car il estoit pour lors le plus grand de l'armee, & homme tres-mauuais pour son maistre, comme ie diray cy apres : & cecy estoit comme un apprest des maulx, qui depuis aduindrét audict Duc de Bourgogne. Je croy que ledict Duc s'attendoit d'auoir prins la ville, auant que le iour fust venu de bailler ledict Conestable, & puis ne le bailler point : & peut estre d'autre costé, que, si le Roy l'eust eu, il eust fait plus de faueur au Duc de Lorraine qu'il ne faisoit pas : car il estoit informé de la pratique qu'auoit le Côte de Campobache : mais il ne s'en mesloit point : & si n'estoit point tenu de laisser faire ledict Duc\* de Lorraine, s'il n'eust voulu, pour plusieurs raisons : & auoit largement de gens pres ledict pais de Lorraine.

Ledit Duc de Bourgogne ne sceut prendre Nancy, auant le iour qu'il auoit baillé à ses gens, pour deliurer ledict Conestable. Poutce, passé que fut le iour, qui leur auoit esté ordonné, executerent le commandement de leur maistre volontiers, pour la grand' hayne qu'ilz auoyent audict Conestable :

\* L'exem. aieul  
dit en pour de  
qui est plus en-  
tendable.

& le baillèrent, à la porte de Peronne, entre les mains du Bastard de Bourbó, Admiral de France, & de monseigneur de Saint-Pierre, qui le menerent à Paris. Aucuns m'ont dit que, trois heures apres, vindrent messagers à diligence, de par le Duc, pour commander à les gens ne le bailler point, qu'il n'eust fait à Nancy: mais il estoit trop tard. A Paris fut commencé le proces dudit Conneftable: & bailla ledict Due tous les sceillez, qu'il auoit dudit Conneftable, & tout ce qui seruoit à son proces. Ledit Roy pressoit fort la Court, & y auoit gens pour la conduicte du proces. Et ainsi, veu ce que le Roy d'Angleterre auoit baillé contre luy, comme auez ouy cy dessus, & ausi ledict Duc, tost fut condamné à mourir, & tous ses biens confisquez.

*Digression sur la faulte que feit le Duc de Bourgongne, liurant le Conneftable au Roy, contre sa seureté: & ce qui luy en peut estre aduenu. Chap. 13.*

\* Deliuance  
Exem. ueril.

\* Les trois mots  
suyuans ne sont  
point au ueril.

\* audict Duc  
Ex. n. est et rage  
tous deux.



Este \* diligence fut bien estrange: & ne le dy pas pour excuser les faultes dudit Conneftable, ne pour dóner charge \* au Roy & audict Duc (car \* à tous deux il tenoit grand tort) mais il n'estoit nul befoing audict Due de Bourgongne, qui estoit si grand Princee, & de maison si renommee & honorable, de luy dóner vne seureté pour le prendre: & fut grãde cruauté le bailler ou il estoit certain de la mort, & pour auarice. Apres eeste grãd honte qu'il se feit, il ne mit gueres à receuoir du dommage. Et ainsi, à voir les choses que Dieu a faiçtes de nostre tẽps, & fait chascun iour, semble qu'il ne vueille rien impuny: & peut on voir euidentement que ces estranges ouurages viennent de luy. car ilz sont hors des oeuvres de nature, & sont les punitions soubdainnes: & par espeeial cõtre ceulx qui vsent de violence & de cruauté: qui communement ne peuuent estre petis personages, mais tresgrands, ou de Seigneurie, ou d'auctorité de Princee. Longues anneẽs auoit fleury ceste maison de Bourgongne: &, depuis cent ans, ou enuiron, qu'ont regné quatre de eeste maison, auoit esté autãt estimee que maison nulle de la Chrestienté. Car les autres, plus grandes d'elle, auoyent eu des afflictions & aduersitez, & ceste ey continuelle felieité & prosperité. Le premier grand de ceste maison fut Philippe le Hardy, frere de Charles le Quint, Roy de France, qui espousa la fille de Flãdres, Cõtesse dudit païs, d'Artois, de Bourgongne, Neuers, & Rethel. Le second fut Jehan. Le tiers fut le bon Due Philippe, qui ioignit à sa maison les Duechez de Brabant, Luxembourg, Lambourg, Holande, Zelande, Haynault, & Namur. Le quart a esté le Duc Charles, qui apres le trespas de son pere s'est trouué \* le plus riche & redoubté de la Chrestienté: & qui trouua en meubles de bagues & de vaisselles, de tapisseries, liures, & linges, plus que l'on n'eust sceu trouuer en trois des plus grandes maisons. D'argent content, i'en ay bien veu en d'autres maisons plus largemẽt (car ledict Duc Philippe n'auoit de long temps point leuẽ de tailles) toutesfois il trouua plus de trois cens mille Eleus content: & trouua paix avec ses voyfins, qui peu luy dura. Mais ie ne luy veulx point du tout imputer l'oeccasion de la guerre: car d'autres assez y eurent part. Ses subiectz, ineontinent apres la mort de son pere, luy accorderent vne ayde de bon eoeur, & à peu de requeste, chascun païs à part, pour le temps de dix ans, qui se pouoit bien

\* L'un des  
plus riches  
de la Chr. Ex.  
ueril.

bien monter trois cens cinquante mille Escus l'an, sans comprendre Bourgongne. A l'heure qu'il bailla ledict Conneftable, il en leuoit plus de trois cens mille d'auantages: & auoit plus de trois cens mille Escus content: & tout le meuble, qu'il recueillit dudit Conneftable, ne valoit point quatre vingtz mille Escus. Car en argent n'auoit que foixante seize mille Escus. Ainsil'occasion fut bien petite, pour faire vne si grande faulte. Il l'eut bonne: car Dieu luy prépara vn ennemy de bien petite force, en fort ieune aage, peu expérimenté en toutes choses: & luy feit vn seruiteur, dont plus se fioit pour lors, de uenir faulx & mauuais: & le mit en suspicion de ses subiectz & bós seruiteurs. Ne sont ce pas icy des vrais preparatifz, que Dieu faisoit de l'ancien testament à ceulx de qui il vouloit muer la fortune de bien en mal, ou de prosperité en aduersité? Son cœur ne s'amollit iamais: mais iusques à la fin a estimé toutes ses bonnes fortunes proceder de son sens & de sa vertu: &, auant que mourir, a esté plus grand que tous ses predecesseurs, & plus estimé par le monde.

Paratant que bailler ledict Conneftable, il auoit ia prins grand' defiance de ses subiectz, ou les auoit à grand mespris. Car il auoit bien enuoyé querir milles Lances d'Italiens, & y en auoit eu deuant Nuz largement avec luy. Le Comte de Campobache en auoit quatre cens armez, & plus: & estoit sans terre: car, à cause des guerres que la maison d'Aniou auoit menees en ce royaume de Naples, de laquelle il estoit seruiteur, il en estoit banny, & auoit perdu sa terre, & tousiours s'estoit tenu en Prouence, ou en Lorraine, avec le Roy René de Cecille, ou avec le Duc Nicolas, filz du Duc Iehan de Calabre: apres la mort duquel le Duc de Bourgongne auoit recueilly plusieurs de ses seruiteurs, & par especial tous les Italiens, cōme ce Comte que i'ay nommé, Iacques Galeot tresuaillant, honorable, & loyal Gentil-homme, & plusieurs autres. Cedit Cōre de Campobache, des lors qu'il alla faire ses gens en Italie, receut dudit Duc quarante mille Ducatz d'imprestāce, pour mettre sus sa compaignie. En passant par Lyon, s'accointa d'un Medecin, appelé maistre Simon de Pauie: par lequel il feit sçauoir au Roy que, s'il luy vouloit faire certaines choses qu'il demandoit, il offroit à son retour luy bailler le Duc de Bourgogne entre ses mains. Autant en dist à mōseigneur de Saint-  
 \* Pray, estant lors en Piemont Ambassadeur pour le Roy. Apres qu'il fut retourné, & ses Gens-d'armes logez en la Comté de Marle, offroit encores au Roy que, des ce qu'il seroit en champ, avec son maistre, il ne faudroit point de le tuer, ou le mener prisonnier: & disoit la maniere. C'estoit que ledict Duc alloit souuent à l'entour de son Ost, sur vn petit cheual, avec peu de gens (& disoit vray) & que là ne faudroit point de le tuer ou prendre. Encores faisoit il vne autre ouuerture au Roy: c'estoit que, si le Roy & ledict Duc se venoyēt à trouuer en bataille, l'un deuant l'autre, qu'il se tourneroit de son party, avec ses Gens-d'armes, moyennant certaines choses qu'il demandoit. Le Roy eut la mauuaistié de cest homme en grand mespris: & voulut monstrier audit Duc de Bourgongne de grādes franchises: & luy feit sçauoir tout ce cy, par le seigneur de Contay, dont a esté parlé: mais ledict Duc n'y adiousta poit de foy, ains estimoit que le Roy le faisoit à autres fins: & en ayma beau-

\* Pierre ex-  
 em. auez. d'Ital.  
 Prays. Le la-  
 tin ne le sūme  
 point, sūmant  
 sa costume.

coup mieulx lediſt Comte. Parquoy vous voyez que Dieu luy troubla le ſens en ceſt endroit, aux cleres enſeignes, que le Roy luy mandoit. Autant que ceſtuicy, dont i'ay parlé, eſtoit mauuais & deſloyal, autant eſtoit bon Iacques Galeot : &, apres auoir longuement veſcu, eſt mort en grand honneur & renommee.

## Cinquieme liure des Memoires du

SEIGNEVR D'ARGENTON, SVR LES PRIN-  
cipaulx faiſtz & geſtes de Louis onzieme de ce nom,  
Roy de France.

*Comment le Duc de Bourgogne, faiſant la guerre aux Suiſſes fut chacé par  
eulx, à l'entree des montaignes, pres Granſon. Chap. 1.*



**R** le Duc de Bourgogne, ayant conquis toute la Duché de Lorraine, & receu du Roy Sainct-Quétin, Han, & Bohain, & le meuble du Conneſtable, eſtoit en paroles avec le Roy de ſ'appointer : & le Roy & luy ſe deuoyent entrevoir, ſur vne riuieres & ſemblable pont que celuy, qui fut faiſt à Picquigny, à la veue du Roy & du Roy Edouard d'Angleterre : &, ſur ceſte matiere, alloient & venoient gens. Et vouloit lediſt Duc laiſſer repoſer ſon armee : qui eſtoit fort deſſaiſte, tant à cauſe de Nuz, que par ce peu de guerre de Lorraine : & le demeurant vouloit il enuoyer en garniſon, en aucunes places du Côté de Romôt, comme aupres des villes de Berne & Fribourg, auſquelles il vouloit faire la guerre, tant pource qu'ilz la luy auoyent faiſte, eſtant deuant Nuz, qu'auiſi pour auoir aidé à luy oſter la Côte de Ferrette (côme auez ouy) & pource qu'ilz auoyent oſté audiſt Côte de Romont partie de ſa terre. Le Roy le ſollicitoit fort de ceſte veue, & qu'il laiſſaſt en paix ces pauures gés de Suiſſe, & qu'il repoſaſt ſon armee. Leſdiſt Suiſſes, le ſentâſi pres d'eulx, luy enuoyerent leur Ambaſſade : & offroyent rōdre ce qu'ilz auoyent prins dudiſt Seigneur de Romont. Lediſt Côte de Romôt, le ſollicitoit d'autre coſté de le venir ſecourir en pſonne. Lediſt Duc laiſſa le ſage conſeil, & celuy qui pouoit eſtre le meilleur (comme il ſemble à toute ſorte de gés) veu la ſaiſon & l'eſtat en quoy eſtoit ſon armee : & delibera d'aller cōtre eulx. Entre le Roy & luy fut appointemēt de bailler lettre, que pour le faiſt de Lorraine ilz n'entroyent point en debat.

Le Duc partit de Lorraine avec ceſte armee fort deſſaiſte & laſſee, & entra en Bourgogne : ou leſdiſt Ambaſſadeurs de ces vieilles ligues d'Alemaigne, qu'on appelle Suiſſes, reuindrent deuers luy, faiſans plus grandes offres que deuant : &, oultre la reſtitution, luy offroyent laiſſer toutes les alliances, qui ſeroient contre ſon vouloir (& par eſpecial celle du Roy) & deuenir ſes allies, & le ſeruir de ſix mille hommes armez, & aſſez petir payement, contre le Roy, toutes les fois qu'il les en requerroit. A riēs ne voulut lediſt Duc entendre : & ia le cōduiſoit ſon malheur. Ceulx, qu'on appelle en ce quartier là les nouuelles alliāces, ce ſont les villes de Baſſe, & de Straſbourg, & autres villes

viles imperiales, qui sont soubz le bout de ceste riuere du Rin : lesquelles d'ancienneté auoyent esté ennemies desdictz Suisses, en faueur du Duc Sigismond d'Austriche, duquel ilz estoient alliez, par le temps qu'il auoit eu guerre avec lesdictz Suisses. Toutes ses villes s'allierēt ensemble avec iceulx Suisses, & fut faicte alliance pour dix ans, & paix aussi avec le Duc Sigismód. Et se feit ladicte alliance par la conduicte du Roy, & à son pourchas, & à ses despēs, comme auez veu ailleurs, à l'heure que la Comté de Ferrette fut ostee des mains du Duc de Bourgongne, & qu'à Basse feirent mourir messire Pierre d'Archambault, Gouverneur dudiect pais pour lediect Duc : lequel Archambault fut bien cause de cest incōuenient, qui fut bien grand pour lediect Duc : car, tous ses autres maulx en vindrent. Vn Prince doit bien auoir l'œil sur quelz Gouverneurs il met en vn pais nouuellement ioinct à sa Seigneurie : car en lieu de traicter les subiectz en grand' douleur & en bonne iustice, & faire mieulx qu'on ne leur auoit fait le temps passé, cestuicy feit tout le contraire : car il les traicta en grande violence, & en grand' rapine : & mal luy en print, & à son maistre, & à maint homme de bien. Ceste alliāce, que le Roy conduisit, dont i'ay parlé, tourna depuis à grand profit au Roy, & plus que la pluspart des gens n'entendent : & croy que ce fut vne des plus sages choses qu'il feit onques en son temps, & plus au dommage de tous ses ennemis. Car, le Duc de Bourgongne deffaict, onques puis ne trouua le Roy de France homme qui osast leuer la teste contre luy, ne contredire à son vouloir. L'enten de ceulx qui estoient ses subiectz & en son royaume : car tous les autres ne nageoyent que soubz le vent de cestuy là. Voyla pourquoy fut grāde œuvre d'allier le Duc Sigismód d'Austriche, & ceste nouuelle alliance avec les Suisses, dont si long temps auoyent esté ennemis : & ne se feit point sans despense, & sans faire maint voyage.

Après que le Duc de Bourgongne eut rompu aux Suisses l'esperance de pouoir trouuer appoinctement avec luy, ilz retournerent aduertir leurs gēs, & s'apprester pour le deffendre : & luy approcha son armee du pais de Vaulx en Sauoye, que lesdictz Suisses auoyent prins sur monseigneur de Romont, comme dict est : & print trois ou quatre places, qui estoient à monseigneur de Chasteau-guion, que lesdictz Suisses tenoyent, & les deffendirent mal : & de là alla mettre le siege deuant vne place, appelee Granfon : laquelle estoit aussi audiect seigneur de Chasteau-guion, & y auoit, pour lesdictz Suisses, sept ou huiet cens hommes bien choisis, pource que c'estoit aupres d'eulx, & la vouloyent bien deffendre. Lediect Duc auoit assez grande armee : car de Lombardie luy venoyent à toute heure gens, & les subiectz de ceste maison de Sauoye : & ayloit mieulx les estrangers que ses subiectz, dont il pouoit finir assez, & de bōs : mais la mort du Cōestable luy aidoit bien à auoir desfinance d'eulx, avec d'autres imaginations : Son artillerie estoit tresgrande & bonne : & estoit en grande pompe en cest Ost, pour se monstrier à ces Ambassadeurs, qui venoyent d'Italie & d'Alemaigne : & auoit toutes sēs meilleures bagues & vaisselles, & largement autres paremens, & auoit de grandes fantaisies en sa teste, sur le faict de ceste Duché de Milan, ou il s'attendoit d'a-

uoir des intelligences. Quand le Duc eut asiégué ladiète place de Granson, & tiré par aucuns iours, se rendirent à luy ceulx de dedans à sa volonté: lesquelz il feit tous mourir. Les Suisses s'estoyent assemblez, non point en grand nombre, comme i'ay ouy parler à plusieurs d'entre eulx (car de leurs terres ne se tirent point les gens qu'on cuyde, & encores moins lors que maintenant: car, depuis ce temps là, la pluspart ont laissé le labeur, pour se faire gens de guerre) &, de leurs alliez, en auoyent peu avec eulx: car ilz estoient contrainctz se haster, pour secourir la place: &, comme ilz furent aux champs, ilz sceurent la mort de leurs gens.

Le Duc de Bourgongne, contre l'opinion de ceulx à qui il en demádoit, delibera d'aller au deuant d'eulx, à l'entree des montaignes ou ilz estoient encores. qui estoit bien son desauantage: car il estoit bien en lieu aduantageux pour les attendre, & clos de son artillerie, & partie d'un lac: & n'y auoit nulle apparence qu'ilz luy eussent sceu porter domage. Il auoit enuoyé cent Archers garder certain pas à l'encontre de ceste montaigne: & luy se mit en chemin: & rencontrerent ces Suisses la pluspart de son armee, estant encores en la plaine. Les premiers rangs de ses gens cuidoyent retourner, pour se reioindre avec les autres: mais les menues gens qui estoient derriere, cuidans que ceulx là fuissent, se mirent à la fuite: & peu à peu se commença à retirer ceste armee vers le camp, faisans aucuns tresbien leur deuoir. Fin de compte, quand ilz vindrent iusques à leur Ost, ilz \* ne s'oserent deffendre: & tout se mit à la fuite: & gaignerent les Alemans son camp & son artillerie, & toutes les tentes & pauillons de luy & de ses gens (dont il y auoit grand nombre) & d'autres biens infinis. car rien ne se sauua que les personnes: & furent perdues toutes les grandes bagues dudiect Duc: mais de gens, pour ceste fois, ne perdit que sept Hommes-d'armes. Tout le demeurât fuit, & luy aussi. Il se deuoit mieulx dire de luy, qu'il perdit honneur & cheuance ce iour, que l'on ne feit du Roy Iehan de France: qui vaillammét fut prins à la bataille de Poictiers.

Voicy la premiere male fortune, que ce Duc eut iamais en toute sa vie. De toutes ses autres entreprinse il en auoit eu l'honneur ou le profit. Quel dommage luy aduint ce iour, pour vser de sa teste, & mespriser conseil? Quel dommage en receut sa maison, & en quel estat en est elle encores, & en aduenture d'estre d'icy à long temps? Quantes sortes de gens luy en deuindrét ennemis, & se declarerent, qui le iour de deuant temporisoient avec luy, & se faignoient amys? Et pour quelle querelle commença ceste guerre? ce fut pour vn chariot de peaux de monton, que monseigneur de Romont print à vn Suisse, en passant par sa terre. Si Dieu n'eust delaisé lediect Duc, il n'est pas apparent qu'il se fust mis en peril, pour si peu de chose: veu les offres qui luy auoyent esté faiçtes, & contre quelles gens il auoit à faire, ou il n'y pouuoit auoir nul acquest ne nulle gloire. Car pour lors les Suisses n'estoyent point estimez comme ilz sont pour ceste heure: & n'estoit rien plus pauvre: & ay ouy dire à vn Cheualier de leurs, qui auoit esté des premiers Ambassadeurs, qu'ilz auoyent enuoyez deuers lediect Duc, qu'il luy auoit dit, en

\* n'essayerét point de se deffendre.  
Exemp. x. cil.

dit, en faisant leurs remonstrances, pour le desmouuoir de ceste guerre, que contre eulx ne pouuoit rien gagner: car leur païs estoit tressterile & pauvre: & qu'ilz n'auoyent nulz bons prisonniers: & qu'il ne croyoit pas que les espérons & mors des cheuaux de son Ost ne vaulsissent plus d'argent que tous ceulx de leurs territoires ne scauroyent payer des finances, s'ilz estoient prins.

Retournant à la bataille, le Roy fut bien tost aduertý de ce qui estoit aduenu: car il auoit maintes espies & messagers par païs, la \* pluspart deschez par ma main: & en eut tresgrande ioye, & ne luy desplaisoit que du petit nombre de gens qui auoyent esté perdus: & se tenoit lediët Seigneur, pour ces matieres icy, à Lion, pour pouuoir plus souuent estre aduertý, & pour donner remede aux choses que cest homme embrassoit. Car le Roy, qui estoit sage, craignoit que par force ne ioignist ces Suisses à luy. De la main de Sauoye, lediët Duc en dispoisoit cōme du sien. Le Duc de Milan estoit son allié. Le Roy René de Cecile luy vouloit mettre son païs de Prouence entre les mains: & si les choses fussent aduenues, il tenoit de païs depuis la mer de Ponāt iusques à celle de Leuant en son obeissance: & n'eussent ceulx de nostre Royaume eu saillie sinon par mer, si lediët Duc n'eust voulu, tenant Sauoye, Prouence & Lorraine. Vers chascun d'eulx le Roy enuoyoit. L'une estoit sa sœur, madame de Sauoye, extreme pour lediët Duc. L'autre estoit son oncle, le Roy René de Cecile: qui à grand peine escoutoit ses messagers, mais enuoyoit tout au Duc de Bourgogne. Le Roy enuoyoit aussi vers ses ligues d'Allemagne: mais c'estoit à grande difficulté, pour les chemins, & y faloit enuoyer mandiens, pelerins & semblables gens. Lesdictes villes respondirent orgueilleusement, disans: Dictes au Roy que, s'il ne se declare, nous nous appointerons, & nous declarerons contre luy. Il craignoit qu'ainsi le feissent. De se declarer cōtre lediët Duc n'auoit nul vouloir: mais craignoit bien encores qu'il ne fust nouuelle de ses messagers, qu'il enuoyoit par païs.

\* la pluspart par main estrange: & en eut 127. auil.

*Comment, apres la chace de Granfon, le Duc de Milan, le Roy René de Cecile, la Duchesse de Sauoye, & autres abandonnerent l'alliance du Duc de Bourgogne. Chap. 2.*



R fault voir maintenant comme changea le monde, apres ceste baraille, & comme les courages du Duc de Bourgogne & de ses alliez furent muez: & comment nostre Roy cōduisit tant sagement: & sera bel exemple pour ces Seigneurs ieunes, qui follement entreprennent, sans congnoistre ce qui leur en peut aduenir, & qui aussi ne l'ont point veu par experience, & mesprisent le conseil de ceulx qu'ilz deussent appeler. Premièrement lediët Duc propre enuoya le Seigneur de Conray au Roy, avec humbles & gracieuses paroles: qui estoit contre sa coustume & nature. Regardez donques cōme en vne heure de réps se mua. Il prioit au Roy luy vouloir loyaumēt tenir sa trefue: & s'excusoit de n'auoir esté à la veue, qui se deuoit faire aupres d'Auxerre: & asseuroit l'y



trouuer de brief, là, ou ailleurs, au bon plaisir du Roy. Le Roy luy feit tresbonne chere, l'assurant de tout ce qu'il demandoit: car encores ne luy sembloit pas temps de faire le contraire: & congnoissoit bien le Roy la loyauté des subiectz dudit Duc, & que tost seroit ressous: & vouloit voir la fin de ceste aduerture, sans donner occasion à nulle des deux parties de s'accorder. Mais quelque bone chere que le Roy feist audit seigneur de Contray, si ouit il maintes moqueries par la ville: car les chançons se disoyent publiquement, à la louange des vainqueurs & à la folie du vaincu.

Des ce que le Duc de Milan Galeas (qui pour lors viuoit) sceut ceste aduerture, il en eut grande ioye, nonobstant qu'il fut allié dudit Duc: car il auoit faicte ceste alliance pour crainte de ce qu'il voyoit audit Duc de Bourgongne auoir si grand faueur en Italie. Ledit Duc de Milan enuoya à grand haste, vers le Roy, vn homme de peu d'apparence, Boutgeois de Milan: & par vn mediateur fut adrecé à moy, & m'apporta lettres dudit Duc. Le dy au Roy sa venue: qui me commanda l'ouir: car il n'estoit point content dudit Duc de Milan, qui auoit laissé son alliance pour prendre celle du Duc de Bourgongne: & veu encores que sa femme estoit seur de la Roynne. La creance dudit Ambassadeur estoit comme son maistre, le Duc de Milan, estoit aduertie que le Roy & le Duc de Bourgongne se deuoient enttevoir, & faire vne tresgrande paix & alliance ensemble. ce qui seroit au tresgrand desplaisir du Duc son maistre: & donnoit des raisons pourquoy le Roy ne le deuoit faire: ausquelles y auoit peu d'apparence. Mais disoit, à la fin de son propos, que, si le Roy se vouloit obliger de ne faire la paix ne trefue avec ledit Duc de Bourgongne, que ledit Duc de Milan donnoit au Roy cent mille Ducatz content. Quand le Roy eut ouy la substance de la charge de cest Ambassadeur, il le feit venir en sa presence (ou il n'y auoit que moy) & luy dist en brief: Voicy monsieur d'Argenton, qui m'a dit telle chose. dictes à vostre maistre que ie ne veulx point de son argent, & que i'en leue, vne fois l'an, trois fois plus que luy: & de la paix & de la guerre, i'en feray à mon vouloir: mais, s'il se repent d'auoir laissé mon alliance, pour prendre celle du Duc de Bourgongne, ie suis content de retourner comme nous estions. Ledit Ambassadeur mercia le Roy tres humblement: & luy sembla bien qu'il n'estoit point Roy auaricieux: & supplia fort au Roy qu'il voulsist faire crier lesdictes alliances en la forme qu'elles auoyent esté: & qu'il auoit pouuoir d'obliger son maistre à les tenir. Le Roy luy accorda: & apres dîner, furent crieés: & incontinent despescha vn Ambassadeur, qui alla à Milā, ou elles furent crieés à grand solennité. Ainsi voyla desia vne des heures de l'aduersité, & vn grand homme mué, qui auoit enuoyé vne si grande & solennelle Ambassade vers le Duc de Bourgongne pour faire son alliance, n'y auoit que trois sepmaines.

Le Roy René de Cecile traitoit de faire le Duc de Bourgongne son heritier, & de luy mettre Prouence entre ses mains: & pour aller prendre possession dudit pais, estoit allé monseigneur de Chateau-guion, qui est de present, & autres, en Piemont, pout le Duc de Bourgongne, pour faire gens: & auoyent

& au oyent bien vingt mille Escus content. Incontinent que les nouuelles vindrent, à grand' peine se peurent ilz sauuer qu'ilz ne fussent prins: & monseigneur de Bresse le trouua au pais, qui print lediēt argent. La Duchesse de Sauoye, incontinent qu'elle sceut les nouuelles de ceste bataille, le feit scauoir au Roy René, excusant la chose, & le reconfortant de ceste perte. Les messagers furēt prins, qui estoient Prouençaux: & par là se descourut ce traité du Roy de Cecile avec le Duc de Bourgogne. Le Roy enuoya incontinent des Gens-d'armes pres de Prouence, & des Ambassadeurs vers le Roy de Cecile pour le prier de venir, en l'assurant de bonne chere, ou autrement, qu'il y pourroyoit par force. Tant fut conduit le Roy de Cecile, qu'il vint deuers le Roy à Lion: & luy fut fait trefgrand honneur & bonne chere. Le metrouuay present à leurs premieres paroles à l'arriuee: & dist Iehan Cosse, Seneschal de Prouence, homme de bien & de bonne maison du royaume de Naples, au Roy: Sire ne vous esmerueillez pas si le Roy, mon maistre, vostre oncle, a offert au Duc de Bourgogne le faire son heritier: car il en a esté conseillé par ses seruiteurs, & par especial par moy: veu que vous, qui estes filz de sa seur, & son propre nepueu, luy auez fait les tors si grans que de luy auoir surprins les chasteaux de Bar & d'Angers, & si mal traité en tous les autres affaires. Nous auons bien voulu mettre en auant ce marché avec lediēt Duc, à fin que vous en ouissiez les nouuelles, pour vous donner enuie de nous faire la raison, & congnoistre que le Roy mon maistre est vostre oncle: mais nous n'eusmes iamaiz enuie de mener ce marché iusques au bout. Le Roy recueillit trefbien & trefagement ces paroles, que lediēt Iehan Cosse dist tout au vray: car il conduisoit ceste matiere: & à peu de iours de là furent ces differens bien accordez: & eut le Roy de Cecile de l'argent & tous ses seruiteurs, & le festoya le Roy avec les Dames: & le feit festoyer & traicter en toutes choses selonc sa nature, le plus pres qu'il peut: & furent bons amys: & ne fut plus de nouuelles du Duc de Bourgogne: mais fut abandonné du Roy René, & renocé de toutes pars. Voila encores vn autre malheur de ceste petite aduersité. Madame de Sauoye, qui long tēps auoit esté estimée estre contre le Roy son frere, enuoya vn messager secret, appelé le seigneur de Montangy (lequel s'adressa à moy) pour se reconcilier avec le Roy: & allegua les raisons pourquoy elle s'estoit separée du Roy son frere: & disoit des doubtes qu'elle auoit du Roy: toutesfois elle estoit treflagée, & vraye seur du Roy nostre maistre, & ne iaignoit point franchement à se separer dudiēt Duc, ne de son amytié: & sembloit qu'elle voulüst temporiser, & attendre comme le Roy, ce qu'il seroit encor de l'adventure dudiēt Duc. Le Roy luy fut plus gracieux q̄ de coustume: & luy feit faire par moy toutes bonnes responses: & taschoit qu'elle vint deuers luy: & luy fut renuoyé son homme. Ainsi voila vne autre des alliances dudiēt Duc, qui marchande à se de partir de luy. De tous costez en Alemaigne se commencerent à declarer gens contre lediēt Duc, & toutes ces villes imperiales: comme Nuremberg, Francfort, & plusieurs autres, qui s'allierent avec ces vieilles & nouuelles alliances, contre lediēt Duc: & sembloit qu'il y eust trefgrand pardon à luy mal faire.

• Montangy  
Exemp. uen.

*Verise digressi-  
on sur la sim-  
plicite des sui-  
ses, du seps de  
la chace de Gra-  
son.*

Les despouilles de son ost enrichirent fort ces pauures gens de Suisses: qui de prime-face ne congurent les biens qu'ilz eurent en leurs mains: & par especial les plus ignorans. Vn des plus beaux & riches paillons du monde fut departy en plusieurs pieces. Il y en eut qui vendirent grand' quantité de platz, & d'escuelles d'argent, pour deux grans blanes la piece, euidans que ce fust estaing. Son gros Diamant (qui estoit vn des plus gros de la Chrestienté) ou pèdoit vne grosse perle, fut leué par vn Suisse, & puis remis en son estuy, puis reiecté soubz vn chariot, puis le reuint querir, & l'offrit à vn Prebstre pour vn Florin. Cestuy là l'enuoya à leurs Seigneurs: qui luy en donnerent trois frâcs. Ilz gaignerent trois Balays pareilz, appelez les trois Freres: vn autre grand Balay, appelé la Hotte: vn autre, appelé la Balle de Flandres (qui estoient les plus grandes & les plus belles pierres, que l'on sceust trouuer) & d'autres biens infinis: qui depuis leur ont bien donné à congnoistre que l'argent vault. Car les victoires & estimations en quoy le Roy les mit des lors, & les biens, qu'il leur a faictz, leur ont fait recouurer infiny argent. Chascun Ambassadeur des leurs, qui vint vers le Roy à ce commencement, eut grans dons de luy, en argent ou en vaisselle: & par ce moyen les cōtentoit de ce qu'il ne s'estoit declaré pour eulx: & les renuoyoit les bourses pleines, & reuestus de drap de soye: & se print à leur promettre pension, qu'il paya bien depuis: mais il veit la seconde bataille auant: & leur promit quarante mille Florins de Rin, tous les ans. Les vingt mille pour les villes, & les autres vingt mille pour les particuliers, qui auroyēt le gouuernement desdictes villes. Et ne pense point mentir de dire que ie croy que, depuis la premiere bataille de Granfon, iusques au trespas du Roy nostre maistre, lesdictes villes & particuliers desdictz Suisses, ont amendé de nostre Roy d'un million de Florins de Rin. Et n'enten de villes q̄ quatre: Berne, Lucerne, Fribourg, Surich, & leurs Cantons: qui sont leurs montaignes. Suisse en est vn: qui n'est qu'un village. L'en ay veu de ce village vn, estant Ambassadeur avec autres, en bien humble habillement, qui neantmoins disoit, comme les autres, son aduis. Sobeurre & Ondreual s'appellent les autres Cantons.

*Comment les Suisses deffirent en bataille le Duc de Bourgongne pres la ville de Morat.*

*Chap. 3.*



Pour reuenir au Duc de Bourgongne, il ramassoit gens de tous costez: & en trois sepmaines s'en trouua sus grand nōbre, qui le iour de la bataille s'estoyent escartez. Il seiourna à Losane en Sauoye: ou vous, monseigneur de Vienne, le seruistes de bon conseil, en vne grande malladie qu'il eut de douleur, & de tristesse, de ceste honte qu'il auoit reeue. Et, à bien dire la verité, ie croy que iamais depuis il n'eut l'entendement si bon qu'il auoit eu au parauant ceste bataille. De ceste grande assemblée & nouuelle armee, qu'il auroit faicte, j'en parle par le rapport de monseigneur le Prince de Tarente, qui le compta au Roy en ma presence. Ledit Prince, enuiron vn an auant, estoit venu vers ledict Duc, tresbien accōpagné, esperant d'auoir sa fille & seule heritiere: & sembloit bien filz de Roy, tant de sa personne que de son accoustrement & de sa compaignie: & le Roy

de Na-

de Naples, son pere, monstroit bien n'y auoir rien esparné. Toutefois ledict Duc auoit dissimulé ceste matiere : & entretenoit pour lors Madame de Saouye, pour son filz, & autres. Parquoy ledict Prinçe de Tarente, appelé Don Federic d'Arragon, & aussi ceulx de son conseil, mal contents des delays, enuoyerent deuers le Roy vn Officier d'armes bien entendu : lequel vint supplier au Roy donner sauſconduit audict Prince, pour passer par le royaume, & retourner vers le Roy son pere, lequel l'auoit mandé. Le Roy l'oſtroya tresvolontiers : & luy sembloit bien que c'estoit à la diminution du credit & renommee dudiect Duc de Bourgongne. Toutefois, auant que le messager fust de retour, estoient ia assemblees plusieurs des Liges d'Alemaigne, & logees aupres dudiect Duc de Bourgongne. Lediect Prince print congé dudiect Duc, le soir deuant la bataille, en obeissant au mandement du Roy son pere. Car à la premiere bataille s'estoit trouué comme homme de bien. Aussi disent aucuns qu'il vſa de vostre conseil, monseigneur de Vienne : car ie luy ay ouy dire & tesmoigner, quand il fut deuers le Roy arriué, & au Duc d'Alcoly, appelé le Comte Iulio, & à plusieurs autres : & que de la premiere & seconde bataille auez escript en Italie, & dit ce qui en aduint, plusieurs iours auant qu'elles fussent faictes.

Comme i'ay dit, au partement dudiect Prince, estoient logees plusieurs de ces Alliances assez pres dudiect Duc : & venoyent pour le combatre, allans leuer le siege qu'il auoit deuant Morat, petite ville pres de Berne, qui appartenoit à monseigneur de Romôt. Lesdictz alliez, come il me fut dict par ceulx qui y estoient, pouuoient bien estre trenre & vn mille Hommes-de-pied, bien choisis & bien armez : c'estasçauoir onze mille Piques, dix mille Hallebardes, dix mille Couleurines, & quatre mille Hommes-à-cheual. Lesdictes Alliances n'estoyent point encores toutes assemblees : & ne se trouua à la bataille que ceulx dont i'ay parlé : & suffisoit bien. Monseigneur de Lorraine y arriua à peu de gés : dont fort bié luy en print depuis : car ledict Duc de Bourgongne tenoit lors toute sa terre. Audiect Duc de Lorraine print bien de ce qu'on s'ennuyoit de luy en nostre Court : & croy bien qu'il ne sceut iamais la verité : mais quand vn grád homme a tout perdu le sien, il ennuye le plus souuent à ceulx qui le soustiennent. Le Roy luy auoit donné vn petit d'argent, & le feit cōduire avec bon nombre de Gés-d'armes à trauers du païs de Lorraine : lesquelz le mirét en Alemaigne : & puis retournerent. Lediect Seigneur de Lorraine n'auoit pas seulement perdu son païs de Lorraine, la Comté de Vaudemont, & la pluspart de Barrois : car le demourât le Roy le tenoit. Ainsi ne luy estoit rien demouré. Et, qui pis estoit, tous ses subiectz auoyent fair serment audict Duc de Bourgongne & sans cōtrainte : & iusques aux seruiteurs de sa maison. Parquoy sembloit qu'il y eust peu de ressource à son faict : toutesfois Dieu demoure tousiours le iuge, pour determiner de telles causes, quand il luy plaist.

Après que le Duc de Lorraine fut passé, comme i'ay dit, & quand il eut cheuaché aucuns iours, il arriua vers lesdictes Alliances, peu d'heures auant la bataille, & avec peu de gens : & luy porta ce voyage grand honneur, & grand profit : car s'autrement en fust allé, il eust trouué peu de recueil. Sur l'heure

qu'il fut arriué marchoyét les batailles d'un costé & d'autre: car lesdictes Alliances auoyent ia esté logees, trois iours ou plus, au pres du Duc de Bourgogne en lieu fort. A peu de deffence fut desconfit ledict Duc, & mis en fuite: & ne luy print point comme de la bataille precedete, ou il n'auoit perdu que sept Hommes-d'armes. Et cela aduint pource que lesdictz Suisses n'auoyent point de Gens-de-cheual. Mais à ceste heure cy, dont ie parle, qui fut pres Morat, y auoit de la part desdictes Alliances quatre mille Hommes-de-cheual bien montez, qui chacerent tresloing les gens dudit Duc de Bourgogne: & ioignirent leur Bataille-à-pied avec les Gens-de-pied dudit Duc: qui en auoit largement: car, sans ses subiectz & aucuns Angloys qu'il auoit en grand nombre, il luy estoit venu de nouueau beaucoup de gens du pais de Piemont, & autres des subiectz du Duc de Milā, comme i'ay dit: & me dist ledict Prince de Tarēte, quād il fut arriué deuers le Roy, que iamais n'auoit veu si belle armee: & qu'il auoit compté, & fait compter l'armee, en passant sur vn pont: & y auoit bien trouué vingt & trois mille hommes de soule, sans le reste qui suyuoit l'armee, & qui estoit pour le fait de l'artillerie. A moy me semble ce nombre tresgrand, combien que beaucoup de gens parlēt de milliers, & sont les armees plus grosses qu'elles ne sont, & en parlēt legeremēt. Le seigneur de Contay, qui arriua vers le Roy, tost apres la bataille, cōfessa au Roy, moy present, qu'en ladicte bataille estoient mortz huit mille hommes, du party dudit Duc, prenans gages de luy, & d'autres menues gens assez. Et croy, à ce que i'en ay peu entendre, qu'il y auoit bien dixhuit mille personnes\* en tout: & estoit aisé à croire, tant pour le grand nombre des Gens-de-cheual, qu'il y auoit, qu'auoyēt plusieurs seigneurs d'Alemaigne, qu'ausi pour ceulx, qui estoient encores au siege deuant ledict Morat. Le Duc fuit iulques en Bourgogne, bien desolé, comme raison estoit: & se tint en vn lieu, appelé la Riuere, ou il r'assembloit des gens tant qu'il pouuoit. Les Alemans ne chacerent que ce soir, & puis se retirerent sans marcher apres luy.

\* Le uiel s'emp. met personnes mortes en tout: mais mortes y semble estre auousté d'autre main: & ausi le passage seroit fort difficile à entendre, combien que eTra d'ailleurs entral. le porte ausi j'emblablement

*Comment apres la bataille de Morat, le Duc de Bourgogne se saisit de la personne de Madame de Sauoye: & comment elle en fut deliuree, & renuoyee en son pais par le moyen du Roy.*  
Chap. 4.



Este aduenture desespera ledict Duc: & luy sembla bien que tous ses amys l'abandonneroyent, aux enseignes qu'il auoit veues desia à la premiere perte de Granson: dont il n'y auoit que trois semaines iusques à celle dont ie parle. Et, pour ces doubtes, par le conseil d'aucuns, il feit amener, par force, la Duchesse de Sauoye, en Bourgogne, & vn de ses enfans, qui auourd'huy est Duc de Sauoye. L'ainné fut saulué par aucuns seruiteurs de ceste maison de Sauoye: car ceulx, qui feirēt ceste force, le feirēt en crainte, & furent cōtraintz de se haster. Ce, qui feit faire cest exploit dudit Duc, fut de paour qu'elle ne se retirast deuers le Roy son frere, disant que, pour secourir la maison de Sauoye, luy estoit aduenue tout ce mal. Ledit Duc la feit mener au chasteau de Roure pres Dyion: & y auoit quelque peu de garde: touteffois ill'alloit voir qui vouloit: &, entre les autres, y alloit monseigneur de Chasteau-guion, & le Marquis de Rotelin, qui sont aujour-

auourd'huy : desquelz deux lediēt Duc auoit traicté le mariage avec deux filles de ladiēte Duchesse, combien que lors lesdictz deux mariages ne fussent point accomplis : mais ilz l'ont esté depuis. Son filz aîné, appelé Philebert, lors Duc de Sauoye, fut mené à Chambery, par ceulx qui le sauuerent : auquel lieu se trouua l'Euesque de Genesue, filz de la maison de Sauoye : qui estoit tresvolontaire, & gōuerné par vn Commandeur de Rhodes. Le Roy feit traicter avec lediēt Euesque & son Gouverneur, Commandeur de Rhodes, en maniere qu'ilz mirent, entre les mains dudiēt Seigneur, le Duc de Sauoye, & vn petit frere, appelé le Prothenostaire, avec le chasteau de Chambery & celuy de Montmelian : & luy garda vn autre chasteau, ou estoient toutes les bagues de madiēte Dame de Sauoye.

Au plustost quē ladiēte Duchesse se trouua à Rouure (comme i'ay dit) accompagnée de toutes ses femmes, & largement seruiteurs, & qu'elle veit le Duc bien empesché à r'assembler gens, & que ceulx, qui la gardoyent, n'auoyent pas la crainte de leur maistre telle qu'ilz souloyēt, & auoyent accoustumé d'auoir, elle se delibera d'enuoyer vers le Roy son frere, pour traicter appointemēt, & pour supplier qu'il la retirast. Toutesfois elle estoit en grāde doubte de rōber souz sa main, n'eust esté le lieu ou elle se voyoit : car la haine auoit esté moult grande & longue entre lediēt Seigneur & elle. Il vint de par ladiēte Dame vn Gentil-homme de Piemont, appelé Riuerol, son Maistre d'hostel : lequel par quelcun fut adressé à moy. Apres l'auoir ouy, & dit au Roy ce qu'il m'auoit dit, lediēt Seigneur l'ouit : & apres l'auoir ouy, luy dist qu'à tel besoing ne voudroit auoir failly à sa seur, nonobstant leurs differens passez : & si elle se vouloit allier de luy, qui la feroit enuoyer querir, par le Gouverneur de Chāpaigne, pour lors mesire Charles d'Amboise, seigneur de Chaumont. Lediēt Riuerol print congé du Roy, & alla vers sa maistresse à tresgrand' haste. Elle fut ioyeulē de ceste nouuelle : toutesfois elle l'enuoya encores vn homme incontinent qu'elle eut ouy le premier, suppliant au Roy qu'il luy donnast seureté qu'il la laisseroit aller en Sauoye, & qu'il luy rendroit le Duc son filz, & l'autre petit, & aussi les places, & qu'il l'ayderoit à maintenir en son auctorité en Sauoye : & de sa part, qu'elle estoit contente de renoncer à toutes alliances, & prendre la sienne. Lediēt Seigneur luy bailla tout ce qu'elle demandoit : & incōtinent enuoya vn homme expres vers lediēt Seigneur de Chaumont, pour faire l'entreprinse : laquelle fut bien faicte, & bien executée, & alla lediēt Seigneur de Chaumont, avec bon nombre de gens, iusques à Rouure, sans porter dommaige au païs : & amena madame de Sauoye, & tout son train, en la plus prochaine place, en l'obeissance du Roy. Quād lediēt Seigneur despescha le dernier mesager de ladiēte Dame, il estoit ia party de Liō : ou il s'estoit tenu par l'espace de six mois, pour sagement desmesler les entreprinse du Duc de Bourgogne, sans rōpre la trefue. Mais, à bien congnoistre la cōdition dudiēt Duc, le Roy luy faisoit beaucoup plus de guerre en le laissant faire, & luy sollicitant ennemis en secret, que s'il se fust déclaré contre luy : car, apres ce que lediēt Duc eust veu la declaration, il se fust retiré de son entreprinse : parquoy tout ce, qui luy aduint, ne luy fust point aduenu.

Le Roy incontinent, en continuant son chemin, au partir de Lyon se mit sur la riuere de Loire à Rouenne, & vint à Tours. Des ce qu'il y fut, sceut la deliurance de sa seur: dont il fut tresioyeux: & manda diligemment qu'elle vint deuers luy: & ordonna de la despence qu'elle pourroit faire en chemin. Quand elle arriua, il enuoya largement gens au deuant d'elle: & luy mesmes l'alla recueillir à la porte du Plessis-du-Parc. & luy feit tresbon visage, en luy disant: Madame\* de Bourgongne, vous soyez la tresbien venue. Elle cōgnt bien à son visage qu'il ne se faisoit que iouer: & respondit bien sagemēt qu'elle estoit bōne Françoisē, & prestē d'obeir au Roy, en ce qu'il luy plairoit luy commander. Ledit Seigneūr l'amena en sa chambre, & la feit bien traiter. Vray est qu'il auoit tresgrande enuie d'en estre depeeschē. Elle estoit tres sage: & s'entre-connoissoyent bien tous deux: & desiroit encores plus son parterement. Teu la charge du Roy de ce qui estoit à faire en ceste matiere. Premier, de trouuer argent, pour son deffroy, & pour s'en retourner: & des draps de soye: & de faire mettre par escript leur alliance, & forme de viure, pour le temps aduenir. Le Roy la voulut desmouuoir du mariage (dont i'ay parlē) de ses deux filles: mais elle s'en excusoit sur les filles, lesquelles y estoient obstinees: & à la verité, elles n'y estoient point mal. Quand ledit Seigneūr congnt leur vouloir, il s'y consentit: & apres que ladicte Dame eut esté, audit lieu du Plessis, sept ou huit iours, le Roy & elle feirent serment ensemble d'estre bons amis pour le temps aduenir: & en furent baillees lettres d'un costē & d'autre: & print congē ladicte Dame du Roy: qui la feit bien cōduire iusques chez elle: & luy feit rendre ses enfans, & toutes ses places, & bagues, & tout ce qui luy appartenoit. Tous deux furent bien ioyeux de departir l'un de l'autre: & sont demourez depuis comme bon frere & bonne seur, iusques à la mort.

*Comment le Duc de Bourgongne se tint quelques semaines comme solitaire: & comment ce pendant le Duc de Lorraine recouura sa ville de Nancy.*  
Chap. 5.

**P**Our continuer mon propos, fault parler du Duc de Bourgongne: lequel, apres la fuite de ceste bataille de Morat (qui fut en l'an mil quatre cens septante six) s'estoit retirē à l'entree de Bourgongne, en vn lieu appellē la Riuere: auquel lieu il seiourna plus de six semaines, ayant encores coeur de rassembler gens. Toutefois il y besongnoit peu: & se tenoit comme solitaire: & sembloit plus qu'il faisoit par obstination ce qu'il faisoit, qu'autrement, cōme vous entenderez. car la douleur qu'il eut de la perte de la premiere bataille de Granfon fut si grande, & luy troubla tāt les espritz, qu'il en tomba en grande maladie: & fut telle que, là ou sa colere & chaleur naturelle estoit si grāde qu'il ne beuuoit point de vin, mais le matin beuuoit ordinairement de la tisane & mangcoit de la confiserie de roses pour se rāfreschir, ladicte tristesse mua tant sa complexion qu'il luy faisoit faire boire le vin bien fort sans eaue: & pour luy faire retirer le sang au coeur, mettoyent des estoupes ardentes dedans des ventouses: & les luy passoyent en ceste chaleur à l'endroit du coeur. Et de ce propos, vous, monseigneur de Vienne,



Viene, en sçauéz mieulx que moy: comme celuy qui luy aydastes à passer ceste maladie: & luy feistes faire la barbe, qu'il laissoit croistre. Et, à mon aduis, onques puis ladicte maladie, ne fut si sage qu'au parauant, mais beaucoup diminué de son sens. Et telles sont les päsions de ceulx, qui apres semblables infortunes, ne cherchèt les vrais remedes: & par especial les Princes, qui sont orgueilleux: car en ce cas, & en semblables, le premier refuge est retourner à Dieu, & penser si en riens on l'a offensé, & se humilier deuant luy, & congnoistre ses meffaiçtz: car c'est luy qui determine de telz proces, sans ce qu'on luy puisse proposer nul erreur. Apres cela, fait grād bien de parler à quelque amy de ses priuez, & hardiment plaindre ses douleurs, & n'auoir point de honte de monstres sa douleur deuant l'especial amy: car cela allège le coeur, & le reconforte: & les esperitz reuiennent en leur vertu, parlant ainsi à quelqu'un en conseil: ou bien fault prendre autre remede, par quelque exercice & labeur (car il est force, puis que nous sommes hommes, que telles douleurs passent avec päsion grande, ou en public ou en particulier) & non point prendre le chemin que print lediçt Duc de se cacher, ou se tenir solitaire: mais faire le cōtraire, & chacer toute austerité. Car, pource qu'il estoit terrible à ses gens, nul ne s'osoit auancer de luy donner nul confort ou cōseil: mais le laissoyēt faire à son plaisir, craignās que, si aucune chose luy eussent remonsté, qu'il ne leur en fult mal prins.

Pendant ces six sepmaines, ou enuiron, qu'il seiourna avec peu de gēs (qui n'estoit point de merueilles, apres auoir perdu deux si grosses batailles, comme vous auez ouy) & que plusieurs nouueaux ennemis se furent declarez, & les amis refroidis, & les subiectz rompus & deffaiçtz, & qui commençoient à entrer en murmure, & auoir leur maistre en mespris, cōme est bien de coustume, comme i'ay dit, apres telles aduersitez, plusieurs places, petites, furent deffaiçtes & prinçes sur luy en ceste Lorraine: cōme Vaudemont, & puis Espinal, & autres apres: Et de tous costez se commencerent à esueiller gens, pour luy courre sus: & les plus meschans estoient les plus hardis. Et, sur ce bruit, le Duc de Lorraine assembla quelque peu de gens, & de peuple: & s'en vint loquer deuant Nancy. Des petites villes d'enuiron, il en tenoit la plus part: toutesfois le Duc de Bourgongne tenoit encores le Pont-à-mousson, à quatre lieues dudiçt Nancy, ou enuiron. Entre ceulx qui estoient dedans assiegez, estoit vn de la maison de Croy, appelé monseigneur de \* Beures, bon Cheualier & honneste. il auoit gens de pieces: & entre les autres aussi estoit dedans vn Anglois, appelé \* Cohin, trel'uaillāt homme, de petite lignee: & l'amenay avec autres de la garnison de Guynes au seruice du Duc. Lediçt Cohin auoit enuiron trois cens Anglois, soubz luy en ladicte place. Et, combien qu'ilz ne fussent point pressez de baterie, ne d'approches, si leur ennuyoit il de ce que lediçt Duc de Bourgongne mettoit tant à les secourir: & à la verité, il auoit grand tort qu'il ne s'approchoit. car, là où il estoit, c'estoit loing du païs de Lorraine: & n'y pouoit plus de riē seruir: car il auoit mieulx besoing de defendre ce qu'il possedoit, que de courre sus aux Suisses, pour se cuider venger de son dommage. Mais son obstination luy porta grand dommage, & ce

\* Bieures  
Ex. m. a. c. l.

\* Colpin par  
tout. Ex. a. u. e. l.

qu'il ne prenoit conseil que de luy. car, quelque diligence qu'on feist de le solliciter de secourir ceste place, il sejourna, sans nul besoing, audict lieu de la Riuere, six sepmaines ou enuiron:&, s'il eust fait autrement, il eust aisemēt secouru ladiète place: car ledict Duc de Lorraine n'auoit point de gēs deuāt: &, en gardant le païs de Lorraine, il auoit tousiours son passage pour venir de ses autres Seigneuries passer par Luxembourg & par Lorraine, pour aller en Bourgongne. Parquoy si la raison eust esté en luy telle, qu'elle auoit esté autrefois, il y deuoit faire autre diligence.

Ce pendant que ceulx, qui estoient dedans Nancy, attendoyent leur secours, ledict Cohin, dont i'ay parlé, qui estoit chef de ceste bande d'Angloys qui estoient dedans, fut tué d'un canon. qui fut grand dommage audict Duc de Bourgogne: car la personne d'un seul hōme est aucunesfois cause de preseruer son maistre d'un grand inconuenient, encores qu'il ne soit de sa maison, ne de lignee grande, mais que seulement le sens & la vertu y soyent. Et en cest article ay congny au Roy, nostre maistre, vn grand sans: car iamais Prince n'eut plus grande crainte de perdre ses gens que luy. Incontinent que ledict Cohin fut mort, les Angloys, qui estoient soubz luy, commencerent à murmurer, & à se desespérer du secours:& ne congnoissoyēt point biē la petite force du Duc de Lorraine, & les grans moyens qu'auoit le Duc de Bourgogne de recouurer gens: mais par le long temps qu'il y auoit que les Angloys n'auoyent eu guerres hors de leur royaume, il n'entendoyent point bien le faict des sieges: &, en effect, se mirent à vouloir parlementer, & dirent audict seigneur de Beures, qui estoit Chef en la ville, s'il n'appointoit, qu'ilz appointeroient sans luy. Combien qu'il fust bon Cheualier, si auoit il peu de vertu: & vīa de grandes prieres & de grandes remonstrances: & croy, si plus audacieusement il eust parlé, qu'il luy en fust mieulx prins, sinon que Dieu en eust ain si ordonné. Car il ne falloit que tenir encores trois iours, qu'ilz n'eussent eu du secours. Mais, pour abreger, il compleut & se consentit aux dessusdictz Angloys: & rendre la place au Duc de Lorraine, saufs leurs personnes & biens.

Le lendemain, ou, pour le plus tard, deux iours apres ladiète place réduite, le Duc de Bourgogne arriua aupres bien accompagné, selon le cas. car ilz luy estoient venus quelques gens du quartier de Luxembourg, qui venoyēt de ses autres Seigneuries: & se trouuerent ledict Duc de Lorraine & luy: touteffois il n'y eut rien d'importance: par ce que ledict Duc de Lorraine n'estoit assez fort. Ledit Duc de Bourgogne se mit encores apres son esteuf à remettre le siege deuant Nancy: & luy eust mieulx valu n'auoir ia esté si obstiné en sa demeure: mais Dieu prepare telz vouloirs extraordinaires aux Princes, quand il luy plaist muer leur fortune. Si ledict Seigneur eust voulu vser de conseil, & bien garnir les petites places d'entour, il eust en peu de temps recouuré la place. car elle estoit tresmal pourueue de viures: & y auoit assez, & trop, de gens, pour la tenir à destroiēt: & eust peu rafreschir son armee, & la refaire. mais il le print par autre bout.

*Des grandes trahisons du Comte de Campobache : & comment il empeſcha le Duc de Bourgogne d'ouir vn Gentil-homme qui les luy vouloit reueler, deuant qu'eſtre pëdus : & ne tint cōpte auſſi de l'aduertiſſement que luy en donna le Roy. Chap. 6.*



E pendant qu'il tenoit ce ſiege, malheureux pour luy, & pour tous les ſubieçtz, & pour aſſez d'autres, à qui la querelle ne touchoit en rien, commencerent pluſieurs des ſiens à pratiquer : & ia (comme i'ay dit) luy eſtoient ſourds ennemis de tous coſtez : & entre les autres, le Comte Nicole de Campobache, du royaume de Naples, dont il eſtoit chacé pour la maiſon d'Aniōu, & l'auoit retiré le Duc apres le trespas du Duc Nicolas de Calabre, à qui il eſtoit ſeruiteur, & pluſieurs autres des ſeruiteurs dudiçt Duc. Ce Comte eſtoit trespauure (comme i'ay dit ailleurs) & de meuble & d'heritage. Le Duc de Bourgogne luy bailla d'entree quarante mille Ducats d'impreſtance, pour aller faire ſa charge en Italie, qui eſtoit de quatre cens Lances qu'il payoit par ſa main : & des lors commença à machiner la mort de ſon maiſtre (comme i'ay deſia dit) & continua iuſques à celle heure dont ie parle : & de nouveau, voyant ſon maiſtre en aduerſité, commença à pratiquer, tant enuers monſieur de Lorraine, qu'auec aucuns Capitaines & ſeruiteurs que le Roy auoit en Champagne, pres de l'armee dudiçt Duc. Audiçt Duc de Lorraine prometoit tenir la main, que ce ſiege ne ſ'auanceroit point : & qu'il feroit trouuer des deſſaulx es choſes plus neceſſaires pour le ſiege, & pour la baterie : & il le pouuoit bien faire : car il en auoit la principale charge, & toute l'auctorité auec lediçt Duc de Bourgogne. Aux noſtres pratiquoit plus au vif : car touſiours preſentoit de tuer ou prendre ſon maiſtre : & demandoit le payement de ces quatre cens Lances, vingt mille Eſcus content, & vne bonne Comté.

Durant qu'il conduiſoit ces marchez, vindrent aucuns Gentilz-hommes du Duc de Lorraine, pour entrer en la place. Aucuns y entrerent : autres furent prins : dont l'un fut vn Gentil-homme de Prouence, appelé \* Cifron : lequel conduiſoit tous les marchez dudiçt Comte auec lediçt Duc de Lorraine. Le Duc de Bourgogne commanda que lediçt Cifron fuſt incontinent pendu : diſant que, depuis qu'un Prince a poſé ſon ſiege, & faittirer ſon artillerie deuant vne place, ſi aucuns y viennent pour y entrer, & la reconforter contre luy, ilz ſont dignes de mort, par les droictz de la guerre : toutesſois il ne ſ'en vſe point en noz guerres, qui ſont aſſez plus cruelles que la guerre d'Italie & d'Eſpaigne, là ou on vſe de ceſte couſtume. Quoy, qu'il y euſt, lediçt Duc voulut que ce Gentil-homme mouruſt : lequel, quand il veit qu'en ſon ſaiçt n'y auoit nul remede, & qu'on le vouloit mener mourir, il manda audiçt Duc de Bourgogne, qu'il luy pleuſt l'ouir, & qu'il luy diroit choſe qui touchoit à ſa perſonne. Aucū Gentilz-hommes, à qui il diſt ces paroles, le vindrent dire au Duc : & d'auçture le Comte de Campobache ſe trouua deuant, quand ceulx vindrent parler au Duc, ou bien, ſachant la prinſe dudiçt Cifron, ſ'y voulut bien trouuer, doubtrāt qu'il ne diſt de luy ce qu'il ſçauoit : car il ſçauoit tout le demené dudiçt Côte, tant d'un coſté q'd'autre, & luy auoit tout eſté communiqué, & eſtoit ce qu'il vouloit dire. Lediçt

\* Sifion Exr.  
neul par tout.

Duc respōdit à ceulx qui luy vindrent faire ce rapport, qu'il ne le faisoit que pour sauuer sa vie, & qu'il leur dist que c'estoit. Lediēt Comte conforta ceste parole: & n'y auoit avec lediēt Duc, que ce Comte, & quelque Secretaire qui escriuoit: car lediēt Comte auoit toute la charge de ceste armee. Le prisonnier dist qu'il ne le diroit qu'audiēt Duc de Bourgōgne. De rechef cōmanda lediēt Duc qu'on le menast pendre. ce qui fut faict: & en le menāt, lediēt Cifron requist à plusieurs qu'ilz priaissent à leur maistre pour luy, & qu'il luy diroit chose qu'il ne voudroit pour vne Duchē qu'il ne le sceust. Plusieurs, qui le congnoissoyent, en auoyent pitié: & vindrent parler à leur maistre pour faire ceste requeste qu'il luy pleust de l'ouir: mais ce mauuais Comte estoit à l'huis de la chambre de bois, en quoy logeoit lediēt Duc: & gardoit que nul n'entraist: & refusa l'huis à ceulx là, disant: Monseigneur veult qu'on s'auance de le pendre: & par messagers hastoit le Preuost. Et finalement lediēt Cifron fut pendu. qui fut au grand preiudice du Duc de Bourgogne: & luy eust mieulx valu n'auoir esté si cruel, & humainement ouir ce Gentil-homme: & parauanture que, s'il l'eust fait, qu'il fust encōres en vie, & sa maison entiere, & beaucoup acreeue: veu les choses suruenues en ce royaume depuis.

Mais il est à croire que Dieu en auoit autrement disposé, depuis ce desloyal tour, que lediēt Duc auoit fait, peu de temps parauant au Comte de Saint-Paul, Connestable de France, ainsi qu'auetz entendu ailleurs en ces Memoires comment il l'auoit prins sur sa seureté, & baillé au Roy pour le faire mourir, & d'auantage baillé tous les scelez & lettres, qu'il auoit dudiēt Connestable, pour seruir à son proces. Et combien que lediēt Duc eust trouué, & eust iuste cause de hair lediēt Connestable iusques à la mort, & de la luy procurer, pour beaucoup de raisons, qui seroyent longues à escrire, moyennant qu'il l'eust peu faire, sans luy donner la foy, toutesfois toutes les raisons, que sçauroye alleguer en ceste matiere, ne sçauroyent couvrir la faulte de foy & d'honneur que le Duc commit en baillant bōn & loyal fausconduit audiēt Connestable, & neantmoins le prendre & vendre par avarice, non point seulement pour la ville de Saint-Quentin & des places, heritaiges & meubles dudiēt Connestable, mais aussi pour la doubte de faillir de prendre la ville de Nancy, quand il l'auoit assiegee la premiere fois: & fut à l'heure qu'apres plusieurs dissimulations, il bailla lediēt Connestable, doubtant que l'armee du Roy, qui estoit en Champagne, ne luy empeschast son entreprinse: car le Roy le menassoit par ses Ambassadeurs: pource que, par leur appointment, le premier des deux, qui tiendrait le Connestable, le deuoit rendre, dedans huit iours apres, à son compaignon, ou le faire mourir. Or auoit lediēt Duc passé ce terme de beaucoup de iours: & ceste seule crainte & ambition de Nancy, luy feit bailler lediēt Connestable, ainsi qu'auetz ouy. Tout ainsi comme en ce propre lieu de Nancy il auoit commis ce crime iniustement, apres qu'il eut remis le second siege, & fait mourir lediēt Cifron (lequel il ne voulut ouir parler comme homme qui auoit ia l'ouye bouchée, & l'entendement troublé) fut à ceste propre place deceu & trahy, par celuy auquel plus se fioit, & par-aduenture, iustement payé

payé de sa deserte, pour le cas qu'il auoit commis dudiect Connestable, & par auarice de ladieste ville de Nancy. Mais ce iugement appartient à Dieu: & ne le dy que pour esclarcir mon propos, & donner à entendre combien vn bon Prince doit fuir à consentir vn tel vilain tour & desloyaulté, quelque conseil encores qu'on luy en sache donner. Et assez de fois aduient que ceulx, qui leur conseillent, le font pour leur complaire, ou pour ne les oser contredire, à qui il en desplaist bien, quand le cas est aduenu, congnoissant la punition qui en peut aduenir, tant de Dieu que du mode: toutesfois telz conseillers vouldroyent bien mieulx loing du Prince, que pres.

Vous auez ouy comme Dieu en ce monde establit ce Comte de Campobache commissaire à faire la vengeance de ce cas du Cónestable, ainsi commis par le Duc de Bourgogne, & au propre lieu, & en la propre maniere, & encores beaucoup plus cruellement. Cartout ainsi que par dessus le sauf-conduict & feableté, qu'auoit en luy lediect Connestable, il le liura, pour estre mis à mort, rout ainsi par le plus feable de son armee (c'est adire par ce luy, en qui plus se fioit) fut il trahy: par celuy, dy ie, qu'il auoit receuilly vieil & pauvre, & sans nul party, & qu'il auoit souldoyé à cent mille Ducatz l'an, dont il payoit ses Gens-d'armes par sa main: & d'autres grans auantages qu'il auoit. Et, quand il commença ceste marchandise, il s'en alloit en Italie, à rout quarante mille Ducatz cõtent, qu'il auoit receus pour imprestance (cõme dict est) qui vault à dire pour mettre sus ses Gens-d'armes: & pour cõduire ceste trahison s'en adressa en deux lieux: le premier à vn Medecin demourant à Lion, appelé maistre Simon de Pauie, & à vn autre en Sauoye, dont i'ay parlé, & à son retour furent logez ses Gens-d'armes en certaines petites places de la Comté de Marle, qui est en Lannoys: & la reprint sa pratique, offrant bailler toutes les places qu'il tenoit, ou, si le Roy se trouuoit en bataille contre son maistre, qu'il y auroit certain signe entre le Roy & luy, qu'en luy faisant, il se tourneroit cõtre son maistre, & du party du Roy, avec route sa bende. Ce secõd party ne pleut point fort au Roy. Il offroit encores que la premiere fois, que son maistre logeroit en champ, qu'il le prẽdroit, ou tueroit en allant visiter son ost. Et, à la verité dire, il n'eust point failly à ceste tierce ouuerture: car lediect Duc auoir vne coustume qu'incontinent qu'il estoit descẽdu de cheual, au lieu ou il venoit pour loger, il estoit le menu harnois, & retenoit le corps de sa cuirace, & se mōtoit sur vn petit cheual, huiet ou dix Archers à pied avec luy seulẽt. Aucunes fois le luyuoient deux ou trois Gentilz-hommes de sa chambre: & alloit tour à l'entour de son Ost, par le dehors, voir s'il estoit bien cloz: & ainsi lediect Comte eust fait ceste execution avec dix cheualx, sans nulle difficulté. Apres que le Roy eut veu la cõtinuele poursuite que faisoit cest homme, pour trahir son maistre, & que ceste \* demenee fut à l'heure d'vne trefue, & qu'il ne sçauoir poit de tous poitẽz à quelle fin il faisoit ces ouuertes, il delibera mōstrer vne grande franchise au Duc de Bourgogne: & luy manda par le seigneur de Contay (qui plusieurs fois a esté nommé en ces Memoires) tout au long le demenẽ de ce Cõte: & y estoie present, & suis bien seur que lediect seigneur de Contay s'en

\* derniere  
il tempa. il.

acquita loyaumét enuers son maistre:lequel le print tout au rebours,disant que, s'il eust esté vray, que le Roy ne luy eust point fait sçauoir. Et fut cecy long temps auant qu'il vint à Nancy : & croy bien que ledi& Duc n'en dist rien audi& Comte:car il ne changea iamais de propos.

*Comment le Duc de Lorraine, accompagné de bon nombre d'Alemans, vint loger à Saint-Nicolas, pendant le siege de Nancy: & comment le Roy de Portugal, qui estoit en France, alla voir le Duc de Bourgogne, durant ce siege.* Chap. 7.



R fault retourner à nostre matiere principale, & à ce siege, que ledi& Duc tenoit deuant Nancy: qui estoit au cœur d'Yuer, avec peu de gens, mal armez, mal payez, & beaucoup de malades, & des plus grans qui pratiquoyent contre luy (comme vous oyez) & tous en general murmuroyent, & mesprisoyent tous ses œuures, comme est bien de coustume en temps d'aduersité, comme i'ay bien dit au long icy deuant: mais nul ne pratiquoit contre sa personne ne contre son estat, que ce Comte de Campobache: & en ses subiectz ne trouua nulle desloyaulté. Estant en ce pauvre appareil, le Duc de Lorraine traicta vers ces vieilles alliances, que i'ay nommees icy deuant, d'auoir gens, pour combatre le Duc de Bourgogne, qui estoit deuant Nancy. Toutes ces villes y furent tresenclines. ne restoit que trouuer argent. Le Roy le reconfortoit d'Ambassadeurs qu'il auoit enuoyez vers les Suisses: & aussi luy fournit quarante mille Francz, pour aider à payer les Alemans:& si auoit mōseigneur de Cran, qui estoit son Lieutenant en Campaigne, logé en Barrois, avec sept ou huit cens Lances, & des Francs-Archiers bien accompagnez de bons Chefz. Tant feit le Duc de Lorraine, avec la faueur & argent du Roy, qu'il tira grand nombre d'Alemans, tant de pied que de cheual: car, oultre ce qu'il paya, ilz en fournirent à leurs despens. Aussi auoit avec luy largement Gentilz-hommes de ce royaume:& puis ceste armee du Roy estoit logée en Barrois, comme i'ay dit: laquelle ne faisoit nulle guerre, mais voyoit qui auroit du meilleur. Et vint ledi& Duc de Lorraine loger à Saint-Nicolas, pres Nancy, avec ces Alemans dessusdi&tz.

Le Roy de Portugal estoit en ce royaume, neuf moys auoit ou enuiron: auquel le Roy l'estoit allié contre le Roy d'Espagne, qui est auiourd'huy: lequel Roy de Portugal estoit venu, cuidant que le Roy luy baillast grande armee, pour faire la guerre en Castille, par le costé de Biscaye ou de Nauarre. car il tenoit largement places en Castille, à la frontiere de Portugal, & en tenoit encores d'aucunes voy fines de nous: comme le chasteau de Bourgues, & plusieurs autres. Et croy bien que, si le Roy luy eust aidé, comme quelquefois il en eut le vouloir, le Roy de Portugal fust venu au dessus de son entreprinse: mais ce vouloir passa au Roy: & fut longuement le Roy de Portugal entretenu en esperance, comme d'un an ou plus.

Durant ce temps s'empiroyent les besongnes dudi& Roy de Portugal en Castille. car, à l'heure qu'il vint, presque tous les Seigneurs du royaume de  
Castille

Castille tenoyent son party : mais, le voyant tant demourer, peu à peu yuerent ce propos, & s'appointerent avec le Roy Ferdinand, & la Royne Ysabel, qui regnent aujourd'huy. Le Roy s'excusoit de ceste ayde, qu'il auoit promis & accordé, sur ceste guerre, qui estoit en Lorraine, monstrant auoir crainte que, si le Duc de Bourgongne se ressourdoit, qu'après ne luy vint courre sus. Ce pauvre Roy de Portugal, qui estoit tres bon & iuste, mir en son imagination qu'il iroit deuers le Duc de Bourgongne, qui estoit son cousin germain, & qu'il pacifieroit tout ce different du Roy & de luy, à fin que le Roy luy peust aider. Car il auoit honte de retourner en Castille, ny en Portugal, avec ceste deffaulte, & de n'auoir rien fait deçà. Car legerement il auoit esté meü d'y venir, & oultre l'opinion de plusieurs de son conseil. Ainsi se mit à chemin le Roy de Portugal, en fin cœur d'Yuer : & alla trouuer le Duc de Bourgongne, son cousin, deuant Nancy : & luy commença à remonstrier ce que le Roy luy auoit dit, pour venir à ceste vnion. Il trouua que ce seroyent choses bien malaisées que de les accorder, & qu'en tout estoient differens. Ainsi n'y arresta que deux iours, qu'il ne print congé dudit Duc de Bourgongne, son cousin, pour s'en retourner à Paris, dont il estoit party. Ledit Duc de Bourgongne luy pria attendre encores, & qu'il voulsist aller au Pont-à-mousson (qui est assez pres de Nancy) pour garder ce passage : car ia scauoit ledit Duc l'armee des Alemans, qui estoient logez à Saint-Nicolas. Le Roy de Portugal s'excusa, disant n'estre point en armes, n'accompaigné pour tel exploit : & s'en retourna à Paris, là ou il feit long seiour. La fin dudit Roy de Portugal fut qu'il entra en suspicion que le Roy le vouloit faire prendre, & le bailler à son ennemy le Roy de Castille : & pourtant se desguisa luy troisieme : & delibera s'en aller à Romme : & se mettre en vne religion aupres. En allant en cest habit dissimulé, il fut prins, par vn appelé \* Robinet le Beuf, qui estoit de Normandie. Le Roy nostre maistre fut marry : eut quelque honte de ce cas : & luy feit armer plusieurs nauires de ceste coste de Normandie : dont mesire George \* Leger eut la charge \* qu'il le meneroit en Portugal. ce qu'il entreprint de faire.

\* Le sieur *exf.*  
n'a point Ro-  
binet.

\* le Grec  
*Exemp. usuel.*

L'occasion de sa guerre contre le Roy de Castille, estoit pour sa niepce, fille de sa seur : laquelle estoit femme du Roy Don Henry de Castille, dernier mort : laquelle auoit vne tresbelle fille : & est encores auourd'huy demourant en Portugal, sans estre mariee : laquelle fille la Royne Ysabel, seur dudit Roy Henry, deboutoit de la succession de Castille, disant que la mere l'auoit conceue en adultere. Assez de gens ont esté de ceste opinion, disant que ledit Roy Henry n'eust sceu engendrer, pour aucune raison que ie laisse. Comment qu'il en soit allé, & nonobstant que ladicte fille fust nee soubz le manteau de mariage, toutefois est demeurée la couronne de Castille à la Royne Ysabel, & à son mary le Roy d'Arragon & de \* Cecile, regnant auourd'huy : & taschoit ledit Roy de Portugal, dont i'ay parlé, de faire le mariage de ladicte fille, sa niepce, & de nostre Roy Charles, de present huitieme de ce nom : & estoit la cause pour laquelle ledit Roy de

\* *Exf. n'est*  
jusques à L'oc-  
casion n'a seu-  
lement que qui  
le menerent  
en Portugal.

\* entendre de  
l'isle.



Portugal estoit venu en France. laquelle chose luy fut à tresgrand preiudice & delplaisir: car, tost apres son retour, en Portugal, il mourut. Et pource (comme i'ay dit enuiron le commencement de ces Memoires) vn Prince doit bien regarder quelz Ambassadeurs il enuoye par pais: car, si ceulx qui vindrent faire l'alliãce du Roy de Portugal de par deçà, à laquelle me trouuay present, cõme l'un des deputez pour le Roy, eussent esté bien sages, ilz se fussent mieulx informez des choses de deçà, auant que conseiller à leur maistre ceste venue, qui tant luy porta de dommage.

*Comment le Duc de Bourgogne, n'ayant voulu suyure le bon conseil de plusieurs de ses gens, fut desconfit, & tué en la bataille, que luy liura le Duc de Lorraine, pres Nancy.*  
Chap. 8.

**I**E me fusse bien passé de ce propos, si n'eust esté pour monstrier que bien tard vn Prince se doit mettre soubz la main d'un autre, n'y aller chercher son secours en personne. Et aisi, pour retourner à ma principale matiere, le Roy de Portugal n'eut point fait vne iournee, au departir qu'il feit avec le Duc de Bourgogne, que le Duc de Lorraine, & les Alemans, qui estoýent en sa compaignie, ne dellogeassent de Saint-Nicolas, pour aller combattre lediẽt Duc de Bourgogne. Et ce propre iour vinr au deuant d'eulx le Comte de Campobache, acheuer son entreprinse, & se redit des leurs, avec enuiron huiẽt vingtz Hommes-d'armes: & luy desplaisoit bien que pis n'auoit peu faire à son maistre. Ceulx de dedãs Nancy estoýent bien aduertis de straiẽtez dudiẽt Comte: qui leur aidoit bien à donner coeur de tenir. Avec cela entra vn homme, qui se iecta aux fossez, qui les assura de secours: car autrement estoýent sur le poinẽt de se rendre: & si n'eust esté les dissimulations dudiẽt Comte, ilz n'eussent point tenu iusques lors: mais Dieu voulut acheuer ce mystere.

Le Duc de Bourgogne, aduertý de ceste venue, tint quelque peu de conseil (car il ne l'auoit point fort accoustumé: mais vsoit communement de son propre sens) & fut l'opinion de plusieurs, qu'il se retirast au Pont-à-mousson, pres de là, & laissast de ses gens es places qu'il tenoit enuiron Nancy, disant que, si tost que les Alemans auroýent auitaillé Nancy, ilz s'en iroyent, & feroit l'argent failly au Duc de Lorraine: qui de long temps ne r'assembleroit tant de gens: & que l'aitaillement ne sçauroit estre si grand, qu'auant que la moitié de l'Yuer fust passé, ilz ne fussent aussi à destroiẽt, comme ilz estoýent lors: & que ce pendant lediẽt Duc r'assembleroit gens. car i'ay enrendu par ceulx, qui le pensoýent sçaouir, qu'ilz n'auoyent point en l'Ost quatre mille hommes: dont il n'y en auoit que douze cens en estat pour combattre. D'argẽt auoit assez lediẽt Duc: car il auoit au chasteau de Luxebourg, qui estoit pres de là, bien quatre cens cinquãte mille Escus, & de gens eust il assez recourré: mais Dieu ne luy voulut faire ceste grace que de receuoir ce sage conseil, ne congnoistre tant d'ennemis logez de tous costez enuiron de luy: & choisit le pire party: & aux paroles d'hommes insensẽz, delibera d'attendre la fortune, nonobstant toutes les remonstrances qu'on luy auoit faictes du grand nombre des

bre des Alemans, qui estoit avec ledi&t Duc de Lorraine, & aussi de l'armée du Roy, logee pres de luy: & conclud la bataille, avec ce petit nôbre de gens, espouventez, qu'il auoit.

A l'arriuee du Comte de Campobache vers le Duc de Lorraine, les Alemans luy feirent dire qu'il se retirast, & qu'ilz ne vouloyent nulz trahistres avec eulx: & ainsi se retira à Condé, vn chasteau & vn passage pres de là, qu'il repara de charettes, & d'autres choses, le mieulx qu'il peut, esperât que, fuyât le Duc de Bourgongne & ses gens, il en tomberoit en sa part, comme il feist assez. Ce n'estoit pas le principal traicté qu'eust ledi&t Comte de Campobache, que celui du Duc de Lorraine, mais, peu deuant son partement, parla à d'autres, & avec ceulx là conclud, pource qu'il ne voyoit point qu'il peust mettre la main sur le Duc de Bourgongne, qu'il se tourneroit de l'autre part, quand viendroît l'heure de la bataille. car plus tost ne vouloit partir ledi&t Côté, à fin de donner plus grand espouementement à tout l'ost dudi&t Duc: mais il asseuroit bien que, si le Duc de Bourgongne fuyoit, qu'il n'en eschapperoit iamais vif: & qu'il laisseroit treize ou quatorze personnes, qui luy seroyent seurs, les vns pour cômencer la fuite, des ce qu'ilz verroyent marcher les Alemans, & les autres qui auroyent l'œil sur ledi&t Duc, s'il fuyoit, pour le tuer en fuyât: & en cela n'y auroit point de faulte: & ay cōgnu deux ou trois de ceulx qui demourerent pour tuer ledi&t Duc. Apres que ces grandes trahisons furent conelues, il se retira dedans l'Ost: & puis se retourna contre son maistre, quand il veit arriuer lesdictz Alemans, comme j'ay dit: & puis, quand il veit que lesdictz Alemans ne le vouloyēt en leur compaignie, alla, cōme dict est, en ce lieu de Condé.

Lesdictz Alemans marcherent: & avec eulx estoit grand nombre de Gés-de-cheual de deça, qu'on y laissa aller, beaucoup d'autres se mirēt aux embusches, pres du lieu, pour voir si le Duc seroit desconfit, pour happer quelque prisonnier ou autre butin. Et aïsi pouez voir en quel estat s'estoit mis ce pauvre Duc de Bourgongne, par faulte de eroïre conseil. Apres que les deux armées furent assemblees, la sienne, qui ia auoit esté desconfite par deux fois, & qui estoit de peu de gens, & mal en poin&t, fut incontinent tournée en desconfiture & en fuite. Largement se sauuerent. le demourant y fut mort ou prins: &, entre autres, y mourut sur le champ ledi&t Duc de Bourgongne: & ne veulx point parler de la maniere, pource que ie n'y estoye point: mais m'a esté compté de la mort dudi&t Duc par ceulx, qui le veitēt porter par terre, & ne le peurent secourir, parce qu'ilz estoient prisonniers: mais à leur veue ne fut point tué, mais par vne grande flotte de gens, qui y suruindrēt: qui le tuerent, & le despouillerent en la grande troupe, sans le congnoistre: & fut la dictē bataille le cinquieme iour de Ianuier, en l'an mil quatre cens septante  
fix, veille des Roys.

La mort du  
Duc de Bour-  
gongne.

1476

*Digression sur quelques bonnes mœurs du Duc de Bourgongne, & sur le temps que sa maison dura en prospérité.* Cap. 9.



Ay depuis veu vn signet à Milan, que maintesfois auoye veu pendu à son pourpoint: qui estoit vn anneau: & y auoit vn fuzil entailé en vn camayeu, où estoient ses armes: lequel fut vëdu pour deux Ducatz au lieu de Milan. Celuy qui luy osta, luy fut mauuais varlet-de-chambre. Le l'ay veu maintesfois habiller & dehabiller en grande reuerence, & par grans personnages: & à ceste derniere heure luy estoient passez ses honneurs: & perit luy & sa maison, comme i'ay dit, au lieu où il auoit consenty par auarice de bailler le Connestable, & peu de temps apres. Dieu luy veuille pardonner ses pechez. Le l'ay veu grand & honorable Prince, & autant estimé & requis de ses voisins, vn temps a esté, que nul Prince qui fust en Chrestienté, ou parauēture plus. Je n'ay veu nulle occasion pourquoy plus tost il deust auoir encouru l'ire de Dieu que de ce q̃ toutes les graces & honneurs, qu'il auoit receus en ce monde, il les estimoit tous estre procedez de son sens, & de sa vertu, sans les attribuer à Dieu, comme il deuoit. Et, à la verité, il auoit de bonnes & vertueuses parties en luy. Nul Prince ne le passa iamais de desirer nourrir grans gens, & les tenir bien reiglez. Ses biens faictz n'estoyent point fort grans: pource qu'il vouloit que chacun s'en sentist. Iamais nul plus liberalement ne donna audience à les seruiteurs & subiectz. Pour le temps que ie l'ay cōgnu, il n'estoit point cruel: mais le deuint à sa mort (qui estoit mauuais signe de longue duree) & estoit fort pompeux en habillemens & en toutes autres choses: & vn peu trop. Il portoit fort grand honneur aux Ambassadeurs, & gens estranges. Ilz estoient bien fort festoyez, & recueillis chez luy. Il desiroit grand gloire, qui estoit ce qui plus le mettoit en ses guerres que nulle autre chose: & eust bien voulu ressembler à ces anciens Princes, dont il a esté rāt parlé, apres leur mort: hardy autant comme homme qui ait regné de son temps.

Or sont finies toutes ces pensees: & le tout tourné à son preiudice & honte: car ceulx, qui gagnent, ont tousiours l'honneur. Je ne scauroye dire vers qui nostre Seigneur s'est monstré plus courroucé, ou vers luy, qui mourut soudainement, & en ce champ, sans guerres languir, ou vers ses subiectz: qui onques puis n'eurent bien ne repos, mais continuellement guerre: contre laquelle ilz n'estoyent suffisans de resister, aux troubles qu'ilz auoyent, les vns contre les autres, & en guerre cruelle & mortelle. Et ce, qui leura esté plus fort à porter, a esté que ceulx, qui les deffendoyent, estoient gens estrangers: qui nagueres auoyent esté leurs ennemis. C'estoyent les Alemans. Et, en effect, depuis ladicte mort, n'eurent iamais homme qui bien leur voulsist, de quelques gens qu'ilz se soyent aidez.

Et a semblé, à voir leurs oeuvres, qu'ilz eussent les sens aussi troublez, comme leur Prince, vn peu auant sa mort. car tout bon conseil ilz ont deiecté, & cerché toutes voyes qui leur estoient nuyssibles: & sont en chemin que ce trou ne leur fauldra de grande piece, ou au moins la craincte d'y recheoir.

Je seroye assez de l'opinion de quelque autre, que i'ay veu, que Dieu donne le Prince,

le Prince, selon qu'il veult punir ou chastier les subiectz, & aux Princes les subiectz, ou leur courages disposer enuers luy, selon qu'il les veult eleuer ou abaisser: & ainsi sur ceste maison de Bourgogne a fait tout egal. car, apres leur longue felicité & grandes richesses, & trois grans Princes, bons & sages, precedens cestuicy, qui auoyent duré six vingtz ans, ou plus, en bon sens & vertu, il leur donna ce Duc Charles: qui continuellement les tint en grâd guerre, trauail & despence, & presque autant aux iours d'Yuer qu'en ceulx d'Esté, tant que beaucoup de gens, riches & aisez, furēt mortz & destruiēt par prison en ces guerres. Les grandes pertes commencerent deuant Nuz: qui continuerent, par trois ou quatre batailles, iusques à l'heure de sa mort: & tellement qu'à ceste dernière bataille estoit consommee toute force de son païs, & mortz ou destruiēt ou prins toutes ces gés, qui eussent sceu ou voulu defendre l'estat & l'honneur de sa maison. Et ainsi, comme i'ay dit, semble que ceste perte ait esté egale au temps qu'ilz ont esté en felicité. car, comme ie d'y l'auoir veu grand, riche, & honoré, encores puis ie dire auoir veu tout cela en ses subiectz. car ie cuide auoir veu & cōgnu la meilleure part d'Europe: toutesfoies ie n'ay congnu nulle Seigneurie, ne païs, tant pourtant, ny de beaucoup plus grande estendue encores, qui fust tant abondant en richesses, en meubles, & en edifices, & aussi en toutes prodigalitez, despences, festoyemens, & cheres, comme ie les ay veuz, pour le temps que i'y estoie. Et, s'il semble à quelcun, qui n'y ait point esté pour le temps que ie d'y, que i'en die trop, d'autres, qui y estoient comme moy, parauenture diront que i'en d'y peu. Or a nostre Seigneur, tout à vn coup, fait cheoir si grand & somptueux edifice, ceste puissante maison, qui a tant soustenu de gens de bien & nourry, & tant esté honorée & pres & loing, & par tant de victoires & de gloires, que nul autre à l'environ n'en receut autant en son temps. Et luy a duré ceste bōne fortune & grace de Dieu l'espace de six vingtz ans, que tous les voisins ont souffert, comme France, Angleterre, Espagne: & tous, à quelque fois, la sont venus requerir: comme l'auiez veu par experiēce du Roy nostre maistre: qui en sa ieunesse, & viuant le Roy Charles septieme, son pere, s'y vint retirer, six ans, au temps du bon Duc Philippe, qui amiablemēt le receut. D'Angleterre y ay veu les deux freres du Roy Edouard, le Duc de Clarence, & le Duc de Glocestre: qui depuis s'est fait appeler Roy Richard: & del'autre party du Roy Henry, qui estoit de la maison de Lancastre, y ay veu toute ceste lignee, ou peu s'en faloit. De tous costez ay veu ceste maison honorée, & puis, tout en vn coup, cheoir ce, que dessus, dessus: & la plus desolée, & deffaite maison, tant en Prince qu'en subiectz, que nul voisin qu'ilz eussent. Et telles & semblables oeuvres a fait nostre Seigneur, mesmes auant que fusions nez, & fera encores apres que nous serons mortz. car il fault tenir pour seur, que la grande prosperité des Princes, ou leurs grandes aduersitez, procedent de la diuine ordonnance.

*Comment le Roy fut aduerry de la dernière deffaite du Duc de Bourgogne: & comme il conduisit ses affaires, apres la mort d'iceluy.*

*Première affi-  
er des post- en  
ce royaume de  
France.*



Pour tousiours continuer ma matiere, le Roy, qui auoir ia ordonné postes en ce royaume, & parauât n'y en auoit point eu iamais, fut bien tost aduertý de ceste desconfiture du Duc de Bourgogne: & à chascune heure, en attendoit des nouuelles, à cause des aduertissemens qu'il auoit euz parauant, de l'arriuee des Alemans, & de routes autres choses qui en dependoyent: & y auoit beaucoup de gens, qui auoyent les oreilles bien ouuertes à qui premier les orroir, pour les luy aller dire. car il donoit volontiers quelque chose à celuy, qui premier luy apportoit quelques grandes nouuelles, sans oublier les messagers: & si prenoit plaisir à en parler, auât qu'elles fussent venues, disant: le doneray tant à celuy qui m'apportera des nouuelles. Monseigneur du Bouchage & moy, eulmes (estans ensemble) le premier message de la baraille de Morat, & ensemble le dismes au Roy: lequel nous donna à chascun deux cens Mars d'argent. Monseigneur du Lude, qui couchoit hors du Plessis, sceut le premier l'arriuee du Cheuaucheur, qui apporta les lettres de ceste bataille de Nancy, dont i'ay parlé. Il demanda au Cheuaucheur ses lettres: qui ne les luy osa refuser: pource qu'il estoit en grâde autorité avec le Roy. Ledit Seigneur du Lude vint fort marin (& estoit à grand' peine iour) heurter aux huis plus prochains du Roy. On luy ouurit: & bailla lesdictes lettres, qu'escriuoit monseigneur de Cran, & autres: mais nul n'acertenoit, par les premieres, de la mort: mais aucuns disoyent qu'on l'auoit veu fuir, & qu'il s'estoit sauué. Le Roy, de prime-face, fut tant surprins de la ioye, qu'il eut de ceste nouuelle, qu'à grand' peine sceut il qu'elle contenance renir. D'un costé doubtoit, s'il estoit prins des Alemans, qu'ilz ne faccordassent à luy, pour grand' somme d'argêt, qu'aisément ledict Duc leur pourroit donner. D'autre costé estoit en soucy s'il estoit eschappé, ain si desconfit. La tierce fois, s'il prendroit ses Seigneuries de Bourgongne ou non: & luy sembloit qu'aisément il les pourroit prendre: veu que tous les gens de bien du país estoient presque rous mortz en ces trois batailles. Et sur ce poinct estoit sa resolution (que peu de gens, comme ie croy, ont sceu, excepté moy) que, si ledict Duc estoit sain de sa personne, il feroit entrer son armee, qui estoit en Champaigne & Barrois, incótinent en Bourgongne, & saisir le país, à l'heure de ce grand espouuenement, & des ce qu'il feroit dedans, aduertiroir ledict Duc qu'il le faisoit à l'inrétion de le luy sauuer, & garder que les Alemans ne le destruisissent: pource que ladiete Duché estoit tenue en souueraineté de luy: laquelle il n'eust voulu pour rien romber es mains desdictz Alemans: & que ce qu'il en auroit pris luy seroit par luy rendu. Et sans difficulté ain si le eult il fait. Ce que beaucoup de gens ne croyoyent point aisément. Aussi ne scauent ilz la raison qui l'eult meu. Mais ce propos luy mua, quand il sceut la mort dudit Duc.

Des que le Roy eut receu ces lettres, dót i'ay parlé (lesquelles, comme i'ay dit, ne disoyent rien de la mort) il enuoya en la ville de Tours, querir tous les Capitaines, & plusieurs autres grans personages: & leur monstra les lettres. Tous en feirent signe de grande ioye: & sembloit à ceulx, qui regardoyent les choses de bien pres, qu'il y en auoit assez qui s'y efforçoient: &, non obstant leurs gestes, ilz eussent mieulx aymé que le faict dudit Duc fust allé autrement.

tremēt. La cause en pourroit estre par ce que parauāt le Roy estoit fort craintif, & ilz se doubtoient que, s'il se trouuoit tant au deliure d'ennemis, qu'il ne voulsist muer plusieurs choses, & par especial estat & offices: car il y en auoit beaucoup en la cōpaignie, lesquelz en la question du bien public, & autres du Duc de Guyenne son frere, l'estoyent trouuez contre luy. Apres auoir vn peu parlé aux dessusdictz, il ouit la messe, & puis feit mettre la table en sa chambre, & les feittous disner avec luy: & y estoit son Chācelier, & aucunes gens de conseil: & en disnant, parla tousiours de ces matieres: & sçay bien que moy, & autres, prismes garde comme disneroyent, & de quel appetit, ceulx qui estoient en ceste table: mais, à la verité, ie ne sçay si c'estoit de ioye du de tristesse) vn seul par semblant ne mangea la moitié de son saoul: & si n'estoyent ilz point honteux de māger avec le Roy: car il n'y auoit celuy d'entre eulx, qui bien souuent n'y eust mangé.

Au leuer de table le Roy se tira à part, & donna à aucuns des terres qu'auoit possedees le Duc de Bourgogne, si ainſi estoit qu'il fust mort: & depeſcha le Bastard de Bourbon, Admiral de France & moy: & nous bailla pouuoirs necessaires pour mettre en son obeissance tous ceulx, qui s'y vouldroyēt mettre: & nous commanda partir incontinent, & que nous ouurissions toutes lettres de postes & messagers, que nous rencontrerions en allant, à fin que fusſions aduertis si ledict Duc estoit mort ou viſ. Nous partismes & feismes grand' diligence, nonobstant qu'il faisoit le plus froid que i'aye veu faire de mon temps. Nous n'eusmes point fait vne demie iournee, que nous rencontrasmes vn messager, à qui nous feismes bailler ses lettres: qui contenoient que ledict Duc auoit esté trouué entre les mortz, & specialement par vn page Italien, & par son Medecin, appelé maistre Louppe, natif de Portugal: qui certifioit, à monseigneur de Cran, que c'estoit le Duc son maistre: lequel incontinent en aduertit le Roy.

*Comment le Roy, apres la mort du Duc de Bourgogne, se saisit d'Abbeuille: & de la responce que luy firent ceulx d'Arras.*

*Chap. II.*



Comme nous eusmes sceu toutes lesdictes choses, nous tirasmes iusques aux faulxbourgs d'Abbeuille: & fusmes les premiers par qui, en ce quartier là, ceulx du party du Duc de Bourgogne en furent aduertis. Nous trouuasmes que le peuple de la ville estoit desia en traitté avec monseigneur de Torcy: lequel de long temps ilz aimoyent trefort. Les gēs de guerre, & ceulx, qui auoyent esté Officiers dudit Duc, traittoient avec nous, par vn messager qu'auions enuoyé deuant: &, sur nostre esperance, firent patir quatre cens\* Lances qu'ilz auoyent. Mais, incontinent que le peuple veit ceulx là dehors, ilz ouurirent les portes à mōseigneur de Torcy. qui fut le grand dommage des Capitaines, & autres Officiers de ladicte ville: car ilz estoient sept ou huit, à qui nous auions promis des Escus, & aucunes pensions (car nous auions ce pouuoir du Roy) dont ilz n'eurent rien: pource que les places ne furent point rendues par eulx. La ville d'Abbeuille estoit des terres baillees, par le Roy Charles septieme, à la paix d'Arras: lesquelles terres deuoyent retourner, en deffault d'hoir male: par-

\* Flammans  
Exemp. aut.

quoy n'est de merueille si legement elle nous ouutoit.

De là nous tirasmes à Dourlans: & enuoyasmes sommer Arras, Chef d'Artoys, ancien patrimoine des Comtes de Flandres, & qui de tout temps auoit accoustumé aller à fille comme à filz. Monseigneur de Rauastain, & monseigneur des Cordes, qui estoient en ladicte ville d'Arras, entreprinrēt de venir parler à nous, au Môr-sainct-Eloy, vne Abbaye pres dudiēt Arras, & avec eulx ceulx de la ville. Il fut aduisé que i'iroye, & aucuns avec moy: car on doubroit bien qu'ilz ne feroient point tout ce que nous vouldrions: & pour ce n'y alla point lediēt Admiral. Apres que ie fu venu audict lieu, y arriuerēt tātost apres les dessusdiētz Seigneurs de Rauastain & des Cordes, & plusieurs autres gens de bien, avec eulx, & aussi aucuns de la ville d'Arras: & entre les autres, estoit, pour ladicte ville, leur pensionnaire, & qui parloit pour eulx, maistre Jehan de la Vaquerie, depuis premier President en Parlement à Paris. Pour ceste heute là leur requismes l'ouuerture pour le Roy, & qu'ilz nous receussent en la ville, disans que le Roy la pretendoit sienne, par le moyen de confiscation, & le pais: & que, s'ilz faisoient le contraire, ilz estoient en danger d'estre prins par force: veue la deffaiēte de leur Seigneur, & que tout le pais estoit despourueu de gens de deffense, à cause de ces trois batailles perdues. Les Seigneurs dessusdiētz nous firent dire, par lediēt maistre Jehan de la Vaquerie, que ceste Comté d'Artoys appartenoit à Mademoiselle de Bourgongne, fille du Duc Charles, & luy venoit de vraye ligne, à cause de la Comtesse, Marguerite de Flandres, qui estoit Comtesse de Flandres, d'Artoys, de Bourgongne, de Neuers, & de Retel: laquelle Comtesse fut mariee au Duc Philippe de Bourgongne, le premier: lequel fut filz du Roy Jehan, & frere mainé du Roy Charles le quint: & supplioient au Roy qu'il luy pleust entretenir la rrefue, qui estoit entre luy & le feu Duc Charles. Noz paroles ne furent point trop longues: car nous attendions bien d'auoir ceste response. Mais la principale occasion de mon allee audictz lieux, estoit pour parler à aucuns particuliers de ceulx qui estoient là, pour les conuertir pour le Roy. L'en parlay à aucuns: qui, tost apres, furent bōs seruiteurs du Roy. Nous trouuasmes ce pais bien espouēté: & non sans cause: car ie croy qu'en huit iours ilz n'eussent sceu finer huit Hommes-d'armes: ne d'autres gens de guerre. n'en y auoit en tout ce pais là qu'environ mil & cinq cens hommes, tant de pied que de cheual: qui estoient vers Namur, & en Haynault: & estoient eschapez de ladicte bataille, ou estoit mort le Duc de Bourgongne. Leurs anciens termes & façons de parler estoient bien changez: car ilz parloyent bien bas, & en grande humilité: non pas que ie les vueille charger que, le temps passé, eussent plus arrogamment parlé qu'ilz ne deussent: mais vray est que, du temps que i'y estoie, ilz se sentoient si fortz qu'ilz ne parloyent point au Roy, ne du Roy, en telle reuerence qu'ilz ont fait depuis. Et, si les gens estoient tousiours bien sages, ilz feroient si moderez en leurs paroles, en temps de prosperité, qu'ilz ne deueroient point auoir cause de changer leur langage en temps d'aduersité. Le retournay vers monseigneur l'Admiral, faire mon rapport: & là trouuay nouuelles q̄ le Roy venoit: lequel l'estoit mis en chemin tost apres: & auoit  
fait



fait escrire plusieurs lettres, tant en son nom que de ses seruiteurs, pour faire venir gens deuers luy: par le moyen desquelz il esperoit reduire ces Seigneuries, dont i'ay parlé, en son obeissance.

*Discours, aucunement hors du propos principal, sur la ioye du Roy, se voyant deliuré de plusieurs ennemis: Et de la faulte qu'il feist en la reduction des pais du Duc de Bourgogne. Chap. 12.*



A ioye fut tresgrande au Roy, de se voir au dessus de tous ceulx qu'il haïssoit, & estoÿt ses principaulx ennemis. Des vns s'estoit vengé: comme du Connestable de France, du Duc de Nemours, & de plusieurs autres. Le Duc de Guyène, son frere, estoit mort: dont il auoit la succession. Toute la maison d'Anioui estoit morte: comme le Roy René de Cecile, les Ducs Iehan & Nicolas de Calabre, & puis leur cousin, le Comte du Maine, depuis Comte de Prouence. Le Comte d'Armignac auoit esté tué à Lestore: & de tous ceulx cy auoit ledi& Seigneur recueilly les successi& & les meubles. Mais de tant q̄ ceste maison de Bourgogne estoit plus grande & plus puissante que les autres, & qui auoit eu ia pie& grosse guerre avec le Roy Charles septieme, son pere, trente deux ans, sans trefue, avec l'ayde des Angloys, & qu'ilz auoyent leurs Seigneuries assises es lieux confins, & les subiectz disp&ez pour faire la guerre à luy & à son royaume, de tant luy fut la mort de leur Duc à plaisir tresgrand, & plus que tous les autres ensemble: & luy sembloit bien qu'en sa vie ne trouueroit aucun contredit en son royaume, ny es enuironz près de luy. Il estoit en paix avec les Angloys, comme auez entendu; & desiroit trauailler de toute sa puissance que ladi&te paix s'entretint. Mais, nonobstant qu'il fust ainsi hors de toute crainte, Dieu ne luy permit pas prendre ceste matiere, qui estoit si grande, par le bout qui luy estoit necessaire: & semble bien que Dieu monstrast alors, & ait bien monstré depuis, que rigoureusement il vouloit persecuter ceste maison de Bourgogne, tant en la personne du Seigneur, que des subiectz, & y ay& leurs biens. Car toutes les guerres, osquelles ilz ont esté depuis, ne leur fussent point aduenues, si le Roy nostre maistre eust pris les choles par le bout, qu'il les deuoit prédre, pour en venir audeffus, & pour ioindre à sa cour&ne toutes ces grandes Seigneuries, ou il ne pouuoit pretendre nul bon droi&t. Ce qu'il debuoit faire par quelque traic&te de mariage, ou les attraire à soy par vraye & bonne amyti&: comme aisément il le pouuoit faire: veu le grand desconfort, pauureté, & debilitati& en quoy ces Seigneuries estoÿt. Quoy faisant, il les eust tirez hors de gr&des peines, & par mesme moyen eust bien enforcy son royaume, & enrichy par longue paix; en quoy il l'eust peu maintenir: & ce pend&nt soulager en plusieurs fa&ons: & par especial du pass&ge des Gens d'armes, qui incessamment, & le temps passé, & le t&mps present, cheuauchent d'un des boutz du royaume à l'autre, & bien souu&ent sans grand besoing qu'il en soit. Quand le Duc de Bourgogne estoit encores viu&nt, plusieurs fois me parla le Roy de ce qu'il feroit, si ledi& Duc venoit à mourir: & parloit en grand raison pour lors, dis&nt qu'il tas&cheroit à faire le mariage de son filz (qui est nostre Roy à present) & de la fille dudi& Duc (qui depuis a esté Du-

chesse d'Austriche) &, si elle n'y vouloit entendre, pource que monseigneur le Daulphin estoit beaucoup plus ieune qu'elle, il essayeroit à luy faire espouser quelque ieune Seigneur de ce royaume, pour tenir elle & ses subiectz en amitié, & recouurer sans debat ce qu'il pretendoit estre sien: & encores estoit ledict Seigneur en ce propos, huiët iours deuant qu'il sceust la mort dudiët Duc. Ce sage propos, dont ie vous parle, luy commença ia vn peu à changer, le iour qu'il sceut la mort dudiët Duc de Bourgongne, & à l'heure qu'il nous despelcha monseigneur l'Admiral & moy: toutesfois il en parla peu: mais à aucuns feit aucunes promesses de terres & Seigneuries..

*Comment Han, Bohain, Saint-Quentin & Peronne furent liurez au Roy: & comment il enuoya maistre Oliuier, son barbier, pour cwyder praziquer ceulx de Gand. Chap. 13.*



Vand le Roy se trouua en chemin, tirant apres nous, luy vindrent nouuelles plaisantes de tous costez. Le chasteau de Han luy fut baillé, & Bohain. Ceulx de Saint-Quentin se prindrēt eulx-mesmes: & mirent dedans monseigneur de Mouy, qui estoit leur voisin. Le Roy estoit bien acertené de la ville de Peronne, que tenoit messire Guillaume<sup>\*</sup> Bische: & auoit esperance, par nous, & par autres, que monseigneur des Cordes seroit des siés. Il auoit enuoyé à Gand, son Barbier, appelé maistre Oliuier, natif d'un village aupres de ladicte ville de Gand: & en auoit enuoyé plusieurs autres en plusieurs lieux: dont de tout auoit grand'esperance: mais plusieurs le seruoyent plus de paroles que de fait. Quand le Roy fut aupres de Peronne, ie me vein trouuer au deuant de luy: & là vint apporter messire Guillaume Bische, & aucuns autres, l'obeissance de la ville de Peronne, dont il fut fort ioyeux. Lediët Seigneur y seiourna ce iour. Ie disnay avec luy, comme i'auoye accoustumé: car son plaisir estoit que tousiours mangeoyent sept ou huiët personnes à sa table, pour le moins, & aucunesfois beaucoup plus largement. Apres qu'il eut dîné, se retira à part, & ne fut pas content du petit exploit que lediët monseigneur l'Admiral & moy auions fait, disant qu'il auoit enuoyé maistre Oliuier, son Barbier, à Gand, qui luy mettroit ceste ville en son obeissance: & Robinet Dodéfort à Saint-Omer: le quel y auoit des amis: & qu'ilz estoient gens pour prendre les clefz de la ville, & mettre ses gens dedans: & d'autres, qu'il nommoit, en d'autres grandes villes: & me faisoit cōbatre de ce propos par monseigneur du Lude, & p d'autres. Il ne m'appartenoit pas d'arguer, ny de parler cōtre son plaisir: mais luy di q ie doubtois q maistre Oliuier, & les autres, qu'il m'auoit nomméz ne cheuiroyent point si aisément de ces grandes villes, cōme ilz pensoyent.

Ce, qui faisoit à nostre Roy me dire ces motz, estoit pource qu'il estoit chāgé de volōté, & que ceste bonne fortune, qu'il auoit au commencement, luy donnoit esperance que tout se rendroit à luy de tous costez: & se trouuoit conseillé par aucuns (& y estoit aussi enclin de soy mesme) à deffaire & destruire ceste maison de tous poinctz, & en departir les Seigneuries en plusieurs mains: & nommoit ceulx à qui il entēdoit donner les Comtez, comme Namur, Henault, qui sont situees pres de luy. des autres grandes pieces, cōme Brabant, Holande, il s'en vouloit aider à auoir aucuns Seigneurs d'A-

lemaigne:

<sup>\*</sup> Ce peut estre celuy qu'il a parauent nommé de Bische.

lemaigne: qui seroyent ses amis, & qui luy aideroyent à executer son vouloir. Sô plaisir estoit bié me dire toutes ces choses pour ce qu'à autres fois luy auoye parlé & conseillé l'autre chemin icy des sus escript: & vouloit que i'en eusse les raisons pourquoy il ne m'oyoit, & que ceste voye estoit plus vtile pour son royaume: qui beaucoup auoit souffert à cause de la grandeur de ceste maison de Bourgogne, & des grandes Seigneuries qu'elle possédoit. Quant au monde, il y auoit grande apparence en ce que ledict Seigneur disoit: mais quant à la conscience me sembloit le contraire. Toutes fois le sens de nostre Roy estoit si grand que moy, ny autre qui fust en la compagnie, n'eussions sceu voir si cler en ses affaires, côme luy mesmes faisoit. car, sans nulle doute, il estoit vn des plus sages hommes, & des plus subtilz, qui ait regné en son temps. Mais en ces grandes matieres, Dieu dispose les cœurs des Roys & des grans Princes (lesquelz il tient en sa main) à prendre les voyes selon les œuvres qu'il veult cōduire apres. Car, sans nulle difficulté, si son plaisir eust esté que nostre Roy eust continué le propos, qu'il auoit de luy mesme aduisé, deuant la mort du Duc de Bourgogne, les guerres qui y ont esté depuis & qui sont, ne fussent point aduenues: mais nous n'estiōs encōres enuers luy, tāt d'un costé q̄ d'autre, dignes de recevoir ceste lōgue paix, qui nous estoit appareillée: & de là procedel'erreur q̄ feit nostre Roy, & non point de la faulce de son sens: car il estoit bié grand, côme i'ay dit. Le dy ces choses au long, pour môstrer qu'au cōmencement, quand on veult entreprendre vne si grāde chose, on la doit bien consulter & debatre, à fin de pouuoir choisir le meilleur party: & par especial soy recommander à Dieu, & luy prier qu'il luy plaist adresser le meilleur chemin: car de là vient tout: & se voit tout cela par escript, & par expérience. Je n'enten point blasmer nostre Roy, pour dire qu'il eust failly en ceste matiere: car, par auenture, autres qui seauoyent & qui cognoissoyēt plus q̄ moy, seroyent, & estoient lors, de l'aduis qu'il estoit, cōbien q̄ rien n'y fust debatū, ne là, ny ailleurs, touchant ladiete matiere. Les Croniqueurs n'escruiēt cōmūement les choses qu'à la louange de ceulx, de qui ilz parlent: & laissent plusieurs choses, ou ne les seauēt pas aucunes fois à la verité: mais, quant à moy, ie me delibere de ne parler de chose qui ne soit vraye, & que ie n'aye veue ou sceue de si grans personnages qu'ilz soyent dignes de croire, sans auoir regard aux louanges. Car il est bon à penser qu'il n'est nul Prince si sage, qu'il ne faille bié aucunes fois, & bien souuēt s'il a longue vie: & ainsi se trouueroit de leurs faictz, s'il en estoit tousiours dict la verité. Les plus grans Senatz & Consulz, qui ayent iamais esté, ne qui sont, ont bien erré, & errent bien, comme il a esté veu, & se voit chascun iour.

Après le seiour qu'eut fait le Roy en ce village pres Peronne, se delibera le lendemain pour y aller faire son entree: car elle luy estoit baillee, comme i'ay dit. Ledit Seigneur me tira à part, comme il voulut partir, & m'en uoya en Poictou, & sur les frōtieres de Bretagne, & me dist en l'oreille que, si l'entreprinse de maistre Oliuier failloit, & que monseigneur des Cordes ne se tournast des siens, il feroit brusler le païs d'Artois, en vn endroi du long de la riuierē du Lys (qui s'appelloit la Leuee) & puis qu'incontinent s'en retourneroit en Touraine. Je luy recommanday aucuns: lesquelz

ſeſtoient tournez de ſon party, par mô moyen:parquoy leur auoye promis penſions & bienſaiçtz de luy. Il en print de moy les noms par eſcript:& leur tindr lediçt Seigneur ce que leur auoye promis:& ainſi party de luy pour ce coup. Côme ie voulu monter à cheual ſe trouua pres de moy monſeigneur du Lude:qui eſtoit fort agreable au Roy en aucunes choſes, & qui fort aymoit ſon profit particulier, & ne craignoit iamais à abuſer ny à tromper perſonne. auſſi legerement croyoit, & eſtoit trompé bien ſouuent. Il auoit eſté nourry avec le Roy en ſa ieuneſſe. Il luy ſçauoit fort bien complaire:& eſtoit homme tresplaiſant. Il me vint dire ces motz, comme par par moqueries ſagement diçtes. Or vous en allez vous, à l'heure que vous deuiiez faire voz beſongnes, ou iamais: veu les grandes choſes qui tombent entre les mains du Roy:dont il peut agrandir ceulx qu'il ayme:& au regard de moy, ie m'attends d'eſtre Gouverneur de Flandres, & m'y faire tout d'or:& rioit fort en ce diſant:mais ie n'euy aucune enuie de rire:pour ce que ie doubtoye qu'il ne procedaſt du Roy:& luy reſpôdy que i'en ſeroye bien ioyeux, ſ'il aduenoit ainſi, & que i'auoye eſperance que le Roy ne m'oubliroit point.

Vn Cheualier de Haynault eſtoit arriué là deuers moy, ny auoit pas demie heure:& m'apportoit nouuelles de pluſieurs autres, à qui i'auoye eſcrit, en les priant de ſoy vouloir reduire au ſeruite du Roy. Lediçt Cheualier & moy ſommes parés, & vit encores:parquoy ne le veulx nommer, ne ceulx de qui il m'apportoit nouuelles. Il m'auoit en deux motz fait ouuerture de bail-ler les principales villes & places de Haynault:& au partir que ie fey du Roy, ie luy en dy deux motz:& incontinent l'enuoya querir:& me diſt de luy & des autres que ie luy nommoye, qu'ilz n'eſtoient telles gens qu'il luy ſaloit. L'un luy deſplaiſoit d'un cas:l'autre de l'autre:& luy ſembloit que leur offre eſtoit nulle, & qu'il auroit bien tout ſans eulx:& ainſi me party de luy:& feit parler lediçt Cheualier à monſeigneur du Lude:dont il ſe trouua eſbahy:& ſe departit bien roſt, ſans entrer en grande marchandie: car lediçt Seigneur du Lude & luy ne ſe fuſſent en piece accordez, ny entendus. Car il eſtoit venu pour ſ'ayder & faire ſon profit, & ſ'enrichir, & lediçt ſeigneur du Lude luy demanda d'entree quelle choſe les villes luy donneroyent en cōduiſant leur affaire. Encore eſtime-je ce refus, que le Roy feit de ces Cheualiers, eſtre venu de Dieu: car ie l'ay veu depuis qu'il les euſt bien eſtimez, ſ'il les euſt peu ſiner:mais parauanture que noſtre Seigneur ne luy voulut point de tous poinçtz accomplir ſon deſir, pour des raiſons que i'ay diçtes:ou qu'il ne vouloit point qu'il vſurpaſt ſur ce païs de Haynault, qui eſt tenu de l'Empire:tant pource qu'il n'y auoit aucun tiltre, qu'auſſi pour les anciennes alliâces, & ſermens, qui ſont entre les Empereurs & les Roys de France. Et monſtra bien depuis lediçt Seigneur en auoir congnoiſſance: car il tenoit Cambray, le Queſnoy, & Boiſſi en Haynault. Il rendit ce Boiſſi en Haynault, & remit Cambray en neutralité:laquelle eſt ville Imperiale. Et combien que ie ne demouray ſur le lieu, ſi fu ie informé comme les affaires paſſoyent, & le pouuoye bien aiſement entendre, pour la congnoiſſance & nourriture que i'auoye eue de l'un coſté & de l'autre:& depuis l'ay ſceu de bouche par ceulx, qui les conduiſoyent tant d'un coſté que d'autre.

\* Vauſam  
Exemp. auſſi.

• Comment maistre Oliuier, Barbier du Roy, n'ayant pas bien faict son profit de ceulx de la ville de Gand, trouua moyen de mettre les Gens-d'armes du Roy dedans Tournay. Chap. 14.



Maistre Oliuier, cōme auez ouy, estoit allé à Gand : lequel pottoit lettres de creance à Madamoiselle de Bourgongne, fille du Duc Charles : & auoit commission de luy faire aucunes remonstrances à part, à fin qu'elle se voulsist mettre entre les mains du Roy. Cela n'estoit point sa principale charge : car il doubtoit bien qu'à grand' peine il pourroit parler seul à elle : & que, s'il y parloit, si ne la scauroit il guider à ce qu'il desiroit : mais il auoit intention qu'il feroit faire à ceste ville de Gād quelque grande mutation, congnoissant que de tout temps elle y estoit encline, & que soubz les Ducz, Philippe & Charles, elle auoit esté tenue en grande crainte : & leur auoyent esté ostez aucuns priuileges, par la guerre qu'ilz eurent avec le Duc Philippe, en faisant leur paix : & aussi par le Duc Charles leur en fut osté vn, touchant la creation de leur loy, pour vne offense qu'ilz luy feirent, luy estant en ladiète ville, le premier iour qu'il y entra cōme Duc. L'en ay parlé cy deuant : parquoy ie m'en tay. Toutes ces raisons donnerent hardement audiēt maistre Oliuier, Barbier du Roy (comme i'ay dit) de poursuyure son œuvre : & parla à aucuns qu'il pensoit qu'ilz luy deussent prester l'oreille à faire ce qu'il desiroit, & offroit leur faire rendre leurs priuileges (qu'ilz auoyent perdus) par le Roy, & autres choses : mais il ne fut point en leur hostel de ville pour en parler en public : car il vouloit premierement voir ce qu'il pourroit faire avec ceste ieune Princesse : toutesfoi il en sceut quelque chose. Le dessusdict maistre Oliuier quand il eut esté quelques peu de iours à Gād, on luy māda qu'il vint dire sa charge : lequel y vint en la presence de ladiète Princesse : & estoit lediēt Oliuier vestu trop mieulx qu'il ne luy appartenoit. Il bailla ses lettres de creance. Ladiète Damoiselle estoit en sa chaire, & le Duc de Cleues à costé d'elle, & l'Euesque du Liege, & plusieurs autres grans personnages, & grand nōbre de gens. Elle leut sa lettre de creance : & fut ordonné audiēt maistre Oliuier de dire sa creance : lequel respōdit qu'il n'auoit charge, sinon de parler à elle à part. On luy dist que ce n'estoit pas la coustume, & par especial à ceste ieune Damoiselle, qui estoit à marier. Il cōtinua de dire qu'il ne diroit autre chose, sinon à elle. On luy dist lors qu'on luy feroit bien dire : & eur paour : & croy qu'à l'heure qu'il vint à presenter ladiète lettre de creāce, il n'auoit point encores pensē à ce qu'il deuoit dire : car aussi ce n'estoit point sa charge principale, cōme vous auez ouy. Ainsi se departit pour ceste fois lediēt Oliuier, sans dire autre chose. Aucuns de ce cōseil le prindrēt à derision, tant à cause de son petit estat q̄ des termes qu'il tenoit : & par especial ceulx de Gand (car il estoit natif d'un petit village, aupres de ladiète ville de Gād) & luy furēt faictz aucuns tours de moquerie : & puis soudainement s'enfuit de ladiète ville : car il fut aduerry que, s'il ne l'eust fait, il estoit en peril d'estre iecté en la riuiera : & le croy ainsi. Lediēt maistre Oliuier se faisoit appeler Comte de Meullāc : qui est vne petite ville pres Paris, dont il estoit Capitaine. Il s'enfuit à Tournay, à son parlement de Gand : laquelle ville est neutre en ce quartier là : & estoit fort af-

• Melun  
xxxiij.

fectionnee au Roy: car elle est aucunement sienne, & luy paye six mille liures parisis l'an: & au demourant elle vit en toute liberté: & y sont receus toutes gens: & est belle ville, & tressorte, comme chascun en ce quartier le sçait bié. Les Gens-d'Eglise, & Bourgeois de la ville, ont tout leur vaillant & reuenu en Haynault & en Flandres: car elle touche à tous les deux païs dessusdictz: & pour ceste cause auoyent tousiours accoustumé de donner par les anciennes guerres du Roy Charles septieme, & du Duc Philippe de Bourgongne, dix mille liures l'an audiect Duc: & autât leur en ay veu doner au Duc Charles de Bourgongne: mais pour ceste heure qu'y entra ledict maistre Oliuier, elle ne payoit riens, & estoit en grand' aise & repos.

Combien que la charge qu'auoit ledict maistre Oliuier, fust trop grande pour luy, si n'en fut il point tant à blasmer que ceulx qui la luy baillerent. L'exploict en fut tel qu'il deuoit: mais encores monstra il vertu & sens en ce qu'il feit: car luy, cõgnoissant que ladiete ville de Tournay estoit si prochaine des deux païs, dont i'ay parlé, que plus ne pouuoit, & bien aisee pour y faire grand dommage, pourueu qu'il y peust mettre des Gens-d'armes, que le Roy auoit pres de là (à quoy pour riens ceulx de la ville ne se fussent consentis: car iamais ilz ne se monstrerent d'un party ne d'autre, mais neutres entre les deux Princes) pour les raisons dessusdictes ledict maistre Oliuier manda secrettement à mōseigneur de Mouy (dont le filz estoit Baillif de ladiete ville: mais il ne s'y tenoit point) qu'il amenast sa cõpaignie, qu'il auoit à Saint-Quentin, & quelques autres Gens-d'armes, qui estoient en ce quartier là: lequel vint à l'heure nommee à la porte: ou il trouua ledict maistre Oliuier, accompagné de trente ou quarante hommes: lequel eut bien le hardement de faire ouurir la barriere, demy par amour, demy par force: & mit les Gens-d'armes dedans: dont le peuple fut assez content: mais les Gouverneurs de la ville non: desquelz il enuoya sept ou huit à Paris: qui n'en font partis tant que le Roy a vescu. Apres ces Gens-d'armes y entra d'autres: qui feirēt merueilleux dommages es deux païs dessusdictz depuis: comme d'auoir pillé & bruslé maintz beaux villages, & maintes belles censés, plus au dommage des habitans de Tournay, que d'autres, pour les raisons que i'ay dictes. Et tāt en feirent que les Flamans vindrent deuant: & tirerent le Duc de Gueldres hors de prison (que le Duc Charles y auoit mis) pour en faire leur Chef: & vindrent deuant ladiete ville de Tournay: ou ilz feirent peu de seiour: car ilz s'en retournerent en grand desordre & fuite, & y perdirent beaucoup de gens: & entre les autres y mourut le Duc de Gueldres: qui se mit à la queue, pour vouloir aider à soustenir le fais: mais il fut mal \* suivi: & y mourut: comme nous dirons plus amplement cy apres. Et par tant proceda cest honneur au Roy par ledict maistre Oliuier: & receurent les ennemis du Roy grand dommage. Vn bien plus sage, & plus grand personnage que luy, eust bien failly à conduire cest oeuvre. I'ay assez parlé de la charge qui fut donnee, par ce sage Roy, à ce petit personnage, inutile à la conduicte de si grãde matiere: & semble bié que Dieu auoit troublé le sens de nostre Roy, en cest endroit: car (cõme i'ay dit) s'il n'eust cuidé son oeuvre estre trop aisee à mettre à fin, & il eust yn petit laissée de la passion & vengeance, qu'il auoit contre ceste maison de

\* *seruy Exem.  
niel.*

Bourgongne, sans point de faulte il tinst aujourd'huy toute ceste Seigneu-  
rie soubz son arbitrage.

*Des Ambassadeurs, que la Damoiselle de Bourgongne fille du fen Duc Char-  
les, enuoya au Roy: & comment, par le moyen de monsieur des Cordes,  
la cité d'Arras, & les villes de Hesdin & Boulogne, & la vil-  
le d'Arras mesme, furent mises en l'obeissance du Roy.*

Chap. 15.



Pres que ledict Seigneur eut receu Peronne (qui luy fut baillee par  
messire Guillaume Bische, homme de fort petit estat, natif de Mo-  
lins-Engibers, en Niernoys: qui auoit esté enrichy, & eleué en  
auctorité par ledict Duc Charles de Bourgongne: lequel luy auoit  
baillé ceste place entre les mains: pource que sa maison, appelee Clery, estoit  
aupres de là: laquelle ledict messire Guillaume Bische auoit acquise, & ya-  
uoit vn fort chasteau & beau) ledict Seigneur receut audiect lieu aucuns Am-  
bassadeurs, de la partie de ladicte Damoiselle de Bourgongne: ou estoient  
tous les plus grâs & principaulx personnages, dont elle se pouuoit aider. qui  
n'estoit point trop sagement faict, de venir tant ensemble: mais leurs desola-  
tions estoient si grâdes, & leur paour, qu'ilz ne se auoyent ne que dire ne que  
faire. Les dessusdictz estoient leur Chancelier, appelé messire Guillaume  
Hugonet, tresnotable personnage, & sage: & auoit eu grand credit avec ce  
Duc Charles, & en auoit eu grâs biens. Le seigneur d'Hymercourt y estoit  
aussi: dont assez a esté parlé en ces Memoires: & n'ay point souuenance d'a-  
uoir veu plus sage Gentil-homme ne mieulx adextre pour conduire grâdes  
matieres. Il y auoit le seigneur de la Vere, grand seigneur en Zelande, & le  
seigneur de\* Cripture, & plusieurs autres, tant Nobles que Gens-d'Eglise,  
& des bônes villes. Nostre Roy, auant les auoir ouïs, tant en general que cha-  
scun à part, mit grand' peine à gaigner chascun d'eulx: & en eut humbles pa-  
roles, & reuerentes, comme de gens estans en crainte: toutesfois ceulx, qui a-  
uoient leurs terres en lieu ou ilz s'attendoient que le Roy n'allast point, ne  
se voulurent en riens obliger au Roy, sinon en faisant le mariage de monsei-  
gneur le Daulphin, son filz, à ladicte Damoiselle. Ledit Châcelier & le sei-  
gneur d'Hymercourt, qui auoient esté nourris en tresgrande & longue au-  
torité, & qui desiroient y continuer, & auoient leurs biens aux limites du  
Roy (l'un en la Duché de Bourgongne, l'autre en Picardie, comme vers A-  
myens) prestoyent l'oreille au Roy à ses offres: & donnerent quelque consen-  
tement de le seruir, en faisant ce mariage, & de tous poinctz se retirer soubz  
luy, ledict mariage accomply. Et, cōmbien que ce chemin fust le meilleur  
pour le Roy, toutesfois il ne luy estoit poit agreable: & se mescōtētoit d'eulx,  
par ce que des lors ilz ne demouroient en son seruice: mais il ne leur en feit  
point de semblant: car il s'en vouloit ayder en ce qu'il pourroit. Ia auoit le-  
dict Seigneur bonne intelligence avec monseigneur des Cordes: & conseil-  
lé & aduisé de luy, qui estoit Chef & maistre dedans Arras, requist aux dictz  
Ambassadeurs qu'ilz luy feissent faire ouuerture, par ledict des Cordes de la  
cité d'Arras: car lors y auoit murailles & fossez entre la ville & la cité, & por-

\* de la Gru-  
tuse d'Arras.  
& les autres  
imprimez Gri-  
pture: qui  
peut estre ceuy  
que paruoit il  
a nomme de la  
Gruature: &  
me le mot icy  
semblablement  
l'indien.



tes fermans cōtre ladiſte cité: & maintenant eſt à l'opposite: car la cité ferme contre la ville. Apres pluſieurs remonſtrances, faiſtes auſdictz Ambaſſadeurs, & q̄ ce ſeroit pour le miculx, & que plus aiſément on viendroit à paix, en faiſant ceſte obeiſſance, ilz ſ'y conſentirent, & principalement leſdictz Chancelier & le ſeigneur d'Hymbercourt: & baillèrent lettres de deſcharge auſdict ſeigneur des Cordes, & le cōſentement de bailler ladiſte cité d'Arras. ce qu'il ſeit volontiers: & incontinent que le Roy fut dedans, il ſeit faire des Bouleuers de terre, cōtre la porte, & autres endroitz pres de la ville: & par ceſt appointment mōſeigneur des Cordes, ſe tira hors de la ville, & en ſeit faillir les Gens-de-guerre, eſtans avec luy: & ſ'en alla chaſcun à ſon plaſir, & prenant tel party qu'il luy plaſoit.

Lediſt ſeigneur des Cordes, ſoy tenant pour deſchargé du ſervice de ſa maiſtreſſe, par ce conſentement qu'auoyent baillé leſdictz Ambaſſadeurs, ſe delibera de faire le ſerment au Roy, & deuenir ſon ſeruiteur, cōſiderant que ſon nom & ſes armes eſtoyēt deçà la riuere de Somme, pres de Beauuais. car il auoit nom meſſire Philippe de Creuecoeur, frere ſecond du ſeigneur de Creuecoeur: & auſſi ces terres, que la maiſon de Bourgōgne auoit occupees ſur ladiſte riuere de Somme (dont aſſez ay parlé) viuans les Ducs Philippe & Charles, reuenoyent ſans difficulté au Roy, par les conditions du traicté d'Arras: par lequel furent baillées au Duc Philippe, pour luy & ſes hoirs maſles ſeulement: & le Duc Charles ne laiſſa que ceſte hille dont i'ay parlé: & par ainſi leſdict meſſire Philippe de Creuecoeur deuenoit homme du Roy ſans difficulté. parquoy n'eult ſceu meſprendre à ſe mettre au ſervice du Roy (ſi non qu'il euſt fait ſerment de nouueau à ladiſte Damoiſelle) & en luy rendāt ce qu'il tenoit de ſien. Il ſ'en eſt parlé, & parlera en diuerſes façons: parquoy m'en rapporte à ce qui en eſt. Bien ſçay qu'il auoit eſté nourry, & accreu, & mis en grand eſtat par le Duc Charles, & que ſa mere auoit nourry en partie ladiſte Damoiſelle de Bourgongne, & qu'il eſtoit Gouverneur de Picardie, Seneſchal de Ponthieu, Capitaine de \* Contray, Gouverneur de Peronne, Mondidier & Roye, Capitaine de Boulongne & de Hedin, de par le Duc Charles, quand il mourut: & encores de preſent il les tient de par le Roy, en la forme & maniere que le Roy noſtre maiſtre les luy bailla.

\* Crotay ex.  
uicel. & les im  
primex Cour  
tray, approu  
chant de l'ital.  
qui dit Cor  
tray. ſeſdan  
paſſe par deſſus  
tous ces gouuer  
nements.

Apres que le Roy eut fait en la cité d'Arras, comme diſt eſt, il ſe partit de là: & alla mettre le ſiege deuant Hedin, ou il mena leſdict ſeigneur des Cordes, lequel auoit tenu la place, comme diſt eſt, il n'y auoit que trois iours: & encores y eſtoyent ſes gens: qui mōſtrèrent la vouloir tenir pour ladiſte Damoiſelle, diſans luy auoir fait le ſerment: & tira l'artillerie quelques iours. Ilz ouirent parler leur maiſtre: & à la verité, ceulx de dehors & de dedans ſ'entendoyent bien: & ainſi ladiſte place fut rendue au Roy: lequel ſ'en alla deuant Boulongne: ou il en fut faiſt tout ainſi. Ilz tindrent parauēture vn iour d'auantage: toutefois ceſte habilité eſtoit dangereuſe, ſ'il y euſt eu gens au païs (& le Roy, qui depuis le me compta l'entendoit bien) car il y auoit gens dedans Boulongne, qui congnoiſſoyent bien ce cas, & trauailloyent d'y mettre des gens, ſ'ilz en euſſent peu finer à temps, & la deſſendre à bon eſſient. Ce pendant que le Roy ſciournoit deuant Boulongne (qui fut peu d'eſpace,

d'espace, comme de cinq ou six iours) ceulx d'Arras se tindrent pour deceus de se voir ainsi enclos d'un costé & d'autre, ou il y auoit largemēt Gens-darmes & grand nombre d'Artillerie: & trauailloyent pour trouuer gens, pour garnir leur ville: & en escriuirēt aux villes voisines, comme à l'Isle & Douay. Audiēt lieu de Douay y auoit quelque peu de Gens-de-cheual: & entre les autres, y estoit le seigneur de Vergy, & autres dont il ne me souuiēt: & estoyēt de ceulx qui estoient reuenus de ceste bataille de Nancy: lesquelz se delibérerent de soy venir mettre en ceste ville d'Arras: & feirent amas de ce qu'ilz peurent, comme de deux ou trois cens cheualx, que bons que mauuais, & cinq ou six cens Hommes-de-pied. Ceulx de Douay, qui en ce temps là estoient encores vn petit orgueilleux, les presserēt de partir en plain midy, voulsissent ilz ou non. qui fut vne grāde folie pour eulx: & aussi mal leur en print, car le pais dela Arras est plain comme la main: & ya enuiron cinq lieues: & s'ilz eussent attendu la nuit, ilz eussent executé leur entreprinse, comme ilz entendoient faire. Comme ilz furent en chemin, ceulx, qui estoient demourez en la cité, comme le Seigneur du Lude, Iehan du Fou, les gens du Marechal de Loheac, furent aduertis de leur venue: & delibérerent de plus tost leur en aller au deuant, & mettre tout à l'aduenture, que de les laisser entrer en la ville: car il leur sembloit qu'ilz ne scauroyent deffendre la cité, s'ilz y entroyent. L'entreprinse de ceulx, que ie dy, estoit bien perilleuse: mais ilz l'executerent hardiment, & bien: & destroussèrent ceste bende qui estoit partie de Douay: & furent quasi tous mortz ou prins: & entre les autres fut prins le seigneur de Vergy.

Le Roy y arriua le lendemain, qui eut grand' ioye de ceste desconfiture: & fait mettre tous les prisonniers en sa main: & plusieurs fait mourir de ces Gens-de-pied, esperant d'espouenter si petit de Gens-de-guerre qu'il y auoit en ce quartier: & fait le Roy long temps garder mōseigneur de Vergy: lequel ne voulut faire le serment au Roy, pour chose du monde. si estoit il en estroicte garde & bien enfermé. A la fin fut conseillé de sa mere: & apres qu'il eut esté vn an, en prison, ou plus, il fait le bon plaisir du Roy: dont il fait que sage. Le Roy luy restitua toutes ses terres, & toutes celles qu'il queroit: & le fait possesseur de plus de dix mille liures de rente, & d'autres beaux estatx. Ceulx, qui eschaperent de ceste destrouffe, qui estoient peu, s'en enterrent en la ville. Le Roy fait approcher son artillerie, & tirer: laquelle estoit puissante, & en grand nombre: & fōsē, ne muraille ne valoyent guerres. La baterie fut grande: & furent tous espouentez: car ilz n'auoyent comme point de Gens-de-guerre dedans. Monseigneur des Cordes y auoit bonne intelligence: & aussi, incontinent que la cité fut rendue au Roy, la ville ne luy pouuoit eschapper. parquoy ilz feirent vne composition, en rendant la ville: laquelle composition fut assez maltenue: dōt lediēt seigneur du Lude eut partie de la coulpe: & fait l'on mourir plusieurs Bourgeois & autres, & beaucoup gens de bien, present lediēt seigneur du Lude & maistre Guillaume de Cerisay (qui y eurent grand profit: car lediēt seigneur du Lude m'a dit que par ce temps il y auoit gagné vingt mille Escus, & deux panes de Martres) & feirent ceulx de la ville vn prest au Roy de soixāte mille Escus: qui estoit beaucoup trop pour

culx: toutesfois ie croy que depuis ilz furent rendus: car ceulx de Cambray en presterent quarante mille, qui depuis pour certain leur furent rédus. par quoy ie croy, qu'aussi furent les autres.

*Comment les Gandois, qui auoyent vsurpé autorité par dessus leur Princeſſe, quand son pere fut mort, vindrent en Ambassade vers le Roy, comme de par les trois Eſtatz de leur pais.* Chap. 16.

**P**our l'heure de ce ſiege d'Arras, Madamoifelle de Bourgongne eſtoit à Gand, entre les mains de ſes gens treſdéraifonnables: dont perte luy enſuyuit, & profit au Roy. car nul ne pert, que quelcun n'y gaigne. Quand ilz ſceurent la mort du Duc Charles, il leur ſembla qu'ilz eſtoyēt eſchapez: & prindrēt tous ceulx de leur Loy (qui eſtoyēt vingt & ſix) & la plus part, ou tous, feirent mourir: & prindrent leur couleur, qu'ilz auoyent fait le iour de deuāt deſcapiter vn homme: & nonobſtāt qu'il l'eust bien deſſeruy, ſi n'en auoyent ilz aucun pouuoir, cōme ilz diſoyent: car leur pouuoir eſtoit expiré par le trespas dudiēt Duc, qui les auoit creez audiēt Gouuernemēt. Ilz feirent mourir auſſi pluſieurs bons perſonnages de la ville: qui auoyent eſtē amis fauorables dudiēt Duc: dōt il y en auoit aucuns, qui de mon temps, & moy preſent, auoyent aidé à deſmouuoir lediēt Duc Charles: lequel vouloit deſtruire grād' partie de ladiēt ville de Gand. Ilz cōtraignirēt ladiēt Damoiſelle à cōfermer leurs anciēſ priuileges: qui leur auoyēt eſté oſtez par la paix de Gand (qui fut faicte par le Duc Philippe) & autres, par le Duc Charles. Leſdiēt priuileges ne leur ſeruoient que de noiſe avec leur Prince: & auſſi leur principale inclination eſt de deſirer leur Prince eſtre foible: & n'en ayment nulz depuis qu'ilz ſont Seigneurs: mais treſnaturellement les ayment, quand ilz ſont en enfance, & auant qu'ilz viennent à la Seigneurie: comme ilz auoyent fait ceſte Damoiſelle, qu'ilz auoyent ſoigneuſement gardee & aymee iuſques lors qu'elle fut Dame. Auſſi eſt bon à entendre que, ſi à l'heure que lediēt Duc mourut, les gens de Gand n'euffent fait aucun trouble, & euffent voulu taſcher à garder le pais, ſoudainement ilz euffent pourueu à mettre gens dedans Arras, & par aduenture à Peronne: mais ilz ne penſerent lors qu'à ce trouble. Toutesſois le Roy eſtāt deuāt ladiēt ville d'Arras, vindrēt deuers luy aucuns Ambaſſadeurs de par les trois Eſtatz des païs de ladiēt Damoiſelle: car ilz tenoyēt à Gand certains deputez deſdiēt trois Eſtatz: mais ceulx de Gād faiſoyent le tout à leur plaifir: pour ce qu'ilz tenoyēt ladiēt Damoiſelle entre leurs maïs. Le Roy les ouit: &, entre autres choſes, dirēt q̄ les choſes qu'ilz auoyēt propoſées, qui eſtoyēt tendās à fin de paix, procedoyēt du vouloir de ladiēt Damoiſelle: laquelle en toutes choſes eſtoit deliberee de ſoy cōduire par le vouloir & cōſeil des trois Eſtatz de ſon pais: & requeroient que le Roy ſe vouliſt deporter de la guerre, qu'il faiſoit, tāt en Bourgogne qu'en Artois, & qu'on print iournee, pour pouoir amiablement pacifier, & que ce pendant fuſt donnee ſurceance de guerre.

Le Roy ſe trouuoit ia comme au deſſus, & encores cuidoit il que les choſes vinſſent mieulx à ſon plaifir qu'elles ne feirent: car il eſtoit bien informé que pluſieurs Gens-de-guerre eſtoyent mortz & deſſaiēt par tout, & beau-

& beaucoup d'autres destournez du costé de ladicte Damoiselle, & par especial monseigneur des Cordes (dont il faisoit grand estime, & non sans cause: car de long temps il n'eust fait, par force, ce que par intelligence il feist par son moyen, peu de iours auant, comme auez ouy) & pourtant il estima peu leurs requestes & demandes. Aussi estoit il bien informé, & sentoit bien que ces gens de Gand estoient en tel estat, qu'ilz troubleroyét tant leur compaignie qu'ilz ne sçauroyent donner aucun ordre ou conseil à conduire la guerre cōtre luy: car nul homme de sens, ne qui eust eu auctorité avec leurs Princes passez, n'estoit appelé en rien, touchant leurs affaires: mais estoit persécuté, & en danger de mort: & par especial ilz auoyent en grand haine les Bourguignōs, pour la grande auctorité qu'ilz auoyent eue au temps passé. Et d'auantage le Roy cōgnoissoit bien (lequel en telles choses voyoit aussi cler que nul homme de son royaume) ce que lesdictz Gadois faisoient à leur Seigneur de tout temps, & qu'ilz desiroient le voir appetissé, pourueu qu'ilz n'en sentissent rien en leur païs: & pource il aduisa que, s'ilz estoient encommencez à soy diuiser, qu'il les y mettroit encores plus auant: car ceulx, à qui il auoit affaire, n'estoyent que bestes, & gens de ville la plus part: & par especial ne se cōgnoissoient en ces choses subtiles: dont ledict Seigneur se sçauoit bien aider: & faisoit ce qu'il deuoit pour vaincre, & mener à fin son entreprinse.

Le Roy s'arresta sur la parole, que ces Ambassadeurs auoyent dicté (qui estoit que leur Princesse ne feroit rien sans la deliberation & conseil des trois Estatz de son païs) en leur disant qu'ilz estoient mal informez du vouldoir d'elle, & d'aucuns particuliers: car il estoit seur qu'elle entendoit cōduire ses affaires par gens particuliers, qui ne desiroient point la paix: & qu'eulx se trouueroyent desaduouez: dont lesdictz Ambassadeurs se trouuerent fort troublez: &, comme gens mal accoustumiez de besongner en si grandes matieres, respondirent chauldement qu'ilz estoient bien seurs de ce qu'ilz disoyent, & qu'ilz monstroyent leurs instructions, quand besoing seroit. On leur respondit qu'on leur monstreroit lettres, quand il plairoit au Roy, escriptes de telle main qu'ilz les croiroient: qui disoyent que ladicte Damoiselle ne vouloit conduire ses affaires que par quatre personnes. Ilz repliquerēt encores qu'ilz estoient bien seurs du contraire: & lors le Roy leur feit monstrier vnes lettres, que le Chancelier de Bourgogne, & le seigneur d'Hymbereourt auoyent apportees, à l'autrefois qu'ilz auoyent esté à Peronne: lesquelles estoient escriptes, partie de la main de ladicte Damoiselle, partie de la main de la Duchesse de Bourgogne, douairiete, femme du Duc Charles, & seur du Roy Edouard d'Angleterre, & partie de la main du seigneur de Rauastain, frere du Duc de Cleues, & prochain parent de ladicte Damoiselle. Ainsi estoit ceste lettre escripte de trois mains: toutefois elle ne parloit qu'au nom de ladicte Damoiselle: mais il estoit ainsi fait, pour y adioster plus grande foy. Le contenu de ladicte lettre estoit creance sur ledict Châcelier & Hymbereourt: & d'auantage ladicte Damoiselle declaroit que son intencion estoit que tous ses affaires seroyent conduictz par quatre personnes: qui estoient ladicte douairiere, sabelle mere, ledict seigneur de Rauastain, & les dessusdictz Châcelier & Hymbereourt, & supplioit au Roy que ce, qu'il luy plairoit faire

conduire enuers elle, passast par leurs mains, & qu'il luy pleust s'en adresser à eulx, & à nulz autres n'en auoir communication.

Quand ces Gandois, & autres deputez, eurent veu ceste lettre, ilz en furēt fort marri: & ceulx, qui communiquoyent avec eulx, les y aidoyent bien. Finalement ladiçte lettre leur fut baillée: & n'eurent autre depeſche, qui fuſt de grand' ſubſtance: & il ne leur en challoit gueres: car ilz ne penſoyent qu'à leurs diuiſiōs, & à faire vn monde neuf: & ne regardoyēt point à plus loing, combien que la perte d'Arras leur deuoit bien plus toucher au coeur: mais c'estoyent gens, qui n'auoyent point eſté nourris en grandes matieres, & gēs de ville la plus part, comme i'ay dit. Ilz ſe mirent à chemin droit à Gand: ou ilz trouuerent ladiçte Damoiſelle, avec laquelle eſtoit le Duc de Cleues, ſon prochain parent, & de ſa maiſon de par ſa mere: lequel eſtoit ancien. Il auoit eſté nourry en ceste maiſon de Bourgongne: & de tout temps en auoit eu ſix mille Florins de Rin de penſion: parquoy, oultre le parētage, il y venoit aucunesfois comme ſeruiteur. L'Eueſque du Lyege, & pluſieurs autres grans perſonnages, y eſtoyēt pour accompagner ladiçte Damoiſelle, & pour leurs affaires particuliers: car l'Eueſque deſſusdiçt eſtoit venu pour faire quitter à ſon païs trente mille Florins, ou enuiron, qu'ilz payoyēt au Duc Charles, par appointment faiçt entre luy & eulx, apres les guerres qu'ilz auoyēt eues enſemble, dont i'ay parlé cy deuant: toutes leſquelles guerres auoyent eſté pour la querelle & affaire dudiçt Eueſque: & pource il n'auoit point grād beſoing de faire ceste pourſuite, & les deuoit deſirer eſtre pauvres: car il ne prenoit riē en ſon païs qu'un petit de domaine, au regard de la grandeur & riçheſſe du païs, & ſon ſpirituel. Lediçt Eueſque, frere de ces Ducz de Bourbon Iehan & Pierre, qui de preſent \* regne, homme de bonne chere, & de plaiſir, peu congnoiſſant ce qui luy eſtoit bon ou contraire, retira à luy mēſire Guillaume de la Marche, vn beau Cheualier & vaillant, treſcruel & mal cōditionné, qui touſiours auoit eſté ſon ennemy, & de la maiſon de Bourgongne auſſi, en faueur des Lyegeois: & ladiçte Damoiſelle de Bourgongne luy donna quinze mille Florins de Rin, en faueur dudiçt Eueſque du Lyege & de luy, pour le reduire: mais, toſt apres, il ſe tourna contre elle, & contre ſon maiſtre lediçt Eueſque, à qui il eſtoit, ayant entrepris de faire ſon filz Eueſque par force & par la faueur du Roy: & depuis il deſconfit lediçt Eueſque en bataille, & letua de ſa main, & le feit ieçter en la riuiere: lequel y demoura trois iours.

Lediçt Duc de Cleues y eſtoit, eſperant faire le mariage de ſon filz ainſné avec ladiçte Damoiſelle, qui luy ſembloit choſe ſortable pour beaucoup de raiſons: & croy qu'il ſe fuſt fait, ſi le perſonnage euſt eſté cōditionné au grē d'el-le & de ſes ſeruiteurs: car il eſtoit de ceste propre maiſon, & en tenoit ſa Duchē, & auoit eſté nourry leans: & par aduenture que la veue & congnoiſſance qu'on auoit de luy, luy feit ce dommage.

*Comment ceulx de Gand, apres le retour de leurs Ambassadeurs, firent mourir le Chancelier Hugonet & le Seigneur d'Hymercourt, contre le vouloir de leur Princeſſe: & comment eulx, & autres Flamens, furent deſconfiz deuāt Tournay, & le Duc de Gueldres, leur Chef, tué.* Chap. 17.



Our reuenir à mon propos, ces deputez arriuerēt à Gand : & y fut le conseil préparé : & ceste Damoiselle mise en son siege : & ses Seigneurs à l'environ d'elle, pour ouir leur rapport : & commēcerent à dire la charge qu'ilz auoyent d'elle : & toucherēt principalement le point, qui seruoit à ce qu'ilz vouloyent faire : & dirent que comme ilz alleguerent au Roy que ladiēte Damoiselle estoit deliberee de tous poinctz se conduire par le conseil des trois Estatz, il leur auoit respondu qu'il estoit biē seur du cōtraire. à quoy ilz auoyēt persistē : parquoy lediēt Seigneur offrit de mōstrer lettres de ladiēte Damoiselle. laquelle soubdainemēt meue & courroucée, dist sur le chāp le cōtraire, cuidant estre seure que ladiēte lettre n'eust esté veue : & incōtinent celuy, qui parloit, qui estoit le Pensionnaire de Gand ou de Brucelles, tira de son sein ladiēte lettre, deuant tout le monde, & la luy bailla. Il mōstra bien qu'il estoit homme tresmauuais, & de peu d'honneur, de faire ceste honte à ceste ieune Damoiselle : à qui vn si vilain tour n'appartenoit pas estre fait : car, si elle auoit fait quelque erreur, le chasty n'euy en appartenoit point en public. Il ne fault pas demāder si elle eut grand' hōte : car à chascū elle auoit dit le cōtraire. Ladiēte Douairiere, & le seigneur de Rauastain, le Chancelier, & le seigneur d'Hymbercourt estoytē presens.

On auoit tenu paroles à ce Duc de Cleues, & autres, de ce mariage : qui tous furent cougrouceez, & commença lors leur diuision grande, & commēcerent à se declarer. Lediēt Duc de Cleues auoit tousiours, iusques alors, eu esperance que lediēt seigneur d'Hymbercourt tiendroīt pour luy à ce mariage : lequel se tint pour deceu, voyant ceste lētre, & luy en deuint ennemy. Lediēt Euesque du Liege ne l'aymoīt point, pour les choses passees du Liege (dont lediēt seigneur d'Hymbercourt auoit eu le gouuernemēt) ne son messire Guillaume de la Marche, qui estoit avec luy. Le Comte de Saint-Paul, filz du Cōnestable de France (dont i'ay parlé) haïssoīt lediēt seigneur d'Hymbercourt & le Chancelier : pource qu'ilz liuerēt son pere à Peronne entre les mains des seruiteurs du Roy, comme auez ouy au long cy dessus. Ceulx de Gand les auoyent à grand haine, sans nulle offence qu'ilz leur eussent faicte, mais seulement pour la grand' auctorité, ou ilz les auoyent veuz : & seuremēt ilz la valoyent, autant q̄ personages qui ayent regné en leur temps, ne deça ne dela : & auoyent esté bons & loyaulx seruiteurs pour leur maistre.

Finalement la nuit, dont la lettre auoit esté monstree le matin, les dessusdictz Chācelier & seigneur d'Hymbercourt furēt prins par lesdictz Gādois, non obstant qu'ilz en eussent assez d'aduertissemēt : mais ilz ne sceuerēt fuir à leur malle fortune, \* cōme il aduiēt à plusieurs autres. Le croy biē que leurs ennemis, que i'ay nommez, aiderēt bien à ceste prinse, & avec eulx fut prins messire Guillaume de \* Clugny, Euesque de Therouēne, qui depuis est mort Euesque de Poictiers : & tous trois furēt mis ensemble. Ceulx de Gand tindrēt vn peu de forme de proces (ce qu'ilz n'ont point accoustumē en leur vgeance) & ordōnerent gēs de leur Loy, pour les interroguer, & avec eulx vn de ceulx de la Marche ennemy mortel dudiēt seigneur d'Hymbercourt. Au cōmencement ilz leur demanderēt pourquoy ilz auoyēt fait bailler, par mōseigneur des Cordes, la citē d'Arras : mais peu s'y arresterēt, cōbien qu'en au-

\* comme auoyent plusieurs autres  
Exemp. uicil.

\* parauent de Clany.

tre faulte ne les eussent ſceu trouuer : mais leur paſſion ne leur tenoit pas là : car il ne leur chaloit, de prime-face, de voir leur Prince affoibly d'une telle ville, ne leur ſens, ne leur congnoiſſance, n'eſtoient pas ſuffiſantes pour congnoiſtre le p̄iudice, qui leur en pouuoit aduenir par traitt de réps. Seulement ſe vindrēt arreſter ſur deux poinctz : l'un ſur certains dons, qu'ilz diſoyēt que par eulx auoyēt eſté prins, & par eſpecial pour vn proces, qu'auoyēt nagueres gaigné, par leur ſentēce, pronōcée par lediēt Châcelier, cōtre vn particulier : dont les deux deſſuſdiēt auoyēt prins vn don de la ville de Gād : & à tout ce, qui touchoit ceſte matiere de corruption, reſpōdirent tresbiē : & à ce poinct particulier, là ou ceulx de Gand diſoyēt qu'ilz auoyent vëdu iuſtice, & prins argent d'eulx, p̄our leur adiuget leur proces, reſpondirent qu'ilz auoyēt gaigné lediēt proces, pource que leur matiere eſtoit bonne : & qu'au regard de l'argent qu'ilz auoyent prins, ilz ne l'auoyent point demandé, ne fait demander, mais vray eſt que, quand on leur preſenta, ilz le prindrent. Le ſecond poinct de leur charge, ou ſ'arreſterent, c'eſtoit que les deſſuſdiēt Gandois diſoyent qu'en pluſieurs poinctz, durant le temps qu'ilz auoyent eſté avec le feu Duc Charles, leur maistre, & en ſon abſence, eſtans ſes Lieutenans, ilz auoyent fait pluſieurs choſes contre les priuileges de ladiēt ville & \* ſtatutz d'icelle : & que tout hōme qui faiſoit cōtre le priuilege de Gād, deuoit mourir. En cela n'y auoit aucun fondement contre les deſſuſdiēt : car eulx n'eſtoyēt leurs ſubiectz, ne de leur ville, & ſi n'eussent ſceu rompre leurs priuileges : &, ſi lediēt Duc, ou ſon pere, leur auoit oſté aucuns de leurs priuileges, ce auoit eſté par appointment faiēt avec eulx, apres pluſieurs guerres & diuiſions : mais les autres, qui leur auoyent eſté laiſſez (qui ſont plus grans qu'il ne leur eſt beſoing, pour leur profit) leur auoyent eſté bien obſeruez. Nonobſtant les excuſes de ces deux bons & notables perſonnages, ſur les deux charges deſſuſdiētes (car de la principale, dont i'ay parlé au commencement de ce propos, ilz n'en parloyent point) les Eſcheuins de la ville de Gand les cōdamnerent à mourir, en leur Hoſtel-de-ville, & en leur preſence, & ſoubz couleur de l'infracōtion de leurs priuileges, & qu'ilz auoyent prins argent, apres leur auoir adiugé le proces, dont eſt faiēte mētion cy deſſus. Ces deux Seigneurs deſſuſdiēt, oyans ceſte cruelle ſentēce, furent bien eſbahis, cōme raiſon eſtoit : & n'y voyoyent aucun remede, pource qu'ilz eſtoyēt entre leurs mains : toutesſois ilz appelerent deuant le Roy, en ſa court de Parlemēt, eſperās que cela, pour le moins, pourroit donner quelque delay à leur mort, & que ce pendāt leurs amis les pourroyent aider à ſauuer les vies. Parauant ladiēt ſentēce, ilz les auoyent fort gehennez, ſans nulle ordre de iuſtice : & ne dura leur proces point plus de ſix iours : &, nonobſtant ladiēt appellation, incontinent qu'ilz les eurent condamnez, ilz ne leur donnerent q̄ trois heures de temps pour les confeſſer & penſer à leurs affaires : & le terme paſſé, ilz les menerent en leur Marché ſur vn eſchauffault.

Madamoifelle de Bourgongne, qui depuis a eſté Duchefſe d'Auſtriche, ſachant ceſte condēnation, ſ'en alla en l'hoſtel de la ville, leur faire requeſte & ſupplicatiō pour les deſſuſdiēt : mais riē n'y valut : & de là elle ſ'en alla ſur le Marché, ou tout le peuple eſtoit aſſemblé, & en armes : & veit les deux deſſuſdiēt

\* eſtat xxiij.  
noel.



diēt sur l'eschauffault. Ladiēte Damoiselle estoit en son habit de ducil : & n'auoit qu'un couurechef sur sa teste (qui estoit habit humble & simple, & pour leur faire pitié par raison) & là supplia au peuple, les larmes aux yeulx, & toute escheuelee, qu'il leur pleust auoir pitié de ses deux seruiteurs, & les luy vouloir rendre. Vne grande partie de ce peuple vouloit q son plaisir fust fait, & qu'ilz ne mourussent point. Autres vouloyent au cōtraire : & baissèrent les piques les vns contre les autres, cōme pour combattre : mais ceulx qui vouloyent la mort, se trouuerent les plus forts : & finalement crierēt à ceulx, qui estoient sur l'eschauffault, qu'ilz les expediasse : & incontinent ilz eurent tous deux les testes trencées : & s'en retourna ceste pauvre Damoiselle en cest estat en sa maison, bien dolente & descōfortee : car c'estoyēt les principaulx personnages ou elle auoit mis sa fiance.

Après q ces gens de Gand eurent fait cest exploit, ilz departirēt d'auec elle monseigneur de Rauastain & la Douairiere, femme du Duc Charles : pource qu'ilz estoient signez en sa lettre, q lesditz seigneurs d'Hymberecourt & Chancelier dessus nommez auoyent portee au Roy, & qu'ilz auoyēt bailliee, comme vous auez sceu : & prindrēt de tous poinctz l'auctorité & la maistrise de ceste pauvre & ieune Princeesse : car ainsi se pouuoit elle biē appeler, nō point seulement pour la perte, qui des lors luy estoit aduenue de tant de grosses villes qu'elle auoit perdues, qui luy estoient irrecuperables par force, veu la forte main en quoy elles estoient (car par grace, amytiē, ou appointment, elle y pouuoit auoir encores quelque esperance) mais à se trouuer entre les mains des vrays & anciens persecuteurs de sa maison. Ce qui luy estoit bien vn trefgrand malheur, encores qu'en leur fait, es choses generales, y ayt tousiours eu plus de folie que de malice : comme aussi ce sont tousiours grosses gens de mestier, le plus souuēt, qui y ont le credit & l'auctorité, qui n'ont aucune cōgnoissance des grādes choses, ne de celles qui appartiennent à gouverner vn estat. Leur malice ne gist qu'en deux choses : l'une est que par toutes voyes ilz desirēt affoiblir & diminuer leur Prince. L'autre q, quād ilz ont fait quelq mal ou grāde erreur, & qu'ilz se voyēt les plus foibles, iamais gens ne cherchēt leur appointment en plus grāde humilité qu'ilz font, ny ne donnerent plus grāds dōs : & si s'auēt mieulx trouuer les personnes, à qui il fault qu'ilz s'adressent pour cōduire leur accord, q nulle autre ville que i'aye iamais congneue.

Après que ceulx de Gand eurent prins le gouuernemēt par force de ladiēte Damoiselle de Bourgogne, & fait mourir ces deux qu'auēz ouy, & qu'ilz eurent enuoyé hors ceulx que bon leur sembla, ilz cōmencerēt en tous endroitz à oster & mettre gens à leur poste : & par especial chacerent & pillerent tous ceulx qui mieulx auoyent seruy ceste maison de Bourgogne, indifferement, sans regarder ceulx qui en aucune chose le pourroyēt auoir desseruy : &, entre toutes gens, ilz prindrent inimitié contre les Bourguignons, & les bannirent tous : & prindrent aussi grande peine pour les faire deuenir seruiteurs & subiectz du Roy, comme faisoit le Roy propre, qui les sollicitoit par belles & sages paroles, & remonstrances, & par grands dons & promesses, & aussi par force, qu'il auoit trefgrande en leur païs. Pour cōmencer à faire cas de nouuelleté, ilz mirent hors de prison (comme nous

auons touché cy deuant) le Duc de Gueldres: qui par long temps, par le Duc Charles, y auoit esté tenu, pour les causes qu'auiez entendues cy deuant: & le firent Chef d'une armee qu'ilz firent d'entre eulx mesmes: c'est assauoir de Bruges, Gand, & Ypre: & l'enuoyerent deuant Tournay, mettre le feu aux faulxbourgs. qui estoit bien peu d'utilité, pour la querelle de leur Seigneur. Plus luy eust seruy, & à eulx aussi, deux cens homes, ou dix mille Francs con- tant, pour en entretenir d'autres, qui estoient dedans Arras, quand le siege y alla (pourueu qu'ilz fussent venuz à téps propice) que dix telles armées que ceste là (qui estoit de douze ou quinze mille hommes: & la payerét tresbien) car elle ne pouuoit rié profiter q̄ de brusler vn petit nôbre de maisons, en lieu dont il ne chaloit gueres au Roy: car il n'y leue tailles ny aides: mais leur cō- gnoissante n'alloit point iusques là. Apres que ce Duc de Gueldres fut ve- nu deuant Tournay, il fait mettre les feuz iusques aux faulxbourgs dessus- dictz. Il y auoit dedans trois ou quatre cens Hommes-d'armes, qui saillirét, & donnerét sur la queue de ses gens à leur retraicte: & incōtinent ce peuple se mit à fuir. Le Duc de Gueldres, qui estoit vn tresvaillant Prince, tourna pour cuidier donner, à ses gens, chemin de se retirer. Il fut mal \* fuiuy: & fut porté par terre, & tué, & assez bon nombre de ce peuple: & se trouua bien peu de gens du Roy à faire cest exploit: & l'ost des Flamans, avec ceste perte, se retira: car il n'y auoit eu qu'une bāde deffaicte d'entre eulx. Mademoiselle de Bourgongne, cōme l'on dit, eut tresgrande ioye de cest aduēture, & ceulx qui l'aymoient: car l'on dit, pour certain, q̄ lesdictz Gandois estoient deliberez de le luy faire espouser par force: car de son consentement ne l'eussent sceu faire, pour plusieurs raisons, que vous auiez entendues de luy par cy deuant.

\* seruy exp.  
uict.

*Discours sur ce que les guerres & diuisions sont permises de Dieu, pour le chastie-  
ment & des Princes & du peuple mauuais: avec plusieurs bonnes raisons  
& exemples aduenuz du temps de l'Auteur, pour l'endoctri-  
nement des Princes. Chap. 18.*



En ne puis penser comment Dieu a tant preserué ceste ville, dont tant de mauix sont aduenuz, & qui est de si peu d'utilité pour le pais, & chose publique dudit pais, où elle est assise, & encores beaucoup moins pour le Prince: & n'est pas comme Bruges: qui est vn lieu de grand recueil de marchandise, & de grā<sup>d</sup> assemblee de natiōs estranges: ou, par aduēture, se despesche plus de marchādisse qu'en nulle au- tre ville d'Europe: & seroit dommage irreparable qu'elle fust destruite. Au fort il me semble que Dieu n'a creé aucune chose en ce monde, ny hommes ny bestes, a qui il n'ait fait quelque chose son cōtraire, pour le tenir en crain- te & en humilité. Et ainsi ceste ville de Gand est bien située là où elle est: car ce sont les pais de la Chrestienté plus adōnez à tous les plaisirs en quoy l'hō- me est enclin, & plusieurs pompes & \* delices. Ilz y sont bōs Chrestiens: & y est Dieu biē seruy & honoré. Et n'est pas cest \* maison de Bourgōgne seule, à qui Dieu ait donné quelque aguillon: car au royaume de France a donné pour opposite les Angloys, & aux Angloys les Escossoys. Au royaume d'Es- paigne Portugal. Je ne veulx point dire Grenade: car ceulx là sont ennemis de la

\* despeses  
exp. uict.

\* natiō seule  
exp. uict.

de la foy:toutesfois iusques icy ledict païs de Grenade a donné de grâs troubles au pais de Castille. Aux Princes d'Italie (dont la plupart possèdent leurs terres sans tiltre, sil ne leur est donné au ciel, & de cela ne pouuons sinon deuiner) lesquelz dominent cruellemēt & violentemēt sur leurs peuples, quāt à leurs deniers, Dieu leur a donné pour opposite les villes de cōmunauté, qui sont audict païs d'Italie: comme Venise, Florence, Gennes, quelquefois Boulogne, Senes, Pise, Luques & autres: lesquelles, en plusieurs choses, sont opposites aux Seigneurs, & les Seigneurs à elles: & chascun a l'œil que son cōpaignon ne s'accroisse. Et pour en parler en particulier, à la maison d'Arragon à donné la maison d'Aniou pour opposite: & à ceulx des Sforces, vsurpās le lieu des Viscōtes en la Duché de Milan, la maison d'Orleans: & combien q̄ ceulx de dehors foyēt foibles, ceulx qui sont subiectz au Roy, encores par fois\* ilz en ont doubte. Aux Venitiens ces Seigneurs d'Italie (comme i'ay dit) & d'auantage les Florentins. Ausdictz Florentins ceulx de Senes & de Pise, leurs voisins, & les Genneuois. Aux Genneuois leur mauuais gouuernemēt, & la faulte de foy des vns enuers les autres: & gisent leurs partialitez en ligues: cōme de Fourgouze, d'Adorne & d'Orye, & autres. Cecy est tant veu, qu'on en sçait assez. Pour Alemaigne vous auez, & de tout tēps, la maison d'Austrieche & de Bauiere cōtraires: & en particulier, ceulx de Bauiere cōtraires l'un à l'autre. La maison d'Austrieche, en particulier, les Suisses: & ne fut le cōmēmēt de leur diuision qu'un village, appelé Suisse (qui ne sçauroit faire six cēs hōmes) dont les autres portent le nom: qui se sont tant multipliez que deux des meilleures villes, qu'eust ladiète maison d'Austrieche, en sont, cōme Surich, & Fribourg: & ont gagné de grandes batailles, cīquelles ont tué des Ducz d'Austrieche. Maintes autres partialitez y a en ceste Alemaigne: cōme ceulx de Cleues contre ceulx de Gueldres: & les Ducz de Gueldres cōtre les Ducz de Iulliers. Les Ostrelins, qui sont situez tant auant en ce North, cōtre les Roys de Damnemarche. Et, pour parler d'Alemaigne en gneral, il y a tāt de fortes places, & tāt de gēs enclins à mal faire, & à piller & desrober, & qui vsent de force & violence, les vns contre les autres, pour petite occasion, que c'est chose merueilleuse. Car vn hōme, qui n'aura que luy & son varlet, desfiera vne grosse cité, & vn Duc, pour mieulx pouoir desrober, avec le port de quelque petit chasteau-rocher, ou il se fera retraict, y ayant vingt ou trēte hōmes à cheual, qui courrōt deffier à sa requeste. Ces gēs icy ne sōt gueres de fois punis des Princes d'Alemaigne: car ilz s'en veulēt seruir quād ilz en ont affaire: mais les villes, quand elles les peuuent tenir, les punissent cruellemēt, & souuentes fois ont bien assiégé de telz chasteaux & abbatus: & aussi tien nēt lesdictes villes ordinairement des Gens-d'armes payez & gaigez pour leur seureté. Ainsi semble q̄ ces Princes & villes d'Alemaigne viuēt, cōme ie dy, faisāns charier droict les vns les autres, & qu'il est necessaire qu'ainsi soit, & pareillemēt par tout le monde. Je n'ay parlé que d'Europe: car ie ne me suis point informé des deux autres parts, cōme d'Asie & d'Afrique: mais bien oyons nous dire qu'ilz ont guerres & diuisions, comme nous, & encores plus mecaniquemēt: car i'ay iceu en ceste\* pratiq̄ plusieurs lieux ou ilz se vèdent les vns les autres, aux Chrestiens: & appert par les Portugalois, qui maintz

\* en ont ilz debouté s. x. ans: mais il n'ay dit de ce païs & combien m'iques Aux Venitiens.

\* Afrique  
Exemp. auell.

esclaves en ont eu, & ont tous les iours: mais, quant à cela, ie doubte que ne le deuôs point trop reprocher aux Sarrazins, & qu'il y a des parties en la Chrestienté, qui en font autant: mais ilz sont situez soubz le pouuoir du Turc, ou fort voisins, comme en aucune partie de la Grece.

Il pourroit donc sembler que ces diuisions fussent necessaires par le monde, & que ces aguillons & choses opposites (dont i'ay parlé dessus) que Dieu a donnees à chascun estat, & quasi à chascune personne, soyent necessaires: & de prime-face, & parlant comme hommenô lettré, qui ne veult tenir opinion que celle que deuons tenir, le me semble ainsi: & principalement par la bestialité de plusieurs Princes, & aussi par la mauuaitié d'autres, qui ont sens assez, & experience, mais en veulent mal vser. car vn Prince, ou homme, de quelque estat qu'il soit, ayât force & auctorité là ou il demeure, & par dessus les autres, s'il est bien lettré, & qu'il ait veu ou leu, cela l'amendera ou empirera: car les mauuais empirent de beaucoup sçauoir, & les bons en amendent. Mais, toutesfois, il est à croire que le sçauoir amende plus tost vn homme, qu'il ne l'empire: & n'y eust il que la honte de congnoistre son mal, si est ce assez pour le garder de mal faire, au moins de n'en faire pas tant: & s'il n'est bon, si voudra il faindre de ne vouloir faire nul tort à personne: & en ay veu plusieurs experiences entre les grans personages, & que le sçauoir les a retirez de bien mauuais propos, & souuent, & aussi la crainte de la punition de Dieu: dont ilz ont plus grande congnoissance q̃ les gens ignorans, qui n'ont ne veu ne leu. Je veulx donc dire que ceulx qui ne se congnoissent, & sont mal sages, par faulte d'auoir esté bien nourris, & que leur complexion par aduerture y aide, n'ont point de congnoissance iusques là ou s'estend le pouuoir & seigneurie que Dieu leur a doné sur leurs subiectz: car ilz ne l'ont leu ny entendu par ceulx qui le sçauent: & peu les hantent qui le sçachent: & si aucuns en y a qui le sçauent, si ne le veulent ilz dire, de paour de leur desplaire: & si aucun leur en veult faire quelques remonstrances, nul ne le soustien dra, & au mieulx venir le tiendront à fol, & par aduerture fera prins au plus mauuais sens pour luy. Fault donc conclure que la raison naturelle, ne nostre sens, ne la crainte de Dieu, ne l'amour de nostre prochain, ne nous garde point d'estre violens les vns cōtre les autres, ne de retenir l'autrui, ou de luy oster le sien par toutes voyes qui nous sont possibles. Et, si les grans tiennent villes ou chasteaux de leurs parens ou voisins, pour nulles de ces raisons ne les veulēt rendre: & apres qu'une fois ilz ont leur couleur, & fondé leurs raisons pourquoy les detiennēt, chascun des leurs loue leur langage, au moins des prochains, & ceulx qui veulent estre bien d'eulx. Des foibles, qui ont diuision, ie n'en parle point: car ilz ont supérieur, qui aucunesfois fait raison aux parties: au moins celuy, qui aura bonne cause, & la pourchacera bien, & defendra & despendra largement, à longueur de temps aura sa raison, si la court (c'est adire le Prince, en son autorité, soubz lequel il vit) n'est contre luy. Ainsi \* doit estre vray semblable q̃ Dieu est quasi efforcé, & contraint, ou semons de monstrier plusieurs signes, & de nous battre de plusieurs verges, par nostre bestialité & par nostre mauuaitié, que ie croy mieulx: mais la bestialité des Princes, & leur ignorance, est bien dangereuse, & à craindre:

car

\* Donc est  
vray que  
ex. iiii.

car \* Dieu depart le mal & le bien \* des Seigneurs. Et donques, si vn Prince, qui est fort, & a grand nombre de Gens-d'armes, par l'authorité desquelz il a grans deniers à volonté, pour les payer, & pour despêdre en toutes choses volontaires, & sans nécessité de la chose publique, & que de celle folle & outrageuse despence ne vueille rien diminuer, & que chascun n'entend qu'à luy complaire, & que, touchant faire remonstrence, on n'acquiert que son indignation, & si n'y gaigne l'on rien, qui pourra y mettre remede, si Dieu ne l'y met: Dieu ne parle plus aux gens: n'y n'est plus de Prophetes qui parlent par sa bouche: car sa foy est assez \* ample & estendue, & toute notoire, à ceulx qui la veulent entendre & sçauoir: & ne sera nul excusé pour ignorance, au moins de ceulx qui ont eu espace & temps de viure, & qui ont eu sens naturel. Comment donques \* eschaperont les hommes fortz, & qui tiennēt leurs Seigneuries dressées en tel ordre, que par force en leuent à leur plaisir: parquoy maintiennent leur obeissance, & tiennent ce qui est soubz eux en grand subiection, & le moindre comādemēt qu'ilz font est tousiours sur la vie? Les vns punissent soubz ombre de iustice: & ont gés de ce mestier, prestz à leur complaire; qui d'un peché veniel font vn peché mortel. S'il n'y a matiere, ilz trouuēt les façons de dissimuler à ouir les parties & les tesmoings, pour tenir la personne, & la destruire en despence, attendant tousiours si nul ne se veut plaindre de celuy qui est detenu, & à qui ilz en veulent. Si ceste voye ne leur est seure assez, & bonne pour venir à leur intētion, ilz en ont d'autres plus soudaines: & disent qu'il estoit bien necessāire, pour donner exemple: & font les castelz qu'ilz veulent, & que bon leur semble. A d'autres, qui tiennēt d'eulx, & qui sont vn peu fortz, procedent par la voye de faict, à leur dire: Tu desobeis, ou fais contre l'hommage que tu me doibz: & procedent par force à luy oster le sien, si faire le peuuent (au moins il ne tient point à eulx) & le font viure en grāde tribulation. Celuy qui ne leur est que voisin, fil est fort & aspre, ilz le laissent viure: mais s'il est foible, il ne sçait ou se mettre. Ilz diront qu'il a soustenu leurs ennemis: ou ilz voudront faire viure leurs Gens-d'armes en son pais: ou acheterōt querelles: ou trouuerōt occasion de le destruire: ou soustiendront son voisin contre luy, & luy presteront gens. De leurs subiectz, ilz desapointeront ceulx qui auront bien seruy leurs predecesseurs, pour faire gens neufs: pource qu'ilz mettent trop à mourir. Ilz brouilleront les gens d'Eglise sur le faict de leurs Benefices, à fin que pour le moins ilz en tirent recompense, pour enrichir quelcun, à l'appetit, le plus de fois, de ceulx qui ne l'ont point desseruy, \* sinon en deshonneur & diffame, qui en aucun temps peut beaucoup. Aux Nobles donneront trauail, & despēce sans cesse, soubz couleur de leurs guerres, prinſes à volonté, sans aduis, ou cōseil de leurs Estatz, & de ceulx qu'ilz deussent appeler, auant que les commencer: car ce sont ceulx qui y ont à employer leurs personnes & leurs biēs: parquoy ilz en deussent bien sçauoir auant que l'on les commençast. De leurs peuples, à la plus part ne leur laissent riē: & apres auoir payé tailles, trop plus grādes qu'ilz ne deussent, encores ne donnent aucun ordre sur la forme de viure de leurs Gens-d'armes: lesquelz, sans cesse, sont par le pais, sans rien payer, faisans les autres maulx & excès infinis que chascun de nous sçait: car ilz ne se cōtentēt

\* d'eulx ex-  
auel.\* de leurs Sei-  
gneurs: & ex-  
auel.\* exauſce &  
entēdue ex-  
auel.\* se chastie-  
ront ces ex-  
auel.\* & d'hommes  
& de ſcēmes  
qui en aucū  
tēps peuuent  
beaucoup, &  
qui ont cro-  
dit exauel.

point de la vie ordinaire, & de ce qu'ilz trouuent chez le laboureur, dont ilz font payez:ains au contraire batent les pauvres gens & oultragent & cōtraignent d'aller chercher pain, vin, & viures dehors: & si le bon-homme a femme ou fille, qui soit belle, il fera que sage de la bien garder. Toutefois, puis qu'il y a payement, il seroit bien aisé à y mettre ordre: & que les Gens-d'armes fussent payez de deux moys en deux moys pour le plus tard: & ainsi n'auroyent point d'excuse de faire les maulx, qu'ilz font soubz couleur de n'estre point payez: car l'argēt est leué, & vient au bout de l'an. Le d'y cecy pour nostre roy-aume, qui est plus oppressé & persecuté de ce cas que nul autre royaume ne nulle autre Seigneurie que ie congnoisse: & ne sçauroit nuly mettre le remede qu'un sage Roy. Les autres païs voisins ont autre punition.

*Qu'un Prince ne doibt riē leuer sur ses subiectz, sans leur cōsentement.*

Donques, pour continuer mon propos, y a il Roy ne Seigneur sur terre, qui ait pouuoir, oultre son demaine, de mettre vn denier sur ses subiectz, sans ordroy & consentement de ceulx qui le doiuent payer, sinon par tyrannie ou violence: On pourroit respondre qu'il y a des saisons qu'il ne fault pas attendre l'assemblée, & que la chose seroit trop longue. A commencer la guerre, & à l'entrepredre, ne se fault point tant hastier, & a lon assez tēps: & si vous dy q les Roys & Princes en font trop plus fortz, quand ilz l'entreprennēt du cōsētemēt de leurs subiectz, & en font plus craintz de leurs ennemis. Et, quand ce viēt à se deffendre, on voit venir ceste nuee de loing, & specialemēt quād c'est d'estrangers: & à cela ne doiuent les bōs subiectz riē plaïdre ne refuser: & ne sçau roit aduenir cas si soudain ou l'on ne puisse bien appeler quelques person nages, telz que l'on puisse dire: Il n'est point fait sans cause: & en cela n'user point d'affection, n'y entretenir vne petite guerre à volonté. & sans propos, pour auoir cause de leuer argēt. Le sçay biē qu'il fault argēt pour deffendre les frōtieres, & les enuirs garder, quād il n'est point de guerre, pour n'estre surpris: mais il fault faire le tout moderēmēt: & à toutes ces choses sert le sens du sage Prince: car, si il est bon, il cōgnoist \* qui est Dieu, & qui est le mōde en ce qu'il doit & peut faire & laisser. Or, selō mō aduis, entre toutes les Seigneu ries du mōde, dōt i'ay cōgnoissance, ou la chose publique est mieulx traictée, & ou il ya moïs de violēce sur le peuple, & ou il ya moïs d'edifices abbatuz, n'y desmolis pour guerre, cest Angleterre: & tōbe le fort & le malheur sur ceulx, qui font la guerre.

\* de fiction  
Exemp. nœil.

\* qu'il est  
Dieu, & qu'il  
est mōde, &  
ce qu'il doit  
Exemp. nœil.

*Que le Roy de  
France est le plus  
obey Prince du  
monde.*

*\* le nœil Excm.  
raye iusques à  
Mais si no-  
stre Roy.*

\* esleuer Excm.  
nœil.

Nostre Roy est le Seigneur du mōde, q le moïs a cause d'user de ce mot de di re: l'ay priuilege de leuer, sur mes subiectz, ce q me plaist: car ne luy n'y autre l'à: & ne luy font nul hōneur ceulx qui ainsi le diēt, pour le faire estimer plus grād, mais le font hair & craindre aux voisins, q pour riēs ne vouldroyēt estre soubz la Seigneurie: \* & mesmes aucūs du royaume s'en passeroyēt biē q en tiē nēt. Mais, si nostre Roy, ou ceulx q le veulēt \* louer & agrādir, disoyēt: l'ay les subiectz si bōs, & loyaux qu'ilz ne me refusent chose q ie leur sache demāder, & suis plus craint, obey & seruy de mes subiectz, q nul autre Prince qui viue sur la terre, & qui plus patiēmēt enduret tous maulx & toutes rudesses, & à qui moins il souuiēt de leurs dōmages passez, il me semble q cela luy seroit grand loz (& en dy la verité) nō pas dire: le préce q ie veulx, & en ay priuileges: il le me fault bien garder. Le Roy Charles le Quint ne le disoit pas: aussi ne l'ay ie point

point ouy dire aux Roys, mais ie l'ay bien ouy dire à de leurs seruiteurs, à qui il sembloit qu'ilz faisoient bien la besongne: mais, selon mon aduis, ilz mesprenoyent enuers leur Seigneur, & ne le disoyent que pour faire les bons varletz, & aussi qu'ilz ne sçauoyent qu'ilz disoyent. Et, pour parler de l'experience de la bonté des François, ne fault alleguer de nostre temps que les trois Estatz tenus à Tours, apres le decès de nostre bon maistre le Roy Louis onzieme (à qui Dieu face pardon) qui fut l'an mil quatre cens quatre vingtz & trois. L'on pouuoit estimer lors que ceste bonne assemblee estoit dangereuse: & disoyent aucuns de petite condition & de petite vertu, & ont dit par plusieurs fois depuis, que c'est crime de lèse maiesté que de parler d'assembler les Estatz, & que c'est pour diminuer l'auctorité du Roy: & sont ceulx qui commettent ce crime enuers Dieu & le Roy, & la chose publique: mais seruoient ces paroles, & seruent, à ceulx qui sont en autorité & credit, sans en rien l'auoir merité, & qui ne sont propices d'y estre, & n'ont accoustumé que de flageler en l'oreille, & parler des choses de peu de valeur, & craignent les grandes assemblees de paour qu'ilz ne soyent congus, ou que leurs oeuvres ne soyent blasmees. Lors, que ie d'y, chascun estimoit le royaume, bien attenué, tant des grans que des moyens, & que des petis: pource qu'ilz auoyent porté & souffert, vingt ans ou plus, de grandes & horribles tailles: qui ne furent iamais si grandes à trois millions de Francs pres. l'enten à leuer tous les ans. Car iamais le Roy Charles, septieme, ne leua plus de dix huit cens mille Francs par an: & le Roy Louis, son filz, en leuoit, à l'heure de son trespas, quarante & sept cens mille Frâcs, sans l'artillerie, & autres choses semblables. Et seurement c'estoit compâsion de voir ou sçauoir la pauvreté du peuple. Mais vn bien auoiten luy nostre bon maistre: c'est qu'il ne mettoit rien en thresor. Il prenoit tout, & despendoit tout: & feit de grans ediffices, à la fortification & deffense des villes & places de son royaume: & plus que tous les autres Roys qui ont esté deuant luy. Il donna beaucoup aux Eglises. En aucunes choses eust mieulx valu moins: car il prenoit des pauures, pour le donner à ceulx qui n'en auoyent aucun befoing. Au fort, en nul n'a mesure par-faict en ce monde.

\* être bien  
content de  
quelq.

Or en ce royaume tât foible & tant opprellé en mainte sorte, apres la mort de nostre Roy y eut il diuision du peuple contre celuy qui regne: Les Princes & les subiectz se mirent ilz en armes contre leur ieune Roy? & en voulurent ilz faire vn autre luy voulurent ilz oster son autorité? & le voulurent ilz brider qu'il ne peust vsr d'autorité de Roy? Certes non. Et comment aussi le pouuoient ilz faire: Si en y a il eu d'assez glorieux pour dire qu'ouy. Toutefois ilz feirent l'opposite de tout ce que ie demande: car tous vindrent deuers luy, tant les Princes & les Seigneurs, que ceulx des bonnes villes. Tous le recongnurent pour leur Roy, & luy feirent serment & hommage: & feirent les Princes & Seigneurs\* leur foy, humblement, les genoulx à terre, en baillant par requeste ce qu'ilz demandoyent: dressèrent conseil, ou ilz se feirent compaignons de douze qui y furent nommez: & deslors le Roy cōmendoit, qui n'auoit que treize ans, à la relation de cediect conseil. A ladiete assemblee des Estatz dessusdictz, furent faictes aucunes requestes & remōstrances en la pre-

Exemple de la  
grande obéissance  
et bonté des  
Tracoy, par ce  
qu'ilz firent à  
Charles haëche  
me: en son aage  
de treze ans, ap-  
pres la mort de  
son pere.

\* leurs demi  
des. Exr. muel.



# CINQUIEME LIVRE DES MEMOIRES

sence du Roy & de son conseil, en grand' humilité, pour le bien du royaume, remettant tousiours tout au bon plaisir du Roy, & de sondict Conseil. Luy octroyerent ce qu'on leur vouloit demander, & ce qu'on leur monstra par escript estre necessaire pour le faict du Roy, sans rien dire a l'encôtre: & estoit la somme demandee de deux millions cinq cens mille Francs (qui estoit assez \* au cœur saoul, & plus trop que peu, sans autres affaires) & supplierent ledict Estatz qu'au bout de deux ans ilz fussent rassemblez: & que, si le Roy n'auoit assez argët, qu'ilz luy en bailleroiët à son plaisir: & que, s'il auoit guerres, ou quelcun qui le voulüst offenser, ilz y mettroiët leurs personnes & leurs biens, sans rien luy refuser de ce qui luy seroit besoing. \* Estoit ce sur telz subiectz que le Roy doibt alleguer priuileges de pouuoir prendre à son plaisir, qui si liberalement luy donnent: Ne seroit il pas plus iuste, enuers Dieu & le monde, de leuer par ceste forme, que par volonteé desordonnee: car nul Prince ne le peut autrement leuer, que par \* autrui, comme dict est, si ce n'est par tyrannie, & qu'il soit excommunié. Mais il en est bien d'assez bestes pour ne scauoir ce qu'ilz peuuent faire ou laisser en cest endroit. Aussi bien il y a des peuples qui offensent contre leur Seigneur, & ne luy obeissent pas, n'y ne le secourent en ses necessitez: mais en lieu de luy aider, quand ce vient es affaires, ilz le mesprisent, & se mettēt en rebellion & desobeissance cōtre luy, en commettant & venant contre le serment de fidelité qu'ilz luy ont fait.

Là ou ie nomme Roys & Princes, i'enten d'eulx ou de leurs Gouverneurs: & , pour les peuples, ceulx qui ont les preeminences & maistrises soubz eulx.

Les plus grans maux viennent volontiers des plus fortz: car les foibles ne cherchent que patience. Icy compren les femmes, comme les hommes, quelquefois, & en aucuns lieux, quand elles ont autorité ou maistrise, ou pour l'amour de leurs maris, ou pour auoir administration de leurs affaires, ou que leurs Seigneuries viennent de par elles. Et, si ie vouloye parler des moyens estatz de ce monde, & des petis, ce propos continueroit trop, & me suffit alleguer les grans: car c'est par ceulx là ou l'on congnoist la puissance de Dieu, & sa iustice. car, pour deux cens mille meschefs aduenuz à vn pauvre homme, on ne s'en aduise: car on attribue tout à sa paureté, ou à auoir esté mal pensé: ou, s'il est noyé ou rompu le col, c'est pource qu'il estoit seul. A grand' peine en veult on ouir parler. Quand il melchet à vne grande cité, on ne dit pas ainsi: mais encores n'en parle on point tant que des Princes. Il fault donques dire pourquoy la puissance de Dieu se mōstre plus grande cōtre les Princes & les grās, que contre les petis. c'est que les petis & les pauvres treuuent assez qui les punissent, quand ilz font le pourquoy: & encores sont assez souuent punis, sans auoir rien fait: soit pour dōner exemple aux autres, ou pour auoir leurs biens, ou par aduenture par la faulte du Iuge: & aucun fois l'ont bien desseruy, & fault bien que iustice se face. Mais des grans Princes & des grandes Princesses, de leurs grans Gouverneurs, & des Conseillers des Prouinces & villes desordonnees, & desobeissantes à leur Seigneur, & de leurs Gouverneurs, qui s'informeront de \* leur vice: L'information faicte, qui l'apportera au Iuge: Qui sera le Iuge qui en prendra la congnoissance, &

qui

\* & a l'encôtre.

\* Est ce dōc  
ux. aieil.

\* octroyer  
autrui mesulx.

\* Que les plus  
grans maux  
viennent d'ou  
uers des plus  
fortz, et qu'ilz  
sont les moins  
punis par les  
hommes.

\* leurs vices  
l'emp. aieil.

qui en fera la punition ? le dy des mauuais, & n'enten point des bons: mais il en est peu. Et qu'elles sont les causes pourquoy ilz commettēt, & eulx, & tous autres, tous ces cas dont i'ay parlē icy dessus, & assez d'autres dont ie me suis teu pour briuetē, sans auoir consideration de la puissāce diuine & de sa iustice: En cē cas ie dy que c'est faulte de foy, & aux ignorans faulte de sens & de foy ensemble: mais principalement faulte de foy: dont il me semble que procedent tous les maulx qui sont par le monde: & par especial les maulx qu'ont partie de ceulx qui se plaignent d'estre greuez & foulez d'autrui, & des plus fortz. Car l'homme pauure ou riche (quel qu'il soit) qui auroit vraye & bonne foy, & qui croiroit fermemēt les peines d'Enfer estre telles que veritablement elles sont: qui aussi croiroit auoir prins de l'autrui à tort, ou que son pere ou son grand pere l'eust prins, & luy possedast (soyēt Duchez, Comtez, villes ou Chasteaux, meubles, pré, estang ou moulin, chascun en sa qualité) & qu'il creust fermement, comme le deuons croire, ie n'entreray iamais en Paradis, si ie ne fay entiere satisfāction, & si ie ne ren ce que i'ay \* de tel, il n'est croyable qu'il y eust Prince ou Princesse au monde, n'y autre personne quelconque, de quelque estat ou condition qu'ilz soyent en ce monde, tant grans que petis, & tant hommes que femmes, gēs d'Eglise, Prelatz, Eueſques, Archeueſques, Abbez, Abbeſſes, Prieurs, Curez, Receueurs des Eglises, & autres viuans sur terre, qui à son vray & bō esient, comme dict est dessus, voulsist rien retenir de son subiect ne de son voisin, ne qui voulsist faire mourir nul à tort, ne le tenir en prison, n'y oster aux vns pour donner aux autres, & les enrichir: ne (qui est le plus ord mestier qu'ilz facent) procurer choses deshonnestes cōtre les parens & seruiteurs pour leurs plaisirs, comme pour femmes ou cas semblable. Par ma foy non, au moins n'est pas croyable. Car s'ilz auoyent ferme foy, & qu'ilz creussent ce que Dieu & l'Eglise nous commande, sur peine de damnation, congnoissant les iours estre si briefz, les peines d'Enfer estre si horribles, & sans nulle fin ne remission pour les damnez, ilz ne feroient pas ce qu'ils font. Il fault donc cōclure que tous les maulx viennent de faulte de foy. Et, pour exemple, quand vn Roy ou vn Prince, est prisonnier, & qu'il a paour de mourir en prison, a il rien si cher au mōde qu'il ne baillast pour sortir: il baille le sien & celuy de ses subiects, comme vous auez veu du Roy Iehan de France, prins par le Prince de Galles à la bataille de Poictiers, qui paya trois millions de Francs, & bailla toute Aquitaine (au moins ce qu'il en tenoit) & assez d'autres citez, villes & places, & comme le tiers du royaume, & mit le royaume en si grande pauureté qu'il y auoit long temps monnoye comme de cuir, qui auoit vn petit clou d'argent. Et tout cecy bailla le Roy Iehan, & son filz le Roy Charles le Sage, pour la deliurance dudit Roy Iehan, & quād ilz n'eussent rien voulu bailler, si ne l'eussent point les Angloys fait mourir: mais, au pis venir, l'eussent mis en prison: &, quand ilz l'eussent fait mourir, si n'eust esté la peine semblable à la cēt milliēme partie de la moindre peine d'Enfer. Pourquoy donques bailloit il tout ce que i'ay dit, & destruisoit ses enfans, & subiectz de son royaume, sinon pource qu'il croyoit ce qu'il voyoit, & qu'il ſçauoit bien qu'autrement ne seroit deliuré? Mais par aduenture en commetant les cas pourquoy ceste punitiō luy

*Que sans le de  
Roy est cause de  
tous maulx.*

*\* d'autrui  
exem. auel.*

*Exemple de ce  
que dessus, par  
le Roy Iehan  
de France.*

aduint, & à ses enfans, & à ses subiectz, il n'auoit point ferme foy & creance de l'offense qu'il commetoit contre Dieu & son commandement. Or n'est il Prince, ou peu, s'il tient vne ville de son voisin, qui pour crainte de Dieu la voulsist bailler, ny pour euiter les peines d'Enfer: & le Roy Iehâ bailla si grâd' chose pour deliurer sadiçte personne de prison.

*Qui sera infor-  
mation sur les  
grâces qu'en  
sera le Iuge.*

L'ay donc demandé, en vn article precedêt, qui sera information des grâs: & qui l'apportera au Iuge? & qui sera le Iuge qui punira les mauuais? L'information sera la plainte & clameurs du peuple qu'ilz soulent & oppressent en tant de manieres, sans en auoir compassion ne pitié. Les douloureuses lamentations des veufues & orphelins, dont ilz auront fait mourir les maris & peres, dont ont souffert ceulx qui demeurent apres: & generally tous ceulx qu'ilz auront persecutez, tant en leurs personnes qu'en leurs biens. Cecy sera l'information par leurs grans cris, & par plaintes & piteuses larmes: & les presenteront deuant nostre Seigneur: qui sera le vray Iuge: qui par aduerture ne voudra attendre à les punir en l'autre monde: mais les punira en cestuy. Dont fault entendre qu'ilz seront punis pour n'auoir rien voulu croire, & pource qu'ilz n'auront eu ferme foy & croyance es commâdemens de Dieu.

Ainsi fault dire qu'il est force que Dieu monstre de telz poinçtz & de telz signes qu'eulx, & tout le monde, croiront que les punitions leur aduiuent pour leurs mauuaises creances & offenses: & que Dieu monstre contre eulx sa force & sa vertu & iustice: car nul autre n'en a le pouuoir en ce monde que luy. De prime-face, pour les punitions de Dieu, ne se corrigent point, de quelque grandeur qu'elles soyent, & à traict de temps: mais nulle n'en aduiuent à nul Prince, ou à ceulx qui ont gouuernement sur ses affaires, ou sur ceulx qui gouernent vne grand' communauré, que l'yssue n'en soit bien grande & bien dangereuse pour les subiectz. Je n'appelle poin en eulx males fortunes, sinon celles dont les subiectz le sentent: car de tomber ius d'un cheual, & se rompre vne iambe, & auoir vne fieure bien aspre, l'on s'en guerit, & leur sont telles choses propices, & en sont plus sages. Les males aduertes sont, quand Dieu est tant offensé, qu'il ne le veult plus endurer: mais veult monstrier sa force & sa diuine iustice: & alors premierement leur diminue le sens: qui est grand' playe pour ceulx à qui il touche. Il trouble leur maison, & la permet tomber en diuision & en murmure. Le Prince tombe en telle indignation enuers nostre Seigneur qu'il fuit les conseilz & compagnies des sages, & en esleue de tois neufz mal sages, mal raisonnables, violens, flatteurs, & qui luy complaisent à ce qu'il dit. S'il fault imposer vn denier, ilz disent deux. S'il menace vn homme, ilz disent qu'il le fault pendre: & de toutes autres choses, le semblable: & que sur tout il se face craindre: & se monstrent fiers & orgueilleux eulx mesmes, esperans qu'ilz seront craintz par ce moyen, comme si authorité estoit leur heritage. Ceulx, que telz Princes auront ainsi avec ce conseil chacez & deboutez, & qui par longues annees auront seruy, & qui ont accointance & amitié en sa terre, sont mal contents, & à leur occasion quelques autres de leurs amts & bien veuillans: & par aduerture on les voudra tant presser, qu'ilz seront contrainctz à se deffendre, ou de fuir vers quelque voisin, par aduerture en-

nemy

nemy & malvueillant de celuy qui les chace: & ainſi, par diuiſion de ceulx de dedans le païs, y entreront ceulx de dehors. Eſt il nulle playe ne perfecution ſi grande, que guerre entre les amys & ceulx qui ſe cõgnoiſſent, ne nulle haine ſi horrible & mortelle? Des ennemis eſtrangers, quand le dedans eſt vny, on ſ'en deffend aiſement: car ilz n'ont nulles intelligẽces ny accointances à ceulx du royaume. Cuidez vous qu'un Prince mal ſage, ſeulement acompaigné, congnoiſſe venir ceſte male fortune de loing que d'auoir diuiſion entre les ſiens: ne qu'il penſe que cela luy puiſſe nuire: ne qu'il vienne de Dieu? Il ne ſ'en trouue point pis diſné, ne pis couché, ne moins de cheualx, ne moins de robes, mais beaucoup mieulx acompaigné: car \* il tire les gens de leur pauvreté, & depart les depouilles & les eſtatz de ceulx qu'il aura chacez, \* & du ſien pourra accroiſtre ſa renommee. A l'heure qu'il y penſera le moins, Dieu luy fera ſoudre vn ennemy, dont parauanture iamais il ne ſe fuſt aduiſé. Lors luy nayſtront les penſees & les ſuſpitions de ceulx qu'il aura offenſez: & aura crainte d'aſſez de perſonnes, qui ne luy veulent aucun mal faire. Il n'aura point refuge à Dieu, mais preparera ſa force.

\* il attire les gens de leur promet de depart. *Expoſ. auail.*

\* & dõne du ſiẽ pour accroiſtre, &c. *Exemple auail.*

Auons nous point veu de noſtre temps telz exemples icy pres de nous? Nous auons veu le Roy Edouard d'Angleterre, le quart, mort depuis peu de temps, Chef de la maiſon d'Yorth. A il point deſſaiẽt la lignee de Lancaſtre, ſoubz qui ſon pere & luy auoyent long temps veſcu, & fait hommage au Roy Henry, ſeptieme, Roy d'Angleterre, de ceſte dictẽe lignee? Depuis le tint ledict Edouard, par longues annees, en priſon, au chateau de Londres, ville Capitale dudit royaume d'Angleterre, & puis finalement l'ont fait mourir.

*Exemple de punition diuine ſur les princes, par quelques Roys d'Angleterre.*

Auons nous pas veu le Côte de Vuaruic, Chef & principal Gouverneur de tous les faiẽtz du deſuſdict Edouard (lequel a fait mourir tous ſes ennemis, & par eſpecial les Ducs de Sombreſſet) à la fin deuenir ennemy du Roy Edouard ſon maiſtre: donner ſa fille au Prince de Galles, filz du Roy Henry, & vouloir mettre, ſus, ceſte lignee de Lancaſtre: paſſer avec luy en Angleterre: eſtre deſconſit en bataille: & morts ſes freres & parens avec luy? & ſemblablement pluſieurs Seigneurs d'Angleterre, qui vn temps fut qu'ilz faiſoyent mourir leurs ennemis? Apres, les enfans de ceulx là ſe reuenchoyent, quand le temps tournoit pour eulx, & faiſoyent mourir les autres. Il eſt à penſer que telle playe ne vient que par la diuine iuſtice: mais (cõme j'ay dit ailleurs) ceſte grace à ce royaume d'Angleterre, par deſſus les autres royaumes, que le païs, ne le peuple ne ſ'en deſtruit point, ny ne bruſlent, ny ne demoliſſent les edifices, & tourne la fortune ſur les gens de guerre, & par eſpecial ſur les Nobles, cõtre leſquelz ilz ſont trop enuieux. Auſſi riens n'eſt parſaiẽt en ce monde. Apres que le Roy Edouard a eſté au deſſus de ſes affaires en ſon royaume, & qui de noſtre Royaume auoit cinquãte mille Eſcus l'an, rãdus en ſon chateau de Londres, & qu'il eſtoit rãt cõblé de richesses q̃ plus n'en pouuoit, tout ſoudainement il eſt mort, & comme par melancolie du mariage de noſtre Roy (qui regne à preſent) avec madame Marguerite, fille du Duc d'Autriche: &, tãtoſt apres qu'il en eut des nouuelles, il print la ma-

ladie: car lors se tint à deceu du mariage de sa fille qu'il faisoit appeler madame la Daulphine: & si luy fut rompue la pension qu'il prenoit de nous, qu'il appelloit tribut: mais ce n'estoit ne l'un ne l'autre, & l'ay déclaré dessus. Le Roy Edouard laissa à sa femme deux beaux filz, l'un appelé le Prince de Galles, l'autre le Duc d'Yorth, & deux filles. Le Duc de Clocestre, son frere, print le gouvernement de son nepveu le Prince de Galles, lequel pouuoit auoir dix ans, & luy feit hommage, comme à son Roy, & l'emmena à Lódres, faignant le vouloir couronner, pour tirer l'autre filz de la franchise de Londres, ou il estoit avec sa mere, qui auoit quelque suspicion. Fin de compte, par le moyen d'un Euesque de \* Bas (lequel auoit esté autresfois Conseiller du Roy Edouard, puis le desappointa, & le tint en prison, & en print argent de sa deliurance) il feit l'exploict dont vous orrez tantost parler. Cestuy Euesque mit en auant à ce Duc de Clocestre, que ledict Roy Edouard estant fort amoureux d'une dame d'Angleterre luy promit de l'espouser, pourueu qu'il touchast avec elle. Ce qu'elle consentit: & dist cest Euesque qu'il les auoit espousez, & n'y auoit que luy, & eulx deux. Il estoit homme de Court, & ne le descourrit pas, & aida à faire taire la Dame: & demoura ainsi ceste chose: & depuis espousa ledict Roy Edouard la fille d'un Cheualier d'Angleterre appelé móseigneur de Riuières, femme veufue, qui auoit deux filz, & aussi par amourettes. A ceste heure, don ie parle, cest Euesque de Bas descourrit ceste matiere à ce Duc de Clocestre, dont il luy aidabien à executer son mauuais vouloir: & feit mourir ses deux nepueuz, & se feit Roy, appelé Roy Richard. Les deux filles feit declairer bastardes, en plein Parlement, & leur feit oster les \* Hermine: & feit mourir tous les bons seruiteurs de son feu frere, au moins ceulx qu'il peut prédre. Ceste cruauté n'alla pas loing: car luy estant en plus grand orgueil que ne fut cent ans auoit Roy d'Angleterre, & auoit fait mourir le Duc de Boucquinguan; & tenoit grand' armee prestee, Dieu luy sourdit vn ennemy qui n'auoit nulle force. c'estoit le Comte de Richemont, prisonnier en Bretagne, aujourd'huy Roy d'Angleterre, de la lignee de Lancastre: mais non pas le prochain de la couronne (quelque chose que l'on die, au moins que i'entéde) lequel m'a autresfois compté, peu auant qu'il partist de ce royaume, que depuis l'aage de cinq ans il auoit esté gardé & caché côme fugitif en prison. Ce Comte auoit esté quinze ans, ou enuiron, prisonnier, en Bretagne, du Duc François dernier mort: esquelles mains il vint par tempeste de mer, cuidant fuir en France, & le Comte de Pénebroth, son oncle, avec luy. I'estoye pour lors deuers ledict Duc, quand ilz furent prins. Ledit Duc les traicta doulcemét pour prisonniers: & au trespas du Roy Edouard, ledict Duc François luy bailla largement gens & nauires: & avecques l'intelligence dudit Duc de Boucquinguan, qui pour telle occasiō mourut, l'enuoya pour descédre en Angleterre. Il eut grande tourmente & vent contraire, & retourna à Dieppe, & de là par terre en Bretagne. Quand il fut retourné en Bretagne, il doubta d'enuoyer le Duc par sa despée: car il auoit quelques cinq cēs Angloys: & si craignoit que ledict Duc ne s'accordast avecques le Roy Richard, à son dommage: & aussi

\* polyd. verg.  
parle d'une au-  
tre machinatio-  
c'est la pre-mie-  
re de ces-  
deux Roys, &  
nomme le com-  
pagnon de Ri-  
chard en cela  
Rodulphus  
Shaus.

\* armes ex-  
trém.

aussi on le pratiquoit de deça. parquoy s'en vint avec sa bande, sans dire à Dieu audict Duc. Peu de tēps apres, on luy paya trois ou quatre mille hommes, pour le passage seulement : & fut baillee, par le Roy qui est de present, à ceulx qui estoient avecques luy, vne bonne somme d'argent, & quelques pieces d'artillerie : & ainsi fut conduict, avec le nauire de Normandie, pour descendre en Galles, dont il estoit. Ce Roy Richard marcha au deuant de luy : mais avec ledict Comte de Richemont s'estoit ioinct le seigneur de Stanley, vn Cheualier d'Angleterre, mary de la mere dudiect Comte de Richemont, qui luy amena bien vingt & six mille hōmes. Ilz eurent la bataille : & fut occis, sur le champ, ledict Roy Richard, & ledict Comte de Richemont couronné Roy d'Angleterre, sur ledict champ, de la couronne dudiect Roy Richard. Diriez vous que c'est cecy fortune : c'est vray iugement de Dieu. Encores, pour mieulx le congnoistre, tantost apres qu'il eut fait ce cruel meurtre de ces deux nepueuz, dont cy deuant ay parlé, il perdit sa femme. Aucuns disent qu'il la feit mourir. Il n'auoit qu'un filz, lequel incontinent mourut. Ce propos dont ie parle, eust mieulx seruy plus en arriere, ou ie parleray du trespas dudiect Roy Edouard : car il estoit encores vis au temps dont parle mon precedent chapitre : mais ie l'ay fait pour continuer le propos de mon incident. Semblablement auons veu depuis peu de temps muer la couronne d'Espaigne, depuis le trespas du Roy Dom Henry dernier mort : lequel auoit pour femme la seur du Roy de Portugal dernier trespassee : de laquelle faillit vne belle fille : toutesfois elle n'a point succedé : & a esté priuee de la couronne, sous couleur d'adultere commis par sa mere : & si n'est pas la chose passée sans debat & grande guerre. Car le Roy de Portugal a voulu soustenir sa niepce, & plusieurs autres Seigneurs du royaume de Castille avec luy : toutesfois la seur dudit Roy Henri, mariee avec le filz du Roy Dom Iehan d'Arragon, a obtenu le royaume & le possede : & ainsi ce iugement & ce partage. s'est fait au ciel, ou il s'est fait assez d'autres. Vous auez veu puis peu de temps le Roy d'Ecosse, & son filz de l'age de treize ans, en bataille l'un contre l'autre. Le filz & ceulx de sa part gaagnerent la bataille : & mourut ledict Roy en la place. Il auoit fait mourir son frere, & plusieurs autres cas luy estoient impolez, comme la mort de sa seur & d'autres. Vous voyez aussi la Duché de Gueldres hors de la lignee, & auez ouy l'ingratitude du Duc dernier mort, contre son pere. Assez de pareilz cas pourroye dire, qui aisément peuuent estre cong nus pour diuines punitions : \* & tous les maulx seront commencez par rapport, & puis par diuisions : lesquelles sont soures de guerres, par lesquelles vient mortalité & famine : & tous ces maulx procedent de faulte de foy. Il fault donques congnoistre, veu la mauuaitié des hommes, & par especial des Grans, qui ne se congnoissent, & qui ne croient point qu'il soit vn Dieu, qu'il est necessité que chascun Seigneur & Prince ait son contraire, pour le tenir en crainte & humilité : ou, autrement, nul ne pourroit viure soubz eulx, ny aupres d'eulx.

\* Tous ces maux, iuguez d'iceux, ne sont point au lieu d'exemp.

# 20 Sixieme liure des Memoires du SEIGNEVR D'ARGENTON, SVR LES principaux faictz & gestes du Roy Louis, onzieme de ce nom.

Comment la Duché de Bourgongne fut mise entre les mains du Roy. Chap. 1.



\* à l'appareil-  
ce l'empereur.

\* ayant  
l'empereur.

\* Le sieur tait  
dit : comme  
Aulsonne &  
quelques au-  
tres chaste-  
aux. Audi-  
Prince &c.

\* Chasteau-  
guion à xps.  
niel.

Pour retourner à ma principale matiere, & à cōtinuer le propos de ces Memoires, faictz à vostre requeste, monseigneur l'Archeuesque de Vienne, ce pendant que Roy mettoit en sa main les villes & places dessusdictes es marches de Picardie, son armee estoit en Bourgongne: dont estoit Chef, quant \* à la mōstre, le Prince d'Orège (qui encores regne aujour d'huy) narif & subiect de la Comté de Bourgongne: mais, assez nouuellemēt, estoit deuenu ennemy du Duc Charles, pour la deuxieme fois. Ainssi le Roy s'en aida: pource qu'il estoit grand Seigneur, tant en la Comté qu'en la Duché de Bourgongne: & aussi bien apparenté & aymé. Monseigneur de Cran estoit Lieutenant du Roy: & auoir la charge de l'armee: & estoit celuy, à qui le Roy en auoir fiance: & aussi il estoit sage homme, & seur pour son maistre, vn peu trop \* haissant son profit. Ledit Seigneur de Cran, quand il approcha de Bourgongne, enuoya ledit Prince d'Orange, & autres, deuant, à Digeon, leur faire les remōstrances necessaires, & demander obeissance pour le Roy: lesquelz y besongnerent si bien, & principalement par le moyen du Prince d'Orange, que ladicte ville de Digeon, & routes autres de la Duché de Bourgongne, se mirēt en l'obeissance du Roy. \* Aulsonne, & quelques autres chasteaux, tindrēt pour la Damoiselle dessusdictē. Audi- Prince d'Orange furent promis de beaux estatz: & d'auanrage de luy mettre entre ses mains toutes les places, qui estoient en ladicte Comté de Bourgongne, qui estoient de la succession du Prince d'Orange, son grand pere, & dont il auoir questiō contre messeigneurs de \* Chaimergnon, ses oncles: lesquelz il disoit auoir esté fauorisez par ledit Duc Charles. Car leur débar auoir esté plaidoyé deuant luy, par plusieurs fois, en grande solenniré: & ledit Duc, estant fort accōpaigné de Cleres, donna vn appointement contre ledit Prince, au moins comme il disoit: pour laquelle cause il laissa le seruice dudit Duc, & vint deuers le Roy. Nonobstant ceste promesse, quand ledit Seigneur de Cran se trouua possesseur des choses dessusdictes, & qu'il auoir entre ses mains les meilleures places que peust auoir ledit Prince, qui estoient de ceste succession, il ne les vouloit point bailler audit Prince d'Orège, pour nulle requeste qu'il luy en sceust faire. Si luy en referuiut le Roy par plusieurs fois, sans fiction, cōgnoissant bien que ledit Seigneur de Cran renoit de mauuais termes audit Prince d'Orège: mais encores craignoit il à desplaire audit Seigneur de Cran: qui auoir toute la charge du pais, & ne cuidoit point que ledit Prince eust cœur ne façon de rebeller ledit pais de Bourgongne, comme il feir, au moins vne grāde partie. Mais, pour ceste heure, laisseray ce propos, iusques à vn autre lieu.

Comment



*Comment le Roy entretenit les Angloys, apres la mort de Charles Duc de Bourgogne, à fin qu'ilz ne l'empeschassent en la conqueste des pais dudit Duc.*

*Chap.*

*2.*



Eulx qui verrôt ces Memoires, pour le temps aduenir, & qui entredront les choses & affaires de ce royaume & des voisins, mieulx que moy, se pourront esbahir que, depuis la mort du Duc Charles de Bourgogne iusques icy, où il ya distance de pres d'un an, ie n'aye fait nulle mention des Angloys, & comme ilz pouuoient souffrir que le Roy mist en ses mains les villes si voisines d'eulx cōme Arras, Boulongne, Hedin \* & plusieurs chasteaux, & estre logé deuant Sainct-Omer par plusieurs iours. La cause estoit, que le sens, & vertu de nostre Roy preceidoit ce-luy du Roy Edouard d'Angleterre, qui pour lors regnoit, cōbien que ledict Roy Edouard estoit Prince trefvaillant, & qui auoit gaigné en Angleterre huit ou neuf batailles, esquelles tousiours il auoit esté à pied. qui estoit chose de grande louange pour luy: mais ce fut en differens & diuers iours: & ne faisoit point que le sens du Roy d'Angleterre labourast ne trauaillast: car des la bataille passée, il estoit maistre iusques à vn autre temps. Car incontinent qu'un discord se meut en Angleterre, en dix iours, ou moins, l'un ou l'autre est au dessus: & noz affaires de deça ne sont point ainsi: mais faisoit, avec l'exploict de guerre, que nostre Roy entēdist en plusieurs lieux de son royaume, & aux voisins: & par especial entendoit, entre tous ses autres affaires, à contenter ledict Roy d'Angleterre, ou à l'entretenir par Ambassadeurs, presens, & belles paroles, à fin qu'il ne s'empeschast point de noz affaires. Car ledict Seigneur sçauoit bien qu'à toutes heures les Angloys, tāt Nobles que Commune, & Gens-d'Eglise, sont enclins à la guerre cōtre ce royaume, tāt soubz couleur de leurs querelles qu'ilz y pretendent, que pour l'esperance d'y gaigner: pource que Dieu a permis à leurs predecesseurs gaigner en ce royaume plusieurs grandes batailles, & y auoir longue possession, tant en Normandie qu'en Guyenne, qu'ilz auoyent possedee trois cens cinquante ans, à l'heure que le Roy Charles septieme la gaigna le premier coup, comme i'ay dit ailleurs. auquel temps ilz emportoient de grandes despouilles & richesses en Angleterre, tant des Princes & Seigneurs de France, qu'ilz auoyēt eus leurs prisonniers, & en grand nombre, comme des villes & places, qu'ilz auoyent prinſes audict royaume: & esperent encores tousiours le faire ainsi: mais à grand' peine leur fust aduenue telle aduēture du temps du Roy nostre maistre. car il n'eust iamais hazardé son royaume iusques là, que de soy mettre à pied, ne toute la Noblesse dudit royaume iusques là, pour les cōbatre, cōme l'on feir à Agincourt: & y eust bien procedé plus sagement s'il en fust venu iusques là, comme auez peu voir par la maniere qu'il s'en deſescha à la venue du Roy Edouard. Ainsi ledict Seigneur voyoit bien qu'il faisoit qu'il s'entrecint avec ledict Roy d'Angleterre & avec ses prochains: lesquelz il sentoit enclins à entretenir la paix, & à prendre de ses biens. parquoy payoit bien la pensio de cinquante mille Escus, qu'il leur rendoit à Londres: & l'appelloyēt tribut: & à ses prochains seruiteurs en payoit quelque seize mille: c'estaſcauoir au Chancelier, au Maistre des Roolles (qui pour ceste heure est Chancelier) au

\* Arrdes, & plusieurs &c.  
12 emp. anel.

\* L'un des Ex.  
imprimez à  
Moffle avec  
l'ital. & l'au-  
tre Mouffle:  
mais on peut  
prendre de vol.  
vey. que c'est  
de North-  
folch.

\* rigoureux  
ses Ex. aut.

Grand-Chambelan, seigneur de Hastings (homme de grand sens & vertu, & de grand' autorité vers son maistre, & non sans cause: car il l'auoir bié seruy & loyaument) à messire Thomas de Montgomery, au seigneur de Hauart (qui depuis a esté, avec ce mauuais Roy Richard, Duc de \* Mosle) au Grand-Escuyer, appelé maistre Chene, à maistre Chalâger, au Marquis, filz de la Roïne d'Angleterre, d'un precedér mariage: & faisoit de tresgrans dōs à rous ceulx qui venoyent deuers luy, encores qu'ilz vinssent avec commissiōs \* ruineuses, & si les despeschoit avec si bonnes paroles, & avec si beaux presens, qu'ilz s'en alloyent cōtens de luy: & encores qu'aucuns cōgnussent qu'il le feist pour gagner temps & faire son faict en ceste guerre, qu'il auoit commencee, si le dissimuloyent ilz, pour le grand profit qu'ilz en auoyent.

A tous ceulx cy auoit fait des dons, oultre leurs pensiōs: & suis seur qu'à ce mōseigneur de Hauart, oultre sa pension, luy donna, en moins de deux ans, en argēt & vaisselle, vingt & quatre mille Escus: & au Chambelan, Seigneur de Hastings, donna pour vn coup mille Marcs d'argent en vaisselle: & de tous ces personnages icy, se trouuēt les quictances en la Châbre-des-Cōptes à Paris, sauf dudiēt Seigneur de Hastings, Grand-Chambelā d'Angleterre: & n'y en a qu'un: parquoy c'est vn grād office. Cediēt Chambelan se feit fort prier à se faire pensionnaire du Roy: & i'en fu cause. Car ie le fey amy du Duc Charles de Bourgongne, pour le tēps que i'estoye à luy: lequel luy donna mille Escus, l'an, de pension: & l'auoye dit au Roy: auquel il pleur semblablement que ie fusse moyen de le faire son amy & son seruiteur. car le temps passē luy auoit esté tousiours grand ennemy, du tēps dudiēt Duc Charles, & encores depuis en faueur de la Damoiselle de Bourgōgne: & ne tenoir point à luy, vn temps fut, qu'Angleterre ne luy aidast à faire la guerre cōtre le Roy de France. Ainsi ie commençay ceste amytiē par lettres: & luy donna le Roy deux mille Escus de pension: qui estoit le double de ce que luy dōnoit lediēt Duc de Bourgongne: & enuoya le Roy, par deuers luy, Pierre Cleret, vn sien Maistre-d'hostel: & luy enchatgea fort d'en prendre quictance, à fin q̄, pour le temps aduenir, il se veist & congnuist cōme le Grand-Chambelan, Chancelier, Admiral, Grād-Escuyer d'Angleterre, & plusieurs autres, eussent esté pensionnaires du Roy de France. Lediēt Pietre Cleret estoit tressage homme: & eut communication bien priuee avec lediēt Cambelan, en la chambre à Londres, seul à seul: &, apres luy auoir dit les paroles, qui estoient necessaires à dire de par le Roy, il luy presenta ses deux mille Escus en or: car en autre espeece ne donnoir iamais argent à grans Seigneurs estranges. Quand lediēt Chambelan eut receu cest argēt, lediēt Pierre Cleret luy supplia que, pour son acquit, il luy en signast vne quictance. Lediēt Chambelan en feit difficulté. Lors luy requist de rechef lediēt Cleret qu'il luy baillast seulement vne lettre de trois lignes, adressant au Roy, cōtenāt cōme il les auoit receus, pour son acquit enuers le Roy son maistre, & à fin qu'il ne pēfist qu'il les eust emblez: & que lediēt Seigneur estoit suspitionneux. Lediēt Châbelan, voyant que lediēt Cleret ne luy demandoit que raison, respondit: Monseigneur le Maistre, ce, que vous dictes, est bien raisonnable: mais ce don vient du bon plaisir du Roy, vostre maistre, & non pas à ma requeste. S'il vous plaist que

ie le prenne, vous le me mettez icy dedans ma manche: & n'en aurez autre lettre ne tesmoing. car ie ne veulx point que pour moy on die que le Grand-Chambelan d'Angleterre ait esté pensionnaire du Roy de France, ne quemes quictances soyent trouuees en la Chambre-des-Comptes. Lediât Cleret se tint à tant, & luy laissa son argent, & vint faire son rapport au Roy: qui fut bien courroucé qu'il n'auoit apporté ladiâte quictance: mais il en loua & estima lediât Chambelâ:& plus que tous les autres seruiteurs du Roy d'Angleterre: & depuis fut tousiours payé lediât Chambelan, sans bailler quictance.

En ceste maniere viuoit nostre Roy avec ces Angloys: touteffois souuent le Roy d'Angleterre estoit requis & pressé, du costé de ceste ieune Princeſſe, pour auoir aide:& tantost enuoyoit lediât Roy d'Angleterre deuers le Roy, luy faire remonstrances sur ceste matiere, & le presser de paix, ou au moins de trefue. Car ceulx d'Angleterre qui se trouuoient à son conseil, & par especial à leur Parlement (qui est comme trois Estatz) ou se trouuerent plusieurs personages,\* qui venoyent de loing, & n'auoyent point de pension comme les autres, vouloyent fort, & encores la Commune, que lediât Roy d'Angleterre aidast à bon effient à ladiâte Damoiselle:& disoyent que, du costé de deça, on lestrompoit, & qu'on n'acheueroit poit le mariage, & qu'il se pouoit assez voir. car, au traité fait à Piquigny, entre les deux Roys, y auoit esté iuré, & promis, que dedâs l'an on deuoit enuoyer querir la fille du Roy d'Angleterre, que ia auoyent fait intituler Madame la Daulphine, & que le terme estoit passé de beaucoup. Quelque remôstrance que ses subiectz luy feissent, il n'y vouloit entêdre: & y auoit plusieurs raisons. C'estoit vn homme pesant que ce Roy d'Angleterre, & qui fort aymoist ses plaisirs, & n'eust sceu porter la peine de la guerre de deça, & se voyoit failly de grâdes aduersitez: parquoy n'auoit cure d'y rentrer. D'autre part l'auarice de ces cinquante mille Ecus, rendus tous les ans en son chasteau de Londres, luy amolissoient le cœur. Et aussi, quand ses Ambassadeurs venoyent, on leur faisoit toute bonne chere, & leur donnoit l'on tant de beaux dons, qu'ilz en partoyêt contents: & iamais ne leur estoit faite responce, ou il y eust resolution, pour tousiours gagner temps: mais leur disoit on qu'en peu de iours le Roy enuoyeroit deuers le Roy, leur maistre, bons personages, qui luy donneroyent telle seurte des choses, dont ilz estoient en doubte, qu'il s'en deuroit bien contenter.

Ainsi, quand ces Ambassadeurs estoient partis, trois sepmaines ou vn mois apës, aucunelfois plus, aucunelfois moins (qui n'estoit point petit terme en tel eas) le Roy y enuoyoit, & tousiours personages, qui n'y auoyent point esté le voyage precedent, à fin que, si ceulx là auoyent fait quelque ouuerture, dont le fait ne s'en fust point ensuiuy, que les derniers n'en sceussent que respondre. Et aussi ceulx, qui y estoient enuoyez mettoient peme par toutes voyes de donner telle seurte en France audiât Roy d'Angleterre, qu'il auoit encores patience, sans se mouuoir. Car il auoit tant de desir de ce mariage, & la Roynesa femme, que cela, avec les autres raisons que i'ay dictes, luy faisoient dissimuler ce que partie de ceulx de son conseil disoyent estre au grand preiudice de son royaume: & craignoit la rompure dudiât mariage,

\* qui voyoyent ex. angl. miruiz, à mon aduiz.

pour la moquerie qui ia s'é faisoit en Angleterre, & par especial de ceulx qui y desiroient la noise & difference. Pour vn peu esclaircir ceste matiere, le Roy, nostre maistre, n'eut iamais vouloir d'accomplir ce mariage: car l'age des deux n'estoyét point fortables: car la fille, qui de present est Royne d'Angleterre, estoit trop plus vieille que monseigneur le Daulphin, qui de present est nostre Roy. Ainsi sur ces dissimulations, vn moys ou deux de terme gagné, en allant & venant, estoit rompre à son ennemy vne saison de luy mal faire. Car, sans doubte, si ce n'eust esté l'esperance dudit mariage, le Roy d'Angleterre n'eust iamais souffert prédre les places si pres de luy, sans mettre peine de les deffendre: & si d'entree il se fust déclaré pour ladicte Damoiselle de Bourgongne, le Roy, qui craignoit mettre les choses en doubte, & en adventure, n'eust point de tant affoibly ceste maison de Bourgongne, comme il a. Je ne dy ces choses, principalement, que pour donner à entendre comme les choses de ce monde se sont conduictes, & pour s'en aider, ou pour s'en garder, ainsi qu'il pourra seruir à ceulx qui ont ces grandes choses en main, & qui verront ces Memoires: car, combien que leur sens soit grand, vn peu d'aduertissement sert aucunes fois. Il est vray que, si Mademoiselle de Bourgongne eust voulu entendre au mariage de monseigneur de Riuières, frere de la Royne d'Angleterre, on l'eust secourue, avec bon nombre de gens: mais c'estoit vn mariage bien mal sortable: car ce n'estoit qu'un petit Comte, & elle la plus grande heritiere qui fust de son temps. Plusieurs marchez se menerent entre le Roy de France & le Roy d'Angleterre: & entre les autres, luy offroit le Roy que, s'il se vouloit ioindre avec luy, & venir en personne en vn quartier de pais de ladicte Damoiselle, & en prendre sa part, ledict Seigneur consentoit que ledict Roy d'Angleterre eust le pais de Flâdres, & qu'il tint sans hommage, & le pais de Brabant: & luy offroit le Roy cōquerir, à ses despens, les quatre plus grosses villes de Brabant, & les mettre en la possession du Roy d'Angleterre: & d'auantage luy payer dix mille Angloys, pour quatre moys, à fin que plus aisémēt il portast les mises de l'armee: & luy prestoit grand nombre d'artillerie, & gēs & charroy, pour les cōduire, & s'en aider, & que le Roy d'Angleterre feist la cōqueste de Flâdres, tādīs q̄ ledict Seigneur les empescheroit. Le Roy d'Angleterre respondit que ces villes de Flandres estoient fortes & grâdes, & vn pais malaisé à garder, quand il l'auroit cōquis, & semblablement celuy de Brabant: & q̄ les Angloys n'auoyēt point fort ceste guerre agreable, à cause des frequentations de leurs marchādīs: mais qu'il pleust au Roy, puis qu'il luy plaisoit faire part de sa conqueste, luy bailler quelques places de celles que ia auoit conquis en ceste Picardie, comme Boulōgne & autres, & qu'en ce faisant il se declaroit pour luy, & enuoyeroit gens à son seruice, en les payant. qui estoit bien sage responce.

*Comment le mariage de Mademoiselle de Bourgongne fut conclu & accompli avec Maximilian, Duc d'Austrie, & depuis Empereur. , Chap. 3.*



Ensi, comme deuant ay dit, alloient & venoyent ces marchez entre les deux Roys, pour tousiours gaigner tēps: & s'affoiblissoit ladicte Damoiselle de Bourgongne: car, de ce peu de gens de guerre, qui luy estoient demourez apres la mort de son pere, plusieurs se tourne-

tournerent du party du Roy : & par especial apres ce que monseigneur des Cordes sy fust mis: qui plusieurs en amena avec luy. Les autres se tornoient par necessité: pource qu'ilz estoient situez, ou demourans pres des villes, ou dedans celles qui estoient ia en l'obeissance dudit Seigneur, & aussi pour auoir de ses biens: car nul autre Prince n'en departoit si largement à ses seruiteurs comme luy. D'auantage les troubles des bandes croissoient chascun iour en ces grosses villes: & par especial à Gand,\* qu'il doubroit tant, comme auez ouy. Enuiron de ladicte Damoiselle de Bourgongne estoit parlé de plusieurs mariages pour elle, disant qu'il luy falloit mary, pour deffendre le demourant de ce qu'elle auoit, ou espouser monseigneur le Daulphin, à fin que tout luy demourast en paix. Aucuns desiroient fort ce mariage, & par especial elle, auant que ces lettres qu'auoyent portees lesdictz seigneur d'Imbercourt & Châcelier, fussent baillées. Autres alleguoient le ieune aage dudit monseigneur le Daulphin: qui n'estoit que de neuf ans, ou enuiron: & alleguoient ce mariage promis en Angleterre: & taschoient pour le filz du Duc de Cleues. Autres pour le filz de l'Empereur, Maximilian, à present Roy des Rommains. Ladicte Damoiselle auoit conceu haine contre le Roy, à cause de sesdictes lettres: car il luy sembloit auoir esté occasion de la mort de ces deux bons personages dessus nommez, & de la honte qu'elle receut, quand publiquement luy furent baillées, deuant tant de gens, comme auez ouy: & aussi que cela auoit donné hardiesse aux Gandois de luy auoir chacé tant de seruiteurs, & separé sa belle mere, & le seigneur de Rauastain, d'avec elle, & mis ses femmes en si grand' crainte qu'elles n'eussent osé ouuir vnes lettres, sans les monstrer, n'y parler à l'oreille à leur maistresse.\* Er se commença à eslongner d'elle l'Euesque du Lyge, qui estoit filz de Bourbó, qui desiroit faire le mariage dudit monseigneur le Daulphin: lequel eust esté bien propice, & grand honneur pour ladicte Damoiselle, n'eust esté la grande ieunesse dudit monseigneur le Daulphin: toutesfois le regard dudit Euesque n'estoit point iusques là. si se retira au Lyge: & chascun s'en deporta. Il eust esté bien difficile de conduire ceste matiere de tous les deux costez: & croy que ceulx, qui s'en fussent meslez, n'y eussent point eu grand honneur en la fin: & aussi chascun s'en teut: mais parauant se tint quelque cōseil sur ceste matiere: ou se trouua madame\* de Halluin, premiere Dame de ladicte Damoiselle: laquelle dist, comme me fut rapporté, qu'ilz auoyent besoing d'un homme & nō pas d'un enfant, disant que sa maistresse estoit femme pour porter enfant, & que de cela le païs auoit besoing. A ceste opinion se tindrēt. Aucuns blasmerent ladicte Dame d'auoir si franchement parlé. autres l'en louerent, disant qu'elle ne parloit q̄ de mariage, & de ce qui estoit tresnecessaire au païs. Ainsi il ne fut plus nouuelles que de trouuer cest homme: & croy veritablement que, si le Roy eust voulu qu'elle eust espousé monseigneur d'Angoulesme, qui est de present, qu'elle l'eust fait, tant desiroit demourer alliee de la maison de France. Or Dieu voulut dresser vn autre mariage: & par aduenture ne sçauōs pas encores pourquoy: sinon que nous voyons par ce, qui est passé, que de ce mariage, qui fut fait, sont sorties plusieurs grandes guerres, tant de la que de ça. Ce qui n'eust, possible, pas esté, si elle eust espousé mondict Seigneur

\* qui adouboit tout ex. uent.

\* lors elle cōmēca ex. uent.

\* de Halleuin ex. uent.

d'Angoulesme : & en ont porté depuis les pais de Flandres & de Brabant, & autres, grandes persecutions. Le Duc de Cleues estoit à Gand, avec ladiète Damoiselle: qui cerchoit fort amis leans, pour cuider conduire le mariage de son filz, avec ladiète Damoiselle: laquelle n'y estoit pas encline: & ne luy plaisoyent point les conditions dudièt filz de Cleues; n'y à ceulx qui estoient auprès d'elle. Ainsi d'aucuns commencerent à pratiquer le mariage du filz de l'Empereur, à présent Roy des Rommains: dont autrefois auoit esté paroles entre l'Empereur & le Duc Charles, & la chose accordee entre eulx deux. Si auoit l'Empereur vne lettre faicte de la main de ladiète Damoiselle, du commandement de son pere, & vn anneau, ou il y auoit vn dyamant: & cōtenoit ladiète lettre comment, en ensuyuant le bon plaisir de sōn Seigneur & pere, elle promettoit au Duc d'Austriche, filz dudièt Empereur, accomplir le mariage pour parlé, en la maniere, & selon le bon plaisir de sōndièt Seigneur & pere.

L'Empereur enuoya certains Ambassadeurs deuers ladiète Damoiselle: laquelle estoit à Gand : & apres que lesdiètz Ambassadeurs furent arriuez à Brucelles, il leur fut escript qu'ilz attendissent là encores, & qu'on enuoyroit deuers eulx : & cela feit le Duc de Cleues, qui ne desiroit point leur venue, & taschoit à les faire retourner mal contents: mais lesdiètz Ambassadeurs, qui ia auoyent intelligence en la maison de ladiète Damoiselle, & par especial à la Duchesse de Bourgogne Douairiere, laquelle estoit dehors (comme auez ouy) & separee de ladiète Damoiselle, à cause de ces lettres, passerent oultre: car elle les aduertit, cōme me fut dièt, qu'ilz marchassent tousiours, nōobstāt leurs lettres: & aussi leur manda ce qu'ilz deuroient faire, quand ilz seroyēt à Gand, & comme ladiète Damoiselle estoit bien disposee à leur intention, & plusieurs d'entour elle. A ce conseil se tindrent ces Ambassadeurs del'Empereur: & tirerent tout droièt à Gand, nonobstant ce que leur auoit esté mādéd: dont ledièt Duc de Cleues en fut fort mal cōtent: toutesfois il ne sçauoit point encores la volonté des Dames. Il fut aduisé en leur cōseil qu'ilz seroyēt ouis: & fut dièt que, apres qu'ilz auroient dit leur creāce, ladiète Damoiselle leur diroit qu'ilz fussent les tresbien venus, & qu'elle mettroit en conseil ce qu'ilz luy auoyent dit, & puis leur feroit faire responce, & qu'elle ne diroit rien plus auant: & ainsi le conclud ladiète Damoiselle. Les Ambassadeurs dessusdiètz presenterent leurs lettres, quand il leur fut ordonné: & dirēt leur creance: qui estoit comme le mariage dessusdièt auoit esté cōclu entre l'Empereur & le Duc de Bourgogne son pere, & du sceu & consentement d'elle, comme apparoiſsoit par lettres escriptes de sa main: lesquelles ilz monstrerēt, & aussi le dyamant, qu'ilz disoyent auoir esté enuoyé & donné en signe de mariage : & requeroiyēt bien fort lesdiètz Ambassadeurs, de par leur maistre, qu'il pleust à ladiète Damoiselle accomplir ledièt mariage, en ensuyuant le vouloir & promesse de sōndièt Seigneur & pere, & la sienne aussi : & la sommerent deuāt les presens de declarer si elle auoit escript ladiète lettre ou non, & si elle auoit vouloir d'entretenir sa promesse. A ces paroles, & sans demander conseil, respōdit ladiète Damoiselle qu'elle auoit escript lesdiètes lettres, par le vouloir & commandement de son Seigneur & pere, & enuoyé ledièt dyamant,

dyamant, & qu'elle auouoit le contenu. Lesdictz Ambassadeurs la mercierent bien fort: & retournerēt ioyeux en leurs logis. Le Duc de Cleues fut fort mal content de ceste responce, qui estoit opposite de ce qui auoit esté cōclu au conseil: & remonstra fort à ladiète Damoiselle qu'elle auoit mal parlé. A quoy elle respondit qu'autrement elle ne le pouuoit faire: & que c'estoit chose promise: & qu'elle n'y pouuoit aller à l'encontre. Veues ces paroles, & qu'il cōgneut bien qu'il y en auoit plusieurs leans de l'opinion de ladiète Damoiselle, se delibera peu de iours apres, de se retirer en son païs, & de se deporter de la poursuite. Ainsi se paracheua ce mariage: car ce Duc Maximilian vint à Coulongne: ou aucuns des seruiteurs de ladiète Damoiselle allerent audeuant de luy: & croy bien qu'ilz le trouuerent malourny d'argent: & luy en porterent. car son pere estoit le plus parfaictement chiche homme, que Prince n'y autre qui ait esté de nostre temps. Le dessusdict filz de l'Empereur fut amené à Gand, accompagné de sept ou huit cens cheualx: & fut acheué ledict mariage: qui de prime-face ne porta point grande vtilité aux subiectz de ladiète Damoiselle: car, en lieu d'apporter argent, il leur en faisoit bailler. Leur nombre n'estoit point suffisant à vne telle puissance, que celle du Roy: & ne s'accordoyent pas fort leurs cōditions avec celles des subiectz de ceste maison de Bourgogne: lesquelz auoyent vescu soubz Princes riches, qui donnoyent de bons estatz, & tenoyent honnorable maison & pompeuse, tant en meuble qu'en seruice de table, habillemens pour leurs personnes & seruiteurs. Les Alemans sont fort au contraire: car ilz sont rudes, & viuent rudement.

Et ne fay nul doubte qu'avec grand & sage conseil, & encores aydant la grace de Dieu, fut faicte ceste loy & ordonnance en France que les filles ne heritoiēt point audiēt royaume, pour euitier qu'il ne fust en la main de Prince de nation estrange & d'estrangers. car à grand' peine les François l'eussent peu souffrir: & aussi ne font point les autres nations: & à la longue, il n'est nulle Seigneurie des grâdes, dont le païs à la fin ne demeure à ceulx qui sont du païs: & le pourrez voir par France: ou les Angloys ont eu grâde Seigneurie depuis quarante ans: & pour ceste heure n'ont plus que Calais, & deux petis chasteaux qui leur coustent beaucoup à garder. Le demourant ont perdu, beaucoup plus legerement qu'ilz ne le conquirent: & en ont plus perdu en vn iour qu'ilz n'en gaignerent en vn an. Et aussi se peut congnoistre par le royaume de Naples, & par l'isle de Cecille, & autres prouinces, q'les François ont possedees par longues annes: & pour toutes enseignes, n'y est memoire d'eulx que par les sepulcures de leurs predecesseurs. Et, encores que l'ô endurast de Prince de païs estrange, qui seroit en petite compagnie bien reiglee, & luy sage, si ne le peut l'on bien aisément faire de grand nôbre de gens: car s'il en amene avec luy grand nombre, ou qu'il en mande pour quelque occasion de guerre, ilz en ont aux subiectz, tant pour la diuersité des meurs & conditions que pour leurs violences, & qu'ilz n'ont l'amour au païs comme ont ceulx qui en sont nez, & sur tout quand ilz veulent auoir les Offices & Benefices, & les grans manimés du païs. Ainsi a bien à faire vn Prince d'estre bien sage, quand il va en païs estrange pour accorder toutes ses vielles: &

*petite digressiō  
sur la loy salu-  
que.*

*\* quatre cēs  
xxviii. aucl.*



si vn Prince n'est doué de ceste vertu, qui sur toutes les autres vient de la grace de Dieu seulement, quelque autre bien que l'on en sceust dire, rien n'est à estimer:& si l'on vit aage d'homme, il aura de grans troubles & affaires, & tous ceulx qui viuront ioubz luy: & par especial quand il viendra sur la vieillesse, & que ses hommes & seruiteurs n'y auront nulle esperance d'amendement.

Après que fut acheué le mariage dessusdict, leurs affaires n'en amenderent de gueres: car ilz estoient ieunes tous deux. Ledit Duc Maximilian n'auoit congnoissance de rien, tant pour sa ieunesse que pour estre en pais estrange: & aussi auoit esté mal nourry, au moins pour auoir congnoissance de grandes choses: & si n'auoit point de gens pour faire de grand effect: & alloit ce pais en grand trouble, & a esté iusques icy, & est apparent de faire. & est bien grand inconuenient à vn pais, comme i'ay dit, quand il fault qu'il quiere Seigneur de pais estrange: & fait Dieu grand grace au royaume de France de ceste Ordonnance, dont i'ay parlé dessus: c'est à sçauoir que les filles n'heritent point. Vne petite maison en peut accroistre: mais à vn grand royaume, côme cestuicy, n'en peut venir que tout inconuenient. Peu de iours apres ce mariage, se perdit ce pais d'Artoys, au moins en le traitât. Il me suffit de ne faillir point à la substance: & si ie faulx aux termes, côme vn moys plus ou moins, les liseurs m'excusent s'il leur plaist. Le fait du Roy amendoit tousiours: car il n'auoit nulle partie: & tousiours prenoit quelque place, s'il n'auoit quelque trefue, ou quelque ouuerture d'appointement: qui iamais ne se pouuoit accorder: car ilz n'estoyent point raisonnables, & pource leur deroit la guerre. Ce Duc Maximilian, & Madamoiselle de Bourgogne eurent vn filz le premier an: c'est l'Archiduc Philippe, qui regne de present. Le second an eurent vne fille, qui de present est nostre Royne, appelee Marguerite. Le tiers an vn filz appelé François, au nom du Duc François de Bretagne. Le quart an elle mourut, d'une cheure de cheual, ou d'une fièvre: mais vray est qu'elle cheut. Aucuns disent qu'elle estoit grosse. Ce fut grand dommage pour les siens: car elle estoit tresbonne Dame & liberale, & bien aymée de ses subiectz: & luy portoyent plus de reuerence & de crainte qu'à son mary. Aussi elle estoit Dame du pais. Elle aymoient fort sondict mary: & estoit Dame de bonne renommée. Laquelle mort aduint l'An mil quatre cens quatre vingtz & deux. En Haynault le Roy tenoit la ville de Quesnoy-le-Comte & celle de Bouchain: lesquelles il rendit: dont aucuns s'esbahirent: veu qu'il ne cherchoit nul appointement, & qu'il monstroient vouloir prendre le tout, sans rien laisser à ceste maison: & croy bien que, s'il eust peu tout departir & donner à son aise, & de tous pointz la destruire, qu'il l'eust fait: mais ce qui le meut à rendre ces places en Haynault furent deux choses, qu'il me dist depuis. La premiere qu'il disoit qu'il luy sembloit qu'un Roy ayme plus places de force & de vertu en son royaume, ou il est oingt & sacré, qu'il ne fait dehors de son royaume, & cecy estoit hors de son royaume. L'autre raison estoit qu'entre les Roys de France & Empereurs y a grans sermens, & confederations, de n'entreprendre rien l'un sur l'autre, & ces places (dont i'ay parlé) estoient situees en l'Empire: & furent restituées l'An mil quatre

cens

\* effort Ex.  
niell.

\* le sieil Ex.  
raye iusques à  
Ce Duc Ma  
xim.

\* a plus de  
force Ex. niell

\* qu'il n'a  
Ex. comp. niell.

cens septante sept. Pour cause semblable rendit Cambray, ou là mit en main neutre, content de la perdre : & aussi ilz auoyent mis le Roy dedans la ville en seureté.

*Comment le Roy Louis, par la conduicte de Charles d'Amboise, son Lieutenant, regaigna plusieurs villes de Bourgongne, que le Prince d'Orange auoit reuoltees contre le Roy. Chap. 4.*

**E**N Bourgongne se faisoit la guerre tousiours, & n'en pouuoit le Roy auoir le bout: pource que les Alemans faisoient quelque peu de faueur au Prince d'Orange, Lieutenant pour les susdictz, pour son argent, non point pour la faueur du Duc Maximilian. Car iamais homme ne setrouua pour luy audiect pais, au moins pour le temps de lors dont ie parle : mais estoient compaignons de guerre de ceste ligue de Suisses, qui alloient à leur aduerture : car ilz ne sont point amis, ne bien vucillans de la maison d'Autriche. Bien peu de secours en eut ledict pais de Bourgongne : mais beaucoup en eust eu, s'il y eust eu du payement : & nul ne le pouuoit mieulx faire que le Duc Sigismond d'Autriche, oncle dudit Duc Maximilian, qui auoit ses terres aupres, & par especial la Comté de Ferrette, qu'il auoit, peu d'annees deuant, vendue cent mille Florins de Rin au Duc Charles de Bourgongne, & puis l'auoit reprinsé, sans rendre l'argent, & la tient encores auourd'huy à cetiltre. Il n'y eut iamais en luy grand sens, ne grand honneur : & bien souuent il aduient qu'en telz amis se treuve bien peu d'ayde : & est des Princes, dont i'ay parlé ailleurs, qui ne veulent sçauoir de leurs affaires, sinon ce qu'il plaist à leurs seruiteurs leur en dire : qui sont tousiours payez à la vieillesse comme cestuicy dont ie fay mention. Ses seruiteurs luy ont fait tenir, durant ces guerres, tel party qu'ilz ont voulu : & quasi tousiours a tenu le party du Roy, nostre maistre, contre son nepueu. A la fin a voulu donner son heritage (qui est bien grand) en maison estrange, & l'oster à la sienne (car il n'eut iamais nulz enfans, & si a esté marié deux fois) & en la fin, depuis trois moys en ça, par autre bande de ses seruiteurs, a transporté toute la Seigneurie, & des à present, à sondict nepueu, ce Duc Maximilian, dont i'ay parlé à present, Roy des Romains : & retint seulement vne pension, comme la tierce partie, sans y auoir autre auctorité ne puissance : & plusieurs fois s'en est repenty, ce m'a l'on dit : &, s'il n'est vray ce que l'on m'a dit, il est à croire : & telle est la fin des Princes qui veulent viure bestialement. Et ce, qui me les fait tant blasmer, c'est la grande charge & grand office que Dieu leur a donné en ce monde. A ceulx, qui sont insensé, on ne leur doibt rien reprocher : mais ceulx, qui ont bon sens, & sont de leurs personnes bien disposez, & n'employent point le tēps à autre chose qu'à faire les folz & à estre oyfifz, on ne les doibt point plaindre quand mal leur aduient : mais ceulx qui departent le temps, & selon leur aage, vne fois en sens & en conseil, autresfois en festes & en plaisirs, ceulx là sont bien à louer, & les subiectz bien heureux d'auoir tel Prince.

*petite digression sur l'insensé de quelques Princes, par l'exemple de sigismond d'Autriche.*

Ceste guerre de Bourgongne dura assez longuement, pour les raisons de ces petites faueurs d'Alemans: toutesfois la force du Roy leur estoit trop grande. L'argent faillloit aux Bourguignons. Gens, qui estoient es places, se tournerent par intelligéce. Vn coup le seigneur de Cran assiegea la ville de Dole, Chef de la Comté de Bourgongne. Il estoit Lieutenant pour le Roy. Il n'y auoit point grans gens dedans, & les mesprisoit. Aussi mal luy en print. Car, par vne faille que firent ceulx de dedans, il se trouua tressoudainemēt surprins: & perdit vne partie de son artillerie, & des gens quelque peu. qui luy fut honte & charge enuers le Roy: lequel, estant marry de ceste aduerture, commença d'aduiser à mettre autre Gouverneur en Bourgongne, tant pour ce cas, que pour les grandes pilleries qu'il auoit faictes audict pais: qui, à la verité, estoient excessiues. Toutesfois, auant que d'estre desapointé de ceste charge, il eut quelque auantage sur vne bende d'Alemans & de Bourguignons: ou fut prins le seigneur de Chasteauguyon, le plus grād seigneur de Bourgongne. Le demeurant de ceste iournee ne fut point grand chose. Je n'en parle que par ouir dire: mais ledict seigneur de Cran y eut bon bruit de sa personne. Comme j'ay commecé à dire, le Roy delibera, pour les raisons dessusdictes, de faire Gouverneur nouveau en Bourgongne, sans en riens toucher aux profitz & biensfaictz dudit seigneur de Cran, fors des Gens-d'armes, qu'il luy osta, excepté six Hōmes-d'armes, & douze Archers, qu'il luy laissa pour l'accompaigner. Ledit seigneur de Cran estoit homme fort gras: & assez content, l'en alla en sa maison, ou il estoit bien appointé. Le Roy ordonna en son lieu messire Charles d'Amboise, seigneur de Chaumont, trefvaillant homme, & sage, & diligent: & commença ledict Seigneur à pratiquer de vouloir retirer tous les Alemans, qui luy faisoient la guerre en Bourgongne (non point tant pour s'en seruir que pour plus aisément conquerir le reste du pais) & de les mettre en sa soulede: & enuoya deuers les Suisses, qu'il appeloit messeigneurs des ligues: & leur offrit de grans & beaux partis. Premièrement vingt mille Francs l'an, qu'il donnoit au profit des villes: qui sont quatre: Berne, Lucerne, Suric, & croy que Fribourg y auoit part: & leurs trois Quantons (qui sont villages enuiron leurs montaignes) Suisse, de qui ilz portent tous le nom, Soleurre, & Ondreual aussi, y auoyent part. Item vingt mille Francs l'an, qu'il donnoit aux particuliers, & aux personnes de quoy il s'aidoit, & seruoit en ses marchez: & là se fait leur Bourgeois, & aussi leur premier allié, & en voulut lettres. A ce poinct firent aucune difficulté: pource que, de tous temps, le Duc de Sauoye estoit le premier allié: toutesfois ilz consentirent à ces demandes: & aussi de bailler au Roy six mille hommes, cōtinuellement, en son seruice, en les payant à quatre Florins & demy d'Alemaigne, le moys: & y a tousiours esté ce nombre, iusques au trespas dudit Seigneur. Vn pauvre Roy n'eust sceu faire ce tour: & le tour luy tourna à son grand profit: & croy qu'à la fin sera leur dommage: car ilz ont tant accoustumé l'argent, dont ilz auoyent petite congnoissance parauant, & specialement de monnoye d'or, qu'ilz ont esté fort prestz à se diuiser entre eulx. Autrement on ne leur scauroit nuire, tant sont leurs

terres

\* ces marches suisses.

terres aspres & pauvres, & eulx bons combatans: parquoy peu de gens es-  
fayeront à leur courre sus. Apres que ces traictez furent faictz, & que tous  
les Alemans qui estoient en Bourgongne, furent retirez au seruice & gai-  
ges du Roy, la puissance des Bourguignons fut de tous poinctz rompue: &  
pour abreger matiere, apres plusieurs neufues choses, faictes par le Gouver-  
neur monseigneur de Chaumont, il assiegea Rochefort, vn chasteau pres de  
Dolle, ou estoit messire Claude de \* Vaudré. Il le print par composition: &  
apres il assiegea Dolle, dont son predecesseur, en l'office, auoit esté leué, com-  
me i'ay dit: & fut prinse d'assault. On dit qu'aucuns Alemans, de ces nou-  
ueaux reuiuctz, cuiderent entrer pour la deffendre: mais en leur compai-  
gnie se mirent tant de Francz-Archers, sans entendre la malice, mais seule-  
ment pour gagner, que, quand ilz furent dedans, tout se print à piller: &  
fut la ville bruslee & destruiete. Peu de iours apres ceste prinse, il assiegea  
Aussonne, ville tresforte: mais il y auoit bonne intelligence dedans: & es-  
criuoit au Roy pour les offices, pour aucuns qu'il nommoit, auant que met-  
tre le Siege. ce que volontiers luy fut accordé. Combien que ie ne fusse  
point sur le lieu ou ces choses se faisoient, si le sceu ie par ce qu'on rappor-  
toit au Roy, & par lettres qu'on luy escriuoit: lesquelles ie voyoye souuent,  
pour en faire les responses par le commandement du Roy. Audiect Aussonne  
auoit peu de gens: & estoient les Chefz accordez avec ledict Gouver-  
neur: & ainsi, au bout de cinq ou six iours, fut la place rendue. Ainsi ne res-  
ta plus rien à prendre, en Bourgongne, que trois ou quatre Chasteaux-  
Rochers, comme \* Ieu, & autres, & auoir l'obeissance de Bezançon: qui  
est ville Imperiale, & ne doit rien au Comte de Bourgongne ou peu: mais,  
pource qu'elle est enclauée audiect pais, elle complairoit au Prince dudit  
pais. Ledit Gouverneur entra pour le Roy: & puis en faillit: & luy fei-  
rent tel deuoir qu'ilz auoyent accoustumé de faire aux autres Princes, qui  
auoyent possédé Bourgongne. Ainsi toute Bourgongne fut conquise: ou  
ledict Gouverneur fit bonne diligence: & aussi le Roy le sollicitoit fort:  
& craignoit que ledict Gouverneur ne voulüst auoir quelque place de sobe-  
issante audiect pais, à fin que l'on eust plus affaire à luy: & aussi à fin que le  
Roy ne le renuoyast point de là, pour l'en seruir ailleurs: car le pais de Bour-  
gongne est fertile, & il en faisoit comme s'il eust esté sien: & ledict seigneur  
de Cran, dont i'ay parlé, & luy, Gouverneur de Chaumont, y firent bien  
leur: besongnes tous deux. Vn peu demoura le pais en paix, soubz le gou-  
uernement dudit seigneur de Chaumont, toutesfois quelques places s'y  
rebellerent apres, comme Beaulne, \* Verdun & autres (& estoie lors pre-  
sent: & m'y auoit enuoyé le Roy avec les Pensionnaires de sa maison: & fut  
la premiere fois qu'il bailla Chef ausdictz Pensionnaires: & depuis a ac-  
coustumé ceste façon iusques à ceste heute) lesquelles places furent reprin-  
ses par le sens & conduicte dudit Gouverneur, & par la faulte du sens de  
ses ennemis. A cela voit on la difference des hommes: qui vient de gra-  
ce de Dieu. car il donne les plus sages à la part qu'il veult soutenir, ou le  
sens de les choisir à celuy qui en a l'auctorité: & a bien monstré, & fait ius-  
ques icy, qu'en toutes choses il a voulu soutenir noz Roys, tant celuy tref-

\* La Mer des  
H. du Vaul-  
dray, & les  
Ann. de Fran-  
ce aussi.

\* Iou ix. a. i. e. l.

\* Premier. a. i. e. l.  
ra e Verdun  
et mes Semur  
au deuant, sur  
un sem. a. l. e.  
mot rayé.

passé nostre bon maistre, comme cestuicy, combien que quelquefois leur ait donné des aduersitez. Ceulx, qui reperdirent ces places, estoient gens assez, combien que promptement ne se vindrent mettre dedans les places, qui s'estoyent ainsi rebelles pour eulx, mais donnerent temps, audict Gouverneur, de faire son amas. ce que faire ne deuoyent : car ilz sçauoyent assez de son estat, veu l'amour que le pais leur portoit : & pource ilz se deuoyent mettre dedans Beaulne : qui estoit forte ville : & si la pouoyent bien garder, & les autres non. Le iour que ledict Gouverneur se mit aux châps, pour aller deuant vne meschante petite ville, appelee Verdun, bien informé de leur estat, eulx y entrerent, cuidans aller à Beaulne pour se mettre dedans : & estoient, tant de cheual que de pied, six cens hommes elleus Alemans, & de la Comté de Ferrette, conduictz par aucuns sages Gentilz-hommes de Bourgongne : dont Simon de \* Quinchy en estoit vn. Ilz l'arrestèrent, à l'heure qu'ilz pouuoient bien passer, & se mettre audict Beaulne : qui n'eust point esté reprenable sur eulx, si vne fois ilz y eussent entré. Faulte de bon conseil les feit s'escourner vne nuit trop : ou ilz furent assiegez, & prins d'assault : & apres fut assiege Beaulne, & tout recouuert. Onques-puis n'eurent vigueur les ennemis en Bourgongne. Pour lors i'estoye audict pais, avec les pensionnaires du Roy, côme i'ay dit : & ledict Seigneur m'en feit partir, pour quelque lettre qu'on luy escriuit que \* i'espargnoye aucuns Bourgeois de Dyion, touchant le logis des Gés-d'armes. Cela, avec quelque autre petite suspicion, fut cause de m'enuoyer tressoubdainement à Florence. L'obey, comme raison estoit, & party des que i'eul lettres.

\* Quingy  
en ce lieu. lxx.  
u. el.

\* i'escruiroye  
à aucuns lxx.  
u. el.

*Comment le Seigneur d'Argenton, durant les guerres de la conqueste de Bourgongne, fut enuoyé à Florence : & comment il receut l'hommage de la Duché de Genes & du Duc de Milan, au nom du Roy.*  
Chap. 5.



En differēt, pourquoy m'enuoyoit le Roy, estoit pour le debat de deux grandes lignees, fort renommées pour ce temps. L'une estoit celle de Medicis : l'autre celle de Pacis : lesquelz, \* ayans le port du Pape & du Roy Ferrand de Naples, cuidèrent faire tuer Laurens de Medicis, & toute sa sequelle. Toutesfois, quant à luy, ilz faillirēt : mais tuerēt son frere Iulian de Medicis, en la grand' Eglise de Florence, & vn appelé \* Feuguinet, Noble, qui se mit deuant Iulian, & estoit seruiteur de la maison de Medicis. Ledit Laurens fut fort blecé, & se retira au reueustiaire de l'Eglise, dont les portes sont de cuyure, que son pere auoit fait faire. Vn seruiteur, qu'il auoit fait deliurer de prison, deux iours deuant, luy seruit biē à ce besoing, & receut plusieurs playes pour luy. Et fut fait ce cas à l'heure qu'on chantoit la grand' messe : & auoyēt leurs signes, pour tuer ce qui estoit ordonné, à l'heure que le prestre, qui chantoit la grand' messe, diroit le Sanctus. Il en aduint autrement que n'entendoyent ceulx qui l'auoyent entrepris : car, cuidans auoir tout gaigné, aucuns d'entre eulx monterent au Palais, pour cuidier tuer les Seigneurs qui y estoient : qui changent de trois moys en trois moys : & sont quelque neuf, qui ont toute l'administration de la cité : mais les entrepreneurs dessusdictz le trouuerent mal suyuis : & e-

stant

\* La suite s'ait  
entendre que  
ceste relatiō est  
pour les Pacis.  
P. 221

\* Franquin  
Noli exemp-  
nient, puisqu'ilz ap-  
prochent de  
Francesco No-  
ri, en l'histoi-  
re florissante de  
Machiavelle.

stans môtez les degrez dudiêt Palais, quelcun leur ferma vn huis apres eulx: & quand ilz se trouuerent en hault, ilz ne se trouuerent que quatre ou cinq, tous espouentez, & ne sceurent que dire. Quoy voyant les Seigneurs qui estoient en hault, & les seruiteurs, qui estoient avec eulx, regarderent par les fenestres, & veirent l'esmeute de la ville, & ouirent messire Jaques de Pacis, & autres, emmy la place, deuant lediêt Palais: lesquelz crioient, *Liberta, Liberta, & Popolo, Popolo*: qui estoient mortz pour ciider esmouuoir le peuple à leur partie. ce que lediêt peuple ne voulut faire, mais se tint quoy: & pourtant s'enfuit de ladicte place lediêt de Pacis & ses compagnons, comme cōfus de leur entreprinse. Voyans ces choses ces maistres & Gouverneurs de la ville, dont i'ay parlé, qui estoient en ce Palais, prindrent en ceste propre instance, ces cinq ou six (qui estoient montez, dont i'ay parlé, mal accompaignez & mal suiuis, en intention de tuer les Gouverneurs, pour pouuoir commander par la cité) lesquelz ilz feirent incontinent pendre & estrangler aux croisées dudiêt Palais: entre lesquelz fut pendu l'Archeuesque de Pise. Lesdiêtz Gouverneurs, voyans toute la ville se declarer pour eulx, & pour la part de Medicis, escriuirent incontinent aux passages que l'on print tout homme que l'on trouueroit fuyant, & qu'on leur amenast. Lediêt messire Jaques de Pacis fut prins sur la propre heure, & vn autre de par le Pape Sixte, qui auoit charge de Gens-d'armes soubz le Comte Hieronyme: lequel estoit de ceste entreprinse. Incontinent fut pendu lediêt de Pacis, avec les autres, ausdiêtz fenestres. L'autre seruiteur du Pape eut la teste tranchee: & plusieurs furent prins en la ville: lesquelz furent tous pendus à la chaulde (dont \* Francisque de Pacis en fut vn) & me semble qu'en tout estoient quatorze grans personnages pendus, & aucuns menus seruiteurs tuez par la ville.

P. 321

R. 321

\* Francisquin  
Remp. acil.

Peu de iours apres ce cas aduenue, i'arriuay audiêt lieu de Florence de par le Roy: & ne tarday gueres, depuis que party de Bourgogne, à y estre: car ie ne seiournay que deux ou trois iours avec madame de Sauoye, qui estoit sœur de nostre Roy: & me feit bien bon recueil: & de là allay à Milan ou pareillement seiournay deux ou trois iours, pour leur demāder des Gens-d'armes, pour secourir lesdiêtz Florentins desquelz estoient alliez pour lors. ce que liberallement ilz accorderent, tant à la requeste du Roy, que pour faire leur deuoir: & deslors fournirent trois cens Hommes-d'armes, & depuis en enuoyerent encores d'autres. Et, pour conclusion de ceste matiere, le Pape enuoya excommunier les Florentins, ce cas incontinent aduenue: & feit marcher l'armee, quand & quād, tant de luy que du Roy de Naples. Laquelle armee estoit belle & grosse, & en grand nombre de gens de bien. Ilz mirent le siege deuant la \* Chastellenie, pres de Senes, & la prindrent, & plusieurs autres places: & fut grand' aduenture que de tous poinctz lesdiêtz Florentins ne furēt destruiêtz: car ilz auoyent esté long temps sans guerre: & ne cōgnoissoient leur peril. Laurens de Medicis, qui estoit leur Chef en la cité, estoit ieune, & gouverné de ieunes gēs. On s'atrestoit fort à son opiniō ppre. Ilz auoyent peu de Chefz, & leur armee trespetite. Pour le Pape & le Roy Ferrand estoit Chef le Duc d'Vrbain, grand & sage hōme, & bon Capitaine. Aussi y estoient le seigneur Robert d'Arimini, qui depuis a esté grand hom-

\* Castellina  
Machia.

me, & le seigneur Constantin de Pesaro & plusieurs autres, avec les deux filz dudit Roy: c'est à sçauoir le Duc de Calabre, & le seigneur Dom Federic (qui tous viuent encores) & grand nombre d'autres gens de bien. Ainsi prenoient toutes les places qu'ilz assiegeoient: mais non pas si promptement qu'on feroit icy: car ilz ne sçauoient point si bien la maniere de prendre places, ne de les desfendre: mais de tenir vn Camp, & d'y mettre bon ordre, tant aux viures qu'autres choses, qui sont necessaires pour tenir les champs, ilz le sçauent mieulx que nous. La faueur du Roy leur feit quelque chose: mais non pas tant que i'eusse voulu. car ie n'auoye armee pour les aider: mais seulement auoye mon train. Je demouray audit lieu de Florence, vn an, ou en leurs terri-toires, & bien traité d'eulx & à leurs despens, & mieulx le dernier iour que le premier: & puis le Roy me manda m'en retourner: &, en passant à Milan, ie receu du Duc de Milan, qui est appelé Iehan Galeas, l'hommage de la Duché de Gênes, au moins de madame la mere: qui me feit hommage pour luy au nom du Roy: & de là vein vers le Roy, nostre maistre: qui me feit bonne chere & bon recueil, & m'entremist de ses affaires plus que n'auoit fait iamais, moy couchant avec luy, combien que n'en fusse point digne, & qu'il en auoit assez d'autres plus idoines: mais il estoit si sage que l'on ne pouuoit faillir avec luy, mais qu'on luy obeïst à ce qu'il commandoit, sans rien y ad-iouster du sien.

*De retour de monsieur d'Argenton d'Italie en France: & de la iour-  
nee de Guinegate. Chap. 6.*

**L**E trouuay vn peu le Roy nostre maistre enuicilly, & cōmençoit à se disposer à maladie: toutesfois il n'y parut point si tost: & cō-duisoit toutes ses choses par grand sens: & encores luy duroit la guerre de Picardie: laquelle il auoit tresfort à cœur: & aussi auoyēt ses aduersaires audit pais, s'ilz en eussent eu le gouuernement. Le Duc\* d'Autriche, de present Roy des Rommains, ayant pour ceste annee là les Flamens à son commandement, vint assieger Therouenne: & monseigneur des Cordes, Lieutenant pour le Roy en Picardie, amassa toute l'armee que le Roy auoit audit pais, & en toutes les frontieres, & huit mille Francz-Archers, & l'alla secourir. Tantost apres que le Duc d'Autriche le sentit approcher, il leua son siege, & luy alla au deuant: & se rencontrerent en vn lieu appelé Guinegate. Ledit Duc auoit grand nombre de peuple dudit pais de Flandres, iusques à vingt mille ou plus, & aussi quelque peu d'Ale-mans, & quelque trois cens Angloys, que menoit messire Thomas\* Abri-gā, Cheualier d'Angleterre: qui auoit seruy le Duc Charles de Bourgongne. Les Gens-de-cheual du Roy, qui estoient en plus grand nombre, de beau-coup, que les autres, rompirent les Gens-de-cheual du Duc, & les chacerent iusques à Ayre, & Philippe monseigneur de Rauastin, qui les menoit. Le Duc se ioignit aupres de ses Gens-de-pied. Le Roy auoit en ceste armee bien\* on-ze cens Hommes-d'armes d'ordonnance. Tous ne chacerent point: mais monseigneur des Cordes, qui estoit Chef, chacea, & monseigneur de Tor-cy avec luy: &, combien que ce fust fait vaillamment, si n'appartient il point

\* Duc pour  
Archeduc.

\* Aurigen  
ex-dit.

\* cinq cens  
comp.ueil.



point aux Chefz de l'Auantgarde & Arrieregarde de chacer. Aucuns se retirèrent, soubz couleur d'aller garder leurs places, & les autres fuirent à bon escient. Les Gens-de-pied dudiect Duc ne fuirent point: si en furent ilz en quelque bransle: mais ilz auoyent avec eulx bien deux cens Gentilz-hommes de bonne estoife à pied, qui les conduisoient: & estoient de ce nombre monseigneur de Romont, filz de la maison de Sauoye, & le Comte de Nanslau, & plusieurs autres qui encores viuēt. La vertu de ceulx là feit tenir bon à ce peuple. qui fut merueille: veu qu'ilz voyoyent fuir les Gens-de-cheual. Les Francs-Archers, qui estoient pour le Roy, se mirent à piller le charroy dudiect Duc, & ceulx qui le luyuoient, comme viuandiers & autres. Sur eulx faillirent quelque peu de Gens-de-pied dudiect Duc, & en tuerent quelque nombre. De la part dudiect Duc il y eut plus de perte que de la nostre, & de gens prins & mortz: mais le Camp luy demoura: & croy bien que, s'il eust eu conseil de retourner deuant Therouenne, n'eust trouué ame dedans, & autant en Arras. il ne l'osa entreprendre. qui fut à son dommage: mais en tel cas on n'est pas tousiours aduertuy du plus necessaire: & aussi il auoit des craintes de son costé. Je ne parle de ce propos que par ouïr dire, car ie n'y estoye pas: mais, pour cōtinuer ma matiere, m'en a falu dire quelque chose. I'estoye avec le Roy, quand les nouuelles luy en vindrēt: & en fut tresdolent: car il n'auoit point accoustumé de perdre: mais estoit si heureux en toutes ses faictz, qu'il sembloit q̄ toutes choses allassent à son plaisir: mais aussi son sens aidoit biē à luy faire venir cest heur: car il ne mettoit riē en hazard: & ne vouloit pour riē chercher les batailles: & ceste cy n'estoit point aduenue de son cōmandement. Il faisoit ses armées si grosses qu'il se trouuoit peu de gēs pour les combattre: & estoit bien garny d'artillerie, & mieulx que iamais Roy de France: & aussi essayoit de soubdainement prendre les places, & par especial celles qu'il sentoient mal \* fermées: & quand il les auoit, il y mettoit tant de gens & d'artillerie, que c'estoit chose impossible de les reprendre sur luy: & s'il y auoit dedans quelque forte place vn Capitaine ou autre, qui eust pouuoir de la bailler pour argent, & qu'il voulüst pratiquer avec luy, il pouuoit estre seur qu'il auoit trouué marchant: & ne l'eust on sceu espouenter à luy demander grande somme: car liberalement l'accordoit. Il eut effroy de prime-face de ceste bataille, cuidant qu'on ne luy eust dit la verité, & qu'elle fust de tous poinctz perdue: car il sçauoit bien que, si elle eust esté perdue, qu'il auoit perdu tout ce qu'il auoit conquis sur ceste maison de Bourgōgne, & en ces marches là, & le demourant en grand hazard: toutefois, quand il sceut la verité, il eut patience, & delibera d'y donner ordre, en façon qu'on n'entreprendroit plus telles choses sans son sceu: & fut content de monseigneur des Cordes. De ceste heure là, le Roy delibera de traicter paix avec le Duc d'Autriche, mais qu'il la peust faire de tous poinctz à son auantage, & qu'en la faisant il bridast si bien lediect Duc, par le moyen de ses subiectz propres, qu'il congnoistoit enclins à ce qu'il cerchoit, qu'il n'eust iamais pouuoir de luy mal faire. Aussi desiroit de tout son cœur, de pouuoir mettre vne grand police au royaume, & principalement sur la longueur des proces: & en ce passage vint brider ceste court de Parlement, non point di-

\* fournies  
Exemplum.

*Deliberatio  
du  
Roy sur la poli  
ce des procez,  
coustumes, poiz  
& mesures.*

minuant leur nombre ne leur autorité : mais il auoit contre cœur plusieurs choses, dont il la hayoit. Aussi desiroit fort qu'en ce royaume on vîst d'une coustume, d'un poiz, d'une mesure : & que toutes les coustumes fussent mises en François, en vn beau liure, pour euitier la cautelle & la pillerie des Aduocatx : qui est si grande en ce royaume q' nulle autre n'est semblable : & les Nobles d'iceluy la doiuent bien cōgnoistre : & si Dieu luy eust donné la grace de viure encores cinq ou six ans, sans estre trop pressé de maladie, il eust fait beaucoup de bien à sondict royaume. Aussi l'auoit il fort oppressé, & plus que iamais Roy ne feit : mais, par autorité & remōstrances, l'on ne luy a sceu faire le soulager : & faloit qu'il vît de luy, cōme lors eust fait, si Dieu l'eust voulu préserver de maladie : & pource fait bon bien faire tādīs qu'on a loisir, & q' Dieu donne santé & entendement aux hommes.

L'appointemēt que le Roy desiroit faire avec le Duc d'Austriche & sa femme, & leur pais, c'estoit, p la main des Gandois, de traicter le mariage de mōseigneur le Daulphin son filz, à present Roy, avec la fille desdictz Duc & Duchesse : & q' par ce moyen luy laissassent les Cōtez de Bourgōgne, Auxerrois, Mafconnois, & Charolois, & il leur rēdroit Artois, retenāt la cité d'Arras en l'estat qu'il l'auoit mise : car de la ville ce n'estoit plus rien : veu la closture de la cité. car, auant q' le Roy print Arras, la ville cloyoit cōtre la cité, & y auoit grans fossez, & grandes murailles entre deux. Ainsi la cité estoit bien close, & tenue du Roy, par l'Euesque : & en cela, le Roy auoit fait au contraire des Seigneurs de ceste maison de Bourgongne : car ilz ont tousiours, au moins puis cent ans en ça, fait Euesque tel qu'il leur à pleu, & aussi Capitaine de la ville : & le Roy feit l'opposite, pour augmēter son autorité : & feit abbatre lesdictes murailles, & les faire à rebours : car pour ceste heure derniere, la cité cloyoit contre la ville, à grās fossez entre les deux : & par ainsi il ne dōnoit rien : car la ville auourd'huy fault qu'elle obeisse à la cité. De la Duché de Bourgōgne & de la Cōté de Boulongne, & des villes assises & situees sur la riuier de Sōme, des Chastellenies de Peronne, Roie & Mondidier, ne faisoient aucune mention : & se menoyent ces marchez : & y prestoyēt ceulx de Gād l'oreille : & estoient fort rudes audiēt Duc & à la Duchesse sa femme : & aucunes autres des grādes villes de Flandres & Brabant : qui estoient assez enclines à la volōté des Gadois : & par especial Brucelles : qui estoit tant riche q' merueilles : veu q' les Ducz Philippe & Charles de Bourgōgne y auoyent tousiours demouré, & à present sy tenoyent encores lesdictz Duc & Duchesse d'Austriche : mais les aises & plaisirs qu'ilz auoyent eu, soubz les Seigneurs dessusdictz, leur auoyent fait mescongnoistre Dieu, & leur Seigneur, & cerchoyent quelque malefortune, qui depuis leur est aduenue, comme auez veu.

*Comment le Roy Louis, par vne maladie, perdis aucunement le sens & la parole, guerissant & rencheant par diuerses fois : & cōme il se maintenoit en son chasteau du Plessis lez Tours.*

*Chap. 7.*

1479.



Vrāt ce temps, qui est l'an quatre cens soixant, & dixneuf, au moys de Mars, estoient trefues entre les dessusdictz, & vouloit le Roy paix, & par especial en ce quartier dōt ie parle, mais que ce fust de tous poinctz à son auantage, cōme i'ay dit. Il cōmençoit à vicillir, & deue-

& deuenoit malade:& luy estant aux Forges pres Chynon, à son disner, luy vint comme vne perclufion:& perdit la parole. Il fut leué de table, & tenu pres du feu, & les fenestres closes : & , combien qu'il s'en vouldist approcher, l'on l'en garda, aucuns qui pensoient bien faire : & fut l'an mil quatre cens quatre vingtz au mois de Mars que ceste maladie luy print. Il perdit de tous poinctz la parole, & toute cõgnoissance & memoire. Sur l'heure y arriua les, vous, monseigneur de Vienne, qui pour lors estiez son Medecin:& , à la mesme heure, luy fut baillé vn clistere, & feistes ouurir les fenestres & bailler air: & incontinent quelque peu de parole luy reuint, & du sens : & monta à cheual, & retourna aux Forges, car ce mal luy print en vne petite parroisse, à vn quart de lieue de là, ou il estoit allé ouir messe. Ledit Seigneur fut bien pense:& faisoit des signes de ce qu'il vouloit dire. Entre les autres choses demanda l'Official de Tours pour se confesser:& fait signe que l'on me mandast: car i'estoye allé à Argenton: qui est à quelques dix lieues de là. Quand i'arriuai ie le trouuai à table:& estoit avec luy maistre Adam Fumee, qui autrefois auoit esté Medecin du feu Roy Charles, & à ceste heure dont ie parle, Maistre des Requestes, & vn autre Medecin, appelé maistre Claude. Il entendoit peu de ce qu'on luy disoit: mais, de douleur, il n'en sentoit point. Il me fit signe que ie couchasse en sa chambre. Il ne formoit gueres de motz. le le seruy par l'espace de \* quarâte iours à la table, & à l'entour de sa personne, comme Varlet-de-chambre: que ie tenoye à grand hõneur:& y estoye bien tenu. Au bout de deux iours la parole luy commença à reuenir & le sens : & luy sembloit que personne ne l'entendoit si bien que moy. parquoy vouloit que ie fusse tousiours aupres de luy:& se confessâ audiect Official, moy present: car autrement ne se fussent entendus. Il n'auoit point grandes paroles à dire: car il s'estoit confessé peu de iours au parauant: pource que, quand les Roys de France veulent toucher les malades des escrouelles, ilz se confessent, & luy n'y failloit iamais vne fois la sepmaine. si les autres ne le fõt, ilz sont tresmal: car tousiours y a largement malades. Comme il se trouua vn peu amendé, il commença à s'enquerir qui estoient ceulx, qui l'auoyent tenu par force qu'il n'estoit allé à la fenestre. Il luy fut dict: & incontinent les chacea tous de sa maison. A aucuns osta leurs Offices, & onques puis ne les veit. Aux autres, comme mōseigneur de Segre, & Gilbert de \* Grassay, seigneur de Champeroux, n'osta rien, mais les enuoya. Beaucoup furent esbahis de ceste fantasia, blasmans ce cas, disans qu'ilz l'auoyent fait pour le meulx:& disoyent vray: mais les imaginations des Princes sont diuerles:& ne le peuuent pas entendre tous ceulx qui se messent d'en parler. Il n'estoit adonques rien dõt il eust si grãd crainte, que de perdre son autorité, qu'il auoit bien grãde, & qu'on luy desobisist en quelque chose que ce fust. D'autre part il sçauoit que le Roy Charles, son pere, quand il print la maladie, dont il mourut, entra en imagination qu'on le vouloit empoisonner, à la requeste de son filz, & sy mit si auant qu'il ne vouloit plus manger: parquoy fut aduisé par le conseil des medecins, & ses plus grans & speciaulx seruiteurs, qu'on le feroit mager par force:& ainsi fut fait, par grande deliberation & ordre des personnes qui le seruoient: & luy fut mis des coulises en la bouche:& peu apres ceste force ledict Roy Char-

1480

\* quinze Ex.  
niel.\* Il en nomme  
un parauant  
de Grassay  
qui pourroit  
estre: c'est  
pourquoy  
l'on prouoie  
l'eust malade,  
approchant  
de la dispen-  
sation.

les mourut. Ledit Roy Louis, qui de tout temps auoit beaucoup blasmé ceste façon, print tant à cœur que merueilles ce qu'ain si on l'auoit tenu par force: & en faisoit plus de semblant qu'il ne luy tenoit au cœur: car le principal

\* fond Exem.  
niel.

\* faict de ceste matiere, qui le mouuoit, estoit de paour qu'on ne le voullist maistrer en toutes autres choses, comme en expedition de ses affaires & matieres, soubz couleur de dire que son sens ne fust pas bon ne suffisant.

Quand il eut fait cest espouementement à ceulx, dont i'ay parlé, il s'enquist de l'expeditiō du cōseil, & des despeschés qu'on auoit faictes en dix ou douze iours qu'il auoit esté malade, dont auoyent la charge l'Euesque d'Alby, son frere le Gouverneur de Bourgongne, le Marechal de Gié, & le seigneur du Lude: car ceulx là se trouuerent à l'heure que son mal luy print, & estoient tous logez soubz sa chambre, en deux petites chambrettes qu'il y auoit: & voulut voir les lettres & choses qui estoient arriuees, & qui arriuoyent chascune heure. L'on luy monstroit les principales, & ie les luy lisoye. Il faisoit semblant de les entendre, & les prenoit en sa main, & faisoit semblant de les lire, combien qu'il n'eust aucune congnoissance: & disoit quelque mot, ou faisoit signe des responses qu'il vouloit qui fussent faictes. Nous faisions peu d'expeditions, en attendant la fin de ceste maladie: car il estoit maistre avec lequel il falloit charier droit. Ceste maladie luy dura bien enuiron quinze iours: & se reuint, quant au sens & à la parole, en son premier estat: mais il demoura tressoible, & en grande suspicion de retourner en cest inconuenient: car naturellement il estoit enclin à ne vouloir bien souuent croire le conseil des Medecins. Tantost apres qu'il se trouua bien à son aise, il deliura le Cardinal Ballue, qu'il auoit tenu quatorze ans prisonnier, & maintes fois en auoit esté requis du siege Apostolique & d'ailleurs: & à la fin s'en feit absouldre d'un Bref, enuoyé par nostre saint pere le Pape à sa requeste. Quand ce mal luy print, ceulx, qui pour lors estoient avec luy, le tindrent pour mort: & ordonnerent plusieurs mandemens, pour rompre vne trefexcessiue taille, & cruelle, que nouuellement il auoit mise sus, par le cōseil de monseigneur des Cordes son Lieutenant en Picardie, pour entretenir

\* vingt  
mille.

\* dix mille Hommes-de-pied, tousiours prestz, & deux mil cinq cēs Pionniers: & s'appeloyēt ces gens icy les Gens-du-Cāp: & ordōna avec eulx quinze cēs Hommes-d'armes de son Ordōnāce, pour descēdre à pied quād il seroit besoīn, & si fait faire grand nōbre de chariotz, pour les elorre, & des têtes & pauillōs: & pnoit cecy sur l'Ost du Duc de Bourgōgne, & couloit ce cāp \* quinze mille Frācs l'an. Quand il fut prest, il l'alla voir mettre au pres du Pōt-de-l'Arche, en Normādie, en vne vallee qui y est: & y estoient les six mille Suisses dōt i'ay parlé: & ce nōbre iamais q ceste fois ne le veit: & s'en retourna à Tours: auquel lieu luy reprint sa maladie, & de rechef perdit la parole: & fut quelques deux heures qu'on cuidoit qu'il fust mort: & estoit en vne galerie couché sur vne paillace, & plusieurs avec luy. Mōseigneur du Bouchage & moy le vouāsmes à mōseigneur S. Claude: & tous les autres, qui estoient presens, le vouerēt aussi. Incontinent la parole luy reuint: & sur l'heure, alla par la maison tressoible: & fut ceste secōde maladie, l'an mil quatre cēs quatre vingtz & vn: & alloit par paīs cōme deuant: & alla chez moy à Argenton (là ou il fut vn moys

fort

foit malade)& delà à Tours,ou semblablemēt fut malade:& là entreprint le voyage de sainct Claude, ou il auoit esté voué, comme vous auez ouy. Il m'auoit enuoyé en Sauoye, comme il partit de Tours, contre les Seigneurs de la Chambre, de Myolant, & de Bresse, combien qu'il leur aidoit en secret, pource qu'ilz auoyēt prins le seigneur de\* Lins du Daulphiné, lequel il auoit mis au gouuernement du Duc Philebert son nepueu : & enuoya apres moy grand force de Gens-d'armes, que ie menoye à Maseon contre monseigneur de Bresse:touteffois luy & moy nous accordasmes en secret:& prit lediēt seigneur de la Chambre\* couché avec lediēt Duc à Thurin en Piedmont ou il estoit, & me le feit sçauoir:& incontinent ie fey retirer les Gens-d'armes: car il amena le Duc de Sauoye à Grenoble, ou mōseigneur le Marechal de Bourgogne, Marquis de Rothelin, & moy, l'allasmes receuoir. Le Roy me manda venir vers luy à Beauieu en Beauuiolois: & fu esbahy de le voir tāt maigre & deffaict: & m'esbahissoye comment il pouuoit aller par païs: mais son grād coeur le portoit. Audiēt lieu de Beauieu il receut lettres cōme la Duchesse d'Autriche estoit morte d'une cheute de cheual: car elle cheua choit vn Hō bin ardent. il la feit cheoir: & tomba sur vne grād' piece de bois. Aucuns disent que ce ne fut poit de la cheute, mais d'une fièvre. Quoy qu'il en soit, elle mourut peu de iours apres ladiēt cheute : & fur vn tresgrād dommage pour ses subiectz & amis : car onques-puis n'eurent bien ne paix. car ce peuple de Gand, & autres villes, l'auoyent en plus grand' reuerence que le mary: a cause qu'elle estoit Dame du païs: & aduit ce cas l'an mil quatre cēs quatre vingtz & deux. Lediēt Seigneur me compta ces nouuelles, & en tresgrande ioye : & ausi que les deux enfans estoeyēt demourez en la garde des Gadois: lesquels il congnoissoit enclins à noïe & diuision, contre ceste maison de Bourgogne: & luy sembloit auoir trouué l'heure : pource q̄ le Duc d'Autriche estoit ieune, & pource qu'il auoit encores pere, & guerre par tout, & estoit estrange, & mal accompagné : car l'Empereur son pere estoit trop extremement chiche: parquoy auoit moins de faueur à la verité.

Des l'heure commença le Roy à pratiquer les Gouverneurs de Gand, par monseigneur des Cordes, & traicter le mariage de mōseigneur le Daulphin, & de la fille dudiēt Duc, à present nostre Royne, appelee Marguerite : & s'adressoit on du tout à vn pensionnaire de ladiēt ville, appelé Guillaume Rique, sage homme, & malicieux, & à vn autre appelé\* Coupe Nole, Clerc des Escheuins: qui estoit chaussefier, ayant grand credit avec le peuple. Car gēs de telle taille l'y ont, quand ilz sont ainsi desordonnez. Le Roy l'en retourna à Tours: & s'enfermoit fort, & tant que peu de gens le voyoyent : & entra en merueilleuse suspicion de tout le monde : & auoit paour que l'on ne luy ostast ou diminuast son autorité. Il recula de luy toutes gens qu'il auoit accoustumez, & les plus prochains qu'il eut iamais, sans rien leur oster : & allerent leurs Offices & charges, ou en leurs maisons : mais ce cy ne dura gueres: car il ne vesquit point longuement. Et feit de bien estranges choses: dont ceulx, qui le voyoyent, le tenoyent à estre desnüé de sens: mais ilz ne le congnoissoyent point. Quant à estre suspitionneux, tous les grans Princes le sont, & par especial les sages, & ceulx qui ont eu beaucoup d'ennemis, &

\* Luy au  
Daulphiné  
aemp. auet.

\* Teniel exf.  
roye couche,  
et met cōcia  
liū avec cy.

Mort de la Du-  
chesse d'Autri-  
che.

1482

\* Coup Nole  
ble a. auet.

offensé plusieurs, comme auoit fait cestuicy. Et, d'auantage, il sçauoit n'estre point aymé des grâs personages de ce royaume, ne de beaucoup de menus: & si auoit plus chargé le peuple que iamais Roy ne feit, combien qu'il eust bon vouloir de le delcharger, comme i'ay dit ailleurs: mais il deuoit commencer plus tost. Le Roy Charles septieme fut le premier, par le moyen de plusieurs sages & bons Cheualiers qu'il auoit, qui luy auoyent aidé & seruy à sa conqueste de Normandie & de Guyenne, que les Angloys tenoyét, qui gaigna & commença ce point, qui est d'imposition de tailles à son plaisir, sans le consentement des Estats de son royaume: & pour lors y auoit grandes manieres, tant pour garnir les païs conquis, que pour departir les gens de compagnies, qui pilloyent le royaume: & à cecy se consentirent les Seigneurs de France, pour certaines pensions qui leur furent promises, pour les deniers, qu'on leueroit en leurs terres. Si ce Roy eust tousiours vescu, & ceulx qui lors estoient avec luy en son conseil, il eust fort auancé à ceste heure: mais à ce qui est aduenü depuis & aduiendra, il chargea fort son ame & celle de ses successeurs: & mit vne cruelle playe sur son royaume, qui longuemét seignera, & vne terrible bende de Gens-d'armes de soulde, qu'il institua à la guise des Seigneurs d'Italie. Ledit Roy Charles septieme leuoit, à l'heure de son trespas, dixhuiët cens mille Francs, en toutes choses, sur son royaume, & tenoit enuiron dixsept cens hommes d'Ordonnance pour tous Gens-d'armes: & ceulx là en bonne iustice, à la garde des prouinces de son royaume: qui de long temps auant sa mort ne cheuaucherent par le royaume: qui estoit grand repos au peuple: & à l'heure du trespas du Roy nostre maistre, il leuoit quarante sept cens mille Francs: d'Hommes-d'armes quelques quatre ou cinq mille, Gens-de-pied, tant pour le camp, que des Mortes-payes, plus de vingt cinq mille. Ainsi ne se fault esbahir s'il auoit plusieurs pensees & imaginations, & s'il pensoit de n'estre point bien voulu: & s'il auoit grand' pueur en ceste chose, aussi auoit il esperance en plusieurs de ceulx, qu'il auoit nourris, & qui auoyent receu biens de luy. De ceulx là eust il trouué vn grand nombre, qui pour la mort ne luy eussent fait faulte. En premier lieu il n'entroit gueres de gens dedans le Plessis-du-parc (qui estoit le lieu ou il se tenoit) exceptez gens domestiques, & les Archers, dont auoit quatre cens, qui en bon nombre faisoient tous les iours le guet, & se pourmenoyent par la place, & gardoyent la porte. Nul seigneur, ne grand personnage, ne logeoit dedans, ne n'y entroit gueres compagnie de grans seigneurs. Nul n'y venoit que monseigneur de Beauieu, de present Duc de Bourbon, qui estoit son gendre. Tout à l'enuiron de la place dudit Plessis il feit faire vn treillis de gros barreaux de fer, & planter dedans la muraille des broches de fer, ayans plusieurs poinctes, comme à l'entree par ou l'on eust peu entrer aux fosses dudit Plessis. Aussi feit faire quatre moyneaux de fer bien espes, & lieu par ou l'on pouuoit bien tirer à son aise: & estoit chose bien triomphante: & cousta plus de vingt mille francs: & à la fin mit quarante Arbalétriers: qui iour & nuict estoient en ces fosses, & auoyent commission de tirer à tout homme qui en approcheroit de nuict, iusques à ce que la porte fust ouuerte le matin. Il luy sembloit d'auantage que ses subiectz estoient vn peu

peu chatouilleux à entreprendre autorité, quand ilz verroyent le temps. A la verité il fut quelques paroles entre aucuns d'entrer en ce Plessis, & despescher les choses, selon leur aduis, pource que riens ne se despeschoit: mais ilz ne l'oserent entreprendre, dont ilz feirent sagement: car il y auoit bien pourueu. Il changeoit souuent de Varlet-de-chambre & de toutes autres gés, disant q' la nature s'esuiuit en choses nouuelles. Pour cōpaignie tenoit leans vn hōme ou deux, aupres de luy, gés de petite cōdition, & assez mal renōmez, & à qui il pouuoit biē sembler, s'ilz estoient sages, qu'incontinēt qu'il seroit mort, ilz seroyēt desappointez de toutes choses, pour le mieulx qui leur en sçauoit venir: & ainsi en aduint. Ceulx là ne luy rapportoyēt riens de quelq' chose qu'on luy escriuist ne mandast, de quelques affaires que ce fust, s'il ne touchoit à la preferuation de l'estat & defense du royaume: car de toute autre chose il ne luy chaloit que d'estre en trefue, ou en paix, avec chascun. A son Medecin donnoit tous les moys dix mille Escus: qui en cinq moys en receut cinquante quatre mille. De terres donna grande quantité aux Eglises: mais ce don de terres n'a point tenu. aussi ilz en auoyent trop.

*Comment le Roy feut venir à Tours vn nommé le Saint-hōme de Calabre, pensant qu'il le deust guerir: & des choses estranges que faisoit ledict Roy, pour garder son autorité durant sa maladie.*

Chap. 8.

**E**Ntre les hommes renommez de deuotion, il enuoya querir vn homme en Calabre, appelé frere Robert \* le Roy. on l'appelloit le Saint-homme, pour sa sainte vie: en l'honneur duquel le Roy de present feit faire vn monastere au Plessis-du-parc, en recompense de la Chappelle pres du Plessis, au bout du pōt. Ledit Hermite, en l'aage de douze ans, s'estoit mis soubz vn roc, ou il estoit demouré iusques en l'aage de quarante & trois ans, ou enuiron, & iusques à l'heure que le Roy l'enuoya querir par vn sien Maistre-d'hostel, en la compaignie du Prince de Tarente, filz du Roy de Naples: car il ne vouloit partir sans congé du Pape, ne de son Roy: qui estoit sens à ceste simple personne: lequel auoit fait deux Eglises au lieu ou il demouroit. Iamais n'auoit mâté, ny n'a encores, depuis qu'il se mit en ceste estroicte vie, ne chair ne poisson, n'œuf, ne laiçtage, ne nulle gresse: & ne pense iamais auoir veu hōme viuant de si sainte vie, ne ou il semblast mieulx q' le Saint-esprit parlast par sa bouche: car il n'estoit Clere ne lettré, & n'apprent iamais rien. vray est q' la langue Italienne luy aidoit biē à se faire esmeruiller. Ledit Hermite passa par Naples, honoré & visité, au tant qu'un grād Legat Apostolique, tant du Roy que de ses enfans: & parloit avec eulx, cōme vn hōme nourry en Court. De là passa par Rōme: & fut visité de tous les Cardinaulx: & eut audience avec le Pape, par trois fois, seul à seul: & fut assis aupres de luy, en belle chair, l'espace de trois ou quatre heures, à chascune fois (qui estoit grand honneur à vn si petit hōme) respondāt si sagement q' chascun s'en esbahissoit: & luy accorda nostre saint pere faire vn ordre, appelé les Hermites S. François. De là vint deuers le Roy, honoré cōme s'il eust esté le Pape, se mettant à genoulx deuant luy, à fin qu'il luy pleust faire alonger sa vie. Il respondit ce que sage homme deuoit respondre. le l'ay

\* Le ueril est, fait un point apres Robert. puis met Le Roy l'appelloit.



maintefois ouy parler deuant le Roy, qui est de present, ou estoient tous les grans du royaume, & encores puis deux moys : mais il sembloit qu'il fust inspiré de Dieu es choses qu'il disoit & remonstroit : car autrement n'eust sceu parler des choses, dont il parloit. Il est encores vif : parquoy se pourroit bien changer ou en mieulx ou en pis : & pource m'en tay. Aucuns se moquoient de la venue de cest Hermite, qu'ilz appelloyent Saint-homme : mais ilz n'estoyent point informez des penſées de ce sage Roy, n'y n'auoyent veu les choses qui luy donnoient l'occasion.

Nostre Roy estoit en ce Plessis, avec peu de gens, sauf Archers, & en ces suspitions dont i'ay parlé : mais il y auoit pourueu : car il ne laissoit nulz hommes ; ny en la ville ny aux champs, dont il eust suspicion, mais par Archers les en faisoit aller & conduire. De nulle matiere on ne luy parloit, que des grandes qui luy touchoyent. Il sembloit mieulx à le voir homme mort que vif, tant estoit maigre : ne iamais homme ne l'eust creu. Il se vestoit richement, & plus que iamais n'auoit accoustumé parauant : & ne portoit que robbes de satin cramosy, fourrees de bones Martres : & en donnoit à ceulx qu'il vouloit sans demander : car nul ne luy eust osé demander, ne parler de rien. Il faisoit d'aspres punitions, pour estre craint, & de paour de perdre obeissance : car ainsi le me dist luy mesme. \* Il renuoyoit officiers, & cassoit Gens-d'armes, rongnoit pensions, & ostoit de tous poinctz : & me dist, peu de iours auant sa mort, qu'il passoit temps à faire & defaire gens : & faisoit plus parler de luy parmy le royaume que ne feit iamais Roy : & le faisoit de paour qu'on ne le tint pour mort : car, comme i'ay dit, peu le voyoyent : mais quand on oyoit parler des œures qu'il faisoit, chascun en auoit doubte : & ne pouuoit l'on à peine croire qu'il fust malade. Hors le royaume auoit gens de tous costez : en Angleterre pour entretenir ce mariage : & les payoit bien de ce qu'il leur debuoit, tant le Roy Edouard que les particuliers. En Espagne auoit toutes paroles d'amytié & d'entreteneement : & presens par tout de tous costez. Il faisoit acheter vn bon cheual, quoy qu'il coustast, ou vne bonne mule : mais c'estoit en pais ou il vouloit qu'on le cuidast sain : car ce n'estoit point en ce royaume. Des chiens, en enuoyoit querir par tout : en Espagne des Allans : de petites Leurettes en Bretagne, Leuriers, Espaigneux : & les achetoit cher : en Valence de petits Chiens velus, qu'il faisoit acheter plus cher que les gens ne les vouloyent vendre. En Cecile enuoyoit querir quelque mule, & spécialement à quelque Officier du pais : & la payoit au double. A Naples des cheuaux : & bestes estranges de tous costez : comme en Barbarie vne espee de petits Lyôs, qui ne sont point plus grans que petits Regnars : & les appelloit \* Adits. Au pais de Dannemarche & de Suedre enuoya querir deux sortes de bestes : les vnes s'appelloient Helles : & sont de corsage de Cerfz, grandes comme Buffles, les cornes courtes & grosses. Les autres s'appellent Rengiers, qui sont de corsage & couleur de Daims, sauf qu'elles ont les cornes beaucoup plus grandes : \* car i'ay veu Rengier porter corps pour auoir six cornes. De chascune de ces bestes donna aux marchâs quatre mille cinq cés Florins d'Allemagne. Quand toutes ces choses luy estoient amenees, il n'en tenoit compte : & la plus part des fois ne parloit point à ceulx qui les amenoyent. Et, en effect, il faisoit

\* remuoir  
Offices &c.  
neil.

\* Aduz &c.  
neil.

\* Ceci est rayé  
au uers 1200.  
usques à De  
chacune &c.

tant de choses semblables, qu'il estoit plus craint, tât de ses voisins que de ses subiectz, qu'il n'auoit iamais esté: car aussi c'estoit sa fin, & le faisoit pour ceste cause.

*Comment le mariage de monsieur le Daulphin fut conclu avec Marguerite de Flandres, & elle amenee en France: dont le Roy Edouard d'Angleterre mourut de deplaisir.* Chap. 9.

**P**OUR retourner au principal de nostre propos, & à la principale conclusion de tous ces Memoires, & de tous ces affaires des personnaiges qui viuoyent du temps qu'ilz ont esté faictz, fault venir à la conclusion du traité du mariage, faict entre le Roy, qui est de present, lors môseigneur le Daulphin, & de la fille du Duc & Duchesse d'Austriche, par la main des Gandois, au grand desplaisir du Roy Edouard d'Angleterre: qui lors se tint pour deceu de l'esperance du mariage de sa fille avec monseigneur le Daulphin, de present Roy de Frâce: lequel mariage luy & la Roïne sa femme auoyent plus desiré que toutes les choses du monde: & iamais n'auoyent voulu croire homme qui les eust aduertis au contraire, fussent leurs subiectz ou autres: car le conseil d'Angleterre luy auoit fait plusieurs remonstrances, à l'heure que le Roy cōqueroit la Picardie, qui estoit pres de Calais: & luy disoit que, quand il auroit conquis cela, qu'il pourroit bien essayer de conquerir Calais & Guynes. Autant luy en disoyent les Ambassadeurs, qui continuellement estoient en Angleterre de par les Duc & Duchesse d'Austriche, & les Bretons & autres: & de tout ce il n'en croyoit rien, dont luy en print bien mal: mais ie croy bien qu'il ne luy procedoit point tât d'ignorance comme il faisoit d'auarice, & pour ne perdre point cinquante mille Escus que le Roy luy donnoit, ny aussi ne laisser ses aïes ne ses plaisirs, ou il estoit fort adonné. Sur le faict de ce mariage se tint vne iournee à \* Halotz en Flandres: & y estoit le Duc d'Austriche, à present Roy des Romains, & gēs deputez par les trois Estatz de Flandres, Brabāt, & autres terres appartenant audiēt Duc, & à ses enfans. Là feirent les Gandois plusieurs choses, contre le vouloir dudiēt Duc: comme de bannir gens, d'en oster aucuns d'aupres son filz: & puis luy dirēt le vouloir qu'ilz auoyēt que ce mariage, dont il y a parlé, se feist, pour auoir paix: & le luy feirent accorder, voulüst il ou non. Il estoit fort ieune, mal pourueu de grās gens: car le tout, en ceste maison de Bourgogne, estoit mort (comme i'ay dit) \* à Tournay, ou peu s'en faisoit. L'enten des grans personnaiges, qui l'eussent sceu cōseiller ny aider. De son costé il estoit venu fort mal accōpagné: & puis, pour auoir perdu sa sēme, qui estoit Princesse du pais dessusdict, il n'osoit parler si audacieusement qu'il auoit fait autrefois. Et, pour abreger ce propos, le Roy en fut aduertey par le seigneur des Cordes: & en fut tresioyeux: & fut pris le iour de luy amener la fille à Hedin.

Peu de iours auāt, & l'an mil quatre cēs quatre vingtz & vn, auoit esté baillee Ayre, audiēt seigneur des Cordes, par le seigneur de \* Croy, du pais d'Artois, pour vne sōme d'atgēt: lequel la tenoit pour le Duc d'Austriche, & pour le seigneur de \* Beures, son Capitaine, ville tresforte, assise en Artois, qui aida biē aux Flamēs à auancer l'œuure: car elle est à l'entree de leur pais. Et, cōbiē qu'ilz voulussent la diminutiō de leur Prince, si n'eussent ilz point voulu

\* Hallos roy  
Or dessus l'Es-  
le 2<sup>em</sup> nœud.

\* ou tourné  
des nostres  
2<sup>em</sup> nœud.

\* Sedan 2<sup>em</sup>.  
nœud. L'atier des  
10<sup>es</sup>. des cōn-  
trans.

\* Beurdiz  
2<sup>em</sup> nœud. ou  
Biediz: mais  
le pēse que c'est  
celuy, daquel il  
a parlé, le di-  
sant estre dedās  
Nancy, pour le  
2<sup>em</sup>.

à leurs frontieres le Roy sitrespres d'eulx. Apres que ces choses furent accordees (comme i'ay dit) vindrent deuers le Roy les Ambassadeurs de Flandres & Brabant : mais tout dependoit de ceulx de Gand, à cause de leur force, & qu'ilz auoyent les enfans en leurs mains, & aussi les premiers prestz à commencer la noïse. Aussi y vindrent aucuns Cheualiers, pour le Roy des Romains, ieunes comme luy, & mal cōseillez, pour la pacification de leur pais. Messire Ichâ de \* Bruges en estoit l'un, & messire Baudouyn de \* Lauoye l'autre, & quelques Secretaires. Le Roy estoit ia fort bas : & à grand' peine se vouloit il laisser voir : & feit grand' difficulté de iurer lestraiçtez faitz en ceste matiere : mais c'estoit pour n'estre point veu : toutesfois il les iura. Ilz luy estoient auantageux : car il auoit plusieurs fois voulu le mariage : & ne vouloit que la Comté d'Artois, ou celle de Bourgongne, l'une des deux : & messeigneurs de Gād (ainsi les appeloit il) les luy feirēt bailler toutes deux, & celles de Mascōnois, de Charolois, & d'Auxerrois : & s'ilz luy eussent peu faire bail ler celle de Haynault & de Namur, & tous les subiectz de ceste maison, qui sont de la lāgue Françoïse, ilz l'eussent volōtiers fait, pour affoiblir leur dict Seigneur. Le Roy nostre maistre, qui estoit bien sage, entendoit bien que c'estoit que de Flandres, & qu'un Comte dudit pais de Flandres estoit peu de cas, sans auoir ledict pais d'Artois : qui est assis entre le Roy de France & eulx, leur estant cōme vne bride : car dudit pais d'Artois se tiroit de bonnes gens de guerre, pour les chastier quand ilz feroient les folz : & pource, en ostant audict Comte de Flādres, le dict pais d'Artois, il le laissoit le plus pauvre seigneur du monde, & sans auoir obeïssance, sinon au plaisir de ceulx de Gand, dont i'ay parlé cy dessus. Apres que ceste Ambassade fut retournée, ladiçte fille fut amenee à Hedin, entre les mains de mōseigneur des Cordes :  
1483. & fut l'an mil quatre cens quatre vingtes & trois : & l'amena madame de Ra-uastain, fille Bastarde de feu le Duc Philippe de Bourgongne : & la receurent monseigneur & madame de Bourbon, qui sont de present, le seigneur d'Al-bret, & autres, pour le Roy : & l'amenerent à Amboïse, ou estoit monseigneur le Dauphin. Si le Duc d'Autriche l'eust peu oster à ceulx, qui l'amenoyent, il l'eust volōtiers fait, auant qu'elle sortist de sa terre : mais ceulx de Gand l'auoyent bien accompagnee : & aussi il auoit commencé à perdre toute o-beïssance : & se retournerent beaucoup de gens avec ceulx de Gand : pource qu'ilz tenoyent le filz entre leurs mains, & ostoyent & mettoient avec luy tel qu'il leur plaisoit : & entre les autres, se tenoit le seigneur de Rauastain, frere au Duc de Cleues, principal Gouverneur dudit enfant, appelé le Duc Philippe, qui vit encōres, attendant grand' succession, si Dieu luy preste vie. Quicōques eut ioye de ce mariage, il desplaisoit au Roy d'Angleterre ame-tément : car il le tint à grand' honte & moquerie : & se doubtoit bien auoir perdu sa pension, que le Roy luy donnoit, ou tribut qu'appelloient les An-gloÿs : & si se doubta q̄ le mespris ne luy en fust grand en Angleterre, & qu'il fust cause de rebellion contre luy, & par especial pource qu'il n'auoit voulu croire cōseil : & si voyoit le Roy en grāde force, & pres de luy : & en print le dueil si grād que, des qu'il en sceut les nouuelles, il tomba malade, dont tost apres il mourut. aucuns dient d'un caterre. Quoy qu'il en soit, on dit que la douleur,

\* Bergues en  
 tout Exemp. et  
 mesmes en l'it.  
 Bergue.

\* Launoy  
 Exemp. aucl. et  
 l'ita. Laonay

douleur, qu'il auoit dudiect mariage, fut cause de la maladie, dont il mourut en briefz iours : & fut le trespas l'an mil quatre cens quatre vingts & trois, au mois d'April. C'est grand' faulte à vn Prince d'estimer plus son opinion, que de plusieurs : & cela leur donne aucunes fois de grandes douleurs & pertes, qui ne se peuuent recouurer.

Tantost apres que le Roy Edouard fut mort, le Roy, nostre maistre, en fut aduertí : & n'en feit nulle ioye, ne sembla, quand il le sceut : & peu de iours apres receut lettres du Duc de Clocestre : qui s'estoit fait Roy d'Angleterre : & se signoit Richard : lequel auoit fait mourir les deux filz du Roy Edouard son frere : lequel Roy Richard requeroit l'amytie du Roy : & croy qu'il eust bien voulu r'auoir ceste pesson : mais le Roy ne voulut respõdre à ses lettres, n'ouir le messaige : & l'estima trefuerel & mauuais : car, apres le trespas du Roy Edouard, lediẽt Duc de Clocestre auoit fait homaige à son nepeue, cõme à son Roy & souuerain Seigneur : & incõtinẽt apres cõmit ce cas : & en plain Parlement d'Angleterre, feit degrader deux filles du Roy Edouard, & declarer bastardes, sous couleur de quelque cas qu'il prouua, par vn Euesque de Bas en Angleterre, qui autrefois auoit eu grãd credit avec le Roy Edouard, & puis le desapointa, & tint en prison, & le rançonna d'une somme d'argent : lequel Euesque disoit que lediẽt Edouard auoit promis foy de mariage à vne Dame d'Angleterre, qu'il nõmoit, pource qu'il en estoit amoureux, pour en auoir son plaisir : & en auoit fait la promesse entre les mains dudiẽt Euesque : & sur ceste promesse coucha avec elle : & ne le faisoit que pour la tromper : toutes fois telz ieuz sont bien d'agereux, tesmoings telles enseignes. I'ay veu beaucoup de Gens-de-Court qui n'eussent point perdu vne bõne aduenture, qui leur eust pleu en tel cas, par faulte de promettre. Ce mauuais Euesque garda ceste vengeance en son cõur, par aduenture vingt ans : mais il luy en mescheut : car il auoit vn filz qu'il aymoít fort, à qui le Roy Richard vouloit faire de grans biens, & luy faire espouser l'une de ces deux filles, degradees de leur dignité (laquelle de present est Royne d'Angleterre, & a\* deux beaux enfãs) \* de ex uicil. lequel filz estoit en vn nauire de guerre, par le commandement du Roy Richard son maistre, fut prins à ceste coste de Normandie : & par le debat de ceulx, qui le prindrent, fut amené en Parlement, & mis au petit Chastellet à Paris : & y fust tant qu'il y mourut de faim & de pauureté. Lediẽt Roy Richard ne le porta pas loing : car contre luy esleua Dieu vn ennemy ( & tout en l'instant ) qui n'auoit ne croix ne pille, ne nul droit, comme ie croy, à la couronne d'Angleterre, ne estimé riens, fors que de sa personne estoit honneste, & auoit beaucoup souffert : car la pluspart de sa vie auoit esté prisonnier : & mesmement en Bretagne, es mains du Duc François, qui l'auoit bien traité, pour prisonnier, de l'age de \* vingt & huit ans : lequel avec \* dixhuit exempl. peu d'argent du Roy, & quelque trois mille hommes, prins en la Duché de Normandie, & des plus melchans que l'on peust trouuer, passa en Galles, ou se vint ioindre son beau-pere le Seigneur de Stanley, avec bien vingt & six mille Angloys. Au bout de trois ou quatre iours, se rencontra avec ce cruel Roy Richard : lequel fut tué sur le champ & cestuicy couronné : qui encor auourd'huy regne.

Ailleurs ay parlé de ceste matiere: mais il seruoit encores d'en parler icy: & par especial pour monstrier comme Dieu a payé content en nostre temps telles cruaultez sans attendre. Maintes autres en a punies audi&t temps, qui les scauroit toutes compter.

*Comment le Roy se maintenou, tant enuers ses voisins qu'enuers ses subiectz, durant sa maladie: & comment on luy enuoyoit de diuers lieux diuerses choses pour sa guérison. Chap. 10.*

**E** mariage donques de Flandres fut accompli, que le Roy auoit fort desiré: & tenoit les Flamens à sa poste. Bretagne, à qui il portoit grand' haine, estoit en paix avec luy: mais il les tenoit en grande crainte, pour le grand nombre de Gens-d'armes, qu'il tenoit logez à leurs frôtières. Espagne estoit en repos avec luy: & ne desiroient le Roy ne la Roïne d'Espagne, sinó qu'amytié: & il les tenoit en doubte & despenſe, à cause du païs de Rouſſilon, qu'il tenoit de la maison d'Arragon, qui luy auoit esté baillée par le Roy Iehan d'Arragó, pere du Roy de Castille, qui regne de present, en gage, & par aucunes cōditions qui encores ne sont vuidées. Touchât la puissance d'Italie, ilz le vouloyent bien auoir pour amy: & auoyent quelque confederation avec luy: & souuent y enuoyoyent leurs Ambassades. En Alemaigne auoit les Suisses luy obeissans, comme ses subiectz. Les Roys d'Eſcosſe & de Portugal estoient ses alliez. Partie de Nauarre faisoit ce qu'il vouloit. Ses subiectz trembloient deuant luy. Ce qu'il cōmandoit estoit incontinent accompli, sans nulle difficulté n'excusation. Touchant les choses, que l'on pensoit necessaires pour sa santé, de tous les costez du monde luy estoient enuoyees. Le Pape Sixte dernier mort, estant informé que, par deuotion, le Roy desiroit auoir le Corporal, surquoy chantoit monſeigneur S. Pierre, tantost le luy enuoya, avec autres plusieurs reliques: lesquelles luy furent renuoyees. La sainte Ampolle, qui est à Reims, qui iamais n'auoit esté remuee de son lieu, luy fut apportee iusques en sa chambre au Plessis: & estoit sur son buffet, à l'heure de sa mort: & auoit intention d'en prédre semblable vnction, qu'il en auoit prins à son sacre: combien que beaucoup de gens cuidoyent qu'il s'en voulsist oindre tout le corps. ce qui n'est pas vray semblable: car ladicte sainte Ampolle est fort petite, & n'y a pas grand' matiere dedans. Je la vey à l'heure, dont ie parle, & aussi quand ledict Seigneur fut mis en terre, à nostre dame de Clery. Le Turc, qui regne auioird'huy, luy enuoya vne Ambassade: qui vint iusques à Reims en Prouence: mais ledict Seigneur ne la voulut point ouir, ne qu'elle vint plus auant. Ledit Ambassadeur luy apportoit vn grand rolle de reliques: lesquelles estoient encores à Constantinoble, entre les mains dudit Turc: lesquelles choses il offroit au Roy, avec grand' somme d'argent: pourueu que ledict Seigneur voulsist bien faire garder le frere dudit Turc: lequel estoit en ce royaume entre les mains de ceulx de Rhodes: & à present est à Rome, es mains du Pape. Par toutes les choses dessusdictes l'on peut cōgnoistre le sens & grandeur de nostre Roy, & comme il estoit estimé & honoré par le mode: & comme les choses, qui sont spirituelles, de deuotion, & de religion estoient

\* Rhine ou Rhine enuoyé. autres Rins: & l'italien Riez.

estoyent employees pour luy alonger sa vie, aussi bien q̃ les choses tēporelles: toutefois le tout n'y feist rien : & faloit qu'il passast par là, ou les autres sont passez. Vne grace luy feist Dieu: car, comme il l'auoit creé plus sage, plus liberal, plus vertueux en toutes choses que les Princes, qui regnoyēt avec luy, & de son temps, & qui estoyent ses ennemis & voisins, avec ce qu'il les passa en toutes choses, aussi les passa il en longueur de vie : mais ce ne fut de guerres. Car le Duc de Bourgogne Charles, la Duchesse sa fille, le Roy Edouard, & le Duc Galeas de Milan, le Roy Iehan d'Arragon, tous ceulx là estoyent mortz, peu d'annees parauant luy : & de la Duchesse d'Austriche & du Roy Edouard, & de luy, n'y eut cōme rien à dire. En tous y auoit du biē & du mal: car ilz estoyent hommes: mais, sans vser de flaterie, en luy auoit ttop plus de choses appartenantes à Office de Roy, & de Prince, qu'en nul des autres. Le les ay presque tous veus, & sceu ce qu'ilz sçauoyēt faire: parquoy ie ne deuine point.

*Comment le Roy Louis onzieme feist venir vers luy Charles son filz peu auant  
sa mort: & des commandemens & ordonnances qu'il feist, tant à luy  
qu'à autres.* Chap. ii.

**E**N cest an quatre cens quatre vingtz & trois, voulut le Roy voir monseigneur le Daulphin son filz: lequel n'auoit veu de plusieurs anne'es: car il craignoit qu'il fust veu de guerres de gens, tant pour la santé de l'enfant, q̃ de paour que l'on ne le tiraist hors de là, & q̃ ioubz ombre de luy quelque assemblee ne se feist en son royaume: car ainsi auoit il esté fait de luy cōtre le Roy Charles septieme, son pere, à l'heure qu'il n'auoit que \* onze ans, par aucuns Seigneurs du royaume: & s'appela ceste guerre la Praguerie: mais elle ne dura guerres, & ne fut qu'un debat de Court.

\* douze ex.  
sic il.

Entre toutes choses il recommanda \* son filz monseigneur le Daulphin à aucuns seruiteurs: & luy commanda expressement de ne chāger aucuns Officiers, luy alleguāt que, quād le Roy Charles septieme, son pere, alla à Dieu, & que luy il vint à la courōne, il desappointa tous les bons & notables Cheualiers du royaume, & qui auoyēt aidé à seruir sondict pere, à cōquerir Normandie & Guyenne, & chacé les Angloys hors du royaume, & à le remettre en paix & bon ordre (car ainsi le trouua il, & bien riche) dont il luy en estoit bien mal prins: car il en eut la guerre appelee le Bien-public (dōr i'ay parlé ailleurs) qui cuida estre cause de luy oster la couronne. Bien tost apres que le Roy eut parlé à monseigneur le Daulphin, son filz, & acheué ce mariage (dont i'ay parlé) luy print la maladie (dont il partit de ce monde) par vn Lūdy, & dura iusques au Samedy ensuyuāt, penultime d'Aoult, mil quatre cens quatre vingtz & trois: & estoye present à la fin de la maladie: parquoy en veulx dire quelque chose. Tantost apres que le mal luy print, il perdit la parole, comme autrefois auoit fait: & quand elle luy fut reuenue, se sentit plus foible que iamais n'auoit esté, combien qu'au parauāt il l'estoit tant qu'à grand' peine pouuoit il mettre la main iusques à la bouche: & estoit tant maigre & deffaict qu'il faisoit pitié à tous ceulx qui le voyoyent. Le dict Seigneur se iugea mort: & sur l'heure il enuoya querir monseigneur de

\* à son f. l. m.  
D. aucuns.  
s'emp. auil.

Beauieu, mary de sa fille, à present Duc de Bourbon, & luy commanda aller au Roy son filz, qui estoit à Amboise. Ainsi l'appela il, en le luy recômandât, & ceulx qui l'auoyent seruy: & luy donna toute la charge & gouuernement dudit Roy, & luy commada qu'aucunes gens n'en approchassent: & luy en dist plusieurs bônes & notables causes: & si en tout ledict Seigneur de Beauieu eust obserué ses commandemens, ou à tout le moins en partie (car il y eut quelque cômandement extraordinaire, & qui n'estoit de tenir) & qu'en generalité il les eust plus gardez, ie croy que c'eust esté le profit du royaume & le sien particulier: veues les choses aduenues depuis. Apres enuoya le Chancelier, & toute sa sequelle, porter les Seaulx au Roy son filz. Luy enuoya aussi partie des Archers de sa garde, & Capitaines, & toute sa Vannerie & Faulconnerie, & toutes autres choses. Et tous ceulx qui le venoyent voir, il les enuoyoit à Amboise deuers le Roy (ainsi l'appelloit il) leur priant le seruir bié: & par tous luy madioit quelque chose: & par especial par Estiène de Vers, lequel auoit nourry ledict Roy, nouveau, & seruy de premier Varlet-de-chambre: & l'auoit desia fait nostre Roy Baillif de Meaulx. La parole iamais ne luy faillit, depuis qu'elle luy fut reuenue, ne le sens, ne iamais ne l'eut si bô: car incessamment se vuidoit: qui luy ostoit toutes fumees de la teste. Iamais en toute sa maladie ne se plaignit, comme font toutes sortes de gens, quâd ilz sentent mal. Au moins suis-je de ceste nature: & en ay veu plusieurs autres: & ausi on dit que le plaindre allegé la douleur.

*Comparaison des maux & douleurs que souffrit le Roy Louis, à ceulx qu'il auoit fait souffrir à plusieurs personnes: avec continuation de ce qu'il feit, & fut fait enuers luy, iusques à sa mort.* Chap. 12.



Necessamment disoit quelque chose de sens: & dura sa maladie (côme i'ay dit) depuis le Lundy, iusques au Samedy au soir. Pource ie veulx faire cōparaison des maux & douleurs, qu'il a fait souffrir à plusieurs, à ceulx qu'il a souffertz auât mourir: pource q' i'ay esperâ ce qu'ilz l'aurôit mené en Paradis, & q' ce aura esté partie de son Purgatoire: & filz n'ont esté si grâs, ne si longs, cōc ceulx qu'il a fait souffrir à plusieurs, ausi auoit il autre & plus grand Office en ce monde, qu'ilz n'auoyent: & si iamais n'auoit souffert de sa personne, mais tant auoit esté obey, qu'il sembloit quasi que toute l'Europe ne fust faicte que pour luy porter obeissance: parquoy ce petit qu'il souffroit contre sa nature & accoustumance, luy estoit plus grief à porter. Tousiours auoit esperance en ce bon Hermite, qui estoit au Plessis (dont i'ay parlé) qu'il auoit fait venir de Calabre: & incessamment enuoyoit deuers luy, disant qu'il luy alongeroit bien sa vie s'il vouloit: car nonobstant toutes ces Ordonnances, qu'il auoit faictes de ceulx qu'il auoit enuoyez deuers monseigneur le Daulphin son filz, si luy reuint le cœur: & auoit bien esperance d'eschaper: & si ainsi fust aduenue, il eust bien departy l'assemblée, qu'il auoit enuoyee à Amboise, à ce nouveau Roy. Et, pour ceste esperance qu'il auoit audit Hermite, fut aduisé p vn certain Theologîe, & autres, qu'ô luy declareroit qu'il sabusoit, & qu'en son faict n'y auoit plus d'esperâce qu'à la misericorde de Dieu: & qu'à ces paroles se trouueroit present son Medecî, maistre



maistre Iacques Coctier, en qui il auoit toute esperance, & à qui chascun moys il donnoit dix mille Escus, esperant qu'il luy alongeroit la vie. Et fut prise ceste conclusion par maistre Oliuier, à fin que de tous poinctz il pensast à sa conscience, & qu'il laissast toutes autres pélees, & ce Sainct-homme, en qui il se fioit, & ledict maistre Iacques le Medecin. Et tout ainsi qu'il auoit haulsé ledict maistre Oliuier & autres, trop à coup, & sans propos, en estat plus grâd qu'il ne leur appartenoit, aussi, tout de mesme, prirent charge, sans craincte, de dire chose à vn tel Prince, qui ne leur appartenoit pas: n'y ne garderent la reuerence & humilité qu'il appartenoit au cas, comme eussent fait ceulx qu'il auoit de long temps nourris, & lesquelz peu parauant il auoit eslongnez de luy, pour ses imaginations: mais, tout ainsi qu'à deux grans personnages qu'il auoit fait mourir de son temps (dont de l'un feit conscience à son trespas, & de l'autre non, ce fut du Duc de Nemours, & du Cōre de Sainct-Paul) fut signifiée la mort par Commissaires deputez à ce faire: lesquelz Commissaires en briefz mortz leur declarerent leur sentence, & baillerent confesseur, pour disposer de leurs consciences, en peu d'heure qu'ilz leur baillerent à ce faire, tout ainsi signifierent à nostre Roy les dessusdictz sa mort en briefues paroles & rudes, disans: Sire il fault que nous nous acquitions. n'ayez plus d'esperance en ce Sainct-homme, n'en autre chose: car seurement il est faict de vous: & pource pensez à vostre cōscience: car il n'y a nul remede: & chascun dist quelque mot assez brief: ausquelz il respondit: l'ay esperance q̄ Dieu m'aidera: & par aduenture ie ne suis pas si malade comme vous pensez.

Quelle douleur luy fut d'ouir ceste nouuelle, & ceste sentence: car onques homme ne craignit plus la mort, & ne feit tant de choses, pour y cuider mettre remede, comme luy: & auoit, tout le temps de sa vie, à ses seruiteurs, & à moy comme à d'autres, dit que, si on le voyoit en necessité de mort, que l'on ne luy dist \* fors tant seulement: parlez peu: & qu'on l'esmeust seulement à soy confesser, sans luy prononcer ce cruel mot de la mort: car il luy sembloit n'auoir pas cœur pour ouir vne si cruelle sentēce: toutefois il l'endura vertueusement, & toutes autres choses, iusques à la mort, & plus que nul homme que iamais j'aye veu mourir. A son filz qu'il appeloit Roy, mada plusieurs choses, & se confessa tres bien, & dist plusieurs Oraisons, seruans à propos, selon les Sacremēts qu'il prenoit, lesquelz luy mesmes demanda: & comme i'ay dit, il parloit aussi sec cōme si iamais n'eust esté malade: & parloit de toutes choses, qui pouoyēt seruir au Roy son filz, & dist, entre autres choses, qu'il vouloit que le seigneur des Cordes ne bougeast d'auec sondict filz, de six moys: & qu'on le priast ne mener nulle pratique sur Calais, n'y ailleurs, disant qu'il estoit conclu avec luy de conduire telles entreprinſes, & à bonne intention pour le Roy & pour le royaume, mais qu'elles eustoyēt d'agereuses, & par especial celle de Calais, de paour d'esmouoir les Angloys: & vouloit, sur toutes choses, qu'après son trespas on tūt le royaume en paix cinq ou six ans. ce que iamais n'auoit peu souffrir en sa vie. Et, à la verité dire, le royaume en auoit bon besoing: car combien qu'il fust grand & estendu, si estoit il bien maigre & pauvre, & par especial pour les passages des Gens-d'armes, qui se remuoyēt d'un-païs en vn autre. Il ordonna qu'on ne print pas debat en Bretaigne: &

\* Cothier  
Ex. au. l. G. n. g.  
Quoterus,  
ex l'ital. Cot  
tier.

Douleur pour  
la signification  
de ja mort.

\* posr, & que  
l'on l'esmeut  
seulement &c.  
nail.

## SIXIEME LIVRE DES MEMOIRES

qu'on laissast viure le Duc de François en paix, & sans luy dōner doubtes ne craintes, & à tous les voisins semblablement de tout ce royaume, à fin que le Roy & le royaume peussent demourer en paix iusques à ce que le Roy fust grand & en aage pour en disposer à son plaisir.

Voila donc comment peu discrettement luy fut signifiee ceste mort. Ce que i'ay bié voulu reciter, pource qu'en vn autre article precedent, i'ay cōmencé à faire cōparaizon des maulx qu'il auoit fait souffrir à aucuns, & à plusieurs, qui viuoyēt soubz luy, & en son obeissance, avec ceulx qu'il souffrit auât sa mort, à fin q' l'on voye, s'ilz n'estoyent si grans ne si longs (cōme i'ay dit audict article) q' neantmoins estoyēt ilz bien grans, veue sa nature, qui plus demādoit obeissance q' nul autre en son tēps, & qui plus l'auoit eue: parquoy vn petit mot de responce, contre son vouloir, luy estoit bien grand punition de l'endurer.

*Je crainsissou  
son qu'il auoit,  
& sur ses en-  
fants propres.*

Quelques cinq ou six moys deuant ceste mort auoit suspicion de tous hommes: & specialement de tous ceulx, qui estoyent dignes d'auoir auctorité. Il auoit crainte de son filz, & le faisoit estroitement garder: ne nul homme ne le voyoit, ne parloit à luy, sinon par son commandement. Il auoit doubte à la fin de sa fille, & de son gendre, à present Duc de Bourbon: & vouloit sçauoir quelles gens entroyent au Plessis quand & eulx. A la fin rompit vn corseil, que le Duc de Bourbon, son gendre, tenoit leans, par son commandement. A l'heure que sondict gendre, & le Comte de Dunois reuindrent de remener l'Ambassade, qui estoit venue aux nopces du Roy son filz, & de la Roync, à Amboise, & qu'ilz retournerent au Plessis, & entrerent beaucoup gens avec eulx, ledict Seigneur, qui fort faisoit garder les portes, estant en la galerie, qui regarde en la court dudit Plessis, feit appeler vn de ses Capitaines des Gardes: & luy commanda aller taster aux gens des Seigneurs dessusdictz, voir s'ilz n'auoyent point de Brigandines soubz leurs robes: & qu'il le feist comme ense deuisant à eulx, sans trop en faire de semblant. Or regardez s'il auoit fait beaucoup viure de gens en suspicion & crainte soubz luy, s'il en estoit bien payé: & de quelles gens il pouuoit auoir seurté, puis que de son filz, fille, & gendre, il auoit suspicion. Il ne dy point pour luy seulmēt: mais pour tous autres Seigneurs, qui desirerent estre craintz, iamais ne se sentent de la reuanche, iusques à la vieillesse: car pour la penitence ilz craignent tout homme. Et quelle douleur estoit à ce Roy d'auoir ceste paour & ces passions?

*Comme il estoit  
rudeoy par son  
Medecin.*

Il auoit son Medecin, appelé maistre Jacques Coctier, à qui en cinq moys il donna cinquante quatre mille Escus cōtens (qui estoit à la raison de dix mille Escus pour moys, & quatre mille par dessus) & l'Euesché d'Amiēs pour son nepueu, & autres Offices & terres pour luy, & pour ses amis. Ledit Medecin luy estoit si trefrude q' l'on ne diroit poir à vn varlet les oultrageuses & rudes paroles, qu'il luy disoit: & si le craignoit tāt ledict Seigneur qu'il ne l'eust osé enuoyer hors d'avec luy: & si s'en plaignoit à ceulx à qui il en parloit, mais il ne l'eust osé changer, comme il faisoit tous autres seruiteurs, pource que ledict Medecin luy disoit audacieusement: le sçay bien qu'un matin vous m'enuoyerez, comme vous faictes d'autres: mais (par vn grand serment qu'il iuroit) vous n'y viurez point huiet iours apres. Ce mot l'espuentoit fort, &

tant

tant qu'apres ne le faisoit que flater & luy doner. qui luy estoit vn grãd Purgatoire en ce monde, veu la grande obeissance qu'il auoit eue de tant de gẽs debien, & de grans hommes.

Il est vray qu'il auoit fait de rigoureuses prisons, comme cages de fer, & autres de boys, couuertes de \* pates de fer par le dehors, & par le dedas, avec terribles \* fermures, de huit pied de large, de la haulteur d'un homme, & vn pied plus. Le premier, qui les deuifa, fut l'Euesque de Verdun: qui en la premiere qui fut faicte, fut mis incontinct, & y a couché quatorze ans. Pluseurs depuis l'ont mauldit, & moy aussi, qui en ay tasté, soubz le Roy de present, huit moys. Autrelfois auoit fait faire à des Alemãs, des fers trespesans & terribles, pour mettre aux pieds: & y estoit vn anneau, pour mettre au pied, fort mal aisé à ouurir, cõme à vn Carquan: la chaine grosse & pesante: & vne grosse boule de fer au bout, beaucoup plus pesante que n'estoit de raison: & les apeloit l'on les Filletes du Roy. Toutelfois i'ay veu beaucoup de gens de bien prisonniers les auoir aux pieds, qui depuis en sont saillis à grand honneur, & qui depuis ont eu de grand bien de luy: & entre les autres, vn filz de monseigneur de la \* Grutture de Flãdres, prins en bataille: lequel ledict Seigneur maria, & feit son Chambelan, & Seneschal d'Aniou: & luy bailla cent Lances. Aussi au seigneur de \* Piennes, prisonnier de guerre, & au seigneur du \* Verger. Tous deux ont eu Gens-d'armes de luy: & ont esté ses Chambelãs, ou de son filz, & autres gros estatz: & aurant à monseigneur de \* Rochefort, frere du Connestable: & à vn, appelé Roquebertin, du pais de Cathelogne, semblablement prisonnier de guerre: à qui il feit de grans biens: & à plusieurs autres, qui seroyent trop longs à nommer, & de diuerses contrees. Or cecy n'est pas nostre matiere principale, mais fault reuenir à dire qu'ainsi comme de son temps surẽt trouuees ces mauuaises & diuerses prisons, tout ainsi, auãt mourir, il se trouua en semblables, & plus grandes prisons, & aussi plus grãd paour il eut, que ceulx qu'il auoit tenus. Laquelle chose ie tien a tresgrand grace pour luy, & pour partie de son Purgatoire: & l'ay dit icy pour mõstrer qu'il n'est nul homme, de quelque dignité qu'il soit, qui ne souffre, ou en secret ou en public: & par especial ceulx qui for souffrir les autres. Ledit Seigneur, vers la fin de ses iours, feit clorre, tout à l'entour, sa maison du Plessis-lez-tours, de gros barreaux de fer, en forme de grosses grilles: & aux quatre coins de sa maison, quatre moyneaux de fer, bons, grans, & espais: Lesdictes grilles estoient contre le mur, du costé de la place, de l'autre part du fossẽ: car il estoit à fons de cuue, & y feit mettre plusieurs broches de fer, massonnées au dedans le mur, qui auoyent chascunes trois ou quatre poinctes: & les feit mettre fort pres l'une de l'autre. Et d'auantage ordõna dix Arbalestriers, dedans lesdictz fossẽz, pour tirer à ceulx qui en approcheroient, auant que la porte fust ouuerte: & entendoit qu'ilz couchassent ausdictz fossẽz, & se retirassent ausdictz moyneaux de fer. Il entendoit bien que ceste fortificatiõ ne suffisoit pas contre grand nombre de gens, ne contre vne armee: mais de cela il n'auoit point de paour: seulement craignoit que quelque Seigneur, ou plusieurs, ne feissent vne entreprinse de prendre la place de nuit, demy par amour, & demy par force, avec quelque peu d'intelligence: & que ceulx là

*Qu'il se tenoit en pl<sup>e</sup> forte prison que n'estoient aucunes cages de fer, qu'il auoit fait faire.*

*\* platz Exem. au il.*

*\* fermures a Kemp. uel.*

*\* Grutture Exem. uel. qui pourroit estre celuy, qui est par auant nommé Cripature, & Grutture en texte.*

*\* Ce peut estre celuy qui est par auant nommé Piennes.*

*\* Verger Ex. uel. qui peut estre celuy que semblablement il a nommé Verger en texte.*

*\* Richebourg Ex. uel. cume ont aussi les Anna. de France. & nũment Jacques de salic. i. au. aũ qu'il est par cy deuant.*

prinsissent l'aut horité, & le feissent viure comme homme sans sens, & indigne de gouverner. La porte du Plessis ne sououroit qu'il ne fust huiët heures de matin, n'y ne baïssoit le pont iusques à ladiët heure : & lors y entroient les Officiers : & les Capitaines des gardes mettoient les portiers ordinaires : & puis ordonnoient leur guet d'Archers, tant à la porte que parmy la court, cō me en vne place de frontiere estroictement gardee : & n'y entroit nul que par le guichet, & que ce ne fust du sceu du Roy, excepté quelque Maistre-d'hôtel, & gens de ceste sorte, qui n'alloyent point deuers luy. Est il donques possible de tenir vn Roy, pour le garder plus honnestemēt, & en estroict pri son, que luy mesmes se tenoit ? Les cages ou il auoit tenu les autres, auoyent quelques huiët piedz en carré, & luy, qui estoit si grand Roy, auoit vne petite court de chasteau à se pourmener. encores n'y venoit il guerres : mais le tenoit en la galerie, sans partir de là, sinon par les chambres : & alloit à la messe, sans passer par la diët court. Voudroit l'on dire que ce Roy ne souffrist pas ausi bien que les autres ? qui ainsi s'enfermoit, qui se faisoit garder, qui estoit ainsi en paour de ses enfans, & de tous ses prochains parens, & qui changeoit & muoit de iour en iour ses seruiteurs, qu'il auoit nourris, & qui ne tenoyent bien ne honneur que de luy, tellemēt qu'en nul d'eulx ne se osoit fier, & s'enchainoit ainsi de si estranges chaines & clostures ? Si le lieu estoit plus grand que d'une prison commune, ausi estoit il plus grand que prisonniers communs. On pourroit dire que d'autres ont esté plus suspicionneux que luy : mais ce n'a pas esté de nostre temps, ne parauēture homme si sage que luy, ne qui eust si bons subiectz : & auoyent ceulx là parauēture esté cruelz & tyrās : mais cestuicy n'a fait mal à nul, qui ne luy eust fait quelque offense. Je n'ay point dit ce que dessus est diët, pour seulement parler des suspicions de nostre Roy, mais pour dire que la patiēce, qu'il a portee en ses pālions, semblables à celles qu'il a fait porter aux autres, luy est par moy reputeē à punition, que nostre Seigneur luy a dōnee en ce mōde, pour en auoir moins en l'autre, tant es choses dont i'ay parlé, comme en ses maladies, bien grandes, & douloureuses pour luy, & qu'il craignoit beaucoup, auāt qu'elles luy aduinssent : & ausi à fin que ceulx, qui viendront apres luy, soyent vn peu plus piteux au peuple, & moins aspres à punir qu'il n'auoit esté : combiē que ie ne luy veulx pas donner charge, ne dire auoir veu meilleur Prince : & s'il pressoit ses subiectz, touteffois il n'eust point souffert qu'un autre l'eust fait, ne priué, n'y estrange.

Après tant de paour, & de suspicions & douleurs, nostre Seigneur feit miracle sur luy : & le guerist tant de l'ame que du corps, comme tousiours a accoustumé, en faisant ses miracles : car il l'osta de ce miserable monde en grād santé de sens & d'entendement, & bonne memoire, ayant receu tous ses Sacremens, sans souffrir douleur que l'on congneust, mais tousiours parlāt iusques à vne Parenoistre auāt sa mort, en ordonnant de sa sepulture : & nommoit ceulx qu'il vouloit qu'ilz l'accompagnaissent par chemin : & disoit qu'il n'esperoit à mourir qu'au Samedy, & que nostre Dame luy procuroit ceste grace, en qui tousiours auoit eu fiance & grand deuotion & priere : & tout ainsi luy aduint : car il deceda le Samedy, penultime iour d'Aoust, l'an mil quatre

quatre cēs quatre vingts & trois, à huiēt heures au soir, audiēt lieu du Plessis, ou il auoit prins la maladie le Lundy deuant. Nostre Seigneur ait son ame: & la vueille auoir receue en son royaume de Paradis.

*Discours sur la misere de la vie des hommes, & principalement des Princes par l'exemple de ceulx du temps de l'Auth eur, & premierement du Roy Louis.*

Chap. 13.

**P**eu d'esperance doiuent auoir les \* pauures & menues gens au faict <sup>\* Princes</sup> de ce monde, puis que si grand Roy y a tant souffert & trauaillé, & <sup>ex. auet.</sup> puis laissé tout : & ne peut trouuer vne seule heure pour eslongner la mort, quelque diligence qu'il y ait sceu faire. Ie l'ay cōgnu, & ay esté son seruiteur, à la fleur de son aage, & en ses grandes prosperitez: mais ie ne le vey onques sans peine & sans soucy. Pour to<sup>s</sup> plaisirs il aymoist la chace, & les oiseaux en leurs saisons: mais il n'y prenoist point tāt de plaisir comme aux chiens. Des Dames, il ne s'en est point meslé, tant que i'ay esté avec luy: car, à l'heure de mon attriuee, luy mourut vn filz, dont il eut grand dueil: & feit lors vn veu à Dieu, en ma presence, de iamais ne toucher à femme qu'à la Royne sa femme: &, cōbien qu'ainsi le deuoit faire selon l'ordonnance \* de l'Eglise, si fut ce grand chose à en auoir tant à son cōmandement, <sup>\* de mariage</sup> de perseverer en ceste promesse: veu encorres que la Royne n'estoit point <sup>ex. auet.</sup> de celles, ou deuoit prendre grand plaisir: mais au demourant fort bōne Dame.

Encorres en ceste chace auoit quasi autant d'ennuy que de plaisir: car il y prenoist grand<sup>s</sup> peine: pourtant qu'il couroit les Cerfs à force, & se leuoit fort matin, & alloit aucunes fois loing, & ne laissoit point cela pour nul tēps qu'il feist: & ainsi s'en retournoit aucunes fois bien las, & quasi tousiours courroucé à quelcun: car c'est matiere qui n'est pas conduicte tousiours au plaisir de ceulx qui la conduisent: toutesfois il si congnoissoit mieulx que nul homme qui ait regné de son temps, selon l'opinion de chascun. A ceste chace estoit sans cesse & logé par les villages, iusques à ce qu'il venoit quelzques nouuelles de la guerre: car, quasi tous les Estez, y auoit quelque chose entre le Duc Charles de Bourgogne & luy: & l'hyer ilz faisoient trefues. Aussi il eut plusieurs affaires, pour ceste Comté de Roussillon, contre le Roy Iehan d'Aragon, pere du Roy d'Espaigne, qui regne de present: car, combien qu'ilz fussent fort pauures & troublez, avec leurs subiectz, comme ceulx de Barcelonne & autres, & que le filz n'eust rien (car il attendoit la succession du Roy Dō Federic de Castille, frere de sa femme: laquelle depuis luy est aduenue) toutesfois ilz luy faisoient grande resistance: car ilz auoyent les cœurs des subiectz dudiēt païs de Roussillon: lequel cousta fort cher au Roy & au royaume: car il y mourut & s'y perdit maint homme de bien, & despendit grand argent: car ceste guerre dura longuement. Ainsi le plaisir qu'il prenoist estoit peu de tēps en l'an: & estoit en grand trauail de sa personne, comme i'ay dit. Le temps qu'il reposoit, son entendement trauaillait: car il auoit affaire en moult de lieux: & se fust aussi volontiers emesché des affaires de son voisin cōme des siennes, & mis gens en leurs maisons, & departy les autoritez d'icelles. Quand il auoit la guerre, il desiroit paix ou trefues. Quand il auoit

# SIXIEME LIVRE DES MEMOIRES

paix ou trefues à grād' peine les pouuoit il endurer. De maintes menues choses de son royaume se melloit, dont il se fust bien passé: mais sa complexion estoit telle, & ainsi viuoit. Aussi sa memoire estoit si grāde qu'il retenoit toutes choses, & congnoissoit tout le monde, & en tous pais, & à l'entour de luy.

\* seigneuries  
Exemple d'iceul.

A la verité il sembloit mieulx pour \* secourir vn monde qu'un royaume. Il ne parle point de sa grande ieunesse: car ie n'estoye point avec luy: mais en l'aage d'onze ans par aucuns seigneurs & autres du royaume, il fut embrouillé contre le Roy Charles septieme, son pere, en vne guerre qui peu dura, appelee la Praguerie. Quand il fut homme, il fut marié à vne fille d'Escoce, à son \* desplaisir: & tant qu'elle vesquit il y eut regret: & apres sa mort pour les bandes & brouillis de la maison du Roy son pere, il se retira au Daulphiné (qui estoit sié) ou beaucoup de gens de bié le suyirēt, & plus qu'il n'en peut nourrir. Luy estant en Daulphiné, il se maria avec la fille du Duc de Sauoye: & tost apres il eut debat avec son beaupere, & se firent trespres guerres. Le Roy Charles son pere, voyant son filz trop accōpaigné de gens de bien, & de Gens-d'armes, à son gré, delibera d'y aller en personne, en grād nōbre de gēs, & de l'en mettre dehors: & se meit en chemin, & eut peine d'en retirer plusieurs, en leur cōmātant cōme à ses subiectz, & sur les peines accoustumees, se retirer deuers luy. A quoy plusieurs obeissoyent, au grād deplaisir du Roy nostre maistre: lequel voyāt le courroux de son pere, nōobstāt qu'il fust fort, se delibera partir de là, & luy laisser le pais: & s'en alla par la Bourgogne, avec peu de gens, deuers le Duc Philippe de Bourgogne: lequel à grād honneur le recueillit, & luy departit de ses biens, & à ses p̄cipaulx seruiteurs: cōme le

\* Cōmings  
Ex. d'iceul, m̄euz  
à mon aise, cō  
me aussi l'ital.  
de Cōmings

Côte de \* Cōmines, le seigneur de Montaubā, & autres, par forme de p̄sion, par chascun an: & fait, durāt le tēps qu'il y fut, dōs à ses seruiteurs. Touresfois, à la despesse qu'il faisoit de tant de gēs qu'il auoit, l'argēt luy failloit souuēt. qui luy estoit grand peine & soucy: & luy en faloit chercher ou emprunter, ou les gens l'eussent laissé. qui est grād' angoisse à vn Prince, qui ne l'a point accoustumé. Et par ainsi n'estoit point sans peine en ceste maison de Bourgogne: & luy faloit entretenir le Prince & les p̄cipaux Gouverneurs, de paour qu'on ne l'ennuyast de luy, à y estre tant: car il y fut six ans: & incessammēt le Roy son pere enuoyoit Ambassadeurs pour l'en mettre hors, ou qu'il luy fust renuoyé. Et en cela vous pouez penser qu'il n'estoit point oisif, & sans grādes p̄sees & soucy. Or en quel tēps dōc pourroit l'on dire qu'il eust eu ioye ne plaisir, à voir toutes les choses dessusdictes? Je croy que depuis son enfance il n'eut iamais que tout mal & trauail iusques à la mort. Je croy que, si tous les bons iours qu'il a eu en sa vie, esquelz il a eu plus de ioye & de plaisir que de trauail & d'ennuy, estoient bien nombrez, qu'il s'en trouueroit bien peu: & croy qu'il s'en trouueroit bien vingt de peine & de trauail, contre vn de plaisir & d'aïse. Il vesquit enuiron soixante & vn an: toutesfois il auoit tousiours imagination de ne passer point soixante ans: & disoit que, puis long temps, Roy de France ne les passa. Aucuns veulent dire depuis Charles le grād: toutesfois le Roy nostre maistre fut bien auant au soixante & vnieme.

Exemple de ce  
que dessus par  
le Duc de Bour  
gogne.

Le Duc Charles de Bourgogne quel aïse, ne quel plaisir, scauroit on dire qu'il eust eu plus grand q̄ nostre Roy, dont i'ay parlé? Il est vray qu'en sa ieunesse

neſſe il eut peu de ſoucy: car il n'entreprint rié qu'il n'eult enuiron vingt deux ans, & iuſques à la veſquite ſain & ſans trouble. Alors cômeca ſe troubler avec les Gouverneurs de ſon pere: leſquelz ſon diſt pere ſouſtint: pourquoy le filz ſ'abſenta de ſa preſence, & ſ'en alla tenir en Hollâde, ou il fut bié recueilly: & print intelligéce avec ceulz de Gâd, & aucunes fois y venoit. Il n'auoit rié de ſon pere: mais ce païs de Hollande eſtoit fort riche, & luy faiſoit de grans dons, & pluſieurs groſſes villes des autres païs, pour l'eſperance qu'ilz auoyét d'acquérir ſa grace, pour le temps aduenir. qui eſt couſtume generale, que touſiours on complaiſt plus aux gens, de qui on eſpere la puiſſance & authorité accroître, pour le tēps aduenir, que l'on ne fait pour celui, qui eſt ia en tel degré, qu'il ne peut mōter plus hault: & y eſt l'amour plus grande, par eſpecial entre le peuple. Et eſt pourquoy le Duc Philippe, quād on luy diſoit que les Gandois aymoyent tant ſon filz, & qu'il les ſçauoit ſi bien conduire, reſpondoit qu'ilz aymoyét touſiours leur Seigneur aduenir: mais depuis qu'il eſtoit Seigneur, ilz le haïſſoyent. Et ce prouerbe fut veritable: car, onques puis que le Duc Charles fut Seigneur, ilz ne l'aymerent: & luy monſtrerent bien, comme i'ay dit ailleurs: & auſſi, de ſon coſté, ne les aymoît point: mais, à ce qui eſt deſcendu de luy, ilz ont fait plus de dommage qu'ilz n'euffent ſceu faire à luy. Pour continuer mon propos, depuis que le Duc Charles entreprint la guerre pour les terres de Picardie, que noſtre maiſtre auoit rachetees de ſon pere le Duc Philippe, & qu'il ſe fuſt mis avec les autres Seigneurs du Royaume, en ceſte guerre du Bien-public, quel aiſe eut il depuis? Il eut touſiours trauail, ſans nul plaiſir, & de ſa perſonne & de l'entendement: car la gloire luy monta au cœur, & l'eſmeut de conquerir tout ce qui luy eſtoit bien ſeant. Tous les Eſtez tenoit les champs, en grād peril de ſa perſonne, & prenoit tout le ſoing & la cure de l'oſt, & n'en auoit pas encores aſſez, à ſon gré. Il ſe leuoit le premier, & ſe couchoit le dernier, cōme le plus pauvre de l'oſt. S'il ſe repoſoit aucun hyuer, il faiſoit ſes diligences de trouuer argent. A chaſcun iour il beſongnoit des ſix heures au matin: & prenoit grād' peine à recueillir & à ouir grād nōbre d'Ambaſſadeurs: & en ce trauail & miſere finit ſes iours: & fut tué des Suiſſes, deuant Nancy, cōme auez veu deuant. Et ne pourroit l'on dire qu'il eult iamais eu vn bō iour depuis qu'il cōmeca à entreprendre de ſe faire plus grād, iuſques à ſon trespas. Quel acqueſt a il eu en ce labeur? Quel ſoing en auoit il? luy, qui eſtoit ſi riche, & auoit tāt de belles villes & ſeigneuries en ſon obeïſſance, ou il eult eſté ſi aiſé ſ'il eult voulu?

Après fault parler du Roy Edouard d'Angleterre, qui a eſté ſi grand' Roy & puiſſant. En ſa trefgrande ieuneſſe il veit ſon pere le Duc d'Yorth deſconfit, & mort en bataille, & avec luy le pere du Comte de Vuaruyc. Le diſt Comte de Vuaruyc gouuernoit le Roy, dont ie parle, en ſa ieuneſſe, & conduiſoit ſes affaires. A la verité dire, il le ſeit Roy, & fut cauſe de deſfaire ſon Roy Henry, qui pluſieurs ans auoit regné en Angleterre: le quel (ſelon mon iugement & ſelon le mode) eſtoit vray Roy. Mais de telles cauſes, comme de royaumes & grandes ſeigneuries, noſtre Seigneur les tient en ſa main, & en diſpoſe: car tout vient de luy. La cauſe pourquoy le Côte de Vuaruyc ſeruoit la maiſon d'Yorth, cōtre le Roy Henry de Lancaſtre, c'eſtoit pour vne ban-

*Exemple par le  
Roy Edouard  
d'Angleterre.*



de ou partialité, qui estoit en la maison dudit Roy Henry, qui n'estoit gueres sage : & la Royne sa femme, laquelle estoit de la maison d'Aniou, fille du Roy René de Cecile, print la partialité du Duc de Sombreffet contre le Côte de Vuaruy : car tous auoyent tenu ledict Roy Henry, & son pere, & grand pere, pour Roys. Ladicte Dame eust mieulx fait beaucoup de faite office de iuge ou de mediateur entre les parties, que de dire : Le soustiendray ceste part, comme il a apparu. Car ilz eurent maintes batailles en Angleterre : & en dura la guerre vingt & neuf ans : &, fin de compte, le tout y mourut, quasi d'une part & d'autre. Et, pour parler des bandes & partialitez : elles sont tresperilleuses, & mesmement quant aux Nobles, enclins à les nourrir & entretenir. Et, si l'on dit que par là ilz sçauront des nouvelles, & tiendront les deux parties en crainte, ie m'accorderay assez qu'un ieune Roy le face entre les Dames : car il en aura du passe-temps, & du plaisir assez, & sçaura des nouvelles d'entre elles : mais nourrir les partialitez entre les homes, comme Princes & gés de vertus & de courage, il n'est rien plus dangereux. C'est allumer vn grand feu en la maison : car tantost l'un ou l'autre dira : Le Roy est contre nous : & puis pélera de se fortifier, & de l'acointer de ses ennemis. Au fort les bandes d'Orleans & de Bourgongne les en doiuent auoir fait sages. La guerre en dura soixante & \* douze ans, les Angloys meslez parmy : qui cuiderent posséder le tout du royaume. A reuenir à nostre Roy Edouard, il estoit fort ieune, & beau Prince entre les beaux du monde. A l'heure qu'il fut de tous poinctz au dessus de ses affaires, il ne compte qu'à son plaisir & aux Dames, festes, banquets, & aux chaces : & suis d'opinion que ce temps luy dura vn seize ans, ou enuiron, iusques à ce que le different dudit Comte de Vuaruy, & de luy, commença. Et, combien que ledict Roy fust iecté hors du royaume, si ne dura ledict debat gueres : car il retourna, & obtint la victoire : & apres print ses plaisirs plus que deuant. Il ne craignoit personne : & se feit fort gras & plein : & en fleur d'age luy vindrent au ronge ses excès : & mourut assez soubdainemēt (comme i'ay dit) d'une Apoplexie : & perdit sa lignee le royaume apres luy, comme auez ouy, quant aux enfans malles.

\* deux xxx.  
ans.

\* Le sieil xxx.  
à anli : mais  
il esira deffis  
Vallaquie :  
qui est Valla-  
chia es Latins.

\* Le sieil xxx.  
mout en cor de la  
Boissone.  
mais il le ruy.  
d'est pour Bol-  
sine, à mon-  
ant.

\* Le sieil xxx.  
dit ainsi, escri-  
uant Polene  
pour Poulla-  
nie : mais, en  
approché plus  
pres du Latin,  
on les nomme  
aujourd'uy  
Boême &  
Pouloigne.

En nostre temps ont aussi regné deux vaillans & sages Princes : c'est à sçauoir le Roy de Hongrie Mathias, & Mahomet Ottomā, Empereur des Turcs. Le Roy Mathias estoit filz d'un tresvaillant Cheualier, appelé le Cheualier Blanc de la \* Vallagnie, Gentil-hôme de grād sens & vertus : qui longuemēt gouuetna ce royaume de Hongrie, & eut maintes belles victoires contre les Turcs : qui sont voisins dudit Royaume, à cause des Seigneuries qu'ilz ont vſurpees en Grece, & Esclauonie \*. Et, tost apres son deces, vint en age d'hōme le Roy Lancelot, à qui le royaume appartenoit, avec \* Béhagine & Poullanie. Cestuy là se trouua conseillé par aucuns (comme l'on dit) de prédre les deux filz dudit Cheualier Blanc, disant que leur pere auoit prins trop de maistrise & de seigneurie audict royaume, durāt son enfance, & q̄ les enfans (qui estoient bons personnages) pourroyent bien vouloir faire comme luy. Pourquoy cōclud ledict Roy Lancelot de les faire prédre tous deux. ce qu'il feit : & incontinent feit mourir l'aîné, & ledict Mathias mettre en prison à Bude, principale ville de Hongrie : mais il n'y fut gueres : & peut estre que no-

stre Sci-

estre Seigneur eut agreables les seruices de son pere : car, tost apres ledict Roy Lâcelot fut empoisonné à Prague en Behaigne, par vne femme de bone maïfô (& en ay veu le frere) de laquelle il estoit amoureux, & elle de luy, tellemēt que, cōme mal contente de se qu'il ce marioit en France, avec la fille du Roy Charles septieme, qui de present s'appelle la Princesse de Vienne (qui estoit contre ce qu'il auoit pmis) elle l'empoisonna en vn baing, en luy donnant à manger d'une pōme: & mit la poison au manche du cousteau. Incōtinēt que fut mort ledict Roy Lancelot, les Barons de Hongrie s'assemblerēt audict Bude, pour faire election du Roy, selon l'usage & priuilege, qu'ilz ont d'elire, quand leur Roy meurt sans enfans: &, estans là en haine & diuision entre eulx, pour ceste dignité, suruint en la ville la veufue dudit Cheualier Blâc, mere dudit Mathias, bien fort accompagnee: car elle estoit riche femme d'argent contant, que son mary auoit laissē: parquoy elle auoit peu faire grâs amas soudainement: & croy bien qu'elle auoit bonne intelligence en ceste compaignie, & en la ville, veu le crédit & authorité que son mary auoit eu audict royaume. Elle tira en la prison, & mit son filz dehors. Partie des Barons & Prelats, qui estoient là assemblez, pour faire leur Roy, s'en fuirēt de paour. Les autres creerēt ledict Mathias à Roy: lequel a regné audict royaume en grand prosperité, & autant louē & prisē que nul Roy qui ait regné long temps a, & plus, en aucunes choses. Il a esté des plus vaillans hommes, qui ayent regné de son temps: & a gaignē de grandes batailles cōtre les Turcs de son temps, sans endōmager son royaume: mais il l'a augmentē, tant de leur costē qu'en Behaigne (dont il tenoit la pluspart) & en Vallagnie, dōt il estoit, & en Esclauonie. Et, du costē d'Alemaigne, print la pluspart d'Austrie, sur l'Empereur Federic, qui vit encores: & l'a possedee iusques à la mort: qui fut en la ville de Vienne, Chef du païs d'Austrie, en cest an mil quatre cens quatre vingts & onze. Il estoit Roy qui gouernoit aussi sagement ses affaires en temps de paix, comme en temps de guerre. Sur la fin de ses iours, & se voyant sans crainte d'ennemis, il est deuenu fort pompeux, & triomphant Roy en sa maison: & feit grans amas de beaux meubles, & bagues, & vaisselles, pour parer sa maison. Toutes choses despeschoit de soy, ou par son commandement. Il se faisoit fort craindre: car il deuint cruel: & puis tomba en griefue maladie, incurable, en assez ieune aage, comme de vingt & huit ans ou enuiron. Il est mort ayāt eu toute sa vie labeur & traual, & trop plus que \* plusieurs.

1491.

\* de plaisir  
à temp. auet.

Le Turc (que deuant ay nommé) a esté sage & vaillant Prince, plus vñant de sens & de cautelle, que de vaillance & hardiesse. Vray est que son pere le laissa bien grand, & fut vaillant Prince, & print Adrianopoly, qui vault à dire ville d'Adrian. Celuy dont ie parle, print en l'aage de vingt & trois ans Constantinoble, qui vault à dire cité de Constantin. Je l'ay veu painct de cest aage: & sembloit bien qu'il fust homme de grand esprit. Ce fut vne grand' honte à tous les Chrestiens de la laisser perdre. Il la print d'assault: & fut tuē, à la breche, l'Empereur de l'Orient, que nous appelons de Constantinoble, & maints autres hōmes de bien: maintes femmes efforcees de grandes & de nobles maisons. nulle cruaultē ne demouta à y estre faicte.

Exemple par le  
Turc.

Ce fut son premier exploit. Il a continué à faire ces grandes choses: & tant que i'ouy vne fois dire à vn Ambassadeur Venitien, deuant le Duc Charles de Bourgogne, qu'il auoit conquis deux Empires, quatre royaumes, & deux cens citez. Il vouloit dire de l'Empire de Cōstantinoble, & de celuy de Trapezonde: les royaumes de la \* Bresanne, la Suris, & Armenie. Je ne sçay s'il prenoit la Moree pour vn. Il a cōquis maintes belles isles de mer en cest Archipel, ou est ladicte Moree (les Venitiens y tenoyent encores deux places) aussi l'isle de Negrepont & de Methelin: & aussi a conquis presque toute l'Albanie & l'Esclauonie. Et, si les conquestes ont esté grandes sur les Chrestiens, aussi ont elles esté sur ceulx de sa loy propre: & y a destruit maint grād Seigneur, comme le \* Carnian, & autres. La plus part de ses œuures il les cōduisoit de luy & de son sens. si faisoit nostre Roy, & aussi le Roy de Hōgrie: & ont esté les trois plus grans hommes, qui ayēt regné depuis cent ans: mais l'honnesteté & forme de viure de nostre Roy, & les bons termes qu'il tenoit aux gens priuez, & aux gens estranges, a esté tout autre, & meilleur que des deux autres: aussi estoit il Roy treschrestien. Quant aux plaisirs du monde, ce Turc en a prins à cœur saoul, & y a vlsé grand' partie de son temps: & eust encores fait plus de maulx qu'il n'a, s'il ne se fust tant occupé. En nul vice de la chair ne failloit, ne d'estre gourmand oultre mesure. Aussi les maladies luy sont venues tost, & selon la vie: car il luy print vne enflure \* d'une iambe, comme i'ay ouy dire à ceulx, qui l'ont veu: & luy venoit au commencement de l'Esté \* qu'elle grossissoit comme vn hōme par le corps: & n'y auoit nulle ouuerture: & puis cela s'en alloit: ne iamais Cyurgien ne sceut entēdre que c'estoit: mais bien disoit l'on que la gourmandise y aidoit bien: & pouuoit estre quelque punition de Dieu. Et ce qu'il se laissoit si peu voir, & se tenoit ainsi clos en son chariot, estoit à fin que l'on ne le cōgnust si deffaiēt, & qu'à celle occasion ne l'eussent tant en mespris. Il est mort en l'age de cinquante & deux ans, ou enuiron, assez soubdainement, toutesfoi il feist testamēt, lequel i'ay veu: & feist conscience d'un impost que nouuellement il auoit mis sur ses subiectz, si ledict testament est vray. Or regardez que doit faire vn Prince Chrestien: qui n'a autorité fondee en raison, de rien imposer, sans le congé & permission de son peuple.

✠ Conclusion de l' Auteurs.

**R** voyez vous la mort de tant de grans hommes, en si peu de temps, qui tant ont trauaillé pour s'accroistre, & pour auoir gloire, & tant en ont souffert de passions & de peines, & abrégé leur vie: & par aduenture leurs ames en pourrōt souffrir. En cecy ne parle point d'udit Turc: car ie tien ce poinēt pour vuidé, & qu'il est logé avec ses predecesseurs. De nostre Roy i'ay esperance (cōme i'ay dit) que nostre Seigneur ait eu misericorde de luy, & aussi aura il des autres, s'il luy plaist. Mais, à parlernaturellement (comme homme, qui n'a aucune litterature, mais quelque peu d'experience) n'eust il point mieulx valu à eulx, & à tous autres Princes, & hōmes de moyē estat, qui ont vescu soubz ces grans, & viuront soubz ceulx qui regnent, esli-re le moyen chemin en ces choses: C'est à sçauoir moins se soucier, & moins se trauailler, & entreprendre moins de choses, & plus craindre d'offenser Dieu,

\* Bosfine, possible, avec Seruie, & la Carnie: car aussi le uent est, a Bosfine, Seruie, & dessus Surie: mais ie ne sçay qu'il uent dire par l'autre, ainsi cōscript Her-meme.

\* Caramanian possible: pour prouue de quoy, & mieulx entendre cest article du Turc, lisez les Conquestes des Turcs, par le sieur Genfroy.

\* de iambes exempt.

\* qu'elles grossissoient exempt.

Dieu, & à persecuter le peuple & ses voisins, & par tant de voyes cruelles, que j'ay assez declarees par cy deuant, & prendre des aises & plaisirs honnestes? Leurs vies en seroyent plus longues. Les maladies en viendroyent plus tard: & leur mort en seroit plus regrettee, & de plus de gés, & moins desirée: & au-royent moins à doubter la mort. Pourtoit l'on voit de plus beaux exem- ples, pour cōgnoistre que cest peu de chose, que de l'homme, & que ceste vie est miserable & briefue, & que ce n'est rien des grans & des petis, & qu'in- continent qu'ilz sont mortz, que tout homme en a le corps en horreur & vitupere \* : & qu'il fault quel'ame, sur l'heure qu'elle se separe d'eulx, quel- le aille recevoir son iugement: Et, à la verité, en l'instant que l'ame est sepa- ree du corps, la sentence en est dōnée de Dieu, selon les œures & merites du corps: laquelle sentence s'appelle le iugement particulier.

\* Depuis ce lieu le uicil Exe. a, pour toute con- clusion, sez mortz & qu'il fault que l'ame sur l'heure, en est- stât separee, aille recevoir son iugement & ia la sentē- ce en est don- nēe, selon les œures & merites du corps.

## Septieme liure des Memoires du

SEIGNEVR D'ARGENTON, LES CONTINuant  
maintenant sur les principaulx faictz du Roy Charles, huiſtie-  
me, filz de Louis onzieme de ce nom.

Proposition de l' *Autheur*, touchant ce qu'il pretend escrire  
par les *Memoires* suyans.



Our continuer les Memoires, par moy Philippe de Commi- nes encommencez, des faictz & gestes & du regne du feu Roy Louis onzieme, que Dieu absolue, maintenāt vous veulx dire comme il aduint que le Roy Charles, huiſtieme, son filz, en- treprint son voyage d'Italie: auquel ie fu. Et partit ledict Sei- gneur de la ville de Vienne, qui est au Daulphiné, le vingt

& \* troisieme iour d'Aoust, l'an mil quatre cens quatre vingtz & quatorze: & fut de retour dudit voyage, en son royaume, enuiron le moys d'Octobre, quatre vingtz & quinze. Auant l'entreprinſe duquel voyage il eut mainte disputation ſçauoir s'il iroit où non. Car l'entreprinſe sembloit à toutes gens sages, & experimētez, tresdangereuse: & n'y eut que luy seul, qui la trouuaſt bonne: & vn appelle Estienne de Vers, natif de Languedoc, homme de petite lignee: qui iamais n'auoit veu n'y entendu nulle chose au faict de la guerre. Vn autre s'en estoit meſlé iusques là, à qui le cœur faillit: homme de Finan- ces, appelle le General Brissonnet: qui depuis, à cause dudit voyage, a eu de grans biens en l'Eglise: comme d'estre Cardinal, & auoir beaucoup de bene- fices. L'autre auoit ia acquis beaucoup d'heritages: & estoit Seneschal de Be- aucaire, & Presider des Comptes à Paris: & auoit seruy ledict Roy, en son en- fance, tresbien, de Varlet-de-chambre: & cestuy-là y attira ledict General: & eulx deux furent cause de ladicte entreprinſe: dont peu de gens les louoyēt, & plusieurs les blasmoient. Car toutes choses necessaires à vne si grande en- treprinſe leur deffailloyent: car le Roy estoit tresieune, foible perſonne, plein de son vouloir, peu accompagné de sages gens, ne de bons Cheſz: & n'auoit

n Le verger d'honneur, qui traitte ample- mēt de ce voy- age, ne dit que 22-en l'1493. rōme cēſi en e- ſtāt par auēſe i- cy: mais, par la deducō de Cō mines meſmes nous l'auēſ re- mis ſe'en tout bons Auteurs: & fault lire le premier uerſ dudit verger ainſi Mil qua- tre cens qua- tre vingtz vn & treize, aue- ment y auēſe ſaute d'un ſil- labe, & ſaute- rōt apres de 13 a 15. ſans ſaue- mention de 14. en continuāt ſes iours & moys.

\* Saulx Ann.  
de Genes, par  
Agostino Tullio-  
mano.

nul argent contant. Car, auant que partir, ilz emprunterét cent mille Frâcs de la Banque de \* Soly à Gennes, à gros interest pour cent, de foire en foire, & en plusieurs autres lieux, comme ie diray apres. Ilz n'auoyent ne tentes ne pauillons: & si cōmencerent en yuer à entrer en Lôbardie. Vne chose auoyét ilz bonne: c'estoit vne gaillarde cōpaignie, pleine de ieunes Gentilz-hômes, mais en peu d'obeissance. Ainsi fault conclure que ce voyage fut cōduict de Dieu, tant à l'aller qu'au retourner: car le sens des cōducteurs, que i'ay dit, n'y seruit de gueres. Toutefois ilz pouoyent bien dire qu'ilz furent cause de donner grand honneur & grand gloire à leur maistre.

*Comment le Duc René de Lorraine vint en France, demander la Duché de Bar, & la Comté de Prouence, que le Roy Charles tenoit: & comment il fallut à entrer au royaume de Naples qu'il preiendait sien, comme le Roy: & quel droit y auoyent tous deux.*

Chap. I.

\* un des ger-  
main de Louis



Estant le Roy, dont ie parle, en l'aage de son couronnement, qui fut de quatorze ou quinze ans, vint vers luy le Duc de Lorraine, demander la Duché de Bar, que le Roy Louis onzieme tenoit, & la Comté de Prouêce, que le Roy Charles d'Aniou, son cousin \* germai, laissa audit Roy Louis, onzieme, par son trespas & testamēt: car il mourut sans enfans. Le Duc de Lorraine la vouloit dire siene, parce qu'il estoit filz de la fille du Roy René de Cecille, Duc d'Aniou & Comte de Prouence: & disoit que le Roy René luy auoit fait tort, & que le Roy Charles d'Aniou dont ie parle, n'estoit que son nepueu, filz de son frere le Comte du Maine, & luy estoit filz de sa fille: mais l'autre disoit que Prouence ne pouoit aller à fille par leurs testamens. En effect Bar fut rendu, ou le Roy ne demandoit qu'une somme d'argēt: &, par auoir grand' faueur & grans amis, & p'esp'cial le Duc Iehan de Bourbon, qui estoit vicil, & en vouloit espouser la seur, eut estat du Roy, & cent Lances de charge: & luy fut baillé trente & six mille Francs, pour quatre annees, pendant lequel temps se congnoistroit du droit de ladicte Comté. Et estoit à ceste deliberation & conclusion (car i'estoye de ce conseil, qui auoit esté lors creé, tant par les prochains parens du Roy, que par les trois Estatz du royaume) Estienne de Vers, dont i'ay parlé: qui ia auoit acquis quelque chose en Prouence: & fait dire par le Roy, ainsi ieune qu'il estoit lors, sa seur, Duchesse de Bourbon, presente, à mōsieur de Comminges, du Lau (car ces deux estoýt aussi du conseil) & moy, que nous tinssions la main à ce qu'il ne perdist point ceste Comté de Prouence. Et fut auât l'appointement dont i'ay parlé.

\* Autrement  
Clercs.

Auant les quatre ans passez se trouuerent quelzques \* gens de Prouence: qui vindrent mettre en auant certains testamens du Roy Charles, le premier, frere de saint Louis, & d'autres Roys de Cecille, qui estoient de la maison de France: &, entre autres raisons, disoyent que non point seulement la Comté de Prouence appartenoit audit Roy, mais le royaume de Cecille, & autres choses, possedees par la maison d'Aniou, & que ledict Duc de Lorraine n'y auoit rien (toutefois aucuns vouloyent dire autrement)

& sa-

& s'adressoyent tous ceulx là audict Estiëue de Vers, qui nourrissoit son maître en ce langage: & que le Roy Charles, dernier mort, Comte de Prouence, filz de Charles d'Aniou, Comte du Maine, & nepueu du Roy René, \* luy auoit laissé par son testament: car le Roy René l'institua en son lieu auant que mourir, & le prefera deuant ledict Duc de Lorraine: qui estoit filz de sa fille. Et disoyent que le Roy René fit cela à cause desdictz testamens, faictz par ce Charles premier & sa femme Comtesse de Prouence, disans que le royaume & Comté de Prouence, ne pouoyent estre separez, n'aller à fille, tât qu'il y eüst filz de la lignee: & que semblable testament feirent les premiers venās apres eulx, comme fut Charles le second audict royaume.

\* entendez au Roy Louis onzieme, tême il a dit cy deuant.

En te temps desdictes quatre anneés, ceulx qui gouuernoyent ledict Roy (qui estoÿt le Duc & Duchesse de Bourbon, & vn Chambelan, appellé le seigneur de Grauille, & autres Chambelans: qui en ce temps eurent grand regne) appelerent en Court, en autorité & à ctedit, ledict Duc de Lorraine, pour en auoir port & aide. Car il estoit homme hardy, & plus qu'homme de Court: & leur sembloit qu'ilz s'en deschargeroyent bien, quād il seroit tēps: comme ilz feirent, quand ilz se sentirent assez fortz, & que la force du Duc d'Orleans, & de plusieurs autres, dōt auez ouy parler, fut diminuee. Aussi ne peurent ilz plus tenir ledict Duc de Lorraine, les quatre ans passez, sans luy bailler ladicte Comté, ou l'asseurer à certain temps, & par escript, & tousiours payer les trente six mille Frācs. en quoy ne se peurent accorder: & à ceste cause il partit, ttesmal content d'eulx, de la Court.

Quatre ou cinq moys auant son partement de Court, luy aduint vne bonne ouuerture s'il eüst sceu entendre. Tout le royaume de Naples se rebella contre le Roy Ferrand, pour la grand' tyrannie de luy & de ses enfans: & se donnerent tous les Barons, & les trois partz du royaume à l'Eglise. Toutefois ledict Roy Ferrand, qui fut secouru des Florentins, les pressoir fort: & par ce le Pape, & lesdictz seigneurs du royaume, qui s'estoyent rebellez, manderent ledict Duc de Lorraine, pour s'en faire Roy: & long temps l'attendirent les galees à Gennes, & le Cardinal de Saint-Pierre-ad-vincula, ce pendant qu'il estoit en ses brouillis de Court, & sus son departement: & auoit avec luy gens de tous les seigneurs du royaume, qui le pressoyent de partir. Fin de compte, le Roy & son conseil monstroyt, en tout & par tout, de luy vouloir aider: & luy fut promis sixante mille Francs: dōt il en eut vingt mille. le reste perdit, & luy fut consenty mener les cent Lāces qu'il auoit du Roy, & enuoyer Ambassades par tout en sa faueur. Toutefois le Roy estoit ia de dix neuf ans, ou plus, nourry de ceulx que j'ay nommez: qui luy disoyent, iournellement, que ledict royaume de Naples luy deuoit appartenir. le le dy volontiers: par ce que souuent petites gens en menoyent grand' noise: & ainsi le sceu par aucuns de ces Ambassadeurs, qui alloient à Romme, Florence, Gennes, & ailleurs, pour ledict Duc de Lorraine: & le sceu mesmement par ledict Duc propre: qui vint passer par Moulins, ou lors me tenoye, pour les differens de Court, avec ledict Duc Jehan de Bourbon. Ia son entreprinse estoit demy perdue, pour la longue attente: & allay au deuant de luy, combien que ne luy fusse tenu: car il m'auoit aidé à chacer de la Court, avec rudés &

\* Autrement auenture.

# SEPTIEME LIVRE DES MEMOIRES

folles patoles. Il me feit la plus grand' chere du monde, soy doulant de ceulx qui demoutoyent au gouuernement. Il fut deux iours avecques le Duc Iehā de Bourbon: & puis tira vers Lyon.

En somme, ses amis estoient si las, & si foulez, pour l'auoir tant attendu, q̄ le Pape auoit appointé, & les Barons du royaume aussi, lesquelz, sus la seurete dudit appointement, allerent à Naples: ou tous futēt prins, combien que le Pape, les Venitiens, & le Roy d'Espaigne, & les Florentins, s'estoyēt obligez de faire tenir ledict appointement, & eussent iuré & promis leur seureté. Le Prince de Salerne eschappa, & vint par deçà: & ne voulut point estre comptins audiect appointement, cōgnoissant ledict Ferrand. Ledit Duc de Lorraine s'en alla bien honteux en son païs: n'onques puis n'eut autorité vers le Roy: & perdit ses Gens-d'armes, & les trente six mille Francs qu'il auoit pour Prouence: & iusques à ceste heure (qui est l'an mil quatre cens quatre vingtz dixsept) est encores en cest estat.

*Comment le Prince de Salerne, du royaume de Naples, vint en France: & comment Ludouic Sforce, surnommé le More, & luy, eschuyoyent à faire que le Roy menast guerre au Roy de Naples: & pour quelle cause. Chap. 2.*



Edict Prince de Saletne fut à Venise (par ce qu'il y auoit grande accointāce) & avec luy trois de ces nepueuz, enfans du Prince de Bisignan: ou demanderent conseil (comme m'a dit ledict Prince) à la Seigneurie, ou il leur plaisoit mieulx qu'ilz tirassent, ou vers ledict Duc de Lorraine, ou deuers le Roy de Frāce, ou d'Espaigne. Il me dist qu'ilz luy trespōdirent q̄ le Duc de Lorraine estoit vn hōme mort, & qu'il ne les scauroit resstourde. Le Roy d'Espaigne seroit trop grād, sil auoit le royaume, avec l'isle de Cecile, & les autres choses qu'il auoit en ce gouffre de Venise: & qu'il estoit puissant par mer: mais qu'ilz luy cōseilleroyēt allet en Frāce: & qu'avec les Roys de France, qui auoyent esté audiect royaume, ilz auoyent eu bonne amitiē & bō voisin. Et croy qu'ilz ne pēsoyent point q̄ce, qui en aduint apres, deust aduenir. Ainsi vindrent ces Barōs dessusdictz en France: & furent bien recueillis, mais pauement traictez de biens. Ilz feirent grande poursuite enuiron deux ans: & du tout s'adressoyent à Estienne de Vers, lors Seneschal de Beaucaire, & Chambelan du Roy.

Vn iour viuoyēt en esperāce: autre en cōtratieté: & faisoeyēt diligēce en Italie, & par especial à Milan: ou auoit pour Duc Iehā Galeas: nō pas le grād, qui est enterré aux Chartreux de Pauie: mais celuy qui estoit filz du Duc Galeas & de la Duchesse Bōne, fille de Sauoye: qui estoit de petit sens. Elle eut la tutelle de ses enfāns: & l'ay veue en grāde autorité, estāt veufue, cōduicte p vn, appelé messire\* Cico, Secretaire, nourry de lōg tēps en ceste maison: q̄ auoit chacé & confiné tous les freres du Duc Galeas pour la seureté de ladiēte Dame & de ses enfans. Entre les autres auoit chacé vn appelé le seigneur Ludouic (qui depuis fut Duc de Milā) qu'elle r'apela depuis, estāt son ennemy, & en guerre cōtre elle: & le seigneur Robett de S. Seuri, vaillāt Capitaine, q̄ pareillemēt auoit chacé par ledict Cico. Pour cōclusiō, par le moyē d'un ieune hōme, qui trēchoit deuāt elle, natif de Ferrare, de petite lignee, appelé Antoine\* Thesin, elle

\* Cecco Machiavel.

\* Tassinio Machiavel.



elle les rappela par sottise, cuidant qu'ilz ne feissent nul mal: audit Cico: & ainsi l'auoyent iuré & promis. Le tiers iour apres, le prindrent & le passerent dedans vne pipe, au trauers de la ville de Milan. car il estoit allié par mariage avecques aucun des Viscôres: & veult l'on dire que, s'il eust esté en la ville, qu'ilz ne l'eussent osé prendre: & si vouloit le seigneur Ludouic q le seigneur Robert de Saint-Seurin, qui venoit, le rencontraist en cest estat, pource qu'il haïssoit à merueilles ledict Cico: qui, apres fut mené à Paue en prison au chasteau, ou depuis il mourut.

Ilz mirent ladicte Dame en grand honneur, ce luy sembloit: & luy complaisoyent: & eulx tenoyent le cōseil, sans luy dire, sinon ce qui leur plaisoit: & plus grand plaisir ne luy pouoyent ilz faire, que de ne luy parler de rien.

À cest Antoine Thefin luy laissoient donner ce qu'elle vouloit: & le logeoient pres de sa chambre: & la portoit à cheual derriere luy, par la ville: & estoient toutes festes & dances leans: mais il ne dura gueres: par aduenture demy an. Elle feit beaucoup de biens audit Thefin: & les bougettes des courriers s'adresoyent à luy: & y sortit grāde enuie, avec le bon vouloir que le seigneur Ludouic, oncle des deux enfans, auoit de se faire seigneur: cōme il feit apres. Vn matin luy osterēt ses deux filz, & les mirēt au Danion, qu'ilz appelloient la Rocque: & à ce s'accorderent ledict seigneur Ludouic, le seigneur Robert de Saint-Seurin, vn appelé de Palleuoisin, qui gouernoit la personne dudit ieune Duc, & le Capitaine de la Rocque: qui iamais, depuis la mort du Duc Galeas, n'en estoit sorty, n'y ne feit de long temps apres, iusques à ce qu'il fut prins par tromperie dudit seigneur Ludouic, & par la folie de son maistre, qui tenoit la condition de la mere, & n'estoit gueres sage. Apres ces enfans mis en ladicte Rocque par les dessusdictz, ilz mirēt la main sur le tresor (qui estoit en ce temps le plus grand de la Chrestienté) & luy en feirent rendre compte: & en fut fait trois clefs: dont elle eut l'une: mais onques puis n'y toucha. Ilz la feirent renoncer à la tutelle: & fut créé tuteur le seigneur Ludouic. Et, d'auantage, escriuirent en plusieurs lieux, & par especial en France, lettres, que ie vey, à sa grande honte, en la chargeant de cest Antoine Thefin: & autre chose audit Thefin ne fut meffait: mais fut enuoyé: & le sauua ledict seigneur Robert, & aussi ses biens. En ceste Rocque n'entroyent point ses deux grans hommes, comme ilz vouloyent: car le Capitaine y auoit son frere, & bien cent cinquante hommes à gages, & faisoit garder la porte quand ilz y entroyent: & n'y menoyent iamais qu'un homme ou deux avec eulx: & dura cecy fort longuement.

Ce pendant sourdit grand different entre ledict seigneur Ludouic & Robert de Saint-Seurin, cōme il est bié de coustume (car deux gros ne se peuent endurer) & demoura le pré au seigneur Ludouic: & l'autre s'en alla au seruite des Venitiens. Toutefois, puis apres, il reuint deux de ses enfans au seruite dudit seigneur Ludouic & de l'estat de Milan: qui furēt me sire Galeas & le Comte de Caiaze. Aucuns dient du sceu dudit pere. Les autres dient que non. Mais, comment que ce fust, ledict seigneur Ludouic les print en grand amour: & s'en est fort bien seruy, & fait encores au iourd'huy. Et fault entendre que leur pere le seigneur Robert de Saint-Seurin, estoit de

la maison de Saint-Seuerin, failly d'une fille bastar de. mais ilz ne fôt point grande difference au pais d'Italie d'un enfant bastard à vn legitime. le dy eecy, par ce qu'ilz ay derent à cōduire nostre entreprinse du pais d'Italie, tāt en faueur du Prince de Salerne (dont i'ay parlé) qui est Chef de ladiète maison de Saint-Seuerin, que pour autres caules, que ie diray apres.

Lediēt seigneur Ludouic commença tost à monstrier de fort vouloir garder son autorité : & feit faire monnoye, ou lediēt Duc estoit empraint d'un costé, & luy de l'autre. qui faisoit murmurer beaucoup de gens. Lediēt Duc fut marié avec la fille du Duc de Calabre : qui depuis fut Roy Alphonse, apres la mort de son pere le Roy Ferrand, Roy de Naples. Ladiète fille estoit fort courageuse : & eust volontiers donné credit à son mary, si elle eust peu : mais il n'estoit pas gueres sage, & reueloit ce qu'elle luy disoit. Aussi fut long temps en grande autorité le Capitaine de ceste Rocque de Milan : qui i iamais ne failloit de dedans : & s'y commença à engendrer des soupçons : &, quand l'un filz failloit, l'autre demouroit dedans. Pour abreger ce propos, enuiron vn an ou deux auant que allissions en Italie, lediēt Seigneur Ludouic, venāt de dehors avec lediēt Duc, \* pour luy faire dōmage, l'amena pour descendre à la Rocque, comme ilz auoyent de coustume. Le Capitaine venoit sus le pont leuis, & gēs à l'entour de luy, pour baïser la main audiēt Duc, comme est leur coustume. Ceste fois estoit le Duc vn peu hors du pont : & fut cōtraint lediēt Capitaine de passer vn pas, paraduenture, ou deux, tant que ces deux enfans de Saint-Seuerin le saisirent, & autres qui estoient à l'entour d'eulx. Ceulx de dedans leuerent le pont : & lediēt Ludouic feit alumer vn bout de bougie, iurant qu'il leur feroit trēcher la teste, s'ilz ne rendoyent la place auant la chandelle bruslee. ce qu'ilz feirent : & pourueut bien ladiète place, & seurement pour luy, & parlant tousiours au nom du Duc : & feit vn proces à ce bon hōme, disant qu'il auoit voulu baïller la place à l'Empereur : & feit arrester aucuns Alemans, disant qu'ilz traiētoyent ce marché : & puis les laissa aller : & feit descapiter vn sien Secretaire, le chargeant d'auoir guidé cest œuure, & vn autre, qui disoit qu'il en auoit fait lesdiēt messages. Lediēt Capitaine long temps il tint prisonnier. à la fin le laissa aller, disant que madame Bonne auoit vne fois gaigné vn frere dudiēt Capitaine, pour le tuer, en entrant en ladiète Rocque, & que lediēt Capitaine l'en auoit gardé : parquoy à ceste heure luy sauuoit la vie. Toutesfois ie croy que s'il eust esté coupable d'un tel cas, comme d'auoir voulu baïller le chasteau de Milan à l'Empereur, auquel il pourroit pretendre droiēt comme Empereur, & aussi comme Duc d'Austriche (car ceste maison y querelle quelque chose) il ne luy eust point pardonné. Aussi c'eust esté vn grand mouuement en Italie : car tout l'estat de Milan se fust tourné en vn iour : par ce que, du temps des Empereurs, ilz ne payoyent que demy Ducat pour feu, & maintenant sont fort cruellement traiētez, Eglises, Nobles, & peuple, & en vraye tyrannie.

Se sentant le Seigneur Ludouic saisy de ce chasteau, & la force & Gens d'armes de ceste maison soubz sa main, pensa de tirer oultre. car, qui a Milan, il a son gouuernemēt, & toute la Seigneurie : car les principaulx de toute la

\* L'autre est dit pour faire dōmage.

te la Seigneurie y demeurent : & ceulx, qui ont la garde & gouvernement des autres places, en sont. Et, de ce que cōtient ceste Duché, ie ne vey iamais plus belle piece de terre, ne de plus grande valeur. Car, quand le Seigneur se cōtenteroit de cinq cens mille Ducats l'an, les subiectz ne seroyent que trop riches, & viuroit ledict Seigneur en seureté : mais il en leue six cens cinquante mille, ou sept cens mille. qui est grand' tyrannie. aussi le peuple ne demande que mutation de Seigneur. Quoy voyant le Seigneur Ludouic, avec ce que dict est, &, estant ia marié avec la fille du Duc de Ferrare, dont il auoit plusieurs enfãs, se prepara d'acheuer son desir : & mit peine de gaigner amis, tant en ladiete Duché q̄ hors d'Italie : & premierement s'allia des Venitiens, à la preseruacion de leurs estatz : desquelz il estoit grād amy : au preiudice de son beaupere, à qui les Venitiens auoyent osté, peu parauāt, vn petit païs, appelé \* Polefan : qui est tout enuironné d'eau, & abondant à merueilles en tous biens : & le tiennent les Venitiens iusques à demie lieue de Ferrare : & y a deux bōnes petites villes, que i'ay veues. C'est à sçauoir \* Rouigue & Labadie : & se perdit lors qu'il faisoit la guerre aux Venitiens, que luy seul esmeut, & durāt laquelle vint depuis le Duc de Calabre, Alphonse, à son secours, du viuāt de Ferrand son pere, & le Seigneur Ludouic pour Milan, avec les Florentins, le Pape, & Boulongne. Toutesfois, estans Venitiens presque au dessoubz, au moins ayās le pire, & fort minez d'argent, & plusieurs autres places perdues, appointa ledict Seigneur Ludouic à l'hōneur & profit des Venitiens : & reuint vn chascun au sien, fors ce pauvre Duc de Ferrare, qui auoit encommencé ladiete guerre, à la requeste de luy, & dudiēt Roy Ferrand, dōt ledict Duc auoit espousé la fille : & salut qu'il laissast ausdictz Venitiens le Polefan, qu'encores tiennēt : & disoit l'on que le Seigneur Ludouic en eut soixante mille Ducats. Toutesfois ie ne sçay si il fut vray : mais i'ay veu ledict Duc de Ferrare en ceste creance. Vray est que pour lors il n'auoit pas espousé la fille. Et ainsi estoit cōtinuee ceste amitié entre luy & les Venitiens.

Nul seruiteur ne parent du Duc Iehan Galeas de Milan donnoit empeschement au Seigneur Ludouic à prendre la Duché pour luy, que la femme dudiēt Duc, qui estoit ieune & sage, & fille du Duc Alphonse de Calabre, que par deuant ay nommé, filz aîné du Roy Ferrand de Naples : &, en l'an mil quatre cens quatre vingts & treize, commença ledict Seigneur Ludouic à enuoyer deuers le Roy Charles huietieme, de present regnant, pour le pratiquer de venir en Italie, à conquerir ledict royaume de Naples, pour destruire & affoler ceulx qui le possedoyēt, que i'ay nommez. Car, estans ceulx là en force & vertu, ledict Ludouic n'eust osé entreprendre ce qu'il feist de pais. Car en ce temps là estoient forts & riches ledict Ferrand Roy de \* Cecile, & son filz Alphonse, & fort experimétez au mestier de la guerre, & estimez de grand cœur, combien que le contraire se veit depuis : & ledict Seigneur Ludouic estoit hōme tressage, mais fort craintif & bien souple, quand il auoit paour (i'en parle comme de celuy que i'ay congnu, & beaucoup de choses traitées avecques luy) & homme sans foy, si'il voyoit son profit pour la rompre. Et ainsi, comme dict est, l'an mil quatre cens quatre vingts & treize, comēça à faire sentir à ce ieune Roy Charles, huietieme, de vingt & deux

\* Polefine  
Mach. au. l.

\* Rouigo  
ou l. abadiaz  
italien.

\* Entendez de  
Naples, ou nā  
pai de l'isle.

ans, des fumées & gloires d'Italie: luy remonstrent, comme dict est, le droit qu'il auoit en ce beau royaume de Naples, qu'il luy sçauoit biē blasonner & louer: & s'adressoit de toutes choses à cest Estiēne de Vers (deuenu Seneschal de Beaucaire, & enrichy, mais non point encores à son grē) & au General Brissonnet, homme riche, & entendu en Finances, grand amy lors du Seneschal de Beaucaire, auquel il faisoit conseiller audict Brissonnet de se faire Prestre, & qu'il le feroit Cardinal. à l'autre couchoit d'une Duchē. Et, pour commencer à conduire toutes ces choses, ledict Seigneur Ludouic enuoya vne grande Ambassade deuers le Roy, à Paris, audict an, dont estoit Chef le Comte de Caiasse, filz aîné dudiect Robert de Saint-Seuerin, dont i'ay parlé: lequel trouua à Paris le Prince de Salerne, dont il estoit cousin: car celuy là estoit Chef de la maison de Saint-Seuerin, comme dessus i'ay dit: & estoit en France, chacé dudiect Roy Ferrand, comme auez entendu parauant, & pourchaoit ladiectē entreprinse de Naples. Auec ledict Comte de Caiasse estoit le Comte Charles de \* Belleioyeuse, & messire Galeas, Viscôte, Milannois. Tous deux estoient fort bien acoustrez & accompagnēz. Leurs paroles en public n'estoyent que visitations, & paroles assez generales: & estoit la premiere Ambassade grande qu'il eust enuoyee deuers ledict Seigneur. Il auoit bien enuoyé parauant vn Secretaire, pour traicter que le Duc de Milan, son nepueu, fust receu à hommage de Gennes, par procureur. ce qu'il fut, & contre raison: mais bien luy pouuoit le Roy faire ceste grace que de commettre quelcun à le receuoir: car, luy estant en la tutelle de sa mere, ie l'ay receu en son chasteau de Milan, moy estant Ambassadeur de par le feu Roy Louis onzieme de ce nom, ayant la charge expresse de ce faire: mais lors Gennes estoit hors de leurs mains, & la tenoit messire Baptiste de Campesfourgouse: & maintenāt que ie dy, le Seigneur Ludouic l'auoit recouree: & donna, à aucuns Chambelāz du Roy, huit mille Ducats, pour auoir ladiectē inuestiture: lesquelz firent grād tort à leur maistre: car ilz eussent peu parauant auoir Gennes pour le Roy, s'ilz eussent voulu. Si argent deuoyent prendre pour ladiectē inuestiture, ilz en deuoyent demander plus: car le Duc Galeas en paya vne fois au Roy Louis, mō maistre, cinquāte mille Ducats: desquelz i'en eu trēte mille Escus cōtent, en dō, dudiect Roy Louis, à qui Dieu face pardon: toutes fois ilz disoyent auoir prins lesdiētz huit mille Ducats, du cōsentemēt du Roy: & ledict Estiēne de Vers, Seneschal de Beaucaire, estoit l'un de ceulx qui en print: & croy biē qu'il le faisoit pour mieulx entretenir ledict Seigneur Ludouic pour ceste entreprinse ou il tēdoit. Estās à Paris les Ambassadeurs, dōt i'ay parlé en ce chapitre, & ayās parlé en general, parla à part, auec le Roy, ledict Comte de Caiasse, qui estoit en grand credit à Milan, & encores plus son frere messire Galeas de Saint-Seuerin, & par especial sur le fait des Gens-d'armes: & commença à offrir au Roy grans seruices & aides, tant de gens que d'argent: car ia pouuoit son maistre disposer de l'Estat de Milan, comme s'il eust esté sien: & faisoit la chose aîsee à conduire: & peu de iours apres print congé du Roy, & messire Galeas Viscôte, & s'en allerent: & le Comte Charles de Belleioyeuse demeura pour auancer l'œuure: lequel incontinent se vestit à la mode Françoisē, & feit de tresgrandes dili-

\* Belzoiofo  
en Marco Ga-  
azzo, que le La-  
tin de Ploum  
en l'histoire de  
son temps nō-  
me Balbian\*,  
et l'italien de  
Balbiano.

des diligences:& cōmencerent plusieurs à entēdre ceste matiere. Le Roy enuoya en Italie vn, nommé Peron de\* Basche, nourry en la maison d'Aniou, du Duc Iehan de Calabre, affectionné à ladiète entreprinse: qui fut vers le Pape Innocent, Venitiens, & Florentins. Ces pratiques, allees & venues durerent sept ou huiēt moys, ou enuiron: & se parloit de ladiète entreprinse entre ceulx, qui la sçauoyent, en plusieurs façons: mais nul ne croyoit que le Roy y deust aller en personne.

*Comment le Roy Charles, huietieme, feit paix avec le Roy des Rommains, & l'Archeduc d'Austriche, leur r'enuoyant Madame Marguerite de Flandres, deuant que faire son voyage de Naples. Chap. 3.*

**P**endant ce delay, que ie dy, le traicté paix à Senlis entre le Roy & l'Archeduc d'Austriche, heritier de ceste maison de Bourgogne: & combien que ia yeust trefues, si suruint il cas de malucillāce: car le Roy laissa la fille du Roy des Rommains, sœur dudiēt Archeduc (laquelle estoit bien ieune) & print pour femme la fille du Duc François de Bretagne, pour auoir la Duché de Bretagne paisible: laquelle il possedoit presque toute, à l'heure dudiēt traicté, fors la ville de Rennes, & la fille qui estoit dedans: laquelle estoit cōduicte soubz la main du Prince d'Orēge, son oncle, qui en auoit fait le mariage avec le Roy des Rommains, & espousé par procureur en l'Eglise publicquēment: & fut le tout enuiron l'an mil quatre cēs quatre vīgts & douze. Pour lediēt Archeduc, & en sa faueur, grād Ambassade vint de par l'Empereur Federic, voulant se faire mediateur dudiēt accord. Aussi y enuoya le Roy des Rommains. Semblablement y enuoya le Comte Palatin, & les Suiſſes, pour moyenner & pacifier: car il sembloit à tous que grand' question en deuoit soudre, & que le Roy des Rommains estoit fort iniurié, & qu'on luy ostoit celle qu'il tenoit pour sa femme, & luy rédoit on sa fille, qui plusieurs annees auoit esté Royne de France. Fin de compte, la chose termina en paix: car chascun estoit las de guerre: & par especial les subiectz du\* Duc Philippe, qui auoyent tant souffert (tāt par la guerre du Roy, q̄ pour leurs diuisions particulieres) qu'ilz n'en pouuoient plus: & se feit vne paix de quatre ans seulement, pour auoir repos, & leur fille, qu'on faisoit difficulté de leur rendre, au moins aucuns, qui estoient à l'entour du Roy & de ladiète fille: & à ladiète paix me trouuay present, avec les deputez, qui y estoient: à sçauoir monseigneur le Duc Pierre de Bourbon, le Prince d'Orēge, monseigneur des Cordes, & plusieurs autres grās personnages: & fut promis rendre audiēt Duc Philippe ce q̄ le Roy tenoit de la Comté d'Artois, cōme il auoit esté promis en traictāt lediēt mariage (qui fut l'an mil quatre cēs quatre vīgts & deux) que s'il ne s'accomplissoit, que les tetres qu'on donnoit à ladiète fille en mariage, retourneroyent avec elle, ou au Duc Philippe: mais ia d'emblee auoyent prins ceulx dudiēt Archeduc, Arras, & Saint-Omer. Ainsi ne restoit à rēdre q̄ Hedin, Aire & Betune, dōt des l'heure leur fūt baillé le reuenu & seigneurie, & y mirent officiers: & le Roy retenoit les chasteaux: & y pouoit mettre garnisons, iusques au bout de quatre ans: qui finirēt à la S. Iehan, l'an mil quatre cēs quatre vīgts & dixhuiēt: & lors les deuoit rendre le Roy à mondiēt Seigneur l'Archeduc: & ainsi fut promis & iuré.

\* André de la Vigne, en son *Verger d'honneur*, fait mention d'un Perot le Vache, que ie pense estre ce Iury cy, sūyuant mesme la mer des Histoires, qui s'accorde fort avec luy en tout ce uoyage.

\* Duc pour Archeduc.

Si lesdictz mariages furent ainsi changez selon l'ordonnance de l'Eglise ou non, ie m'en rapporte à ce qui en est: mais plusieurs Docteurs en Theologie m'ont dit que non, & plusieurs m'ont dit que ouy: mais, quelque chose qu'il en soit, toutes les Dames ont eu quelque malheur en leurs enfans. La nostre a eu trois filz de reng, & en quatre annees. L'un a vescu pres de trois ans, & puis mourut: & les autres deux aussi sont decedez. Madame Marguerite d'Autriche a esté mariee au Prince de Castille, filz seul des Roy & Royne de Castille & de plusieurs autres royaumes: lequel Prince mourut au premier an qu'il fut marié: qui fut l'an mil quatre cens quatre vingts dix sept. Ladicte Dame demoura grosse: laquelle acoucha d'un filz, tout incontinent apres la mort de son mary, qui a mis en grand douleur les Roy & Royne de Castille, & tout leur royaume. Le Roy des Romains s'est marié, incontinent apres ces mutations dont i'ay parlé, avec la fille du Duc Galeas de Milan, sœur du Duc Iehan Galeas, dont a esté parlé: & s'est fait ce mariage par la main du seigneur Ludouic. Le mariage a fort desplu aux Princes de l'Empire, & à plusieurs amis du Roy des Romains, pour n'estre de maison si noble, comme il leur sembloit qu'il leur appartenoit. Car du costé des Viscontes, dont s'appellent ceulx qui regnent à Milan, y a peu de noblesse, & moins du costé de Sforce, dont estoit filz le Duc Francisque de Milan: car il estoit filz d'un cordouanier d'une petite ville, appelee Cotignoles: mais il fut homme \* tressomptueux: & encores plus le filz: lequel se feit Duc de Milan, moyennant la faueur de sa femme, bastarde du Duc Philippe Marie: & la cōquēsta, & posseda, non point comme Tyran, mais comme vray & bon Prince: & estoit bien à estimer sa vertu & bonté aux plus nobles Princes qui ayent regné de son temps. Ie dy toutes ces choses, pour monstrer ce qui l'est ensuiuy, de la mutation de ces mariages: & ne sçay qu'il en pourra encores aduenir.

\*.possible pre  
somptueux  
ou tresvertu-  
eux.

Comment le Roy enuoya deuers les Venitiens, pour les pratiquer, deux ans  
qu'entreprendre son voyage de Naples: & des preparatifs qui se fei-  
rent pour iceluy. Chap. 4.

**P**Our reuenir à nostre matiere principale, vous auez entendu comme le Comte de Caiazzo, & autres Ambassadeurs, sont partis d'auec le Roy, de Paris, & comment plusieurs pratiques se menoyent par Italie, & comment nostre Roy, tout ieune qu'il estoit, l'auoit fort à cœur, mais à nul ne sen descouuroit encores, fors à ces deux. Aux Venitiens fut requis de par le Roy, qu'ilz luy voulussent donner aide & conseil en ladicte entreprinse: lesquelz seirent resposé qu'il fust tresbien venu, mais qu'ilz ne luy pourroyent faire aide, pour la suspicion du Turc (cōbien qu'ilz fussent en paix avec luy) & que de conseiller à vn si sage Roy, & qui auoit si bon conseil, ce seroit trop grande presumption à eulx, mais que plus tost luy aideroyent q̄ de luy faire ennuy. Or notez qu'ilz cuidoyent bien sagemēt parler: & aussi faisoier ilz. Car pour aujourd'huy ie croy leurs affaires plus sagement censeillez que de Prince ne cōmunauté qui soit au mode: mais Dieu veult tousiours que l'on congnoisse que les iugemens, ne le sens des homes, ne seruent de rien là ou il luy plaist mettre la main. Il disposa l'affaire autrement

ment qu'ilz ne cuidoyent : car ilz ne croyoyent point que le Roy y allast en personne : & si n'auoyent nulle paour du Turc, quelque chose qu'ilz dissent : car le Turc, qui regnoit, estoit de petite valeur : mais il leur sembloit qu'ilz se vengeroyent de ceste maison d'Arragon, qu'ilz auoyent en grand haine, tât le pere que le filz, disâns qu'ilz auoyent fait venir le Turc à \* Scutary. l'enten le pere de cestuy Turc, qui cōquist Constantinoble, appelé Mahumet Othoma, & qui feit plusieurs autres grans dômagez ausdictz Venitiens. Du Duc de Calabre, Alphonse, ilz disoyent plusieurs autres choses : entre les autres qu'il auoit esté cause de la guerre que esmeut contre eulx le Duc de Ferrare, qui merueilleusement leur cousta. & en cuiderēt estre destruiçtz (de ladiçte guerre i'ay dit quelque mot) & disoyent aussi que le Duc de Calabre auoit enuoyé hōme expres à Venise pour empoisonner les cisternes, au moins celles ou ilz pourroyet ioindre : car plusieurs sont fermées à clef (audiçt lieu n'usent d'autre eau : car ilz sont de tous poinçtz assis en la mer : & est l'eau tref bonne, & en ay beu huit moys pour vn voyage seul, & y ay esté vne autrefois depuis la faïson dont ie parle) mais leur principale raison ne venoit point de la : mais pource que les dessusdictz les gardoyent d'accroistre à leur pouuoir, tant en Italie comme en Grece. Car des deux costez auoyent les yeulx ouuerts : toutes fois ilz auoyent nouuellement conquesté le royaume de Chippre, & sans nul tiltre. Pour toutes ces haines sembloit ausdictz Venitiens, que c'estoit leur profit que la guerre fust entre le Roy & ladiçte maison d'Arragon, esperans qu'elle ne prendroit si prōpte cōclusion qu'elle print, & que ce ne seroit qu'affoiblir leurs ennemis, & non point les destruire, & que, au pis venir, l'un party ou l'autre, leur dôneroit quelques villes en Pouille (qui est du costé de leur Gouffre) pour les auoir à leur aide : & aïsi en est aduenu : mais il a peu faillly qu'ilz ne se soyent mescōptez : & puis leur sembloit qu'on ne les pourroit charger d'auoir fait venir le Roy en Italie, veu qu'ilz ne luy en auoyent donné conseil ny ayde, comme apparroissoit par la responce qu'ilz auoyent faicte à Peron de Basche.

En l'anne mille quatre cēs quatre vingts & quatorze tira le Roy vers Lyon <sup>1494.</sup> pour entendre à ses affaires (non point qu'on cuidast qu'il passast les montz) & là vint vers luy messire Galeas, frere au Comte de Caiazzo, de Saint-Seuerin, dont a esté parlé, fort bien accompagné, de par le seigneur Ludouic, dōt il estoit Lieutenant & principal seruiteur : & amena grand nombre de beaux & bons cheuaux : & apporta du harnois, pour courir à la iouste : & y courut, & bien : car il estoit ieune & gētil Cheualier. Le Roy luy feit grand hōneur & bonne chere, & luy donna son ordre : & puis il s'en retourna en Italie : & demeura tousiours le Côte de Belleioyeuse Ambassadeur, pour auancer l'allee : & se commença à aprestier vne trefgrosse armee à Gennes : & y estoit, pour le Roy, le seigneur d'Urfé, grand Escuyer de France, & autres. A la fin le Roy alla à Vienne au Daulphiné, enuiron le cōmencement d'Aoust audiçt an : & là venoyent chascū iour les Nobles de Gennes : ou fut enuoyé le Duc Louis d'Orleans, de present regnant Roy, homme ieune, & beau personnage, mais ayant son plaisir (de luy est assez parlé en ces Memoires) & cuidoit on lors qu'il deust cōduire l'armee par mer, pour descēdre au royaume de Naples, par

\* Ainsi le même  
Lodouic Delon,  
en sa traduction  
des Histoires  
Venitiennes de  
Nabelic.



l'aide & cōseil des Princes qui en estoient chacez, & q̄ i'ay nommez: c'est à sçavoir les Princes de Salerne & de Bisignan. Et furēt prestz iusques à quatorze nauires Geneuois, & plusieurs galees, & galliōs: & y estoit obey le Roy, en ce cas, cōme à Paris: car ladiçte citē estoit soubz l'estar de Milā, que gouuernoit le seigneur Ludouic: & n'auoit competeur leans que la femme du Duc son nepueu, que i'ay nommee, fille du Roy Alphōse (car en ce tēps estoit ia mort son pere le Roy Ferrand) mais le pouuoir de ladiçte Dame estoit bien petit: veu qu'on voyoit le Roy prest à passer, ou à enuoyer, & son mary peu sage, qui disoit, tout ce qu'elle disoit, à son oncle, qui auoit ia fait enuoyer quelque messager, qu'elle auoit enuoyé vers son pere.

La despence de ce nauire estoit fort grande: & suis d'aduis qu'elle cousta trois cens mille Francs: & si ne seruit de rien: & y alla tout l'argent cōtent que le Roy peut finer de ses Fināces: car, comme i'ay dit, il n'estoit poinr pourueu ne de sens, ne d'argent, n'y d'autre chose necessaire à telle entreprinse: & si en vint bien à bout, moyennant la grace de Dieu, qui clairement le donna ainsi à congnoistre. Je ne veulx point dire que le Roy ne fust sage de son aage: mais il n'auoit que vingt & deux ans, & ne faisoit que faillir du nid. Ceulx qui le conduisoient en ce cas, que i'ay nommez, à sçauoir Estienne de Vers, Seneschal de Beaucaire, & le General Brissonnet, de present Cardinal de Saint-Malo, estoient deux hommes de petit estat, & qui de nulle chose n'auoyent eu experience: mais de tant monstra nostre Seigneur mieulx sa puissance: car noz ennemis estoient tenus tressages & experimentez au faict de la guerre, riches, & pourueus de sages hommes, & bōs Capitaines, & en possession du royaume. Je vueil dire le Roy Alphonse, de nouveau couronné, par le Pape Alexandre, natif d'Arragon: qui tenoit en son party les Florentins, & bonne intelligence au Turc. Il auoit vn filz gentil personnage, nommé Dom Ferrand, de l'aage de vingt deux ou vingt trois ans, ausi, portāt le harnois, & bien aimé audiçt royaume, & vn frere, appelé Dom Federic, depuis Roy, apres Ferrand, durant nostre aage, homme bien sage, qui conduisoit leur armee de mer, ayant esté nourry par deça long temps, & duquel vous, monseigneur de Vienne, m'auēz maintesfois asseuré, par Astrologie, qu'il seroit Roy: & me promit des lors quatre mille liures de rente audiçt royaume, si ainsi luy aduenoit: & a esté ceste promesse vingt ans deuant que le cas aduint.

Or pour continuer, le Roy mua de propos, à force d'estre pressé du Duc de Milā par lettres, & par ce Comte Charles de Belleioyeuse son Ambassadeur, & ausi des deux que i'ay nommez: toutefois le cuer faillit audiçt General, voyant que tout homme sage & raisonnable blasmoit le voyage de par delà par plusieurs raisons, & par estre là sur les champs au moys d'Aoust, sans argent & sans toutes autres choses necessaires: & demoura la foy audiçt Seneschal seul, dont i'ay parlé: & feit le Roy mauuais visage audiçt General, trois ou quatre iours. puis il se remit en train. Si mourut à l'heure vn seruiteur du diçt Seneschal (comme l'on disoit) de peste: parquoy il n'osoit aller autour du Roy: dont il estoit bien troublé: car nul ne sollicitoit le cas. Mōsieur de Bourbon & Madame estoient là, cerchans rompre lediçt voyage à leur pouuoir: & leur

& leur en tenoit propos ledict General: & l'un iour estoit l'allee rompue, & l'autre renouuelee. A la fin le Roy se delibera de partir: & montay à cheual des premiers, esperant passer les môtz en moindre compaignie: touteffois ie fu remandé, disant que tout estoit rompu: & ce iour furent empruntez cinquante mille Ducatz d'un marchand de Milan: mais le seigneur Ludouic les bailla, moyennât pleiges, qui s'obligerent vers ledict marchand: & y fu, pour ma part, pour six mille Ducatz, & autres pour le reste: & n'y auoit nulz interetlz. Au parauât on auoit emprunté de la banque de Soly, de Gennes, cent mille Francs: qui cousterent en quatre moys quatorze mille Francs d'interet: mais aucuns disoyent que des nommez auoyent part à cest argent, & au profit.

*Comment le Roy Charles partit de Vienne en Dauphiné, pour conquerir Naples, en personne: & de ce que feit son armee de mer, soubz la conduicte de monsieur d'Orleans.*

Chap. 5.

**P**our conclusion, le Roy partit de Vienne, le vingt troisieme iour d'Aoust, mil quatre cens quatre vingts quatorze, & tira droit vers Ast. A Suze vint vers luy messire Galeas de Saint-Seuerin, en poste. De là alla le Roy à Thurin: & y emprûta les bagues de madame de Sauoye, fille du feu Marqs le seigneur Guillaume de Môtferrat, & veufue du Duc Charles de Sauoye: & les mit en gage pour douze mille Ducatz: & peu de iours apres, fut à Casal, vers la Marquise de Môtferrat, dame ieûne, & sage, veufue du Marquis de Montferrat. Elle estoit fille du Roy de Seruie. Le Turc auoit conquis son pais: & l'Empereur, de qui elle estoit parente, l'auoit mariee là, l'ayât par aduêture recueillie. Elle presta aussi ses bagues: qui aussi furent engagees, pour douze mille Ducatz. Et pouuez voir quel commencement de guerre c'estoit, si Dieu n'eust guidé l'œuure. Par aucuns iours se tint le Roy en Ast. Ceste annee là tous les vins d'Italie estoient aigres. ce que noz gens ne trouuoient point bon, ne l'air qui estoit si chaud. Là vint le Seigneur Ludouic, & sa femme, fort bien accompagnez: & y fut deux iours: & puis se retira à Nô, vn chasteau qui est de la Duché de Milâ, à vne lieue d'Ast: & chascun iour le conseil alloit vers luy.

Le Roy Alphonse auoit deux armées par pais. l'une en la Romanie, vers Ferrare, que conduisoit son filz, & auoit avec luy le seigneur Virgile Vrsin, le Comte de Pethilbane, & le seigneur Jehan Jacques de Treuoul, qui pour ceste heure est des nostres. Et contre eulx estoit, pour le Roy, monseigneur d'Aubigny, vn bon & sage Cheualier, avec quelzques deux cens Hommes-d'armes. Il y auoit aussi du moins cinq cens Hommes-d'armes Italiens aux despens du Roy, que cōduisoit le Comte de Caiazz, qu'assez auez ouy nômer, qui y estoit pour le Seigneur Ludouic: & n'estoit point l'ans prou que ceste bande ne fust rompue: car nous fusions retournéz, & il eust eu sur les bras ses ennemis, qui auoyent grande intelligence en ceste Duché de Milan.

L'autre armee estoit par mer, que conduisoit Dom Federic, frere dudiect Alphonse: & estoit à \* Ligorne & à Pise (car les Florentins tenoyêt encores pour eulx) & auoyent certain nombre de galees: & estoit avec luy messire \* Breto

\* Tout Itel. de sent Liorno

\* Obietto. Ann de Genes: & l'Ital de p. Ion. Hiblet. & s'euant son Latro.

de Flisco, & autres Gêneuois: au moyen desquelz ilz esperoyēt faire tourner la ville de Gennes: & peu faillit qu'ilz ne le feissent à Specie & à Rapalo, pres de Gennes, ou ilz mirent en terre quelzques mille hommes de leurs partisans: & de faict, eussent fait ce qu'ilz vouloyent, si tost n'eussent esté assaillis: mais ce iour, ou le lendemain, y arriua le Duc Louis d'Orleans, avec quelzques naues, & bon nombre de galees, & vne grosse galeace, qui estoit mienne, que partronisoit vn appelé mesire Albert Mely: sur laquelle estoit ledict Duc & les principaulx. En ladicte galeace auoit grand'artillerie, & grosses pieces: car elle estoit puissante: & s'aprocha si pres de terre que l'artillerie desconfit presque les ennemis, qui iamais n'en auoyent veu de semblable, & estoit chose nouuelle en Italie: & descendirent en terre ceulx qui estoient ausdictz nauires: & par la terre venoyent de Gennes, ou estoit l'armee, vn nombre de Suisses, que menoit le Baillif de Digcon: & ausi y auoit des gens du Duc de Milan, que conduisoit le frere dudit Breto, appelé mesire Iehan Louis de Flisco, & mesire Iehan Adorne: lesquelz ne furent point aux coups: mais feirent bien leur deuoir, & garderent certain pas. En effect, par ce que noz gens ioignirent les ennemis, ilz furent deffaictz, & en fuite. Cent ou six vingtz en mourut: & huit ou dix furent prisonniers, & entre les autres vn appelé le \* Fourgoulin, filz du Cardinal de Gennes. Ceulx qui eschaperent, furent tous mis en chemise par les gens du Duc de Milan: & autre mal ne leurs feirent: & leur est ainsi de coustume. Le vey toutes les lettres, qui en vindrēt, tāt au Roy qu'au Duc de Milan: & ainsi fut ceste armee de mer reboutee, qui depuis ne s'apparut si pres. Au retour, les Gêneuois se cuiderēt esmouuoir, & tuerent aucuns Alemāns en la ville, & en fut tué aucuns des leurs: mais tout fut appaisé.

Il fault dire quelque mot des Florentins, qui auoyent enuoyé vers le Roy, auant qu'il partist de France, deux fois, pour disimuler avec luy. L'une fois me trouuay à besongner avec ceulx qui vindrent, en la compagnie dudit Seneschal & General: & y estoient l'Euesque \* d'Arlese, & vn nommé Pierre Sonderin. On leur demanda seulement qu'ilz baillassent passage, & cent Hommes-d'armes, à la foulde d'Italie (qui n'estoit que dix mille Ducatz pour vn an) eulx parlans par le commandement de Pierre de Medicis, homme ieune, & peu sage, filz de Laurens de Medicis: qui estoit mort, & auoit esté des plus sages hommes de son temps: & conduisoit ceste cité presque comme Seigneur, & ausi faisoit le filz. car ia leur maison auoit ainsi vescu, la vie de deux hommes parauant: qui estoient Laurens, pere dudit Pierre, & Cosme de Medicis: qui fut le chef de ceste maison, & la commença, homme digne d'estre nommé entre les tresgrans: & en son cas, qui estoit de marchandise, estoit la plus grand' maison que ie croy qui iamais ait esté au monde. car leurs seruiteurs ont eu tant de credit, soubz couleur de ce nom Medicis, que ce seroit merueilles à croire, à ce que i'en ay veu en Flandres & en Angleterre. l'en ay veu vn, appelé Guerard Quanueuse, presque estre occasion de soustenir le Roy Edouard, le quart, en son estat, estant guerre en son royaume d'Angleterre, & fournir par fois audict Roy plus de six vingtz mille Escus: ou il feit peu de profit pour son maistre:

\* Fregosino.  
Ann. de Gene.  
et l'Ital. de P.  
Ion. an. 1511, s'ay-  
nant son Lat. et  
me ilz disent  
semblablement  
Fregoli pour  
ceulx qui sont  
nommez cy de dāt  
Fourgoules.

\* d'Arlesio  
possiuilement  
sous M. Gazzo  
du de Regio,  
& Pietro So-  
derini apres.

maistre: toutes fois il recoura ses pieces, à la longue. Vn autre ay veu, nommé & appelé Thomas Portunay, estre pleige, entre ledict Roy Edouard & le Duc Charles de Bourgongne, pour cinquante mille Escus, & vne autre fois, en vn lieu, pour quatre vingtz mille. Je ne loue point les marchans d'ainsi le faire: mais ie loue bien à vn Prince de tenir bons termes aux marchâs, & leur tenir verité: car ilz ne sçauent à quelle heure ilz en pourront auoir besoing: car quelque fois peu d'argent fait grand seruice.

Il semble que ceste lignee vint à faillir, comme on fait aux royaumes & empires: & l'auctorité des predecesseurs nuisoit à ce Pierre de Medicis, combien que celle de Cosme, qui auoit esté le premier, fust douce & amiable, & telle qu'estoit necessaire à vne ville de liberté. Laurens, pere de Pierre, dont nous parlons à ceste heure, pour le differant, dont a esté parlé en aucun endroit de ce liure, qu'il eut contre ceulx de Pise & autres, dont plusieurs furent pendus, en ce temps là, auoit prins vingt hommes pour se garder par commandement & congé de la Seigneurie: laquelle commandoit ce qu'il vouloit: toutes fois modérément se gouuernoit en ceste grande auctorité (car, comme i'ay dit, il estoit des plus sages en son temps) mais le filz cuidoit que cela luy fust deu par raison: & se faisoit craindre, moyennât ceste garde: & faisoit des violences de nuit, & des bateries lourdement, abusant de leurs deniers communs. si auoit fait le pere, mais si sagement qu'ilz en estoient presque contents.

À la seconde fois enuoya ledict Pierre, à Lyon, vn, appelé Pierre Cappon, & autres: & disoit pour excuse, comme ia auoit fait, que le Roy Louis, onzieme, leur auoit commandé à Florence se mettre en ligue avec le Roy Ferrâd, du temps du Duc Iehan d'Aniou, & laisser son alliance, disâns que puis que, par le commandement du Roy, auoyent prins ladicte alliâce, qui duroit encores par aucunes anneés, ilz ne pouoyent laisser l'alliance de la maison d'Arragon: mais que, si le Roy venoit iusques là, qu'ilz luy feroient des seruices: & ne cuidoyent point qu'il y allast, non plus que les Venitiens. En toutes les deux Ambassades y auoit tousiours quelcun ennemy dudit de Medicis, & par especial ceste fois ledict Pierre Cappon, qui maintes fois aduertissoit ce qu'on deuoit faire pour tourner la cité de Florence cõtre ledict Pierre: & faisoit sa charge plus aigre qu'elle n'estoit: & ausi conseilloit qu'on bannist tous Florentins du royaume: & ainsi fut fait. Cecy ie dy pour mieulx vous faire entêdre ce qui aduint apres: car le Roy demoura en grand' inimitié cõtre ledict Pierre: & lesdictz Seneschal & General auoyent grand' intelligence avec ses ennemis en ladicte cité, & par especial avec ce Cappon, & avec deux cousins germains dudit Pierre, & de son nom propre.

\* Entendez ce mot pour uoluer dire: car, ainsi que nous l'auons distingué par lettres, ce, dequoy il parle, est au suuier.

*Comment le Roy, estant encores en Ast, se resolut de passer oultre vers Naples, à la poursuite de Ludouic Sforce: & comment mesure Philippe de Commines fut enuoyé en Ambassade à Venise: & de la mort du Duc de Milan, apres laquelle Ludouic se feit Duc, au preiudice d'un filz d'iceluy Duc.*

Chap. 6.

I'ay dit



Ay dit ce qui aduīt à Rapalo par mer. Dom Federic se retira à Pise & à Ligorne: & depuis ne recueillit les Gens-de-pied, qu'il auoit mis à terre: & s'ennuyerēt fort les Florētins de luy, cōme plus enclins, & de tous tēps, à la maison de Frāce qu'à celle d'Arragon: & nostre armee, qui estoit en la Romanie, cōbien qu'elle fust la plus foible, toutesfois faisoit prosperer nostre cas: & commenĉea peu à peu à reculer Dom Ferrand, Duc de Calabre. Quoy voyant le Roy, se mit en oppinion de passer oultre, sollicité du Seigneur Ludouic, & des autres que j'ay nōmez: & luy dist le seigneur Ludouic à sōn arriuee: Sire ne craignez poīt ceste entreprinse. En Italie a trois puissances que nous tenons grandes: dont vous auez l'une, qui est Milan: l'autre ne bouge, qui sont Venitiēs. ainsi n'auēz à faire qu'à celle de Naples: & plusieurs de voz predecesseurs nous ont barus, q̄ nous estions tous ensemble. quand vous me voudrez croire, ie vous aideray à faire plus grand que ne fut iamais Charlemaigne: & chacerons ce Turc hors de cest Empire de Constantinoble aisēment, quand vous aurez ce royaume de Naples. Et di soit vray du Turc qui regne: mais quē toutes choses eussent estē bien disposees de nostre coste. Ainsi se mit le Roy à ordonner de son affaire, selon le vouloir & conduicte dudiĉt Seigneur Ludouic: dont autuns des nostres eurent enuie: & fut quelque Chambelan, & quelque autre, sans propos (car on ne se pouuoit passer de luy) & estoit pour complaire à monseigneur d'Orleans, qui pretendoit en la Duchē de Milan: & sur tous en estoit enuieux ce General: car ia s'estimoit grand: & y auoit quelque enuie entre le Seneschal & luy: & dist lediĉt Ludouic quelque mot au Roy, & \* à luy, pour le faire demeurer. qui mouuoit lediĉt General à parler contre luy: & disoit qu'il tromperoit la compaignie: mais il estoit mieulx seant qu'il s'en fust teu: mais iamais n'entra & ne vint en credit, en chose d'estat, & ne s'y congnoissoit: & si estoit homme leger en parole, mais bien affectionné à son maistre: toutesfois il fut conclu d'enuoyer plusieurs hommes en Ambassade, & moy, entre les autres, à Venise. Je demouray à partir aucuns iours, par ce que le Roy fut malade de la petite verole, & en peril de mort, par ce que la fiēure se mēla parmy: mais elle ne dura que six ou sept iours: & me mey à chemin ailleurs, & laissay le Roy en Ast, & croyoye fermement qu'il ne passast point oultre. J'allay en six iours à Venise, avec muletz & train: car le chemin estoit le plus beau du monde: & craignoye bien à partir, doubtant que le Roy retournaist: mais nostre Seigneur en auoit autrement disposē. Si tira droiĉt à Paue, & passa par Casal, vers ceste Marquise, qui estoit bōne pour nous, & bōne Dame, grāde ennemie du Seigneur Ludouic, & luy la haïssoit aussi. Apres que le Roy fut arriué à Paue, cōmēça ia quelque peu de soupson: car on vouloit qu'il logeast en la ville, & nō point au chasteau, & il y vouloit loger, & y logea, & fut rēforcē le guet ceste nuit (Gensme dirēt, qui estoient pres dudiĉt Seigneur, qu'il y auoit dāger) dōt s'esbahist le Seigneur Ludouic, & en parla au Roy, demādāt s'il se soupsonnoit de luy. La faĉon y estoit telle des deux costez q̄ la nuitēe n'y pouuoit gueres durer: mais de nostre costē plus liōs plus qu'eulx: nō point le Roy, mais ceulx q̄ estoient prochains parēs de luy. En ce chasteau de Paue estoit le Duc de Milan, dōt a estē parlē deuās, appelé

Iehan

\* C'est dire au  
Seneschal,  
pour faire de  
mourir Sait  
Malo.

\* l'amitiē  
possible.

Iehan Galeas, & sa femme, fille du Roy Alphonse, bien piteuse: car son mary estoit là malade, & tenu en ce chasteau, comme en garde, & son filz, qui encores vit pour le present, & vne fille, ou deux: & auoit l'enfant lots quelques cinq ans. Nul ne vit ledi<sup>t</sup> Duc, mais bien l'enfant. L'y passay, trois iours auant le Roy, mais il n'y eut remede de le voir: & disoit l'on qu'il estoit bi<sup>e</sup> fort malade: toutesfoi<sup>s</sup> le Roy parla à luy: car il estoit son cousin germain: & m'a cōpté ledi<sup>t</sup> Seigneur leurs patoles, qui ne furent que choses generales: car il ne vouloit en rien desplaire audi<sup>t</sup> Ludouic: toutesfoi<sup>s</sup> me dist il qu'il l'eust volontiers aduetty. A celle heure propre se iecta à genoulx ladi<sup>c</sup>te Duchesse, deuant ledi<sup>t</sup> Ludouic, luy priant qu'il eust pitié de son pere & frere. Il luy respondit qu'il ne se pouuoit faire: mais elle auoit meilleur besoing de prier pour son mary, & pour elle, qui estoit encores belle Dame & ieune.

De là tira le Roy à Plaifance: auquel lieu eut nouuelles ledi<sup>t</sup> Ludouic que son nepueu, le Duc de Milan, se moutoit. Il print congé du Roy, pour y aller & luy pria le Roy qu'il retournast, & il le promit. Auant qu'il fust à Pauie, ledi<sup>t</sup> Duc mourut: & incontinent, comme en poste, alla à Milan. Le vey ces nouuelles par la lettre de l'Ambassadeur Venitien, qui estoit avec luy, qui l'escriuoit à Venise, & aduettysoit qu'il se vouloit faire Duc: & à la verité dire, il en desplaisoit au Duc & Seigneurie de Venise: & me demanderent si le Roy tien<sup>d</sup>roit point pour l'enfant: & combien que la chose fust raisonnable, ie leur meyen doubte, veul'affaire que le Roy auoit dudi<sup>t</sup> Ludouic.

Fin de compte, il se feit receuoir pour Seigneur: & sur la conclusion, comme plusieurs disoyent, patquoy il nous auoit fait passer les montz, le chargeant de la mort de son nepueu, dont les parens & amis, en Italie, se mettoient en chemin pour luy oster le gouuernement: & l'eussent fait aisémēt, se n'eust esté l'allee du Roy: car ia estoient en la Romanie, comme auez ouy: mais le Comte de Caiasse, & monseigneur d'Aubigny, les faisoient reculer. Car ledi<sup>t</sup> Seigneur d'Aubigny estoit en force de cent cinquante, ou de deux cens, Hommes-d'armes François, & d'un nombre de Suisses: & se reculoit ledi<sup>t</sup> Dom Ferrad vers leurs amis: & estoit demie iournee, ou enuiron, deuant noz gens: & tira deuets\* Sorly, dont estoit Dame vne Bastarde de Milan, veufue du Comte Hieronyme, qui auoit esté nepueu du Pape Sixte. On disoit qu'elle tenoit leur party: mais noz gens luy pcindrent vne petite place d'assault, qui ne fut batue que demy iour: parquoy elle se tourna, avec le bon vouloir qu'elle en auoit: & de tous costez, le peup<sup>e</sup> d'Italie commença à prendre cœur, desirant nouuelletez: car ilz voyoyent chose qu'ilz n'auoyēt point veue de leur temps: car ilz n'entendoyent point le faict de l'artillerie: & en France n'auoit iamais esté si bien entendu. Et se tira ledi<sup>t</sup> Dom Ferrand vers\* Susanne, approchant du royaume, vne bone cité quiest au Pape, en la Marque d'Anconne: mais le peuple leur destrouffoit leurs sommiers & bagues, quand ilz les trouuoient à part: car par toute Italie ne desiroient qu'à rebeller, si du costé du Roy les affaires se fussent bien conduictz, & en ordte, sans pillerie: maistout se faisoit au cōtaire: dont i'ay eu grand dueil, pour l'honneur & bonne renommee que pouuoit acquerir, en ce voyage, la

\* Furl. m.  
Guerre, qui e  
fut a-ancie  
Forliuui, se  
len la desirp  
non d'Italie.

\* Sefenne en  
l'autre l'x. im  
primé: et M.  
Guercio Ce  
lena, et l'ita  
de lou. Ce  
senna.

\* adoroit possible.

nation François. Car le peuple nous \* aduouoit comme Saintz, estimans en nous toute foy & bonté: mais ce propos ne leur dura gueres, tant pour nostre desordre & pillerie, qu'aussi les ennemis preschoyent le peuple en tous cartiers, nous chargeans de prendre femmes à force, & l'argét, & autres biens, ou nous le pouuions trouuer. De plus grans cas ne nous pouuoient ilz charger en Italie: car ilz sont ialoux & auaricieux plus qu'autres. Quant aux femmes ilz mentoyent, mais, du demeurant, il en estoit quelque chose.

*Comment Pierre de Medicis meit quatre des principales fortereffes des Florentins entre les mains du Roy: & comment le Roy meit Pise, qui en estoit l'une, en sa liberte. Chap. 7.*

**Q**ue ie laisse le Roy à Plaisance, selon mon propos, ou il fait faire ser- uice solennel à son cousin germain le Duc de Milan: & si croy qu'il ne sçauoit gueres autre chose que faite, veu que le Duc de Milan, nouueau, estoit party de luy: & m'ont dit ceulx, qui le debuoyent bien sçauoir, que la compaignie fut en grand vouloir de retourner pour doubte: & se sentoient mal pourueus: car d'aucuns, qui auoyent premier loué le voyage, le blasmoient: comme le Grand-Escuyer, Seigneur d'Vrfé (combié qu'il n'y fust point, mais estoit malade à Gennes) car il escriuit vne lettre, donnant grād soupçon, disant auoir esté aduertý: mais, comme i'ay dit en d'autres endroits, Dieu monstroist cōduire l'entreprinse: & eut le Roy soubdaines nouuelles que le Duc de Milan retourneroit, & aussi quelque sentement de Florence, pour les inimitiez, que ie vous ay dictes, qui estoient contre Pierre de Medicis, qui viuoit comme s'il eust esté Seigneur: dont estoient les plus prochains parens, & beaucoup d'autres gens de bien, comme tous ces Cappons, ceulx de \* Fodormi, ceulx de Nerli, & presque toute la cité, enuieux. Pour laquelle cause ledict Seigneur partit, & tira aux terres des Florétins pour les faire declarer pour luy, ou pour prédre de leurs villes, qui estoient foibles, pour s'y pouuoir loger pour l'yuer, qui estoit ia encommencé: & se tournerēt plusieurs petites places, & aussi la cité de Luques, ennemie des Florétins: & feirent tout plaisir & seruice au Roy: & auoit tousiours esté le cōseil du Duc de Milan à ces deux fins, à fin qu'on ne passast point plus auant, de la saison, & aussi qu'il esperoit auoir Pise (qui est bonne & grāde cité) Serzane, & Pietresancte. Les deux auoyent esté aux Gēneuois, n'y auoit gueres de tēps, & conquis sur eulx par les Florentins, du temps de Laurens de Medicis.

\* Sonderini, possible, cōme parant il en a nommé un Sonderin: que quelques gens, bien connoissans les maisons de Florence, m'ont nommé Soderini, sans, ni.

\* Pōtremoli. M. Guazzo, & l'ital. de Iou. Pontremoli.

Le Roy print son chemin par \* Pontreme: qui est au Duc de Milan: & alla assieger Serzane, tressort chasteau, & le meilleur qu'eussent les Florentins, mal pourueu pour leur grand diuision: & aussi, à la verité dire, les Florentins mal volontiers estoient contre la maison de France, de laquelle ilz ont esté, de tous temps, vrais seruiteurs & partisans, tant pour les affaires qu'ilz ont en France, pour la marchandise, que pour estre de la part Guelfe: & si la place eust esté bien pourueue, l'armée du Roy estoit rompue. car c'est vn país stérile & entre montaignes, & n'y auoit nulz viures, & aussi les neiges estoient grandes. Il ne fut que trois iours deuant: & y arriua le Duc de Milan auant la composition: & passa par Pontreme: ou des gés de la ville & garnison, eurent vn



rent vn grand debat avec noz Alemans, que conduisoit vn appelé Bufer : & furent tuez aucuns Alemans : & cōbien que ne fust present à ces choses, si le m'ont compté le Roy, le Duc, & autres : & de ce debat vint depuis grand inconuenient, comme vous orez apres. Pratique se meut à Florence, & depurerent gens, pour enuoyer deuers le Roy, iusques à quinze ou seize, disant en la cité qu'ilz ne vouloyent demeurer en ce grand peril d'estre en la haine du Roy & du Duc de Milan, qui tousiours auoit son Ambassade à Florence, & cōsentit Pierre de Medicis ceste allee. Aussi n'y eut il sceu remedier, aux termes en quoy les affaires estoient : car ilz eussent esté destruietz, veu la petite prouision qu'ilz auoyent : & sine scauoyent que c'estoit de guerre. Apres qu'ilz furent arriuez, offrirent de recueillir le Roy à Florence, \* & en autres parties : & ne leur chaloit à la pluspart sinon qu'on allast là pour occasion de chacer Pierre de Medicis, & se sentoient auoir bonne intelligēce avec ceulx qui conduisoient lors les affaires du Roy, que plusieurs fois ay nommez.

\* ou bien, &  
luy offrirent  
autres partis

D'autre part pratiquoit lediēt Pierre, par la main d'un sien seruiteur, appelé Laurens Spinely, qui gouernoit sa banque à Lyon, homme de bien en son estat, & assez nourry en France : mais des choses de nostre Court ne pouuoit auoir congnoissance, n'à grand peine ceulx qui y estoient nourris, tant y auoit de mutations : & pratiquoit avec ceulx qui auoyent l'autorité : c'estoit monseigneur de Bresse, qui depuis a esté Duc de Sauoye, & monseigneur de Myolans, qui estoit Chambelan du Roy. Tost apres les autres, vindrent aucuns de la cité avec luy, pour faire respōse des choses qu'on leur auoit requises : & se voyoyent perdus en la cité, s'ilz ne faisoient tout ce que le Roy vouloit : duquel ilz cuidoyent gagner la bonne grace, & faire quelque chose plus que les autres. A son arriuee furent enuoyez au deuant de luy, monseigneur de Piennes, natif du païs de Flandres, & Châbelan du Roy nostre Sire, & le General Brissonnet, qui a esté icy nommé. Ilz parlerēt audiēt Pierre de Medicis d'auoir l'obeissance de la place de Serzane. ce qu'incōtinent il feit. Ilz luy requièrent d'auantage qu'il feist presterau Roy Pise \* Ligorne, Pietresancte, & Librefacto : lequel le tout accorda, sans parler à ses compaignōs, qui scauoyēt bien que le Roy deuoit estre dedās Pise, pour se ratiſſchir, mais ilz n'entendoyēt point qu'il retint les places. Or c'estoit mis leur estat, & leur grand' force entre noz mains. Ceulx, qui traictoyēt avec lediēt Pierre, m'ont cōpté, & à plusieurs autres l'ont dit, en se raillant & moquant de luy, qu'ilz estoient esbahis cōme si tost accorda si grand' chose, & à quoy ilz ne l'attendoyēt point. Pour conclusion, le Roy entra dedans Pise : & les dessusdictz retournerent à Florēce, & feit Pierre habiller le logis du Roy en sa maison : qui est la plus belle maison de citadin ou marchand, que i'aye iamais veue, & la mieulx pourueue, que de nul homme qui fust au monde de son estat.

\* Liorno,  
& Serzaneto  
pour Librefacto. M.  
Gazz.

Or fault il dire quelque mot du Duc de Milā, qui ia eust voulu le Roy hors d'Italie, & auoit fait, & vouloit encores faire, son profit, pour auoir les places qu'il auoit conquises : & pressa fort le Roy pour auoir Serzane & Pietresancte, qu'il disoit appartenir aux Geneuois : & presta au Roy lors trente mille Ducats : & m'a dit, & à plusieurs autres depuis, qu'on luy promit de les luy bailler : & merueilleusement mal content, se partit du Roy, pour le refus, di-

fant que ses affaires le cōtraignoyent de s'en retourner : mais onques puis le Roy ne le veit : mais il laissa messire Galeas de Saint-Seuerin avec le Roy : & entendoit qu'il fust en tous cōseilz avec le Comte Charles de Belleioyuse, dont a esté parlé. Estant le Roy dedans Pise, ledict messire Galeas, cōduict de son maistre, feit venir en son logis des principaux Bourgeois de la ville, & leur cōseilla se rebeller contre les Florentins, & requerir au Roy qu'il les mist en liberté, esperant q par ce moyen ladiète cité de Pise tōberoit soubz la main du Duc de Milan, ou autresfois auoit esté, du temps du Duc Iehan Galeas, le premier de ce nom en la maison de Milan, vn grand & mauuais tyran, mais honorable. Toutesfois son corps est aux Chartreux à Paue, pres du Parc, plus hault que le grand autel, & le m'ont monstré des Chartreux, au moins ses os (& y mōte l'on par vne eschelle) lesquelz sentoient cōme la nature ordonne : & vn, natif de Bourges, le m'appela saint : & ie luy demanday en l'oreille pourquoy il l'appelloit saint, & qu'il pouuoit voir painctes à l'entour de luy les armes de plusieurs citez qu'il auoit vsurpees, ou il n'auoit nul droit : & luy & sō cheual estoient plus haults q l'autel, & taillez de pierre, & son corps soubz le pied dudiect cheual. Il me respōdit bas : Nous appelōs, dist il, en ce pais icy, saictz tous ceulx qui nous sōt du biē : & il feit ceste belle eglise de Chartreux : qui à la verité est la plus belle q i'aye iamais veue : & toute de beau marbre.

Et, pour cōtinuer, ledict messire Galeas auoit enuie de se faire grād : & croy qu'ain si l'entēdoit le Duc de Milā, de qui il auoit espousé la bastarde : & mōstrois le vouloir auantager, comme s'il eust esté son filz : car il n'auoit encores nulz enfans d'age. Lesdictz Pisans estoient cruellement traictez des Florentins, qui les tenoyent comme esclauēs : car ilz les auoyent conquis, il y auoit quelque cent ans : qui fut l'an que les Venitiens conquirent Padoue : qui fut leur premier commencement en terre ferme : & ces deux citez estoient presque d'une façon : car elles auoyent esté anciennes ennemies de ceulx qui les possēdoient, & de bien longues annees, auāt qu'estre cōquises, & presque egales en force : & à ceste cause tindrent conseil lesdictz Pisans : &, se voyans conseillez de si grād homme, & desirans leur liberté, vindrent crier au Roy, en allant à la messe, en grand nōbre d'hōmes & de femmes, Liberté, Liberté, & luy supplians, les larmes aux yeulx, qu'il la leur dōnast : & vn Maistre-des-requestes, allāt deuant luy, ou faisant l'office, qui estoit vn Cōseiller au Parlement du Dauphiné, appelé Rabot, ou pour promesse, ou pour n'entendre ce qu'ilz demandoient, dist au Roy q c'estoit chose piteuse, & qu'il leur deuoit ottroyer, & q iamais gens ne furent si durement traictez : & le Roy, qui n'entēdoit pas bien q ce mot valoit, & qui par raison ne leur pouuoit dōner liberté (car la cité n'estoit point sienne : mais seulemēt y estoit receu par amitié, & à son grand befoing) & qui cōmençoit de nouueau à congnoistre les pitiez d'Italie, & le traictement q les Princes & Cōmunautéz font à leurs subiectz, respōdit qu'il estoit contēt : & ce Conseiller, dont i'ay parlé, le leur dist : & ce peuple cōmença incontīnēt à crier Noel : & vont au bout de leur pont de la riuere d'Arne (qui est vn beau pōt) & iettent à terre vn grād Lyon, qui estoit sur vn grand pilier de marbre, qu'ilz appeloient \* Maior, representāt la Seigneurie de Florence, & l'emporterēt à la riuere : & feirent faire dessus le pi-

lier vn

lier vn Roy de Frâce, vne espee au poing, qui tenoit soubz le pied de son cheual ce Maior, qui est vn Lyó. Depuis, le Roy des Rómainz y est entré. Ilz ont fait du Roy, côme ilz auoyent fait du Lyon: & est la nature de ce peuple d'Italie d'ainsi cōplaire aux plus forts: mais ceulx là estoient, & sont, si mal traitez, qu'on les doit excuser.

*Comment le Roy partit de la ville de Pise, pour aller à Florence: & de la fuite & ruine de Pierre de Medicis. Chap. 8.*

**L**E Roy se partit de là, & y seiourna peu, & tira vers Florence: & là on luy remonstra le tort qu'il auoit fait ausdictz Florentins, & que c'estoit contre sa promesse d'auoir donné liberté aux Pisans. Ceulx qu'il commit à respondre de ceste matiere, excusans la chose, dirēt qu'il ne l'auoit point entendu, & n'entendoit vn autre appointemēt, dont ie parleray, mais qu'un peu aye dit la conclusion de Pierre de Medicis, & aussi de l'entree du Roy en ladicte cité de Florēce, & comme il laissa garnison dedans la cité de Pise, & autres places qu'on luy auoit prestees. Lediēt Pierre, apres auoir fait bailler au Roy les places, dont i'ay parlé, dont aucuns estoient consentans, sen retourna en la cité, pensant que le Roy ne les tint point, ains que, des ce qu'il partiroit de Pise, ou il n'auoit affaire q̄ trois ou quatre iours, la leur redroit. Biē croy ie que, s'il y eust voulu faire son yuer, qu'ilz l'eussent consenty, combien que Pise leur est plus grand' chose que Florence propre, sauf les corps & les meubles. Arriué que fut lediēt Pierre à Florēce, tout hōme luy feit mauuais visage, & non sans cause: car il les auoit dessaisis de toute leur force & puissance, & de tout ce qu'ilz auoyent conquis en cent ans: & sembloit que leur cœur sentist les maulx, qui depuis leur sont aduenus: & tant pour ceste cause, que ie croy la principale, combien qu'ilz ne l'auoyent iamais dit, que pour haine qu'ilz luy portoyent, que i'ay declaree, & pour retourner en liberté, dont ilz se cuidoyent forclos, & sans auoir memoire des biensfaictz de Cosme & de Laurés de Medicis ses predecesseurs, deliberēt de chacer de la ville lediēt Pierre de Medicis. Lediēt Pierre de Medicis, sans le sçauoir, mais biē estoit en doubte, va vers le palais, pour parler de l'arriuee du Roy (qui encores estoit à trois mils pres) & auoit sa garde accoustumee avec luy, & vint heurter à la porte dudiēt palais: laquelle luy fut reffusée par vn de ceulx de Nerly (qui estoient plusieurs freres, que i'ay bien congnez, & le pere, trefriches) disant qu'il y entreroit luy seul, s'il vouloit, ou autrement non: & estoit armé celuy qui faisoit ce refus. Incontinent retourna lediēt Pierre à sa maison, & l'arma, luy, & seruiteurs: & feit aduertir vn, appelé Paul Vrsin, qui estoit à la soulde des Florentins (car lediēt Pierre, de par sa mere, estoit des Vrsins: & tousiours le pere, & luy, en auoyēt entretins aucuns de la maison à leur soulde) & delibera de resister aux partisans de la ville. Mais tantoist on ouit crier Liberté, Liberté, & vint le peuple en armes: & ainsy partit lediēt Pierre de la ville, côme bien conseillé, à l'ayde dudiēt Paul Vrsin. qui fut vne piteuse departie pour luy: car, en puissance & en biens, il auoit esté quasi egal aux grans Princes, & luy, & ses predecesseurs, depuis Cosme de Medicis, qui fut le Chef: &, ce iour, se mit à luy courre sus fortune: & perdit honneur & biens. I'estoye à Venise, &, par l'Ambassadeur Florētī estāt là, ie sceu ces nou-

## SEPTIEME LIVRE DES MEMOIRES

\* *parant il en  
nôme un de ce-  
ste maison Soderin.*

uelles, qui bien me despleurent: car i'auoye aimé le pere : &, s'il m'eust voulu croire, il ne luy fust point ainsi mesaduenue: car, sur l'heure que i'arriuay à Venise, luy esctiuy, & offry appointer: car i'en auoye le pouuoir, de bouche, du Seneschal de Beaucaire & du General: & eust esté content le Roy du passage, ou, à pis venir, d'auoir Ligorne entre ses mains, & faire toute choses que Pierre eust sceu demander: mais il me respondit comme par moquerie, par le moyen du sire Pierre, que i'ay nommé ailleurs. Lediect Ambassadeur porta le lendemain lettre à la Seigneurie, contenant commét il auoit esté chacé, par ce qu'il se vouloit faire Seigneur de la ville, par le moyé de la maison d'Aragon & des Vrsins, & assez autres charges, qui n'estoient point vrayes: mais telles sont les auentures du môde, que celuy qui fuit, & pert, ne trouue point seulement qui le chace, mais amis tournét ses ennemis, comme fait ceste Ambassade, nommé Paul-Antoine \* Soderin: qui estoit des sages hommes qui fussent en Italie. Le iour de deuant m'auoit parlé dudiect Pierre, comme l'il fust son Seigneur naturel, & à ceste heure se declara son ennemy, par cômmandement de la Seigneurie: mais de foy ne faisoit aucune declaration. Le iour apres ie sceu comment lediect Pierre venoit à Venise, & comme le Roy estoit entré en grand' triôphe à Florence: & mandoyent audiect Ambassadeur qu'il print côgé de ladiecte Seigneurie, & qu'il s'en retournaist, & qu'il falloit qu'il nauigast avec ce vêt, & vey la lettre: car il la me monstra, & s'en partit. Deux iours apres veint lediect Pierre, en pourpoint, ou avec la robe d'un varlet: & en grand' doubte le receurent à Venise, tant craignoyent à desplaire au Roy: toutesfois ilz ne le pouuoient refuser par raison: & desiroyent bien sentir de moy que le Roy en disoit: & demoura deux iours hors la ville. Je desiroye luy aider: & n'auoye eu nulle lettre du Roy contre luy: & dy que ie croyoye sa fuite auoir esté pour crainte du peuple, & non point de celle du Roy. Ainsi il vint, & l'allay voir le lendemain qu'il eust parlé à la Seigneurie: qui le fait bien loger: & luy permirét porter armes par la ville, & à quinze ou vingt seruiteurs qu'il auoit: c'est à sçauoir espees: & luy firent tresgrâd honneur, cōbien que Cosme, dont i'ay parlé, les garda autresfois d'auoir Milan: mais, nonobstant cela, ils l'eurent en \* remembrance, pour l'honneur de sa maison, qui auoit esté en si grand triomphe & renommee par toute la Chrestienté. Quand ie le vey, il me sembla bien qu'il n'estoit point hōme pour respōdre. Il me cōpta au lôg sa fortune: & à mon pouuoir le reconfortay. Entre autres choses me compta cōme il auoit perdu le tout: &, entre ses autres malheurs, qu'un sien faëteur estant en la ville, vers qui il auoit enuoyé pour auoir des draps pour son frere & luy, pour ceint Ducats seulement, les luy auoit refusez. Qui estoit grand chose: veu son estat & autorité: car soixante ans auoit duré l'autorité de ceste maison si grâde que plus ne pouuoit. Tost apres il eut nouuelles, par le moyen de môseigneur de Bresse, depuis Duc de Sauoye, & luy escriuoit le Roy aller deuers luy: mais ia estoit lediect Seigneur party de Florence, cōme ie diray à ceste heure: mais vn peu m'a falu parler de ce Pierre de Medicis.

\* *reuerence  
possible.*

*Comment le Roy feit son entree à Florence: & par quelles autres villes  
il passa iusques à Romme.*

Chap. 9.

Le Roy



Le Roy entra le lendemain en la cité de Florence: & luy auoit ledict Pierre fait habiller sa maison: & ia estoit le seigneur de\* Ballassat pour faire ledict logis: lequel, quand il sceut la fuite dudit Pierre de Medicis, se print à piller tout ce qu'il trouua en ladicte maison, disant que leur banque à Lyon luy deuoit grand' somme d'argēt: & entre autres choses, il print vne Licorne entiere (qui valoit six ou sept mille Ducats) & deux grandes pieces d'une autre, & plusieurs autres biens. D'autres feirent comme luy. En vne autre maison de la ville auoit retiré tout ce qu'il auoit vaillant. Le peuple pillà tout. La Seigneurie eut partie des plus riches bagues, & vingt mille Ducats contens, qu'il auoit à son banc, en la ville, & plusieurs beaux pots d'Agatte, & tât de beaux Camayeulx, bien taillez, que merueilles, qu'autres fois i'auoyé veus, & biē trois mille medales, d'or & d'argent, bien la pesanteur de quarante liures: & croy qu'il n'y auoit point autant de belles medales en Italie. Ce, qu'il perdit ce iour en la cité, valoit cent mille Escus, & plus. Or, estant le Roy en la cité de Florence, comme dict est, se feit vn traité avec eulx: & croy qu'ilz le feirent de bon cœur. Ilz donnerent au Roy six vingts mille Ducats: dont ilz en payerent cinquāte mille contāt, & le reste en deux payemēs assez brieſ: & presterent au Roy toutes les places dont i'ay parlé: & changerent leurs armes, qui estoient la fleur du lis rouge, & en prindrent de celles q̄ le Roy portoit: lequel les print en sa protection & garde, & leur promit & iura, sur l'autel saint Iehan, de leur rendre leurs places, quatre moys apres qu'il seroit dedās Naples, ou plus tost, s'il retournoit en Francē: mais la chose print autre train, dont sera parlé cy apres.

Le Roy s'arresta peu à Florēce, & tira vers Senes, ou il fut bien receu, & de là à Viterbe, ou les ennemis (car Dom Ferrand s'estoit retiré vers Romme) auoyent intention de venir loger, & s'y fortifier, & cōbatre, s'ilz y voyoyent leur auātage: & ainsi le me disoit l'Ambassadeur du Roy Alphonse, & celuy du Pape, qui estoient à Venise: & à la vérité, ie m'attendoye que le Roy Alphonse y vint en personne (veu qu'il estoit estimé de grād cœur) & qu'il laissast son filz dedās le royaume de Naples: & me sembloit le lieu propice pour eulx. car il eust eu son royaume, les terres du Pape, & les places & terres des Vrsins à son dos: mais ie fu tout esbahy que les lettres me vindrent du Roy, comme il estoit en la ville de Viterbe: & puis vn Commandeur luy bailla le chasteau: & le tout par le moyē du Cardinal Petri-ad-vincula, qui en estoit Gouverneur & les Coulónois. Lors me sembla que Dieu vouloit mettre fin à ceste besongne: & me repenty qu'auoye eſcrit au Roy, & conseillé de prendre vn bō appointment: car on luy en offroit assez. \* Aquependāt & Monteflascon luy furent rendus auant Viterbe, & toutes les places d'alentour, comme ie fu aduertty par lettres du Roy, & celles de ladicte Seigneurie, qui de iour en iour estoient aduertis de ce, qui suruenoit, par leurs Ambassadeurs: & m'en monstrerent plusieurs lettres, ou le me faisoient dire par vn de leurs Secretaires. Et de la tira le Roy à Romme, par les terres des Vrsins, qui toutes luy furent rendues par le Seigneur Charles Vrsin, disant auoir ce cōmandemēt de son pere (lequel estoit seruiteur souldoyé du Roy Alphōse)

\* Monsieur Ferrand en son hist. aduisee à v. Emile, le même Mattheus Ballassius: qui ap. pr. che fort de ce mortuair auant, se disant bon cō. noſtre sa maison, me l'ont nommē de Ballass.

\* Aquapendēte & Montepulzano. M. Gaece.

## SEPTIEME LIVRE DES MEMOIRES

& que d'autât que Dom Ferrand seroit alloué, & en la terre de l'Eglise, qu'il luy tiendroît compaignie, & non plus (ainsi viuēt en Italie, & les Seigneurs & les Capitaines, & ont sans cesse pratique avec les ennemis, & grād' paour d'estre des plus foibles) & fut receu lediēt Seigneur dedans \* Brachane, principale place dudiēt Seigneur Virgile, qui estoit belle, forte, & bien garnie de viures: & ay bien fort ouy estimer au Roy ladiēt place, & le recueil que l'on luy feit: car son armee estoit en necessité & extremité de viures, & tant q̄ plus ne pouuoit: & qui considereroit bien quantes fois ceste armee se cuida rōpre, depuis qu'il arriua à Vienne au Daulphiné, & commēt elle se reuenoit, & par quelles ouuertes, brief on diroit que Dieu la conduisoit.

\* Brachano  
M. n. r. c. un  
autre lieu, plus  
pres de Rome,  
Bacano: c̄  
l'ital. de tou.  
Bracciano:  
mais il ne se  
peut bien voir du  
quel il entend.

*Comment le Roy enuoya le Cardinal Petri-ad-vincula dedant Hostie: & de ce  
que le Pape faisoit à Rome ce pendant: & comment le Roy y entra, mal-  
gré tous ses ennemis.* Chap. 10.

**D**E Brachane enuoya le Roy le Cardinal Sainct-Pierre-ad-vincula à Hostie, dōt il estoit Euesque: & est lieu de grande importance: & le tenoyent les Coulonnois, qui l'auoyent prins sur le Pape: & les gens du Pape l'auoyent osté audict Cardinal, n'y auoit gueres. La place estoit tressoible: mais long temps depuis tint Rome en grande subiection avec lediēt Cardinal, lequel estoit grand amy des Coulonnois, qui estoient nostres, par le moyen du Cardinal \* Ascaigne, frere du Duc de Milan, & Vichancelier, & aussi en haine des Vrsins, dont tousiours sont, & ont esté, contraires: & est toute la terre de l'Eglise troublee pour ceste partialité, comme nous dirions Luce & Grandmont, ou, en Hollande, Houe, & Caballan: & quand ne seroit ce different, la terre de l'Eglise seroit la plus heureuse habitation, pour les subiectz, qui soit en tout le monde (car ilz ne payent ne tailles, ne gueres autres choses) & seroyēt tousiours biē conduictz (car tousiours les Papes sont sages & bien conseillez) mais tressouuent en aduient de grans & cruelz meurtres & pilleries. Depuis quatre ans en auons veu beaucoup, tant des vns que des autres. car depuis les Coulonnois ont esté contre nous, à leur grand tort. car ilz auoyent vingt mille Ducatz de rente, & plus, audict royaume de Naples, en belles Seigneuries, cōme en la Cōté de \* Taillecouse, & autres, que parauant auoyēt tenus les Vrsins, & toutes autres choses qu'ilz auoyent iceu demander, tant en Gens-d'armes qu'en pensions. Ce qu'ilz feirent, ilz le feirent par vraye desloyauté, & sans nulle occasiō: & fault entendre que, de toute ancienneté, ilz estoient partisans de la maison d'Arragon, & des autres ennemis de France: pource qu'ilz estoient Gibelins: & les Vrsins, partisans de France, comme les Florentins, pour estre de la part Guelfe.

\* Ascanio. M.  
Cay. c̄ tout  
ital.

\* Tagliacoz-  
zo en tout ital.

\* En autres  
lieux ne met  
que de Bas-  
che.

\* Sardaigne  
& Corlique,  
mieux à mon  
aduis, soyment  
Guaico, c̄  
Iou. quant à  
Corlique.

Auecques lediēt Cardinal de Sainct-Pierre-ad-vincula, à Hostie fut enuoyé Peron \* de la Basche, Maistre-d'hostel du Roy, qui trois iours parauant auoit apporté audict Seigneur vingt mille Ducatz, par mer: & estoit descendu à l'Plombin: & estoit de l'argēt presté par le Duc de Milan: & estoit demeurée en l'armee de mer, qui estoit petite, le Price de Salerne, & vn, appelé le seigneur de Sernon en Prouence, que la fortune mena en \* Donserque, leur na-  
uire

uire fort gastee:& mirēt tant à se rabiller qu'ilz ne seruirent de rien:& si cousta largement ladicte armee de mer:& trouuerent le Roy dedans Naples.

Audiēt Hostie auoit, avec ledict Cardinal, biē cinq cens Hōmes-d'armes, & deux mille Suisses:& y estoit le Côte de Ligny, coulin germain du Roy, de par mere, le Seigneur d'Alegre, & autres:& là cuidoyēt passer le Tybre, pour aller enclorre Dom Ferrād, qui estoit dedans Romme, avec la faueur & aide des Coulonnois: dont estoyēt Chefz de la maison, pour lors, Prospere & Fabrice Coulonne, & le Cardinal Coulonne, à qui le Roy paya deux mille Hōmes-à-pied, par la main dudiēt Basche, qu'ilz auoyēt assemblez à leur plaisir: & faisoient leur assemblee à Sannesonne, qui est à eulx.

Il fault entendre qu'icy viennēt plusieurs propos à vn coup, & de chascun fault dire quelque chose. Auant que le Roy eust Viterbe, il auoit enuoyé le seigneur de la Trimouille, son Chambelan, & le President de \* Guennay, qui auoit son seau, & le General Bidaut, à Romme, cuidant traicter avec le Pape, qui tousiours pratiquoit, comme est la coustume en Italie. Eulx estans là, le Pape mit de nuiēt en la cité Dom Ferrand, & toute sa puissance:& furent noz gens arrestez, mais petit nombre. Le iour propre les depecha le Pape: mais il retint prisonnier le Cardinal Ascaigne, Vichancelier, & frere du Duc de Milan, & Prospere Coulonne (aucuns dient que ce fut de leur vouloir) & de toutes ces nouuelles l'eū incontinent lettres du Roy, & la Seigneurie encores plus amplement de leurs gens:& tout cecy fut fait auant que le Roy entra dedās Viterbe: car nulle part s'arrestoit que deux iours en vn lieu:& aduenoyent les choses mieulx qu'il n'eust sceu penser. aussi le Maistre des Seigneurs s'en mesloit, & chascun le congnoissoit.

Ceste armee, qui estoit en Hostie, ne seruoit de rien, pour le mauuais tēps: & aussi fault entendre que les gens, qu'auoit menez monseigneur d'Aubigny, estoient retournez, & luy aussi, & n'en auoit plus de charge:& si auoit on donné congé aux Italiens, qui auoyēt esté avec luy en la Romanie, qu'auoit menez le Seigneur Rodolph de Mantoue, le Seigneur Galeot de la Mirandole, & \* Fracasse, frere du Seigneur Galeas de Saint-Seuerin, qui furent bien payez:& estoient enuiron cinq cens armez, que le Roy payoit, comme auez ouy:& au partir de Viterbe, le Roy alla à \* Naples, q̄ tenoit le Seigneur Ascaigne:& n'est rien plus vray qu'à l'heure que noz gens estoient dedans Hostie, il tomba plus de vingt brassées de mur de la ville de Romme, par là ou l'on deuioit entrer. Le Pape voyant si soudainemēt venir ce ieune Roy, avec ceste fortune, consent qu'il entre dedans Romme (aussi ne l'en eust il sceu garder) requiert lettre d'assurance, qu'il eut, pour Dom Ferrand, Duc de Calabre, & seul filz du Roy Alphonse: lequel de nuiēt se retira à Naples, & le conduist iusques à la porte le Cardinal Ascaigne. Et le Roy entra dedās Romme en armes, comme ayāt autorité de faire par tout à son bon plaisir:& luy vindrent au deuant plusieurs Cardinaulx, & les Gouverneurs & Senateurs de la ville:& logea au Palais Saint-Marc (qui est le cartier des Coulonnois, les amis & seruiteurs pour lors) & le Pape se retira au chasteau Saint-Auge.

\* And. dela nia  
gne dit Gues-  
nay, & Bidāt  
que l'on peut  
n-mer Catay  
& Vidand, se-  
lon verrou.

\* Ainsi doit il  
estre appelé, se-  
lon tout Itali.

\* Le verger  
d'honneur, cy  
la mer des Hui-  
nomment aussi  
telle place, que  
se pense estre en  
la desordr. Ind.  
Nepeten ilon  
dus Nepe-  
sum, cy en vo-  
lar. Neper: et  
en Guazzo Ne-  
pi, accordant  
qu'elle fust en  
Cardinal Asca-  
nio.



# SEPTIEME LIVRE DES MEMOIRES

*Comment le Roy Alphonse feit couronner son filz Ferrand, & puis s'enfuit en Sicile: & de la mauuaise vie qu'auoit menee le vieulx Ferrand, son pere, & luy aussi.* Chap. 11.

**E**Stoit il possible de croire que le Roy Alphóse, si orgueilleux, nourry à la guerre, & son filz, & tous ces Vrlins, qui ont si grand part à Romme, n'osassent demourer en la cité:encores quád ilz voyoyér & sentoient que le Duc de Milan branloit, & les Venitiens, & se pratiquoit vne ligue, qui eust esté conclue, si quelque resistance eust esté faite à Viterbe ou à Romme, comme i'estoye bien assuré, pourueu qu'ilz eussent peu arrester le Roy aucuns iours? Au fort, il faloit que Dieu monstrast que toutes ces choses passoyent le sens & cōgnoissance des hōmes: & si fault bien noter qu'ainsi comme les murs de la ville estoient tombez, aussi tomba bien quinze brassées des auātmurs du chasteau Saint-Ange, comme m'ont compté plusieurs, & entre autres, deux Cardinaulx, qui y estoýt. Icy fault vn peu parler du Roy Alphonse.

Si tost que le Duc de Calabre, appelé le ieune Ferrad, dont ia plusieurs fois a esté parlé, fut retourné à Naples, son pere le Roy Alphonse, se iugea n'estre digne d'estre Roy, pour les maulx qu'il auoit faictz, en toutes cruaultez, contre les personnes de plusieurs Princes & Barons, qu'il auoit prins sur la seureté de son pere & de luy, & bien iusques au nombre de vingt quatre: & les fait tous mourir, si tost que son pere fut mort, qui les auoit gardez quelque temps, & depuis la guerre qu'ilz auoyent eue contre luy:& en fait aulsi mourir deux autres, que le pere auoit prins sus sa seureté: dont l'un estoit \* Duc de Sesse, homme de grande autorité, & l'autre Prince de Rosane: qui auoit eu à espouse & à femme la sœur dudit Roy Ferrand, & en auoit eu vn tresbeau filz:& pour mieulx s'asseurer de luy(car ledict Prince & Seigneur de Rosane luy auoit bien voulu faire vne grande trahison: & auoit bien desseruy toute punition s'il n'eust prins assurance)venant deuers luy à son mandement, le meit en merueilleuse & puante prison, & le filz mesme d'iceluy puis apres eüst venu en l'aage de quinze à seize ans:& y auoit demouré ledict pere trēte quatre ans, ou enuiron, à l'heure q ledict Roy Alphonse est venu à estre Roy: & lors qu'il y fut paruenue, feit mener tous ces prisonniers à \* Iscle (qui est vne petite ille aupres de la ville de Naples, dót vous ourez parler)& là les fait tous assommer, exceptez quelques vns, qu'il retint au chasteau de Naples:comme le filz dudit Seigneur de Rosane, & le noble Côte de Popoli. Le me suis fort bien enquis comment on les fait mourir si cruellement(car plusieurs les cuidoyent encores en vie, quand le Roy entra en la bonne ville & cité de Naples)& m'a esté dict, par leurs pñcipaulx seruiteurs, que par vn More, du país d'Afrique, les fait assommer vilainement & horriblement: lequel, incontinent apres son commandement, s'en alla audict país de Barbarie, à fin qu'il n'en fust point de nouvelles, sans espargner ces vieulx Princes:dont les aucuns auoyent esté gardez, en prison, trente quatre ou trentecinq ans, ou enuiron. Nul homme n'a esté plus cruel que luy, ne plus mauuais, ne plus vicieux & plus infect, ne plus gourmand que luy. Le pere estoit plus dange-reux:car nul ne se congnoissoit en luy n'en son courroux:car, en faisant bone chere,

\* Le Roy trefbūe que l'ouian don tan, qui a esrit de la guerre de Jehan d'auion & du neulx Ferrand, ne fut qu'un du vrin ce de Resano & du Duc de Sessar mais en passige tant corrompu qu'e ston tout ceste d'irreccion, il me fust que mon Aueur accorde à seymefme.

\* Ichia es Itabenta

chere, il prenoit & trahissoit les gens, comme le Comte Iacques, qu'il print & feit mourir vilainement & horriblement, estant Ambassadeur deuers luy, de par le Duc Francisque de Milan: duquel il auoit eu à femme & espousé la fille bastarde. Mais ledict Francisque fut consentant du cas: car tous deux le craignoient pour la suite & sequelle qu'il auoit en Italie, des<sup>\*</sup> Braciques: & estoit filz de Nicolo Picinino. Et ainsi (comme dict est) print ce Roy Ferrad tous les autres: & iamais en luy n'y auoit grace ne misericorde, comme m'ont compré ses prochains parens & amis: & iamais n'auoit eu aucune pitié ne compassion de son pauvre peuple, quant aux deniers. Il faisoit tout train de marchandise en son royaume, iusques à bailler les pourceaux à garder au peuple, & les leur faisoit engresser pour mieulx les vendre. S'ilz mouroyent, faisoit qu'ilz les payassent. Aux lieux ou croist l'huyle d'oliue, cōme en la Pouille, ilz l'achetoient luy & son filz presque à leur plaisir, & semblablement le froment, & auant qu'il fust meur, & le vendoyent apres le plus cher qu'ilz pouoyent: & si ladicte marchandise s'abaissoit de pris, contraignoient le peuple de la prendre: & par le temps qu'ilz vouloyent vendre, nul ne pouoit vendre qu'eulx. Si vn Seigneur ou Baron estoit bon mesnager, ou cuidoit espargner quelque bonne chose, ilz la luy demandoient à emprunter: & il la leur faisoit bailler par force: & leurs ostoyent les races des cheuaulx, dont ilz ont plusieurs, & les prenoient pour eulx, & les faisoient gouuerner en leurs mains, & en si grand nombre, tant cheuaulx, iumens que poulains, qu'on les estimoit à beaucoup de miliers, & les enuoyoyent paistre en plusieurs lieux, aux pasturages des Seigneurs, & autres, qui en auoyent grand dōmage. Tous deux ont prins à force plusieurs femmes. Aux choses ecclesiastiques ne gardoient nulle reuerence, n'obeissance. Ilz vendoyent Eueschez, comme celle de Tarente, que vendit le pere, treize mille Ducats, à vn Iuif, pour bailler à son filz, qu'il disoit Chrestien. Bailloit Abbaies à vn Faulconnier, & à plusieurs pour leurs enfans, disant: vous entretendrez tant d'oyseaux, & les nicherez à voz despens, & tiendrez tant de gens à voz despens. Le filz ne feit iamais quaresme, ne semblant qu'il en fust. Maintes annees fur sans se confesser, ne receuoir nostre seigneur & redempteur Iesus Christ: & pour conclusion, il n'est possible de pis faire qu'ilz ont fait tous deux. Aucuns ont voulu dire que le ieune Roy Ferrad eust esté le pire, combien qu'il estoit humble & gracieux, quand il mourut: mais aussi il estoit en necessité.

Or pourroit sembler aux lecteurs que ie disse toutes ces choses pour quelque haine particuliere que i'auroye à eulx: mais, par ma foy, non fāy: mais ie le dy pour continuer mes Memoires, ou se peut voir des le commencement de l'entreprinse de ce voyage, que c'estoit chose impossible aux gens qui le guidoyent, s'il ne fust venu de Dieu seul, qui vouloit faire son Commissaire de ce ieune Roy, bon, si pauvement pourueu & cōduict, pour chastier Roys si sages, si riches, & si experimentez, & qui auoyent tant de personages sages, à qui la desfense du royaume touchoit, & qui estoient tant alliez & soutenus, & mesmes voyoyēt ce faix venir sur eulx de tant loing, & si iamais n'y sceurent pouruiroir, ne resister en nul lieu. Car, hors le chasteau de Naples, n'y eut aucun qui empeschast le Roy Charles huietieme, vn jour naturel: & cō-

*\* C'estroyt soldatz qui prennent le nom d'un appeler, par cōte de l'ordinaire, grand Capitaine en son temps.*

me a dit le Pape Alexandre, qui regne, les François y font venus avec des esperons de bois, & de croye en la main des Fourriers, pour marquer leurs logis, sans autre peine: & parloit ainsi de ces esperons de bois par ce que, pour ceste heure, quand les ieunes gens de ce royaume vont par ville, leur page met vne petite broche dedans le soulier ou pàtousle: & sont sur leurs mules, brandissant les iambes: & peu de fois ont prins les harinois noz gés, en faisant ce voyage: & ne mist le Roy depuis Ast à entrer dedans Naples que quatre moys dix neufiours. Vn Ambassadeur y en eust mis vne partie. Parquoy ie conclu ce propos, disant, apres l'auoir ouy dire à plusieurs bôshommes de religion, & de sainte vie, & à mainte autre sorte de gens (qui est la voix de nostre Seigneur Iesuschrist, que la voix du peuple) que nostre Seigneur Iesuschrist les vouloit punir visiblement & que chascun le congnoist, pour donner exemple à tous Roys & Princes de bien viure, & selon ses commandemens. Car ces Seigneurs de la maison d'Arragon, dont ie parle, perdirent hōneur & royaume, & grandes richesses, & meubles de toute \* nature, si departis qu'à grand peine scait on qu'ilz soyent deuenus. puis perdirent les corps, trois en vn an, ou peu d'auantage: mais i'espere que les ames n'ont point esté perdues. Car le Roy Ferrand, qui estoit filz bastard du grand Alphonse (lequel Alphōse fut sage Roy, & honorable & tout bon) porta grande passion en son coeur de voir venir sur luy ceste armee, & qu'il n'y pouuoit remedier: & voyoit que luy & son filz auoyent mal vescu, & estoient trefhaïs (car il estoit tressage Roy) & si trouua vn liure escript, comme m'ont certifié des plus prochains de luy, en deffaisant vne chappelle, ou y auoit dessus: \* Le verie, avec son conseil fecret: & veult l'on dire qu'il contenoit tout le mal qui luy est aduenue: & n'estoyét que trois à le voir: & puis le iecta au feu. Vne autre passion auoit en ce qu'Alphonse son filz, ne Ferrand, filz de son filz, ne vouloyent croire ceste venue: & parloyent en grandes menaces, du Roy, & en grand mespris, disant qu'ilz viendroyent au deuant de luy iusques aux montz: & il en fut aucun qui prioit à Dieu qu'il ne vinst iamais Roy de Frâce en Italie, & qu'il y auoit veu seulement vn pauvre homme, de la maison d'Aniou, qui luy auoit fait souffrir beaucoup de peine. qui fut le Duc Iehan, filz du Roy René. Ferrand trouuailla fort par vn sien Ambassadeur, nommé messire \* Cauillo Pendolfo, de faire demourer le Roy, l'annee de deuant, auant qu'il partist de Frâce, luy offrant se faire tributaire de cinquante mille Ducatz l'an, & tenir le royaume de luy, à foy & hommage: & voyant qu'il ne pouuoit pas paruenir à aucune paix, n'y appaiser l'estat de la ville de Milan, luy print vne maladie, dequoy il mourut: & en ses douleurs eut confession, & comme i'espere, repentance de de ses pechez. Le filz Alphonse, qui tant auoit esté terrible & cruel, & tant fait le mestier de la guerre, auant que le Roy partist de ladicte ville de Romme, renonça à sa couronne: & entra en telle paour, que toutes les nuictz ne cessoit de crier qu'il oyoit les François, & que les arbres & les pierres crioïent France: & iamais n'eut hardiesse de partir de Naples: mais au retour que feit son filz, de Romme, le mit en posselsiō du royaume de Naples, & le feit couronner & cheuaucher par la ville de Naples, acompagné des plus grans qui y estoient, comme de Dom Federic son frere, & du Cadinal de Genes, estant

ledict

\* matiere possible.

\* Il y auoit, possible, en Italien il Vero, ou la Verita &c. c'est à dire le Vray ou la Verité.

\* Camillo Pandone. Gualtero, come fait aussi l'Ital. de r. 104.

ledict nouveau Roy au milieu, & accompagné des Ambassadeurs qui y estoient, & luy fait faire toutes lesdictes solennitez, qui sont requises: & luy se mirent en fuite, & s'en alla en Cecile avec la Royne sa belle mere: qui estoit sœur du Roy Ferrand de Castille, qui encores vit, à qui appartient ledict royaume de Cecile, en vne place qu'elle y auoit. qui fut grand' nouuelle par le monde, & par especial à Venise, ou i'estoye. Les vns disoyent qu'il alloit au Turc. Autres disoyent que c'estoit pour donner faueur à son filz, qui n'estoit point hay au royaume: mais mon aduis fut tousiours que ce fut par vraye lâcheté: car iamais homme cruel ne fut hardy: & ainsi se voir par toutes Histoires: & ainsi se desespera Neron, & plusieurs autres. Brief, cest Alphonse eut si grand' enuie de fuir qu'il dist à sa belle mere (comme m'ont compré ceulx qui estoient à luy) le iour qu'elle partit, que, si elle ne parloit, qu'il la laisseroit: & elle luy respondit qu'il attendist encores trois iours, à fin qu'elle eust esté en son royaume vn an entier: & il disoit que, qui ne le laisseroit aller, il le ietteroit par les fenestres, disant: N'oyez vous point comme vn chascun crie Frâce? & ainsi se mirent aux galees. Il emporta de toutes sortes de vins (qu'il auoit plus aimez qu'autre chose) & de toutes sortes de graines pour faire iardins, sans donner nul ordre à ses meubles, n'y à ses biens: car la pluspart demoura au chasteau de Naples. Quelques bagues emporta, & quelque peu d'argent: & aller en Cecile audiect lieu: & puis alla à Messine, ou il appela & mena avec luy plusieurs gens de religion, vouant de n'estre iamais du monde: & entre les autres, il aymoit fort ceulx du mont d'Oliuet, qui sont vestus de blanc (lesquelz le m'ont compré à Venise: là ou est le corps sainte Helaine en leur monastere) & se mit à mener la plus sainte vie du monde: & seruit Dieu à toutes les heures du iour & de la nuit, avec lesdictz religieux, comme ilz font en leur conuents: & là faisoit grans ieufnes, abstinéces & aumosnes: & puis luy aduint vne grand' maladie de l'escoriation & de grauelle: & me dirent n'en auoir iamais veu homme si persecuté: & portoit tout en patience, delibérant vser sa vie en vn monastere à Valence la grand', & là se vestir de religion: mais il fut tant surprins de maladie, qu'il vesquit peu, & mourut: & selon sa grand' repentance, il est à esperer que son ame est glorieuse en Paradis. Son filz demoura peu après, & mourut de siebure & flux, & croy qu'ilz sont mieulx qu'ilz n'estoyent en ce monde: & semble que, en moins de deux ans, ilz furent cinq Roys portés couronne à Naples: les trois que i'ay nommez, le Roy Charles de France huietieme, & Dom Federic, frere dudiect Alphonse, qui de present regne.

*Comment apres que le ieune Ferrand fut couronné Roy de Naples, alla assoir son camp à Saint-Germain pour resister contre la venue du Roy: & de l'accord que le Roy Charles feit avec le Pape, estant encor à Rome.*

Chap. 12.



T, pour esclarcir le tout, fault dire commét, des ce que le Roy Ferrand fut couronné, il deuint comme vn homme neuf: & luy sembla que toutes haines & offences estoient oubliées par la fuite de son pere: & assembla tout ce qu'il peut de gens, tant de cheual que

## SEPTIEME LIVRE DES MEMOIRES

de pied, & vint à Saint-Germain: qui est l'entree du royaume, & lieu fort, & aisé à defendre, & par ou les François sont passez deux autres fois: & là mit son camp, & garnist la ville: & lors reuint le cœur aux amis dudi<ct> Ferrand.

Le lieu est deffendu d'une petite riuere, qui quelquefois se passe à gué, & quelquefois non. aussi se deffend par la montaigne qui est dessus.

Le Roy estoit encores à Rôme, ou il seiourna enuiron vingt iours, ou plusieurs choses se traictoyent. Auec luy estoient bien dixhui<ct> Cardinaulx, & d'autres qui venoyent de costé & d'autre: & y estoit ledi<ct> monseigneur Ascaigne, Vichancelier, & frere du Duc de Milan, & Petri-ad-vincula (qui estoiet grâs ennemi du Pape, & amis l'un de l'autre) celui de \* Guesse, Saint-Denis, Saint-Seuerin, Sauelli, Coulonne, & autres: qui tous vouloyent faire election nouvelle, & qu'au Pape fust fait proces, lequel estoit audict chasteau. Deux fois fut l'artillerie prestee, côme m'ont dit des plus grâs: mais tousiours le Roy, par sa bonté, y résista. Le lieu n'est pas defensible: car la mort est de main d'homme faicte, & petire. Or alleguoyēt ilz bien que ces murs estoient tombez par miracle, & le chargeoyēt d'auoir achete ceste saincte dignité: & disoyent vray: mais ledi<ct> Ascaigne en auoit esté le principal marchand, qui auoit tout guidé, & en eut grand argēt: & si eut la maison dudi<ct> Pape, luy estant Vichancelier, & les meubles qui estoient dedans, & son office de Vichancelier, & plusieurs places du patrimoine. Car eulx deux estoiet à l'enuy, qui seroit Pape. Toutelsois ie croy qu'ilz eussent consenty tous deux d'en faire vn nouveau, au plaisir du Roy, & encores d'en faire vn François: & ne sçauroye dire si le Roy feit biē ou mal: toutelsois ie croy qu'il feit le mieulx d'appointer. car il estoit ieune, & mal accōpaigné pour conduire vne si grād' œuvre que de reformer l'eglise, combiē qu'il eust le pouuoir. mais qu'il l'eust sceu faire, ie croy q̄ toutes gēs de cōgnoissance & raison, l'eussent tenu à vne bōne, grande & tres-saincte besongne: mais il y faudroit grād mistere: toutelsois le vouloir du Roy estoit bon, & est encores, en ce cas, s'il y estoit aidé.

Le Roy appointa avec le Pape vn appointment, qui ne pouoit durer: car il estoit violent en aucun point: & fault grād' couleur de faire vne ligue, dont apres sera parlé. Par cestuy appointemēt deuoit estre paix entre le Pape & ses Cardinaulx, & autres: & deuoyent lesdi<ctz> Cardinaulx estre payez du droit de leur chapeau, absens cōme presens. Il deuoit prester au Roy quatre places, Terracine, Ciuita-vecchia, & Viterbe que tenoit le Roy, & Spolite aussi: mais il ne la bailla point, combien qu'il l'eust promise: & se deuoyent rendre au Pape, comme le Roy partiroit de Naples: & ainsi le feit, combien que le Pape l'eust trompé. Il bailla au Roy, par cestuy appointment, le frere du Turc, dont il auoit loixante mille Ducats par an dudi<ct> Turc: & le tenoit en grand crainte. Promettoit de ne mettre aucun Legat en lieu ne place de l'Eglise, sans le cōsentement du Roy: & y auoit autres articles, qui touchoyēt le cōsistoire, & bailloit en ostage son filz, le Cardinal de Valence, qui alloit avec ledi<ct> Seigneur pour Legat: & luy feit le Roy l'obedience filiale, en toute humilité q̄ le Roy sçauoit faire: & luy feit le Pape deux Cardinaulx: c'est à sçauoir le General Brissonnet, qui ia estoit Eueſque de Saint-Malo, qui a esté souuent appelé General, & l'autre l'Eueſque du Mâs, de la maison de Luxembourg, qui estoit pardeça.

Comment

\* Marco Guesse  
no le nomme  
Curcense, et  
Ferr. Gurci.  
Le verger d'ho  
neur en nomme  
un Dourcelle  
ou il faudroit  
possible Gour  
ce. La mer des  
Histoires parle  
aussi de luy. Gur  
ce natif de  
Picardie a-  
uoit Eueſ-  
ché en Ger-  
manie.

Comment le Roy partit de Romme pour aller à Naples: de ce qui aduint ce pendant en plusieurs contrées dudit royaume de Naples: & par quelles places il passa iusques à ladite ville de Naples.

Chap. 13.



Es choses faictes, le Roy partit de Romme, en grand amytié avec le Pape, ce sembloit: mais huiet Cardinaulx partirent de Romme mal cõtens dudit appointemēt: dont les six estoient de la sequelle dudit Vichancelier, & de Saint-Pierre-ad-vincula: combien qu'on croyoit qu'Ascaigne faisoit ceste faincte, & qu'au cœur estoit content du Pape: mais son frere ne s'estoit point encores declaré cõtre nous: & alla le Roy à \* Iannefanne, & de là à \* Belistre, d'ou s'enfuit le Cardinal de Valéce.

Le lendemain le Roy print \* Chastelfortin, d'assault: & fut tué ce qui estoit dedans: qui estoit à laques Comte, qui auoit prins l'argēt du Roy, & puis s'estoit tourné: car les Côtes sont partisans des Vrsins. Puis apres alla le Roy à Valmontō: qui est des Colonnaïs. puis alla loger à quatre mils du mōr S. lehan, vne tresforte place: laquelle fut batue sept ou huiet heures, & puis fut prise d'assault, & tout tué ce qui estoit dedās, ou la plus part: & estoit au Marquis de Pescaire, terre d'Eglise: & y estoit toute l'armee ioincte ensemble. Et de là tira le Roy vers Saint-Germain (& y pouuoit auoir seize mils, ou environ) là ou le Roy Ferrand, nouueau couronné, estoit en camp (comme i'ay dit ailleurs) avec tout ce qu'il pouuoit auoir finé de gens: & estoit le dernier remede, & le lieu pour cōbatre ou iamais: car c'estoit l'entree du royaume, & le lieu auantageux, tant pour le ruisseau que pour la mōraigne: & si enuoya gēs avec, pour garder & deffendre le pas de Cancellō, qui est vn pas de montaignes à six mils de Saint-Germain. Auant que le Roy fust à Saint-Germain, l'en alla le Roy Ferrand, en grand desordre, & abandonna la ville & passage. Monseigneur de Guise auoit, en ce iour, la charge de l'auantgarde. Monseigneur de Rieux estoit allé à ce pas de Cancellō, contre les Arragonnois: qui aussi l'abandonnerent: & entra ledict Roy audiēt Saint-Germain. Le Roy Ferrand tira droict à Capoua: ou ilz luy refuserent l'entree à ses Gens-d'armes: mais ilz laisserēt entrer sa personne avec peu de gēs: mais il n'y arresta point: & leur pria de tenir bon pour luy, & que le lendemain reuiendroīt: & alla à Naples, doubtant la rebellion qui aduint. Tous ses gēs, ou la plus part, le deuoyent attendre à Capoua: mais, quand il vint le lendemain, il trouua tout party: & estoient allez à Nola le seigneur Virgile Vrsin, & son cousin le Côte de Petillane: ou ilz furent prins, & leurs gens, par les nostres. Ilz vouloyent maintenir qu'ilz auoyēt faulcōduict, & qu'on leur faisoit tort: & estoit vray: mais il n'estoit point encores entre leurs mains. Toutesfois ilz ne payerent rien: mais ilz eurent grand perte: & leur fut faict tort.

De S. Germain alla le Roy à \* Mingamer, & à \* Triague: & logea à Calui, deux mils de Capoua: & là, ceulx de Capoua vindrent cōposer: & y entra le Roy, & toute l'armee: & de Capoua, alla le lendemain à Auerfa, my-chemin de Capoua & de Naples, à cinq mils de l'un & de l'autre: & là vindrēt ceulx de Naples, & cōposerēt, en asseurant leurs priuileges anciēs: & y enuoya le Roy, deuant, le Marechal de Gié, le Seneschal de Beaucaire, le President Ganay,

\* Il a nommē par cy deuant un lieu Sine-sonne, que ie pense estre ce-ſteuy: mais Ca-ſſo du Marina, Veltri, & Montefortino, pour ces trois marquis, l'ita-de r. l'on ne dit rien de Marina: mais bien nomme il Veltri, & l'autre, qui ne est qu'un avec Chastelfortin: ceulx fer-roy ſuyuant les ita.

\* l'ita-de l'on dit Mignano & la mer des Hist. Mignane, ſuyuant de fter.

\* Casco dit Thiano, & l'ita-de r. l'on Thiano.

qui tenoit le feau, & des Secretaires. Le Roy Ferrand, voyant ces choses, le peuple, & nobles en armes, rebelles cōtre luy, & qui, à sa venue, luy pillerent son Escuierie, qui estoit grāde, mōta en galee, & alla en Iscle: qui est vne isle à dixhuiēt mils de Naples. Et fut receu le Roy, à grand ioye & solēnité, dedās la ville de Naples: & tout le mōde luy vint au deuāt, & ceulx, qui plus estoient obligez à la maison d'Arragō, les premiers: cōme tous ceulx de la maison de Carrasse: qui tenoyēt, de ladiēte maison d'Arragon, quarāte mille Ducatz de reuenu, qu'e heritages qu'en benefices. Car les Roys y peuuēt biē dōner leur dōmaine, & si donnēt biē celuy des autres: & ne croy poit qu'il en y ait trois en tout le royaume, q̄ ce qu'ilz possēdēt ne soit de la courōne, ou d'autruy.

Iamais peuple ne monstra tant d'affection à Roy, ny à nation, comme ilz monstrent au Roy, & pensoyent estre tous hors de tyrannie: & se prenoyēt eulz mēmes. car tout tourna en Calabre: ou fut enuoyé mōseigneur d'Aubigny, & Perō de Basc̄e avec luy, sans Gens-d'armes. Tout l'Abroussou tourna de luy mēme: & commença par la ville de l'Aquila: laquelle a tousiours esté bōne François̄e. Tout se tourna en Pouille, sauf le chasteau de \* Brandis (qui est fort & bien gardé) & Gallipoli: qui aussi fut gardé: autremēt, le peuple fust tourné. En Calabre y eut trois places qui tiendrēt pour le Roy Ferrand: dōt les deux furent la Mantie & la Turpie, anciennes Angeuines: qui auoyent parauāt leuē les bannieres du Roy Charles: mais, par ce qu'il les donna à mōseigneur de Perfi, & ne les voulut recevoir, au dōmaine, releuerent les bānieres d'Arragon: &, pour la tierce place, fut le chasteau de Reges, qui aussi demoura Arragonnois. Mais tout ce qui tint, ne fut que par faulte d'y enuoyer: car il n'alla pas assez de gēs en Pouille & Calabre pour garder vn chasteau pour le Roy. Tarēte se bailla, ville & chasteau: &, tout de mēme, Otrāte, Monopoli, Trani, Manfredōne, Barle, & tout, excepté ce q̄ i'ay nōmé. Ilz venoyent trois iournées, au deuāt de noz gēs, des citez, pour se redre: & tous enuoyèrent à Naples: & y vindrēt tous les Princes & Seigneurs du royaume, pour faire hōmage, excepté le Marquis de Pescaire: mais ses freres & nepueux y vindrēt. Le Côte d'Acri & le Marquis de Squillazzo fuirent en Cecile: par ce q̄ le Roy donna leur terre à mōseigneur d'Aubigny. A Naples se trouua aussi le Prince de Salerne, reuenu de nauire: & n'auoit de riē seruy. Son frere le Prince de Bisignan, & ses filz s'y trouuerent aussi, avec le Duc de Melfe, le Duc de Grauine, le vieil Duc de Sora (qui pieça auoit vēdu sa Duchē au Cardinal de S. Pierre-ad-vincula, & la possēde encores son frere de present) le Côte de Montorio, le Côte de Fondi, le Comte de Tripalda, le Côte de Celano (qui estoit allé avec le Roy, bāni de long tēps) le Côte de Troye, ieune, nourry en France, & estoit d'Ecosse, & le Côte de Popoli, q̄ l'on trouua prisonnier à Naples. Le ieune Prince de Rosane, dōt a esté parlé, apres auoir esté long tēps prisonnier avec le pere, qui le fut trēte & quatre ans, auoit esté deliuré, & s'en alla, avec Dom Ferrand, ou par amour ou par force. Semblablement s'y trouuerēt le Marquis de \* Guefron, & tous les Caldoreſques, le Côte de Matalon, & le Comte de Merillano, ayans eulx, & les leurs, tousiours gouuerné la maison d'Arragon: & generalement y vindrent tous ceulx du royaume, excepté ces trois que ie vous ay nommez.

Comment

\* Autres le nō-  
mēt Brinde-  
se: les Latins  
Brundisium

\* Je doute s'il  
y fault poit  
Gailfon ou  
Venetia.



*Comment le Roy Charles fut couronné Roy de Naples: des fautes qu'il feit à l'entrecenement d'un tel royaume: & comment vne entreprinſe, qui ſe dreſſoit pour luy contre le Turc, fut deſcouuerte par les Venitiens.*

Chap.

14.

**Q**uand le Roy Ferrad ſ'enfuit de Naples, il laiſſa au chasteau le Marquis de Peſcaire, & aucuns Alemans, & luy alla vers ſon pere, pour auoir aide, en Cecile. Dom Federic tint la mer, avec quelque peude galees, & vint deux fois parler au Roy, à ſeureté, luy requerant que quelque portio du royaume peult demourer à ſon nepueu, avec nom de Roy, & à luy le ſien, & celuy de ſa femme. Son cas n'eſtoit point grand'choſe: car il auoit eu petit partage. Le Roy luy offroit des biens en France, pour luy, & pour ſon dict nepueu: & croy qu'il leur euſt donné vne bonne & grand' Duché: mais ilz ne la voulurent accepter. Auſſi ilz n'euffent tenu aucun appointement qu'on leur euſt ſceu faire, demourans dedans le royaume, quand ilz euſſent peu voir leur auantage. Deuant le chasteau de Naples fut miſe l'artillerie, quitira: & n'y auoit plus que les Alemans: & eſtoit party ledict Marquis de Peſcaire: &, qui euſt enuoyé quatre canons iuſques en l'Iſle, on l'eult priſe: & de là retourna le mal. Auſſi euſt on eu toutes les autres places qu'ilz tenoyent: qui n'eſtoient que quatre ou cinq: mais tout ſe mit à faire bonne chere, & iouſtes, & feſtes: & entrerēt en tāt de gloire, qu'il ne ſembloit point aux noſtres que les Italiens fuſſent hommes: & fut le Roy couronné: & eſtoit logé en Capouane: & quelquefois alloit au \* Mont-imperial. Aux ſubiectz feit de grādes graces, & leur rabbatit de leurs charges: & croy bien que le peuple de ſoy ne ſe fuſt point tourné, cōbien qu'il ſoit muable, qui euſt contenté quelq̃ peu de Nobles: mais ilz n'eſtoient recueillis de nul: & leur faiſoit on des rudelles aux portes: & les mieulx traictez furent ceulx de la maiſon de Carraſe, vrais Arragonnois. encores leur oſta l'on quelque choſe. A nul ne fut laiſſé office ny eſtat, mais pis traictez les Angeuins que les Arragonnois: & à ceulx du Comte de Merillano fut donné vn mandement: dont on chargea le Preſidēt Gannay d'auoir prins argent, & le Senefchal, faiēt nouveau Duc de Nole, & grand Chambelan du royaume. Par ce mandement chaſcun fut maintenu en ſa poſſeſſion, & forclos les Angeuins de retourner au leur, ſinō par proces: &, quant à ceulx qui eſtoient entrez d'eulx meſmes, cōme le Côte de Celano, on bailla main forte pour les en ietter. Tous eſtats & offices furent donnez aux François, à deux ou trois. Tous les viures, qui eſtoient au \* chasteau de Naples, quand il fut prins, qui eſtoyēt fort grans, dōt le Roy eut congnoiſſance, il les donna à ceulx qui les demandoient.

En ces entreſaictes ſe rendit le chasteau, par pratique des Alemans, qui en eurent vn monde de biens qui eſtoient dedans: & auſſi fut prins le chasteau de l'Oeuf par baterie. Et par ceſte concluſion ſe peut voir que ceulx, qui auoyent conduit ceſte grand' œuure, ne l'auoyent point fait d'eulx, mais fut vraye œuure de Dieu, comme chaſcun le veit: mais ces grandes fautes, que ie dy, eſtoient œuures d'hommes, accueillis de gloire, qui ne congnoiſſoyēt d'ou ce bien & honneur leur venoit: & y procederēt ſelon leur nature & experience: & ſe vint changer la fortune auſſi prōptement, & auſſi viſiblement

\* Le doute qu'il y faille, en mēteu Imperial, pour auoir à ce qu'aucun diſent qu'il fut couronné pour Empereur de Conſtantinoble.

\* Il entred Caſtel-nouo

\* Je me doubte  
fort qu'il faille  
lire Othlid,  
ou Gothlid:  
mais, pour Au  
uergne, je me  
suis assuré de  
Norvegue.

comme l'on voit le iour en \* Holande, ou en Auuergne, ou les iours d'Esté sont plus longs qu'ailleurs, & tant que, quād le iour fault au soir, en vne mesme instance, ou peu apres, cōme d'un quart d'heure, on voit de rechef naistre le iour, à venir: & ainsi veit tout sage hōme en aussi peu d'espace chāger ceste bonne & glorieuse aduenture, dont tant fussent aduenus de biens & d'honneurs à toute la Chrestienté, si elle eust esté recongneue de celuy d'ou elle venoit. Car le Turc eust esté aussi aisé à troubler, qu'auoit esté le Roy Alphonse: car il estoit, & est encores vif, homme de nulle valeur: & eut le Roy son frere entre les mains (qui vesquit peu de iours apres la fuite du Cardinal de Valence: & disoit on qu'il fut baillé empisonné) qui estoit l'homme du mode qu'il craignoit le plus: & tant de milliers de Chrestiens estoient si prestz à se rebeller, qu'on ne le sçauoit penser. Car d'Otrante iusques à la Valonne, n'y a que soixante mils: & de Valonne en Constantinoble, y a enuiron dixhuiēt iournees de marchans, cōme me compterent ceulx qui souuent faisoient le chemin: & n'y a aucunes places fortes entre deux, au moins que deux ou trois. le reste est abbattu: & tous ces païs sont Albanois, Esc lauōs, & Grecs, & fort peuplez, qui sentoient des nouuelles du Roy, par leurs amis, qui estoient à Venise & en Pouille, à qui aussi ilz escriuoient, & n'attendoient que messages pour se rebeller: & y fut enuoyé vn Archeuesque de Duras de par le Roy, qui estoit Albanois: mais il parla à tant de gens que merueilles prestz à tourner, estans enfans & nepueux de plusieurs Seigneurs & gens de bien de ces marches, comme de Scanderbeg, d'un filz de l'Empereur de Constantinoble, des nepueux du Seigneur Constantin (qui de present gouuerne Montferrat) & sont nepueus ou cousins du Roy de Seruie. En Thessalie plus de cinq mille fussent tournez: & encores se fust prins Scutari. ce que ie sçauoye par intelligence, par la main du Seigneur Constantin, qui plusieurs iours fut caché à Venise avec moy. Car de son patrimoine luy appartient la Macedone & Thessalie: qui fut le patrimoine d'Alexandre: & la Valonne en est. Scutari & Croye en sont pres: & de son temps, son pere, ou oncle, les engagea aux Venitiens, qui perdirent Croye. Scutari baillerent au Turc, en faisant paix. Et fut ledict Seigneur Constantin à trois lieues pres: & se fust executee l'entreprinse n'eust esté que ledict Archeuesque de Duras demoura à Venise aucuns iours apres ledict Seigneur Constantin: & tous les iours ie le pressoye de partir: car il me sembloit homme leger en parole: & disoit qu'il feroit quelque chose dont il feroit parlé: & de male aduenture, le iour que les Venitiens sceurent la mort du frere du Turc, que le Pape auoit baillé entre les mains du Roy, ilz delibererent de le faire sçauoir au Turc, par vn de leurs Secretaires: & commanderent qu'aucun nauire ne passast la nuit entre les deux chasteaux, qui sont l'entree du gouffre de Venise: & y feirent faire guet (car ilz ne se doubtoient que de petis nauires, comme Grips, dont il y en auoit plusieurs au port d'Albanie, & de leurs isles de Grece) car celuy qui eust porté ces nouuelles, eust eu bon present. Ainsi ce pauvre Archeuesque, ceste propre nuit, voulut partir pour aller à ceste entreprinse du Seigneur Constantin qui l'attendoit: & portoit force espees, boucliers, & iauelines, pour bailler à ceulx avec qui il auoit intelligence (car ilz n'en ont point) &, en

passant



les sont fort petites. Enuiron ladicte cité y a bien septante monasteres, à moins de demie lieue François, à le prendre en rondeur (qui tous sont en isle, tant d'hommes que de femmes, fort beaux & riches, tant d'edifices que de paremens : & ont fort beaux iardins) sans comprendre ceulx qui sont dedans la ville : ou sont les quatre ordres des mendiens, bien soixante & douze parroisses, & mainte confrairie : & est chose estrange de voir si belles & si grandes Eglises fondees en la mer. Audiect lieu de la Chafousine vindrét, au deuant de moy, vingt cinq Gentilz-hommes, bien & richement habille, & de beaux draps de soye & escarlate : & là me dirent que ie fusse le bien venu : & me conduirent iusques pres la ville, en vne Eglise de Saint-André, ou de rechef trouuay autant d'autres Gentilz-hommes, & avec ceulx les Ambassadeurs du Duc de Milan, & de Ferrare : & là aussi me feirent vne autre harengue : & puis me mirent en d'autres basteaux, qu'ilz appellent plats : & sont beaucoup plus grans que les autres : & y en auoit deux couuers de satin cramois, & le bastapissé, & lieu pour seoir quarante personnes : & chascun me fait seoir au milieu de ces deux Ambassadeurs (qui est l'honneur d'Italie que d'estre au milieu) & me menerent au long de la grand' rue, qu'ilz appellent le grand Canal : & est bien large. les galees y passent à trauers : & y ay veu nauire de quatre cés tonneaux ou plus, pres des maisons : & est la plus belle rue que ie croy qui soit en tout le monde, & la mieulx maisonnee, & va le long de ladicte ville. Les maisons sont fort grandes & haultes, & de bonne pierre : & les anciennes toutes painctes. les autres, faictes depuis cent ans, toutes ont le deuant de Marbre blanc, qui leur vient d'Istrie, à cent mils de là : & encores ont mainte grand' piece de Porphyre & de Serpentine sur le deuant. Au dedans ont pour le moins, pour la plus part, deux chambres qui ont les planchez dorez, riches manteaux de cheminees de marbre taillé, les chalis des lietz dorez, & les osteuens painctz & dorez, & fort bien meublés dedans. c'est la plus triomphante cité que i'aye iamais veue, & qui plus fait d'honneur à Ambassadeurs & estrangers, & qui plus sagement le gouuerne, & ou le seruice de Dieu est le plus solennellement faict : & encores qu'il y peult bien auoir d'autres fautes, si croy ie que Dieu les a en aide, pour la reuerence qu'ilz portent au seruice de l'Eglise. En ceste compaignie de cinquante Gentilz-hommes, me conduirent iusques à Saint-George : qui est vne Abbaie de moines noirs, refformez, ou ie fu logé. Le lendemain me vindrent querir, & mener à la Seigneurie : ou presentay mes lettres au Duc, qui preside en tous leurs conseilz, honnoré comme vn Roy : & s'adressoyent à luy toutes lettres : mais il ne peut gueres de luy seul : toutesfois cestuicy a de l'autorité beaucoup, & plus que n'eut iamais Prince qu'ilz eussent. aussi il ya desia douze ans qu'il est Duc : & l'ay trouuay homme de bien, sage, & bien experimété aux choses d'Italie, & doulce & amiable personne. Pour ce iour ne dy autre chose : & me fait on voir trois ou quatre chabres, les plâchez richement dorez : & les lietz & osteuens : & est beau & riche le Palais de ce qu'il cõtient, tout de marbre bien taillé, & tout le deuant, & le bord des pierres, dorez en la largeur d'un poulce, par aduerture : & y a audiect Palais quatre belles sales, richement dorees, & fort grãd logis : mais la court est petite. De la chabre du Duc il peut

ouir

ouir la messe au grand autel de la chappelle Sainct-Marc: qui est la plus belle & riche chappelle du monde, pour n'auoir que nom de chappelle, toute faicte de Musaicq en tous endroiçtz. Encores le vantent ilz d'en auoir trouué l'art: & en font besongner au mestier: & l'ay veu. En ceste chappelle est leur tresor, dont l'on parle, qui sont choses ordonnées pour parer l'Eglise. Il y a douze ou quatorze gros Ballays. Le n'en ay veu aucun si gros. Il y en a deux, dont l'un passe sept cens, & l'autre huit cens carras: mais ilz ne sont point neçtz. Il y en a douze autres de pierres de \* cuirasse d'or, le deuant & les bords bien garnis de pierrerie trefort bonne, & douze couronnes d'or, dont anciennement se paroyent douze femmes, qu'ilz appeloient Roynes, à certaines festes de l'an: & alloient par ces isles & Eglises. Elles furēt desfrobes, & la plupart des femmes de la cité, par larrons qui venoyent d'Istrie ou de Friole (qui est pres d'eulx) lesquelz s'estoyent cachez derriere ces isles: mais les maris alloient apres: & les recouurerēt, & mirent ces choses à Sainct-Marc, & fonderēt vne chappelle au lieu ou la Seigneurie va tous les ans, au iour qu'ilz eurent ceste victoire: & est bien grand richesse pour parer l'Eglise, avec maintes autres choses d'or, qui y sont, & pour la suite d'Amatiste, d'Aguate, & vn bien petit d'Esmeraude: mais ce n'est point grand tresor pour estimer, comme l'on fait or ou argent cōtēt: & ilz n'en tiennēt point en tresor: & m'a dit le Duc, deuant la Seigneurie, que c'est peine capitale parmy eulx de dire qu'il faille faire tresor: & croy qu'ilz ont raison, pour doubte des diuisions d'entr'eulx. Apres me feirent môstrer leur autre tresor: qui est vn Archenal, ou ilz esquipent leurs galees, & sont toutes choses qui sont necessaires pour l'armee de mer: qui est la plus belle chose qui soit en tout le demourāt du môde au iourd'huy, & la mieulx ordonnee pour ce cas.

En effect, i'y seiournay huit mois, deffrayé de toutes choses, & tous autres Ambassadeurs qui estoient là: & vous dy bien que ie les ay congnus si fages, & tant enclins d'accroistre leur Seigneurie, que, s'il n'y est pourueu tost, tous leurs voisins en maudiront l'heure. Car ilz ont plus entendu la façon d'eulx deffendre & garder, en la saison que le Roy y a esté, & depuis, que iamais: car encores sont en guerre avec luy: & si se sont bien osez ellargir, comme d'auoir prins en Pouille sept ou huit citez en gage: mais ie ne scay quād ilz les rendront: & quand le Roy vint en Italie, ilz ne pouoyent croire que l'on print ainsi les places, n'en si peu de temps (car ce n'est point leur façon) & ont fait, & sont maintes places fortes depuis, & autres en Italie. Ilz ne sont point pour l'accroistre en haste, comme feirent les Rommains: car leurs personnes ne sont poit de telle vertu, & si ne va nul d'entr'eulx à la guerre de terre ferme, comme faisoient les Rommains, si ce ne sont leurs Prouiseurs & payeurs, qui accompagnent leur Capitaine, & le conseillent & pouruoient du tout: mais toute la guerre de mer est cōduicte par leurs Gentilz-hommes, en Chefz & Capitaines de galees & naues, & par autres leurs subiectz. Mais vn autre bien ont ilz en lieu d'aller, en personne, aux armées par terre: c'est qu'il ne s'y fait nul homme de tel cœur, ne de telle vertu, pour auoir Seigneurie, comme ilz auoyent à Romme: & par ce n'ont ilz nulles questions ciuiles en la cité. qui est la plus grande prudence que ie leur voye: & y ont merueil-

\* cuirasse en  
l'autre exempl.  
imprimé.

leusement bien pourueu, & en maintes manieres. car ilz n'ont point de Tribuns-de-peuple comme auoyent les Rommains (lesquelz Tribuns furent en partie cause de leur destruction) car le peuple n'y a credit, ne n'y est appelé en rien: & tous offices sont aux Gentilz-hommes, sauf des Secretaires. Ceulx là ne sont point Gentilz-hommes. Aussi la pluspart de leur peuple est estranger. Et si ont bien congnoissance, par Titus Liuius, des faultes q̄ feirent les Rommains: car ilz en ont l'histoire, & si en sont les os en leur Palais de Padoue. Et par ces raisons, & par maintes autres que i'ay congnes en eulx, ie dy encores vne autre fois qu'ilz sont en voye d'estre bien grans Seigneurs pour l'aduenir.

*De la charge du  
seigneur d'Ar-  
genton euer  
les Veuueux.*

Or fault dire quelle fut ma charge: qui fut à cause des bones respōses qu'ilz auoyent faictes à deux seruiteurs du Roy, qui auoyent esté vers eulx, & qu'à leur fiance, il tiraist hardiment auant en ceste entreprinse: & ce fut auant qu'il partist de la ville d'Ast. Aussi leur remonstray les longues & anciennes aliances qui auoyent esté entre les Roys de France & eulx: & d'auantage leur offry Brandis, & la ville d'Otrante, par condition qu'en leur baillant mieulx en Grece, ilz fussent tenus les rendre. Ilz me tindrent les meilleures paroles du monde du Roy, & de toutes ses affaires: car ilz ne croyoyēt point qu'il allast gueres loing: & quant à l'offre que ie leur fey, ilz me feirent dire qu'ilz estoient ses amis & seruiteurs, & qu'ilz ne vouloyent point qu'il achetast leur amour (aussi le Roy ne tenoit point encores les places) & que, s'ilz vouloyent, ilz se mettroient bien en guerre. ce qu'ilz ne vouloyent point faire, combien qu'il y eust vers eulx Ambassade de Naples, les en suppliant tous les iours, & leur offrant ce qu'ilz vouldroyent: & cōfessoit le Roy Alphonse (qui lors regnoit) auoir failly vers eulx, & leur remonstroit le peril que ce leur seroit, si le Roy venoit au dessus de son entreprinse. Le Turc de l'autre costé leur enuoya incontinent Ambassadeur, que ie vey plusieurs fois, qui à la requeste du Pape les menassoit, s'ilz ne se declaroyent cōtre le Roy. A chascun faisoient bonne responce: mais ilz n'auoyent à ce commencement nulle crainte de nous, & ne s'en faisoient que rire: & aussi le Duc de Milan leur faisoit dire, par son Ambassadeur, qu'ilz ne se souciaient point, & qu'il scauoit bien la façon de renuoyer le Roy, sans ce qu'il tint rien en Italie: & autant en auoit mandé à Pierre de Medicis, qui le m'a dit. Mais, quand ilz veirent, & le Duc de Milan aussi, que le Roy auoit les places des Florentins entre ses mains, & par especial Pise, ilz commencerent à auoir paour, & parloyent de la façon de le garder de passer plus auant: mais leurs conseilz estoient longs: & ce pendant le Roy tiroit auant: & gens alloient & venoyent des vns aux autres. Le Roy d'Espagne commençoit aussi à auoir paour, pour les isles de Cecile & de Sardaigne. Le Roy des Rommains commença aussi à estre enuieux, & luy faisoit on paeur de la couronne Imperiale, disant que le Roy la vouloit prendre, & en auoit requis le Pape (qui n'estoit point vray) & pour ces doubtes, ces deux Roys enuoyerent grosses Ambassades à Venise, moy estant là, comme dict est. Deuāt y enuoya le Roy des Rōmains: car il estoit voisin. L'Euesque de Trēte en estoit le principal, & deux Chetualiers, & vn Docteur: ausquelz fut faict grād hōneur & reuerēce:

& leurs

& leurs logis bien accoustrez comme à moy : & dix Ducatz pour iour, pour leurs despens : & leurs cheualx deffrayez, qui estoient demeurez à Treuis. Incontinent apres vint vn tres honnestre Cheualier d'Espagne, bien accompaigné & bien vestu : qui aussi fut fort honoré & deffrayé. Le Duc de Milan, oultre l'Ambassadeur qu'il y auoit, y enuoya l'Euesque de Come, & messire Francisco Bernardin Visconte : & commencerent secretement, & de nuict, à conuenir ensemble, & premierement par leurs Secretaires : & n'osoient encores en public se declarer contre le Roy, par especial le Duc de Milan, & les Venitiens, qui encores ne sçauoyent si la ligue, dont estoit qu'estion, se concluroit : & me vindrent voir ceulx de Milan, & m'apporterent lettres de leur maistre, & me dirent que leur venue estoit par ce que les Venitiens auoyent enuoyé deux Ambassadeurs à la ville de Milan, & ilz auoyent de coustume de n'y en laisser qu'un (aussi ne feirent ilz à la fin) mais cecy estoit mensonge & tromperie, & toute deception. car tout cela estoit assemblé pour faire ligue contre le bon Roy : mais tant de vielles ne se peurent accorder en peu de tēps. Apres me demanderent si ie sçauoye point qu'estoit venu faire cest Ambassadeur d'Espagne, & celuy du Roy des Roinmains, à fin qu'ilz en peussent aduerir leur maistre. Or i'estoye ia aduertiy, & de plusieurs lieux, tant de seruiteurs d'Ambassadeurs qu'autrement, que celuy d'Espagne estoit passé par Milan, desguisé, & que les Ale mans se conduisoient tous par ledict Duc : & aussi sçauoye qu'à toute heure l'Ambassadeur de Naples bailloit des paquetz de lettres qui venoyent de Naples (car tout cecy estoit auant que le Roy partist de Florence) & despandoye quelque chose pour en estre aduertiy, & en auoye de bons moyens : & si sçauoye ia le commencement de leurs articles : qui estoient iectez, mais non point accordez. car Venitiens sont fort longs à telles conclusions. Et pour ces raisons, & voyant la ligue si approchée, ne voulu plus faire de l'ignorant : & respondy audiect Ambassadeur de Milan, que puis qu'ilz me tenoyent termes si estranges, que ie leur vouloye môstrer que le Roy ne vouloit point perdre l'amitié du Duc de Milan, s'il y pouuoit remedier, & moy, cōme seruiteur, m'en vouloye acquiter, & l'exculer des mauuais rapportz, qu'on en pourroit auoir faictz audiect Duc leur maistre, que ie croyoye estre mal informé, & qu'il deuoit bien penser, auant que perdre la reconnoissance de tel seruiçe, comme il auoit fait au Roy : & que noz Roys de France ne furent iamais ingratz : & que, pour quelque parole qui pouuoit auoir esté dictē, ne se deuoit point departir l'amour d'eulx deux : veu qu'elle estoit tant seante à chascune desdictes parties : & les prioie qu'ilz me voulussent dire leurs doléances, pour en aduertir le Roy, auant qu'ilz feissent autre chose. Ilz me iurerent tous & feirent grans sermens qu'ilz n'en auoyent nul vouloir : toutelfois ilz mentoyent, & estoient venus pour traicter ladicte ligue.

Le lendemain allay à la Seigneurie leur parler de ceste ligue, & dire ce qu'il me sembloit seruir au cas : &, entre autres choses, ie leur dy qu'en l'alliance, qu'ilz auoyent avec le Roy, & qu'ilz auoyent eue avec le, feu Roy Louis son pere, ilz ne pouuoient soustenir les ennemis l'un de l'autre, & qu'ilz ne pouuoient faire ceste ligue, dont l'on parloit, que ce ne fust aller contre leur



promesse. Ilz me firent retirer: & puis, quād ie reuein, me dist le Duc que ie ne deuoye point croire tout ce que l'on disoit par ladiçte ville: car chascun y estoit en liberte, & pouuoit chascun dire ce qu'il vouloit: toutesfois qu'ilz n'auoyent iamais pensé faire ligue contre le Roy, ne iamais ouy parler: mais, au contraire, ilz disoyent faire ligue entre le Roy, & ces autres deux Roys, & toute Italie, & qu'elle fust cōtre lediçt Turc, & que chascun porteroit sa part de la despense: &, s'il y auoit aucun en Italie qui ne voulust payer ce qui seroit aduisé, que le Roy & eulx l'y contraindroyent par force: & vouloyent faire vn tresbon appointement: c'est que le Roy prinst vne somme d'argent cōtant, & qu'eulx l'auanceroient & tiendroyent les places de Pouille en gage, comme font à ceste heure, & le royaume seroit recongnu de luy, du consentement du Pape, & par certaine somme de deniers l'an, & que le Roy y tiendroit trois places: & pleust à Dieu que le Roy y eust voulu entendre lors. Ie dy n'oser entrer en cest appointement, leur priant ne se hastier point de conclure ceste ligue, & que de tout aduertirois le Roy, leur priāt, comme i'auoye fait aux autres, me dire leurs doléances, & qu'ilz ne les teussent point, comme faisoient ceulx de Milan. Ilz se doulurēt des places que le Roy tenoit du Pape, & encores plus de celles qu'il tenoit des Florentins, & par especial de Pise, disans que le Roy auoit mandé par escript en plusieurs lieux, & à eulx mesmes, qu'il ne vouloit en Italie que le royaume de Naples, & aller cōtre le Turc, & qu'il monstroist à ceste heure de vouloir prendre tout ce qu'il pourroit en Italie, & ne demander rien au Turc: & disoyent encores que monseigneur d'Orleans, qui estoit demeuré en Ast, faisoit crainte au Duc de Milan, & que ses seruiteurs disoyēt de grandes menaces: toutesfois qu'ilz ne feroyēt rien de nouueau que ie n'eusse responſe du Roy, ou que le temps de l'auoir ne fust passé: & me monstroyent plus d'honneur qu'à ceulx de Milan. De tout i'aduerty le Roy, & eu maigre responce: & deslors s'assembloyent chascun iour: veu qu'ilz scauoyēt que l'entreprinſe estoit descouuerte: & en ce temps estoit le Roy encores à Florence: &, s'il eust trouué resistance à Viterbe, comme ilz cuidoyent, ilz eussent enuoyé des gens à Romme, & encores si le Roy Ferrand fust demeuré dedans: & n'eussent iamais pensé qu'il eust deu abandonner Romme: &, quand ilz la veirent abandonnee, commencerent à auoir peur: toutesfois les Ambassades des deux Roys les pressoyent fort de conclure, ou vouloyent departir. car ia y auoyent esté quatre moys, chascun iour allans à la Seigneurie. pendant ie faisoie le mieulx que ie pouuoie a'encontre.

Voyans les Venitiens tout cela abandonné, & aduertis que le Roy estoit dedans la ville de Naples, ilz m'enuoyerent querir, & me dirent ces nouuelles, monstrans en estre ioyeux: toutesfois ilz disoyent que lediçt chasteau estoit bien fort garny, & voyoye bien qu'ilz auoyent bonne & seure esperance qu'il tint: & consentirent que l'Ambassadeur de Naples leuast Gens d'armes à Venise, pour enuoyer à Brandis: & estoient sur la conclusion de leur ligue, quand leurs Ambassadeurs leurs escriuirent que le chasteau estoit rendu: & lors ilz m'enuoyerent querir de rechef à vn matin: & les trouuay en grand nombre, comme de cinquante ou de soixante en la chambre du Pti-

cc, qui

ce, qui estoit malade de la colique : & là me compta ces nouuelles, de visage ioyeux : mais nul en la compaignie ne se scauoit faindre si bien comme luy. Les vns estoient assis sus vn marchepied de banc, & auoyent la teste appuyee entre leurs mains. Les autres d'une autre sorte, tous demonstres auoir grand tristesse au cœur : & croy que, quand les nouuelles vindrent à Romme de la bataille perdue à Cannes, contre Hannibal, les Senateurs, qui estoient demourez, n'estoyent pas plus esbahis, ne plus espouentez qu'ilz estoient. car vn seul ne feir semblant de me regarder, n'y ne me dist vn mot, que luy, & les regardoye à grand' merueille. Le Duc me demāda si le Roy leur tiédroit ce que tousiours leur auoit mādē, & q̄ leur auoye dit. Je les assurey fort qu'ouy : & ouury les voyes pour demourer en bonne paix, & m'offroye fort à la faire tenir, esperant les oster de soupçon : & puis me departy.

Leur ligue n'estoit encores ne faicte ne rōpue, & vouloyent partir les Alemans mal contents. Le Duc de Milan se faisoit encores prier de ie ne sçay quel article : toutesfoi il manda à ses gens qu'ilz passassent tost : & en effect, cōclurent la ligue. Et, durant que cecy se demenoit, l'auoye sans cesse aduertty le Roy du tout, le pressant de conclure, ou à demourer au royaume, & se pouruoir de plus de Gens-de-pied & d'argent, ou, de bonne heure, à se mettre en chemin pour se retirer, & laisser les principales places biē gardees, auāt qu'ilz fussent tous assemblez. Aussi aduertissoye mōseigneur d'Orleāns, qui estoit en Ast, avec les gēs de sa maison seulemēt (car sa cōpaignie estoit avec le Roy) & d'y mettre des gens, l'assurant qu'incontinent iroyent luy courre sus : & escriuoie à mōseigneur de Bourbō, qui estoit demeurē Lieutenant, pour le Roy, en Frāce, d'enuoyer des gēs, en haste, en Ast, pour le garder, & q̄, si ceste place estoit perdue, nul secours ne pouoit venir au Roy de Frāce : & aduertissoye aussi la Marquise de Mōtferrat, qui estoit bōne Frāçoise, & ennemie du Duc de Milan, à fin qu'elle aidast, à mōseigneur d'Orleāns, de gēs, s'il en auoit affaire. car, Ast perdu, les Marquisars de Montferrat & Saluces estoient perdus.

La ligue fut cōclue vn soir bien tard. Le matin me demāda la Seigneurie, plus marin qu'ilz n'auoyent de coustume. Cōme ie fu arriué, & estre assis, me dist le Duc qu'en l'hōneur de la saincte Trinité, ilz auoyēt conclu ligue avec nostre sainct pere le Pape, les Roys des Rōmains & de Castille, eulx, & le Duc de Milan, à trois fins : la premiere pour deffendre la Chrestieté cōtre le Turc : la seconde à la deffense d'Italie : la tierce à la preservation de leurs estatz : & que ie le feisse scauoir au Roy : & estoient assemblez en grand nombre, cōme de cēr ou plus : & auoyēt les testes haultes : & faisoiyēt bōne chere : & n'auoyēt point contenāces semblables à celles qu'ilz auoyēt le iour qu'ilz me dirent la prise du chasteau de Naples. Me dist aussi qu'ilz auoyēt escrit à leurs Ambassadeurs, qui estoiyēt deuers le Roy, qu'ilz s'en vissent, & qu'ilz prissent cōgé. L'ū auoit nō me sire Dominique Loredā : l'autre me sire Dominique Treuisan. L'auoye le cœur serrē : & estoie en grād doubre de la psonne du Roy, & de toute sa cōpaignie : & cuidoye leur cas plus prest qu'il n'estoit : & aussi faisoiyēt ilz eulx : & doubtoye qu'ilz eussēt des Alemāns pres : &, si cela y eust esté, jamais le Roy ne fust failliy d'Italie. Je me deliberay ne dire point trop de paroles en ce courroux : toutesfoi ils me titerēt vn peu aux chāps. Je leur sei respōlē q̄, des lo-

soir auant, ie l'auoye escrit au Roy, & plusieurs fois, & que luy aussi m'auoit escrit qu'il en estoit aduertuy de Romme & de Milan. Il me feit tout estrange visage de ce que ie disoye l'auoir escrit, le soit, au Roy: car il n'est nulles gens au monde si soupsonneux, ne qui tiennét leurs conseilz si secretz, & par soupson seulement confinent souuent des gés: & à ceste cause leur disoye. Outre ce ie leur dy l'auoir aussi escrit à monseigneur d'Orleans, & à mōseigneur de Bourbon, à fin qu'ilz pourueussent Ait: & le disoye esperant que cela donneroit quelque delay d'aller deuāt Ait: car, s'ilz eussent esté aussi prestz comme ilz se vantoyent & cuidoyent, ilz l'eussent prins sans remede. car il estoit & fut mal pourueu de long temps apres. Ilz se prindrent à me dire qu'il n'y auoit rien contre le Roy, mais pour se garder de luy: & qu'ilz ne vouloyent point qu'il abusast ainsi le monde de paroles, & de dire qu'il ne vouloit que le royaume, & puis aller contre le Turc: & qu'il monstroist tout le contraire, & vouloit destruire le Duc de Milan & Florence, & tenir les terres de l'Eglise. A quoy ie respondy que les Roys de France auoyent augmenté l'Eglise, & accreue & deffendue, & que cestuicy seroit plus tost le semblable que de rien leur offer: mais q̄ toutes ces raisons n'estoyent point celles qui les mouuoÿt, mais qu'ilz auoyent enuie de troubler l'Italie, & faire leur profit: & que ie croyoye qu'aussi feroient ilz. ce qu'ilz prindrēt vn peu à mal, ce me dist l'on: mais il se voit, par ce qu'ilz ont en Pouille en gage du Roy Ferrand, pour luy aider contre nous, que ie disoye vray. Sur ce poinct me vouloye leuer, pour me retirer: mais ilz me feirent r'asseoir: & me demāda le Duc si ie ne vouloye faire nulle ouuerture de paix, par ce que le iour de deuant i'en auoye parlés: mais c'estoit par condition qu'ilz voulussent attendre à conclure la ligue, de quinze iours, à fin d'enuoyer deuers le Roy, & auoir respōse. Apres ces choses dictes, ie me retiray à mon logis: & ilz manderent les Ambassadeurs l'un apres l'autre: & au saillir de leur conseil, ie renconray celuy de Naples, qui auoit vne belle robe neuue, & faisoit bonne chere, & en auoit cause: car c'estoyent grandes nouuelles pour luy. Al'apresdinee, tous les Ambassadeurs de la ligue se trouuerēt ensemble en barque (qui est l'esbat de Venise, ou chascun va, selon les gens qu'il a, & aux despens de la Seigneurie) & pouuoient estre quarante barques: qui toutes auoyent pendeaux aux armes de leurs maistres: & vey toute ceste compaignie passer par deuant mes fenestres: & y auoit force menestriers: & ceulx de Milan, au moins l'un d'iceulx, qui m'auoit tenu compaignie beaucoup de fois, faisoit bien contenance de ne me cōgnoistre plus: & fu trois iours lāns aller par la ville, ne mes gens, combien que iamais ne me fut dictē, en la ville, n'y à homme que i'eusse, vne seule mal gracieuse parole. Le soir feirēt vne merueilleuse feste de feux, sus les clochers, force falotz allumez sus les maisons de ces Ambassadeurs, & artillerie qui tiroit: & fu sus la barque couuerte, au long des riues, pour voir la feste, enuiron dix heures de nuēt, & par especial deuant les maisons des Ambassadeurs, on se faisoient banquetz & grand' chere. Ce iour là n'estoit point encores la publication, ne la grand' feste: car le Pape auoit mandé qu'il vouloit qu'on attendist encores aucuns iours, pour la faire à Pasques Flories, qu'ilz appellent le dimenche de l'Oliue: & vouloit que chascun Prince, ou elle seroit publiee,

&amp; les

& les Ambassadeurs, qui y seroyent, portassent vn rameau d'Oliuier en la main, & le disent signe de paix & alliance, & qu'à ce iour elle fust publiee en Espagne & Alemaigne. A Venise feirent vn chemin de boys, hault de terre, comme ilz font le iour du Sacre, bien tendu: qui prenoit du Palais iusques au bout de la place Saint-Marc: & apres la messe, que chata l'Ambassadeur du Pape, & qui à tout homme donna absolution de peine & de coulpe, qui seroit à la publicatiō, ilz allerēt en procesion par ledict chemin, la Seigneurie & Ambassadeurs tous bien vestus: & plusieurs auoyent robes de Veloux-cramoisi, que la Seigneurie auoit donnees, au moins aux Alemans, & à tous leurs seruiteurs robes neufues: mais elles estoient bien courtes. Au retour de la procesion se monstrerent grand nombre de mysteres & de personna-ges, & premierement Italie, & apres, tous ces Roys & Princes, & la Royne d'Espagne: & au retour, à vne pierre de Porfire, ou on fait les publicatiōs, feirent publier ladiete ligue: & y auoit vn Ambassadeur du Turc present, à vne fenestre, caché: & estoit despesché, sauf qu'ilz vouloyent qu'il veist ladiete feste: & la nuit vint parler à moy, par le moyen d'un Grec: & fut bien quatre heures en ma chambre: & auoit grand' enuie que son maistre fust nostre amy. Je fu inuité à ceste feste, par deux fois: mais ie m'excusay: & demouray en la ville, enuiron vn moys depuis, aussi bien traité que deuant: & puis m'en party, miadé du Roy, & de leur congé cōduict en bonne seureté, à leurs despens, iusques à Ferrare. Le Duc me vint au deuant, & deux iours me feit bonne chere, & desfraya: & autant messire Iehan de Bentiuole à Boulōgne: & de là m'enuoyerēt les Florentins querir, & allay à Florence, pour attendre le Roy, duquel ie retourneray à parler.

## Huietieme liure des Memoires du

SEIGNEVR D'ARGENTON, CONTINVEZ  
sur les principaux faictz du Roy Charles huietieme.

*De l'ordre & prouision que le Roy mit au royaume de Naples, voulant  
retourner en France.* Chap. 1.



Our mieulx continuer mes Memoires, & vous informer, me fault retourner à parler du Roy: qui, depuis qu'il entra à Naples iusques à tant qu'il en partit, ne pensa qu'à passer temps, & d'autres à prendre & à profiter: mais son aage l'excusoit: mais nul ne scauroit excuser les autres de leur faulte, car le Roy les croyoit de toutes choses: &, s'ilz luy eussent sceu dire qu'il eust bien pourueu trois au quatre chasteaux audict pais: comme celuy de Caiette, ou seulement celuy de Naples, dont il auoit donné les viures, comme i'ay dit, il tint encores le royaume: car, en gardāt celuy de Naples, iamais la ville ne fust reuoltee. Il tira tous les Gens-d'armes à l'entour de luy, depuis la conclusion de la ligue: & ordonna cinq cens Hommes-d'armes François, & deux mille cinq cens Suisses, & quelque peu de Gens-de-pied François,

pour la garde du royaume : &, avec le reste, il delibera de s'en retourner en France, par le chemin qu'il estoit venu : & la ligue se preparoit à l'en garder. Le Roy d'Espaigne auoit enuoyé, & enuoyoit quelques \* carauelles en Cecile : mais peu de gens dessus. toutesfois, auât que le Roy partist, ilz auoyent ia garny Rege en Calabre, qui est pres de Cecile : & plusieurs fois i'auoye e- scrit au Roy qu'ilz deuoyét là descèdre : car l'Ambassadeur de Naples le m'a- uoit dit, cuidât q'ia y fussent : &, si le Roy y eust enuoyé d'heure, il eust prins le chasteau : car le peuple de la ville tenoit pour luy. Aussi vindrét gës de Ce- cile à la Mária, & à la Turpia, par faulte d'enuoyer : & ceulx d'Otrâte, en Pouil le, qui auoyét leué les bânieres du Roy, veue la ligue, & qu'ilz estoýét situez pres de Brâdis & Galipoli, & qu'ilz ne pouuoient finer de gens, leuerent les bânieres d'Arragon, & Dó Federic, qui estoit à Brâdis, la fournist : &, par tout le royaume, cômencerent à muer leur pensee, & se print à changer la fortune qui, deux moys deuât, auoit esté au côtraire, tât pour voir ceste ligue, q' pour le partemét du Roy, & la pauvre prouision qu'on laissoit, plus en Chef qu'en nôbre de Soldatz. Pour Chef y demoura môseigneur de Montpensier, de la maison de Bourbó, bó Cheualier & hardy, mais peu sage. Il ne se leuoit qu'il ne fust midy. En Calabre laissa monseigneur d'Aubigny, de la nariou d'Es- cosse, bó Cheualier & sage, bon & hõnorable : qui fut grand Connestable du royaume : & luy dôna le Roy (côme i'ay dit) la Côté d'Acri & le Marquisat de Squillazzo. Il laissa, au cômencemét, le Seneschal de Beaucaire, appelé Estiè- ne de Vers, Capitaine de Caiette, fait Duc de Nole, & d'autres Seigneuries, grâd Châbelan : & passoyét tous les deniers du royaume par sa main : & auoit iceluy plus de fais qu'il ne pouuoit ne n'eust sceu porter : mais bien affectiõné estoit à la garde dudit royaume. Il laissa môseigneur Dó Iuliá, Lorrain, l'en faisant Duc, en la ville de Sant-Angelo : ou il a fait merueilles de se bien gou- uerner. A Mâfredonia laissa mesire Gabriel de Môrfaulcon, hõme q'le Roy estimoit fort : & à tous dôna grosses terres. Celuy là s'y cõduisit tresmal : & la bailla au bout de quatre iours, par faulte de viures, & il l'auoit trouuee bié gar- nie, & estoit en lieu abondât de bleds. Plusieurs vendirét tout ce qu'ilz trou- uerét aux chasteaux : & dit l'on que cestuy pour garde laissa là Guillaume de Vilneufue, q'les varlets vèdierent à Dó Federic : qui long tẽps le tint en galee. A Tarète laissa George de Suilly, qui s'y gouerna tresbié, & y mourut de pe- ste : & a tenu ceste citè là pour le Roy iusques la famine l'ait fait tourner. En l'Aquila demeura le Baillif de Vitry, qui bien s'y cõduisit : & mesire Gracié \* des guerres, qui fort bié fest cõduit, en l'Abruzzo. Tout demoura malourny d'argent : & les aïsnoit l'on sus le royaume, & tous les deniers failloyét. Le Roy laissa bié appoitez les Prides de Salerne & de Bisigná (qui l'ont bié seruy tât qu'ilz ont peu) & aussi les Coulónois de tout ce qu'ilz sceurét demâder : & leur laissa plus de trête places, pour eulx, & les leurs. S'ilz les eussent voulu te- nir pour luy, cõe ilz deuoyét, & qu'ilz auoyét iuré, ilz luy eussét fait grâd ser- uice, & leur hõneur & profit : car ie croy qu'ilz ne furét, cêt ans a, à si grâds hõ- neurs : mais, auât s'õ partemét, ilz cômècerét à pratiquer : & aussi ilz estoýét ses seruiteurs à cause de Milan : car naturellement ilz estoýent du party Gibelin : mais cela ne leur deuoit poit faire faulser leur foy, estât si grâdemét traictéz.

\* Ce sont cer- tains vaisseaux de mer à voiles et à rames : desquelz on use fort sur la mer meridionale.

\* Quelques personnages, se disant bien cõ- gnoître la mai- son, dont il es- toit, me l'ont surnommé Da- guerre, par un seul mot : mais le verger d'honneur dat de Guerre.

Encores feit le Roy plus pour eulx: car il amena, foubz garde d'amy, prifonniers, le Seigneur Virgile Vrfin, & le Comte de Petillane, aufsi des Vrfins, leurs ennemis. Ce qu'il feit cōtre raifon: car, cōbien qu'ilz euffent eſté prins, ſi ſçauoit bien le Roy, & ainſi l'entendoit, qu'il y auoit faufconduit: & le monſtroit bien: car il ne les vouloit mener ſinon iufques en Aſt, & puis les renuoyer: & le faisoit à la requelte des Coulonnois: &, auant qu'il y fuſt, leſ-dictz Coulonnois furent tourneez contre luy, & les premiers, ſans alleguer nulle cauſe.

*Comment le Roy ſe partit de Naples, & repaſſa par Romme, dont le Pape ſ'enſuit à Oruette: des paroles que le Roy tint à monſieur d'Argenton à ſon retour de Venſe: des deliberations de rendre aux Florentins leurs places: & des predications dignes de memoire, de frere Hieronyme de Florence.* Chap. 2.



Pres que le Roy eut ordonné de ſon affaire, comme il entendoit, ſe mir en chemin, avec ce qu'il auoit de gens, que i'eſtime neuf cens Hommes-d'armes, au moins, en ce comprins ſa maiſon, deux mille cinq cens Suiſſes, & croy bien ſept mille hommes payez en tout: & y pouuoit bié auoir mille cinq cēs hōmes de deffenſe, ſuyuant le train de la cour, cōme ſeruiteurs. Le Côte de Petillane (qui les auoit mieulx cōptez que moy) diſoit qu'en tout en auoit neuf mille: & le me diſt depuis noſtre bataille, dont ſera parlé. Le Roy print ſon chemin vers la ville de Romme, dōt le Pape parauāt vouloit partir, & venir à Padoue, foubz le pouuoir des Venitiés: & y fut ſon logis faiēt. Depuis le cœur leur mua, & luy enuoyerent quelques gens, & le Duc de Milan luy en enuoya auſi: &, combien qu'ilz y fuſſent à temps, ſi n'oſa attendre le Pape, nonobſtāt que le Roy ne luy euſt faiēt que tout honneur & ſeruice: & luy auoir enuoyé Ambaſſadeur, pour le prier d'attendre: mais il ſe rerira à Oriere, & de là à Perouſe: & laiffa les Cardinaulx à Rōme, qui recueillirēt le Roy: le quel n'y arreſta poit: & ne fut faiēt deſplaiſir à nul: & m'eſcriuir d'aller à luy vers Sene: ou ie le trouuay, & m'y feit, par ſa bonté, bon recueil: & me demanda, en riant, ſi les Venitiens enuoyoyent au deuant de luy. car toute ſa compaignie eſtoyt ieunes gens: & ne croyoyēt point qu'il fuſt autres gens qui portaffent armes. Le luy dy que la Seigneurie m'auoit dit, au departir, deuant vn de ſes Secretaires, appelé \* Lourdin, que eulx, & le Duc de Milan, mettroient quarante mille hōmes en vn camp, nō point pour l'afſaillir, mais pour ſe deffendre: & me feirent dire, le iour que ie party d'eulx, à Padoue, par vn de leurs Prouiſeurs, qui venoit contre nous, que leurs gens ne paſſeroient point vne riuere, qui eſt en leur terre, pres de Parme, & me ſemble qu'elle a nō \* Olye, ſinon qu'il aſſaillit le Duc de Milā: & priſmes enſeignes enſemble ledict Prouiſeur & moy de pouuoir enuoyer l'un vers l'autre, ſ'il en eſtoit beſoing, pour traicter quelque bon appointement: & ne voulu rien rōpre: car ie ne ſçauoye ce qui pourroit ſuruenir à mō maiſtre: & eſtoit preſent à ces paroles vn, appelé meſſire Louis Marcel, qui gouuernoit, pour ceſte annee là, les \* Mortz viere (qui eſt cōme vn treforier) & l'auoyēt enuoyé pour me cōduire, auſi y eſtoyēt les gēs du Marqs de Mātoue,

\* Guazzo dit Boierdin.

\* Guazzo la nōmē Olio & Oio, & quelqueſi ſ'oglio cōme la Deſſe, d'Ital. mai ſeſſent pres de Cremōne, n'eſt pas ſi proche de Parme qu'il ne ſoit le vas deuant que craſſe d'euſſe y arriue par l'air: penſe: & qu'il eueſt pluſtost d'un torré, nomme Oeca en la Deſſe l'ita. & en blondas Ocha, eſſe, pres de Parme, n'eſt qu'il me ſemble que les venitiens n'auoyent allee nul le terre. Ainſi l'Auteur n'a ſeu pas du nō.

\* Ainſi eſt il en tous l'euſp, mais ie croy qu'il y ſoit le Mōte-vieil: qui eſt certain amas d'argent, nōmē Monte-vecchio, pour payer les intereſtes aux p'us anciens creditors de la Rep. ibique venitiene, cōme il ſe peut voir au liure de Donato Giannotti.

qui luy portoyent argent : mais ilz n'ouïrent point ces parolles. De ceulx là ou d'autres portay au Roy par escript le nôbre de leurs Gens-de-cheual, de pied, & d'Eltradiotz, & qui en auoyent les charges. Peu de gens, d'entour du Roy, croyoyent ce que ie disoye.

Estât ledict Seigneur à Sene, le pressay de partir, des ce qu'il y eut esté deux iours, & les cheualx reposez. car ses ennemis n'estoyent poinr encores ensemble, & ne craignoye sinon qu'il vint des Alemãs. car le Roy des Rômaines en assembloit largement : & vouloit fort tirer argent contant, pour les soul-doyer. Quelque chose que ie disse, le Roy mir deux matieres en conseil : qui furent briefues. L'une sçauoir si on deuoit rendre aux Florétins leurs places, & prendre rrente mille Ducats qu'ilz deuoyent encores de leur don, & septante mille qu'ilz offroyent prester, & seruir le Roy à son passage, avec trois cens Hômes-d'armes (soubz la charge de mesire Francisque Secco, vaillant Cheualier, & de qui le Roy se fioit) & de deux mille Hommes-de-pied. Je fus d'opinion que le Roy le deuoit faire, & d'autres aussi, & seulement retenir Ligorne, iusques à ce qu'il fust en Ast. Il eust bien payé ses gens, & encores luy fust demouré de l'argent, pour fortraire des gens de ses ennemis, & puis les aller chercher. Toutesfois cela n'eut point de lieu : & l'empeschoit monseigneur de Ligny (qui estoit homme ieune, & cousin germain du Roy) & ne sçauoit poinr bien pour quelle raison, sinon pour pitié des Pisans. L'autre conseil fut celuy que monsieur de Ligny faisoit mettre en auant, par vn appelé Gaucher de Tinteuille, & par vne partie de ceulx de Sene, qui vouloyet monseigneur de Ligny pour Seigneur. car la ville est de tous temps en partialité, & se gouerne plus folement que ville d'Italie. Il m'en fut demandé le premier. ie dy qu'il me sembloit que le Roy deuoit tirer à son chemin, & ne s'amuser à ces folles offres, qui ne sçauoyent durer vne sepmaine. aussi que c'estoit ville d'Empire, & que ce seroit mis l'Empire contre nous. Chascun fut de cest aduis : toutesfois on feit autrement : & le prindrent ceulx de Sene pour leur Capitaine, & luy promirent certaine somme d'argent, l'an, dont il n'eut riens : & cecy amusa le Roy six ou sept iours : & luy monstrerent les Dames : & y laissa le Roy bié troiscens hommes : & s'afoblit de tant : & de là tira à Pise, passant par Poggibonzi chasteau Florétin : & ceulx, qu'on laissa à Sene, furent chacez auant vn moys de là.

T'ay oublié à dire que, moy estât arriué à Florence, allant au deuât du Roy, allay visiter vn frere prescheur, appelé frere Hieronime, demourant à vn couuent reformé, homme de sainte vie, comme on disoit, qui quinze ans auoit demouré audit lieu : & estoit avec moy vn Maistre-d'hostel du Roy, appelé Jehan François, sage hôme. La cause del'aller voir fut par ce qu'il auoit tousiours presché en grâd faueur du Roy, & sa parole auoir gardé les Florentins de tourner contre nous : car iamais prescheur n'eut tant de credit en cité. Il auoit tousiours asseuré la venue du Roy (quelque chose qu'on dist ne qu'on escriuist au contraire) disant qu'il estoit enuoyé de Dieu, pour chastier les Tyrans d'Italie, & que rien ne pouoit resister, ne se deffendre cōtre luy. Auoit dit aussi qu'il viendrait à Pise, & qu'il y entreroit, & que ce iour mourroit l'estat de Florence : & ainsi aduint : car Pierre de Medicis fut chacé ce iour : & maintes



maintes autres choses auoit preschees, auant qu'elles aduinssent, cōe la mort de Laurens de Medicis: & aussi disoit publiquemēt l'auoir par reuelation: & preschoit que l'estat de l'Eglise seroit reformé à l'espee. Cela, n'est pas encores aduenu: mais il en fut biē pres: & encores le maintiēt. Plusieurs le blasmoient de ce qu'il disoit q̄ Dieu luy auoit reuelé. autres y adiousterēt foy. De ma part ie le réputē bō hōc. Aussi luy demāday si le Roy pourroit passer, sans peril de sa personne, veu la grād' assemblée q̄ faisoient les Venitiēs: de laquelle il scauoit mieulx parler que moy, qui en venoye. Il me respōdit qu'il auroit affaire en chemin: mais q̄ l'honneur luy en demourroit, & n'eust il q̄ cent hōmes en sa cōpaignie: & que Dieu, qui l'auoit cōduit au venir, le conduiroit encores à son retour: mais pour ne l'estre bien acquité à la reformatiō de l'Eglise, cōme il deuoit, & pour auoir souffert que ses gēs pillassent & desrobassent ainsi le peuple, aussi bien ceulx de son party, & qui luy ouuroient portes, sans contrainte, comme les ennemis, que Dieu auoit donné vne sentence contre luy: & brief, auroit vn coup de fouet: mais que ie luy disse que, s'il vouloit auoir pitié du peuple, & deliberer en soy garder ses gens de malfaire, & les punir, quand ils le feroient, cōme son office le requiert, que Dieu reuoueroit sa sentēce, ou la diminueroit: & qu'il ne pensast point estre excusé pour dire ie ne fay nul mal: & me dist q̄ luy mesme iroit au deuāt du Roy, & luy diroit: & ainsi le fit: & parla de la restitutiō des places des Florētins. Il me cheut en pēsee la mort de mōseigneur le Daulphin, quād il parla de ceste sentēce de Dieu: car ie ne voyoye autre chose q̄ le Roy peust prēdre à cœur: & dis ēcores cecy à fin q̄ mieulx on entēde q̄ tout cediēt voyage fut vray mystere de Dieu.

*Comment le Roy retint en ses mains la ville de Pise, & quelques autres places des Florentins, pendant que monsieur d'Orleans d'un autre costé entra dedās Nourre en la Duché de Milan.* Chap. 3.



Comme i'ay dit, le Roy estoit entré à Pise: & alors les Pisans, hommes & femmes, prièrent à leurs hostes que pour Dieu ilz tinssent la main enuers le Roy, qu'ilz ne fussent remis soubz la tyrannie des Florentins: qui à la verité les traictoyent fort mal: mais ainsi sont maintes autres citez en Italie, qui sont subiectes à autres. Puis Pise & Florēce auoyent esté trois cens ans ennemies, auant q̄ Florentins la conquissent. Ces paroles, en larmes, faisoient pitié à noz gens: & oublierēt les promesses & sermens que le Roy auoit faictz sus l'autel S. Iehan à Florence: & toutes sortes de gens s'en melloyent, iusques aux Archers & aux Suisses: & menassoient ceulx qu'ilz pensoient qui vouloyent q̄ le Roy tint sa promesse, cōme le Cardinal Saint-Malo: lequel ailleurs i'ay appelé General de Languedoc. I'ouy vn Archer qui le menacea. Aussi en eut qui dirent grosses paroles au Marechal de Gye. Le President Gānay fut plus de trois iours qu'il n'osoit coucher à son logis: & sus tous tenoit la main à cecy le Comte de Ligny: & venoyent lesdicts Pisans, à grans pleurs, deuers le Roy: & faisoient pitié à chascun: qui praison les eust peu aider. Vn iour apres disner s'assemblerēt quarāte ou cinquāte Gētilz-hōmes de sa maisō, portās leurs haches au col: & vīdrēt trouuer le Roy en vne chābre, iouant aux tables, avec monseigneur de Piēnes, & vn

Varlet-de-Chambre ou deux, & plus n'estoyt : & porta la parole vn des enfans de Sallezard l'aîné, en faueur des Pisans, chargeant aucuns de ceulx, que ie nommoye nagueres, & tous disoyent qu'ilz le trahiroient : mais bien vertueusement les renuoya le Roy : & autre chose n'en fut onques depuis.

Bien six ou sept iours perdit le Roy son temps à la ville de Pise : & puis mua la garnison : & mit en la Cytadelle vn, appelé Entragues, hôme bien mal conditionné, seruiteur du Duc d'Orleans : & le luy adressa monseigneur de Ligny : & y fut laissé des Gens-de-pied de Betry. Ledit seigneur d'Entragues feit tant qu'il eut encores entre ses mains Pietresancte (& croy qu'il en bailla argent) & vne autre place aupres, appelee\* Mortro. Il en eut vne autre aussi, appelee Libre facto, pres de la ville de Luques. Le chasteau de la ville de Serzane, qui estoit tresfort, fut mis, par le moyen dudit Comte mōseigneur de Ligny, entre les mains d'un bastard de Roussi, seruiteur dudit Comte. Vne autre, appelee Serzanelle, entre les ppres mains d'un de ses autres seruiteurs : & laissa le Roy de France beaucoup de gēs ausdictes places : & si n'en aura iamais tant à faire : & refusa l'aide des Florentins, & l'offre dōt i'ay parlé : & demourerent ces Florentins comme gens desesperez : & si auoit scē, des deuāt qu'il partist de Senes, comme le Duc d'Orleans auoit prins la cité de Nouarre sus le Duc de Milan : parquoy le Roy voyoit estre certain que les Venitiēs se declaroyēt : veu que de pareulx luy auoit esté dict que, fil faisoit guerre audict Duc de Milan, ilz luy dōneroyent toute aide, à cause de la ligue nouuellement faicte : & auoyent leurs gens prestz, & en grand nombre. Et fault entendre que quand la ligue fut conclue, que le Duc de Milan cuidoit prédre Ast, & n'y pensoit trouuer personne : mais mes lettres, dont i'ay parlé, auoyēt bien aidé à auancer des gens q̄ le Duc de Bourbon y enuoya : & les premiers, qui y vindrent, furent enuiron quarante Lances de la compagnie du Marechal de Gié, qui estoient demourez en France (& ceulx là y vindrent bien à point) & cinq cens Hommes-de-pied, qu'y enuoya le Marquis de Saluce.

Cecy arresta les gens du Duc de Milan, q̄ menoit mesire Galeas de Saint-Seuerin : & se logerēt à Nō, qui est vn chasteau que le Duc de Milan a, à deux mils d'Ast. Peu apres arriuerent trois cens cinquante Hommes-d'armes, & des Gentilz-hommes du Daulphiné, & quelque deux mille Suisses, & des Francs-Archers dudit Daulphiné : & estoient, en tout, bien sept mille cinq cens hommes payez : qui mitent beaucoup à venir : & ne seruirent de rien à l'intention pour laquelle ilz auoyent esté mandez (qui estoit pour venir secourir le Roy) caren lieu de secourir le Roy, il les salut aller secourir. Et auoit esté escript à monseigneur d'Orleans, & aux Capitaines, qu'ilz n'entreptinssent rien contre le Duc de Milan, mais seulement entendissent à garder Ast, & à venir au deuant du Roy, iusques sus la riuere du Thesin, pour luy ayder à passer : car il n'auoit aucune autre riuiete, qui l'empeschast. Et fault entendre que ledict Duc d'Orleans n'estoit point passé Ast, & l'y auoit le Roy laissé. Toutesfois, nonobstant ce que le Roy luy auoit escript, luy vint ceste pratique si friande, que de luy bailler ceste cité de Nouarre (qui est à dix lieues de Milan) & y fut receu à grand' ioye, tant des Guelphes que des Gibelins : & luy ayda bien à cōduire ceste œuure  
la Marquise

\* Quelques per  
sonnages, qui  
peuvent bien  
auoir cōnu ce  
pas là, me l'ont  
nommé Mo-  
tron : qui peut  
estre celle que  
la Deser. d'Ita.  
nomme Mo-  
trone.

la Marquise de Montferrat. Le chasteau tint deux iours ou trois : mais, si ce pendant il fust allé, ou enuoyé deuant Milan, ou il auoit pratiqué assez, eust esté receu bien à plus grand' ioye, qu'il ne fur onques en son chasteau de Bloys, comme le m'ont compté des plus grans de la Duché : & le pouuoit faire sans danger, les trois iours premiers : par ce que les gens du Duc de Milan estoient encores à Nom, pres Ast, quand Nouarre fut prins : qui ne vindrent de quatre iours apres : mais peut estre qu'il ne croyoit poit les nouuelles qu'il en auoit.

*Comment le Roy Charles passa plusieurs dangereux pas de montaignes entre Pise & Serzane : comment la ville de Pontreme fut bruslee par ses Alemans :*

*& comment le Duc d'Orleans se portoit à Nouarre ce temps pendant.*

Chap. 4.

**D**E Sene le Roy estoit venu à Pise, comme auez veu, & entendu ce qu'il y feit : & de Pise vint à Luques : ou il fut bien receu de ceulx de la ville : & y seiourna deux iours : & puis vint à Pietresancte, que tenoit Entragues, ne craignât rien ses ennemis, ne ceulx à qui ilz donnoient le credit : & trouua de merueilleux pas de montaignes, entre Luques & ledict lieu, & aisez à deffendre à Gés-de-pied : mais encores n'estoyt ensemble noz ennemis. Pres dudi & Pietre-sancte est le pas de la \* Seiere d'un costé, & le Roc-taillé d'autre costé, n'arais de mer bié profondz : & fault passer par vne chaussee, comme celle d'un estang : & estoit le pas, qui fust depuis Pise, iusques à Pontreme, que ie craignoye le plus, & dont i'auoye plus ouy parler. car vne charette, iectée au trauers, & deux bonnes pieces d'artillerie, nous eussent gardez d'y passer, sans y trouuer remede, avec gens en bien petit nombre. De Pietresancte alla le Roy à Serzane : ou fut mis en auant, par le Cardinal de Saint-Pierre-ad-vincula, de faire rebeller Gennes, & d'y enuoyer gens : & fut mise la mariere en conseil : & estoye, en la compaignie de beaucoup de gens de bien Capitaines : ou fut conclu partous qu'on n'y entendroit point. car, si le Roy gaignoit la bataille, Gènes se viendroit presenter d'elle mesme, &, s'il perdoit, il n'e auroit que faire : & fut le premier coup que i'ouy parler que l'on creust qu'il y deust auoir bataille : & fut fait rapport, au Roy, de ceste deliberation : mais, nonobstant cela, il y enuoya monseigneur de Bresse, depuis Duc de Sauoye, le seigneur de Beaumont, de Polignac, mon beau frere, & le seigneur \* d'Ambeiou, de la maison d'Amboise, avec six vingtz Hommes-d'armes, & cinq cens Arbalétriers, venus tous fraiz de France, par mer. Et m'esbahy comment il est possible qu'un si ieune Roy n'auoir quelques bons seruiteurs, qui luy osassent auoir dit le peril en quoy il se mettoit. De moy, il me sembloit qu'il ne me croyoit point du tout.

Nous auis vne petite armee de mer, qui venoit de Naples, & y estoit monseigneur de Myolens, Gouverneur du Dauphiné, & vn Estienne de Neues, de Montpellier : & estoient en tout enuiron huit galces : & vindrent à Specie, & à Rapalo, où ilz furent deffaitz, à l'heure dont ie parle, & au lieu propre, ou noz gens auoyent deffait ceulx du Roy Alphonse, au commencement du voyage, & par ceulx propres, qui auoyent esté des nostres à l'autre bataille.

A iij

\* il donnoit possible.

\* Seierre autrement : mais ceulx, qui ont neu le pas, n'ont nommé un Sauto della Cerua, Saut ou pas de la Cerue ou Bische : qui pourroit estre celsuy cy, avec Rotaio pour Roc-saillie : ne n'ay rié peu trouuer de dans mes descriptions.

\* Quelqu'un se disant b'en connoistre la maison, me la nomme d'Aubeiou.

le (qui estoient mesire Iehan-Loys de Flisco, & mesire Iehan Adorne) & fut tout mené à Gennes. Il eust mieulx valu que tout eust esté avec nous, & encores estoit ce peu. Monseigneur de Bresse, & ce Cardinal, allerent loger aux faulxbourgs de Gennes, cuidant que leur partialité se deust leuer en la ville pour eulx : mais le Duc de Milan y auoit pourueu, & les Adornes, qui gouuernoyent, & mesire Iehan-Loys de Flisco (qui est vn sage Cheualier) & furent en grand peril d'estre deffaictz, comme ceulx de mer, veu le petit nombre qu'ilz estoient, & netint sinon à la part, qui gouvernoit à Gennes, qui n'osoit sortir de la ville, de p̃aour que les Fourgoules ne se leuassent, & leur fermassent les portes : & eurent noz gens grand' peine à eulx en venir vers Ast : & ne furent point à vne bataille, que le Roy eut, ou ilz eussent esté bien seans. De Serzane, vint le Roy vers Pontreme : car il estoit force d'y passer : & est l'entree des montaignes. La ville & chasteau estoient assez bons, & en fort pais : & s'il y eust eu bon & grand nombre de gens, elle n'eust point esté prinse : mais il sembloir bien qu'il fust vray ce que frere Hieronime m'auoit dit, que Dieu le cōduiroit par la main, iusques à ce qu'il fust en seureté. car il sembloit que ses ennemis fussent aueuglez, & abestis, qu'ilz ne deffendoyent ce pas. Il y auoit trois ou quatre cens Hommes-de-pied dedans. Le Roy y enuoya son Auantgarde, que menoit le Marechal de Gyé : & avec luy estoit mesire Iehan-Iacques de Treuoul, qu'il auoit recueilly du seruice du Roy Ferrād, quand il s'en fuit de Naples, Gentil-homme de Milan, bien apparenté, bon Capitaine, & grand hōme de bien, grand ennemy de ce Duc de Milan, & chacé par luy à Naples : & par le moyen de luy, fut incontinent rendue ladiète place sans tirer : & s'en allerent les gēs qui estoient dedans. mais vn grand inconuenient y suruint : car il aduint aux Suisses comme la derniere fois que le Duc de Milan y vint. Il y eut vn debat entre ceulx de la ville, & aucuns Alemans (comme i'ay dict) desquelz fut bien tué quarante : & pour reuanche, nonobstant la composition, tuerent tous les hommes, pillerent la ville, & y mirent le feu, & bruslerent les viures, & toutes autres choses, & plus de dix d'entr'eulx mesmes, qui estoient yutes ; & ne sceut lediēt Marechal de Gyé y mettre remede. Aussi assiegerēt le chasteau, pour prendre ceulx qui estoient dedans, qui estoient seruireurs dudiēt mesire Iehan-Iacques de Treuoul, & les y auoit mis quand les autres partirent : & falut que le Roy enuoyast vers eulx, pour les faire departir. Ce fut vn grand dommage de la destruction de ceste place, tant pour la \* honte, qu'à cause des grans viures qui y estoient, dont nous auons ia grand' faulte, combien que le peuple ne fust en rien contre nous, fors à l'entour, pour le mal qu'on leur faisoit. Mais, si le Roy eust voulu entendre aux ouuertures que faisoit mesire Iehan-Iacques de Treuoul, plusieurs places, & Gentilzhommes se fussent tourne. car il vouloit que le Roy feist haulser par tout la banniere du petit du Duc, que le Seigneur Ludouic tenoit entre ses mains, qui estoit filz du Duc, dernier mort à Paue, & dont auez ouy parler deuant, appelé Iehan Galeas : mais le Roy ne le voulut, pour l'amour de monseigneur d'Orleans, qui prerendoit, & pretend, droiēt à ladiète Duché. Ainsi passa le Roy oultre Pontreme : & alla loger en vne petite valec, ou il n'y auoit

\* honte possible.

n'y auoit point dix maisons:& n'en ſçay le nom:& y demoura cinq iours (& n'en ſçauroye dire la raiſon) à trefgrande famine, & à trente mils de noſtre Auãtgarde, qui eſtoit deuãt, ayant mótaignes trefhaultes & trefſpres à l'entour, & ou onques homme ne paſſa artillerie groſſe, comme ſont Canons & groſſes Couleurines, qui lors y paſſerent. Le Duc Galeace y paſſa quatre faulcons de telle groſſeur qu'ilz peſoyent par aduanture cinq cens liures, au moins: dont le peuple du païs faiſoit grand cas,\* durant ces iours que ie di.

\* C'eſt adire au temps qu'il les paſſa: Or ſunt enuendre d'un Duc de Milã, et non pas de Galeas de ſainct-Seuerin.

Or fault parler du Duc d'Orleans. Quand il eut prins le chasteau de Nouarre, il perdit tẽps aucuns iours:& puis tira vers\* Vigefue. Deux petites villes, qui ſont aupres, enuoyerent vers luy, pour le mettre dedans: mais il fut ſagement conſeillẽ de non les recueillir. Ceulx de Pauiẽ enuoyẽrẽt par deux fois. Là deuoit il entendre. Il ſe trouua en bataille deuant ladiẽte ville de Vigefue, ou eſtoit l'armee du Duc de Milan toute:& la conduiſoyent les enfans de Sainct-Seuerin, que tant de fois ay nomẽz. La ville ne vault point Sainct-Martin-de-Cande, qui n'eſt rien:& y fu peu de temps apres que le Duc de Milan y eſtoit, & tous les Chefz qui y eſtoient:& me monſtrerent les lieux, ou tous deux eſtoient en bataille, raſibus de la ville, & dedans:& ſi le Duc d'Orleans euſt marchẽ cent pas, ilz paſſoyẽt oultre la riuierẽ du Theſin, ou ilz auoyent fait vn grand pont ſus baſteaux, & eſtoyẽt ſus le bord:& vey deſfaire vn bouleuert de terre, qu'ilz auoyent fait de l'autre part de la riuierẽ, pour deffendre le paſſage:& vouloyent abandonẽ ladiẽte ville & chasteau. qui leur euſt eſtẽ grand' perte. C'eſt le lieu du monde ou le Duc de Milan ſe tiẽt le plus, & la plus belle demeure, pour chaces & voleries, en toutes ſortes, que ie ſache en nul lieu. Il ſembla par aduanture à monſieur d'Orleans qu'ilz eſtoyẽt en lieu fort, & qu'il auoit aſſez fait:& ſe retira en vn lieu, appellẽ\* Tre-

\* Vegieueno Graço.

\* Trecano Graço.

cas: dont le Seigneur du lieu parla peu de iours apres à moy, qui auoit charge du Duc de Milan. Audiẽt Trecas enuoyerent vers lediẽt Duc d'Orleans des principaulx de Milan, pour le mettre dedans:& offrirent leurs enfans en oſtage:& l'euffent fait aĩſẽment, comme i'ay ſceu par des hommes de grande autoritẽ, qui eſtoient leans, qui ſçauoyent cecy, & le m'ont comptẽ, diſans que le Duc de Milan n'eũt ſceu trouuer aſſez de gens pour ſe laiſſer aſſieger dedans le chasteau de Milan, & que Nobles & peuple vouloyent la deſtruction de ceſte maiſon de Sforce: Auſſi m'a comptẽ le Duc d'Orleans, & ſes gens, les pratiques dont i'ay parlẽ: mais ne ſy foyent point bien:& auoyent faulte d'homme, qui les entendĩt mieulx qu'eulx:& puis ſes Capitaines n'eſtoient point vnĩs. A l'oſt du Duc de Milan ſe ioinĩt quelque deux mille Alemans, que le Roy des Rommains enuoyoit, & bien mille hommes à cheual, Alemans, qu'amenoit meſſire Federic Capelare, natif de la Comtẽ de Ferrette: qui feit croĩſtre le cõr à meſſire Galeas, & aux autres:& allerent aupres de Trecas preſenter la bataille au Duc d'Orleans:& ne luy fut point conſeillẽ de combattre, combien que ſa bãde valũt mieulx que l'autre:& peut eſtre que les Capitaines ne vouloyent hazarder ceſte cõpaignie, craignant que, ſilz la perdoient, que ce fuſt la perdition du Roy: dont ilz ne ſçauoyent nouuelles, car les chemins eſtoient gardez. Ainſi ſe retira toute ceſte compaignie dedans Nouarre, donnant trefmauuais ordre au faiẽt de leurs

viures, tant à garder ceulx qu'ilz auoyent, qu'à en mettre dedàs la ville: dont assez pouuoient receuoir à l'entour, sans argent, & dont depuis ilz eurent grand' faulte: & se logerent leurs ennemis à demie lieue d'eulx.

*Comment la grosse artillerie du Roy passa les montz Appennins, à l'aide des Alemans: du danger ou fut le Marechal de Gyé avec son Avantgarde: & comment le Roy arriua à Fornoue.* Chap. 5.



Ay laissé à parlet du Roy comme il fut en ceste vallee deçà Pôtreme, par cinq iours, en grand' famine sans nul besoing. Vn tour honorable feirent noz Alemans. Ceulx qui auoyent fait ceste grand' faulte audict Pontreme, & auoyent paour que le Roy les en haist à iamais, se vindrent d'eulx mesmes offrir à passer l'artillerie, en ce merueilleux chemin de montaignes (ainsi le puis i'appeler, pour estre haultes & droictes, & ou il n'y a point de chemin: & ay veu toutes les principales montaignes d'Italie & d'Espaigne, mais trop aisées eussent esté au pris de ces montz) & feirent ceste offre par condition que le Roy leur pardonlast. ce qu'il feit. Il y auoit quatorze pieces de grosse & puissante artillerie: & au partir de ladicte vallee, cōmençoit l'on à mōter par vn chemin fort droict: & vey des mullets y passer à tresgrand' peine. Ces Alemans se couloyent, deux à deux, de bonnes cordes, & s'y mettoient cent ou deux cens, à la fois: & quand ceulx là estoient las, il s'y en mettoit d'autres. Nonobstant cela, y estoient aussi les cheualx de l'artillerie: & toutes gēs, qui auoyēt train, de la maison du Roy, prestoyent chascun vn cheual, pour cuider passer plustost: mais, si n'eussent esté les Alemans, les cheualx ne l'eussent iamais passée. Et, à dire la verité, ilz ne passerēt point l'artillerie seulement: mais toute la compaignie: car autrement, si ce n'eust esté ce moyen, ame ne fust passé. Aussi furent ilz bien aidez, de ce qu'ilz auoyent aussi bon besoing, & aussi grand vouloir de passer que les autres. Ilz feirent beaucoup de choses mal faictes: mais le bien passoit le mal. Le plus fort n'estoit point de monter: car, incontinent apres on trouuoit vne vallee: car le chemin est tel que la nature l'a fait, & n'y a rien adoubé: & falloit mettre les cheualx à tirer contremont, & aussi les hommes: & estoit de plus grand' peine, sans comparaison, que le mōter: & à toute heure y falloit les charpentiers ou les mareschaulx: car, s'il tomboit quelque piece, on auoit grand' peine à la redresser. Plusieurs eussent esté d'aduis de rōpre toute la grosse artillerie, pour passer plus tost: mais le Roy pour rien ne le vouloit consentir.

Le Marechal de Gyé, qui estoit à trente mils de nous, pressoit le Roy de se haster: & mismes trois iours à le ioindre: & si auoit les ennemis logez deuant luy, en beau camp, au moins à demie lieue pres: qui en eussent eu bō marché, s'ilz l'eussent assailly: & apres il fut logé à Fornoue (qui vault à dire vn trou nouueau) faisant le pied de la montaigne, & l'entree de la plaine, bō village, pour garder qu'ilz ne nous vinssent assaillir en la montaigne: mais nous auions meilleure garde que luy. Car Dieu mit autre pensee au cœur de noz ennemis: tellement que leur auarice fut si grande, qu'ilz nous vouloyent attedre au plain païs, à fin que rien n'eschapast: car il leur sembloit que des mōtaignes

raignes en hors, on eust peu fuir vers Pise, & en ces places des Florétins: mais ilz erroyent: car nous estions trop loing: & aussi, quand on les eust attendus iusques au loindre, ilz eussent bien autant chacé qu'on eust sceu fuir: & si sçauoyent mieulx les chemins que nous. Encores iusques icy n'est point commencée la guerre de nostre costé: mais le Marechal de Gyé manda au Roy, comme il auoit passé ces montaignes, & comme il enuoya quarâte cheuaulx courir deuant l'Ost des ennemis, pour sçauoir des nouuelles: lesquelz furent bien recueillis des Estradiotz: & tuerent vn Gentil-homme, appelé le Beuf, & luy coupperent la teste, qu'ilz pendirét à la bānerole d'une lance, & la porrerent à leur Prouidateur, pour en auoir vn Ducat. Estradiotz sont gens cōme Genetaires, vestus, à pied & à cheual, cōme les Turcs, sauf la teste, ou ilz ne portent ceste toile, qu'ilz appellent Tolliban: & sont dures gens: & couchent dehors tout l'an, & leurs cheuaulx. Ilz estoyét tous Grecs, venus des places q̄ les Venitiés y ont: les vns de Naples de Romanie, en la Moree: autres d'Albanie, deuers Duras: & sont leurs cheuaulx bōs, & tous de Turquie. Les Venitiés sen seruēt fort, & sy fiēt. Je les auoye tous veus descēdre à Venise, & faire leurs mōstres, en vne isle, ou est l'Abbaie de S. Nicolas: & estoyét biē quinze cēs: & sont vaillans hōmes, & qui fort trauaillēt vn Ost, quād ilz sy mettēt. Les Estradiotz chacerēt, cōe i'ay dir, iusques au logis dudiēt Marechal, ou estoyēt logez les Alemās: & en tuerēt trois ou quatre, & emporterēt les testes: & telle estoit leur coustume: car, ayās Venitiés guerre cōtre le Turc, pere de cestuicy, appelé Mahumet Otthomā, il ne vouloit point que ses gēs prinsent nulz prisonniers, & leur donoit vn Ducat pour reste: & les Venitiés faisoient le semblable: & croy bien qu'ilz vouloyēt espouēter la cōpaignede, cōme ilz seirent: mais lesdictz Estradiotz se trouuerēt bien espouētez aussi de l'artillerie. Car vn Faulcon tira vn coup, qui tua vn de leurs cheuaulx: qui incōtinent les feit retirer: car ilz ne l'auoyent point acoustumé: & en se retirāt, prindrēt vn Capitaine de noz Alemās, qui estoit monté à cheual, pour voir s'ilz se retiroyēt, & eut vn coup de lance au trauers du corps: car il estoit defarmé. Il estoit sage: & fut mené deuant le Marquis de Mantoue, qui est Capitaine general des Venitiens: & y estoit son oncle le seigneur Rodolph de Mantoue, & le Comte de Caiazzo, qui estoit Chef pour le Duc de Milan, & congnoissoit bien lediēt Capitaine. Et fault entendre que tout leur Ost estoit aux champs, au moins toutce qui estoit ensemble: car tout n'estoit point encores venu: & y auoit huit iours qu'ilz estoyēt là, faisans leur assemblee: & eust eu le Roy beau se retirer en France, sans peril, si n'eussent esté ses longs seiours sans propos, dont vous auez ouy parler: mais Nostre-seigneur en auoit autrement ordonné.

Lediēt Marechal, craignāt d'estre assailly, monta la mōtaine: & pouuoit auoir enuiron huit vingtz Hōmes-d'armes, cōme il me dist, lors, & huit cēs Alemās, & non plus: & de nous ne pouuoit il estre secouru: car nous n'y arriuasmes d'un iour & demy apres, à cause de ceste artillerie: & logea le Roy aux maisons de deux petis Marquis en chemin. Estāt l'Auātgarde mōtee la mōtaine, pour attēdre ceulx qu'ilz voyoyēt aux chāps, qui estoyēt assez loing, n'estoyēt poit sans soucy: toutefois Dieu (q̄ tousiours vouloit sauuer la cōpai



gnie) osta le sens aux ennemis: & fut interrogué nostre Alemant, par le Comte de Caiaze, qui c'estoit qui menoit ladicte armee, & presente Avant-garde. il luy demanda encores le nombre de noz Gens-d'armes: car il congnoissoit tout, mieulx que nous mesmes: car il auoit esté des nostres toute la saison.

L'Alemant feit la compaignie forte: & dist trois cens Hommes-d'armes, & quinze cens Suisses: & ledict Comte luy respondit qu'il méritoit, & qu'en toute l'armee n'auoit que trois mille Suisses: parquoy n'en eussent point enuoyé la moitié là: & fut enuoyé prisonnier au pavillon du Marquis de Mantoue: & parlerent entre eulx d'assaillir ledict Marechal: & creut ledict Marquis le nombre qu'auoit dit l'Alemant, disant qu'ilz n'auoyent point de Gens-de-pied si bons comme noz Alemas: & aussi que tous leurs ges n'estoyent point arriuez: & qu'on leur faisoit grand tort de combattre sans eulx: & s'il y auoit quelque rebut, la Seigneurie s'en pourroit courroucer: & qu'il les valoit mieulx attendre à la plaine: & que par ailleurs ne pouuoient ilz passer que deuant eulx: & estoyent les deux Prouiseurs de son aduis, contre l'opinion desquelz ilz n'eussent osé combattre. Autres disoyent qu'en rompant ceste Avant-garde, le Roy estoit prins: toutefois aisément tout s'accorda d'attendre la compaignie en la plaine: & leur sembloit bien que rien n'en pouuoit eschaper. Et ay ceu cecy par eulx mesmes que i'ay nommez: & en auons deuisé ensemble, ledict Marechal de Gyé & moy, avec eulx, depuis, nous trouuâmes ensemble. Et aussi se retirerent en leur Ost, estans asseurez que le lendemain, ou environ, le Roy seroit passé la môtaine, & logé en ce village, appelé Fornoue: & ce pendant arriua tout le reste de leurs gens: & si ne pouuions passer que deuant eulx, tant estoit le lieu contrainct.

Au descendre de la montaigne, on voit le plain pais de la Lombardie: qui est des beaux & bons du monde, & des plus abondans: & combien qu'il se die plain, si est il mal aisé à cheuaucher. car il est tout fossoyé, comme est Flâdres, ou encores plus: mais il est bien meilleur & plus fertile, tant en bons fromens, qu'en bons vins & fruitz: & ne se iournent iamais leurs terres: & nous faisoit grand bien à le voir, pour la grand' faim & peine qu'on auoit enduré en chemin, depuis le partement de Luques: mais l'artillerie donna vn merueilleux trauail à descêdre, tât y estoit le chemin droict & mal aisé. Il y auoit, au câp des ennemis, grand nombre de tentes & pavillons: & sembloit bien estre grand. aussi estoit il: & tindrent Venitiens ce qu'ilz auoyent mandé au Roy, par moy, ou ilz disoyent qu'eulx, & le Duc de Milan, mettoient quarante mille hommes en vn camp. car, s'ilz n'y estoyent, il ne s'en faisoit gueres: & estoyent bien trente cinq mille, prenans paye: mais, des cinq, les quatre estoient de \* Saint-Marc: & y auoit bien deux mille six cens Hommes-d'armes, bardez, ayant chascun vn Arbalestrier à cheual, ou autre homme en habillement avec eulx, faisant le nombre de quatre cheuaux, pour Hommes-d'armes. Ilz auoyent, qu'en Estradiotz qu'en autres cheuaux legers, cinq mille. le reste en Gens-de-pied: & logez en lieu fort bien réparé, & bien garny d'artillerie,

Le Roy descendit environ midy, de la montaigne, & se logea audit village de Fornoue: & fut le cinquieme iour de Iuillet, l'an mil quatre cens quatre

vingtz

\* C'est-à-dire de la seigneurie de Ven. sçuy a saint-Marc pour son pays.

& quinze, par vn Dimenche. Audiēt logis y auoit grand quantité de farines & de vins, & de viures pour cheuaulx. Le peuple nous faisoit par tout bonne chere (aussy nul homme de bien ne leur faisoit mal) & apportoyēt des viures, comme pain, petit, & bien noir, & le vendoyent chair : & au vin mettoient les trois partz d'eau. Ilz apportèrent aussy quelque peu de fruit : & firent plaisir à l'armee. L'en fey acheter que ie laissay deuant moy : car on auoit grand soupçon qu'ilz eussent laissé là les viures, pour empoisonner l'ost : & n'y toucha l'on point de prime-face : & se tuerent deux Suisses, à force de boire, ou prindrent froit : & moururent en vne caue. qui mit les gens en plus grand soupçon : mais, auant qu'il fust minuit, les cheuaulx comencerent les premiers, & puis les gens : & setint l'on bien aise. Et en ce cas fault parler à l'honneur des Italiens : car nous auons point trouué qu'ilz ayent vſé de nulles poisons : &, s'ilz l'eussent voulu faire, à grand' peine l'en fust l'on sceu garder en ce voyage. Nous arriuasmes, comme auez ouy, vn Dimenche midy : & maint homme de bien ne mangea qu'un morceau de pain au lieu ou le Roy descēdit & beut : & croy que gueres autres viures n'y auoit pour celle heure, veu qu'on n'oſoit encores manger de ceulx du lieu.

Incontinent apres dīner vindrent courir aucuns Estradiotz, iusques dedans l'ost : & firent vne grande alarme : & noz gens ne les congnoissoient point encores : & toute l'armee saillit aux chanips, en merueilleusement bon ordre, & en trois Batailles, Auātgarde, Bataille, & Arrieregarde : & n'y auoit point vn iect de Boule d'une Bataille à autre : & bien ayſēmēt se fussent secourus l'une l'autre. Ce ne fut rien : & on se retira au logis. Nous auions des tētes & des paviillons en petit nombre : & se tendoit nostre logis en approchant du leur : parquoy ne faloit que vingt Estradiots pour nous faire vne alarme : & aussy ne bougeoient ilz du bout de nostre logis : car il y auoit du boys par lequel ilz venoyent à couuert : & estiois en vallee entre deux petis coustaux : & en ladicte vallee couroit vne riuere q̄ l'on passoit bien à pied, sinon quād elle croissoit en ce pais là : qui est ayſēmēt, & tost : & aussy elle ne dure gueres, & l'appelle on \* torré. Toute ladicte vallee estoit grauier & pierres grosses, & mal ayſee pour cheuaulx : & estoit ladicte vallee d'environ vn quart de lieue de large : & en l'un descoustaux, qui estoit celuy de la main droicte, estoient logez noz ennemis : & estions contrainctz de passer vis à vis d'eulx (la riuere entre deux) & pouuoit auoir demie lieue iusques à leur Ost : & y auoit biē vn autre chemin, à monter le coustau à gauche (\* car nous estions logez de leur costé) mais il eust semblé qu'on se fust reculé. Enuiron deux iours deuant, on n'auoit parlé que i'allasse parler à eulx (car la crainte commençoit à venir aux plus sages) & qu'avec moy ie menasse quelcun, pour bien nombrer & congnoistre de leur affaire. Cela n'entrepenoye ie point volontiers (& aussy que, sans sauſconduict, ie n'y pouuoie aller) mais respondy auoir prins bonne intelligence avec les Prouiseurs à mon partemēt de Venise, & au soir que i'arriuai à Padoue, & que ie croyoye qu'ilz parleroyent bien à moy, à mi-chemin des deux Ostz : & aussy, si ie m'oſſoye d'aller vers eulx, ie leur doneroie trop de cœur : & qu'on l'auoit dit trop tard. Ce Dimenche, dont ie parle, i'escrui aux Prouiseurs (l'un s'appelloit meſſire Lūques Piſan : l'autre

\* Son propre nom est Tarro, en Ita. & pourroit bien estre icy corrompu.

\* Je doute qu'il ne faulſe lire. Car nous n'estions pas en cā ce que ie puis uoir de luy meſme peu peruan, en P. Lou. & Alessan dro Beneuent, qui a eſcrit de ceste cournee, et en Gualdo.

meslire Melchior Treuisan) & leur prioie que, àseureté, l'un vint parler à moy, & qu'ainsi m'auoit il esté offert, au partir de Padoue, comme a esté dict deuant. Ilz me firent responce qu'ilz l'eussent fait volonriers, si n'eust esté la guerre encommencee contre le Duc de Milan : mais que, nonobstant, l'un des deux, selon qu'ilz aduiseroyt se trouueroit en quelque lieu en my-chemin : & eu ceste responce le Dimenche au soir. nul ne l'estima, de ceulx qui auoyent le credit. le craignoye à trop entreprendre : & qu'on le tint à couardise, si i'en pressoye trop : & laissay ain si la chose pour le soir : combié que i'eusse volôtiers aidé à tirer le Roy, & sa compaignie, de là, si i'eusse peu, sans peril.

Enuiron minuiet me dist le Cardinal de Saint-Malo (qui venoit de parler au Roy : & mon pauillon estoit pres du sien) que le Roy partiroit au matin : & iroit passer au long d'eulx, & faire donner quelque coup de canon en leur ost, pour faire la guerre, & puis passer oultre, sans y arrester : & croy bien que ce auoit esté l'aduis du Cardinal propre, comme d'homme qui sçauoit peu parler de tel cas, & qui ne s'y congnoissoit : & aussi il apparenait bien que le Roy eust assemblé de plus sages hommes & Capitaines pour se conseiller d'un tel affaire : mais ie vey faire assemblee plusieurs foys en ce voyage, dont on feit le contraire des conclusions qui y furēt prises. le dy au Cardinal, que si on s'approchoit si pres que de tirer en leur ost, il n'estoit possible qu'il ne faillist des gens à l'escarmouche, & que iamais ne se pourroyent retirer, d'un costé ne d'autre, sans venir à la bataille, & aussi que ce seroit au contraire de ce que i'auoye commencé, & me desplaie bien qu'il falloit prendre ce train : mais nies affaires auoyent esté telz, au commencement du regne de ce Roy, que ie n'osoye fort m'entremettre, à fin de ne me faire point ennemy de ceulx à qui il donnoit authorité : qui estoit si grande, quand il s'y mettoit, que beaucoup trop.

Ceste nuit eufmes encores deux grandes alarmes. le tout pour n'auoir mis ordre contre les Estradiotz, comme on deuoit, & comme l'on à accoustumé de faire contre cheualx-legers. car vingt Hommes-d'armes des nostres, avec leurs Archers, en arresteroyent tousiours deux cens : mais la chose estoit encores fort nouuelle. Il y feit aussi ceste nuit merueilleuse pluye, esclair, & tonnerre, & si grand qu'on ne sçauoit dire plus : & sembloit que le ciel, & la terre fondissent, ou que cela signifiait quelque grand inconueniēt aduenir. Aussi n'ostiois au pied de ces grâdes môtaignes, & en pais chauld & en Esté : & combien que ce fust chose naturelle, si estoit ce chose espouētable que d'estre en ce peril, & voir tant de gens au deuant, & n'y auoit nul remede de passer, que par combatre, & voir si petite compaignie. car, que bōs que mauuais hommes, pour combatre, n'y auoit point plus de neuf mille hommes : dont ie compte deux mille pour la sequelle & seruiteurs des gens debien de l'ost. ie ne compte point Pages ne Varletz-de-sommiers, ne telles gens.

*De la iournee de Fornoue: de la fuite des ennemis de France: & comment le Com:e de Perillane, qui durant ce iour rompit la prison du Roy, feit tant qu'il les rallia.*

Chap. 6.

Le Lundy

\* le pfe qu'il  
faillit l'alga-  
rade, en outre  
tel mot, & ce qui  
sunt peu après.



LE Lundy matin, enuiron sept heutes, \* sixieme iour de Iuillet, l'an mil quatre cens quatre vingtz & quinze, móta le noble Roy à cheual: & me feit appeler par plusieurs foyz. Je vein à luy, & le trouuay armé de toutes pieces, & móté fus le plus beau cheual que l'aye veu de mon temps, appelé Sauoye. plusieurs disoyent qu'il estoit cheual de Bresse. le Duc Charles de Sauoye le luy auoit doné: & estoit noir, & n'auoit qu'ũ oeil: & estoit moyen cheual, de bonne grâdeur pour celuy qui estoit monté dessus. Et sembloit que ce ieune homme fust tout autre que la nature ne portoit, ne sa taille, ne sa cõplexion. car il estoit fort crainctif à parler, & est encores aujourd'huy. Aussi auoit il esté nourry en grand' crainte, & avec petites personnes: & ce cheual le monstroït grand: & auoit le visage bon, & bonne couleur, & la parole audacieuse & sage: & sembloit bié (& m'en souuiét) que frere Hieronyme m'auoit dit vray, quand il me dist que Dieu le conduisoit par la main, & qu'il auroit bien affaire au chemin, mais que l'honneur luy en demeureroit. Et me dist le Roy, si ces gens vouloyét parlementer, que ie parlasse: & par ce que le Cardinal estoit present, le nomma, & le Marechal de Gyé: qui estoit mal paisible: & estoit à cause d'un differant, qui auoit esté entre le \* Côte de Narbonne, & de Guyse, qui quelquefois auoit mené des bades: & chacun disoit qu'à luy appartenoit de mener \* l'Auant-garde. Je luy dy, Sire, ie le feray volontiers: mais ie ne vey iamais deux si grosses compaignies, si pres l'une de l'autre, qui se departissent sans combattre.

Toute l'armee faillit en ceste greue, & en bataille, & pres l'un de l'autre, cõme le iour de deuât: mais, à voir la puissance, me sembloit trop petite, aupres de celle que i'auoye veue à Charles de Bourgogne, & au Roy son pere: & sur ladicte greue, nous tirasmes à part ledict Cardinal & moy: & nommasmes vnes lettres aux deux Prouiseurs dessusdictz, qu'escriuit monseigneur Robertet, vn Secretaire que le Roy y auoit, de qui il se fioit, disant le Cardinal qu'à son office & estat appartenoit de procurer paix, & à moy aussi, comme celuy qui de nouueau venoye de Venise, Ambassadeur, & que ie pouoye encore estre mediateur, leur signifiant le Roy ne vouloir que passer son chemin, & qu'il ne vouloit faire dommage à nul: & par ce, s'ilz vouloyent venir à parlementer, cõme il auoit esté entrepris, le iour de deuât, que nous estiois contés, & nous employerions en tout bien. Ia estoient escharmouches de tous costez: & cõme no<sup>r</sup> tiriõs pas à pas nostre chemin, à passer deuât eulx, la riuiera entre deux, comme i'ay dit, y pouuoit \* auoir vn quart de lieue de no<sup>r</sup> à eulx: qui tous estoýet en ordre en leur Ost. car cest leur coustume qu'ilz font tousiours leur cãp si grand q̃ tous y peuuēt estre en bataille & en ordre.

Ilz enuoyerent vne partie de leurs Estradiots, & Arbalestriers à cheual, & aucuns Hõmes-d'armes, qui vindrent du lóg du chemin, assez couuert, entrer au village, dont nous partions, & là passer ceste petite riuiera, pour venir assaillir nostre charriage: qui estoit assez grand: & croy qu'il passoit six mille sommiers, que mulets, que cheuaulx, qu'asnes. & auoyent ordonné leur bataille si tresbien que mieulx on ne sçauoit dire, & plusieurs iours deuant, & en facon qu'ilz se foyent en leur grand nõbre. Ilz assailloyent le Roy, & son armee, tout à l'enuiro, & en maniere qu'un seul hõc n'en eust sceu eschaper,

*La iournee de Verneux.*

\* Vicomte Terr.

\* Arrieregar de, mieulx à mon aduis, seld Terr. & l'on encor que l'on la bataille avec deux debatois, & Terren à Narbonne, eul, cõme il se voye semblablement cy apres.

\* Entendz apres auoir marché qu'ilz tempoiz, par à pas, pour arceuer au passage de la situation des deux camps, cy deuant.

si nous eussions esté rompus:veu le país ou nous estions: car, ceulx q' i'ay nommez, vindrent sus nostre bagaige: & à costé gauche vint le Marquis de Mantoue, & son oncle le Seigneur Rodolph, le Côte Bernardin de \* Dalmouton, & toute la fleur de leur Ost, en nombre de six cens Hômes-d'armes, côme ilz me cõptèrent depuis: & se vindrent iecter en la grêue, droit à nostre queue, tous les Hômes-d'armes, bardez, bié empanachez, belles bourdonnasses, trefbien accompagnez d'Arbalestriers à cheual, & d'Estradiotz, & de Gens-de-pied. Vis à vis du Marechal de Gyé, & de nostre Auantgarde, se vint mettre le Comte de Caiazzze, avec enuiron quatre cēs Hommes-d'armes, accõpaignez côme dessus, & grand nõbre de Gens-de-pied. Avec luy estoit vne autre compaignie de quelq' deux cens Hômes-d'armes, que cõduisoit le filz de mes sire Jehan de Bentiuoille de Boulongne, hõme ieune, qui n'auoit iamais rien veu (& auoyet ausi bõ besoing de Chefz q' nous) & cestuy là deuoit nõner sus l' Auant-garde, apres ledit Côte de Caiazzze: & semblablemēt y auoit vne pareille cõpaignie apres le Marquis de Mantoue (& pour semblable occasion) q' menoit vn, appellé mes sire Antoine d'Vrbain bastard du feu Duc d'Vrbain: & en leur Ost demeurerēt deux grosses cõpaignies. Cecy i'ay sceu par eulx mesmes: car, des le lēdemain, ilz m'en parlerēt: & le vey à l'oeil: & ne voulurēt point les Venitiens estrader tout à vn coup, ne degarnir leur Ost: toutesfois il leur eust mieulx valu mettre tout aux champs, puis qu'ilz commençoient.

Le laisse vn peu ce propos pour dire que deuint nostre lettre, qu'auions enuoyee le Cardinal & moy par vn Trõpette. Elle fut receue par les Prouiseurs: & comme ilz l'eurent leue, commença à tirer le premier coup de nostre Artillerie: qui encotes n'auoit tité: & incontinent tira la leur, qui n'estoit si bõne. Lesditz Prouiseurs renuoyerēt incõtinēt nostre Trõpette, & le Marquis vne des siēnes: & maderēt qu'ilz estoient cõtes de parlameter, mais qu'on feist cesser l'artillerie, & ausi qu'ilz feroient cesser la leur. L'estoye pour lots loing du Roy, qui alloit & venoit: & renuoya les deux Trõpettes, dire qu'il feroit tout cesser: & manda au Maistre de l'artillerie ne tirer plus. & tout cessa des deux costez vn peu: & puis soudainemēt eulx tirerent vn coup, & la nostre recõmēça plus que deuāt, en approchāt trois pieces d'Artillerie: &, quād les deux Trõpettes leur arriuerēt, ilz prindrēt la nostre, & l'enuoyerēt en la tête du Marquis: & delibererēt de combattre. Et dist le Côte de Caiazzze (ce me dirēt les presens) qu'il n'estoit point tēps de parler, & que ia estions demy vaincus: & l'un des Prouiseurs sy accorda (qui le m'a cõpté) & l'autre nõ: & le Marquis sy accorda: & son oncle, qui estoit bõ & sage y cõtredist de toute sa puissance (leql nous aymoie, & à regret estoit cõtre nous) & à la fin tout s'accorda.

Or fault entendre que le Roy auoit mis tout son effort en son Auantgarde: ou pouoit auoir trois cens cinquante Hommes-d'armes, & trois mille Suisses (qui estoit l'esperance de l'Ost) & feist le Roy mettre à pied, avec eulx trois cens Archers de sa garde (qui luy fut \* grande perte) & aucuns Arbalestriers à cheual, des deux cēs qu'il auoit de sa garde. d'autres Gens-de-pied y auoit peu: mais ce, qui y estoit, y fut mis: & y estoit à pied, avec les Alemans, Engilbert, monsieur de Cleues, frere au Duc de Cleues, Lornay, & le Baillif de Digeon, Chef des Alemas, & deuant eulx l'artillerie. Icy feissent bien be-

soing

\* Valmouté, ou l'autre Esté imprin, Fortebraccio en Al. benedetti, Brazzo en Guazzo, & Fortebraccio de Montone en l'it. de Iou.

\* C'est adire diminution de ce qui estoit pour son corps: car il ne les perd pas, cõme il se voit apres au nõbre des morts

soing ceulx qu'on auoit laissez aux terres des Florentins, & enuoyez à Genes, contre l'opinion de tous. Ceste Auant-garde auoit ia marché aussi auât que leur Ost : & cuidoit on qu'ilz deussent commencer : & noz deux autres batailles n'estoyent point si pres, ne si bien pour s'aider, comme ilz estoyent le iour deuant. Et, par ce que le Marquis s'estoit ia iecté sur la gréue, & passé la riuere de nostre costé, & iustement estoit à nostre dos, quelque quart de lieue derriere l'Arriere-garde, & venoyent le petit pas, bien serrez, tant qu'à mesueilles les faisoit beau voir, le Roy fut contraint de tourner le dos à son Auât-garde, & le visage vers ses ennemis, & s'approcher de son Arriere-garde, & reculer de l'Auant-garde. l'estoye lors avec môseigneur le Cardinal, attendant responce : & luy dy que ie voyoye bien qu'il n'estoit plus temps de s'y amuser : & m'en allay là ou estoit le Roy : & party d'aupres des Suisses, & perdy en allât vn Page, qui estoit mon cousin germain, & vn Varlet-de-chambre, & vn Laquais, qui me suyuoÿt d'un petit loing : & ne les vey point tuer.

Je n'eu point fait cent pas, que le bruit comença de là ou ie venoye, au moins vn peu derriere. C'estoyent les Estradiotz : qui estoyét parmy le bagage, & au logis du Roy, ou y auoit trois ou quatre maisons, & y tuerent, ou blecerent, quatre ou cinq hommes. le reste eschapa. Ilz tuerét biē cēt Varlets-de-sommiers : & mirent le chatriage en grand desordre. Comme i'arriuoye là ou estoit le Roy, ie le trouuay ou il faisoit des Cheualiers : & les ennemis estoyét ia fort pres de luy : & le fait on cesser. Et ouy le Bastard de Bourbō, Mathieu (à qui le Roy donna du credit) & vn appelé Philippe du Moulin, simple Gētil-hōme, mais hōme de biē, qui appelerent le Roy, disant, passez, Sire, passez : & le feirēt venir deuant sa Bataille, & deuât son Enseigne : & ne voyoye nulz hōmes plus pres des ennemis que luy, excepté ce Bastard de Bourbō, & n'y auoit poit vn quart d'heure que i'estoye arriué, & estoyét les ennemis à cēt pas du Roy, qui estoit aussi mal gardé & conduict que fut iamais Prince ne grād Seigneur. mais au fort, il est bien gardé que Dieu garde : & estoit biē vraye la Prophetie du venerable frere Hieronyme, qui disoit q̄ Dieu le cōduisoit par la main. Sō Arriere-garde estoit à la maī dextre, de luy vn peu reculee, & la plus pchainē cōpaignie de luy, de ce costé, estoit Robinet de \* Framezelles, qui menoit les gēs du Duc d'Orleās, enuirō quatre vingtz Lāces, & le Sire de la Trimouille, qui en auoit enuirō quarāte Lāces, & les cēt Archers Escossois y estoyét aussi : qui se mirēt en la presse cōme Hommes-d'armes. le me trouuay du costé gauche, ou estoyent les Gentilz-hōmes-des-vingt-Escus, & les autres de la maison du Roy, & les pētionnaires. le laisse à nommer les Capitaines, pour brieueté, mais le Côte de Foix estoit Chef de ceste Arriere-garde.

Comme i'ay dit, vn quart d'heure apres que fu arriué, le Roy estant ainsi pres d'eulx, les ennemis iecterēt les Lances en l'arrest : & se mirent vn peu aux galops : & en deux compaignies, donnerent à noz deux compaignies de la main d'eulx, dextre, & aux Archers Escossois : & choquerēt presque aussi tost l'un comme l'autre, & le Roy cōme eulx. Le costé gauche, là ou i'estoye, leur donna sus le costé. qui fut auantage grande : & n'est possible au monde de plus hardiment donner que l'on donna des deux costez. Leurs Estradiotz, qui estoyent à leur queue, veirent fuir muletz & coffres vers nostre Auant-

\* Autrement  
Framezelles  
cōme il se pent  
auis prēdre de  
l'erron.

garde, & que leurs compagnons gaignoyēt tout. Ilz allerent eelle part, sans fuiure leurs Hommes-d'armes: qui ne se trouuerēt point acēpaignez: mais, sans doubte, si vn mille cinq cens Cheuaulx-legers se fussent meslez parmy nous, auee leurs Cimenterres au poing (qui sont terribles espees) veu le petit nombre que nous estions, nous estions desconfitz sans remede. Dieu nous donna ceste aide: & tout ausi tost comme les coups de lances furent passez, les Italiens se mirent tous à la fuite: & leurs Gens-de-pied se ietterent au costē, ou la pluspart. A ceste propre instance, qu'ilz donnetent sus nous, donna le Comte de Caiaze sus l'Auant-garde: mais ilz, ne iaignirent point si pres: ear, quand vint l'heure de coucher les lances, ilz eurent paour, & se rōpirent d'eulx mesmes. quinze ou vingt en prindrent là les Alemans, par les bandes, qu'ilz tuerent. le reste fut mal chaeē: ear le Marechal de Gié mettoit grand' peine à tenir sa cōpaignie ensemble: ear il voyoit encores grād' cōpaignie assez pres de luy: toutesfois quelquesvns en chaeēt: & partie de ces fuyans venoient le chemin ou nous auions combatu, le long de la greue, les espees au poing: ear les lances estoient iētees. Or vous fault sçauoir que ceulx, qui assaillirent le Roy, se mirent incontinent à la fuite, & furent merueilleusement & viuement ehacez: car tout alla apres. les vns prindrent le chemin du village, dont estions partis, les autres prenoient le plus court en leur Ost: & tout chaeē, exceptē le Roy, qui demoura auee peu de gens, & se mit en grand peril, pour ne venir quand & nous. L'un des premiers hōmes qui fut tuē, ce fut le Seigneur Rodolph de Mantoue, oncle dudiēt Marquis, qui deuoit mander à ee messire Antoine d'Vrbīn quād il seroit temps qu'il marehast: & euidoyent que la chose deust durer comme font leurs Faiētz-d'armes d'Italie: & de cela s'est excusē lediēt messire Antoine: mais ieeroy qu'il ne veit nulz signes pour le faire venir. Nous auīōs grande sequelle de varletz & de seruiteurs, qui tous estoient à l'environ de ces Hōmes-d'armes Italiens: & en tuerent la pluspart. Presque tous auoyēt des haeches à couper boys, en la main, de quoy ilz faisoient noz logis: dont ilz rompirent les viſieres des armez, & leuren donnoient de grans coups sus les testes: ear bien malaisez estoient à tuer, tant estoient fort armez: & ne vey tuer nul, ou il n'y eust trois ou quatre hommes à l'environ: & ausi les lōgues espees, qu'auoyēt noz Archers & seruiteurs, firent vn grand exploict. Le Roy demeura vn peu au lieu ou l'on l'auoit assailly, disant ne vouloit point chaeer, n'y ausi tirer à l'Auāt-garde, qui sembloit estre teculee. Il auoit ordōné sept ou huiēt Gentilz-hommes, ieunes, pour estre pres de luy. Il estoit bien eschapē au premier choc, veu qu'il estoit des premiers: ear ce Bastard de Bourbon fut prins, à moins de vingt pas de luy, & emmenē en l'ost des ennemis.

Or se trouua le Roy en ce lieu, que ie dy, en si petite cōpaignie qu'il n'auoit point, de toutes gens, qu'un Varlet-de-Chambre, appellē Antoine des Ambus, petit homme, & mal armē, & estoient les autres vn peu espars (comme me compra le Roy, des le soir, deuant eulx mesmes, qui deuoient auoir grand' honte de l'auoir ainſi laissē) toutesfois ilz arriuerent encotes à heure. car vne bande, petite, de quelques Hommes-d'armes desirōpus, qui venoient au long de la greue, qu'ilz voyoyent toute nette de gens, vindrent assaillir le



Roy & ce Varlet-de-chambre. ledict Seigneur auoit le meilleur cheual pour luy du monde : & se remuoit : & se deffendoit : & arriua sus l'heure quelque nombre de ses autres gens, qui n'estoyent gueres loing de luy : & lors se mirēt les Italiens à fuir : & lors le Roy creut conseil : & tira à l'Auant-garde : qui iamais n'estoit bougee : & au Roy vint biē à poinct : mais, si elle fust marché cēt pas, tout l'Ost des ennemis se fut mis en fuite. Les vns disēt qu'elle le deuoit faire : les autres disēt que non.

Nostre bande, qui chacea, alla iusques bien pres du bout de leur Ost, tirant iusques vers Fornoue : & ne vey onques receuoir coup, à homme des nostres, qu'à Iulien Bourgneuf, que ie vey cheoir mort, d'un coup, que luy donna vn Italien, en passant (aussi il estoit mal armé) & là on l'arresta, disant allons au Roy : & à ceste voix s'arresta tout, pour donner alaine aux cheualx : qui estoient bien las. car ilz auoyent longuement couru, & par mauuais chemin, & par pais de cailloux. Aupres de nous passa vne compaignie de fuyans, de quelque trente Hommes-d'armes, à qui on ne demanda rien : & estiois \* en troupe  
\* *posible.* Si tost que les cheualx eurent vn peu reprins leur alaine, nous mismes au chemin pour aller au Roy, ne sachans ou il estoit : & allasmes le grand trot : & n'eusmes gueres allé que le veismes de loing : & feismes descendre les varletz, & amasser des lances par le camp, dont il y auoit assez, par especial de Bouedonnasses, qui ne valoyent gueres : & estoient creulés & legeres, ne pesans point vne iaueline, mais bien painctes : & fusmes mieulx founis de lances que le matin : & tirasmes droit au Roy : & en chemin trouuasmes vn nombre de Gens-de-pied des leurs, qui trauersoyent le camp : & estoient de ceulx qui s'estoyent cachez aux coustaux, & qui auoyent mené le Marquis sus le Roy. Plusieurs en furent tuez. autres eschaperent, & trauerserent la riuiera : & ne s'y amusa l'on point fort. Plusieurs fois auoit esté crié par aucuns des nostres, en combatant : souuienne vous de Guynegate. C'estoit pour vne bataille perdue, du temps du Roy Louis onzieme, en la Picardie, contre le Roy des Rommains, pour soyestre mis à piller le bagage : mais il n'y eut rien prins ne pillé. Leurs Estradiotz prindrent des sommiers ce qu'ilz voulurent : mais ilz n'en emmenerent que cinquante cinq, tous les meilleurs & mieulx couuers, comme ceulx du Roy, & de tous ses Chambelans, & vn Varlet-de-chambre du Roy, appelé Gabriel, qui auoit ses reliques sus luy, qui long temps auoyent esté aux Roys : & conduisoit lesdictes pieces, par ce que ledict Roy y estoit. Grand nombre d'autres coffres y furent perdus & iettez, & robez par les nostres mesmes : mais les ennemis n'eurent que ce que ie dy. En nostre Ost y eut grāde sequelle de paillards & paillardes à pied : qui faisoient le domage des mortz. Tant d'un costé que d'autre, ie croy en dire pres de la verité, apres estre bien informé des deux costez : c'est que nous perdismes Iulien Bourgneuf le Capitaine de la porte du Roy : vn Gentil-homme-des-vingt-escus : des Archers Escossois neuf morts : d'autres hommes à cheual, de ceste Auangarde, enuiron vingt : à l'entour des sommiers soixāte ou quatre vingtz varletz-de-sommiers : & eulx perdirent trois cens cinquante Hommes-d'armes, mortz en la place : & iamais nul ne fut prins prisonnier. ce que par-adventure iamais n'aduint en bataille. D'Estradiotz mourut peu : car ilz se mi-

*Le nombre des  
morts, est d'un  
costé que d'autre.*

rent au pillage. En tout y mourut trois mille cinq cens hommes, comme plusieurs, des plus grans de leur costé m'ont compté (autres m'ont dit plus) mais il mourut de gens de bié: & en vey, en vn roolle, iusques à dixhuiet, bons personages: entre lesquels en y auoit quatre ou cinq du nom de Gózague: qui est le nom du Marquis: qui y perdit bien soixâte Gentilz-hommes de ses terres: & à tour cecy ne s'y trouua vn homme à pied. C'est grand' chose auoir esté tué tant de gens de coup de main: car ie ne croy point que l'artillerie des deux costez tuast dix homes: & ne dura point le cōbat vn quart d'heure: car, des ce qu'ilz eürēt rompu ou ierté les lances, tour fuir. La chace dura enuiron trois quarts d'heure. Leurs batailles d'Italie n'onr poit acoustumé d'estre telles: car ilz combattent escadre apres escadre: & dure quelquefois tout le iour, sans ce que l'un ne l'autre gaigne.

La fuite de leur costé fut grande: & fuirent bien trois cens Hommes-d'armes, & la pluspart de leurs Estradiotz. Les vns fuirent à Rege (qui est bien loing de là) les autres à Parme, ou y pouuoit bié auoir\* huiet lieues: & à l'heure que la bataille fut ainsi meslee, le matin, fuît d'avec nous le Comte de Pettillane, & le Seigneur Virgile Vrsin: mais cestuicy n'alla qu'en vne maison d'un Gētil-homme: & estoit là sur la foy: mais vray est, qu'on leur faisoit grād tort. Lediēt Comte alla droiēt aux ennemis. Il estoit homme bien congnu des Gens-d'armes: car tousiours auoit eu charge, tant des Florentins que du Roy Ferrād: & se print à crier, Pettillane, Pettillane: & alla, apres ceulx qui fuirent, plus de trois lieues, criāt que tout estoit leur, & qu'ilz vinsseñt au gaing: & en ramena la pluspart, & les assura: &, si n'eust il esté, rout s'en fust fuy: car ce ne leur estoit petit reconfort d'un tel homme, party d'avec nous: & mit en auant, le soir, de nous assaillir: mais ilz n'y voulurent entendre. Depuis le m'a compté, aussi le me compra le Marquis de Mátoue, disant que ce fut luy qui mit ce party en auant: mais, à dire la verité, si n'eust esté lediēt Comte ilz fussent rous fuís la nuit.

Comme tout fut assemblé aupres du Roy, on voyoit encores hors de leur Ost grand nombre d'Hommes-d'armes en bataille: & s'en voyoit les testes seulement, & les lances: & aussi des Gens-de-pied: & y auoyēt tousiours esté: mais il y auoit plus de chemin qu'il ne sembloit: & eust salu repasser la riuierre, qui estoit creue, & croissoit d'heure en heure. car tout le iour auoit tonné, esclairé, & plu merueilleusement: & par especial en combattant & chaceant. Le Roy mit en conseil s'il deuoit chacer contre ceulx là ou non. Auec luy auoit trois Cheualiers Italiens: l'un est messire Iehan-Iaques de Treuoul (qui encores vit: & se gouuerna bié ce iour) l'autre auoit nom messire Francisque Secco, tresvaillant Cheualier, souldoyé des Florentins, homme de soixante & douze ans: l'autre messire Camille Vitelly. luy & trois de ses freres estoýēt à la sould du Roy: & vindrent, de Ciuita-de-Castello, iusques vers Serzane, pour estre à ceste bataille, sans estre mandez: ou il y a vn grand chemin: &, quād il veir qu'il ne pouuoit attaindre le Roy, avec sa compagnie, lediēt Camille vint seul. Ces deux furent d'opinion que l'on marchast cōtre ceulx que l'on voyoit encores. Les François, à qui on en demanda, ne furent point de cest aduis: mais difoyēt qu'on auoit assez fait: & qu'il estoit fort tard, & qu'il

se faioit

\* *Quarce dit cinq mils, que ie croy mueris, c'est-à-dire que le nombre est icy corrompu, c'est à dire qu'il se voit par le Verger d'honneur, qui ne compte que 4. mils: tousiours ceux, qui ont fait le chemin, m'ont dit de 15. à 16. mils.*

le faloit loger. Lediect meſſire Secco ſoultint fort ſon opinion, monſtrant gens qui alloient & venoyent au long d'un grand chemin, qui alloit à Parme(qui eſtoit la plus prochaine ville de leur retraicte) & alleguoit que c'eſtoient fuyans, ou qui en reuenoyent : & à ce que ſceufmes depuis, il diſoit vray : & à ſa parole & contenāce, eſtoit hardy & ſage Cheualier : & qui euſt marché, tous fuyoyēt (& tous les Chefs le m'ont confeſſé, & quelcun deuant le Duc de Milan) qui euſt eſté la plus belle & grande victoire, qui ait eſté depuis dix ans, & la plus profitable. car, qui en euſt bien ſceu vſer, & faire ſon profit, & ſagemēt ſy conduire, & bien traicter le peuple, huit iours apres, le Duc de Milā n'eult eu, au mieulx venir, pour luy, que le chaſteau de Milan, à l'enuie que ſes ſubiectz auoyēt à ſe tourner : & tout ainſi en fuſt il allé des Venitiés : & n'eult point eſté beſoing de ſe ſoucier de Naples. car Venitiés n'euffent ſceu ou recouurer gens, hors Veniſe, Breſſe & Cremonne (qui n'eſt qu'une petite ville) & tout le reſte euſſent perdu en Italie : mais Dieu nous auoit fait ce que me diſt frere Hieronyme, l'honneur nous eſtoit demeuré : car, veu le peu de ſens & ordre qui eſtoit parmy nous, tāt de bien ne nous eſtoit point deu : car nous n'en eſſions ſceu vſer pour lors : mais ie croy que, ſi à ceſte heure (qui eſt l'an mil quatre cēs quatre vingt dix ſept) vn tel biē aduenoit au Roy, il en ſçauroit mieulx ordonner.

Eſtans en ce propos la nuit ſ'approche, & ceſte compaignie, qui eſtoit deuant nous, ſe retira en leur camp : & nous, de l'autre coſté, nous allasmes loger à vn quart de lieue de là ou auoit eſté la bataille : & deſcēdit le Roy en vne cēſe ou meſtairie, pauvement edificee : mais il ſe trouua nombre infiny de bled en gerbe, dont tout l'Oſt ſe ſentit. Aucunes autres maiſonnettes y auoit apres, qui peu ſeruirent : car chaſcun logea comme il peut, ſans faire nul quartier. ie ſçay bien que ie couchay en vne vigne, bien empreſſé, ſus la terre, ſans autre auantage, & ſans manteau : car le Roy auoit emprunté le mien, le marin : & mes ſommiers eſtoient aſſez loing : & eſtoit trop tard pour les chercher. Qui eut de quoy, ſe fit collation : mais bien peu en auoyēt, ſi ce n'eſtoit quelque lopin de pain, prins au ſein d'un varlet. Ie vey le Roy en ſa chambre, ou il y auoit des gēſe blecez, comme le Senéſchal de Lyon, & autres, qu'il faiſoit habiller : & faiſoit bonne chere : & ſe tenoit chaſcun à bon marchant : & n'eſtions point tāt en gloire comme peu auant la bataille, par ce que nous voyons les ennemis pres de nous. Ceſte nuit feirent noz Alemās le guet, tous : & leur donna le Roy trois cens eſcus : & le feirent bon : & ſonnoyēt bien leurs tabourins.

*Comment le Seigneur d'Argenton alla luy ſeul parlementer aux ennemis, quand il veyt qu'autres deputez avec luy, n'y vouloyent aller. Et cōment le Roy parueint ſain & ſauf, avec ſes gens, iuſques en la ville d'Aſt. Chap. 7.*



Le lendemain au matin me delibray de cōtinuer encores noſtre pratique d'appointemēt, tousiours deſirāt le paſſage du Roy en ſeurté : mais à peine peu ie trouuer Trōpette, qui vouluſt aller en l'Oſt des ennemis, à cauſe qu'il auoit eſté tué en la bataille neuf de leurs Trōpettes, qui n'auoyēt poit eſté cōgnus, & eulx en auoyēt pris vn des noſtres, &

si en tuerent vn que i'ay nommé, que le Roy auoit enuoyé auant que la bataille commençast : toutesfois vn y alla, & porta vn fausecôduit du Roy, & m'en r'apporterent vn, pour parlementer à my-chemin des deux Ostz. Ce qui me sembloit mal aisé à faire : mais ie ne vouloye rien rompre, ne faire difficile. Le Roy nomma le Cardinal de Saint-Malo, & le Seigneur de Gyé, Marechal de Frâce, le Seigneur de Piennes, son Chambelan, & moy en leur compagnie : & eulx nommerent le Marquis de Mantoue, Capitaine general de la Seigneurie, le Comte de Caiasse (qui plusieurs fois a esté nommé en ces Memoires, & n'agueres estoit des nostres, & estoit Capitaine des gés du Duc de Milan) & messire Luques Pisan, & messire Melchior Treuisan, Prouiseurs de ladicte Seigneurie de Venise : & marchions lors si pres d'eulx que nous les voyons : & n'estoyent qu'eulx quatre sur la greue : & la riuere couroit entre nous & eulx : qui estoit bien creue depuis le iour precedent : & n'y auoit rien hors leur Ost, n'y ausi de nostre costé n'y auoit rien plus, que nous, & nostre guet, qui estoit à l'endroit. On leur enuoya vn Herault, sçauoir s'ilz voudroyent point passer la riuere, qui estoit entre deux, comme i'ay dit. Je trouuay bien difficile que nous peussions assembler : & pensoye bien que chascun y feroit des doubtes : & eulx le monstrent, respôdâns qu'il auoit esté dit que le parlement se feroit en my-chemin des deux Ostz, & qu'ilz auoyent fait plus de la moitié du chemin, & qu'ilz ne passeroient point la riuere, & qu'ilz estoient tous les Chefs de l'Ost, & qu'ilz ne se vouloyent point mettre en peril. Les nostres feirent doubte de leur costé, qui ausi estimoyent leurs personnes : & me dirent que i'y allasse, sans me dire que i'y auoye à faire, n'y à dire. Je dy que ie n'yroye point seul, & que ie vouloye vn tesmoing : & pourtant vint avec moy vn, appelé Robertet, Secretaire du Roy, & vn mien seruiteur, & vn Herault : & ainsi passay la riuere : & me sembloit que, si ie ne faisoye rié, qu'aumoins ie m'acquiteroye vers eulx, qui estoient assemblez par mô moyé. Et, quand ie fu arriué pres eulx, ie leur remôstray qu'ilz n'estoyent point venus iusques à my-chemin, côme ilz auoyent dit, & que, pour le moins, ilz vinsent iusques sus le bord de la riuere : & me sembloit que, s'ilz estoient si pres, ilz ne departiroient point sans parlementer. Ilz me dirent que la riuere estoit trop large, & couroit fort, parquoy ilz ne s'attendoient point parler de plus pres : & ne sceu rant faire qu'ilz voulussent venir plus auant : & me dirent q'ie feisse quelque ouuerture. Je n'auoye aucune commissiõ : & leur dy que seul ne leur diroye autre chose, mais que, s'ilz vouloyent rien ouurir, i'en feroye le rapport au Roy : &, nous estâs en ce propos, vint vn de noz Heraultz, qui me dist que ces Seigneurs dessusdictz s'en alloient, & que i'ouurisse ce q'ie voudroye. Ce que ie ne voulu point faire : car ilz sçauoyent du vouloir du Roy plus que moy, tant pour en estre plus prochains, que pour auoir parlé à luy en l'oreille à nostre parlement : mais de son affaire\* present, i'en sçauoye autant qu'eulx pour lors. Le Marquis de Mantoue me commença fort à parler de la bataille : & me demanda si le Roy l'eust fait tuer, s'il eust esté prins. Je luy di que non, mais vous eust fait bonne chere : car le Roy auoit cause de l'aymer, veu qu'il luy faisoit acquerir grand honneur en l'assaillant. Lors il me re-commanda les prisonniers, & par especial son oncle, le Seigneur Rodolph :

\* Entendez qui  
lors estoit pre-  
sent : ou bien lu-  
ses affaires, mais  
de son affai-  
re, à present  
i'en sçay.

& le cuidoit vis: mais ie scauoye bien le cōtraire: toutesfoi*s* ie l'asseuroye que tous les prisonniers seroyent bien traictez: & luy recombāday le Bastard de Bourbon qu'il tenoit. Les prisonniers, par nous detenus, estoient bien aisez à penser: car il n'en y auoit point. ce qui n'aduient par-aduenteure iamais en bataille; cōme i'ay dit: & y auoit perdu ledi*c*t Marquis plusieurs de ses par*r*és, & iusques à sept ou hui*c*t, & de toute sa cōpaignie bien six vingtz Hommes-d'armes. Apres ses deuises, ie prins congé d'eul*x*, disant qu'auant la nui*c*t ie retourneroye: & feismes treues iusques à la nui*c*t.

Après que ie fu retourné là ou estoit le Roy, & ledi*c*t Secretaire avec moy, ilz me demanderent des nouuelles: & se mit le Roy en conseil, en vne pauvre chambre: & ne se conclud rien, ains chascun regardoit son compaignon. Le Roy parla en l'oreille au Cardinal: & puis me dist que ie retourneras*t*e voir qu'ilz voudroyent dire (or l'entreprin*s*e du parler venoit de moy: parquoy estoit vray semblable qu'ilz vouloyent que ie commençasse à parler) & puis me dist le Cardinal que ie ne conclusse rien. Je n'auoye garde de rien cōclure: car on ne me disoit rien. Je ne voulu rien repliquer, ne rompre mon allee: car i'esperoye bien ne gaster rien, & pour le moins voir quelque chose des contenance*s* de no*s* ennemis: qui, sans doubte, estoient plus espouventez que nous: & par-aduenteure, eussent peu ouurir quelques paroles, qui eussent peu porter seurete*é* aux deux parties. Ainsi me mei au chemin. mais ia approchoir la nui*c*t, quand i'arriuy sus le bord de la riuie*r*e: & là me vint vne de leurs Trompettes: qui me dist que ces quatre, dont i'ay parlé, me mandoyent que ie ne vin*s*se po*u*t pour ce iour, à cause que leur guet estoit asis des Estradiot*z*, qui ne congnoissoy*é*t personne, & qu'il y pourroit auoir danger pour moy: mais vouloit demon*r*er ladi*c*te Trompette la nui*c*t, pour me guider. Je le renuoyay, disant que le matin, enuiron hui*c*t heures, ie seroye sus le bord de ladi*c*te riuie*r*e, & que là il m'attendist, ou, s'il y auoit quelque mutation, que ie leur renuoyoye vn Herault. car ie ne vouloye point qu'il congnu*s*t, ceste nui*c*t, rien de nostre cas: & si ne scauoye quelle conclusion le Roy prendroit. car ie vey des conseil*s* en l'oreille: qui me faisoient doubter: & retour*n*ay dire ces choses audic*t* Seigneur.

Chascun souppa de ce qu'il auoit, & se coucha sur la terre: & tost apres mi nui*c*t, me trouuay en la chambre du di*c*t Seigneur. Ses Chambelans estoie*é*t là, en estat de monter à cheual: & me dirent que le Roy deliberoit de tirer en diligence, iusques en Ast, & aux terres de la Marquis*e* de Mont-ferrat: & me parlerent de demourer derriere, pour tenir le parlement: dont ie m'excusay, disant que ne me vouloye point faire tuer à mon escient, & que ie ne seroye point des derniers à cheual. Tantost le Roy se sucilla, & ouit la messe, & & puis monta à cheual. Vne heure deuant le iour vne Trōpette sonna Faictes bō guet: mais autre chose ne fut sonné à se desloger (& croy aussi qu'il n'e*st*oit aucū besoing) toutesfoi*s* c'estoit donné effroy à l'armee, au moins aux gens de congnoissance: & puis nous tournions le dos à no*s* ennemis, & prenions le chemin de sauueté. qui est chose bien espouventable pour vn Ost: & y auoir bien mauuaise saillie au partir du logis, cōme chemins creuz & bois: & si nous tordismes: car il n'y auoit point de guide pour nous guider: & ouy

comme on demanda la guide, à ceulx qui conduisoient les enseignes, & à celuy qui faisoit l'office de Grand-Escuyer: mais chascun respondit, ie n'en ay point. Notez qu'il ne faloit point de guide: car Dieu seul auoit guidé la compaignie au venir, & en ensuyuant ce que m'auoit dit frere Hieronyme, il nous vouloit encores cōduire au retour. car il n'estoit point à croire qu'un tel Roy cheuauchast de nuit sans guide, là ou il en pouuoit assez finer. Encores monstra nostre Seigneur plus grand signe de nous vouloir preseruer: car les ennemis ne s'apperceurēt point de nostre partemēt, qu'il ne fust midy, attendant tousiours ce parlement que i'auoye entrepris: & puis la riuie-  
re creut si tresgrande qu'il fut quatre heures apres midy, auant que nul homme s'osast auanturer d'y passer pour nous suyure: & lors y passa le Comte de Caiazz, avec deux cens Cheualx-legers Italiens, en grand peril, pour la force de l'eau: & en passant, il s'y noya vn homme ou deux, comme depuis il m'a compré: & cheminastes par chemin bossu & boys: & faloit aller à la file par ce chemin, six mils ou enuiron: & apres trouuastes vne belle grande plaine, ou ia estoit nostre Auant-garde, artillerie & bagage, qui estoit fort grand, & qui de loing sembloit vne grosse bande: & en eumes effroy de prime-face: à cause de l'enseigne blanche & carree de mēseur Jehan-Iaques de Treuoul, pareille de celle qu'auoit porté à la bataille le Marquis de Matoue: & ladiēte Auant-garde eut doubte de nostre Arriere-garde qu'ilz voyoyēt venir de loing, hors du chemin, pour venir le plus court. Si se mit chascū en estat de combatre: mais cest effroy dura peu: car Cheuaucheurs vindrent de tous costez, & se recongnurent incontinent: & de là allastes repaistre au Bourg-<sup>\*</sup> saint-Denys, ou l'on cria vne alarme, faicte à propos, pour en tirer les Alemans, de paour qu'ilz ne pillassent la ville: & allastes coucher à Florensole: le secōd iour coucher pres Plaifance, & passastes la riuie-  
re de Trebia: mais il demeura de l'autre part deux cēs Lances, noz Suisses & toute l'artillerie, exceptez six pieces que le Roy menoit: & cela feit le Roy, pour estre mieulx logé, & plus au large, esperant les faire bien passer à l'aide, quand il vouldroit: car ladiēte riuie-  
re, par ordinaire, est petite, & par especial en ceste saison de lors: toutesfoies enuiron dix heures de nuit, ladiēte riuie-  
re creut si fort que nul homme n'y eust sceu passer à pied, n'y à cheual: en l'une compaignie n'eust sceu secourir l'autre. qui fut chose de grand doubte, pour auoir les ennemis pres: & cercha l'on, toute la nuit, pour trouuer le remede, d'un costé & d'autre: mais il n'y en auoit point, iusques à ce qu'il vint de luy mēseur. qui fut enuiron cinq heures du matin: & lors on tēdoit des cordes, d'un bout iusques à l'autre, pour aider à passer les Gens-de-pied, qui estoient en l'eau iusques au dessus de l'estomac. Tost apres passerēt les Gēs-de-cheual, & l'artillerie, mais ce fut vne soubdaine & perilleuse aduenture, considéré le lieu ou nous estions, & les ennemis aupres de nous: c'estasçauoir la garnison de Plaifance, & le Comte de Caiazz, qui y estoit entré: car aucuns de ladiēte ville pratiqoyēt d'y mettre le Roy: mais ilz vouloyent que ce fust soubz le tiltre d'un petit filz demouré de Jehā Galeas, dernier Duc, qui n'agueres estoit mort, comme auez ouy. Et, quand le Roy eust voulu entēdre à ceste pratique, plusieurs villes, & autres personnes, y eussent entendu, par le  
moyen

\* L'Ital. d'Al-  
less. Benedetti  
le nōme Bor-  
go, san-Do-  
nino. Aufu  
sant. 214220.

moyen dudiect meſſire Iehan-Iaques de Treuoul: mais lediect Seigneur ne voulut point faire ce deſplaiſir au Duc d'Orleâs ſon couſin, qui ia eſtoit dedâs Nouarre, comme auez veu. mais, à dire verité, de l'autre coſté, il ne deſiroit point fort de voir ſon diect couſin ſi grâd: & luy ſuffiſoit de paſſer, & laiſſer aller ce diſſerent comme il pourroit. Le troiſieme iour, apres le departement du lieu ou auoit eſté la bataille, alla le Roy diſner au Châtel ſainct-Iehan: & coucha en vn boys. le quatrieme, diſna à \* Voghera, & coucha à Pôt-Curon. le cinquieme iour coucha pres Tortone: & paſſa la riuiera, appelee \* Seruiua, que Fracaſſe deſſendoit: car les gens, qui eſtoyent à Tortone, eſtoyent ſoubz ſa charge, pour le Duc de Milan: & aduertu qu'il fut par ceulx qui faiſoyent le logis du Roy, que lediect Seigneur ne vouloit que paſſer, ſe retira en la ville: & manda qu'il bailleroit des viures tant que l'on voudroit: & ainſi le fait: car toute l'armee paſſa raſibus de la porte dudiect Tortone: & vint lediect Fracaſſe au deuant du Roy, armé: mais il n'auoit q̃ deux perſonnes avec luy: & ſ'excusa fort au Roy qu'il ne le logeoit en la ville: & ſe fit mettre force viures hors ladiect ville: dont tout l'Oſt fut bienourny: & au ſoir vint au coucher du Roy. Et fault entendre qu'il eſtoit de ceſte maiſon de S. Seuerin, & frere de ce Côte de Caiazze, & de meſſire Galeas: & auoit eſté, peu de tēps deuant, à la ſoulde du Roy, en la Romanie, comme il a eſté diect ailleurs. De là vint le Roy à Nice-de-la-paille: qui eſt du Marquiſat de Montferrat, que nous deſirions biē trouuer, pour eſtre en pais d'amis, & en ſeureté. Car ces Cheuaulx-legers, que menoit le Comte de Caiazze, eſtoyent ſans ceſſe à noſtre queue, & les premiers iours, nous ſeirent grâd ennuy: & auyons peu de gens à cheual qui ſe vouluſſent mettre derriere: car, plus approchions du lieu de ſeureté, & moins monſtroient les noſtres qu'ilz euſſent vouloir de cōbatre. Auſſi dir l'on que c'eſt la nature d'entrē nous François: & l'ont eſcrit les Italiēns en leurs Hiſtoires, diſant qu'au venir des François ilz ſont plus qu'hōmes, mais qu'à leur retraicte ſont moins que fēmes: & ie le croy du premier poinct. car veritablemēt ce ſont les plus rudes gens à reneōtrer, qui loyēt en tout le mōde (i'e'ntē les Gēs-de-cheual) mais, à la retraicte d'une entreprinſe, toutes gēs du mōde ont moins de cuer qu'au partir de leurs maiſons. Ainſi, pour cōtinuer ce preſent propos, noſtre queue eſtoit deſſendue de trois cēs Alemâs, qui auoyent moult largemēt de Couleurines, & leur portoit on beaucoup de haquebutes à cheual: & ceulx là faiſoyent bien retirer les Eſtradiotz, qui n'eſtoyent point grâd nôbre: & le grâd Oſt, qui nous auoit cōbatu, venoit tāt cōme il pouuoit: mais, pour eſtre partis vn iour apres nous, & pour leurs cheuaulx bardez, ne nous ſceurent ioindre, & ne perdiſmes iamais vn hōme au chemin: & ne fut lediect Oſt iamais à vn mil pres de nous: &, quand ilz veirēt qu'ilz ne nous pouuoient ioindre (& peut eſtre auſſi qu'ilz n'en auoyent point grand'enuie) ilz tirerent deuant Nouarre, ou eſtoyent les gens Duc de Milan, & des leurs, cōme auez ouy cy deuant: mais, ſilz nous euſſent peu atteindre pres de noſtre retraicte, peut eſtre qu'ilz en euſſent eu meilleur marché qu'ilz n'eurent à la valee de Fornoue.

I'ay dit en pluſieurs lieux comme i'auoye ouy dire & monſtrer que Dieu le createur nous auoit guidez en ce preſent voyage: mais encores me ſert il à

\* Terrens ces  
2. moiz, mais  
qu'2, ſelon la  
deſcrip. d'Ital.



le dire icy. car combien que depuis le iour de ladicte bataille, iusques audict lieu, les logis fussent mal departis, neãtmoins se logeoit chascũ come il pouuoit en patience, sans trouble ou debat. De viures, nous en auĩs grand' necessitẽ: toutesfois quelque peu en apportoyent ceulx du paĩs: qui aisẽment nous eussent empoĩsonnez, silz eussent voulu, tãt en leurs viures, qu'en leurs vins & eaues: qui en vn moment estoient taries, & les puis. Aussi ie ne vey que petites fontaines: mais ils n'y eussent point failly, silz y eussent voulu essayer: mais il est de croire que nostre sauueur & redempteur Iesus Christ leur ostoit leur vouloir. I'ay veu la soif si grande qu'un mĩde de Gẽs-de-pied beuoyent aux fosses de ces petites villetes ou nous passions. Nous faĩsĩs grandes traĩctes & longues, & beuions eaueorde, & non courante: & pour boire, se fouroyent dedans iusques à la ceinture: car il nous suyuoit grand peuple, qui n'estoient point gens de guerre, & vn bien grand nombre de dormiers. Le Roy partoĩt auant iour, & ne sceut onques qu'il y eust guide: & touchoit iusques à midy, là ou il repaĩsoit: & chascun prenoit place: & faloit apporter les viures des cheualx entre les bras: & que chascun feĩst repaĩstre son cheual: & scay bien que ie l'ay fait deux fois: & fu deux iours sans manger que pain, bien meschant: & si estoie de ceulx qui auoyẽt moins de necessitẽ. D'une chose fault louer ceste armee: c'est que iamais ie n'ouy homme soy plaindre de necessitẽ qu'il eust: & si fut le plus penible voyage que ie vey onques iamais en ma vie: & si en ay veu avec le Duc Charles de Bourgogne de biẽ aspres. Nous n'allions point plus fort que ces grosses pieces d'artillerie, ou souuent y auoit à besongner à leurs affaires, & grãd faulte de cheualx: mais, à toute heure qu'il en estoit besoing, s'en recouuroit en l'Ost par les gẽs de biẽ, qui volõtiers les bailloyẽt: & ne se perdit vne seule pierre, ny vne liure de pouldre: & croy que iamais hĩme ne veit passer artillerie de telle grosseur: ne de telle diligence, par les lieux ou passa ceste cy. Et, si i'ay parlẽ du desordre, qui estoit tant à nostre logis qu'aux autres choses, ce ne fut pas par faulte qu'il n'y eust des gens bien experimentez en l'Ost: mais le sort voulut que ceulx là auoyent le moins de credit. Le Roy estoit ieune & volontaire, comme ailleurs ay dit. Et, pour conclure l'article, semble que nostre seigneur Iesus Christ ait voulu que toute la gloire du voyage ait estẽ attribuee à luy. Le septieme iour, depuis le partement du lieu ou auoit estẽ la bataille, partĩsmes de Nice-de-la-paille, & logeãsmes en camp, tous ensemble, assez pres d'Alexandrie: & fut faĩt gros guet, la nuit: & du matin, deuant le iour, partĩsmes, & allãsmes en Ast: c'estãscãuoir la personne du Roy, & les gens de sa maison (les Gens-d'armes demourerent pres de là, en camp) & trouuãsmes la ville d'Ast bien garnie de tous viures, qui feĩrent grand bien & secours à toute la compagnie, qui en auoit bon besoing: parce que ladicte armee auoit endurẽ grand' faim & soif, grand trauail & chaleur, & tresgrand' faulte de dormir, & les habillemens tous gastez & rĩpuz. Si tost que le Roy fut arriue en Ast, & sus l'heure, auant que dormir, i'enuoyay vn Gentil-homme, nommẽ Philippe de la Coudre, qui autrefois m'auoit seruy, & qui pour lors estoit au Duc d'Orleans, à Nouarre, là ou il estoit assiege de ses ennemys, comme auez peu entendre (le siege n'estoit

n'estoit pas encores si contrainct qu'on ne peust aller & faillir dehors: par ce qu'ilz ne taschoyent sinon de l'affamer) & luy manday, par ledi<ct> Gentil-homme, que plusieurs traictéz se menoyent avec le Duc de Milan, de par le Roy nostre Sire: dont i'en menoye vn par la main du Duc de Ferrare: & que pour ceste cause me sembloit qu'il s'en deuoit venir deuers le Roy, en assurant bien ceulx qu'il laisseroit dedâs, de brief y retourner: ou les venir secourir: lesquelz estoient le nombre de sept mille, cinq cens hommes de soulde, de la plus belle compagnie qu'on sçauoit dire, touchant le nombre, tant François que Suisses. Apres que le Roy eut seiourné vn iour audi<ct> Ast, il fut aduertý, tant par le Duc d'Orleans que par autres, commét les deux Oistz s'estoyent assemblez deuant Nouarre: & desiroit ledi<ct> Duc d'Orleans estre secouru: par ce que ses viures appetissoyent: là ou il auoit esté donné mauuais ordre au commencement: car il y en auoit assez aux villes d'alentour, & par especial bledz: & si la prouision eust esté faicte de bonne heure & bien pourmenec, iamais n'eussent rendu la ville: mais en fussent faillis à leur honneur, & les ennemis à grand' honte, si l'z eussent peu tenir encores vn moys.

*Comment le Roy feit dresser vne armee de mer, pour cuider secourir les chasteaux de Naples: & comment ilz n'en peurent estre secourus. Chap. 8.*



Pres q̃ le Roy eut seiourné quelque peu de iours audi<ct> Ast, il s'en alla à Thurin: & au departir que ledi<ct> Seigneur feit d'Ast, il despescha un Maistre-d'hostel, nommé Peron de Basche, pour faire vne armee de mer, pour aller secourir les chasteaux de Naples, qui encores tenoyent. Ce qu'il feit: & mit sus ladi<cte> armee monseigneur d'Arban, Chef & Lieutenât d'icelle armee: & alla iusques vers la cité de \* Pruce, ou il fut à vne veue des ennemis: là ou vne fortune de téps le garda d'approcher: & feit ceste armee peu de frui<ct>: pource que ledi<ct> d'Arban retourna à Ligorne: là ou la plus part de ses gés s'en fuyrēt en terre, & laisserēt les nauires vuides: & l'armee des ennemis s'en vint \* au port de Bougen, pres Plambin, là ou elle fut bié, deux moys sans partir: & les gés de nostre armee fussent allez legeremēt secourir lesditz chasteaux: par ce q̃ le port de \* Bégō est de nature que l'on n'en peut faillir que d'un vent, lequel regne peu souuent en iuer. Ledi<ct> d'Arban estoit vaillant homme, & experimenté en armee de mer.

En ce mesme téps, le Roy estât arriué à Thurin, se menoyēt plusieurs traictéz entre le Roy & le Duc de Milan: & s'en empeschoit la Duchesse de Sauoye, qui estoit fille de Môtferrat, veufue, & mere d'un petit Duc, qui estoit lors: mais, par autres, s'en traictoyent encores. Je m'en mesloye aussi: & desiroyēt bien ceulx de la ligue (c'est asçauoir les Chefz, qui estoýēt au cāp deuant Nouarre) que ie m'en messasse: & m'enuoyerēt vn saufconduict, mais (cōe les enuies font estre gens de Court) le Cardinal, que tant ay nommé, rōpit que ie ne m'en messasse point, & vouloit que la pratique de Madame de Sauoye sortist son effect, que conduisoit son hoste le tresorier de Sauoye, homme sage, & bon seruiteur pour sa maistresse. Long temps traina ceste matiere, & pour ceste cause fut enuoyé le Baillif de Digeon aux Suisses, Ambassadeur, pour en leuer iusques à cinq mille.

\* Je pense qu'il y faulle Pise, ou Pulo, que se trouue sur ces marches en la carte d'Ital, ou qu'il faulle entendre de l'isle de Cerde, qu'il n'est mesmes si cý apres. Chap. 14.

\* Ces deux mots marquez sont cōme ils estoient en tous les places: par ce que ie n'en trouue nř, si ce n'est Portobarato pres Piombino, selon Blondus, & la Desira, d'Ital, avec la carte.

Peu auant ay parlé comme l'armee de mer fut faicte à Nice, pour secourir les chasteaux de Naples. Ce qui ne se peut faire, pour les raisons dessusdictes.

Incontinent monseigneur de Môtpercier, & autres gés de biē, qui estoient dedans lesdictz chasteaux, voyant ledict incōuenient, prindrent party, & faillirent dehors, par l'armee de ceulx, qui estoient demourez, pour le Roy Charles, en diuerles places du royaume: laquelle armee pour lors estoit pres desdictz chasteaux: & les laisserent fournis en nombre suffisant, pour les garder, selon les viures, qui y estoient si estroictz que plus ne pouuoient: & partirent avec deux mille cinq cens hommes, & laisserent, pour Chef, Ognas, & deux autres gens de bien: & s'en alla ledict Seigneur de Môtpercier, le Prince de Salerne, le Seneschal de Beaucaire, & autres, qui là estoient, à Salerne: & voulut dire le Roy Ferrand, qu'ilz auoyent rōpū l'appointement, & qu'il pouuoit faire mourir les ostages, qu'ilz auoyent baillez peu de iours auant: qui estoient le Seigneur d'Alegre, vn appelé de la Marche-d'Ardaine, & le Seigneur de la Chappelle d'Aniou, vn appelé Roquebertin Catelan, & vn appelé Genly. Et fault entendre qu'environ trois moys parauāt, ledict Roy Ferrand estoit entré dedans Naples, par intelligēce, & par le mauuais ordre des nostres: qui estoient bien informez de tout, & n'y sceurent mettre remede. Je parleroye bien plus auant de ce propos: mais ie n'en puis parler que par l'auoir ouy dire aux principaulx: & ne tien point volontiers long proces des choses ou ie n'ay point esté present. Mais, estāt ledict Roy Ferrand dedās la ville de Naples, ouit dire que le Roy estoit mort à la bataille de Fornoue: & fut certifié à noz gens, qui estoient au chasteau, par les lettres & mēsonges que mandoit le Duc de Milan, qu'ainsi estoit: & y adiousterent foy, & s'y fierent les Coulonnois, qui se tournerent incontinent contre nous, avec le bō vouloir qu'ilz auoyent d'estre tousiours des plus fortz, encores qu'ilz fussent bien tenus au Roy, comme il est dict ailleurs. & pour cesdictz mensonges, & principalemēt pource que noz gens se voyoyent retraictz, en grand nōbre, dedans le chasteau, & peu de viures, & auoyēt perdu tous leurs cheualx & autres biens, qu'ilz auoyent dedās la ville, composerent, le sixieme d'Octobre, mil quatre cens quatre vingtz & quinze (& auoyent ia esté environnez trois moys quatorze iours, & environ vingt iours apres, partirent, cōme dict est) & promirent que, s'ilz n'estoyent secourus dedans certain nombre de iours, qu'ilz s'en iroyent en Prouence, & laisseroient les chasteaux, sans plus faire de guerre, ne par mer ne par terre, audiēt royaume, & baillerēt les ostages susdictz. Toutesfois, selon le dict du Roy Ferrand, ilz rompirēt l'appointement, à l'heure qu'ilz partirent sans congé. Les nostres disoyent le contraire: mais lesdictz ostages furent en grand danger, & y auoit cause, & croy que noz gens feirent sagement de partir, quelque appointemēt qu'il y eust, mais ilz eussent mieulx fait de bailler les chasteaux audiēt iour qu'ilz partirent, & retirer leurs ostages: car aussi bien ne tindrent ilz que vingt iours apres leur partement, à faulte de viures, & qu'ilz n'auoyent aucune esperance de secours, & fut la totale perte du royaume, que ledict chasteau de Naples.

*De la grande famine & peine ou estoit le Duc d'Orleans à Nouarre, avec ses gens: de la mort de la Marquise de Monferrat, & de celle de monsieur de Vendosme. & comment, apres plusieurs deliberations, on entendit à faire paix, pour sauuer les assiegez.* Chap. 9.

**E**stant le Roy à Thurin, comme i'ay dit, & à Quiers, ou quelque foys alloit par son esbat, attendoit nouuelles des Alemans qu'il auoit enuoyé querir, & aussi essayoit s'il pourroit reduire le Duc de Milan, dót il auoit grand vouloir: & ne luy chaloit point trop du faict du Duc d'Orleans: qui coméçoit a estre pressé, à cause de la necessité de viures, & escriuoit chascun iour pour auoir le secours: & aussi estoient approchez les ennemis de plus pres qu'ilz n'auoyent esté: & estoit creu l'Ost de mille hōes à cheual, Alemāns, q̄ menoit messire Federic Capelare, de la Côté de Ferrette, vaillant Cheualier, & bien experimenté, tant en France qu'en Italie. Aussi y auoit bien onze mille Alemans, des terres du Roy des Romains, & Lansquenetz, que conduisoit messire Georges \* Dabechin, vaillant Cheualier: & fut celuy qui print Saint-Omer, pour le Roy des Romains, natif d'Austriche. Et, voyant croistre les ennemis, & que nul accord ne se pouuoit trouuer à l'honneur du Roy, il luy fut conseillé le retirer à Verceil, pour voir la maniere de sauuer ledict Duc d'Orleans, & sa compagnie: qui, comme dict est ailleurs, auoyent mis petire prouision en leurs viures au commencement qu'ilz entererēt audiēt Nouarre: & luy eust mieulx valu auoir faict ce que luy manday, comme il se voir dessus, des qu'arriuasmes en Ast: qui estoit de partir: & mettre hors toutes gens inutiles, & venir deuers le Roy. car sa presence eust guidé partie de ce qu'il eust voulu: au moins ceulx, qu'il eust laissez, n'eussent point souffert si extreme necessité de faim, comme ilz feirent: car il eust prins party plustost, s'il eust veu qu'il n'y eust eu autre remede. Mais l'Archeuesque de Rouen, qui auoit esté avec luy, au commencement, audiēt lieu de Nouarre, pour faire seruice audiēt Seigneur, estoit venu deuers le Roy, &, se trouuāt present aux affaires, luy mādōit tousiours ne partir point, & qu'il seroit secouru: & se fondoit qu'ainsi le disoit le Cardinal de Saint-Malo, qui auoit le credit: & bonne affection le faisoit parler: mais i'estoye asséuré du contraire: car aucun ne vouloit retourner à la bataille, si le Roy n'y alloit: & celuy la n'en auoit aucune enuie: car la questiō n'estoit que pour ceste seule ville, que ledict Duc d'Orleans vouloit retenir, & le Duc de Milan la vouloit rauoir: car elle est à dix lieues de Milan: & estoit for ce que l'un eust tout: car en ladicte Duché de Milan sont neuf ou dix grosses citez pres l'une de l'autre, & en petit d'espace: mais bien disoit ledict Duc de Milan, qu'en luy laissant Nouarre, & ne luy demādant point Gēnes, que toutes choses il seroit pour le Roy.

Plusieurs foys on mena farines audiēt Nouarre, dót il s'en perdit la moitié au chemin: & vn coup furent destrouffez quelque soixante Hōmes-d'armes, que menoit vn appelé Chastillon, qui estoit ieune Gētil-homme de la maison du Roy. Aucuns furent prins: autres entererēt: autres eschapperēt de grāde peine: & n'est possible de croire en quelle destresse estoit ceste cōpagnie de Nouarre: car chascun iour en mouroit de faim. Les deux partz e-

\* V'ital. de v.  
lou. & d'A-  
less. Bened. en  
nomme un Geor-  
gio di Pie-  
trapiana, que  
le pens'e estre ce  
luy cy, comme  
il se voyt mes-  
mes cy apert.

estoient malades : & venoit de piteuses lettres en chiffre, & en grand' difficulté. Tousiours on leur donnoit reconfort : & tout estoit abus : mais ceulx, qui menoyent l'affaire du Roy, desiroient la bataille, & ne consideroyent point que nul ne la vouloit qu'eulx : car tous les grans Chefz, comme le Prince d'Orenge, qui estoit de nouveau arriué, à qui le Roy donnoit grand credit aux affaires de la guerre, & tous autres Chefz de guerre cerchoient vne honeste issue par appointement veu que l'yuer approchoit, qu'il n'y auoit point d'argét, & que le nombre des François estoit petit, & plusieurs malades, & sen alloient chascun iour sans congé : & d'autres à qui le Roy donnoit cōgé : mais tous les sages ne pouoyent garder ceulx, dont i'ay parlé, de mander au Duc d'Orleans qu'il ne bougeast : lesquelz le mirent en grād peril : & se fioient sus le nombre des Alemans, dont nous asseuroit le Baillif de Digeon : auquel aucuns auoyent mandé qu'il amenast ce qu'il pourroit : & estoit vne compagnie mal vnice : & chascun disoit, & escriuoit ce qu'il vouloit.

Ceulx qui ne vouloyent point d'accord, ne qu'on se trouuast ensemble pour en parler, disoyent que le Roy ne deuoit point commencer, mais deuoit laisser parler ses ennemis : qui aussi disoyent ne vouloir commencer les premiers : & tousiours s'auāçoit le temps en la destresse de ceulx de Nouarre : & ne parloyent plus leurs lettres que de ceulx qui mouroyent de faim, chascun iour, & que plus ne pouoyent tenir que dix iours, & puis huiet, & telle heure les vey à trois : mais auant passerent les termes qu'ilz auoyent baillez. Brief, on n'auoit veu de long temps si grosses necessitez : &, cent ans auant que fusions nez, ne souffrirent gens si grand faim comme ilz souffrirent leans.

Estans les choses en ce train, mourut la Marquise de Montferrat : & y eut quelque diuision leans, pour le gouuernement, que demandoit le Marquis de Saluce, &, d'autre part, le Seigneur Constantin, oncle de la feue Marquise, qui estoit Grec & elle Grecque, & fille du Roy de Seruie, tous deux destruietz par le Turc. Ledit Seigneur Constantin s'estoit mis fort au chasteau de Casal : & auoit en ses mains les deux filz (dont le plus grand n'auoit que neuf ans) du feu Marquis, & de ceste sage & belle Dame : qui estoit morte en l'aage de vingt & neuf ans, grande partifane des François. Autres particuliers taschoient encores audit gouuernement : & en estoit grand question chez le Roy, pour ceulx qui les soustenoyent. Ledit Seigneur m'ordonna y aller, pour accorder ceste question, à la seureté des enfans, & au gré de la pluspart du païs, doubtant que le differrent ne leur feist appeler le Duc de Milan : & le Seigneur de ceste maison nous estoit bien seant. Il me desplaisoit fort de partir, que ie ne misse en train de reprendre ceste paix, veu les maulx qu'ay dictz, & que l'yuer approchoit : & doubtoye que ces Prelatz ne fussent cause de ramener le Roy à la bataille : car il estoit mal forny, si ne venoit force estrangers, comme Suisses. encores, filz venoyent, si fortz comme l'on disoit, il n'y auoit que danger pour le Roy de se mettre en leurs mains : & estoient les ennemis fort puissans, & logez en lieu fort de situation, & bien fortifiez. Consideres ces choses, m'aduēturai de dire au Roy qu'il mesembloit qu'il vouloit mettre sa personne & estat en grād hazard, pour peu d'oc-  
sion :

caſion : qu'il luy deuoit ſouuenir qu'il auoit eſté en grand peril à Fornoue : mais là auoit eſté contrainct, & icy n'y auoit aucune contrainte : & ne deuoit point laiſſer à prendre quelque honneſte appointement, pour ces paroles qu'on diſoit qu'il ne deuoit point commécer : & que, ſ'il vouloit, ie le feroye bien parler en ſorte que l'honneur des deux coſtez y ſeroit bié gardé. Il me reſpondit que ie parlaſſe à môſeigneur le Cardinal. ce que ie fey : mais il me faiſoit d'eſtranges réſpoſes, & deſiroit la bataille, & tenoit la victoire ſeuſe à ſon dire : & diſoit qu'on luy auoit promis dix mille Ducatz de rente, pour vn filz, par le Duc d'Orléas, ſ'il auoit ceſte Duché de Milan. Le lendemain ie vein prendre congé du Roy, pour aller à Caſal, & y auoit enuiſon iournee & demie. Je rencontray monſieur de la Trimouille, à qui ie conſtray ceſte affaire, par ce qu'il eſtoit des prochains du Roy, demadant ſi encores luy en deuoie parler. Il me conforta qu'ouy : car chaſcun deſiroit de ſe retirer. Le Roy eſtoit en vn iardin. Je reprin les paroles deſſusdiſtes, deuant le Cardinal, qui diſt que luy, qui eſtoit homme d'Egliſe, deuoit commencer. Je luy dy que, ſ'il ne commençoit, ie comenceroie : car il me ſembloit bien que le Roy n'en ſeroit poſt marry, ne ſes plus prochains. & ainſi party : & au départir, dy à monſeigneur le Prince d'Orange, qui auoit la principale charge de l'Oſt, que, ſi ie commençoye rien, ie luy adreſſeroie : & allay à Caſal : ou ie fu bien recueilly, par tous ceulx de ceſte maiſon : & les trouuay la pluſpart régez avec le Seigneur Cōſtantin : & ſembloit à tous que c'eſtoit plus grand ſeureté pour les enfans : car il ne pouuoit venir à la ſucceſſion : & le Marquis de Saluce y prétendoit droit. Je fey pluſieurs iours aſſemblee, tant des Nobles que des gēs d'Egliſe & des villes : & à leur requête, ou de la pluſpart, declaray que le Roy vouloit q̄ lediſt Seigneur Conſtantin demourait en ſon gouuernement : car veu la force du Roy dela les montz, & l'affection que le pais porte à la maiſon de France, ilz ne pouuoient contredire au vouloir du Roy.

Enuiron le troiſieme iour que ie u eſté là, vint leās vn Maistre-d'hoſtel du Marquis de Mantoue, Capitaine general des Venitiens : qui, comme parent, enuoyoit faire doleance de la mort de ladiſte Marquiſe : & celuy là & moy entraſmes en paroles d'appointer ces deux oſtz, ſans combattre : car les choſes ſ'y diſpoſoyent : & eſtoit logé le Roy, en camp, pres Verceil : mais, à la verité dire, il ne paſſa ſeulement que la riuieſe : & logea ſon Oſt, mal fourny de tentes & de pauillons : car ilz en auoyent peu porté : & encores ceulx là eſtoient perdus : & ia eſtoit le lieu moire, pource que l'yuer approchoit, & eſt pais bas.

Le diſt Seigneur n'y logea qu'une nuit : & ſe retira le lendemain en la ville : mais y demourerēt le Prince d'Orange, le Comte de Foix, & le Comte de Vendosme : qui y print vn mal de flux : dont il mourut. qui fut dommage : car il eſtoit beau perſonage, ieune & ſage : & y eſtoit venu en poſte, par ce qu'il eſtoit bruit qu'il y deuoit auoir bataille : car il n'auoit point fait le voyage en Italie avec le Roy. Avec ceulx là y demourerent le Mareſchal de Gyé, & pluſieurs autres Capitaines : mais la principale force eſtoit des Alemans qui auoyent fait le voyage avec le Roy : car mal volontiers y demouroyēt les Frāçoys, eſtans ſi pres de la ville : & pluſieurs eſtoient malades, & pluſieurs partis, les vns avec congé, les autres ſans congé, dudiſt Oſt. Juſques à Nouarre y

*Le preſent du  
Comte de Ven  
doſme.*

auoit dix gros mils d'Italie: qui valent bien six lieues Françoises, fort pais & mol (comme au pais de Flandres) à cause des fossez: qui sont au long des chemins, de l'un costé & de l'autre, fort parfonds, & beaucoup plus que ceulx de Flandres. L'yuer les fanges y sont fort grandes, & l'Esté la pouldre. Entre nostredict Ost & Nouarre, y auoit vne petite place, appelée Bourg, à vne lieue de nous, que nous tenions: & eulx en tenoyent vne autre, qu'on appelloit Camarian: qui estoit à vne lieue de leur Ost: & ia estoient les eäues bié grandes, à aller d'un Ost à l'autre.

Comme i'ay commencé à dire, ce Maistre-d'hostel du Marquis de Mantoue, qui estoit venu à Casal, & moy, continuâmes noz paroles: & disoye les raisons pourquoy son maistre deuoit euitter ceste bataille, & qu'il auoit veu le peril en quoy il auoit esté à la premiere, & qu'il combattoit pour gens qui ne l'accroissent iamais pour seruice qu'il leur feist, & qu'il deuoit entreprendre l'appointement, & moy que ie luy aideroye de nostre costé. Il me respondit que son maistre le voudroit, mais il faudroit, comme autrefois m'auoit esté mandé, que nous parlissions les premiers, veu que leur ligue, dôt estoit le Pape, les Roys des Romains & d'Espaigne, & le Duc de Milan, estoit plus grande chose que le Roy: & luy disoye q'c'estoit folie de mettre ceste cerimonie, & que le Roy deuoit \* aller deuant, estât là en personne, & que les autres n'y auoyent que leurs Lieutenans, & que moy & luy, comme mediateurs, commencerions s'il vouloit, mais que ie fusse seur q' son maistre continuast, & tint: & cōclusmes que i'enuoyeroie vn Trōpette en leur Ost, le lendemain, & escriroie aux deux Prouidateurs Venitiés, l'un appelé messire Luques Pisân, l'autre messire Melchior Treuisân: qui sont Offices deputez pour cōseiller leurs Capitaines, & pour pouruoir aux affaires de leur Ost. En ensuyuant ce que nous auions conclud, ie leur escriuy la substance de ce que i'auoye dit audit Maistre-d'hostel: & auoye occasion de continuer l'office de bon mediateur: car ainsi l'auoye cōclud, au partir de Venise: & aussi le Roy l'auoit bien agreable: & si me sembloit necessaire: car il se trouue tousiours assez gés pour troublér vn affaire: mais il s'en trouue peu qui ayent l'aduéture, & le vouloir ensemble, d'accorder si grand different, ne qui voulsissent endurer tant de paroles, qui se disent de ceulx qui traittent telz affaires: car en telz grans Ostz il y a maintes differentes opinions. Lesdictz Prouidateurs furent ioyeux de ces nouuelles: & m'escriurent que tost me feroient responce: & par leurs postes le feirent à sçauoir à Venise: & tost eurent responce: & vint en l'Ost du Roy vn Comte, qui estoit de Ferrare: lequel y auoit gens (car son filz aîné y estoit, à soulde du Duc de Milā) & cestuy là en estoit: & auoit ledict Duc de Ferrare vn autre filz avec le Roy. Ledit Côte auoit nom le Côte Albertin: & vint voir messire Ichā-Iaqs de Treuoul, soubz couleur d'un filz qu'il auoit avec ledict messire Ichā-Iaques: & s'adressa au Prince d'Orège, ainsi qu'il auoit esté cōclud entre ce Maistred'hostel, dôt i'ay parlé, & moy: disant auoir cōmissiō du Marquis de Mātoue, & des Prouidateurs, & autres Capitaines, estâs en leur Ost, de demāder sauscōduict pour ledict Marquis, & autres, iusques à cinquāte cheuaux, à se trouuer à parler avec telz personnages qu'il plairoit au Roy ordōner: & ceulx là cōgnoissoyent bié q'c'estoit raison qu'ilz vissent deuers le Roy,

ou les

\* C'est adire re-  
nir le plus hono-  
rable lieu.



ou les siens, les premiers: & aussi qu'ilz luy vouloyent bien faire cest hõneur. Puis demanda congé de parler au Roy, à patt. Ce qu'il feiti &, à part, conseil-la de n'en faire rien, disant que cest Ost estoit en grand paour, & que de brief deslogeroit: &, par ces paroles, il monstroit vouloir rompre cest accord, & nõ point le faire, n'y aider, cõbien que sa charge publique fust telle qu'auex ouy: & fut present à ces paroles lediẽt mẽsire Iehan-Iaques de Treuoul, grãd en-nemy du Duc de Milan: & volontiers eust rompu ladiẽte paix: &, sus tout, le maĩstre dudiẽt Comte mẽsire Albertin, le Duc de Ferrare, y desiroit fort la guerre, pour la grand' inimitiẽ qu'il auoit aux Venitiens, à cause de plusieurs terres qu'ilz tenoyent de luy, comme le Polesan, & plusieurs autres: & estoit venu en l'Ost du dessuĩdiẽt Duc de Milan, qui auoit sa fille pour femme. Des ce que le Roy eut ony parler lediẽt Comte, il me fait appeler: & eut en cõseil s'il bailleroit ce saufconduĩt ou non. Ceulx, qui vouloyent rompre la paix (comme mẽsire Iehan-Iaques, & autres, qui parloyẽt en faueur du Duc d'Or-leans, ce leur sembloit) monstroient vouloir la bataille (mais ilz estoient gẽs d'Eglise, & ne s'y fussent point trouuez) disans estre bien asseurez que les en-nemis deslogeroyent, & qu'ilz mourroyent de faim. Autres disoyent (& i'e-stoye de ceulx là) que plus tost nous auriõs faim qu'eulx, qui estoient en leur pais, & si auoyent la puĩssance trop grande pour s'en fuir, & se laisser destrui-re, & que ces paroles venoyent de gens qui vouloyent qu'on se hazardast & combatist pour leurs querelles. Toutefois, pour abregẽr, le saufconduĩt fut accordẽ, & enuoyẽ, & diẽt que le lẽdemain, à deux heures apres midy, lediẽt Prince d'Orange, le Marechal de Gyẽ, le Seigneur de Piẽnes, & moy, en leur compaignie, nous trouuerions entre Bourg & Camarian, pres d'une tour, ou ilz faisoient le guet, & que là parleriõs ensemble: & nous y trouuasmes, bien accompagnez de Gens-d'armes. Lediẽt Marquis & vn Venitien, qui auoit la charge de leurs Estradiortz, y vindrent, & virent d'honnestes paroles, di-sans q̃ de leur part ilz desiroient la paix: & fut conclud que, pour parler plus à loisir, ilz viendroyent le lendemain quelques gens des leurs en l'Ost, & que le Roy apres enuoyeroit des siens au leur. Ce qui se feiti: & vint le lendemain deuers nous mẽsire Francisco Bernardin, Viscomte, pour le Duc de Mil-lan, & vn Secretaire du Marquis de Mantoue: & nous trouuasmes avec eulx, ceulx que i'ay nõmez, & le Cardinal de Saint-Malo: & entrasmes en prati-que de la paix: & demãdoyent Nouarre, en laquelle citẽ estoit assiegẽ le Duc d'Orleans. Aussi demandions nous Gennes, disans que c'estoit sief de Roy, & que lediẽt Duc de Milan l'auoit confisquẽ. Eulx l'excusoyent, disans n'a-uoir rien entrepris contre le Roy, que pour se deffendre, & que lediẽt Duc d'Orleans leur auoit prinse ladiẽte citẽ de Nouarre, & commencẽ la guerre, avec les gens du Roy, & qu'ilz croyoyent que leurs maĩtres ne feroient rien de ce que demandions, mais que toute autre chose vouldroyent faire pour cõplaire au Roy. Ilz furent là deux iours, & puis retournerent en leur Ost: ou nous allasmes lediẽt Marechal de Gyẽ, mõleigneur de Piẽnes, & moy, tous-iours sur la demande de ceste citẽ: & bien eusions nous estẽ cõtens que No-uarre se fust mise en la main des gens du Roy des Rommains (qui estoĩẽt en leur Ost, & dont estoient Chefz mẽsire Georges de Pietre-plane, & mẽsire

Federic Capellare, & vn nommé meſſire Hance) car nous ne le pouuions ſecourir que par la bataille, que nous ne deſirions point: & le diſions par ce que la Duché de Milan, eſt tenue en ſief de l'Empereur, & pour honneſtement ſ'en deſcharger. Pluſieurs allees & venues ſe firent de nous en leur Oſt, & des leurs au noſtre, ſans conſeſion: mais ie demouroie touſiours au giſte en leur Oſt: car tel eſtoit le vouloir du Roy, qui ne vouloit rien rompre. Finalement y retournasmes, & d'auantage y vint le Preſident de Gannay, pour porter la parole en latin, & vn, appelé monſeigneur de Moruiller, Baillif d'Amiens (car iuſques à lors i'auoye parlé en mauuais Italien) & eſtoient à coucher noz articles: & eſtoit noſtre façon de proceder que, ſi toſt que nous eſtions arriuez au logis dudiſt Duc, il venoit au deuât de nous, & la Duchefſe, iuſques au bout d'une galerie, & nous mettions tous deuant luy, à l'entree en ſa chambre, ou nous trouuions deux grans renes de chaires l'un deuant l'autre, & bien pres l'un de l'autre. Ilz ſe ſoyent de l'un des coſtez & nous de l'autre. Premier eſtoit aſſis, de ſon coſté, vn pour le Roy des Rommains, l'Ambaſſadeur d'Eſpaigne, le Marquis de Mantoue, les deux Prouidateurs Venitiens, vn Ambaſſadeur Venitien, & puis le Duc de Milan, ſa femme, & le dernier l'Ambaſſadeur de Ferrare: & de leur coſté ne parloit nul, que lediſt Duc, & du noſtre vn: mais noſtre cōdition n'eſt point de parler ſi poſément comme ilz font: car nous parlions quelquefois deux ou trois enſemble: & lediſt Duc diſoit, ho, vn à vn. Venât à coucher les articles, tout ce, qui ſ'accordoit, eſtoit eſcript incontinent, par vn Secretaire des noſtres, & auſſi par vn de leur coſté: & au departir, le liſoyent les deux Secretaires, l'un en Italien & l'autre en François, & quand on ſe reſſembloit, auſſi, à fin de voir ſi on y auoit point rien mué, & auſſi pour nous abreger. & eſt bonne forme pour expedier grand affaire. Ce traiſté dura enuiron quinze iours, & plus: mais, des le premier iour que commençasmes à traiſter, fut accordé que monſeigneur d'Orleans pourroit partir de là: & feiſmes vne trêue, ce iour, qui continua, iour apres autre, iuſques à la paix: & pour ſeureté dudiſt Duc, ſe mit en oſtage le Marquis de Mantoue, entre les mains du Comte de Foix: \* qui treſvolontiers le feit, & plus pour faire plaisir, que pour crainte: & premierement nous feirent iurer que nous procederions, à bon eſcien, au traiſté de paix, & que nous ne le faiſions point pour deliurer lediſt Duc d'Orleans ſeulement.

*Comment le Duc d'Orleans & ſa compaignie furent deliurez, par appointement, de la dure calamité de Nouarre, ou ilz eſtoient aſſiegez: & de la deſcente des Suiſſes, pour ſecourir le Roy & monſeigneur d'Orleans.*

Chap. 10.



LE Mareſchal de Gyé alla à ladiſte place, avec d'autres du Duc de Milan: & feit partir lediſt Duc d'Orleans ſeulement, à petite compaignie: qui à grand' ioye en ſaillit. Ceulx de ladiſte place eſtoient tant preſſez de ſaim & de maladie, qu'il ſalut que lediſt Mareſchal laiſſât ſon nepueu, appelé monſieur de Romefort en oſtage, promettant à ceulx de dedans qu'ilz partiroyent tous dedâs trois iours. Vous auez bien entendu

\* Je me doute qu'il ſuſſe ainſi entendre ce paſſage lequel Marq. de Mantoue treſvolontiers ſe mit en oſtage, & pl<sup>us</sup> pour ſon plaisir que pour crainte que nous euſſions de la perſonne de monſieur d'Orleans.

entendu comme parauant le Baillif de Digeon auoit esté enuoyé deuers les Suiffes, par tous leurs Cantons, pour en assembler iufques à cinq mille: qui à l'heure du partement du Duc d'Orleans, de la place de Nouarre, n'estoyent encores venus: car filz eussent esté venus, fans nulle doubte, à mon aduis, on eust combatu: &, combien que l'on fist bien leur qu'il en venoit plus largement que le nombre qu'on demandoit, si n'estoit il possible d'attendre, pour l'extreme famine qui estoit en ladiète place: ou il mourut bié deux mille hommes, que de faim que de maladie: & le reste estoit si maigre qu'ilz sembloient mieulx mortz que vifz: & croy que iamais hommes n'endurerent plus de faim (ie n'y vouldroye alleguer le Siege de Hierusalem) &, si Dieu les eust faictz sifages que de vouloir mettre les bledz dedans, qui estoient environ ladiète ville, quand au premier ilz la prindrent, ilz ne fussent iamais venus en cest inconuenient: & se fussent leurs ennemis leuez à leur grand' honte.

Trois iours, ou quatre, apres le partement dudiè Duc d'Orleans, dudiè Nouarre, fut accordé, des deux costez, que tous les Gés-de-guerre pourroyènt faillir: & furènt ordonnez le Marquis de Mâroue, & mesire Galeas de Saint-Seuerin Chefs de l'armee tant des Venitiens que du Duc de Milan, pour les conduire en seureté. Ce qu'ilz feirent: & demeura la place entre les mains de ceulx de la ville: qui feirent serment de n'y mettre ne François n'Italiés, iufques à ce que le tout fust conclud: & demourerent trente hommes au chasteau, à qui le Duc de Milan laissoit auoir viures, pour leur argêt, ce qu'il leur en faloit, pour chascun iour seulement: & ne croiroit on iamais, fans l'auoir veue, la pauureté des personnes qui en failloient. Bien peu de chenuaulx en faillit: car tout estoit mangé: & n'y auoit point six cens hommes qui se fussent peu deffendre, combien qu'il en faillit bien cinq mille cinq cens. Largement en demouroit par les chemins: à qui les ennemis propres faisoient de l'aide. Je sçay bien que i'en fauluy bien cinquâte pour vn escu, au pres du petit chasteau que les ennemis tenoyent, appelé Camarian: qui estoient couchez en vn iardin, & à qui on donna de la soupe: & n'en mourut qu'un: sus le chemin en mourut environ quatre: car il y auoit dix mils de Nouarre à Verceil, ou ilz alloient. Le Roy vsa de quelque charité vers ceulx qui arriuerènt audiè Verceil: & ordonna huit cens Frâcs, pour les departir en aulmosnes: & aussi des payemens de leurs gages: & furènt payez les mortz & les vifz: & aussi les Suiffes, dont il estoit bien mort quatre cens: mais, quelque bien qu'on leur sceust faire, il mourut bien trois cens hommes audiè Verceil, les vns par trop manger, les autres par maladie, & largement sus les fumiers de la ville.

Enuiron ce temps que tout fut dehors, exceptez trente hommes, qu'on auoit laissez au chasteau, dont chascun iour en faillit quelcun, arriuerent les Suiffes, le nombre de huit ou de dix mille hommes, en nostre Ost, ou y en auoit quelque deux mille, qui auoyent seruy le voyage de Naples. Tous les autres demourerent aupres de Verceil, enuiron à dix mils: & ne fut point cõseillé le Roy de laisser ioindre ces deux bendes: ou estoient bien vingt deux mille: & croy que iamais ne se trouuerènt tant de gens de leur païs ensemble:

& selon l'opinion des gens qui les congnoissoient, il demeura peu de gens combatans en leurs pais : & vindrent, la pluspart, maulgré qu'on en eust : & salut deffendre l'entree du pais de Piemont, pour n'en laisser plus passer, ou les femmes & les enfans y fussent venus. On pourroit demander si ceste venue procedoit de grâd amour, veu que le feu Roy Louis leur auoit fait beaucoup de biens, & les auoit aidez à eulx mettre en la gloire du monde, & à la reputation. Vray est qu'aucuns vieulx auoyent amour au Roy Louis onzieme : & y vint beaucoup de Capitaines, qui auoyent soixante & douze ans passez : qui auoyent esté Capitaines contre le Duc Charles de Bourgogne : mais la principale cause estoit avarice, & leurs grandes pauuretez : car, à la verité, tout ce qu'ilz auoyent de gens combatans y vindrent. Tât de beaux hommes y auoit, que ie ne vey iamais si belle compagnie, & me sembloit impossible de les auoir sceu descôfrire, qui ne leseust prins par faini, par froid ou par autre necessité.

Or fault venir au principal point de ce traité. Le Duc d'Orleans, qui ia auoit esté huiet ou dix iours à son aise, & qui estoit acôpaigné de toutes sortes de gens, & à qui il sembloit bien qu'aucuns auoyent parlé de ce que tant de gens, côme il auoit dedans Nouarre avec luy, s'estoyent laissez mener à ceste necessité, parloit fort de la bataille, & vn ou deux avec luy, monseigneur de Ligny, & l'Archeuesque de Rouen, qui se mesloit de ses besongnes : & deux ou trois menus person nages forgerét aucuns Suisses, qui venoyét s'offrir à cōbatre, & n'alleguoyent aucune raison. car le Duc d'Orleans n'auoit plus en la place que trete hommes au chasteau : & ainsi n'y auoit plus d'occasion de cōbatre : car le Roy ne pretendoit aucune querelle, & ne vouloit cōbatre que pour sauuer la personne du Duc & de ses seruiteurs. Les ennemis estoyét biē fortz : & estoit impossible de les prendre dedans leur Ost, tant estoyent bien fermez de fosses pleins d'eau, & l'assiete propre : & n'auoyent à se deffendre que de nous : car de ceulx là de la ville n'auoyét ilz plus de craite. Ilz estoyét bien deux mille huitcens Hommes-d'armes bardez, & cinq mille Cheuaulx-legers, onze mille cinq cens Alemās, menez par bons Chefz (côme ce messire Georges de Pietre-plane, messire Federic Capelare, messire Hāce) & autre grand nombre de Gens-de-pied, & sembloit bien parler par volenté, de dire qu'on les deust prendre leās, ne qu'ilz deussent fuir. Vn autre plus grād doubte y auoit : c'estoit que, si tous les Suisses se trouuoient ensemble, ilz ne prinssent le Roy, & tous les hommes riches de sa compagnie, qui estoit bien foible, au pris d'eulx, & qu'ilz ne les menassent en leur pais, & quelque apparence s'en veit, comme verrez par la conclusion de la paix.

*Comment la paix fut conclue entre le Roy & le Duc d'Orleans d'un costé, & les ennemis de l'autre : & des condusions & articles, qui furent contenus en ladicte paix.*  
Chap. 11



Estans toutes ces questions parmy nous, & que ledict Duc d'Orleans en print debat avec le Prince d'Orége, iusques à le desmectir, nous retournasmes ledict Marechal, le seigneur de Piēnes, le Presidēt Gānay, le Seigneur Moruillier, le Vidafme de Chartres, & moy,

& moy, en l'Ost des ennemis : & cōclufmes vne paix, croyans bien, par les signes que voyons, qu'elle ne tiendroît point : mais nous auions necessité de la faire, pour maintes raisons qu'avez entendues, & pour la saison d'yuer, qui nous y cōtraignoit, & aussi par faulte d'argent, & pour nous departir honorablement, avec vne honorable paix par escript, qui se pourroit enuoyer par tout, comme elle fut : & ainsi l'auoit conclud le Roy, en vn grand cōseil, present le Duc d'Orleans. La substance estoit que le Duc de Milan seruiroit le Roy, de Gennes, contre tout le mode : & en ce faisant, il seroit equipper deux nauites, à ses despens, pour aller secourir le chasteau de Naples, qui encores tenoit : & l'annee apres, de trois, & de sa personne, seruiroit le Roy, de rechef, à l'entreprinse du royaume, au cas que le Roy y retournaist, & donneroit passage aux gens du Roy : & en cas que les Venitiens n'acceptassent la paix dedans deux moys, & qu'ilz voulussent soustenir la maison d'Arragô, il deuoit soustenir le Roy contre eulx, moyennant que toute ce que le Roy prendroit de leurs terres, luy seroyent baillees, & employeroit sa personne, & subiectz : & quicthoit au Roy quatre vingtz mille Ducatz, de cent vingt quatre mille, qu'il luy auoit prestez en ce voyage, que le Roy auoit fait : & deuoit bailler deux ostages de Gennes, pour seureté : & fut mis le Chastelet entre les mains du Duc de Ferrare, comme neutre pour deux annees entieres : & payoit ledict Duc de Milan la moitié de la garde, qui estoit audiect Chastelet, & le Roy l'autre : & en cas que le Duc de Milan feist rien de Gènes cōtre le Roy, ledict Duc de Ferrare pouuoit bailler ledict Chastelet au Roy : & deuoit bailler deux autres ostages de Milā, qu'il bailla : & aussi eust fait ceulx de Gènes, si le Roy n'eust esté si hastif de partir : mais, des ce qu'il le veit party, il s'exculā.

Des ce que nous fusmes retournez de faire iurer ceste paix au Duc de Milan, & que les Venitiens eurent prins terme de deux moys de l'accepter ou non (car plus auant ne se voulurent mettre) ledict Seigneur iura aussi ladicte paix : & des le lendemain, delibera de partir, cōme celuy qui auoit grād' enuie de retourner en France, & aussi auoit toute sa compaignie : mais, la nuit, les Suisses, qui estoient en nostre Ost, se mirent en plusieurs conseilz, chascun avec ceulx de son Canton, & sonnerent leurs tabourins, & tindēt leur tenc : qui est la forme de leur conseil : & ces choses, que ie dy, me compta Lornay : qui estoit vn des Chefs d'entr'eulx, & tousiours a esté, & qui entend bien la langue, & estoit couché en l'Ost, & vint aduertir le Roy.

Les vns disoyent qu'ilz prinsent le Roy, & toute sa compaignie, c'est assçauoir les riches. D'autres ne s'y consentoyent point, mais bien qu'on luy demandaist le payemēt de trois moys, disant qu'ainsi leur auoit esté promis, par le Roy son pere, que toutes les foys qu'ilz sortiroient de leurs pais, avec leurs bannieres, que tel payement deuoyent auoir. Autres vouloyent qu'on ne prinst q̄ les principaux, sans toucher au Roy : & se dispoysent de l'excuser : & auoyent iā largement gens dedans la ville : mais, auant qu'ilz eussent conclu, le Roy partit, & tira vers Trin, vne ville du Marquis de Môsferrat. Toutesfois ilz auoyent tort. car il ne leur auoit esté promis qu'un moys de payement. aussi ne seruient point. Pour fin de compte, on appointra avec

\* Il y auoit ici,  
et peu apres,  
Turin : mais  
mal, cōme il se  
voit par l'ay  
misme, et par  
le verg. d'hen-  
neur, qui n'ime  
cette nulle  
Trinc.

eulx:mais, auant,ilz prindrent lediēt Baillif de Digeon & Lornay (mais ce furent ceulx qui auoyent esté avec nous à Naples) qui tousiours auoyēt esté leur Chefs,pour auoir vn payement de quīze iours, pour eulx en aller : mais les autres furent payez de trois moys : & monta bien le tout cinq cens mille Francs,desquelz ilz se fierent en pleiges & en ostages:& cela aduint des François propres, qui le leur mirent en auant:car vn de leurs Capitaines en vint aduertir le Prince d'Orenge, qui le dist au Roy:& c'estoit par despit de ceste paix.

Si tost que le Roy fut arriué à Trin, enuoya, vers le Duc de Milan, lediēt Marechal, President de Gannay, & moy, à fin qu'il voulust venir deuers lediēt Seigneur,pour parler à luy:& luy dismes plusieurs raisons pour le faire venir : & que cela seroit la vraye confirmation de la paix. Il nous dist plusieurs raisons au contraire:& s'excusa sus aucunes paroles que monseigneur de Ligny auoit dictes (c'est à sçauoir qu'on le deuoit prendre quād il fut deuers le Roy à Pautie) & sur d'autres paroles, qu'auoit dictes le Cardinal, qui auoit tout le credit avec le Roy. Il est bien vray que plusieurs folles paroles auoyent esté dictes. De qui que ce fut ie ne sçay : mais, pour lors, le Roy auoit enuie d'estre son amy. Il estoit en vn lieu appelé Bolie:& vouloit biē parler, vne barriere entre deux, & vne riuere. Quand le Roy eut sceu ceste response, il tira à Quiers, ou il n'arresta qu'une nuit ou deux:& print son chemin pour passer les mōtz, & me r'enuoya à Venise, & d'autres à Gēnes, pour armer ces deux naues, que lediēt Duc deuoit ptester:mais de tout ne fēt riē, & leur laissa faire grand' despenſe & grand apprest, & puis les garda de partir:& au contraire, il en enuoya deux contre nous, en lieu de tenir promesse.

*Comment le Roy renuoya le Seigneur d'Argenton à Venise, pour les conditions de la paix:lesquelles refuserent des tromperies du Duc de Milan.*

*Chap. 12.*

**M**A charge estoit, à Venise, de sçauoir s'ilz vouldroyēt accepter ceste paix & passer trois articles. Le premier, rēdre Monopoly, qu'ilz auoyēt prins sus nous. L'autre, de retirer le Marquis de Mantoue, & autres qu'ilz auoyēt au royaume de Naples, du seruice du Roy Ferrand. Le tiers, qu'ilz declarassent que le Roy Ferrand n'estoit de la ligue, qu'ilz auoyent faicte de nouveau:ou estoit nommé seulement le Pape, le Roy des Rōmains, le Roy d'Espaigne, & le Duc de Milā. Quand l'arriuay audiēt lieu de Venise, ilz me recueillirēt honorablemēt:mais non point tant qu'ilz auoyent fait au premier coup.aussi nous estions en inimitié declaree, & la premiere fois, nous estiōs en paix. Ie dy ma charge au Duc de Venise:& il me dist que ie fusse le tresbien venu, & que de brief il me feroit response, & qu'il se conseileroit avec son Senat. Par trois iours ilz feirēt procesſiōs generales, & grandes aulmosnes, & sermōs publiques, priāt Nōstre-seigneur qu'il leur donnast grace de prēdre bō conseil:& me fut diēt que souuent le font en cas semblable. Et, à la verité, ce me semble la plus reuerente cité que i'ay iamais veue, aux choses ecclesiastiques, & qui ont leur seglises mieulx parees & accoustrees:

coultees: & en cela ie les tien assez egaulx aux Rommains: & croy que de là vient la grâdeur de leur Seigneurie: qui est digne d'augméter plus que d'apetisser. Pour conclusion de mon affaire, i'attēdy quinze iours, auāt qu'à uoir respōse: qui fut de refus de toutes mes demandes: disans n'auoir aucune guerre avec le Roy, & que ce, qu'ilz auoyent fait, estoit pour aider à leur allié le Duc de Milan, que le Roy vouloit destruire: & feirēt parler à part, avec moy, le Duc: qui m'offrit bon appoinctement: qui fut que le Roy Ferrād feroit hommage, au Roy, du royaume de Naples, & du consentemēt du Pape, & qu'il payeroit cinquante mille Ducatz l'an, de cēs, & quelque somme cōtent, & qu'ilz la presteroyent, & entendoient, moyennant ce prest, auoir entre leurs mains les places qu'ilz ont en la Pouille, comme Brandis, Otrāte, Trani, & autres: & ausi bailleroit lediēt Dom Ferrand, ou laisseroit au Roy, quelque place au quartier de la Pouille, pour seureté: & vouloyent dire Tarēte, que le Roy tenoit encores: & en eust baillé vne ou deux d'auantage: & s'offroyent de les bailler de ce costé, par ce que c'estoit le plus loing de nous: mais ilz se couuroient en ce que c'estoit en lieu pour seruir contre le Turc, dont le Roy auoit fort parlé quand il entra en Italie, disant qu'à ceste fin il faisoit ceste entreprinse, & pour en estre plus pres. qui fut vne tresmeschante inuention: car c'estoit menfonge: & l'on ne sçauoit celer à Dieu les pensees. Oultre m'offroit lediēt Duc de Venise que, si lediēt Roy vouloit entreprendre contre le Turc, qu'il auroit acces en ces places que ie dy, & que toute Italie y contribueroit: & que le Roy des Rommains feroit la guerre de son costé ausi: & que le Roy & eulx tiendroyent toute Italie: & qu'aucun ne contrediroit à ce qu'ilz en ordonneroyent: & que, pour leur part, seruiroyent le Roy avec cent galees, à leurs despēs, & de cinq mille cheuaux par terre.

Je prin congé dudiēt Duc & Seigneurie, disant que i'en feroie le rapport au Roy. Je reuein à Milan: & trouuay le Duc de Milan à Vigēue: ou estoit vn Maistre-d'hostel du Roy, appelé Rigault Dorelles, Ambassadeur pour le Roy. Lediēt Duc vint au deuant de moy, faignant chacer: car ilz sont aīsi honorables aux Ambassadeurs. Il me feit loger en son chasteau, en tres-grand honneur. Je luy suppliay de pouuoir parler à luy, à part. Il dist qu'il le feroit: mais il monstroit signe de ne le chercher point. Je le vouloye presser de ses nauires, qu'il nous auoit promis par ce traité de Verceil: qui estoient en estat de partir (& encores tenoit lediēt chasteau de Naples) & il faignoit de les bailler: & estoit à Gennes, pour le Roy, Peron de \* Basche, son Maistre-d'hostel, & Estienne de Neues: qui soubdainement m'escriuirent, des ce qu'ilz sceurent ma venue là, se doulans de la trôperie du Duc de Milā, qui faignoit de leur bailler les nauires, & au cōtraire, en auoit enuoyé deux contre nous. L'un iour respondit le Gouverneur de Gennes qu'il ne souffriroit point que lesdictes nauires fussent armées des Frāçois, & qu'en chascun n'en mettroit que vingteiq, avec maintes autres excuses de ceste sorte, dissimulāt & attēdānt les nouvelles q lediēt chasteau de Naples fust tēdu, ou lediēt Duc sçauoit bien qu'il n'y auoit viures que pour vn moys ou enuiro: & l'armee qui se faisoit en Prouence, n'estoit point suffisante pour faire lediēt

\* En ce lieu estoit alsi escript desbaucher qui approche- roit auantemēt de di Basser en Guet, mais parauant il est presque tous- iours nūmē de Basche.



secours, sans lesdictes deux nauires : car les ennemis auoyent, deuant ledict chasteau, grosse armee de mer, tât d'eulx que des Venitiens & du Roy d'Espaigne. Trois iours ie fu avec ledict Duc. L'un iour il se mit en conseil avec moy, se courrouçant que ne trouuoie pas bonne la responce qu'il faisoit touchant lesdictes nauires : & disoit que par le traicté de Verceil, il auoit bié promis de seruir avec deux nauires, mais qu'il n'auoit point promis de laisser monter aucuns François dessus. A quoy ie respôdy que ceste excuse me sembloit bien maigre : & si d'aduenture il me prestoit vne bonne mule pour passer les montz, que feroit il pour moy, de la me faire mener, & que ie n'en eusse que la veue, sans pouuoir monter dessus ? Apres longs debatz, il me retira en vne galerie à part. là luy monstray la peine que d'autres & moy auions prinse, pour ce traicté de Verceil, & le peril en quoy il nous mettoit d'aller ainsi au contraire, & faire ainsi perdre au Roy ses chasteaux : qui estoit la totale perdition du royaume de Naples, & qui feroit haine perpetuelle entre le Roy & luy : & luy offry la principaulté de Tarante, avec la Duché de Bari. car ia il \* la tenoit. Luy disoye le peril en quoy il se mettoit, & toute l'Italie, de vouloir consentir que les Venitiens eussent ces places en la Pouille. Il confessoit que ie disoye de tout verité, par especial des Venitiens : mais, pour toute cōclusion, il me dist qu'il ne pouuoit trouuer, avec le Roy, aucune seureté ne fiance.

\* Entendez la Duché seulement.

Apres ces deuises, ie prin congé dudiect Duc de Milan : le quel me cōduisit vne lieue : & au partir, aduisa vne plus belle mensonge (si on doit ainsi parler des Princes) que deuant, luy semblant bien que ie m'en alloie fort melancolique. Ce fut qu'il me dist soubdainement, comme vn homme qui change propos, qu'il me vouloit monstrier vn tour d'amy, à fin que le Roy eust occasion de me faire bonne chere, & que le lendemain il feroit partir messire Galeas (qui estoit le tout, quand il me nommoit cestuy là) pour aller faire partir lesdictes nauires, & ioinde avec nostre armee, & qu'il vouloit faire seruire au Roy, tel que de luy sauuer son chasteau de Naples, & qu'en ce faisant il luy saueroit le royaume de Naples (il disoit vray, si l'eust fait) & que, quand elles seroyent parties, il m'escrira de sa main, à fin que par moy le Roy en sceust des nouuelles le premier, & qu'il veist que ie luy auoye fait ce seruire, & que le Courrier me ioindroit auant que ie fusse à Lyon : & en ceste bonne esperance ie party, & me my à passer les mōtz, & n'ouy venir poste derriere moy, que ie ne cuidasse que ce fust celuy qui me deuoit apporter les lettres dessusdictes, combien que i'en faisoie quelque doubte, congnoissant l'homme : & vein iusques à Chambery, ou ie trouuay monseigneur de Sauoye, qui me feit bonne chere : & me retint vn iour : & puis ie vein à Lyon, sans ce que mon Courrier vinst, du tout faire mon rapport au Roy, qui lors estoit entendant à faire bonne chere, & iouster : & d'autre chose ne luy chaloit. Ceulx qui auoyent esté courroucez de la paix de Verceil, furent fort ioyeux de la tromperie que nous auoit fait le Duc de Milan : & en creut leur autorité : & me sauerent bien la teste, comme on a accoustumé de faire aux Courtz des Princes en semblable cas.

l'estoye bien iré & marry. Je comptay au Roy, & mōstray par escript, l'offre que

fre que les Venitiens luy faisoient, qu'auiez entendu deuant : dont il ne feist aucune estime : & moins encotes le Cardinal de Sainct-Malo, qui estoit ce luy qui conduisoit tout. toutesfoiſ i'en parlay vne autre foys : & me sembloit qu'il eust mieulx valu accepter ceste offre que de perdre le tout : & ausſi ie ne voyoy point gens pour conduite telle entreprinſe : & n'appelloient aucun qui leur peust aidet, ou le moins ſouuent qu'ilz pouuoient. Le Roy l'eust bien voulu : mais il estoit craintif de desplaire à ceulx à qui il donnoit le credit, & par especial à ceulx qui manioient ſes Finances, comme ledict Cardinal, ſes freres & parens. Et est bel exemple pour les Princes : car il fault qu'ilz prennent la peine de conduire eulx meſmes leurs affaires, pour le moins quelquefois, & en appelet d'autres, ſelon les matieres, & les tenir presque egaulx : car, ſ'il en y a vn ſi grand que les autres le craignent (comme feist le Roy Charles huiſtieme, & à fait iuſques icy, qui tousiours en a eu vn) cestuy là est le Roy & Seigneur, quant à l'effect : & se trouue le maistre mal ſeruy, comme il a esté de ſes gouuerneurs : qui ont tresbien fait leurs beſongnes, & mal les ſiennes : & en a esté moins estimé.

*Comment le Roy, eſtant retourné en France, mit en oubly ceulx qui eſtoient demouré à Naples : & comment monſieur le Dauphin mourut dont le Roy & la Royne menerent grand deuil.*

*Chap.*

13.

**M**On retour, à Lyon, fut l'an mil quatre cens quatre vingtz & quinze, le douzieme iour de Decembre : auquel lieu estoit ia arriué le Roy, avec son armee : & auoit esté dehors, audict voyage \* vn an, & enuiron deux moys : & tenoyent encotes les chasteaux de Naples, comme i'ay dit peu plus auant : & estoient cores, audict royaume de Naples, monſieur de Montpencier, Lieutenant du Roy, & à Salerne, avec le Prince du lieu, & monſieur d'Aubigny en Calabre, ou presque tousiours il auoit esté malade : mais bien & grandement y auoit ſeruy : & meſire Gracien des guerres estoit en l'Abruzzo : Dom Iulian au Mont-sainct-Ange, & Georges de Suly à Tarante : mais le tout tant pauvre, & tant abandonné, que l'on ne le ſçauoit penſer, ſans auoit, à grãd peine, vne nouuelle ou lettres : & celles, qu'ilz auoyent, n'estoyent que menſonges, & promeſſes ſans effect. Car, comme dict est, de ſoy le Roy ne faiſoit rien : & qui les eust fournis des ſommes d'argent à heure, dont on a deſpẽdu ſix fois le double, iamais n'euffent perdu le royaume. Et finalement leur vindrent quarante mille Ducatz ſeulement : qui leur furent enuoyez, quand tout fut perdu, pour part de leur ſoulde d'un an : & y a plus, que, ſ'ilz fuſſent arriuez vn moys plus toſt, les maulx & hontes qui leur aduindrent, comme entendez, ne leur fuſſent pas aduenus, ne les diuiſions : & tout par faulte que le maistre n'expedioit rien de luy, ny n'eſcoutoit les gens qui en venoyent : & ſes ſeruiteurs, qui ſ'en meſloyent, estoient peu experimentez, & pateteux : & croy que quelcun auoit intelligence avec le Pape : & sembloit que Dieu laiſſaſt, de tous poinctz, à faite la grace au Roy qu'il luy auoit faiſte à l'aller.

Après que le Roy eut ſeourné à Lyon, deux moys, ou enuiron, luy vindrẽt

*\* Avant pour tout, il y auoit 22. moys : qui euffent esté buſ, ſi Charles fuſt party des 1493 mais Côme meſme, par ſa deductiõ d'histoire, mouſtre que nō, en quel que 1524 que ne uouldrez.*

nouvelles comme mōsieur le Daulphin, son seul filz, estoit en peril de mort: &, trois iours apres, luy vindrent nouvelles qu'il estoit trespasſé. Lediſt Seigneur en eut dueil, comme la raison le veult: mais peu luy dura le dueil: & la Royne de France, Duchesse de Bretagne, appelee Anne, en mena le plus grand dueil qu'il est possible que femme peult faire: & longuement luy dura ce dueil: & croy que, oultre le dueil naturel que les meres ont acoustumé d'a uoir de la perte de leurs enfans, le coeur luy iugeoit quelque grand dōmage à venir. Au Roy son mary dura peu ce dueil, comme diſt est: & la voulut reconforter de faire dancier deuant elle: & y vindrent aucuns ieunes Gentilzhommes, que le Roy y feit venir pour dancier: &, entre les autres, y estoit le Duc d'Orleans, qui pouuoit bien auoir trente quatre ans. Il luy sembloit bien qu'il auoit ioye de ladiſte mort, à cause qu'il estoit le plus prochain de la couronne apres le Roy: & furent long temps apres, sans parler ensemble, pour ceste cause. Lediſt Daulphin auoit enuiron trois ans: bel enfant, & audacieux en parole: & ne craignoit point les choses que les autres enfans ont accoustumé de craindre: & vous d'y que, pour ces raisons, le pere en passa aisement son dueil, ayant desia dāubte que tost cest enfant ne fust grand, & que continuant ses conditions, il ne luy diminuast l'autorité & puissance: car lediſt Roy ne fut iamais que petit homme de corps, & peu entendu: mais estoit si bon qu'il n'est possible de voir meilleure creature.

Orentendez quelles sont les miseres des grans Roys & Princes, qui ont paour de leurs propres enfans. Le Roy Louis onzieme, son pere, en auoit eu paour: qui fut si sage & vertueux: mais bien sagemēt y pourueut: &, apres, en l'aage de quatorze ans il le laissa Roy. Lediſt Roy Louis auoit fait pāour à son pere le Roy Charles septieme: car il se trouua en armes, & en assemblee contre luy, avec aucuns Seigneurs & Cheualiers de ce royaume, en matiere de brouillis de Court, & de gouuernement (& le m'a maintesfois compté lediſt Roy Louis onzieme) ayant enuiron l'aage de treze ans: mais cela ne durera point. Mais depuis qu'il fut hōme, il eut grand' diuision avec lediſt Charles septieme, son pere: & se retira au Daulphiné, & de là en Flandres, laissant lediſt pais du Daulphiné audiſt Roy son pere: & est parlé de ce propos au commencement de ces Memoires, touchant le regne dudiſt Roy Louis onzieme. Aucune creature n'est exempt de pāision: & tous mangeussent leur pain en peine & en douleur. Nostre-seigneur leur promit, des ce qu'il feit l'homme \*, & loyaument là tenu à toutes gens: mais les peines & douleurs sont differentes: & celles du corps sont les moindres, & celles de l'entendement les plus grandes. Celles des sages sont d'une façon, & celles des folz d'une autre: mais trop plus de douleur & pāision porte le fol que le sage, combien qu'à plusieurs semble le contraire, & si y a moins de reconfort. Les pauures gens, qui trauaillent & labourent, pour nourrir eulx & leurs enfans, & payent la taille & les subſides à leurs Seigneurs, deuroyent viure en grand desconfort, si les grans Princes & Seigneurs n'auoyent que tous plaisirs en ce monde, & eulx trauail & misere: mais la chose va bien autrement: car, se ie me vouloye mettre à escrire les pāisions que i'ay veu porter

*Un discours sur  
les peines &  
doubtes des  
gras Princes, par  
l'exemple de tous  
Roys de France,  
s'entresuyuant.*

*\* Au moins peu  
apres, quand il  
eut enſeint son  
commandement.*

aux grans, tant hommes que femmes, depuis trente ans seulement, i'en seroye vn gros liure (ie n'enten point de ceulx qui sont des condicions de ceulx qui sont nommez au liure de Bocace: mais i'enten de ceulx & celles qu'on voit en toute richesse, santé, & prosperité) & ceulx, qui ne les pratiquoyent point de si pres comme moy, les reputoyent estre bien heureux: & si ay veu maintes fois leurs desplaisirs & douleurs estre fondez en si peu de raison, qu'à grãd peine l'eussent voulu croire les gens qui ne les hantoyēt point: & la plupart estoient fondez en soupçons & rapportz. qui est vne maladie cachee, qui regne aux maisons des grans Princes, dont maint mal aduient, tant à leurs personnes, qu'à leurs seruiteurs & subiectz: & s'en abregēt tāt leur vie, qu'à grãd peine s'est veu aucun Roy en France, depuis Charlemaigne, auoir passé soixante ans. Pour ceste suspicion, quand le Roy Louis onzieme vint & approcha du terme, estant malade de ceste maladie, se iugeoit desia mort. Son pere Charles septieme, qui tant auoit fait de belles choses en France, estant malade, se mit en fantasie qu'on le voulust empoisonner: parquoy il ne voulut iamais manger. Autres suspicions eut le Roy Charles, sixieme, qui deuint fol, & tout par rapport. Ce qui doit estre reputé à grand' faulte aux Princes, quand ilz ne les aduerent ou font aduerer, si ce sont choses qui leur touchent, encores que ne fussent de trop grand' importāce (car par ce moyē ilz n'en auroyent point si souuent) & faudroit en demander aux personnes l'un deuant l'autre. l'enten de l'accusateur & de l'accusé: & par ce moyen ne se feroit aucun rapport, s'il n'estoit veritable: mais il en y a de si\* bestes qu'ilz promettent & iurent n'en dire rien: & par ce moyen ilz emportent aucunes fois ces angoisses dont ie parle, & si hayent le plus souuent les meilleurs, & les plus loyaux seruiteurs qu'ilz ayent, & leur font des dommages, à l'appetit & rapport de plusieurs meschans: & par ce moyen font de grans tortz, & de grans griefz à leurs subiectz.

\* Des Nobles malheureux.

\* Il entend des Princes.

*Comment les nouvelles de la perte du chasteau de Naples veindrent au Roy: de la vendition des places des Florentins à diuerses gens: du traicté d'Atelle en la Pouille, au grand dommage des Francoys: & de la mort du Roy Ferrand de Naples.*

Chap. 14.



Et trespas de monseigneur le Daulphin, seul filz du Roy Charles huitieme, fut enuiron le commencement de l'an mil quatre cens quatre vingtz & seize: qui luy fut la plus grand' perte, que iamais luy fust aduenue, ne qui luy peust aduenir: car iamais n'a plus eu enfant qui ait vescu. Ce mal ne vint point seul: car, en ce propre tēps, luy vindrent nouvelles que le chasteau de Naples estoit rendu, par ceulx que monseigneur de Montpencier y auoit laissez, par\* faueur, & aussi pour auoir les Ostages que ledict Seigneur de Montpécier auoit baillez: qui estoient mōsieur d'Alegre, vn des enfā de la Marche-d'Ardaine, & vn appelé de la Chapelle\* de Loudonnois & vn appelé Jehan Roquebertin, Carélan: & reuindrent par mer ceulx qui estoient audict chasteau. Vne autre hōte & dommage luy aduint: c'est qu'un appelé Entragues, qui tenoit la Citadelle de Pise, qui estoit le fort, & qui tenoit ceste cité en subiection, bailla ladiete Cita-

\* famine y seroit possible, & meilleur.

\* Il arriue il dit d'Antoin mais, si l'un est compris de dans l'autre, tous deux seroyent bons.

delle aux Pisans. qui estoit allé contre le serment du Roy: qui deux fois iura aux Florentins de leur rendre ladicte Citadelle, & autres places, comme Serzane, & Serzanelle, Pietre-sainte, Librefacto, & Morron, que les Florentins auoyent presté audict Seigneur, à son grâd besoing & necessité, à son arriuee en Italie, & donné six vingtz mille Ducatz: dont il n'en restoit que trête mille à payer quand nous repassames, comme en quelque autre endroit en a esté parlé. Brief, toutes ces places furent vendues. Les Geneuois acheperent Serzane & Serzanelle: & les leur vendit vn Bastard de Saint-Paul. Pietre-sainte vendit encores ledict Entragues aux Luquois, & Librefacto aux Venitiens: le tout à la grand' honte du Roy, & de ses subiectz: & au dommage & consommation de la perte du royaume de Naples. Le premier serment, comme dict est ailleurs, que le Roy feit de la restitution desdictes places, fut à Florence, sus le grand autel, en la grande eglise de Saint-Iehan. Le second fut en Ast, quand il fut retourné: & presterent les Florentins trente mille Ducatz content audict Seigneur, qui en auoit bien grand besoing, par condition que, si Pise se rendoit, le Roy ne payeroit rien de ladicte somme, & seroyent rendus les gages & bagues qu'on leur bailloit: & si deuoyent prester audict Seigneur encores soixante mille Ducatz, & les faire payer cōtent, au royaume de Naples, à ceulx qui encores estoient là pour le Roy, & tenir audict royaume trois cens Hommes d'armes continuellement, à leurs despens, au seruice dudiect Seigneur, iusques à la fin de l'entreprinse. Et, pour ceste mauuaistié dicte, rien ne se feit de ces choses: & salut rendre lesdictz trente mille Ducatz que les Florentins auoyent prestez: & aduint tout ce dommage par faulte d'obeissance, & par rapportz en l'oreille: car aucuns, des plus pres de luy, donnerent coeur audict Entragues d'ainsi le faire.

En ce mesme temps, deux moys plus ou moins, au commencement de ceste annee mil quatre cens quatre vingtz & seize, voyant monseigneur de Montpencier & le Seigneur Virgile Vrsin, messire Camille Vitelly, & autres Capitaines François, que tout estoit ainsi perdu, se mirent aux champs, & prindrent quelques petites places: & là leur vint au deuant le Roy Ferrand, filz du Roy Alphonse (qui l'estoit voué de religion, comme auez veu deuant) avec ledict Marquis de Mantoue, frere de la femme dudiect Montpencier, & Capitaine general des Venitiens: qui trouuerent logé ledict Montpencier en vne ville, appelee Atelle, lieu tresauantageux pour eulx, pour auoir viures, en vn hault: & y fortifierent leurs logis, comme ceulx qui craignoient la bataille. car ledict Roy Ferrand, & les gens, auoyent tousiours esté batus en tous lieux, & ledict Marquis, en venant à Fornoue, ou nous auions combatu: & l'auoyent les Venitiens\* presté au Roy Ferrand, auquel ilz presterent aussi quelque somme d'argent, qui valoit peu, pour les gages qu'ilz en prindrent: car ilz en eurent six places en la Pouille, de grâd' importance, comme Brandis, Trani, Galipoli, Crana, Otrâte & Monopoly, qu'ilz auoyent prinse sus nous, & compterent le seruice de leurs Gens d'armes, qu'ilz auoyent audict royaume: & tant qu'ilz tiennent lesdictes places pour deux cēs mille Ducatz: & puis veulent cōpter la despense de les garder:

&amp; croy

\* Tout ce lieu est fort corrompu: car pour ces places, n'en étoit que cinq: dont il n'y en eut que deux. Tranne deux fois: pour la dernière desquelles le marquis Crana, la trouuaant assez pres de Tranien la carte. Ion. en un lieu, mer, pour ceste Crana et Galip. Polignanum et Mola: mais son Traducteur au lieu la premiere de ces 2. et en un autre lieu pour Mola & Polig. ne met que Syponatus, qu'il estuy Trad. roume en Mafredonia. Qui a fait que ie n'ay scuy comment les sig. ure.

& croy que leur intention n'est point de les rendre : car ilz ne l'ont point de coustume, quand elles leur sont bien seantes, comme sont celles cy, qui sont du costé de leur Gouffre de Venise : & par ce moyen sont vrayz Seigneurs du Gouffre. qui est vne chose qu'ilz desirent. Et me semble que dudit Otrante (qui est le bout du Gouffre) y a neufcens mils iusques à Venise. Le Pape y a eu autres places entre deux : mais il fault que tout paye gabelle à Venise, qui veult nager par ledict Gouffre. Et est grād' chose à eulx d'auoir acquis ces places, & plus que beaucoup de gens n'entendent : car ilz en tirent grās bleds & huiles, qui leur sont deux choses bien seantes.

Audit lieu dont ie parle, suruint question entre les nostres, tant pour les viures, qui se commencerent à diminuer, que pour faulte d'argēt : car il estoit deu aux Gens-d'armes vn an & demy, & plus : & auoyent enduré grādes pauuretez. Aux Alemans estoit aussi deu largement, mais non tant : car tout l'argent, que monseigneur de Montpencier pouuoit finer en royaume, estoit pour eulx : toutefois il leur estoit deu vn an, & plus. Ilz auoyent pillé plusieurs petites villes, dont ilz estoient enrichis. Si les quarāte mille Ducatz, qu'on leur auoit promis enuoyer, y eussent esté, ou que l'on eust sceu qu'ilz eussent esté à Florence, le debat, qui y aduint, n'y fust point aduenu : mais tout estoit sans espoir. Plusieurs des Chefz m'ont dit que, si noz gens eussent esté d'accord pour combattre, il leur sembloit qu'ilz eussent gaigné la bataille : & quand ilz l'eussent perdue, ilz n'eussent point perdu les gens qu'ilz perdirēt, en faisant vn si vilain accord qu'ilz feirent. Montpencier & ledict Virgile Vrsin, qui estoient les deux Chefz, vouloyēt la bataille : & ceulx là sont mortz en prison : & ne leur fut point obseruē ledict appointment. Ces deux, que ie dy, chargerent monseigneur de Percy, vn ieune Cheualier d'Auuergne, d'auoir esté cause que l'on ne combattist : & qu'il estoit vn tresmauuais Cheualier, & peu obeissant à son Chef.

Il y auoit deux sortes d'Alemans en cest Ost. Il y pouuoit auoir quinze cēs Suisses : qui y auoyēt esté des ce que le Roy y alla. Ceulx là le seruient loyaument, iusques à la mort, & tant que plus on ne sçauoit dire. Il y en auoit d'autres, que nous appelons communemēt Lansquenetz, qui vault autant à dire comme compaignons du païs, & ceulx là hayent naturellement les Suisses. Ilz sont de tous païs, cōme de dessus le Rin, & du païs de Souaue. il y en auoit aussi du païs de Vaulx en \* Senonie, & du païs de Gueldres. tout cecy montoit sept ou huit cens hommes, qu'on y auoit enuoyez nouuellement, avec payement de deux moys, qui estoit mangé : & quand ilz arriuerent là, ilz ne trouuerent autre payement. Ceulx cy, se voyans en ce peril, ne nous porterent point l'amour, que font les Suisses. Ilz pratiquerent, & se tournerent du costé dudit Dom Ferrand : & pour ceste cause, & pour la diuision des Chefz, noz gens feirent vn vilain appointment avec ledict Dom Ferrand : qui bien iura de le tenir : car ledict Marquis de Mantoue voulut bien asseurer la personne de son beau-frere monseigneur de Montpencier.

Par ledict accord ilz serendirent tous en la main de leurs ennemis, & leur baillerent toute l'artillerie du Roy, & leur promirent faire rendre toutes les places que le Roy auoit audit royaume, tant en Calabre, ou estoit monsei-

\* Je croy qu'il faut Sionnetz : qui est le païs que les Geographes Latins nomment Valesia Sedusiorum : dit Sedunum en Francoys. Sion, est la me tropolitaine. Vray est qu'il a esté d'un païs de Vaulx en sa noye au prem. Chap. du cinquieme liure, qui pourroit, possible, estre corrigé cy.

gneur d'Aubigny, qu'en l'Abruzzo, ou estoit melsire Gracien des Guerres avec Caiette & Tarente : & par ce moyen lediſt Roy Ferrand les deuoit enuoyer en Prouence par mer, leurs bagues sauues: lesquelles ne valoyent guerres. Lediſt Roy Ferrand les feit tous mener à Naples: & estoient cinq ou six mille personnes, ou plus. Si deshoneste appointemēt n'a esté faict de nostre temps: & n'en ay leu de semblable, fors celuy qui fut faict par deux Consuls Rommains (comme dit \* Titus Liuius) avec les Samnitiens, qu'on veult dire estre ceulx de Beneuent, en vn lieu appelé lors les \* Furques Caudines, qui est certain païs de montaignes : lequel appointement les Rommains ne voulurent tenir: & renuoyerent prisonniers les deux Consuls aux ennemis.

\* C'est au 9. li-  
ure de la pre-  
miere Decade.

\* Furculæ  
Caudinæ.

Quand noz gens eussent combatu, & perdu la bataille, ilz n'eussent point perdu tant de mortz: car les deux partz des nostres y moururent, par famine ou peste, dedans les nauires, en l'isle de\* Prusse: ou ilz furent enuoyez depuis, par lediſt Roy Ferrand: & mesmes y mourut monsieur de Montpencier (aucuns disent de poison, & autres de siebures. ce que ie croy mieulx) & ne croy point que de tout ce nôbre reuint iamais quinze cēs personnes. car des Suiffes, qui estoient bien treize cēs, n'en reuint point plus de trois cēs cinquāte, tous malades: lesquelz doiuent estre louez de loyauté : car iamais ne voulurent prendre le party du Roy Ferrand: & eussent auant enduré la mort: comme plusieurs feirēt audiſt lieu de Prusse, tant de chaleur & de maladie, comme de faim : car on les tint en ces nauires, par long temps, en si grande extremite de viures qu'il n'est possible de croire. Ie vey reuenir ceulx qui en reuindrent, par especial les Suiffes : qui rapporterent toutes leurs enseignes, & monstroyent bien, à leurs visages, qu'ilz auoyent beaucoup souffert : & tous estoient malades: & quand ilz partirēt des nauires, pour vn peu prēdre l'air, on leur haulsoit les piedz. Lediſt Seigneur Virgile s'en pouuoit bien aller en ses terres, par lediſt appointemēt, & son filz, & to<sup>s</sup> les Italiſ qui seruoyēt le Roy: toutefois ilz le retindrent, & son diſt filz legitime aussi. car il n'en auoit qu'un. Bien auoit vn Bastard, homme de bien, appelé le Seigneur Carlo. Plusieurs Italiens, de leur compaignie, le destroussèrent en s'en allant. Si ceste male aduēture ne fut tōbee que sus ceulx qui auoyent fait lediſt appointement, on ne les deuroit point plaindre.

\* Ie pense que  
c'est celle que  
Collennio nū-  
me Procida,  
pres d'Ischia,  
en ses hosties  
de Naples, par  
nous traduisit  
& mis en la  
miere lang èsps  
de.

Tost apres que lediſt Roy Ferrand eut receu cest honneur, dont i'ay parlé dessus, & que de nouueau auoit esté marié avec la fille de son grand pere le Roy Ferrād, qu'il auoit eue de la soeur du Roy de Castille, de present regnāt: & si estoit soeur du Roy Alphonse son propre pere, estant ieune fille de treize ou quatorze ans, il print vne siebure continue, dont en peu de iours mourut: & vint la possession du royaume au Roy Federic (qui de present le tient) oncle\* dudiſt Ferrand. Ce me semble horreur de parler d'un tel mariage, dont en ont fait ia plusieurs en ceste maison, de fresche memoire, comme depuis trente ans en ça. Ladiſte mort fut tost apres lediſt appointement, qui fut faict en la ville d'Atelle, l'an mil quatre cens quatre-vingtz & seize. Lediſt Roy Dom Ferrand quand il viuoit, & lediſt Dom Federic depuis qu'il fut Roy, s'excusoient sur ce que monsieur de Montpencier ne faisoit point rendre les diſtes places qu'il auoit promises, en faisant lediſt



ledict traitté: car Caiette, & autres, n'estoyét point en sa main. Combié qu'il fust Lieutenant du Roy, si n'estoyent point tenus ceulx, qui tenoyent les places pour le Roy, de le rendre par son commandement, combien que le Roy n'y eust guerres perdu: car elles coustoyent beaucoup depuis à garder & auitailler: & si se perdirent: & ne pense mentir (car i'estoye present à voir depefcher trois ou quatre fois ceulx, qui allerent pour auitailler & secourir les chasteaux de Naples, & vn coup, & apres iusques à trois, pour auitailler Caiette) que ces quatre voyages coustoyent plus de trois cens mille Francs: & si furét voyages perdus.

*Comment quelques pratiques menees en faueur du Roy, par aucuns Seigneurs d'Italie, tant pour Naples que pour dechacer le Duc de Milan, furent rompues, par faulte d'y enuoyer: & comment vne autre entreprinse, contre Genes, ne peut aussi venir à bon effect.*  
Chap. 15.

**D**E puis le retour du Roy, dudit voyage de Naples, comme dict est, il se tint à Lyon long temps, à faire tournois & ioustes, desirât tousiours ne petdre point ses places dont i'ay parlé: & ne luy chaloit qu'il luy coustast: mais aucune peine ne vouloit prendre pour entendre à son affaire. Pratiques luy venoyét assez d'Italie, & de grâdes, & seures, pour le royaume de France: qui est fort de gens, & a largement bleds en Prouence & Languedoc, & autres pais pour y enuoyer argent: mais, à vn autre Prince, que le Roy de Frâce, seroit tousiours se mettre à l'hospital de vouloir entendre au seruice des Italiens, & à leurs entreprinse & secours. car tousiours y mettra ce qu'il aura, & n'acheuera point: car ceulx là ne seruent point sans argent: & ausi ilz ne pourroyent, si n'estoit vn Duc de Milan, ou vne des plus grâdes Seigneuries: mais vn pauvre Capitaine, encores qu'il ait bonne affection de seruir vn Prince de la maison de France, qui pretendroit raison au royaume de Naples, ou vn autre pretendan droit à la Duché de Milan, quelque loyauté qu'il tint, si ne le vous sçauoit il seruir guerres longuement, apres le payemet failly: car ses gens le laisseroyent, & le pauvre Capitaine auroit perdu son vaillant: car la pluspart n'ont rien que le credit que leur donnent leurs Gens-d'armes: lesquelz sont payez de leur Capitaine, & luy se fait payer de celuy qu'il sert: & ne sçauoit on demander en Italie que la partialité. Mais, pour sçauoir quelles ont esté ces pratiques, que i'ay dictes, si grandes furent qu'elles commencerét auant que Caiette fust perdue, & durerent encores depuis, deux ans apres le retour du Roy, quand le Duc de Milā ne tenoit choses qu'il eust promises. Ce qu'il ne faisoit point du tout par tromperie, ne malucillance: mais en partie de crainte: car il craignoit, si le Roy estoit si grand, qu'il ne le deffist. Apres il estimoit ausi le Roy estre de peu de tenue & seureté. Il fut entrepris finalement que le Duc d'Orleans iroit en Ast, avec vn nombre de gens, bon & grand: & le vey prest à partir: & tout son train partit. Nous estions assurez du Duc de Ferrare, avec cinq cens Hommes-d'armes, & deux mille Hommes-de-pied, combié qu'il fust beaupere du Duc de Milan: car il le faisoit pour foster du peril ou il se voyoit estre entre les Venitiens & le Duc: pource que pieça, comme a esté autrefois veu

\* l'entendre possible.

dessus, lesdictz Venitiens luy auoyent osté le Polesan, & ne demandoient que sa destruction. Il eust preferé sa seureté, & de ses enfans, à l'amitié de son gendre: & par aduerture luy sembloit que ledict Duc s'appointeroit avecques le Roy, quand il se verroit en ceste crainte. Le semblable eust fait, par sa main, le Marquis de Mantoue: qui nagueres estoit Capitaine des Venitiens, & encores estoit, mais en suspicion d'eulx: & luy mal content d'eulx, seiournoit avec son beau-pere le Duc de Ferrare, avec trois cés Hômes-d'armes: & si auoit pour sème, & a encores, la sœur de la Duchesse de Milā, & fille du Duc de Ferrare. Mefire Iehan Bentiuoille (qui gouuerne Boulongne, & est comme Seigneur) eustourny cens cinquante Hommes-d'armes, & deux de ses filz, qui auoyent Gens-d'armes, & de bonnes Gés-de-pied: & si est assis au lieu ou il pouoit bien seruir contre le Duc de Milan. Florentins, qui se voyoyent destruitz, si par quelque grād inconuenient ne se refouldoyent, de paour d'estre dessaisis de Pise, & autres places dont il a esté parlé, fournissoient huit cés Hommes-d'armes, & cinq mille de pied: & cela à leurs despens: & auoyent prouision de leurs payemens pour six mois. Les Vrsins, & aussi le Prefect de Romme, frere du Cardinal de Saint-Pierre-ad-vincula, dont plusieurs fois a esté parlé (catilz estoient à la soulde du Roy) eussent bien amené mille Hômes-d'armes: mais entendez que la suite de leurs Hommes-d'armes n'est pastelle q̄ celle des nostres, qui ont Archers: mais la soulde est assez pareille. Car vn Homme-d'armes, bien payé, couste cent Ducatz l'an: & il nous fault le double pour les Archers. Ces gens souldoyez falloit bien payer, mais aux Florétins rien. Quant au Duc de Ferrare & au Marquis de Mantoue, & à Bentiuoille, ilz parloyent seulement de leurs despens, car ilz pretendoyent gaing de terres, aux despens du Duc de Milan: &, s'il se fust trouué soubdainement assailly de ce qu'eust mené le Duc d'Orleans, & de tous ceulx que i'ay nommez, ceulx qui se fussent sceu mettre en ordre, pour le deffendre, comme les Venitiens, n'eussent esté prestz, à moins de quatre vingtz mille escus, deuant qu'il eust esté contraint de se tourner du costé du Roy: qui eust tenu tous ces Italiens aux champs long temps. Et, de fait, le Duc de Milan gaigné, le royaume de Naples se recouuroit de soy mesme.

La faulte d'esproouuer celle belle aduerture vint de ce que ledict Duc d'Orleans mua de propos: combien qu'on entendoit qu'il deust partir du soir au matin, par ce qu'il auoit enuoyé deuant toutes choses qui seruoient à sa personne, & ne restoit que luy à partir, & l'armee prestee & payee: car en Ast auoit huit cens Hommes-d'armes François, & bien six mille Hommes-de-pied, dont y en auoit quatre cens Suisses. Ledit Duc d'Orleans, ayant ain si mué propos, requist au Roy par deux fois qu'il luy pleust mettre ceste matiere au Conseil. Ce qui fut fait, par deux fois: & m'y trouuay present à toutes les deux fois: & fut conclu, sans vne voix au contraire (& si y auoit tousiours dix ou douze personnes pour le moins) qu'il y deuoit aller: veu qu'on auoit asseuré tous les amis en Italie, qui dessus l'ont nommez: lesquelz ia auoyent fait grosse despense, & se tenoyent prests. Lors dist ledict Duc d'Orleans (qui estoit de quelcun conseillé, ou fuyoit son partement, par ce qu'il voyoit le Roy assez mal disposé de sa santé, dont il deuoit estre propre heritier s'il venoit à

noit à mourir) qu'il ne partiroit point pour y aller, pour sa propre querelle, mais que trefvolontiers iroit comme Lieutenant du Roy, & par son commandement: & ainsi finit ce conseil. Le lendemain, & plusieurs autres iours apres, presserent fort les Ambassadeurs Florentins, & plusieurs autres, le Roy, pour faire partir ledict Duc d'Orleans: mais le Roy respondit qu'il ne l'enuoyeroit iamais à la guerre par force. Parquoy ce voyage fut ainsi rompu: & en desplaisoit au Roy: qui en auoit fait grand despenle, & auoit grande esperance de se venger du Duc de Milan, veu lesdictes intelligences, & nouuelles, qu'il pouuoit auoir eues à l'heure, d'autres intelligences qu'auoit mesire Iehan-Iaques de Treuoul: qui estoit Lieutenant general pour le Roy & pour le Duc d'Orleans, & natif de ceulx de Milan, & fort aymé & apparenté en ladiete Duché de Milan: ou auoit largemēt gens qui auoyent bonne intelligence avec luy, tant de ses parens comme d'autres.

Faillie ceste entreprinse, en suruint tost vne autre, voire deux, ou trois, à vn coup, de Gennes: là ou ilz sont enclins à toutes mutations. L'une se dressoit par mesire Baptiste de Campesfourgouse: qui estoit vn grand Chef entre ces partialitez de Gennes: mais il en estoit banny, & n'y pouuoit sa partialité rien: ne ceulx d'Orie: qui sont Gentilz-hômes: & ceulx de Fourgouse non. Lesdictz d'Orie sont partisans desdictz Fregouses: & ne peuuent estre Ducs, à cause qu'ilz sont Gentilz-hommes: car vn Gentil-homme ne le peut estre: & ledict mesire Baptiste l'auoit esté, n'y auoit gueres, & auoit esté trôpé par son oncle le Cardinal de Gennes: & cestuy là auoit mis la Seigneurie de Gennes en la main du Duc de Milan (il n'y a pas encores fort long temps) & gouuernoyēt à Gennes les Adornes: qui aussi ne sont point Gentilz-hômes: mais souuent ont esté Ducs de Gennes, aidez par les Spinoles: qui sont aussi Gentilz-hômes: & ainsi les Nobles sont biē vn Duc à Gēnes: mais ilz ne le peuuent estre. Ledit mesire Baptiste esperoit mettre en armes sa partialité, tant en la cité, qu'aux chāps, & q̄ la Seigneurie seroit au Roy, & q̄ luy & les siens gouuerneroyent & chaceroient les autres dehors. L'autre entreprinse estoit que plusieurs personnes de Sauonne l'estoyēt adrecez au Cardinal Saint-Pierre-ad-vincula, assurant de luy pouuoir bailler ladiete ville de Sauonne, esperant estre en liberté: car elle est soubz la ville de Gennes, & payent les gabelles. Qui eust peu auoir ce lieu, Gennes eust esté fort à desiroit: veu que le Roy tient le pais de Prouence, & que Sauoye est à son commandement. Pour toutes ces nouuelles manda le Roy à mesire Iehan-Iaques de Treuoul, qu'il feist espale auidict mesire Baptiste de Campesfourgouse, & prestast des gens pour le cōduire iusques aux portes de Gennes, pour voir si partialité se pourroit leuer. D'autre costé fut empressé du Cardinal Saint-Pierre-ad-vincula: qui feist tant que le Roy escriuit aussi, auidict mesire Iaqués, qu'il enuoyast des gens avec ledict Cardinal, pour le cōduire iusques à Sauonne: & le luy mādait de bouche, par le Seigneur de\* Seruon en Prouence, amy duidict Cardinal, & trefhardy parleur. Ledit Roy mandoit auidict mesire Iehan-Iaques qu'il se mist en lieu, ou il peust faire espale aux deux bandes, & qu'il n'entreprint rien sus le Duc de Milā, ne contre la paix qu'on auoit faicte, la saison deuant, avecques ledict Duc, comme l'on a peu

\* Parauant il  
en nomme un  
de Seruon  
par lequel on  
luy enuoye cy,  
c'est par un  
C. de Verger,  
d'honneur.

voir ailleurs. Or estoient ces commandemens bien differens: & ainsi se despeschent les affaires des grans Princes, quand ilz n'y sont point presens, & qu'ilz sont soudains à commander lettres, & expedier gés, sans bien ouyr debatre deuant les expeditions de si grosses entreprinſes. Or entendez, quant à ce que demandoit ledict meſſire Baptiſte de Cāpeſourgouſe, & à ce que cherchoit ledict Cardinal, que c'estoit choſe impoſſible de fournir aux deux, à vn coup: car aller iuſques aux murs de Gennes, ſans grand nombre de gens, ne ſe pouuoit faire: car il y a grand peuple dedās, hardis, bien armez, & vail-lans gens: & en baillant auſſi compaignie au Cardinal, l'armee eſtoit departie en trois: car il ſaloit qu'il en demeurast audict meſſire Iehan-Iaques: & ſi arriuerēt à Gennes, & à Sauonne, beaucoup de gens que le Duc de Milā y auoit enuoyez, & les Venitiens, qui tous auoyent bien grand paour que Gennes tournast: & ſi auoit Dom Federic & le Pape.

Or meſſire Iehan-Iaques auoit eu vne tierce entreprinſe en ſon cœur: car il euſt voulu toſt droict tirer contre le Duc de Milan, & laiſſer les autres entreprinſes: & qui l'eut laiſſé faire, il euſt fait grandes choſes: & comēça. Car, ſoubz couleur d'eſcrire au Roy qu'il ne pouuoit autrement garder de dōmage ceulx qui iroyent à Gennes, ou à Sauonne, il ſ'en alla mettre ſur le grand chemin, par ou l'on pouuoit venir d'Alexādre vers Gennes ( car par ailleurs que par ce chemin, ne pouuoit le Duc de Milā enuoyer gens, pour courir ſus aux noſtres) & print ledict meſſire Iehā-Iaques trois ou quatre petites villes, qu'ilz luy ouurirent: & diſoit ne faire point de guerre audict Duc pour cela: veu qu'il eſtoit neceſſaire qu'il ſ'y miſt: & auſſi q̄ le Roy n'entēdoit point faire guerre audict Duc, pour auoir Gēnes ou Sauōne, ſ'il euſt peu: diſant qu'ilz ſont tenus de luy, & qu'ilz auoyēt forfait. Pour ſatisfaire au Cardinal, ledict meſſire Iehan-Iaques luy bailla partie de l'armee, pour aller à Sauōne. Il trouua la place garnie, & ſon entreprinſe rōpue, & ſ'en reuīt. On en bailla d'autres audict meſſire Baptiſte, pour aller à Gēnes, ſ'affeurāt fort de ne faillir point. Quād il eut fait trois ou quatre lieues, ceulx, qui alloyēt en ſa cōpaignie, entrerēt en aucunes doubtes de luy, tāt Alemās q̄ Frāçois: toutes ſois c'eſtoit à tort: mais leur cōpaignie: qui n'eſtoit pas grāde, ſe fuſt miſe en dāger d'y aller ſi ſa partialité ne ſe fuſt leuee: & ainſi faillirēt toutes ces entreprinſes: & eſtoit ia fort le Duc de Milā: qui auoit eſté en grād peril, qui euſt laiſſé faire le Seigneur Iehā-Iaques: & luy eſtoyēt venus beaucoup de gés des Venitiē. Noſtre armee ſe retira, & donna l'on congé aux Gens-de-pied, & furent laiſſees ces petites villes, qu'on auoit prinſes, & ceſſā la guerre, à peu de profit pour le Roy. car fort grand argent ſ'y eſtoit deſpendu.

*De quelques diſſenſions d'entre le Roy Charles, & Ferrād de Caſtille: & des Ambaſſadeurs enuoyez de l'un à l'autre, pour les appaiſer. Chap. 16.*

**E**puiſ le commencement de l'an mil quatre cēs quatre vingts & ſeize, que ia le Roy eſtoit deçā les montz, trois ou quatre moys auoit, iuſques en l'an mil quatre cēs quatre vingz & dixhuiēt: ne feit le Roy autre choſe en Italie, & me trouuay tout ce temps avec luy: & eſtoye preſent à la pluſpart des choſes: & alloit le Roy de Lyon à Moulins, & de Moulins à Tours,

Tours, & par tout faisoit destournois & des ioustes, & ne pésoit à autres choses. Ceulx qui auoyent plus de credit à l'entour de luy, estoient tant diuisez q plus ne pouuoient. Les vns vouloyent que l'entreprinse d'Italie continuast (c'estoyent le Cardinal & le Seneschal) voyans leur profit & autorité en la continuât: & passoit tout par eulx. D'autre costé estoit l'Admiral, qui auoit eu toute l'autorité avec le ieune Roy, auât ce voyage. Cestuy là vouloit que ces entreprinsep demourassent de tous poinctz: & y voyoit son profit, & moyé de retourner à sa premiere autorité, & les autres la perdre: & ainsi passerent les choses vn an & demy ou enuiron.

Durant ce temps alloient Ambassadeurs deuers le Roy, & Roïne de Castille: car fort desiroit le Roy d'appaiser ce bout, qui estoit en guerre: & estoit fortz par mer & par terre: & combien que par la terre feissent peu d'exploict, par mer auoyent fort aidé au Roy Ferrand & Federic: car le país de Cecile est voyfin au royaume de Naples, d'une lieue & demie, à l'endroit de Reges en Calabre: & aucuns veulent dire qu'autresfois fut toute terre: mais que la mer a fait ceste closture, que l'on appelle de present le Far de Mefine: & de Cecile, dont le Roy & Roïne de Castille estoient Seigneurs, viennent grans secours à Naples, tât de Carauelles, qu'ilz auoyent enuoyé d'Espaigne, que de gens: & en Cecile mesme se trouua quelque nombre d'hommes-d'armes, qui estoient passez en Calabre, avec vne quantité de Genetaires: & faisoient la guerre à ceulx qui estoient là pour le Roy. Leurs nauires estoient sans cesse avec ceulx qui estoient de la ligue: & ainsi, quand tout estoit assemblé, le Roy estoit de beaucoup trop foible par la mer. Par ailleurs feit le Roy de Castille peu de dommage au Roy. Vray est que grãd nombre de Gens-de-cheual entrerent en Languedoc, & y feirent du pillage, & coucherent audiect país: & y en eut plusieurs qui furent sur ledict país, deux ou trois ou quatre iours: mais autre exploict ne feirent ilz. Monseigneur de Saint-André, de Bourbonnois, estoit à ceste frontiere, pour monseigneur le Duc de Bourbon, Gouverneur de Languedoc. Celuy-là entreprint de prendre Sausses, vne petite ville, qui estoit en Roussillon: car de là ilz faisoient la guerre au Roy, deux ans deuant: & leur auoit le Roy rendu ledict país de Roussillon, ou est assis le país de Parpignan: & ceste petite ville est du país. L'entreprinse estoit grande: par ce qu'il y auoit largement gens, selon le lieu, & des Gentilz-hommes de la maison du Roy de Castille mesme, & leur armee au Camp, logee à vne lieue pres, qui estoit plus grosse que la nostre: toutesfois ledict Seigneur de Saint-André conduisit son entreprinse si sagement, & si secrettement, qu'en dix heures il print ladicte place, comme ie vey, par assaut: & y mourut trente ou quarante Gentilz-hommes d'estime, Espaignolz: &, entre les autres, le filz de l'Archeuesque de Saint-Iaques, & trois ou quatre cens autres hommes: lesquelz ne s'attendoient point que si tost on les deust prendre: car ilz n'entendoient point quel exploict faisoit nostre artillerie: qui à la verité passe toutes les artilleries du monde.

Voila tout l'exploict, qui fut fait entreces deux Roys: mais ce fut honte & descry au Roy de Castille: veu que son armee estoit si grosse: mais, quand Nostre-seigneur veult commencer à punir les gens, il leur aduient volotiers

*\* Virgile est de  
ceulx là, en y.  
lides Aeneid.*

de telles petites douleurs au commencement : car il en aduint bien de plus grandes audiēt Roy & Roïne tost apres : & si feit il à nous. Grād tort auoyēt lesdīctz Roy & Roïne d'aīsi cestre pariurez enuers le Roy, apres ceste grād bonté qui leur auoit faicte, de leur auoir rendu ledīct pais de Roussillon : qui tāt auoit cousté à reparer, & garder, à son pere : lequel l'auoit en gage pour trois cēs mille escus, qu'il leur quīctā : & feit tout cecy à fin qu'ilz ne l'empeschassent point à sa conqueste, qu'il cspéroit faire dudit royaume de Naples : & reseīrēt les ancīennes alliāces de Castille (qui sont de Roy à Roy, de royaume à royaume, & d'homme à hōme de leurs subīctz) & ilz promirent de ne l'empeschier point à ladicte conqueste, & ne marier aucunes de leurs filles en ladicte maison de Naples, d'Angleterre, ne de Flandres : & ceste estroicte offre, de mariage, vint de leur coste : & en feit l'ouuerture vn Cort delier appelé frere Iehā de Mauleō, de par la Roïne de Castille : & des qu'ilz veirent la guerre encommencee, & le Roy à Romme, ilz enuoyerent leurs Ambassadeurs par tout, pour faire alliances cōtre le Roy : & mesmes à Venise, ou i'estoye : & là se feit la ligue (dōt i'ay tāt parlé) du Pape, du Roy des Rōmains, d'eulx, de la Seigneurie de Venise, & du Duc de Milan : & incontīnēt commencerent la guerre au Roy, disant que telle obligation n'estoit point de tenir : c'est à sçauoir de ne pouuoir marier leurs filles (dont ilz en auoyent quatre & vn filz) à ces Roys dont i'ay parlé : & d'eulx mesmes estoit venue ceste ouuerture, comme aucz veu.

Or, pour retourner à mon propos, quand toutes ces guerres d'Italie furēt faillies, & que le Roy ne tenoit plus que Caiette audiēt royaume de Naples (car encores la tenoit il, quand les pratiques de paix commencerent entre lesdīctz Roys : mais tost apres fut perdue) & ausi ne se faisoit plus aucune guerre du costé de Roussillon, mais gardoit chascun le sien, ils enuoyerent, vers le Roy Charles, vn Gentil-Hōme, & des Religieux de Mōtferrat. car toutes leurs œures ont fait mener & conduire, par telles gens, ou par hy pocrisie, ou à fin de moins despēdre : car ce frere Iehan de Mauleon, Cordelier, dont a esté parlé, mena le traicté de faire rendre Roussillon. Ces Ambassadeurs, dont i'ay parlé, prièrent au Roy, d'entree, qu'il luy pleust i'amaīs n'auoir souuenāce du tort que lesdīctz Roy & Roïne luy tenoyent (on nōme tousiours la Roïne : par ce que Castille est de son costé : & ausi elle en auoit la principale autorité : & a esté vn fort honorable mariage, que le leur) Apres commençoient vne trefue, y comprenant toute leur ligue, & que le Roy demourast en possession de Caiette, & autres pieces, qu'il auoit audiēt royaume de Naples, & qu'il les pourroit auitailler à son plaisir durant la trefue : & que l'on print vne iournee, ou se trouueroyent Ambassadeurs de toute la ligue, pour traicter paix, qui vouldroit : & apres vouloyent continuer lesdīctz Roys en leur cōqueste, ou entreprinse, sur les Maures, & passer la mer qui est entre Grenade & Afrique, dont la terre du Roy de Fesse leur estoit la plus prochaine : toutes fois aucuns ont voulu dire que leur vouldoir n'y estoit point, & qu'ilz se contēteroyent de ce qu'ilz auoyent faict : qui est d'auoir conquis le royaume de Grenade : qui, à la verité, a esté vne belle & grande conqueste, & la plus belle qui ait esté de nostre temps, & que i'amaīs leurs

leurs predecesseurs ne sceurent faire: & vouldroye, pour l'amour d'eulx, que iamaïs n'eussent entendu à autre chose, & tenu à nostre Roy ce qu'ilz luy auoyét promis. Le Roy r'enuoya, avec les deux Ambassadeurs, le Seigneur de Clerieux, du Dauphiné: & taschoit le Roy de faire paix ou trefue avec eulx, sans y cōprédre la ligue: mais toutesfois, s'il eust accepté leurdict offre, il eust fauue Caiette: qui estoit assez bié suffisante, pour recouurer le royaume de Naples, veu les amis que le Roy y auoit. Quād ledict de Clerieux reuint, il apporta pratique nouuelle: & ia estoit perdue Caiette, auant qu'il fust en Castille. Ceste nouuelle ouuerture fut que le Roy & eulx retournaissent en leur premiere & anciēne amitié, & qu'eulx deux, à butin, entreprinsissent tou re la conqueste d'Italie, & à communs despens, & que les deux Roys y fussent ensemble: mais premierement vouloyent la trefue generale, ou toute la ligue fust cōprinse, & qu'une iournee setint en Piedmōt, ou chascun pourroit enuoyer Ambassadeurs: car hōnestemēt ilz se vouloyent departir de ladicte ligue. Toute ceste ouuerture, à mon aduis, & ainsi qu'on m'a depuis donné à entendre: n'estoit que dissimulatiō, & pour gagner temps, & pour laisser reposer ce Roy Ferrand, quand encores viuoit, & Dom Federic nouuellement entré en ce royaume: toutesfois ilz eussent bien voulu ledict royaume leur: car & ilz y auoyent meilleur droict que ceulx qui l'ont possédé: mais la maison d'Aniou, dont le Roy à le droict, doit aller devant: mais, à la nature dont il est, & aux gens qui y habitent, il me semble qu'il est à celui qui le peut posseder: car ilz ne veulent que mutation. Depuis y retourna ledict Seigneur de Clerieux, & vn, appelé Michel de Grammont, sur aucunes ouuertures. Ledit de Clerieux portoit quelq̄ peu d'affectiō à ceste maison d'Arragon: & esperoit auoir le Marquisar de Cotron (qui est en Calabre) que ledict Roy d'Espagne tient, de ceste conqueste derniere, que ses gēs feirent audict pais de Calabre: & ledict de Clerieux le pretēd sien: & est hōme bon, & qui aisément croit, & par especial telz personnages. A la deuxiēme fois qu'il reuint, il amena vn Ambassadeur de ldicts Roys: & rapporta ledict de Clerieux qu'ilz se contenteroyent d'auoir ce qui est le plus prochain de Cecile, qui est Calabre, pour ledict droict qu'ils pretēdoiyēt audict royaume de Naples, & que le Roy print le reste: & qu'en personne viendroīt ledict Roy de Castille en ladicte cōqueste, & payeroit autā de la despense de l'armée comme le Roy: & ia tenoit, & tient quatre ou cinq places fortes en Calabre: dont Cotron est l'une, qui est cité bonne & forte. Il fu present au rapport: & à plusieurs sembla que ce n'estoit qu'abus, & qu'il faloir là enuoyer quelcun bien entendu, & qu'il ioignist ceste pratique de plus pres. parquoy fut ioinct, avec les premiers, le Seigneur du Bouchage, homme bien sage, & qui auoit eu grand credit avec le Roy Louis, & encores de present avec le Roy Charles, filz dudiēt feu Roy Louis. L'Ambassadeur, que ledict de Clerieux auoit amené, ne voulut iamaïs cōfermer ce que ledict de Clerieux disoit: mais disoit qu'il croyoit que ledict de Clerieux ne le diroit pas si ses Seigneurs ne luy eussent dit \* qui confirmeroit l'abusion: & aucun ne pouuoit croire que le Roy de Castille y vinst en personne, ne qu'il vouldist ou y peust autant despendre que le Roy:

\* C'est, à dire  
faisoit croire  
qu'il y eust  
de l'abus.



## HVICTIEME LIVRE DES MEMOIRES

Après que ledi&t Seigneur du Bouchage, de Clerieux, & Michel de Grammont, & autres, fur&t venus deuers lesdi&tz Roy & Royne de Castille, ilz les feirent loger en vn lieu ou personne ne communiquoit avec eulx: & auoy&t gens qui y prenoy&t garde: & lesdi&tz Roy & Royne parler&t avec eulx, par trois fois: mais, quand ce vint que ledi&t du Bouchage leur dist ce qu'auoit rapporté ledi&t de Clerieux, & ledi&t Michel de Grammont, ilz feirent response qu'ilz en auoyent bien parlé par forme de deuis, mais non point autrement: & que f&esvolonriers se m&elleroient de ladi&te paix, & de la faire à l'honneur du Roy, & à son profit. Ledi&t de Clerieux fur bien mal cont&é de ceste response, & non sans cause: & soustint deu&t eulx, present ledi&t Seigneur du Bouchage, qu'ainsi luy auoyent dit. Lors fut conclu, par ledi&t Seigneur du Bouchage, & ses compaignons, vne tr&fue, à deux moys de desdit, sans y comprendre la ligue: mais bien y comprenoyent ceulx qui auoy&t espousé leurs filles, & les peres de leurs gendres: c'est à s&auoir les Roys des Romains & d'Angleterre: car le Prince de Galles estoit bien ieune. Ilz auoyent quatre filles: & l'aînée estoit ven&ue, & auoit espousé le filz du Roy de Portugal, dernier tresp&ssé: lequel se rompit le col, deu&t elle, en passant vne carriere, sur vn Genet, trois moys apres qu'il l'eut espousée. Ilz en ont encores vne à marier. Si tost q& fut arriué ledi&t du Bouchage, & eut fair son rapport, cong&ut le Roy qu'il auoit bien fait d'y auoir enuoyé ledi&t du Bouchage, & qu'au moins il estoit assure& de ce, dont il estoit en doubte: & luy sembloit bien que ledi&t de Clerieux auoit creu trop de leger. Oultre luy dist ledi&t du Bouchage qu'autre chose n'auoit peu faire q& ladi&te tr&fue, & qu'il estoit au choix du Roy de l'arrester ou refuser. Le Roy l'arresta, & aussi elle estoit bonne: veu que c'estoit separacion de ceste ligue, qui t&ât l'auoit destour&é en ses affaires, & qu'aucune maniere n'auoit s&eu trouuer de la departir, & si il auoit par toutes voyes essayé. Encores luy dist ledi&t du Bouchage qu'apres luy venoy&t Ambassadeurs deuers le Roy: & que lesdi&tz Roy & Royne luy auoyent dit, à son par&ement, qu'ilz auroyent pouuoir de conclure vne bien bonne paix, & aussi dist ledi&t du Bouchage qu'il auoit laissé malade le Prince de Castille, leur seul filz.

*Discours sur les fortunes qui aduindrent à la maison de Castille, au temps du Seigneur d'Argenton.*  
Chap. 17.

**D**Ix ou douze iours apres l'arriuee dudi&t du Bouchage & ses compaignons, vint lettres, audi&t du Bouchage, d'un des Heraulx du Roy, qu'il auoit laissé là, pour conduire ladi&te Ambassade qui deuoit venir: & disoyent ces lettres qu'il ne s'esbahist point, si lesdi&tz Ambassadeurs estoient retardez par aucuns iours: car c'estoit pour le trespas du Prince de Castille (car ainsi les appellent) dont les Roy & Royne faiso-y&t si merueilleux dueil qu'on ne s&auoit croire: & par especial la Royne, de qui on esperoit aussi tost la mort que la vie. Et, à la verité, ie n'ouy iamais parler de plus grand dueil que celui qui en a esté fait par tous leurs royaumes: car toutes gens de mestier ont cessé quarante iours (comme leurs Ambassadeurs me dirent depuis) tout h&me estant vestu de noir, de ces gros bureaux:

bureaux:& les Nobles,& les gens de bien chargeoyēt leurs muletz couuertz iusques aux genoulx dudiēt drap, & ne leur paroissoit que les yeulx:& ban- nieres noires estoient partout sur les portes des villes. Quand Madame Marguerite, fille du Roy des Rommains, soeur de mōsieur l'Archeduc d'Au- striche,& femme dudiēt Prince, sceut ceste douloureuse nouuelle,estāt gros se de six moys, accoucha d'une fille toute morte. Quelles piteuses nouuel- les en ceste maison? qui tant auoit receu de gloire & d'honneur? & qui plus possedoit de terre,que ne feit iamais Prince en la Chrestientē, venant de suc- cession? & puis auoir fait ceste belle conqueste de Grenade? & fait partir vn Roy, tant honoré par tout le monde, hors d'Italie, & faillir à son entrepri- se? ce qu'ilz estimoyent à grande chose: & le Pape mesme: qui, soubz l'om- bre de la conqueste de Grenade, leur auoit voulu attribuer le nom de Tres- chrestien,& l'oster au Roy de France: & plusieurs fois leur auoit escript ainsi, au dessus de leurs Briefz, qu'il leur enuoyoit:& par ce qu'aucū Cardinaulx contredisoient à cetiltre, leur en donna vn autre, en les appelant Trescatoliques: & ainsi leur escriit encores: & est à croire que ce nom leur demou- rera à Rome. Quelles douleurs d'ont receurent ilz de ceste mort, quand ilz auoyent mis leur royaume en toute obeissance & iustice? & lors qu'il sembloit que Dieu & le monde les voulust plus honorer que tous les autres Princes viuans:& qu'il estoient en bonne prosperité de leurs personnes?

Encores ne furent ilz poinct quictes d'auoir eu telles douleurs: car leur fil le aîsnee(que plus ilz aymoyent que tout le reste de ce monde, apres leur filz le Prince de Castille, qu'ilz auoyēt perdu) estoit cōtrainte à se departir d'eulx, ayāt depuis peu de iours esté espousee avec le Roy de Portugal, appelé Ema- nuel, Prince ieune, & de nouueau deuenu Roy:& luy estoit aduenue la cou- rōne de Portugal, par le trespas du Roy, dernier mort: lequel cruellemēt feit couper la teste au pere de sa femme, & tua le frere d'elle, depuis, filz du dessus dict, & frere aîné de celuy qui de present est Roy de Portugal, qu'il a fait vi- ure en grande paour & crainte:& tua son frere de sa main, en disnāt avec luy, sa femme presente, par enuie de faire Roy vn sien bastard:& depuis ces deux cruaultez, vesquit en grād' paour & suspitiō:& tost apres ces deux exploictz, perdit son seul filz: qui se rompit le col, en courāt dessus vn Genet, & passant vne carriere, comme i'ay dit: & fut celuy là qui fut le premier mary de ceste Dame que ie dy: qui maintenant a espouse le Roy de Portugal, qui regne: & ainsi est retournee deux fois en Portugal, sage Dame & honnestē (ce dit on) entre les sages Dames du monde. Or donc, pour continuer les miserables aduentures qui aduindrent en si peu d'espace, ce Roy & Royne de Castille, qui si glorieusement & heureusement auoyēt vescu iusques enuiron en l'a- age qu'ilz sont, de cinquāte ans tous deux (combien que la Royne auoit deux ans d'auantage) auoyent donné leur fille à ce Roy de Portugal, pour n'auoir aucun ennemy en Espagne, qu'ilz tiennent toute, excepté Nauarre, dōc ilz font ce qu'il leur plaist:& y tiennent quatre des principales places. Aussi l'a- uoyent fait pour pacifier du douaire de ceste Dame, & de l'argent baillé, & pour subuenir à aucuns Seigneurs de Portugal: car, par ce mariage, ces Sei- gneurs & Cheualiers (qui furent bannis du païs, quād le Roy mort feit mou-

rir ces deux Seigneurs dont i'ay parlé:& auoyent confisqué leurs biens: & par ce moyen la confiscation tient de present: combien que le cas d'ot ilz estoient accusez estoit de vouloir faire celuy, qui de present regne, Roy de Portugal) sont recompensez en Castille, du Roy de Castille, & leurs terres sont demourees à la Royne de Portugal, dont ie parle. mais, nonobstant telles considerations, ces Roy & Royne de Castille auoyent grand douleur de ce mariage: car il fault entendre qu'il n'est nation au monde que les Espaignolz hayent tant que les Portugalois: & si les mesprisent & s'en moquent. Parquoy il desplaist bien aux dessusdictz d'auoir baillé leur fille à homme qui ne seroit point agreable au royaume de Castille, & à autres leurs Seigneuries: &, si ilz l'eussent eu à faire, ilz ne l'eussent iamais fait. qui leur estoit vne amere douleur: & encores vne autre plus grande en ce qu'il falloit qu'elle se departist d'eulx. touteffois, leurs douleurs passees, ilz les ont menez par toutes les principales citez de leurs royaumes, & fait receuoir le Roy de Portugal pour Prince, & leur fille pour Princeesse, & pour leur estre Roys, apres leur deces. Et vn peu de reconfort leur est venu: c'est que ladicte Dame, Princeesse de Castille, & Royne de Portugal, a esté grosse d'un enfant bougeant: mais il leur aduint le double de leurs douleurs: & croy qu'ilz eussent voulu que Dieu les eust ostez du monde: car ceste Dame, que tant ilz aymoyent & prisoyent, mourut en accouchant de son enfant: & croy qu'il n'y a pas vn mois: & nous sommes en Octobre l'an mil quatre cens quatre-vingtz dixhuiet: mais le filz est demouré vif au trauail duquel elle est morte, & à nom comme le pere Emmanuel.

Toutes ces grandes fortunes leur sont aduenues en trois mois d'espace: mais, auant le trespas de ceste Dame dont ie parle, est aduenue en ce royaume autre grand dueil & desconfort: car le Roy Charles huietième, de ce nom, d'ot i'ay parlé, estoit trespasé, comme ie diray apres. & semble que Nostre-seigneur ait regardé ces deux maisons de son visage rigoureux, & qu'il ne veult point qu'un royaume se moque de l'autre. car aucune mutatio ne peut estre en vn royaume qu'elle ne soit bien douloureuse pour la pluspart: &, combien qu'aucuns y gagnent, encores en y a il cent fois plus qui y perdent: & fault changer mainte coustume & forme de viure à celle mutatio: car ce qui plaist à vn Roy, desplaist à l'autre. Et (comme i'ay dit en vn autre endroit) qui voudroit bien regarder aux\* cruelles, & soubdaines punitions que Dieu a faictes sur les grans Princes, depuis trente ans en ça, on y en trouueroit plus qu'en deux cens au parauant, à y comprendre France, Castille, Portugal, Angleterre, le royaume de Naples, Flandres & Bretaigne: &, qui voudroit escrire les cas particuliers, que tous i'ay veus, & presque tous les personages, tant hommes que femmes, on en feroit vn grand liure, & de grande admiration, & n'y en eust il seulement que ce qui est aduenue depuis dix ans: &, par là, la puissance de Dieu deuroit estre bien congneue & entendue: & sont les coups, qu'il donne sur les grans, plus cruelz & plus pesans, & de plus longue durée que ne sont ceulx qu'il donne sur les petites gens. Finalement me semble que, à tout bien considerer, ilz n'ont gueres d'auantage en ce monde plus que les autres, s'ilz veulent bien voir & entendre par eulx, ce qu'ilz voyent aduenir à

\* C'est à dire  
qui semblent  
cruelles.

nir à leurs voisins, & auoir crainte que le semblable ne leur aduienne : car, quant à eulx, ilz chassient leurs hommes, qui viuēt soubz eulx, & à leur plaisir, & Nostre seigneur dispose d'eulx à son vouloir : car autre n'ont ilz par dessus eulx : & est le païs, ou royaume, bien heureux, quand il y a Roy, ou Seigneur, sage, & qui craint Dieu & ses commandemens.

Nous auôs peu voir, en peu de paroles, les douleurs qu'ont receu ces deux grans & puissans royaumes, en trois moys d'espace : qui peu parauant estoÿt si enflambez l'un contre l'autre, & tant empeschez à se tourmenter, & à penser à l'accroïstre, & n'estoyent en rien saoulz de ce qu'ilz auoyent. Je confesse bien (côme i'ay dit) que tousiours en y a, en relles murations, qui en ont ioye, & qui en amendent : mais encores, de prime face, leur est celle mort, aduenue ainsi soubdain, fort espouventable.

*Du somptueux edifice que le Roy Charles commença à bastir, peu auant sa mort : du bon vouloir qu'il auoit de reformer l'Eglise, ses Finances, sa Iustice, & soy-mesme : & comment il mourut soubdainement, sur ce bon propos, en son chasteau d'Amboise.*

Chap. 18.



**E** veulx laisser, de tous pointz, à parler des choses d'Italie & de Castille, & retourner à parler de noz douleurs & pettes particulieres en France, & aussi de la ioye que peünēt auoir ceulx qui y ont du gaing, & parler du soubdain trespas de nostre Roy Charles, huietieme de ce nô : le quel estoit en son chasteau d'Amboise, ou il auoit entrepris le plus grand edifice que comença, cent ans a, Roy, tant au chasteau qu'à la ville : & se peut voir par les tours, par ou l'on monte à cheual, & par ce qu'il auoit entrepris à la ville : dont les parrons estoient faictz de merueilleuse entreprinse & despêse, & qui de long temps n'eussent prins fin : & auoit amené de Naples plusieurs ouuriers excellens, en plusieurs ouurages : côme Tailleurs, & Paintres : & sembloit biē que ce, qu'il entreprenoit, estoit entreprinse de Roy ieune, & qui ne pensoit point à la mort, mais esperoit longue vie. car il ioignoit ensemble routes les belles choses, dont on luy faisoit feste, en quelque païs qu'elles eussent esté veues, fust France, Italie ou Flandres : & si auoit son cœur, tousiours, de faire & accomplir le retour en Italie : & confessoit bien y auoir fait des fautes largemēt, & les comproir : & luy sembloit que, si vne autrefois il y pouuoit retourner, & recouurer ce qu'il auoit perdu, qu'il pourroyeroit mieulx à la garde du païs qu'il n'auoit fait : & par ce qu'il auoit intelligence de tous costez, pensoit bien d'y pourvoir, pour recouurer & remettre en son obeissance le royaume de Naples, & d'y enuoyer quinze cens Hommes-d'armes Italiens, que deuoit mener le Marquis de Mantoue, les Vrsins, & les Vitelis, & le Prefect de Romme, frere du Cardinal de Saint-Pierre-ad-vincula : & mōsieur d'Aubigny, qui si bien l'auoit seruy en Calabre, s'en alloir à Floreēce : & ilz faisoient la moytiē de ceste despēse pour six moys. On deuoit aussi premierement prendre Pise, ou, au moins, les perites places d'alentour, & puis, tous ensemble, entrer au royaume : dont à toutes heures venoyent messagers. Le Pape Alexandre, qui regne de present, estoit en grand pratiqué, de tous poinētz, à serenger des siens, comme mal

content des Venitiens : & auoit messager secret, que ie conduisi en la chambre du Roy nostre Sire, peu auât sadiète mort. Les Venitiens estoÿent prestz à pratiquer contre Milan. La pratique d'Espaigne estoit telle que l'auiez veue. Le Roy des Rommains ne desiroit chose en ce monde tant que son amitié, & qu'eulx deux ensemble feissent leurs besongnes en Italie : lequel Roy des Rômain, appelé Maximilian, estoit grand ennemy des Venitiens. aussi ilz tiennent grand' chose de la maison d'Autriche, dont il est, & aussi de l'Empire.

D'auantage auoit mis le Roy, de nouveau, son imaginatiô de vouloir viure selon les commandemēs de Dieu, & mettre la Iustice en bon ordre, & l'Eglise : aussi de rengier ses Finances, de sorte qu'il ne leuast, sus son peuple, que douze cens mille Francs, & par forme de taille, oultre son domaine : qui estoit la somme que les trois Estats luy auoyent accordé en la ville de Tours, lors qu'il fut Roy : & vouloit ladiète somme par oëtroÿ, pour la deffense du royaume : & quant à luy, il vouloit viuré de son domaine, comme anciennement faisoÿent les Roys. Ce qu'il pouuoit bien faire : car le Domaine est bien grâd, s'il estoit bien conduict, compris les gabelles, & certaines aides : & passe vn million de Francs. S'il l'eust fait, c'eust esté vn grand soulagement pour le peuple : qui paye auïourd'huy plus de deux milliôs, & demi, de Frâcs, de taille. Il mettoit grand' peine à reformer les abus de l'ordre de S. Benoist, & d'autres religions. Il approchoit de luy bonnes gens de Religion, & les oÿoit parler. Il auoit bien vouloir, s'il eust peu, qu'un Euesque n'eust tenu q son Euesché, s'il n'eust esté Cardinal, & cestuy là deux : & qu'ilz se fussent allez tenir sur leurs Benefices : mais il eust eu bien à faire à rengier les Gens-d'Eglise. Il feit de grandes aumosnes aux Mendians, peu de iours auât sa mort, comme me compta son confesseur, l'Euesque d'Angers : qui estoit notable Prelat. Il auoit mis, sus, vne audience publique, ou il escoutoit tout le monde, par especial les pauures : & si faisoit de bônes expéditions, & l'y vey, huit iours auant son trespas, deux bonnes heures : & onques puis ne le vey. Il ne se faisoit pas grandes expéditions à ceste audience : mais, au moins, estoit ce tenir les gens en crainte, & par especial ses Officiers : dont aucuns auoit suspendus par pillerie.

1498.

Estant le Roy en ceste grand' gloire, quant au monde, & en bon vouloir, quât à Dieu, le septième iour d'April, l'an mil quatre cēs quatre vingts dix-huict, veille de Pasques Flories, il partit de la chambre de la Roÿne Anne de Bretagne, sa femme, & la mena avec luy, pour voir iouer à la paulme ceulx qui iouoyent aux fossez du chasteau : ou il ne l'auoit iamais menee que ceste fois : & entrèrent ensemble en vne galerie, qu'on appelloit la galerie Haquelebac, par ce que cestuy-Haquelebac l'auoit eue autrefois en garde : & estoit le plus de honneste lieu de leans : car tout le monde y pissoit, & estoit rôpue à l'entree : & s'y heurta le Roy, du front, contre l'huis, combien qu'il fust bica petit : & puis regarda long temps les ioueurs, & deuïsoit à tout le monde. Je n'estoye point present : mais son dict cōfesseur, l'Euesque d'Angers, & ses prochains Chambelans, le m'ont compté : car i'en estoye party huit iours auât, & estoye allé à ma maison. La dernière parole, qu'il prononça iamais en deuïfant,

uisant, en santé, c'estoit qu'il dist qu'il auoit esperance de ne faire iamais péché mortel, ne veniel, s'il pouuoit: & en disant ceste parole, il cheut à l'éuers, & perdit la parole (il ne pouuoit estre deux heures apres midy) & demoura là iusques à onze heures de nuit. Trois fois luy reuint la parole: mais peu luy dura, comme me compta ledict Confesseur: qui deux fois ceste sepmaine l'auoit confessé. L'une à cause de ceulx qui venoyent vers luy pour le mal des escrouelles. Toute personne entroit en ladicte galerie, qui vouloit, & le trouuoit on couché sus vne pauvre paillasse, dont iamais il ne partit, iusques à ce qu'il eut rendu l'ame: & y fut neuf heures. Ledit Confesseur, qui tousiours y fut, me dist q, lors que la parole luy reuint, à toutes les trois fois il disoit, Mon Dieu, & la glorieuse vierge Marie, monseigneur S. Claude & mōseigneur S. Blaise, me loyent en ayde: & ainsi departit de ce monde si puissant & si grād Roy, & en si miserable lieu: qui tāt auoit de belles maisons, & en faisoit vne si belle, & si ne sceut à ce besoing finer d'une pauvre chābre. Combien donc se peut, par ces deux exemples cy dessus couchez, congnoistre la puissance de Dieu estre grande, & que c'est peu de chose que de nostre miserable vie: qui tant nous donne de peine pour les choses du mode: & que les Roys n'y peuuent resister, non plus que les laboureurs.

Treſpas du  
Roy Charles  
huitiesme.

*Comment le Saint homme, Frere Hieronymus, fut bruslé à Florence, par enuie qu'on eut sur luy, tant du costé du Pape, que de plusieurs autres Florentins & Venitiens.*

Chap.

19.

**A**y dit, en quelque endroit de ceste matiere d'Italie, comme il y auoit vn Frere prescheur, ou Iacobin, ayāt demouré à Florence, par l'espace de quinze ans, renommé de fort sainte vie (lequel ie vey & parlay à luy, en l'an mil quatre cēs quatrevingts & quinze) appelé frere Hieronymus: qui a dit beaucoup de choses auant qu'elles fussent aduenues, comme i'ay dit cy dessus: & tousiours auoit soustenu que le Roy passeroit les monts: & le prescha publiquement, disant l'auoir par reuelation de Dieu, tant cela qu'autres choses dont il parloit: & disoit que le Roy estoit esleu de Dieu, pour reformer l'Eglise par force, & chastier les Tyrās: & à cause de ce qu'il disoit sçauoir les choses par reuelation, murmuroyent plusieurs contre luy: & acquist la haine du Pape, & de plusieurs de la ville de Florence. Sa vie estoit la plus belle du monde, ainsi qu'il se pouuoit voir, & ses sermōs, preschant cōtre les vices: & a reduit en icelle cité maintes gens à bien viure, comme i'ay dit. En ce temps, mil quatre cens quatre vingts dixhuiēt, que le Roy Charles est trespasé & finy, aussi feit frere Hieronymus, à quatre ou cinq iours l'un de l'autre: & vous diray pourquoy ie fay ce cōpte. Il a tousiours presché publiquemēt que le Roy retourneroit de rechef en Italie, pour accomplir ceste commission, que Dieu luy auoit donnee: qui estoit de reformer l'Eglise à l'espee, & de chacer les Tyrans d'Italie, & que, au cas qu'il ne le feist, Dieu le puniroit cruellement: & tous ses sermons premiers, & ceulx de present, il les a fait imprimer & se vendent. Ceste menace, qu'il faisoit au Roy, de dire que Dieu le puniroit cruellement, s'il ne retournoit, luy a plusieurs fois escripte ledict Hieronymus, peu de temps auant son trespas: & ainsi

## HVICTIEME LIVRE DES MEMOIRES

Le me dist de bouche lediēt Hieronyme, quand ie parlay à luy (qui fut au retour d'Italie) en me disant que la sentēce estoit donnee cōtre le Roy, au ciel, au cas qu'il n'accomplist ce que Dieu luy auoit ordonné, & qu'il ne gardast ses gens de piller. Or enuiron lediēt trespas du Roy, estoient Florentins en grand different en la cité. Les vns attendoyent encores la venue du Roy, & la desiroyent sur l'esperance que lediēt frere Hieronyme leur donnoit, & se conformoyent, & deuenoyēt pauures à merueilles, à cause de la despense qu'ilz soustenoyent, pour cuider recouurer Pise, & les autres places qu'ilz auoyent baillees au Roy: dont les Venitiens tenoyent Pise. Plusieurs de la cité vouloyent que l'on print le party de la Ligue, & qu'on abandonnast de tous poinctz le Roy, disans que ce n'estoyent qu'abusions & folies de s'y attēdre, & q̄ lediēt frere Hieronyme n'estoit qu'un heretique & vn paillard, & qu'on le deuoit ietter en vn sac en la riuere: mais il estoit tant soustenu en la ville, qu'on ne l'osoit faire. Le Pape & le Duc de Milan escriuoyent souuent contre lediēt frere, assurant lesdictz Florentins de leur faire rendre la cité de Pise, & autres places, en delaisant l'amitié du Roy, & qu'ilz prissent lediēt frere Hieronyme, & qu'ilz en feissent punition: & par cas d'aduenture, se feit à l'heure vne Seigneurie en Florence, ou il y auoit beaucoup de ses ennemis: car ladiēte Seigneurie se change & se mue de deux moys en deux moys: & se tronua vn Cordelier forgé, qui de luy mesme print debat audict frere Hieronyme, l'appelāt heretique & abuseur de peuple, de dire qu'il eust reuelation, ne chose semblable: & l'offrit de le prouuer iusques au feu: & estoient ces paroles deuāt ladiēte Seigneurie. Lediēt frere Hieronyme ne se voulut point presenter au feu: mais vn sien compaignon dist qu'il s'y mettroit pour luy, contre lediēt Cordelier: & alors vn cōpaignon dudiēt Cordelier se presenta de l'autre costé: & fut prins iour qu'ilz deuoyent entrer dedans le feu: & tous deux se presenterent, accompagnez de leurs religieux, au iour nommé: mais le Iacobin apporta le corpus domini en sa main: & les Cordeliers, & aussi la Seigneurie vouloyent qu'il l'ostast, ce qu'il ne voulut point faire. Ainsi s'en retournerent à leur conuent: & le peuple, esmeu par les ennemis dudiēt frere, par commission de ceste Seigneurie, l'allerent prendre audict conuent, luy troisiēme, & d'entree le geinuerent à merueilles. Le peuple rua le principal homme de la ville, amy dudiēt frere, appelé Francisque Vallori. Le Pape luy enuoya pouuoir & commissiō pour faire le proces. En fin de compte ilz les bruslerent tous trois. Les charges n'estoyent sinon qu'il mettoit discord en la ville, & que ce, qu'il disoit de prophetie, il le sçauoit par ses amis qui estoient du cōseil. Je ne les veulx point accuser ny excuser: car ie ne sçay s'ilz ont fait biē ou mal de l'auoir fait mourir: mais il a dit maintes choses vrayes, que ceulx de Florence n'eussent sceu luy auoir dictes: mais touchant le Roy, & des maulx qu'il dist luy deuoir aduenir, luy est aduenu ce que vous voyez: qui sceut premier la mort de son filz, puis la sienne: & ay veu des lettres qu'il escriuoit audict Seigneur.



*Des obseques & funeraulles du Roy Charles huiétième: & du couronnement du Roy Louis, douzième de ce nom, son successeur: avec les genealogies des Roys de France, iusques à iceluy.*

*Chap. 20.*



Le mal du Roy fut vn caterre ou apoplexie: & esperoyent les Medecins qu'il luy descédroit sur vn bras & qu'il en seroit perclus, mais qu'il n'en mourroit point: toutesfois il aduint autrement. Il auoit quatre bons Medecins: mais il n'adioustoit foy qu'au plus fol, & à celuy là donnoit l'autorité, tant que les autres n'osoyét parler: qui voulontiers l'eussent purgé quatre iours auant: car ilz y voyoyent les occasions de mort: qui fut & aduint. Tout homme couroit vêts le Duc d'Orléans, à qui aduenoit la couronne, comme le plus prochain: mais les Chambelans dudit Roy Charles le feitent en sepuelir fort richemét: & sus l'heure, on commença le seruice pour luy, qui duroit iout & nuict: car, quand les Chanoines auoyent acheué, les Cordeliers commençoient: & quand ilz auoyét finy, les Bons-hommes, qu'il auoit fondez. Il demoura huiét iours à Amboise, tant en vne grand' chambre bien tendue, qu'en l'Eglise: & toutes autres choses y furent faictes plus richement qu'elles ne furent iamais à Roy: & ne bougerent d'aupres du corps tous ses Chambelans, & ses prochains, & tous ses Officiers: & dura ce seruice, & ceste compaignie, iusques à ce qu'il fut mis en terre: qui dura bien l'espace d'un moys: & cousta quarante cinq mille Francs, comme me disent les gens des Finances. Parriuay à Amboise, deux iours apres son trespas: & allay dire mon oraison, là ou estoit le corps: & y fu cinq ou six heures: & à la verité, on ne veit iamais semblable dueil, ne qui tant durast. Aussi ses prochains, comme Chambelans, & dix ou douze Gentilz-hommes, qui estoient de sa châtre, estoient mieulx traictez & auoyent plus grans estatz, & dons, que iamais Roy ne donna: & trop. D'auantage la plus humaine & douce parole d'homme que iamais fut, estoit la siéne: car ie croy que iamais à homme ne dist chose qui luy deust desplaire: & à meilleure heure ne pouuoit il iamais mourir, pour demourer en grand' renommee par Histoires, & en regret de ceulx qui l'ont seruy: & croy que i'ay esté l'homme du monde, à qui il a fait plus de rudesse: mais, congnoissant que ce fut en sa ieunesse, & qu'il ne venoit point de luy, ne luy en sceu iamais mauuais gré.

Quand i'eü couché vne nuit à Amboise, i'allay deuers ce Roy nouveau: de qui i'auoye esté aussi priué que nulle autre personne: & pour luy auoye esté en tous mes troubles & pertes: toutesfois pour l'heure ne luy en soutint point fort: mais sagement se mit en possession du royaume: car il ne mua rien des pésons, pour celle annee: qui auoit encores six moys à durer. Il osta peu d'officiers: & dist qu'il vouloit tenir tout homme en son entier & estar: & tout cela luy fut bien seant: & le plus tost qu'il peut, il alla à son couronnement là ou ie fu: & pour les Pers de France, s'y trouuerent ceulx qui s'ensuyuent. Le premier fut le Duc d'Alençon: qui seruoit pour le Duc de Bourgogne: le deuxième, monseigneur de Bourbon: qui seruoit pour le Duc de Normandie. Le troisième fut le Duc de Lorraine: qui seruoit pour le Duc de Guyenne. Le premier Comte, Philippe, monsieur, de Rauastain: qui seruoit pour le Comte de Flandres: le deuxième, Engilbert, monsieur, de Cleues: qui

seruoit pour le Comte de Champagne . Le troisiéme, mōseigneur de Foix; qui seruoit pour le Comte de Thoulouze : & fut lediēt couronnement, à Reims, du Roy Louis douziéme , de present regnant, le vingtseptiéme iour de May, l'an mil quatre cēs quatre vingtz & dixhuiēt : \* & est le quatrième en ligne collateralle . Les deux premiers ont esté Charles Martel , ou Pepin son filz, & Hue Cappel, tous deux Maistres du Palais, ou Gouuerneurs des Roys: qui vsurperēt le royaume sur lesdiēt Roys, & le prindrent pour eulx. Le tiers fut le Roy Philippe de Valoys : & le quart le Roy de present. A ces deux derniers venoit le royaume iustement & loyaumēt. La premiere generation des Roys de France, est à prendre à Meronce . Deux Roys y auoit eu en France auant lediēt Meronce: c'est à sçauoir Pharamōd (qui fut le premier esleu Roy de France: car les autres auoyent esté appelez Ducz, ou Roys de Gaille) & vn siē filz, appelé Claudio. Lediēt Pharamōd fut esleu Roy, l'an cccc. & \* vingt, & regna dix ans. Son filz Claudio en regna dixhuiēt. Ainsi regnerēt ces deux Roys vingt huit ans: & Meronce , qui vint apres, n'estoit point filz dudiēt Claudio, mais son parent: parquoy sembleroit qu'il y eust eu cinq foys mutation en ces lignes royales : toutesfois, comme i'ay dit, on prend la premiere generation à cōmencer à Meronce : qui fut faiēt Roy en l'an quatre cēs quarante huit : & là commença ceste premiere ligne : & y a eu au Sacre du Roy Louis douziéme, mil cinquante ans que commença la generation desdiēt Roys de France: & , qui le vouldra prendre à Pharamond, il y en auroit vingt & huit d'auantage , qui seroit mil septante & huit ans , que premier y a eu Roy, appelé Roy de Frâce. Depuis Meronce iusques à Pepin, y eut trois cens trente trois ans, qu'auoit duré ladiēte ligne de Meronce. Depuis Pepin iusques à Hue Cappel, y a deux cens trēte sept ans, qu'a duré ladiēte vraye ligne de Pepin , & de Charlemaigne son filz . Celle de Hue Cappel a duré en vraye ligne, trois cens trente neuf ans, & faillit au Roy Philippe de Valoys: & celle dudiēt Roy Philippe de Valoys a duré, en vraye ligne, iusques au trespas du Roy Charles huiētiéme. qui fut l'an mil quatre cens quatre vingtz dixhuiēt. & cestuy là a esté le dernier de ceste ligne : qui a duré cent soixante neuf ans: & y ont regné sept Roys : c'est à sçauoir Philippe de Valoys, le Roy Iehan, le Roy Charles cinquiéme, le Roy Charles sixiéme, le Roy Charles septiéme, le Roy Louis, onziéme, & le Roy Charles huiētiéme, fin de la ligne droiēte de Philippe de Valoys.

\* Je pense que tout le reste n'est point de l'Antheur. Mais, de qui que ce soit, ie luy laisse auoir son opinion, pourueu qu'il ne se contredise point.

\* Entendez le calcul de ces ans, autrement foys au mesme an de la mort des Roys, & autres foys à l'an d'apres.

# Table, ou recueil, des Chapitres de chascun LIVRE DV PRECEDENT VOLVME.

## Du premier liure.

- De l'occasion des guerres, qui furent entre Louis onzième, & le Comte de Charoloys, depuis Duc de Bourgogne. chapitre premier, feuillet premier, page seconde.
- Comment le Comte de Charoloys, avec plusieurs gros Seigneurs de Frâce, dressa une armee contre le Roy Louis onzième, sous couleur du bien public. chap. 2. f.ueil.ii.p.ij.
- Comment le Comte de Charoloys vint planter son camp pres de Montlhery: & de la bataille qui fut faicte audict lieu, entre le Roy de France & luy. chap. 3. f.ueil.iii.p.ij.
- Du danger, auquel fut le Comte de Charoloy: & comment il fut secouru. chap. 4. f. vi. p. ii.
- Comment le Duc de Berry, frere du Roy, & le Duc de Bretagne se vindrent ioindre avec le Comte de Charoloys, contre iceluy Roy. chap. 5. f.ueil.viii.p.ii.
- Comment le Comte de Charoloys & ses alliez, avec leur armee, passerent la riuere de Seine, sur vn pont portatif: & comment le Duc leban de Calabre se ioinit avec eulx: puis se logerent à l'entour de Paris. chap. 6. f.ueil.x.p.i.
- Digression sur les estats, offices, & ambitions, par l'exēple des Angloys. chap. 7. f. xi. p. ii.
- Comment le Roy Louis entra dedans Paris, pendant que les Seigneurs de France y dressoyent leurs pratiques. chap. 8. f. xii. p. i.
- Comment l'artillerie du Comte de Charoloys & celle du Roy tirerent l'une contre l'autre pres Charenton: & comment le Comte de Charoloys feit faire de rechef vn pont sur ba steaux en la riuere de Seine. chap. 9. f. xiii. p. i.
- Digression sur quelques vices & vertus du Roy Louis onzième. chap. 10. f. xiii. p. ij.
- Comment les Bourguignons, estans pres Paris, attendans la bataille, cuyderent de charadons, qu'ilz veirent, que ce fussent lances de bout. chap. 11. f. xv. p. ij.
- Comment le Roy & le Comte de Charoloys parlerent ensemble, pour cuyder moyenner la paix. chap. 12. f. xvi. p. i.
- Comment la ville de Rouen fut mise entre les mains du Duc de Bourbon, pour le Duc de Berry, par quelques menees: & comment le traicté de Conflans fut de tous points conclu. chap. 3. f. xvii. p. ii.
- Du traicté de paix cōclu entre le Roy & le Côte de Charolois & ses alliez. c. 14. f. xviii. p. ii.
- Comment, par la diuision des Ducs de Bretagne & de Normandie, le Roy reprint en ses mains ce qu'il auoit baillé à son frere. chap. 15. f. xix. p. i.
- Comment le nouveau Duc de Normandie se retira en Bretagne, fort pouure & desolē de ce qu'il estoit frustré de son intention. chap. 16. f. xix. p. i.

## Du second liure.

- Des guerres, qui furent entre les Bourguignons & les Liegeois: & comme la villa de Dinand fut prise, pullee, & rassee. chap. 1. f. xx. p. ii.
- Comment les Liegeois rompirent la paix au Duc de Bourgogne, par auant Comte de Charoloys: & comment illes deffist en bataille. chap. 2. f. xxi. p. ii.
- Comment apres qu'aucuns des Liegeois eurent composé de rendre leur ville, & les autres refusē de ce faire, le Seigneur d'Humbercourt trouua moyen d'y entrer pour le Duc de Bourgogne. chap. 3. f. xxiii. p. i.

# T A B L E.

Comment le Duc de Bourgongne feit son entree en la ville du Liege: & comment ceulx de Gād, qui parauās l'auoyent assez mal receu, s'humilierēt enuers luy. chap. 4.	f. xxv. p. ii.
Comment le Roy, voyant ce qui estoit aduenū aux Liegeois, feit quelque peu de guerre en Bretagne: & comment ilz se veirent, & parlerent ensemble eulx deux à Peronne. chap. 5.	f. xxvi. p. ii.
Digression sur l'auantage que les lettres, & principalement en Histiores, font aux Princes & grans Seigneurs. chap. 6.	f. xxviii. p. i.
Comment, & pourquoy, le Roy Louis fut arresté, & enfermé dedās le chasteau de Peronne, par le Duc de Bourgongne. chap. 7.	f. xxviii. p. ii.
Digression sur ce que, quand deux grans Princes s'entrevoient, pour cuidoier appaiser differens, telle veue est plus dommageable que profitable. chap. 8.	f. xxx. p. ii.
Comment le Roy renonça à l'alliance des Liegeois, pour sortir hors du chasteau de Peronne. chap. 9.	f. xxx. p. ii.
Comment le Roy accōpaigna le Duc de Bourgongne, faisant la guerre aux Liegeois, par auant ses allies. chap. 10.	f. xxxi. p. ii.
Cōment le Roy arriua en personne deuant la cité du Liege, avec le Duc de Bourgongne. chapitre. 11.	f. xxxii. p. ii.
Cōment les Liegeois firent vne merueilleuse saillie sur les gens du Duc de Bourgongne, lā ou luy & le Roy furent en grand danger. chap. 12.	f. xxxiii. p. ii.
Cōment la cité du Liege fut assaillie, prinse, & pillée, & les eglises ausi. c. 13.	f. xxxiiii. p. ii.
Cōment le Roy Louis s'en retourna en France, du cōsentement du Duc de Bourgogne: & cōmēt ce Duc acheua de traicter les Liegeois, & ceulx de Frāchemont. cha. 14.	f. xxxv. p. ii.
Comment le Roy feit tant, par subtilz moyens, que monsieur Charles, son frere, se contenta de la Duchē de Guienne, pour Brie & Champaigne, contre l'entente du Duc de Bourgogne. chap. 15.	f. xxxvi. p. ii.

## Du troisiēme liure.

Cōment le Roy print nouuelle occasion de faire guerre au Duc de Bourgogne: & cōmēt il l'enuoya adourner iusques dedās Gand, p vn Huisier de Parlemēt. ch. 1.	f. xxxvii. p. ii.
Cōment la ville de Saint-Quentin, & celle d'Amyens, fut rendue entre les mains du Roy: & pour quelles causes le Connestable, & autres, entretenoyent la guerre entre le Roy & le Duc de Bourgogne. chap. 2.	f. xxxviii. p. ii.
Comment le Duc de Bourgogne gaigna Piquigny, & apres trouua moyen d'auoir treue au Roy pour vn an, au grand regret du Connestable. chap. 3.	f. xxxix. p. ii.
Des guerres qui furent entre les Princes d'Angleterre, pēdant les differēs du Roy Louis & de Charles de Bourgogne. chap. 4.	f. xli. p. ii.
Comment le Roy Louis aidā sibiē le Comte de Vuaruic, qu'il chacea le Roy Edouard hors d'Angleterre, au grand desplayr du Duc de Bourgogne, qui le receut en ses pais. chap. 5.	f. xli. p. ii.
Cōmēt le Côte de Vuaruic tira hors de prison le Roy Hēry d'Angleterre. chap. 6.	f. xli. p. i.
Comment le Roy Edouard retourna en Angleterre, ou il deffist en bataille le Comte de Vuaruic, & le Prince de Galles apres. chap. 7.	f. xliiii. p. i.
Cōment guerre se renouuela entre le Roy Louis & le Duc Charles de Bourgogne, à la sollicitation des Ducs de Guienne & de Bretagne. chap. 8.	f. xlv. p. i.
Comment la paix finale, qui se traictoit entre le Roy & le Duc de Bourgogne, fut rōpée,	

- au moyen de la mort du Duc de Guienne: & cōment ces deux grans Princes taschoyent à se tromper l'un l'autre. chap. 9. f. xlix. p. i.
- Comment le Duc de Bourgongne, voyant qu'il ne pouoit se saisir de Beauuais, deuant laquelle il auoit planté son camp, s'en alla deuant Rouen. chap. 10. f. li. p. i.
- Comment le Roy feit appointee nient avec le Duc de Bretagne, & treues avec le Duc de Bourgongne: & comment le Comte de Saint-Paul eschapa pour lors vne machinariō faicte contre luy par ces deux grans Princes. chap. 11. f. lii. p. i.
- Digression fort bien appropriée en ce lieu, sur la sagesse du Roy & du Connestable, avec bons auertissemens pour ceux, qui sont en autorité enuers leurs Princes. cha. 12. f. liiii. p. i.

## Du quatrième liure.

- Comment le Duc de Bourgogne, s'estant saisi de la Duché de Gueldres, eut enuie d'entreprendre plus oultre sur les Alemaignes: & cōment il mit le siege deuant la ville de Nuz. chap. 1. f. lv. p. i.
- Cōment ceux de la ville de Nuz furent secourus par les Alemans, & par l'Empereur, contre le Duc de Bourgongne: & des autres ennemis que Roy luy suscita. cha. 2. f. lvi. p. ij.
- Comment le Roy print le chasteau du Tronquoy, les villes de Mondidier, Roze, & Corbie, sur le Duc de Bourgongne: & comment il voulut induire l'Empereur Federic à se saisir des terres que ledict Duc tenoit de l'Empire. chap. 3. f. lviii. p. i.
- Comment le Connestable commença à rentrer en substitution, tant du costé du Roy, que du Duc de Bourgongne. chap. 4. f. lix. p. i.
- Comment le Roy d'Angleterre vint pardeca, avec grosse puissance, pour secourir le Duc de Bourgongne contre le Roy. chap. 5. f. lx. p. i.
- De la peine, en laquelle estoit le Connestable: & comment il enuoya lettres de creance au Roy d'Angleterre & au Duc de Bourgongne, qui apres furent cause de sa mort. chapitre. 6. f. lxi. p. ij.
- Comment le Roy feit vestir vn simple seruireur d'une cotte d'armes, avec vn esmail, & l'enuoya parler au Roy d'Angleterre en son oïst, ou il eut tresbonne responce. chapitre 7. f. lxii. p. i.
- Comment tréue de neuf ans fut traictee entre le Roy de France & le Roy d'Angleterre, nonobstant les empeschemens du Connestable & du Duc de Bourgongne. chap. 8. f. lxiii. p. i.
- Comment le Roy fit festoyer les Anglois dedans Amyens: & comment place fut assignee pour la veue des deux Roys. chap. 9. f. lxiiii. p. ii.
- Comment les deux Roys se treuuerent, & burent la tréue par auant traictee: & comment aucuns estimerent que le Saint-Esprit descendit sur la tente du Roy d'Angleterre, en espee de pigeon blanc. chap. 10. f. lxvi. p. i.
- Comment le Connestable taschoit de s'excuser enuers le Roy, apres la tréue faicte à l'Anglois: & comment fut ausi faicte tréue de neuf ans entre le Roy Louis & le Duc de Bourgongne. chap. 11. f. lxviii. p. i.
- Comment la mort du Connestable fut de tous points iurée entre le Roy & le Duc de Bourgongne: & comment s'estant retiré au pais du Duc, fut, par le commandement d'iceuluy, liuré au Roy: qui le fit mourir par iustice. chap. 12. f. lxx. p. i.
- Digression sur la faute que feit le Duc de Bourgongne, liurant le Connestable au Roy, con

# T A B L E.

tre sa seurreté: & ce qui luy en peult estre auenu. chap. 13.

f. lxxi. p. i.

## Du cinquième liure.

Comment le Duc de Bourgongne faisant la guerre aux Suisses, fut chacé par eux, à l'entree des montaignes, pres Granfon. chap. 1.

f. lxxii. p. ii.

Cōment, apres la chace de Granfon, le Duc de Milan, le Roy René de Cecile, la Duchesse de Sauoye, & autres, abandonnerent l'alliance du Duc de Bourgongne. chapitre 2.

f. lxxiii. p. i.

Comment les Suisses deffeirent en bataille le Duc de Bourgongne, pres la ville de Morat. chap. 3.

f. lxxv. p. ii.

Comment, apres la bataille de Morat, le Duc de Bourgongne se saisit de la personne de Madame de Sauoye: & comment elle en fut deliuree, & renuoyee en son pais par le moyen du Roy. chap. 4.

f. lxxvi. p. ii.

Comment le Duc de Bourgongne se tint quelques sepmaines comme solitaire: & comment ce pendant le Duc de Lorraine recoura sa ville de Nancy. chap. 5.

f. lxxvii. p. ii.

Des grandes trahisons du Comte de Campobache: & comment il empescha le Duc de Bourgongne d'ouir vn Gentil-homme qui les luy vouloit reueler, deuant qu'estre pendu: & ne tint compte ausi de l'auertissement que luy en donna le Roy. chapitre 6.

f. lxxix. p. i.

Comment le Duc de Lorraine, accōpaigné de bon nombre d'Alemans, vint loger à Saint-Nicolas, pendant le siege de Nancy: & cōment le Roy de Portugal, qui estoit en France, alla voir le Duc Bourgongne, durant ce siege. chap. 7.

f. lxxx. p. ii.

Comment le Duc de Bourgongne, n'ayant voulu suyure le bon conseil de plusieurs de ses gēs, fut desconfit, & tué en la bataille, que luy liura le Duc de Lorraine, pres Nancy. ch. 8.

f. lxxxii. p. ii.

Digression sur quelques bōnes moeurs du Duc de Bourgongne, & sur le temps que sa maison dura en prosperité. chap. 9.

f. lxxxiii. p. i.

Comment le Roy fut auerty de la derniere deffaicte du Duc de Bourgongne: & cōment il en dūst ses affaires, apres la mort d'iceluy. chap. 10.

f. lxxxiii. p. i.

Comment le Roy, apres la mort du Duc de Bourgongne, se saisit d'Abbeuille: & de la response que luy feirent ceux d'Arras. chap. 11.

f. lxxxiii. p. i.

Discours, aucunement hors du propos principal, sur la ioye du Roy, se voyant deliuré de plusieurs ennemis: & de la fante qu'il feist en la reduction des pais du Duc de Bourgongne. chap. 12.

f. lxxxv. p. i.

Comment Han, Bohain, Saint-Quentin, & Peronne, furent liurez au Roy: & comment il enuoya maistre Oliuier, son Barbier, pour cuidoier pratiquer ceux de Gād. ch. 13.

f. lxxxv. p. ii.

Cōment maistre Oliuier, Barbier du Roy, n'ayant pas bien fait son profit de ceux de la ville de Gand, trouua moyen de mettre les Gens-d'armes du Roy dedans Tournay. chap. 14.

f. lxxxvii. p. i.

Des Ambassadeurs, que la Damoiselle de Bourgongne, fille du feu Duc Charles, enuoya au Roy: & comment, par le moyen de monsieur des Cordes, la cité d'Arras, & les villes de Hesdin & Boulongne, & la ville d'Arras mesme, furent mises en l'obeissance du Roy. chap. 15.

f. lxxxviii. p. i.

# TABLE.

- Comment les Gandoys, qui auoyent vsurpé autorité par dessus leur Princeſſe, quand ſon pere fut mort, vindrent en Ambassade vers le Roy, comme de par les trois Eſtats de leur pais. chap. 16. f.lxxxix.p.ij.
- Comment ceux de Gand, apres le retour de leurs Ambassadeurs, firent mourir le Chancelier Hugonet, & le Seigneur d'Himbercourt, contre le vouloir de leur Princeſſe: & comment eux, & autres Flamens, furent deſconfits deuant Tournay, & le Duc de Gueldres, leur cheſtue. chap. 17. f.xc.p.i.
- Discours ſur ce que les guerres & diuiſions ſont permises de Dieu, pour le chaſtiement & des Princes, & du peuple mauuais: avecques pluſieurs bonnes raiſons & exemples, auenues du temps de l'Auteur, pour l'endoctrinement des Princes. chapitre 18. f.cxi.p.ii.

## Du ſixième liure.

- Comment la Duché de Bourgonne fut miſe entre les mains du Roy. chap. 1. f.xcviii.p.ii.
- Comment le Roy entretenoit les Anglois, apres la mort de Charles, Duc de Bourgonne, à fin qu'ils ne l'empeschassent en la conqueſte des pais dudit Duc. chapitre 2. f.xcix.p.i.
- Comment le mariage de Madamoiselle de Bourgonne fut conclu & accompli avec Maximilian, Duc d'Autriche, & depuis Empereur. chap. 3. f.c.p.ii.
- Comment le Roy Louis, par la conduicte de Charles d'Amboiſe, ſon Lieutenant, regaigna pluſieurs villes de Bourgonne, que le Prince d'Orenge auoit reuoltées cõtre le Roy. chap. 4. f.ciii.p.i.
- Comment le Seigneur d'Argenton, durant les guerres de la conqueſte de Bourgonne, fut enuoyé à Florence & comment il reçut l'hommage de la Duché de Genes du Duc de Milan, au nom du Roy. chap. 5. f.ciiii.p.ii.
- Du retour de monsieur d'Argenton d'Italie en France: & de la iournee de Guinegare. chapitre 6. f.cv.p.ii.
- Comment le Roy Louis, par vne maladie, perdit aucunement le ſens & la parole, guerriſſant & rencheant par diuerſes fois: & comme il ſe maintenoit en ſon chasteau du Pleſſis, lez Tours. chap. 7. f.cvi.p.ii.
- Comment le Roy ſeir venir à Tours vn nommé le Saint-homme de Calabre, penſant qu'il le deuiſt guerir: & des choſes eſtranges, que faiſoit ledit Roy, pour garder ſon autorité durant ſa maladie. chap. 8. f.cix.p.i.
- Comment le mariage de monsieur le Dauphin fut conclu avec Marguerite de Flandres, & elle amenée en France: dont le Roy Edouard d'Angleterre mourut de deſplaiſir. chap. 9. f.cx.p.i.
- Comment le Roy ſe maintenoit, tant enuers ſes voiſins qu'enuers ſes ſubieſts, durant ſa maladie: & comment on luy enuoyoit, de diuers lieux, diuerſes choſes pour ſa guerison. chapitre. 10. f.cxi.p.ii.
- Comment le Roy Louis onzième ſeir venir vers luy Charles, ſon ſils, peu auant ſa mort: & des commandemens & ordonnances qu'il ſeir, tant à luy qu'à autres. chapitre 11. f.cxii.p.i.
- Comparaiſon des maux & douleurs que ſouffrit le Roy Louis, à ceulx qu'il auoit ſeir ſouffrir à pluſieurs perſonnes: avec continuation de ce qu'il ſeir, & fut ſeir enuers luy,



iusques à sa mort. chap. 12.

f. cxii. p. ii.

Discours sur la misere de la vie des hommes, & principalement des Princes, par l'exemple de ceulx du temps de l'Auteur, & premierement du Roy Louis. chapitre. v. f. cxv. p. i.

• Du septième liure.

Comment le Duc René de Lorraine veint en France, demâder la Duché de Bar, & la Comté de Frouence, que le Roy Charles huitième tenoit : & comment il faillit à entrer au royaume de Naples, qu'il pretendoit sien, comme le Roy, & quel droit y auoyent iours deux. chap. 1. f. cxviii. p. ii.

Comment le Prince de Salerne vinten France : & comment Ludouic Sforce, surnommé le More, & luy, raichoyent à faire que le Roy menast guerre au Roy de Naples : & pour quelle cause. chap. 2. f. cxix. p. ii.

Comment le Roy Charles feit paix avec le Roy des Rommains, & l'Archeduc d'Autriche, leur renuoyant Madame Marguerite de Flandres, deuant que faire son voyage de Naples chap. 3. f. cxxi. p. i.

Comment le Roy enuoya deuers les Venitiens, pour les pratiquer, deuant qu'entreprendre son voyage de Naples : & des preparatifs, qui se firent pour iceluy. cha. 4. f. cxxi. p. ii.

Comment le Roy Charles partit de Vienne en Dauphiné, pour conquerir Naples, en personne : & de ce que feit son armee de mer, sous la conduicte de monsieur d'Orléans. ch. 5. f. cxxi. p. i.

Comment le Roy se resolut de passer oultre vers Naples, estant encor en Ast, à la poursuite de Ludouic Sforce : & comment mesire Philippe de Commines, fut enuoyé en Ambassade à Venise : & de la mort du Duc de Milan, apres laquelle Ludouic se feit Duc, au preiudice d'un fils d'iceluy Duc. chap. 6. f. cxxv. p. i.

Comment Pierre de Medicis meit quatre des principales forteresses des Florentins entre les mains du Roy : & comment le Roy meit Pise, qui en estoit l'une, en sa liberte. chap. 7. f. cxxvi. p. i.

Comment le Roy partit de la ville de Pise, pour aller à Florence : & de la suite & ruine de Pierre de Medicis. chap. 8. f. cxxviii. p. i.

Comment le Roy feit son entree à Florence : & par quelles autres villes il passa iusques à Romme. chap. 9. f. cxxviii. p. ii.

Comment le Roy enuoya le Cardinal Petri-ad-vincula dedans Hostie : & de ce que le Pape faisoit à Romme ce pendant : & comment le Roy y entra, malgré tous ses ennemis. chap. 10. f. cxxxix. p. ii.

Comment le Roy Alphonse feit couronner son fils Ferrand, & puis senfuit en Sicile : & de la mauuaise vie qu'auoit menee le vicil Ferrand, son pere, & luy aussi. chapitre. ii. f. cxxx. p. ii.

Comment, apres que le ieune Ferrand fut couronné Roy de Naples, alla assieoir son camp à Saint Germain, pour resister cõtre la venue du Roy : & de l'accord que le Roy Charles feit avec le Pape, estant encor à Romme. chap. 12. f. cxxxii. p. i.

Comment le Roy partit de Romme, pour aller à Naples : de ce qui aduint ce pendant en plusieurs contrées du dict royaume de Naples : & par quelles places il passa iusques à ladite ville de Naples. chap. 13. f. cxxxii. p. i.

## T A B L E.

Comment le Roy Charles fut couronné Roy de Naples: des fautes qu'il feit à l'entreenement d'un tel royaume: & cōment vne entreprise, qui se dressoit pour luy contre le Turc, fut descouuverte par les Venitiens. chap. 14. f.cxxxiii.p.i.  
 Digression, ou discours aucunemēt hors du propos principal, sur l'estat & gouuernement de la Seigneurie de Venise: & de ce qui y fut faict, durāt l'Ambassade du Seigneur d'Argenton. chap. 15. f.cxxxv.p.i.

### Du huiſtième liure.

De l'ordre & prouision, que le Roy meit au royaume de Naples, voulāz retourner en France. chap. 1. f.cxxxix.p.i.  
 Comment le Roy se partit de Naples, & repassa par Romme, dont le Pape s'enfuit à Oruiette: & des predications, dignes de memoire, de frere Hieronyme de Florence. chap. 2. feuil. cxi. p.i.  
 Commēt le Roy retint en ses mains la ville de Pise, & quelques autres places des Florēins, pendant que monsieur d'Orleans, d'un autre costé, entra dedans Nouarre en la Duché de Milan. chap. 3. f.cxli.p.i.  
 Comment le Roy Charles passa plusieurs dangereux pas de montaignes entre Pise & Serzane: & comment la ville de Pontreme fut bruslee par ses Alemans: & cōment le Duc d'Orleans se portoit à Nouarre ce temps pendant. chap. 4. f.cxlii.p.i.  
 Comment la grosse artillerie du Roy passa les monts Appennins, à l'aide des Alemans: du danger ou fut le Marechal de Gié avec son Auantgarde: & comment le Roy arriva à Fornoue. chap. 5. f.cxliii.p.ii.  
 De la iournee de Fornoue: de la fuite des ennemis de France: & comment le Comte de Pettillane, qui durāt ce iour rōpit la prison du Roy, feit tant qu'il les rallia. c. 6. f.cxliv.p.ii.  
 Cōment le Seigneur d'Argenton alla luy seul parler aux ennemis: & cōment le Roy paruenit sain & sauf, avec ses gēs, iusques en la ville d'Ast. chap. 7. f.cxlix.p.i.  
 Comment le Roy feit dresser vne armee de mer, pour cuidoier secourir les chasteaux de Naples: & comment il n'en peurent estre secourus. chap. 8. f.clj.p.3.  
 De la grande fumine & peine ou estoit le Duc d'Orleans à Nouarre, avec ses gens: & comment, apres plusieurs deliberaciōs, on entēdit à faire paix, pour sauuer les assiegez. chapitre. 9. f.cljii.p.i.  
 Cōment le Duc d'Orleans & sa cōpaignie furent deliurez, par appointemēt, de la dure calamité de Nouarre, ou ilz estoient assiegez: & de la descente des Suisses, pour secourir le Roy & monseigneur d'Orleans. chap. 10. f.clv.p.ij.  
 Comment la paix fut conclue entre le Roy & le Duc d'Orleans d'un costé, & les ennemis de l'autre: & des conditions & articles, qui furent cōtenues en ladictē paix. c. 11. f.clvi.p.ii.  
 Cōment le Roy rēuoia le Seigneur d'Argenton à Venise, pour les conditions de la paix: lesquelles refuserent: & des irasperies du Duc de Milan. chap. 12. f.clvii.p.i.  
 Comment le Roy estant retourné en Frāce, mit en oubly ceux qui estoient demorez à Naples: & comment monseigneur le Dauphin mourut: dont le Roy & la Roynie menerent grand dueil. chap. 13. f.clux.p.i.  
 Cōmēt les nouuelles de la perte du chasteau de Naples vindrēt au Roy: de la vēditō des places des Florēins à diuerses gens: du traitté d'Aiello en la Pouille, au grād dommage des Francois: & de la mort du Roy Ferrand de Naples. chap. 14. f.clx.p.i.  
 Comment quelques pratiques menees en faueur du Roy par aucuns Seigneurs d'Italie, tant

## TABLE.

pour Naples, que pour dechacer le Duc Milan, furent rompues, par suite d'y enuoyer:  
 Et comment vne autre entreprinse, contre Gennes, ne peut aussi venir à bon effect. chap. 15. f. clxij. p. i.

De quelques dissensions d'entre le Roy Charles Et Ferrand de Castille: Et des Ambassa-  
 deurs enuoyez de l'un à l'autre pour les appaiser. chap. 16. f. clxiii. p. ii.

Discours sur les fortunes qui aduindrent à la maison de Castille, au tēps du Seigneur d'Ar-  
 genron. chap. 17. f. clxv. p. ii.

Du Somptueux edifice, que le Roy Charles commença à bastir, peu auant sa mort: du bon  
 vouloir qu'il auoit de reformer l'Eglise, ses Fināces, sa Iustice, Et soymesme Et comment il  
 mourut soudainement, sur ce bon propos, en son chasteau d'Amboise. ch. 18. f. clxvii. p. i.

Comment le Saint-hôme, frere Hieronyme, fut bruslé à Floreçe, par enuie qu'on eut sur luy,  
 sâz du costé du Pape, que de plusieurs autres Florentins Et Venitiens. ch. 19. f. clxviij. p. i.

Des obseques Et funerailles du Roy Charles huietième, Et du couronnement du Roy Louis  
 douzième de ce nom, son successeur, avec les genealogies des Roys de France, iusques à ice-  
 luy. chap. 2. f. clxix. p. i.

L'Imprimeur aux Lecteurs.

Messieurs, pour recompense des fautes que pourrions avoir faictes apres une copie a la main, & en l'absence de celuy qui nous a envoyez, nous vous donnons, a celle remède qui y peut trouver amende trop micke, en recongnoiss. & en amende, nous prir de nous excuser sur la cõune subscription des hommes qui compaign, en celant ce qu'aussi on justuon : d'õner occasion de nous atcher sur quelque particuliere obstination de persister de mal en pis. Pour controuver ce qu'il faudra corriger en text, comptez nous ce qui sera blanc, pour ligne, quand il n'y aroit qu'un mot ou motas : laissez le nombre de chascun fauclle la signature de l'Alphabet, & les lignes blanches. Quant au roff, comptez le nombre des annotations de chascune marge.

[illegible][illegible]

s'il y en a d'autres, comme excellente pour excellente, vous estes pour vous estes & leurs semblables, nous ne les  
avons voulu noter: à fin que ne sembloient nous deffier de la promptitude & sincérité de nos esprits à congnoistre ce qu'il  
faut en tels lieux. A Dieu.

IMPRIME A PARIS PAR RENE AVRIL,  
POVR GALIOT DV PRE, ET IEAN  
DE ROIGNY, LIBRAIRES IV-  
REZ DE L'VNIVERSITE.

---

1 5 5 2.

THE  
LIBRARY OF THE  
MUSEUM OF NATURAL HISTORY  
AND  
ZOOLOGY  
OF THE  
SMITHSONIAN INSTITUTION  
WASHINGTON, D. C.



